

FRANCISCI TURRETTINI

V. D. M. & S. Theologiæ Professoris

D E

SATISFACTIONE
CHRISTI

DISPUTATIONES.

Cum INDICIBUS necessariis.

Adjectæ sunt ejusdem due

DISPUTATIONES;

I. De Circulo Pontificio. II. De Concordia Jacobi &
Pauli in articulo Justificationis.



LUGD. BATAVOR.

FREDERICUM HARING.

Apud

TRAJECTI ad RHENUM,

ERNESTUM VOSKUYL. 1696.

Cum Privilegio.





LECTORI S.

SI quas hîc vides *Disputationes*, LECTOR Amice, eo consilio primùm conscriptæ fuissent, ut in volumen aliquod collectæ publici juris fierent, & iusti tractatus loco esse possent, major forte in eis *angustia*, majus certè ac diligentius paulo adhibitum fuisset studium, ut opus accuratius, exculciusque prodiret. Sed cùm nihil minus in animo haberem quàm ab initio de illis parandis cogitavi; Et id tantùm apud me statuerem, ut studiosæ Juventuti Nobis commissæ informandæ, & exercendæ pro more in Academiis vulgo recepto inservirent; Mirum tibi haudquaquam videri debet, si non pauca in iis jure desideres; Plura forte & ipse requiro, quæ nisi vis major obstitisset ab omni editione procuranda deterrere me debuerant: Et sanè cùm in immensa illa qua ferme obruitur Orbis literatus hodie Scriptorum copia, tam rari occurrant Libri qui usquequaque Lectoribus placeant, tot contra reperiantur qui tristitia experiuntur fata, sive quòd novitatis lenocinio quo plerique allici solent destituantur, sive quòd per summum

* 2

quod

quod ubique ferme obtinet scribendi cacoëthes cruda & indigesta à variis in publicum propellantur studia, & ea promantur quæ vel penitus premenda fuerant, vel nonum certe aut decimum in annum condenda; Quis tenuitatis suæ sibi conscius satius non iudicet latere, & serio expendere quid valeant humeri, quid ferre recusent, quàm in medium temere prodire, & Lectori negotium faceßere? Ego certè hac potissimum ratione ab ista scriptione, ut ab omni alia alienum me hætenus fuisse libens profiteor, quod non ignorant qui me norunt. Accedebat & altera, quòd cùm perspectum esset, quamplures Viros Celeberrimos & Veteranos Theologos hoc argumentum ita solidè pertractasse, ut post eorum messem vix ulli spicilegio locus esse possit; Non ita mihi suffenus esse potui, ut arbitrarer ex Opere hoc tumultuario, & Velitationibus istis Academicis, quæ nec excultæ ingenio, nec elaboratæ sunt industria, multùm utilitatis & fructus ad Ecclesiam redire posse; Verùm cùm a variis non planè improbatos fuisse hosce nostros conatus intelligerem; Nec amplius mei juris essent quæ jam in publicum emissæ erant; effecerunt amicorum & eorum qui apud me plurimum possunt hortationes & desideria, ut primum hunc ingenii fœtum, & hoc quicquid est operis petenti Typographo quamvis ægrè permitterem.

Non est porro quod quæras cur hoc argumentum
 potius

potius quàm quodlibet aliud selectum fuerit; Præterquam quod enim non sponte à me susceptum, sed à piis studiosis ad συζήτησιν propositum; si rem ipsam expendis, facilè mecum fateberis nullum aliud in tota Theologia nostra momentosius esse, & cujus cognitio fidelibus magis sit necessaria; Nullum sanè quod majori impetu Satan hostis ille ἄσπονδος salutis nostræ evertere semper sit conatus: novissimisque imprimis hisce temporibus per pestilentissimos hæreticos, qui ut Religionem Christianam pessundarent, duo primaria ejus fundamenta *Divinitatem* Domini nostri Jesu Christi, & ejus *Satisfactionem* convellere omni ope faterunt. Optandum equidem fuerat, ut hujusmodi monstra ab ipso ortu necarentur, nec tam infauti fœtus nanciscerentur qui obstetrices manus illis porrigerent; Sed cùm nimis latè venenum hoc serpere jam satis constet, & exitialia hæc scripta plurium manibus hodie terantur; Æquum etiam fuit alexipharmaca subinde parari, quibus Juniores adversus luem istam pestiferam præmunirentur, & animi piorum in veritate magis magisque confirmarentur. Hoc consilio Viri Doctissimi, quos Deus subinde excitavit ut Orthodoxæ Veritatis in Ecclesia essent πρόμαχοι fortissimi, in eo hætenus operam suam utilissimè collocarunt; Horum & nos prementes vestigia licet non passibus æquis, haud abs re nos facturos su-

P R Æ F A T I O.

mus arbitrati, si in propugnanda ista Veritate adversus ignita Satanæ tela nostram qualemcumque explicaremus industriam.

Cùm autem Tria vulgo de SATISFACTIONE CHRISTI quæri possint. I. An *Necessaria* fuerit II. An *Vera* III. An *Perfecta*. De tribus istis Quæstionibus distinctè agendum Nobis esse duximus; In duabus Prioribus cum Socinianis; In Postrema cum Pontificiis manus conferendæ fuerunt. Sed ita tamen in iis sumus versati, ut primam & tertiam de *Necessitate* & *Perfectione* brevius absolverimus; Secundam verò de *Veritate* quæ ampliorem explanationem requirere videbatur, quàmque majori molimine impetunt Adversarii fusius paulò sumus persecuti, & nihil quantum quidem à nobis fieri potuit ex iis omiserimus quæ tum ad Veritatis confirmationem, tum ad Erroris confutationem facere poterant, non modò objectiones contrarias solvendo; sed & argumenta orthodoxa à strophis & cavillis τῶν ἑσφαλῶν vindicando, additis etiam variis currente prælo quæ ad argumenti illustrationem pertinere videbantur. Si quid porro à Nobis hîc sit præstitum, Tuum erit, Candide Lector, Judicium; Nobis sat fuerit, nostrum hac in parte tibi in asserendo gravissimo hoc Religionis nostræ mysterio probasse studium. Hoc ergo æqui bonique consule, & conatibus nostris in posterum fave. *Vale.*

INDEX

I N D E X

LOCORUM SACRÆ SCRIPTURÆ,
quæ hîc vel explicantur vel vindicantur.

G E N E S.			Caput	Versus	Pagina
Caput	Versus	Pagina			
II	<u>17</u>	<u>16. 17. 188</u>	XV	<u>33</u>	<u>148</u>
III	<u>19</u>	<u>188</u>		25	<u>228</u>
IV	13	<u>117</u>	XVI	30	<u>231. 232</u>
IX	<u>4</u>	<u>196</u>	XX	45.46	<u>228</u>
XVIII	<u>15</u>	<u>8. 12</u>	XX	24	<u>354. 355</u>
XXXII	<u>19</u>	<u>204</u>	XXXV	<u>34</u>	<u>197</u>
E X O D.			DEUTERON.		
XII	27	<u>219</u>	XVIII	<u>18</u>	<u>195</u>
XIX	12	<u>222</u>	XIX	<u>6</u>	<u>74</u>
XX	5	<u>51. 55</u>	XXI	<u>8</u>	<u>197</u>
	<u>19</u>	<u>222</u>		<u>23</u>	<u>110</u>
XXI	<u>6</u>	<u>242</u>	XXII	30	<u>75</u>
XXIV	<u>6. 7. 8. 9. 10</u>	<u>23. 221.</u>	XXIV	<u>16</u>	<u>54</u>
XXIX	10	<u>196</u>	XXVII	<u>26</u>	<u>16. 17</u>
XXXII	10. 14	<u>348. 353</u>	XXXII	50. 51	<u>3. 18</u>
	<u>32</u>	<u>168</u>	J O S U E.		
XXXIV	<u>7</u>	<u>134</u>	VII	5	<u>191</u>
L E V I T.			XXIV	<u>19</u>	<u>8</u>
I	<u>4</u>	<u>196</u>	R U T H.		
IV	<u>31</u>	<u>44</u>	III	<u>9</u>	<u>74</u>
V	<u>6. 13. 16</u>	<u>200</u>	I. SAMUEL.		
VI	<u>3. 7</u>	<u>227. 228</u>	VIII	<u>7</u>	<u>238</u>
XIII	<u>15. 16</u>	<u>205</u>	XV	22	<u>232</u>
XIV	<u>6. 7. 52. 53</u>	<u>140</u>	II. SAMUEL.		
XVI	<u>20</u>	<u>139</u>	VII	<u>14</u>	<u>350</u>
	<u>21. 22</u>	<u>51. 197. 226</u>	XII	<u>14</u>	<u>348. 351. & seq.</u>
XVII	11	<u>196</u>	XXI	<u>6</u>	<u>191</u>
XXV	<u>25. 47. 48</u>	<u>74</u>	XXII	<u>5</u>	<u>ibid.</u>
N U M E R.			XXIV	<u>10. 11. 12</u>	<u>352</u>
V	<u>6</u>	<u>228</u>	XXV	<u>24. 25</u>	<u>228</u>
XIV	<u>18</u>	<u>134</u>	I. R E G.		
	<u>20</u>	<u>348. 354</u>	I	21	<u>120</u>
			XIV	<u>16</u>	<u>106</u>
			II. P A.		

INDEX LOCORUM S. SCRIPTURÆ.

II. PARALIP.

Caput	Versus	Pagina	Caput	Versus	Pagina
Caput			VIII	5	230
XXXII	31	182		22	213
	J O B.		IX	4	230
XV	25	233	XIV	22	ibid.
XIX	25	74	XV	15	186
	P S A L.		XVI	4	345
Pf. v.	6.7	8		6	247
VI	2	350	XIX	27	230
IX	5	9		ISAIAS.	
XIV	1	230	I	11. 12. &c.	241
XVI	5	158		18	139
XVIII	6	185	IX	1	137
XIX	14	233		6	275
XXII	2	174 & seq.	XXII	14	346
	22	155	XXVIII	7	230
XXIII	5	158		28	346
XXVII	9	179	XXXVIII	1	18. 152
XXXII	1. 2	332		17	332
XXXIX	11	106	XLII	22	ibid.
XL	5. 6	128. 241	XLIII	3	72
	7	232. 241. 242	XLVI	10	16
	8. 9	58	XLIX	14	179
XLIII	2	175	LI	17	158
XLIV	24. 25	ibid.	LIII	2. 3. 4. 5	125
XLV	8	177		6	126
L	5	221		7	128
LI	9	232		10	ibid. 198
	13	329		11	132
	18	242. 247	LIV	7	179. 183
LXIX	5	192	LXIII	5	178
LXXXV	9	295	LXVI	3	242
CIII	3	136		6	311
CX	5	178. 194		JEREM.	
CXVI	3	185	VII	21. 22. 23	242
	15	190	X	24	350
CXIX	131	9	XXV	15	158
CXXX	3	295	XXIX	12	ibid.
	PROVERB.		XXX	20	330
I	7	22	XXXI	29	56
					32

INDEX LOCORUM S. SCRIPTURÆ.

Caput	Versus	Pagina	Caput	Versus	Pagina
	<u>32</u>	<u>330</u>	VI	12	<u>334</u>
	<u>33: 34</u>	<u>433: 332</u>	VIII	<u>16: 17</u>	<u>134</u>
	<u>39</u>	<u>147</u>	IX	<u>6. 7. 8</u>	<u>250</u>
XLIX	<u>6. 8</u>	<u>291</u>	XI	<u>28</u>	<u>222</u>
	THREN.		XII	<u>5</u>	<u>20</u>
IV	<u>21</u>	<u>158</u>	XVIII	<u>23: 24</u>	<u>46</u>
V	<u>7</u>	<u>51: 142</u>	XX	<u>28</u>	<u>72: 96</u>
V	<u>20</u>	<u>183</u>	XXIII	<u>37</u>	<u>52</u>
	EZECH.		XXVI	<u>28</u>	<u>338</u>
XVI	<u>8</u>	<u>75</u>		<u>37: 38</u>	<u>152</u>
XVIII	<u>4</u>	<u>55: 56: 188</u>	XXVII	<u>45</u>	<u>173</u>
	DANIEL.			<u>46</u>	<u>174: 183: 284</u>
IV	<u>37</u>	<u>145: 346</u>	MARC.		
IX	<u>19</u>	<u>279</u>	II	<u>17</u>	<u>104</u>
	IOSE.		III	<u>14</u>	<u>118</u>
VI	<u>6</u>	<u>232: 242</u>	XIV	<u>33: 34: 35</u>	<u>152: 155</u>
VIII	<u>13</u>	<u>333</u>	XV	<u>34</u>	<u>173</u>
IX	<u>2</u>	ibid.	LUC.		
XI	<u>1</u>	<u>136</u>	I	<u>35</u>	<u>177</u>
	JONAS.			<u>68</u>	<u>79</u>
III	<u>4</u>	<u>18</u>		<u>74</u>	<u>294</u>
IV	<u>2</u>	<u>152</u>	VII	<u>42</u>	<u>295</u>
	HABAC.			<u>48</u>	<u>333</u>
I	<u>13</u>	<u>84: 15</u>	X	<u>24</u>	<u>337</u>
III	<u>2</u>	<u>350</u>	XXII	<u>15: 16</u>	<u>138</u>
	MICHÆ.			<u>20</u>	<u>221</u>
VI	<u>6. 7. 8</u>	<u>242</u>		<u>33: 34</u>	<u>174</u>
VII	<u>19</u>	<u>332</u>		<u>43</u>	<u>157</u>
	ZACHAR.			<u>44</u>	<u>153: 155</u>
XII	<u>12</u>	<u>127</u>	XXIV	<u>21</u>	<u>156</u>
XIV	<u>19</u>	<u>127</u>		<u>47</u>	<u>177</u>
	MALAC.		JOHAN.		
IV	<u>2</u>	<u>136</u>	I	<u>14</u>	<u>156: 224</u>
	MATTH.			<u>16</u>	<u>308</u>
I	<u>15</u>	<u>136</u>		<u>29</u>	<u>219: 220</u>
III	<u>7</u>	<u>72</u>	III	<u>14</u>	<u>244</u>
V	<u>26</u>	<u>72</u>		<u>15</u>	<u>244</u>
		100		<u>16</u>	<u>292: 297</u>
				<u>34</u>	<u>176</u>

INDEX LOCORUM S. SCRIPTURÆ.

Caput	Versus	Pagina	Caput	Versus	Pagina
V	<u>51</u>	<u>333</u>		<u>13-14</u>	<u>17</u>
X	<u>48</u>	<u>58</u>	VI	<u>45</u>	<u>22-36</u>
	<u>30</u>	<u>176</u>		<u>23</u>	<u>16-17-188</u>
XI	<u>33</u>	<u>171</u>	VIII	<u>1</u>	<u>328</u>
XII	<u>37</u>	<u>166</u>		<u>2</u>	<u>176</u>
	<u>32</u>	<u>144</u>		<u>3</u>	<u>187-220</u>
XV	<u>13</u>	<u>292</u>		<u>4</u>	<u>275</u>
	<u>25</u>	<u>192</u>		<u>17</u>	<u>358</u>
XVI	<u>32</u>	<u>178</u>		<u>18</u>	<u>341</u>
XVII	<u>4-11</u>	<u>332</u>		<u>22</u>	<u>76</u>
XIX	<u>18-20</u>	<u>337-338</u>		<u>29</u>	<u>99-341</u>
A C T A				<u>32</u>	<u>324</u>
II	<u>34</u>	<u>58-181-281</u>	IX	<u>1</u>	<u>25-168</u>
	<u>36</u>	<u>118</u>		<u>18</u>	<u>46</u>
III	<u>17</u>	<u>230</u>	XII	<u>1</u>	<u>224</u>
IV	<u>12</u>	<u>311</u>	I. AD CORINT.		
IX	<u>4</u>	<u>340</u>	I	<u>13</u>	<u>27</u>
XIII	<u>33</u>	<u>213</u>	V	<u>7-8</u>	<u>137-198-219</u>
	<u>38</u>	<u>236</u>	VI	<u>19-20</u>	<u>224-295</u>
XX	<u>28</u>	<u>280</u>	IX	<u>27</u>	<u>354-355</u>
XXVI	<u>18</u>	<u>274</u>	XI	<u>31</u>	<u>355</u>
XXVII	<u>4</u>	<u>15</u>	XII	<u>12</u>	<u>340</u>
EPIST. AD ROMAM.			XV	<u>50-51</u>	<u>190</u>
I	<u>4</u>	<u>213-326</u>	II. AD CORINT.		
	<u>18</u>	<u>8</u>	I	<u>6-7</u>	<u>2101-340-343</u>
	<u>32</u>	<u>ibid.</u>	V	<u>14</u>	<u>53-296</u>
II	<u>5</u>	<u>9</u>		<u>18-19-20</u>	<u>43-81-82-85</u>
	<u>11</u>	<u>286</u>		<u>21</u>	<u>43-127</u>
	<u>14-15</u>	<u>18</u>	VI	<u>1-2</u>	<u>312</u>
III	<u>5-6</u>	<u>21</u>	VII	<u>11</u>	<u>356</u>
	<u>24-25</u>	<u>25-38-38-91</u>	AD GALAT.		
		<u>22-265-297</u>	I	<u>4</u>	<u>102</u>
	<u>31</u>	<u>20-111</u>		<u>13</u>	<u>107 & seq.</u>
IV	<u>6-7-8</u>	<u>273</u>		<u>19</u>	<u>66</u>
	<u>25</u>	<u>102-326</u>		<u>35</u>	<u>217</u>
V	<u>7</u>	<u>32</u>	IV	<u>4</u>	<u>274</u>
	<u>10</u>	<u>79-81-251</u>		<u>24-25</u>	<u>222</u>
	<u>11</u>	<u>12-82</u>	AD EPHES.		
	<u>12</u>	<u>17-188</u>	I	<u>4</u>	<u>7</u>
					<u>7</u>

INDEX LOCORUM S. SCRIPTURÆ.

Caput	Versus	Pagina	Caput	Versus	Pagina
	7	79		8	341
II	13	222		AD TIT.	
	14	209	II	11.12.13	296
	16	82.88		14	104.295
	20	224		AD HEBRÆOS.	
IV	32	47.334	I	3	202.327
V	2	209.210.220	II	14	74.238
	16	69		17	212
	AD PHIL.		IV	15	212
I	12.13	343		16	222
	29	48	V	1	195
II	6	287.326		5	212
	12	312		7	153.171
III	16.17	357		8	212
	21	341	VII	19	336
IV	18	210		22	22.65
	AD COLOS.			24	216
I	19	224.308		26	177.216
	20	63.81.85.89		27	207.218
	24	94.100.339. &c seq.	VIII	3	195
II	9	308		4	214
	13	330	IX	6.7	228
	14	224.239.325		8	224
	15	74		13.14.	202.203.220.224
	17	217			238.327
	19	209		19.20.	221.222
III	4	341		22	21.196.285
	I. AD THESS.			24	21
IV	4	295		27.28	117.145.207
	II. AD THESS.		X	I	217.239.240. &c.
I	6	9.298		2.3	224
	I. AD TIMOT.			4.5.6	23.209.242
I	13	234		10.11.12	208.218
II	6	68.72		14	336
	14	230		19	253
III	16	326		26	233.234
IV	16	61	XI	4	39
	II. AD TIMOT.			6	4
I	7	177		39.40	42.336
					211

INDEX LOCORUM S. SCRIPTURÆ.

Caput	Versus	Pagina	Caput	Versus	Pagina
XII	1	249		14	177
	13	336		18	355
	24	64.198	V	9	342
XIII	8	337		I. JOHAN.	
	12	220.221	I	7	327
	JACOB.		II	2	82
I	23	349	III	2	341
II	13	358		16	98
	23	135	V	6	104.220
	I. PETR.			APOC.	
I	2	222	I	5	274
	15	341	V	12	219
	18	71.194.219	XIII	8	ibid.
II	7	222	XIV	13	190
	21	99.100.342	XIX	9	138
	24	144. & seq. 294	XXI	2	224
IV	13	342			

INDEX



I N D E X

RERUM ET VERBORUM.

<p>A.</p> <p>Absolutum de Deo dicitur bisariam Pagina 38</p> <p>Acceptatio Sociniana, quid sit 266</p> <p>Actiões divinz versan- tur vel circa objectum confluentium, vel circa constitutum. 31</p> <p>'Αδυσία quid sit. 153</p> <p>Affectus nostri quadrupliciter errant. 171</p> <p>Agnus cur Christus vocetur. 219</p> <p>Agnus Paschalis Christum adumbra- rit. ibid.</p> <p>Agonia vox, quid significet. 153.</p> <p>In Agonia Christi tria attendenda, Gradus & Partes, Adjuncta, Effectus. p. 149. & seq. non sunt ἡ δόξα, sed Vera p. 150. non in corpore solum, sed in Ani- ma p. 151. non in Anima parte Inferiore demum, sed etiam in Superiore Ibid. & p. 159. et causa p. 158. & seq. quomo- do in Christum cadere potuerit. 164</p> <p>Amor Dei alius Benevolentiae, alius Beneficentiae & Unionis p. 49. alius com- placitiae. 87</p> <p>Anathema duplex sustinebat qui sere- bat peccati pernam. 330</p> <p>Angelus quomodo Christum consorta-</p>	<p>rit. 157</p> <p>'Ανταπαληγῶν reliquias Passionum Christi quomodo dicantur fideles. 342</p> <p>'Αντὶ προpositio, tria significat Aequali- tatem, Oppositionem & Compensationem p. 72. usus ejus. 96</p> <p>Apostasie gradus varii. 234. 235</p> <p>Athletæ ante certamen examinaban- tur. 357</p> <p>Aurium perforatio quid apud Judæos significaret. 242</p> <p>B.</p> <p>Bonum Morale cum Physico necessitu- dine quadam sociatur. 11</p> <p>C.</p> <p>Carimoniae quomodo opponantur Christo & quomodo ei subordinentur. 243.</p> <p>244</p> <p>Carimoniarum Legalium abrogatio, eius vel de Jure vel de Facto. 209. 215</p> <p>כפר quid significet. 204. 346</p> <p>כפר operculum Arca quare sic di- ctum. 205</p> <p>Calix in Scripturis quid significet. 158</p> <p>Carnis Paritas vel Impuritas quid sit. 238. 309</p> <p>Castigare corpus quid sit Paulo. 357</p> <p>Christi munera aliquando seorsum varius actibus considerantur, aliquando in sin-</p>
------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

I N D E X

<i>singulis conjunguntur.</i>	255	Cruciatuum Christi duo gradus.	173
Christi Plenitudo. <i>Vid.</i> Plenitudo.		Crucifigi quare voluerit Christus.	113
Christi nomine aliquando intelligitur		Crux fuit Romanorum supplicium p.	
Christus Mysticus.	340	111. cur dicatur supplicium Execrabile.	
Christi similitudo nobiscum est Natura & Infirmitatum.	212	p. 112. in ea tria erant, Tormentum, In-	
Christus cur incarnatus fuerit, non		sanctia, & Diuturnitas pœna.	Ibid.
verò Pater aut Spiritus S. p. 25. 26. debuit		D.	
esse Propheta, Rex & Sacerdos p. 6. 7. cur.		Damnari aliquis quomodo dicatur.	110
Ibid. quomodo dicatur Agnus, quomodo		Decretum de Fine non tollis Media.	7
Leo, p. 73. 74. ex malo nostro adversus		Desertio alia Absoluta, Totalis &	
malum nostrum remedium salutare petis.		Æterna; alia Temporalis, Partialis &	
p. 125. iunctus est Deo Naturâ, Amore, San-		secundum quid.	179
ctitate, Virtute & Felicitate. p. 179. non		Deserit Deus Creaturam vel ad ex-	
Damnatus, sed Condamnatus fuit, non		plorationem, vel ad Correctionem, vel	
Damnatorum, sed Damnandorum pœnas		ad Panam.	182. 183
tulit. p. 186. 187. Sacerdos est & Victima.		Desertio Christi qua fuerit p. 175.	
p. 194. & seq. fuit verè Sacerdos in ter-		178. ejus cause p. 182. non insert Dissiden-	
ris. p. 207. & seq. Legi fuit subjectus non		tiam aut Desperationem in Christo p. 180.	
pro se sed pro nobis. p. 275. & seq. ut Spon-		& seq. 186. 283. 284.	
sor & Caput consideratur.	359	Desperatio non est de essentia pœna,	
Cœna S. instituta est præcipuè in me-		sed de Vitio patientis.	186. 282. 283
moriâ Mortis Christi.	253	Deus non punit peccata quatenus est	
Cognitio duplex Theoretica & Pra-		pars offensa, sed quatenus Rector mundi,	
ctica. p. 229. hac rursus vel Absoluta, vel		p. 13. aliquando sententiam mutat, sed	
Comparata.	Ibid.	non consilium.	41
Comminationes Legis. V. Lex.		Dissidium inter nos & Deum duabus	
Conformitas fidelium cum Christo est		causis sovetur Justitiâ Dei & Peccatis no-	
duplex, Gratiæ qua Sanctificans est & Cru-		stris.	82
ciæ, & Gloria.	341	Divinitas non vivificat Formaliter, sed	
Conscientiæ vis.	14	Effective.	180
Constantia & Obstinatio quomodo		Divinitas Christi per mortem non fuit	
differant.	15	divulsa ab ejus humanitate.	177
Consummari à Christo quomodo di-		Διὰ τὴν ζωὴν τοῦ σώματος quid sit.	357
cantur fideles. p. 336. eorum quod duplex		E.	
Consummatio.	337	Eclipsis qua accidit dum Christus pa-	
Consummationem in Cruce quomodo di-		teretur fuit extraordinaria p. 174. ejus	
catur Christus.	Ibid.	causa.	Ibid.
Correctio omnis non supponit errorem		Emerere gratiam quomodo dicantur fi-	
flandorem.	169	deles	

RERUM ET VERBORUM.

delet.	107	For Jus ferire unde dicitur.	255
Ελλὰ βέβαια aliquando Pietatem, ali-		For Jus Legale & Evangelicum, quo-	
quando Timorem significat.	153	modo differant.	222
Excommunicatio est pœna Canonica		G.	
seu Ecclesiastica, non satisfactoria iusti-		Gentilium Dñi pñctis victimis placan-	
tia Divina.	356	bantur.	9
Execratio Legis sumitur tum Active		Ἰδὲ quis sit. p. 74. jus ejus. Ibid.	
tum Passive. 107. & seq.		quomodo hoc Christo conveniat.	Ibid.
Execratio quomodo pro nobis factus sit		In Gratia Dei esse bisariam intelligi-	
Christus.	108	tur.	165
Exemplum Christi nobis proponitur		H.	
imitandum non in omnibus, sed in quibus-		Hirci Hazazel sacrificium p. 139. 329.	
dam tantum.	100	& seq. quid denotaret p. 140. cur dictus	
Expiare quid sit.	200	Hazazel. 141. & 330.	
In Expiatione tria sunt Afflictio pœna-		I.	
lis, Pœna succedanea, & Liberatio rei.	200	ἱλασθῆναι, ἱλασμός, ἱλασμοὶ & ἱλα-	
		σκειναι quid significent.	82. 83
Expiatio differt à Liberatione p. 200.		ἱλασθῆναι quomodo Christus dicatur.	83
201. non est Exemplum. Ibid. nec decla-			
ratio remissionis peccatorum.	202. 203	Impleri quo sensu dicatur res aliqua.	137
Expiatio peccatorum non fit in cœlis		Impositio manuum super caput victi-	
à Christo. 201. 207. & seq.		ma imputationem peccati significabat. 133.	
Expiatio duplex Typica & Realis p.		141. 196. 197	
203. 238. Legalis fuit Typica. 237. &		Imputatio Justitiæ & Remissio pecca-	
seq.		torum quomodo differant.	273
Expiatio dicitur de Deo, de Victima,		Imputari alienum peccatum probatur.	
de Sacerdote.	204	50. & seq.	
F.		Iniquitates nostræ quomodo in Christum	
Facere, pro Constituire, Ordinare.		traducta dicantur.	126
	118	Injustum, quid sit.	31
Fideles Veteris Test. salutem per Chri-		Insons pro Soute, positis certis condi-	
stum consecuti sunt p. 41. 42. & 337.		tionibus, plesti potest justè.	57
quomodo non sine nobis sine consummati.		Intercessio Christi ejus Satisfactio-	
Ibid.		nem supponit.	64
Fidelium quoruplex Perfectio p. 336.		Ira & Odium Deo tribuuntur ἀδύνα-	
eorum afflictiones quo sensu possint dici		πανάτης.	8
Pœna p. 348. quomodo differant à Pœnis		Judicium Dei duplex, aliud Vindi-	
impiorum.	350	ctæ, aliud Castigationis p. 355. quare in-	
Fides applicat nobis beneficia Christi.		cipiat à Domo Dei.	356
	297. 310	Juris	

Iura varie species. 32
 Iure Stylo & Temperato quomodo
 utatur Deus. 55. & seq.
 Jus & Iustitia Dei distinguuntur. 31
 Iustitia Dei Universalis. 9
 Iustitia Dei alia Distributiva, alia Fi-
 delitatis & Decentia p. 268. Distributi-
 va quid sit. 8
 Iustitia Vindictiva est essentialis Deo
 p. 89. 23. 8. hanc prebent conscientia vis
 p. 14. Sacrificia Gentilium. Ibid.
 Iustitia & Misericordia Dei sunt una
 eademque essentia, distinguuntur tamen
 secundum Objecta & Effecta p. 29. quam-
 vis nunquam separentur in Deo, tamen
 exercere potest actus unus sine alterius
 exercitio. 358

L.

Legis comminationes quatenus Ab-
 soluta & quatenus conditionata sint. 18.
 Lex qua obligavit Adamum in Paradi-
 so non fuit Specialis sed Communis. 17
 Lex Mosaitica consideratur Formaliter
 aut Materialiter, priori sensu Israelitis
 posteriori tum Judaeos tum Gentes obligat.
 18
 Liberatio quomodo differat ab Expla-
 tione. Vid. Expiatio.
 Liberum & Naturale non pugnat p.
 130. nec Liberum cum necessario. Ibid.
 Licere & Sacrificare quomodo diffe-
 rant. 117
 Literati quare dicantur hevi. 224
 Lustum apud Latinos a Graeco πε-
 λος derivatum est. 117

M.

Mortalis Christi quid sit p. 163. &
 seq. quomodo ad Angelos & homines ex-
 tendatur. Ibid.

Miracula solus Deus facit proprie. p.
 32. quomodo homines ad ea concurrant.
 Ibid.
 Miracula Moysi, quomodo differant a
 Miraculis Christi. 250
 Misericordiae divinae Actus est Arbi-
 trarius p. 14. quomodo dicatur itam su-
 perare p. 29. est Absoluta a causis Præca-
 dantibus, non vero a conditionibus subordi-
 natis p. 16. Tres requiritur conditiones.
 Ibid. usque quo se extendat erga peccato-
 res. 48
 Mors non est Natura sequela, sed
 peccati stipendium p. 17. 188. non tamen
 moriuntur fideles ut poenam peccati fe-
 rant p. 189. 29. mortis eorum variis fines.
 353
 Mortis poena consideratur vel quoad
 Essentiam, vel quoad Accidens & Adjun-
 ctum ejus. 281
 Mors Christi voluntaria p. 127. ei
 non fuit subiectus quatenus Homo p. 190.
 quomodo Benedicta, quomodo Maledicta
 p. 136. Aeterna est p. 114. non quoad Du-
 rationem, sed quoad Valorem p. 180. ejus
 Universalitas quomodo intelligenda p. 68.
 dicitur μαρτύριον p. 68. differt tamen a
 Morte Martyrum p. 166. 62. 247. & seq.
 Mortis Christi variis fines p. 99. 147.
 non fuit tantum ad Confirmationem do-
 ctinae aut Exemplum patientiae, sed verè
 satisfactoria p. 22. 237. & seq. ejus Ne-
 cessitas ad Satisfactionem pro peccato. p.
 245. non est tantum λύτρεν, sed ἀντίλυ-
 τε & Redemptio nostra p. 72. & quidem
 una satisfactio pro omnibus mortuis. 289.
 & seq.
 Mortalitas & Immortalitas quomo-
 do tribuantur Adamo in statu Innocen-
 tiae. 189
 Moses

RERUM ET VERBORUM.

Moses sunt tantum divina Legi Inter-
pret & Internuncius p.63. Mediator Typi-
cus p.65. vocatur Redemptor. 69.77

N.

Nosse peccatum quid sit. 118

O.

Obedientia à Lege præscripta, quo-
modo differat ab eadem quatenus in Euan-
gelio præscribitur. 294

Obedientia Christi est Meritoria &
satisfactoria. 274.275

Obstinatio & Constantia quomodo
differant. 15

Odiſſe & ſimul Diligere conveniunt
Dro. 87

Odium Deo tribuitur ἀνθρῳπωτῶν. 8

Odium peccati in Deo inferi neceſſa-
riū Pœnam peccati. 10.11

Odor ſuavitatis quid ſit. 211

P.

Parabolæ non debent urgeri ultra ſco-
pum. 46

פֶּרֶק quid ſignificet. 347

Paradiſus & Infernus hic inchoantur. 186

Paſſiones Chriſti ut Vadis & Sponſo-
ris ſunt Satisfactoria, ut Capitis ſunt
Exemplares. 341. & 359

Paſſiones Fidelium vocantur Paſſiones
Chriſti p.340. & ſeq. non ſunt Inanes eſſi
non ſint Satisfactoria p.309. varios habent
ſines. Ibid. & 328.343

Paſſionum Chriſti & noſtrarum diſcri-
men. 100. & ſeq. & 342.

Peccatum ſignificat aliquando Pœnam
peccati, aliquando victimam pro peccato. 117

Peccata vocantur Debita. 34.65.334

Peccatum omne eſt ex Ignorantia ali-

qua p.229. rectè tamen dicitur aliud Igno-
rantia aliud Malitia. Ibid.

Peccatum aliud Repugnans, aliud Re-
gnans p.234. Irremiſſibile. 235

Peccatum Admi non ſuit Particulare,
ſed Commune p.17. totius Legi Naturali
violationem traxit. Ibid.

Peccatum omne pœna dignum p.6. pec-
cator tamen poteſt ſubtrahi pœna peccati
p.21.50. illud abſque Satisfactione Deus
remittere non vult & non poteſt p.298.
hac Neceſſitas peccatum puniendi non eſt
Phyſica, nec Coactionis, ſed Ethica. 23.38

Peccatum portare quid ſit. p.128.
131. 132. noſtra portavit Chriſtus & ex-
piavit non quoad Culpam tantum, ſed
etiam quoad Pœnam. 126. 145. 327. &
ſeq.

Peccati Reatus Juſtificatione, Labes
Sanctificatione tollitur p. 148. ejus reli-
quia in fidelibus non pertinent ad culpam,
ſed ad Maculam p. 359. idè non tollun-
tur per Satisfactionem, ſed per Sanctifica-
tionem. 359

Perfectio fidelium duplex Gratia &
Gloria p.336. Lex nihil potuit perficere.
Ibid.

Perforatio aurium ſid. Aures.
Pietatis officia non præſcribuntur fide-
libus ad Satisfaciendum. 336

Plenitudo Chriſti duplex Gratia &
Deitatis. 308

Pœna, ceu Dea culta ab Aſſyriis &
Græcis. 15

Pœnæ ſpectari debent vel Phyſicè ſeu
Metaphyſicè, vel Ethicè ſive Judicialiter
p.282. alia ſunt ſic dicta Propriè, alia
Analogicè tantum p.348. harum varia
Species p.349. cur vocentur Pœna. Ibid.

Pœna

I N D E X

Pœna omnis non est Satisfactio p.
106. In Christo tamen Pœna à Satisfac-
 tione non divellitur. Ibid.

Pœnas Internales sustinuit Christus p.
185. non tamen fuit in Inferno. Ibid. ea-
 rum tulit non Æternitatem, sed Extre-
 mitatem. 187

Pœnæ Infernalis Æternitas non est de
 Substantia Pœnæ, sed de Infirmitate Crea-
 turæ. 187

Pœnæ Fidelium differunt à Pœnis Im-
 piorum. 350

Pœnitentia publica vocatur Satisfac-
 tio. 4

Pœnitentia & Fides non tollunt neces-
 sitatem Satisfactionis. 39. & seq.

Pœnitentes cur puniantur in foro hu-
 mano, non verò in divino. 335

Preces Christi in Agone Voluntati &
 Consilio Dei non fuerunt contraria p. 166.
 quousque fuerint exaudita. 172

Pro præpositionis varia significationes.
94. & seq. 102. 343

Pro peccatis quo sensu Christus dicatur
 mortuus. 102. & seq.

Promissio quam Patres non obtinue-
 runt, quam sit. 337

Promissiones fidelibus V. T. facta non
 sunt Temporales duntaxat, sed etiam Cœ-
 lestes & Divina. 42

Propitiatio & Intercessio Christi quo-
 modo differant. 91

Puritas & Impuritas carnis Vid. Ca-
 ro.

R.

Reatus alius Typicum, alius Realis p.
337. alius Potentialis, alius Actualis. 382

Reconciliare quid sit. 81

Reconciliari nos Deo, cur Scriptura di-
 cat potius quam Deum nobis. 86

Reconciliatio non notat tantum Con-
 versionem nostri ad Deum, sed & Aver-
 sionem ira Dei à nobis. 85

Reconciliatio aliquando tribuitur Deo
 Patri, aliquando Christo, aliquando Fi-
 delibus p. 81. aliquando Ministris. 88

Redimere quid significet. 69. 70

Redemptio fit multifariam. 73

Redemptionis opera sunt *θεωδεακά.*
178

Redemptio nostra facta est interce-
 dente Pretio p. 69. & seq. & 107. ejus
λύτρον quomodo Deo solutum p. 79. quo-
 modo dicatur esse Gratis, Pretio, Permuta-
 tione, & Vi. p. 73. illius duo sunt Gradus,
 alter Meriti, alter Efficacia. p. 79. Termi-
 native & subjective est solius Filii, Inchoa-
 tive & Efficienter est totius Trinitatis. 391.

Redemptio nostra non est ut abstraha-
 mur à Deo, sed ut cum eo in gratiam re-
 deamus. 80

Redemptio Ægyptiaca non est facta
 absque respectu ad *λύτρον* p. 77. illius &
 nostra discrimen. Ibid.

Remissio peccatorum & Satisfactio
 pro peccato non pugnant. 44

Remissio peccatorum & Imputatio
 justitiæ, quid differant. 273

Remissio Culpæ & Pœnæ non possunt
 separari. 330

Remissio Dei & Hominum, quomodo
 conveniant & differant. 47

Remissio debiti Pecuniarii & Crimi-
 nalis differunt. 45

S.

Sabulum unde dicatur. 132

Salus fidelium considerari potest vel re-
 spectu Dei, vel Christi, vel hominum Re-
 demptorum, vel Diaboli. 73

Salutis Acquisitio & Applicatio sunt æ-
 qualis

- qualis Latitudinis. 297. 298
 Sacerdotis & Prophetæ discrimen. 194.
 195
 Sacerdotalis officii duplex actus. 206
 Sacrificare & Litare quomodo differant. 197
 Sacrificia referuntur ad Deum, Peccatum, & Hominem p. 197. ea quomodo Deus Nolle dicatur. 241. & seq.
 Sacrificia Legalia considerantur vel Absolutè, vel Relatè p. 238. non potuerunt peccatum verè Expiare p. 237. 239. & seq. Expiabant tamen Reatum Carminialem. 246
 Sacrificia ἱλαστικὰ V. T. non pro levioribus demum peccatis, sed etiam pro gravioribus offerebantur p. 225. & seq. fuerunt Typi Sacrificii Christi p. 216. & seq. in Sacrificio Anniversario Amplitudo Sacrificii Christi, in Privatis Applicatio ejus adumbrata est. 223
 Sacrificium Christi fuit Propitiatorium & Pacificum. 211
 Sanguis quomodo dicatur Anima. 169
 Sanguinis Christi aspersio fit in Cruce, Corde, Verbo & Cælo. p. 222. an Unica ejus gutta sufficiens fuerit hominibus redimendis. 285. 305. 307. 308
 Satisfacere & Solvere quid differant. 4
 Satisfacere sibi ipsi quomodo aliquis possit. 269
 Satisfactionis vox varias sortitur significationes p. 3. 361. in Ecclesia gentino usurpatur sensu p. 4. non reperiunt in Scriptura ἡ τὸ πᾶν sed ἡ τὸ πᾶς p. 5. occurrit sæpe apud Veteres, sed alio planè sensu, quàm apud Pontificios. 361
 Satisfactio alia est Vera & Propria, alia Metaphorica & Impropria, p. 62. alia quâ satisfuit Voluntati divina, alia quâ
- Justitia. p. 63. alia Privata, alia Publica. 269
 Doctrina de Satisfactione Christi Pietatis & Sanctitatis est incentivum. p. 295.
 Gloriam Dei summe illustrat. p. 299. eam varii variè impugnantur. 1. & seq.
 Satisfactio Christi, quid sit. p. 5. est Solutio p. 4. 5. ad eam concurrunt cum Actiones, tum Passiones ejus. Ibid. non pugnat cum Remissione peccatorum p. 44. nec cum Gratia Dei. p. 265. & seq. in ea luccet divina Misericordia & Justitia temperamentum. 24
 In Satisfactione Christi tria attenduntur, ejus Necessitas p. 5. & seq. Veritas. p. 60. & seq. Perfectio. 305. & seq.
 Necessitas Satisfactionis Christi non est solum Hypothetica & Congruentia, sed etiam Absoluta p. 7. ex ipsius rei natura fluit. p. 25. adumbrata variis typis. p. 22. & seq. nititur præsertim Naturâ Dei p. 8. & ejus Voluntate & Decreto p. 16. asstruitur ex hypothesebus Socini p. 15. & seq. eam non tollunt penitentia & fides p. 39. sine Satisfactione peccatum non potest remitti p. 21. & seq. non potuit dari nisi à Christo. 24. & seq.
 Contra Necessitatem Satisfactionis argumentantur Sociniani 1. Deum posse condonare Peccata absque Satisfactione. Refut. p. 27. & seq. 11. non tantum Possè per Naturam, sed etiam Velle ex Decreto. Refut. p. 38. & seq. 111. Non modò Possè & Velle, sed ne Possè quidem contrarium sine Injustitiâ & Crudelitate. Refut. p. 50. & seq.
 Veritas Satisfactionis Christi asstruitur ab officio ejus Mediatorio p. 63. & seq. à Redemptione p. 68. & seq. à Reconciliatione nostra cum Deo p. 81. & seq. à Locis

Scriptura qua Persona substitutionem p. 24. & seq. Debiti commutationem p. 102.
 & seq. & qua Persona subrogationem simul & Debiti Compensationem innuunt. p. 107. & seq. ex Agonia Christi p. 149
 & seq. ex ejusdem Deseritione p. 173. & seq. & Morie p. 187. & seq. Ex Sacrificiorum V. T. collatione p. 194. & seq. ex Absurdis sententiis contrarie. 247. & seq.

Contra Satisfactionis Christi Veritatem, obijciunt Sociniani L. Eam esse ἀγέγον Refut. p. 261. & seq. 11. Esse Impossibilem, ratione Dei. Refut. p. 264. & seq. Ratione Christi Refut. p. 269. & seq. Ratione pæne Refut. p. 279. & seq. Ratione hominum Refut. p. 289. & seq. 111. Varia absurda inducere Refut. 29 L. & seq.

De Veritate Satisfactionis Christi Veterum testimonia. 256. & seq.

Perfectio Satisfactionis Christi demonstratur, L. A dignitate persone satisfaciētis p. 308. & seq. 2. Ab Unitate officii Mediatorii p. 323. 3. A Gravitate pæna Christo impositæ p. 324. & seq. 4. A Dei approbatione p. 326. 5. Ex effectu triplici istius Satisfactionis, Expiatione scilicet peccatorum p. 327. & seq. eorum Remissione p. 330. & seq. & Fidelium Consummatione. 336. & seq.

Perfectio Satisfactionis in eo posita est, quod Christus nihil omiserit ex iis, quæ à Justitia divina requirebantur ad sui satisfactionem. 324.

De Perfectione Satisfactionis Christi Pontificiorum sententia p. 306. 307. illam labefactant, quamvis asserere videantur. p. 305. humana satisfactiones Satisfactioni Christi non debent adjungi p. 309. illi sunt injuriæ. 311. & seq.

Satisfactio Christi quomodo se habeat ad peccata præterita & ad futura p. 104. ejus acceptatio est dupl x, a parte Dei & a parte nostri p. 297. applicatur nobis per Imputationem a parte Dei, per Fidem, Charitatem, Verbum & Sacramenta a parte nostri p. 310. non applicatur nobis per Satisfactiones nostras. Ibid.

In Scriptura Res sunt non tantum explicite, sed etiam per Consequentiam necessariam. 261

Serpens æneus ut Christum representarit. 244. 245

Servare quid sit p. 6 L. alius alium Servat duobus modis. Ibid.

Servatoris nomen quomodo Christo competat secundum Socinianos, quomodo secundum Orthodoxos. 62

Servitus hominis quadruplex Peccati, Legis, Mortis & Diaboli. 69. 70

Similitudo Christi nobiscum. 211

Spiritus Dei in Christo operatus est Vitam, Pacem, Sanctitatem, Robur & Felicitatem. 177

Sponsor quid sit & quid agat. 65

Subjectio Legis duplex Natura & Oeconomia. 277

Subrogatio Christi nostro loco fieri potuit. 54. & seq.

Substitutio pœnalis pro alieno peccato probatur. 51. 52

Sudor Christi sanguineus. 155. & seq.

Suppliciorum genera quatuor apud Judæos. 110

Suspensi quare in Lege dicantur maledicti. 111

T.

Θυβ quid sit. 155

Timor Christi p. 153. Spem & fiduciam ejus non tollit. 165

Tra-

RERUM ET VERBORUM.

Translatio iniquitatum nostrarum in Christum. Vid. Iniquitas.	203
Tristitia Christi.	152
Twissii sententia de Necessitate Satisfactionis p. 35. Refellitur.	Ibid.
Typus unus diversis rebus subordinatis convenit.	224
In Typo minus est quàm in Antitypo p. 166. hinc varii Typi adhibiti ad representandum Christum ejusque Mediationem. Ibid. & p. 223. 224.	
V.	
Vestimenti extensio in mulierem apud Hebraeos erat pignus conjugii.	75
Victima loco Peccatoris offertur. & seq.	195.
Victimæ humanæ à Gentilibus numini oblata & cur.	p. 195
Victimarum Legalium duplex ætatis,	
Absoluta & Relativa.	203
Virtutis & Vitii discrimen est Naturale.	11
Umbra duplex Naturalis & Artificialis.	239
Unionis fidelium triplex vinculum Naturale, Forense & Mysticum.	58
Voluntas alia Efficax, alia Inefficax p. 166. alia Naturalis & Indeliberata; alia Deliberata & Electiva p. 167. alia Absoluta, alia Conditionalis.	Ibid.
Voluntas in Christo duplex Humana & Divina p. 166. non pugnant.	Ibid.
Voluntas Dei Occulta non est Actio- num nostrarum norma, sed Revelata p. 170. adeoque homo potest velle absque peccato qua voluntati Dei occulta repugnant.	Ibid.



I N D E X
DISPUTATIONUM,
C U M
RESPONDENTIUM
Nominibus.

DISPUTATIO I. *De Necessitate Satisfactionis Christi, Respondente Gabriele DEMONTHOUZ, Genevensi; Status Questionis proponitur, Necessitas Satisfactionis variis Argumentis tum à Natura, tum à Voluntate Dei petitis asseritur.* Pagina 1

Disputatio II. *De Necessitate Satisfactionis &c. Respondente Davide GIRARDO Neocomensi; Respondetur Objectionibus Adversariorum.* 27

Disputatio III. *Quæ Prima est de Veritate Satisfactionis Respondente Melchisedeco PINALDO Genevensi. Status Questionis ponitur. I. Argumentum proponitur ab Officio Mediatorio Christi. II. à Redemptione. III. à Reconciliatione.* 60

Dispu-

INDEX Disputationum & Respondentium.

Disputatio IV. *Quæ Secunda est de Veritate, &c.* Respondente Joanne DE TOURNES Genevensi. IV. Argu. excutitur ex locis in quibus Christus dicitur pro nobis mortuus; Item factus peccatum & maledictio. 94

Disputatio V. *Quæ Tertia est de Veritate, &c.* Respondente Davide WYS Bernensi: Expenduntur loca Isaïæ LIII. & I Petri II. 24. 122

DISPUTATIO VI. *Quæ Quarta est de Veritate &c.* Respondente Petro SECRETANO Lausannensi. V. Argu. propositum ex Agonia & Desertione Christi. 149

Disputatio VII. *Quæ Quinta est de Veritate &c.* Respondente Samuele VIOLLERIO Genevensi. Confirmatur Satisfactio Christi ex ejus Desertione & Morte. 173

Disputatio VIII. *Quæ Sexta est de Veritate, &c.* Respondente Benedicto CALANDRINO Genevensi. VI. Argumentum expenditur à Sacrificiis Veteris Testamenti. 193

Disputatio IX. *Quæ Septima est de Veritate, &c.* Respondente Joanne Georgio MULLERO Lausannensi. A Sacrificiis Veteris Testamenti iterum confirmatur Satisfactio. Absurda aliquot proponuntur in sententia Adversariorum. Testimonia varia Veterum afferuntur pro Satisfactione. 228

Disputatio X. *Quæ Octava est de Veritate, &c.* Respondente Joanne MELONO Syiacensi Aquitano. Variæ Objectiones contra:

INDEX Disputationum & Respondentium.
contra Veritatem Satisfactionis proponuntur & refutantur. 260

Disputationis X. Pars Altera. Respondente Paulo COULEZ Metensi. Reliquis Objectionibus respondetur. 279

Disputatio XI. *Quæ Prima est de Perfectione Satisfactionis.*
Respondente Jacobo MORINO Xantone-Torsensi Afferitur I.
A Dignitate Personæ II. ab Unitate Officii III. à Gravitate Pæne
IV. à Dei approbatione V. à Triplici effectu Satisfactionis, Expiatione,
Remissione, Consummatione. 308

DISPUTATIO XII. *Quæ Altera est de Perfectione Eodem*
RESPONDENTE. *Objectiones Adversariorum in medium afferuntur & solvantur.* 339



DISPUTATIO
THEOLOGICA PRIMA
DE
SATISFACTIONIS
CHRISTI NECESSITATE.

Respondente *Gabriele DEMONTHOUZ, Genevensi.*

THESIS PRIMA.



U M suavissima de Satisfactione Christi Doctrina, principium sit salutis nostræ Caput, Fidei anchora, Spei azy- lum, Charitatis norma, ut sanctè monet *Athanasius*; at- que adeo vera Christianismi basis, pretiosissimumque Christianorum *κειμήλιον*; quâ salvâ & illius structura con- stat, & istorum consolatio, & quâ rursus vel eversâ vel corruptâ totius Religionis compagem luxatam & dissipat- tam ruere necesse est: Nihil antiquius divinæ Veritatis Cultoribus esse debet, quàm ut accurato pensitetur examine, & in aperta luce collocata, ab omnibus agnosci, firmaque ex Verbo Dei fiducia constanter re- tineri possit.

II. Atque eo diligentius hoc expendendum est argumentum, quod nullum sit ferme Religionis Christianæ mysterium, quod Diabolus & Mundus capita- les salutis nostræ hostes graviori odio & contumelia, vel aperto Marte, vel ce- cula arte perpetuò impetiverint, nullum quod tot erroribus ad Ecclesiæ per- niciem turbare ac subvertere etiamnum hodie moliantur.

III. Nam ut de *Pharisæis* & *Pseudoapostolis* qui Christi & Apostolorum tenu- pore vixerunt nihil nunc dicamus, quorum illi directè saluberrimum hoc dogma impugnabant, propriam iustitiam stabilire conantes Rom. x. 3. isti vero indire- ctè & per cuniculos aggrediebantur, Mosem cum Christo, Opera cum Fide,

Iustitiam hominum cum Iustitia Dei exitiali mixtura conjungentes, quos propterea Paulus Gal. v. 4. dicit *καταργήθη ὑμῖν τὸ νόμον τοῦ Χριστοῦ*, id est ita evanescere & recedendi à Christo ut Christus ipsis planè inutilis reddatur: Ut etiam *Valemtianos & Gnosticos, Arianos & Pheimianos* aliosque istius furfuris homines jampridem à veteribus Conciliis & Patribus damnatos, & infami hæreseos stigmate notatos omittamus, quos & *Χερσεμάχους*, & Servatoris merito & satisfactioni iniquiores fuisse notius est quàm ut probatione indigeat; Quis nescit *Pelagium* ipsum inter varios ac multiplices quos fovit errores, hoc etiam implicitum fuisse quod Gratiam medicinalem Christi in sola doctrina ipsius & exemplo sitam esse putaret? Christum enim ideo venisse arbitrabatur, non ut genus humanum ab ulla captivitate vel ab ullo carcere liberaret, sed tantum ut demonstraret viam salutis, & vitæ æternæ traderet documenta, ut præberet salutaris vitæ exempla, se ipsum proponens nobis in humilitatis & patientiæ exemplum, prout ex variis Augustini locis comprobari facile potest; Et usque adeò hæc exitialis labes contagione sua Ecclesiam Christianam infecerat, ut ad *Bernardi* usque tempora remanserint pestis hujus reliquæ.

IV. Seculo enim xii. ingruentibus Sophistarum tenebris, emerfit apud Gallos versuti acuminis, & multijugæ, prout ferebant ista tempora, eruditionis *Petrus Abailardus*, cui impingitur à Scriptoribus illius ævi quod Satisfactionem Christi cum præcis hæreticis impiè & sacrilegè negarit, unde *Clare-Vallis Abbas Episto. 190.* ad innocentium Papam, varios illius errores & pestifera dogmata commemorat, sed imprimis circa Redemptionis mysterium, quòd is docuerit non alio fine apparuisse Christum in carne aut mortem subiisse quàm ad instructionem nostri per verbum & contestationem charitatis suæ per mortem: Mysterium verò Incarnationis quod post Apostolos à Doctores constanter creditum esse fatebatur, partim eo impugnabat quod nulla opus fuerit Satisfactione, quia sola Verbi prædicatione potuerit Deus instaurare genus humanum, partim quod crudele & iniquum sit ut per cruentam & ignominiosam mortem ejus qui innocens & ipsius Dei filius sit, pro alienis peccatis Deo satisfiat.

V. Non defuerunt tamen qui meliorem mentem *Abailardo* hic tribuant; nam *Petrus Clunacensis* non ignobilis Scriptor illorum temporum de hoc in Epistola quadam testatur quod sanctè & devotè in *Cheniacensi* Monasterio ultimum vitæ actum transiegit, quin de Articulis Satisfactionis in Apologia quadam ejusdem expressam hanc reliquit thesim, *Solum Incarnatum Filium Dei profiteor, ut Nos à Servitute peccati & jugo Diaboli liberaret & suprema adunum vita morte sua nobis referaret*: unde non est quod *Joh. Crellius* in responsione sua ad *Hugonem Grotium* de *Abailardi* consensu in oppugnanda Salvatoris Satisfactione tantopere gloriatur.

VI. Post Reformationem verò in Evangelii & scientiarum *παιδεία*, etsi Lux illa salutis quæ cœlitus attulit videbatur ferales illas cæci erroris depellere

pellere debuisset tenebras, fuerunt tamen nimis multi qui sanctissimum hoc dogma sollicitare & adulterare conati sunt. Norum est quid *Michael Servetus* homo ad omnem improbitatem ab ipsis furis effectus blasphemæ de hoc pronunciaverit, Quid *Georgius Blandrata*, *Valentinus Gentilis*, *David Georgius* circa istud impiè censuerint; Accesserunt *Laelius Socinus*, *Bernardinus Ochinus* ac tandem insaufus ille *Faufstus Socinus*, *Laelii nepos*, qui ut Christi Divinitatem ita & Satisfactionem execrabili & diabolica planè audacia impugnare & convellere sunt moliti; & longè periculosius hac in parte ipsis Pontificiis errarunt: Nam licet meriti istius & Satisfactionis pretium & efficaciam non uno modo labefactare annitantur Papicolæ, perfectionem ejus in dubium vocando dum panniculos Satisfactionum & meritorum humanorum illi asluere non erubescunt; nunquam tamen hæcenus eo insanitæ progressi sunt ut ejus & necessitatem & veritatem exertè negarent, quod infelix Socinianorum turba quibus nihil Christiani restat præter nomen magno molimine est aggressa veteres & pridem explosas hæreses ab inferis reducendo. Ad horum partes non obscurè accedunt *Remonstrantes* quicquid in adversum huic crimini amoliendo afferre possint, ut *Leidenenses* in Censura sua, *Festus Hommius* in specimine, & *Bodecherus* in Sociniano-Remonstrantismo abundè demonstrarunt.

VII. Quamvis verò in purganda hisce monstris Ecclesià vires suas feliciter explicaverint & prisci seculi Heroes olim, & novissimè Celeberrimi multi Viri quibus propius cum ipsis congregiendum fuit: Nondum tamen pro dolor! hæc ita prostrata & sublata videmus, quin subinde ad redintegrandum bellum novas admoveant machinas, & submittant copias, unde quivis facile conjiciat rem non ita confectam esse, ut non in ea suam exercere industriam pro se quisque possit aut debeat; Non ingratum ergo vel *ἀνευδοκίμοις* fore speramus, si pro modulo nostro in veritate magis magisque illustranda & asserenda laborantes sententiam Orthodoxam paucis complectamur Positionibus, & publicâ disquisitione expendendam cum bono Deo proponamus.

VIII. Quod antequam facimus præcognita quædam de Voce ad Rei illustrationem necessaria præstruenda sunt. *Satisfactionis* vox Latinis semper in usu fuit creberrimo, sed variâ significatione usurpatâ; Nam ut nunc mittamus generaliore significationem quo *satisfacere* is dicitur qui alicui placet & morem gerit, quomodo *Ulpiano* autore ei *satisfacere* dicimur cujus *desiderium implemus*; Certum est in usu communi bifariam dici, vel de *reparatione offensa*, vel de *solutione debiti*, satisfit enim pro offensa, & pro debito; Nam qui se purgat & excusat apud eum qui offensam passus est, *satisfacere* dicitur, unde veteres Romanæ linguæ Scriptores cum satisfacere dicunt, qui vel factò vel verbis testatur sibi dolere quod alterum læserit, ultionemque simpliciter deprecatur, & velle se in gratiam cum eo redire significat; Cicer.2. Philipp. *Acceperam jam ante Caesaris literas ut mihi satisfæri paterer à te id acciperem purgationem & excusationem tuam.* Sic Alcmena apud Plantum Amphitruoni irator, à quo se

contumeliosis verbis læsam fuisse conqueritur, proficitur se non aliter cum eo redituram in gratiam nisi satisfecerit *Amphir. Añ. 3.*

Quin ego, inquit, illum, aut deseram

Aut satisfaciat mihi; atque abjures insuper

Nolle esse dicta qua in me infontem protulit.

Hinc Satisfactionis formula apud Veteres erat, *Nollem factum, jusjurandum dabo te esse indignum hac injuria.* Terentius Adelphis *Ego vestra hac novi; nollem factum, jusjurandum dabitur esse te indignum injuria hac.* At pro debito satisfit solvendo debitum & liberando fidem. Unde est quod in usu Jurisconsultorum *Satisfactionis* & *Solutionis* voces non raro tanquam æquipollentes usurpantur; Sæpius tamen est cum ut distinctæ separantur; *Solvere* enim is propriè dicitur qui ipse per se pretium numerat, *Satisfacere* qui quod alius debet vel æquivalens solvit l. *Solutionis D. de verborum signi. l. 4.* Quò pertinet Scholastica Satisfactionis definitio cum dicitur esse *voluntaria redditio æquivalentis aliis indubiti*, cum nimirum fidejussor quod alius debet aut æquivalens reddit creditori *Scot. in 1v. Dist. 15.*

IX. In Sacris Satisfactionis vox hoc gemino pariter sensu usurpatur, vel pro humili confessione, agnitione peccati, & petitione veniæ, vel pro solutione plena quæ justitiæ divini pro peccatorum debitis satisfit; Priori sensu peccatores dicuntur sæpius apud Patres Deo *satisfacere* cum humili confessione peccatum agnoscunt, & veniam ejus deprecantur Origenes homi. 3. in Jud. *Humilia te ipsum Deo, & satisfactio ei in confessione pœnitentia* Lactantius lib. 4. c. 17. *Si peccata nostra confessi satis Deo fecerimus* Cypria. de lapsis loquens. *Peccatum suum satisfactione humili, & simplici constantes;* Ita omnis peccatoris pœnitentis actus qui Deo placet ejusque veniam & gratiam impetrat, quo scilicet testatur sibi de admissis peccatis vehementer dolere, eaque se facta nolle, adeoque ex animo cupere in Dei gratiam redire, *satisfactionis* nomine apud eos venit; Et quia nobilis imprimis erat lapsorum fidelium pœnitentia publica, in ea potissimum & singulari quadam ratione hæsit apud veteres Satisfactionis vocabulum; Unde in Ecclesia Satisfactionis nomen increbuit ad significanda publica illa pœnitentiæ testimonia quæ ab illis qui in grave aliquod & notorium peccatum inciderant publicè solebant in Ecclesia veteri ad fidelium ædificationem, & offendiculi dati reparationem exhiberi quæ *Satisfactiones Canonica* dicebantur, & in foro externo Ecclesiæ dabantur. Ex quibus patet, ut hoc obiter dicamus, quàm ridiculi sint Pontificii dum Patrum loca quæ de istiusmodi Satisfactionibus loquuntur ad Satisfactionum suarum vel propriarum vel alienarum commentum probandum trahere conantur, cum tamen constet longè aliam esse apud hos & illos vocis istius significationem.

X. Secundo verò sensu cum Satisfactio pro solutione sumitur, non est cuiusquam peccatoris Deo satisfacere, solius Christi hoc est proprium, qui pro

peccatis nostris λύτρων in cruce perfolvit, & obedientiā usque ad mortem Dei justitiæ plenè satisfecit; Et hæc est significatio hujus loci propria cum de *Satisfactione Christi* disputamus. Per eam quippe nihil aliud intelligimus quàm voluntariam Christi *ὑπακούω* obedientiam & passionem, quā se ipsum obtulit Deo per Spiritum æternum in sacrificium *ἱλαστικόν*, ut pro nobis impleret omne Legis postulatum, & omnes pœnas ex ordine divinæ Justitiæ nobis debitas in se transumptas tanquam fidejussor noster lueret; atque ita propitiatione perfectissima pro peccatis nostris præstita, liberationem à morte & maledictione, simulque jus ad vitam æternam absolutissimā Justitiā suā nobis acquireret. Unde constat ad hanc Satisfactionem tum *actiones* tum *passiones* Christi concurrere quibus plenissime legem implevit tum faciendo quæ jubebat, tum patiēdo quæ interminabatur. Cum enim utrumque ab homine peccatore lex requireret & utrumque ad perfectam salutem necessarium esset, utrumque etiam pro nobis *solvi* ab ipso debuit, ut in eo perfectum *δικαίωμα* haberemus quo non modo impunitatem respectu pœnarum à sanctione Legis denunciatarum consequeremur, sed & positivè jus vitæ æternæ quam facientibus lex promittit adipisceremur; Licet autem hæc Christi Satisfactio in morte potissimum eminerit, unde illi in Scriptura sæpe salus & redemptio solet tribui *synecdo*, quia fuit cumulus & corona ejus obedientiæ, ad totam tamen vitam extendenda est in qua Christus justitiam omnem implevit, & sic merendo satisfecit & satisfaciendo meruit.

XI. Quanvis verò *Satisfactionis* vox præcisè sic sumpta quoad verba sit ἀρχαῖον, tamen æquivalenter & κατὰ τὴν προσηγορίαν in Scripturis sæpe occurrit: Nam voces tum V. tum in N. T. *ἰσχυρά* reperiantur; in V. quidem T. 79 & 119 Exo. 13. 13. Ps. 49. 8. 9. 79 & 79 Exo. 21. 30. Levit. 13. 30. unde dies 79 quia in illo sollemnis fiebat propitiatio pro populo; In N. λύτρων ἀντὶ λυτρῶν ὁπολύτρωσις πηγή, ἱλασμός λυτρῶν, ὁπολύτρων ἱεραρχεῖν & sim., quæ ut suo loco videbitur apertè eam connotant, ne varias phrasas commemoremus ex quibus invictè elicitur ut in sequentibus patebit.

XII. De hac autem *Satisfactione* tria potissimum quæri possunt, 1. An fuerit necesse Christum satisfacere pro nobis; 2. An verè & propriè satisfecerit; 3. An perfectè & absolutè omnibus partibus sibi demandatis defunctus sit; In primo attenditur *Necessitas*; In secundo de *Veritate* inquiritur; In tertio consideratur *Perfectio*, de his enim tribus gravissimæ moveri solent controversiæ tum à Socinianis tum à Pontificiis: Nos verò nunc quidem primum illud caput executuri 1. Quæstionis statum & partium dissidentiam sententiam proponemus, 2. veram & Orthodoxam sententiam confirmabimus κατὰ σκοπὸν 3. per ἀντιστοίχην præcipua Adversariorum argumenta confutabimus.

XIII. Et si non intricatus videtur *Quæstionis status* Quædam tamen hîc ἱερώματα & non controversa removenda sunt. 1. Non quæritur An peccata pœnam mereantur & punibilia sint, utrinque enim est in confesso peccatum

omne esse pœnâ dignum. Nam cùm sit aliquid inconforme supremæ regulæ, hoc est Legi æternæ, fieri nulla ratione potest ut Deo non displiceat, adeoque peccatorem non obliget ad pœnam, qui enim Deo displicet, dignus est eo ipso qui à Deo rejiciatur; sed de eo controversitur, An ut peccata punibilia sint, ita debeat Deus necessariò & velit actu punire semper ex Justitia. 2. Non disceptatur, An peccata quædam actu puniat vel punire debeat: Agnoscunt enim Adversarii Deum non posse non punire peccata impœnitentium & contumacium: Sed an omnia omnino ita puniat, ut nullum inultum abire patiatur. 3. Non vertitur propriè in controversiam An Deus ex *summo illo Jure* quod in Creaturam obtinet, & *potentiâ absolutâ* peccata remittere possit absque satisfactione; Neque enim ii sumus qui limites Omnipotenti statuere velimus; neque nostrum est definire quousque infinita illa & *αὐτὰρ δὲ* quam in Creaturam obtinet potestas extendatur? Sed quæstio est de *Jure virtutibus temperato* & *potentiâ ordinatâ* secundum quam non tantùm potest agere, sed agere vult & agit in hoc præsertim negotio. Denique non disquiritur An Christus debuerit aliquid facere & pati quo secundum partis læsæ acceptilationem gratis & precariò consequeretur veniam; nam & illud dant Adversarii: Sed an meritoriè, re ipsa, & integrè satisfacere debuerit, non omittendo aliquid quod stricto jure fieri debuit, sed tam agendo quàm patiendo quicquid ad salutem nostram erat requisitum.

XIV. Unde jam facilis & perspicuus emergit Quæstionis status; An scilicet Deo nobiscum ex *Jure virtutibus temperato* agente nullum peccatum impunitum dimitti possit, atque adeo Satisfactio Christi eatenus pro nobis necessaria fuerit, ut absque ea nec remissio peccatorum, nec salus æterna potuerit obtineri, seu An ex parte Dei non modo congruum & consentaneum, sed & necessarium fuerit Christum Justitiæ Divinæ pro nobis plenè ac perfectè satisfacere ad opus Redemptionis nostræ peragendum; Obliquè negant Pontificiï, subdolè labefactant Remonstrantes, sed *συμψήφῳ καὶ ἀπορτῇ* & apertè oppugnant Socinistæ.

XV. Socinus passim contrarium astruit tum in *lib. de Servatore* tum in *Praelelii*. Ego censeo, inquit, & orthodoxam sententiam esse arbitror Jesum Christum ideo Servatorem nostrum esse quia salutis æternæ viam nobis annuntiaverit, confirmaverit & in sua ipsius personâ, cum vitæ exemplo, tum ex mortuis resurgendo manifestè ostenderit, vitamque æternam nobis ei fidem habentibus ipse daturus sit, Divina autem Justitia per quam peccatores damnari mereremur pro peccatis nostris neque illum satisfecisse, neque ut satisfaceret opus fuisse affirmo. Lib. 1. de Serva. c. 1. Idem statuit Cateches. Racovienſis, Ostorodii Institu. Smalzius contra Frantzium, Crellius contra Grotium, Volkeliſius denique contra omnes.

XVI. Orthodoxorum vero constans est sententia, Christum pro peccatis nostris omnibus Justitiæ divinæ verè & perfectè satisfecisse, & ut satisfaceret omnino necesse fuisse, ita ut absque eo foret, nulla nobis vel remissio-

missionis peccatorum, vel salutis & immortalitatis spes affulgere possent.

XVII. Hic autem mirari satis non possumus, quòd ex Lutheri discipulis nonnulli sint, atque inter alios *Gherardus* in loco de Justifi. c. 36. qui occasiorem datam volunt novis Photinianis hujus blasphemi erroris sui per doctrinam Ecclesiarum nostrarum de absoluto Electionis decreto. Nam, inquit, si absolutâ Dei voluntate salvandi sint electi ad vitam eternam, utique etiam absolutâ Dei voluntate peccata illis remittentur, vel cerè remitti potuerunt, adeoque nihil opus est Christi satisfactione aut merito: Illi verò eadem argumentandi ratione facile collegerint non opus esse vel fide vel poenitentia: Sed iniquissima est accusatio, & vel ex eo satis refutatur quod qui pro absoluto electionis decreto pugnamus, etiam pro vera Christi satisfactione adversus illa dogmatum portenta totis viribus decertamus; Et sanè absolutum decretum de sine nullum assert mediorum constitutioni præjudicium, cum potius illi subordinentur, nam qui destinavit nobis ab æterno salutem ex solo beneplacito, noluit tamen eam conferri in tempore nisi satisfactionis interventu: Qui nos dilexit amore benevolentia ut daret Christo, & Christum nobis, non diligit amore beneficentia nisi in eo & propter eum. Unde *Electi* dicimur in Christo Eph. 1. 4. non ut Electionis causa meritoria & antecedente, sed ut executionis fundamento ac primario medio consequente.

XVIII. Cæterùm inter Orthodoxos de satisfactionis necessitate aliquod occurrere sententiarum divortium non diffitemur; Nam et si omnes mordicus necessitatem satisfactionis tueantur adversus communem Adversarium, ita ut nulla alia ratione actu liberemur à peccatorum reatu & morte quam per eam, cum in nullo alio quam Christo sit salus Act. 1v. 12. Non pariter tamen omnes & ex æquo necessitatem illius adstruunt: Quidam enim necessariam quidem fatentur fuisse satisfactionem, sed ex hypothesis tantum decreti divini, quatenus hoc apud se statuit Deus, & hanc suam voluntatem in Verbo patefecit, nimirum ut per Patrem, Sponsoris & Mediatoris nostri liberemur: Necessitatem etiam congruentia hic agnoscunt, quia maximè congruum erat divinæ Majestati, ne impunè violari dicerentur ejus præcepta, adeoque ipsi Justitiæ præjudicium aliquod fieri, peccata non aliter dimitti, quàm acceptâ Christi satisfactione; At non ita absolute necessariam eam censent, quin alii modi Liberationis & salutis Deo possibiles fuerint, quâ in sententia videtur fuisse *Augusti.* cum diserte dicat li. 13. de Trini. c. 10. Alium modum Deo possibilem non desuisse cujus potestati cuncta æqualiter subiaceant, sed sananda nostra miseria convenientiorem modum alium non fuisse nec esse potuisse: Alii verò non tantum necessitatem quandam hypotheticam urgent quæ solâ voluntate Dei nitatur, sed & absolutam quæ fundetur in Justitiâ; unde petunt Deum mortem filii sui decrevisse in Redemptionis pretium, non modò quia nolit peccata remittere sine satisfactione, sed & quia non possit per Justitiâ; & hanc sententiam Nos libenter amplectimur, tum quia Scripturæ sacræ magis est consentanea, tum quia commodior est ad retundendam pesti-

pestilentissimi hæretici perviciaciam, cui non parum, imprudentes licet qui aliam insistant viam, gratificatur.

XI X. Ut ergo ad sententiæ nostræ confirmationem accedamus, statuimus duobus imprimis fundamentis niti Satisfactionis necessitatem, *Naturâ* scilicet Dei, ejusque *Voluntate*; Illa in proprietatibus & virtutibus ejus elucet; Ista in Lege & Verbo Euangelii declaratur: Et ad *Naturam* quidem quod attinet faciliè demonstramus, necessariam fuisse satisfactionem: Nam si Deus naturâ Justus est, si perfectè odit & averfatur peccatum ut sanctitati & Justitiæ suæ è diametro repugnans; utique non poterit non illud punire, ac proinde nec poterit illud absque satisfactione remittere, At prius illud certissimum est; Nam præterquam quod negari non potest Justitiam esse de conceptu essentiali Divinitatis, siquidem repugnat omnino, imò blasphemum est concipere Numen quod sit injustum; si Scripturam consulimus toties Justitia illa Deo tribuitur, ut nullus dubitationi locus superesse possit: Quid enim aliud sibi vult Regius Psalter quum ait Ps. v. 6. 7. *Odisti omnes qui operantur iniquitatem, non est commoraturum apud te malum* & Ps. cxix. 135. *Justus es Domine & Recta Judicia tua*, Quid aliud Abrahamus Gen. xvi 11. 25. *An Judex terra totius non exerceret jus?* Quid aliud Daniel ix. 7. *Tibi Domine Justitia &c.* & Habac. c. 1. 13. *Purior es oculis quam ut aspicias malum.* & Jos. xxiv. 19. *Non potestis colere Jehoram* (scilicet cultu hypocritico) *quia Deus sanctissimus est, Deus sortis, zelotes non feret defectionem vestram & peccata vestra.* Quid aliud Paulus cum testatur Rom. i. 18. *Patere iram Dei è cælo adversus omnem impietatem & injustitiam hominum*, & vers. 32. *Singulos in conscientiis suis convictos esse, hoc esse Dei δικαιοσυνη quod qui talia faciunt digni sunt morte.* Denique ne plura hic congeramus, Dominus ipse protestatur sapius se sortem esse & zelotem qui nullo modo absolvat fontem, sed visitet iniquitatem patrum in filios, Exod. cap. xx. 5. & xxxiv. 7.

XX. Positâ autem semel hæc in Deo Justitiâ necessariò sequitur, pœnam ex ea peccato deberi; Nam cum Justitia hæc sit *επιτακτική* & distributiva quæ versatur in suo cuique tribuendo, prout eam Cicero describit ad Herennium dum ait esse æquitatem jus unicuique tribuentem pro dignitate cujusque, & Simoni-des referente Aristotele in Polit. positam esse dicit *ἐν τῷ τὰ ὀφειλόμενα ἰσάζειν ὁποῖός ἐστιν*, omnino requiritur ut quemadmodum ex ejus præscripto bonis bene debet esse, ita & malis sit malè, Rom. ii. 6. 7. 8. Ita de Odio & Ira Dei si ratiocinari volumus res clara erit; Cum utrumque *ἀνθρῳπενανδρῶς* tantum Deo tribuatur, sed *θεοπροσωπῶς* intelligendum veniat, nullam animi ægritudinem vel perturbationem in Deo notat, sed tantum summam rei alicujus displicentiam & detestationem cum certa & constanti voluntate eam puniendi: Rursus cum nihil velit Deus quod non possit, omnino si odit peccatum naturaliter, inultum illud abire nunquam patietur, unde Psalter, Psal. v. 6. 7. ex eo quòd Deus odit iniquitatem, concludit eam non impunè mansuram, quo significat eum esse inter odium peccati ejusque punitionem nexum, ut vinculum illud

illud resolvi haud quaquam possit. Non est ille instar fictitiorum Gentilium Numinum quæ fictâ & imaginariâ satisfactione contenta iram facile deponere credebantur, unde apud illos in usu nonnunquam fuit pietas victimas assumere in expiationem peccatorum, quod *Alex. ab Alex.* post Thucydidem prodidit, & Jupiter ipse sæpius accensis tantum facibus placabatur: At Deus noster ignis consumens est, oculi ejus puriores sunt quam ut aspiciat malum, multò minus ut illud inultum ferat.

XXI. Non nos latet equidem varie hic arguari Adversarium ut vim istius argumenti declinet. 1. Circa vocem *Justitia* negat illam designare propriè in Scriptura Justitiam illam *προνομον* & vindicatricem quam urgemus Nos, cujus ipse nullam necessitatem agnoscit nisi circa impenitentes, sed potius *Justitiam universalem*, id est, Æquitatem & Rectitudinem quæ alibi puritatis ac sanctitatis nomine venit, & secundum quam ea omnia facit, quæ fieri jure debent, seu quæ fieri jus & honestas postulat; Unde *Prælecti* cap. 16. neque enim, inquit, in Deo ulla *Justitia* est quæ peccata omnino punire jubeat, cui ipse renunciare non possit; Est quidem in Deo perpetua *Justitia*, sed hac nihil aliud est quàm æquitas & rectitudo. Verùm frustra hæc & perperam ab eo afferuntur. Nam etsi non negamus diversimodè sumi vocem *Justitiæ*, ita ut vel *Justitia universalis*, vel particularis intelligatur, & hæc rursus vel in dictis vel in factis attendatur; petendimus tamen sapius & in hoc præsertim negotio sumi relatè ad Judicium pro constanti voluntate peccata ulciscendi; quod vel ipsa locorum antea laudatorum inspectio comprobare poterit abundè? Neque Paulus diceret *Justum esse apud Deum reddere afflictionem affligentibus*, 2 Thess. 1. 6. vel Angelus Deum esse *Justum & Judicia ejus justa*, ed quòd in peccata severè animadverterit. Apocal. xvi. 5. 6. 7. vel David, Daniel, Nehemias toties *Justum* vocarent Deum ob pœnas varias vel fidelibus vel impiis illatas nisi propriissimè hæc *Justitia particularis* Deo competere, non tantum ad modum actus arbitrarii & liberi quem Deus possit exercere vel non exercere pro libitu, sed ad modum proprietatis, cujus quidem exercitium objecta, & modi liberrime à Deo & sapientissimè ut omnia administrantur, sed quæ tamen quoad radicem & principium Deo sit essentialis. Huc pertinent ea omnia loca in quibus Deus dicitur toties justè & in justitia mundum judicaturus in quibus Judicia sua ex justitia exercere perhibetur ut Ps. 1x. 5. & cxix. 131. Act. xvii. 3. Ro. 11. 5. & 111. 5. 6. &c. Nam hæc dici non possent nisi *Justitia* hæc particularis virtus esset & proprietas naturalis ex qua justum ejus judicium promanat. 11. Imò etsi daremus Adversario Scripturam per *Justitiam*, Æquitatem & Rectitudinem Dei potissimum intelligere, nihil propterea decederet causæ nostræ, cum non minus hac ratione stringere possit argumentum; Nam cum, ut rectè Philosophus tradidit, *Justitia* hæc virtus sit universalis quæ alias omnes sub se complectitur, omnino Æquitas ipsa non erit omnibus numeris absoluta sine *Justitia* vindicante, quippe quod æquum sit

fit imò æquissimum ut Dei odium testatum fiat in peccatorum punitione, summæque unicuique tribuatur. Ita si Justitia universalis intelligitur, particularis etiam notatur, quæ in illa ut species sub genere continetur: Et sane Justitia illa universalis perfecta non posset dici, nisi cum amore sanctitatis concipiatur esse averfatio mali, & ex averfatione voluntas puniendi; quare enim Justus dicere-
tur, nisi quia summam rectitudinem & sanctitatem habet, ita ut neque in ipso, neque in operibus ejus quicquam sit quod ab ea rectitudine vel tantillum recedat; At si posset non punire peccatum, posset non odisse, si posset non odisse posset amare, & sic non esset summè justus. Accedit etiam quod cum pœnas & supplicia peccatorum agnoscat Adversarius esse effectus irati Judicis, effectus illi necessario arguunt causam in ipso, causa autem nulla dari potest nisi Justitia illa vindicatrix quæ Sanctitatis & summæ Rectitudinis pars quædam est & *Sancti-
for.* Jos. xxiv. 19. Psal. xi. 7.

XXII. Excip. II. Odium & Iram Dei non statim inferre Justitiam vindicatricem esse Deo essentiali, posse enim esse liberæ voluntatis effectum, non proprietatis naturalis actum; Ut Deus oderit quia vult, non quia à natura necessario ad id determinatur. 2. etsi odium esset naturale & necessarium non sequi statim pœnæ necessitatem, ut in nobis datur averfatio sine punitione, averfamur vitia eorum qui nos injuria afficiunt, nec statim licet aut lubet ea ulcisci, parentes filiorum vitia desistantur, & tamen sæpe sine pœna ignoscunt, quidni E. Deus pariter poterit odisse & non punire? 3. Si Deus punire potest ubi non odit, E. odio habere poterit & non punire; punivit autem Filium sanctissimum quem odio nunquam habuit. Resp. Sed hæc omnia vel falsa sunt vel *ἀρεσθό-
vovte* Ad 1. dico falsò supponi odium & iram esse tantum liberæ voluntatis effectum & non proprietatis essentialis actum, licet enim à libera voluntate exerceatur; non minus tamen in attributo essentiali fundatur; Imò cum actus supponat necessario habitum utique actus odii & Iræ principium aliquod arguit quod non potest aliud esse ab ipsa Justitia: quod ulterius confirmatur, quia fundatur in sanctitate & puritate Dei, unde Jos. xxiv. 19. Deus dicitur non laturus defectionem & peccata populi quia est sanctissimus & Hab. 1. 15. *puritatem oculorum Dei* id, perfectissimam sanctitatem ait causam esse cur non aspiciere possit malum, si E. sanctitas est naturalis & odium pariter. 2. quia amor boni in Deo non est indifferens sed necessarius, ut enim amat se ipsum necessario, ita non potest non amare quicquid sibi simile est; E. odium erit necessarium ex ratione contrariorum. 3. Quia si esset actus liber & indifferens posset cum non exerere, Imò posset juste contrariam velle, id est amare peccatum; nam actus qui in sola voluntate fundatur sunt liberrimi, & ad nullum objectum ita inclinatur Dei voluntas quin si in contrarium inclinaretur posset id justè fieri quis verò ad hoc non horreat? Ad 2. Tam arcto nexu odium & pœnam peccati sociari credimus ut non possit illud poni sine ista ut dictum Th. 2. o. 2. ut sequeretur peccatum Deo semper displicere, & tamen posse peccatorem quæ

quā talem ad se recipere, nam si potest non punire, potest condonare, si potest condonare potest peccatorem in sinu suo fovere; Simile quod assertur est planè dissimile; Aliæ sunt viæ Dei aliæ nostræ, nostrum est averfari peccatum sine vindicta privatâ, quæ iis tantum competit qui sunt in *ἁρπαγῇ* constituti, sed de Deo sine exceptione est dictum, *mea est ultio ego retribuam*. Deinde in nobis est averfatio frigida & sæpe inefficax, vel quia nolumus, vel quia non possumus plectere; Ideo Magistratus & Patres non rarò præposterâ indulgentiâ hîc peccant, vel facultate puniendi destituuntur quia vana est sine viribus ira: sed Deus summè odit peccatum ut læsionem gloriæ suæ & quia summè potens est ulciscitur infallibiliter: differt quidem aliquando vel transfert pœnas, sed non ideo penitus aufert; semper punit si non in peccantibus ipsis saltem in Vade. Ad 3. dico argumenta ab oppositis non semper admitti posse in Theologia v. g. jubemur amicos amare, malè tamen quis cum Phariseis colligeret debere inimicos odisse, sic mala opera sunt causa exiti, ergo & bona salutis, nec enim eadem causalitas est bonorum operum erga salutem quæ malorum erga exitium, hæc quippe efficiunt & merentur propriè mortem quia nostra sunt & indebita, at illa nullam talem *ἁρπῆν* habent ad salutem, quia nec nostra sunt nec indebita, & si necessaria sunt ad eam necessitas est tantum *præsentia* non *efficientia* & meriti, ut conditionem in salvandis, sed non ut causam ipsius salutis. Itaque non si Deus punire posset ubi non odit, continuò odio habere poterit, & non punire. 2. falsum Deum unquam punivisse sine odio, nec exemplum Christi hoc evincit, nam licet *in se* & propria persona dilectissimus fuerit Patri, tamen ut *Vas & sponsor noster* qui peccata nostra in se recepit, Deum iratum sensit, & se à Deo derelictum questus est.

XXIII. Porro hoc ipsum luculenter confirmari potest, sive naturam peccati, sive Dei ipsius *ἁρπῆν* in hoc negotio attendamus: Nam ad naturam quidem peccati quod attinet, quando certum debet esse & extra omnem dubitationis aleam positum, naturale aliquod discrimen intercedere inter vitium & virtutem, non tantum positivum & liberum, prout *Carneades* olim censuit, qui Justitiam & Injustitiam nomina esse tantum, rem autem ipsam pro hominum arbitrio mutabilem esse docuit; Certum itidem & manifestum est bonum morale cum physico & malum physicum cum morali naturali quadam necessitudine consociari, ita ut & illud præmiū & hoc pœnæ rationem habeat; quippe cum conveniant utrinque in eodem genere vel boni vel mali, & divinam sapientiam omnino decet hæc simul componi, nec sine absurditate fingi potest vel sanctitatem absolutissimam comitem habere perpetuam miseriam & calamitatem, vel summum scelus cum summa & jucundissima felicitate conjungi.

XXIV. Nec Sapientiæ tantum hoc convenit, sed Bonitati & Justitiæ divinæ imprimis consentaneum est; Et bonitati quidem primo; siquidem tanta ejus vis est & magnitudo, ut non modò bonis bene esse velit, sed ut nequidem videatur contrarium à se impetrare posse, ratio est manifesta; cum enim Deus

bonum sit quo non potest esse melius, bonum autem sit naturâ suâ amandum & expetendum, omni dubio procul est Deum sese summopere amare; Porro ob eandem rationem ob quam Deus sese amat quâ bonus est, amabit etiam quicquid naturâ suâ simile reperiet, & in quo imaginem suam refulgere videbit: certum autem est in pietate & sanctitate potissimum imaginis divinæ partem sitam esse, quo circa non potest eam non amare vehementer ubicunque ea occurrat. Nemo autem quidquam amat usque adeo vehementer ex bonitate, quin etiam ex Iustitia vehementer oderit quod ei adversarium est; hæc enim sese invicem consequuntur & ponunt; Jam verò quemadmodum qui amat ille etiam testatur amorem suum beneficentiâ si qua ratione id potest, amor enim in eo consistit quòd bene iis volumus esse quos diligimus, adèò ut si per nos liceat non modò velimus, sed etiam re præstemus ipsa, sic etiam qui odit si quo pacto id facere potest quicquid vindictæ habet præ manibus id omne in id quod averfatur effundit, ut vel destruat penitus vel longissimè amandetur, itaque si odit Deus peccatum, puniet omnino & ulciscetur.

XXV. Secundò dixi *ἡ δόξα Dei* hîc esse attendendam; neque enim hîc spectandus est ut Dominus simpliciter, aut ut privatus, sed ut *Judex & Rector* mundi, atque adèò ut *Summus Magistratus*, siquidem poenâ affligere, aut à poenis aliquem liberare cùm punire possis, non est nisi Rectoris quâ talis primò & per se, ut puta in familia Patris, in Republica Regis, in Universo Dei; Quod ex eo vel maximè patet quòd poena sit ultimum in coactione, Coactio autem non competat nisi superiori τῇ ὑπερῷῳ ἐξουσίᾳ. Cùm ergo Deo supremum regimen & potestas gubernandi competat, non potest non Rectoris partes obire nisi Dominio isto se abdicare, id est quod Scriptura possibile esse districtè negat velit seipsum abnegare. Itaque quàm necesse est Rectori & Principi inter homines bonas & æquas leges ferre, & latarum se custodem præfiteri, vel præmia obedientibus largiendo, vel poenas transgressoribus irrogando, tam necesse est Deum supremum mundi Rectorem & Judicem scelera hominum ulcisci nec impunita dimittere; An non *Judex totius terra exerceret Jus?* Gen. xviii. 25.

XXVI. Atque hinc facilè colligitur frustra hæreticum identidem nobis reponere, Deum se habere ut *partem offensam* tantum in hoc negotio, partem autem offensam esse poenæ creditricem, atque in ea re habere jus quale alii Creditores in rebus sibi debitis, ut vel exigere possit vel remittere pro libitu. Nam I. *Punitio* de qua hîc quæstio est non est actus competens *parti offensa* quâ tali, quia alioquin opporтерet omni parti offensa competere per se jus puniendi, quod falsum esse ex eo apparet, quod punire diximus esse actum τῆς ὑπερῷῳς. Læsi quidem qualescunque jure naturali & ordinariè jus habent postulandi restitutionem & damni compensationem, potestatem autem cogendi, atque adeo constituendi & sumendi poenam, quâ tales non habent, nam qui alium cogit ut restituat ablatum, eo ipso sese illo superiorem constituit & regulas

Juris exequitur quod non facit quia læsus, sed quia potestate quadam Rectorali sive ordinaria sive extraordinaria instructus; Si ergo Deus punit vel pœnam tollit ut Judex, non facit ut pars offensa; Interim non negamus Deum qui peccata punit vel peccatoribus condonat recte dici partem offensam, quia iis omnino offenditur primò & per se, sed punire aut impunitum dimittere, ei quæ pars est offensa tribui negamus; punit quidem homines quia læsus est, sed non quia læsus, sed quia Rector.

XXVII. Deinde *Jus puniendi* in Rectore & Magistratu non est *jus absolutum Domini*, aut *jus Crediti* simpliciter, in quo cuique licet facere de suo quod voluerit, ut pertendit Adversarius, nam istud comparatum est ejus gratia qui illud obtinet; At *Jus puniendi* non punientis propriè causâ existit, sed causâ totius Communitatis, & quoniam delicta publicè puniri interest; Pœna enim omnis propositum habet commune bonum, Ordinis nimirum conservationem & exemplum: Ad hæc nunquam cum justitia pugnat de Jure Domini aut Crediti cedere, quia hæc est natura proprietatis ut eâ tam uti quàm non uti liceat, at Judex non potest abstinere à Jure admistrando, citra injustitiam, quia versatur in alieno negotio quo suum cuique tribuendum est, imò quædam peccata puta impœnitentium & contumacium, impunita dimittere injustum esset ipso fatente Adversario; Itaque longè alia ratio est debitorum & pœnarum, Creditoris atque Judicis, ac proinde cum Deus non sustineat modò personam partis offensæ sed Judicis imprimis, nihil de Jure suo æterno & immutabili hac in parte cedere potest, ut fusiùs postea probandum erit.

XXVIII. Ex his autem jam satis liquet Justitiam illam vindicatricem non esse actum liberum & arbitrium qui à sola Dei voluntate pendeat, sed proprietatem essentialem ad cujus exercitium voluntas, posito peccato necellariò impellitur. Et sanè si Dei naturam decet ut non patiatu perire quem peccati pœnitet, quia bonus est & Clemens, non minus etiam decebit ut peccatum inultum abire non sinat quia Justus; Nam ut prius oritur ex naturali quadam *potest* & propensione bonitatis & misericordiæ versus pœnitentiam, ita & posterius fluit ex naturali quodam peccati odio & detestatione; Imò si accuratè rem putamus, posterius illud aliquanto magis convenire videtur. Nam cum peccatum condonat id facit ex abundantia quadam bonitatis, sed nullo jure, nulla lege tenetur ad hoc præstandum; ideo Naturæ suæ in eo ductum modò sequitur, creaturæ verò nullum meritum: At in Justitia administranda præter Naturæ *potestatem* illam qua propendet in odium peccati, habet etiam rationem ordinis cujus custos est atque vindex, & cujus legem semel latam abrogare haudquaquam potest. Quoad prius, nullam videt in subiecto qualitatē quâ moveri possit ut illi benefaciat, vel si aliquam videt, contrariam videt Sanctitati suæ, & ejusmodi propter quam justè posset ab omni beneficio supersedere; At respectu posterioris subiectum videt eâ vestitum qualitate quæ

Justitiam ad exercitium incitet & necessitate quadam inevitabili propellat, unde *actus misericordiae* planè *arbitrarius* est si cum præscindas à decreto, quia nullum habet fundamentum in subjecto circa quod exeritur, *actus* verò *Justitiæ necessarius*, quia non pendet tantum à voluntate, sed ab ipsa Dei punientis & Rei puniendæ natura.

XXXIX. Porro huic essentiali & indeclinabili Justitiæ Divinæ suffragatur *communis* hominum *sensus* & consensus; Unde enim impressa illa Conscientiæ vis quæ horrorem metumque incutit peccatoribus; Unde cæca illa verbera quibus torquentur post scelus admissum nisi ex Justitiæ vindicatricis persuasione firmissima? *Conscientia* scilicet repræsentativum Numen quoddam est, bonorum & malorum facinorum Index & Judex, quæ hominem reum assiduo cædit verberare, nec patitur securum esse inter tot Justitiæ Divinæ & cœlestis vindictæ testimonia. Unde dicta illa apud Veteres usurpata.

Quò fugis Encelade quascunque accesseris oras
Sub Jove semper eris &c.

Conscia mens ut cuique sua est, ita concipit intra
Pectora pro factò spemque metumque suo.

Et Prima est hac ultio quod se
Judice nemo nocens absolvitur &c.

Huc respiciunt & ista *hoscce*
Evassisse putes quos divi conscia facti
Mens habet attonitos & surdo verberare cadit
Occultum quatiente animo tortore flagellum.

Planè sicut Paulus testatur dari in homine, *cogitationes accusantes & excusantes* Roman. 11. 15. nimiumque id experiuntur peccatores ipsi dum hoc tortore interno velut funis identidem exagitantur, quorum mentes si recludantur, inquit Tacitus, possent aspici laniatus, & ictus, quando ut corpora verberibus, ita *severitia*, *libidine*, *malis consultiis* animus dilaceretur, manet scilicet impressus imminentis supplicii terror, nec tollit se unquam ab oculis imago luridæ mortis.

XXX. Nec in perditis tantum aut nequissimis sensus hîc viget, obtinet etiam apud alios quorum vita honestior videtur, nec tot sceleribus commaculata; Neque enim aliunde quàm ab hoc principio possunt originem duxisse apud Ethnicos innumera illa *ἱλαστικά* quæ placando Numini sunt excogitata, Victimæ illæ piaculares quæ interdum etiam ex ipso hominum seligebantur numero, cum ea persuasione solo sanguine humano iram Deorum immortalium placari posse, ut habet *Casar* lib. 6. de bello Gall. Tot lustrationes & februationes inter ipsos usitatæ, Provocationes crebræ in quacunque injuria & oppressione ad Justitiam Dei, & aurea illa dicta quæ in ipsorum libris etiamnum hodie leguntur *ἕχει θεὸς ἱνδικὸν ὄμμα*, *Εὐγε θεὸς τὸν ἀδικτὸν* & illud alterius Poetæ.

Aspiciunt oculis Superi mortalia iustis, &c.

Et raro antecedentem scelestum

Deservit pede pœna Claudio.

Notum etiam illud oraculi Delphici apud Ælium

ἀλλὰ κακῶς ῥέξαισι δίνας τίλῃ· ὅχι χρονοῦν

ἔδει αὐπαρτίτην ἐν καὶ Διὸς ἐκγονοὶ εἶεν

καὶ αὐτῶν κεφαλῇσι, καὶ ἐν σφετεροῖσι τεκίσσιν

ἡλίπτῃ, καὶ πῦμα δόμοις θῆτι πῖμασι βαίνει.

Quod sic transtulit H. Grotius

At scelestum fontes divinum persequitur Jus

Nec pote vitari, non si genus ab Jove ducant

Sed capiti ipsorum, quique enascuntur ab ipsis

Imminet, inque domo eadem subit altera clades.

Neque hoc latebat Barbaros Melitenses Actor. xxvii. 4. qui visâ viperâ quæ ex sarmentis manui Pauli adhæserat dicebant eum esse homicidam quem è mari elapsum Δίκη sive ultio divina vivere non pateretur; Imò hæc persuasio tam altè infederat omnium animis ut Pœna pro Dea coleretur ab Assyriis, & Nemesim ac Δίκη pœnis sceleribus infligendis Græcia destinarer: Hoc verò ab hominibus exprimi vix potuisset nisi Natura ipsa necessitatem aliquam satisfactionis demonstrasset; Nam quæ ita pendent à Deo ut per naturam ad illa facienda non determinetur, nullo modo nobis sine speciali revelatione natura nota esse possunt v. g. est quidem Deus naturâ bonus & misericors, nec tamen naturâ nobis hæc inest communis persuasio Deum velle absque satisfactione peccata nobis condonare, quemadmodum voluit humanæ menti insitam esse notitiam quandam Justitiæ, cujus hæc est Lex, non ut qui peccat peccet impunè, sed ut peccatum pœna sequatur vel propria vel vicaria, si enim eadem ratione notum fuisset ipsis Deum æquè necessariò misereri hominum ac punire peccatores, cur tantopere ad ipsius Justitiæ exhorruissent, cur non potius recordatione misericordiæ fuissent erecti? Certè nihil hic afferri potest plausibilis quàm hoc, quod ipsis naturâ notum fuerat Deum quidem misereri, sed ex solo beneplacito, at verò punire peccata etiam ex necessitate naturæ.

XXXI. Quinimò si Adversariorum verba expendimus non difficile erit sententiæ nostræ confirmationem ipsis vel invitis extorquere. Nam I. fatentur Justitiæ vindicatricem necessariam esse respectu contumaciæ & impenitentium ita ut extra omnem veniæ spem sint constituti, ergo hoc saltem respectu non erit arbitraria sed naturalis, quod pertinaciter tamen negabant: & si respectu contumaciæ necessaria est, quidni etiam respectu peccatorum? Nam cum obstinatio & perveracia non possit propter se ipsam puniri, siquidem dum in bono versatur constantia est, & quidem laude non vituperio digna, puniri debet tantum quia in malo est, ideoque punietur peccatum primò & per se, obstinatio verò respectu peccati duntaxat, at si peccatum primò & propter se pœnas luit, ubi-

cun-

cunque dabitur peccatum, etiam non accedente obstinatione ibi etiam pœnam subsequi necesse erit; Adde quòd cum lex non contumacibus duntaxat sed simpliciter transgressoribus pœnam denunciaret, nulla ratione ejus sanctio ad solos contumaces restringi potest aut debet; Non dicit subijci maledictioni tantum manentem in opposito eorum quæ scripta sunt, sed non manentem in omnibus scriptis Gal. III. 10. Imò Jacobus expressè testatur eum qui impegerit in unum reum esse omnium c. II. 10. II. Agnoscit Crellius hunc esse effectum Justitiæ divinæ ut præter Jus nihil creatura imponat, eas vel præter vel ultra meritum plebendo quia qui sic plebderetur non quòd suum est acciperet, sed quòd suum non foret. At si hoc verum est, multò magis ejusdem Justitiæ hic erit effectus ut Creaturam peccantem justa meritum suum puniat, nam ei qui convenientem delicto suo pœnam refert tribuitur quòd suum est; Deus verò ex Justitiæ suæ ordine debet cuicque tribuere quòd suum est, unde sequitur Justitiæ repugnare peccatum ullum impunitum relinquere. III. Fatetur idem nec Sanctitatem nec Majestatem Dei usquequaque ferre ut impunè mandata ipsius violentur. At quid hoc aliud est quàm agnoscere Justitiam illam ita necessariò Deo competere, ut peccatorum impunitas cum illius Sanctitate, Majestate, & Ordinis communis conservatione consistere nequeat?

XXXII. Sic fuit fundamentum primum necessitatis Satisfactionis; Sequitur alterum; Dei scilicet Voluntas & Decretum tam Lege quàm Evangelio expressum; Nam cum Deus jam ab initio mortem peccatori sit interminatus, nec possibile sit eum vel mutari vel mentiri, cum sit ipsissima Veritas & summa atque invariabilis Constantia Is. XLVI. 10. & Malach. III. 6. Omnino necesse fuit comminationem illam executioni mandari, & vel hominem ipsum moriendo huic edicto satisfacere, vel in persona Vadis pœnâ vicariâ illud ipsum implere, Extat autem variis in locis sententia hæc comminatoria, tum Adamo primitus denunciata Gen. III. 17. Quo die comederis de eo utique morietur es. tum in Lege confirmata maledictus qui non persisterit in omnibus quæ scripta sunt in libro Legis ut faciat ea Deuteron. XXVII. 26. tum in Prophetarum & Apostolorum scriptis subinde iterata Ezech. XVI. 20. Anima qua peccaverit ipsa morietur; & Roman. VI. 23. Stipendium peccati mors; tum exemplis variis Justitiæ ac vindictæ Divinæ identidem confirmata. Ira enim Dei è cælo revelatur adversus omnem impietatem & injustitiam hominum, Rom. I. 18. 19.

XXXIII. Hic verò varia excipiunt Adversarii. I. Legem & comminationem in Paradiso denunciatam specialem fuisse quæ Adamum tantum obligaret; non verò ceteros mortales quibus non fuit revelata, quique adeo peccat istius committendi occasionem nullam habuerunt; quòd si mori dicantur homines etiamnum hodie, id non fieri propriè propter sua vel aliena peccata, sed ex naturali eorum conditione & propagatione quia ex eo sunt progeniti qui mortalis fuit, plane ut servorum nati etiam servi sunt. Resp. Sed miserè hic

hic hallucinantur. Nam 1. Etsi lex illa Symbolica & annexa illi sanctio primaria & directe lata fuerit Adamo eumque actu obligarit, quia tunc temporis actu extitit, non sequitur tamen, nulla ratione pertinuisse ad posteros, imò quia posteri omnes in Adamo fuerunt tanquam in Capite & Radice, hinc necessariâ consequentiâ deducitur, etiam in ipso eatenus omnes obligatos fuisse. Neque de eo patitur nos dubitare Apostolus ad Rom. v. 12. dum ait *per unum hominem peccatum introiisse in mundum & per peccatum mortem & ita mortem in omnes pervasisse, in quo scilicet homine omnes peccarunt*, nam ex eo liquet peccatum Adami non fuisse ipsi peculiare, sed toti naturæ commune, quando propter illud pœna in omnes pervasit. At cum ut ibidem addit Apostolus vers. 13. *Peccatum non imputetur ubi non est Lex*, omnino si in Adamo omnes peccarunt & moriuntur, 1. Corinth. xv. 22. in Adamo etiam lege aliqua obligati sint necesse est. 2. Scriptura non tantum in illa sanctione, sed alibi passim mortem peccatori interminatur. Imò dicit Apost. eam regnare etiam in eos qui non peccarunt ad similitudinem transgressionis Adæ, ibidem vers. 14. Id est, actualiter adversus Legem illam Symbolicam, quod luculenter probat sanctionem eam non peculiarem fuisse peccato Adami, sed in genere adversus omne peccatum qualecunque demum sit, denunciata. 3. Atque eò certius hoc colligitur quod ut Lex illa specialis Synecdo. universalem obedientiam Deo præstandam complectebatur (symbolum enim fuit totius legis moralis conscientia Adami impressa, quæ ipsius obedientiam in re nec magnâ nec difficili explorare voluit) ita transgressio ejus non mandati tantum hujus positivi, sed Legis etiam naturalis ipsi à Deo indita violationem secum traxit. 4. Quod verò addunt tandem homines mori non propter sua vel aliena peccata, sed ex naturali tantum conditione, quia ex mortalibus nascuntur; *πρωτὶν ψευδ* eorum est falsissimum quod directe Scripturæ adversatur quæ mortem non Naturæ sequelam, sed peccati stipendium & legalis sanctionis effectum declarat, Rom. vi. 23. Ezech. xvi. 11. 10. Moriuntur ergo non tantum quod mortales ex mortalibus nascantur per generationem, sed quia ex ea traducitur peccatum cujus merito mortis rei sunt, ut hîc non lex tantum Naturæ sit attendenda, sed occultum etiam Judicium, quod erga peccatores se exerit.

XXXIV. II. Excipi. Verba illa Legis, *Maledictus qui non manserit in omnibus præceptis legis* etsi ob similitudinem & analogiam quandam tum ratione culpæ tum ratione pœnæ in iis expressæ ad eos quoque accommodari possit qui sub lege non vixerunt, & sic ad universos homines extendi, præsertim postquam illis legis vox & sententia aliquo modo innotuit: Tamen si textus consulatur patere quod ad solos Judæos qui sub lege Mosaica vixerunt revera & proprie pertineant; Non enim sit simpliciter *Legis* mentio ut possit quis quamcunque legem etiam Naturæ hîc intelligere, sed *Legis hujus* ut ad Mosaicam restringatur; Lex autem Mosaica solis Judæis revelata est, ac proinde ejus sanctio quæ fuit

foederis illius quoddam veluti vinculum, quo homines qui ad illud pertinebant, ad conditiones ejus omnes servandas adstringebantur. Resp. *Lex Mosaiica* potest bifariam spectari, *vel formaliter*, quatenus est tabulis consignata ac per Mosem tradita cum appendicibus variorum rituum & caeremoniarum, *vel materialiter*, quatenus substantiam mandatorum continet quibus Creatura erga Creatorem suum obligatur. priori sensu non negamus legem primariò Israelitas spectasse quibus directè lata est, sic tamen ut alios quoque ad quorum noticiam postea sub ista *Lexi* pervenit, etiam sub illa ratione formali obliget. At posteriori communem dicimus fuisse tam Gentibus quàm Judæis, nam *Gentes legem non habentes sibi ipsis sunt Lex*, ut quæ ostendant opus Legis scriptum in cordibus suis, &c. Rom. 11. 14. 15. Ita gentes vixerunt etiam sub Lege quamvis non sub Lege scripta Rom. 11. 19. Quando verò maledictio per Legem denuntiatur, non strictè restringitur ad V. foederis œconomiam, sed ad omnem inobedientiam legi in quocunque statu præstitam, quod facillè colligitur ex morte quæ regnavit ab Adamo usque ad Mosem, nondum promulgatâ Lege Mosaiçâ; Neque articulus demonstrativus *hujus* contrarium probat, apponitur enim *diapheusis* ad distinguendam Legem Dei à Legibus & Traditionibus hominum, non verò excludit sed includit Legem naturalem quæ eadem est quoad substantiam cum Morali.

XXXV. III. Excipitur. Etsi comminatus fuerit pœnam Deus per Legem suam, non tamen veritatem aut constantiam ipsius convelli etsi peccata impunita dimitteret, quia *comminationes* illæ censendæ sunt *conditionata* non *absoluta*, quales plurimæ occurrunt in Scriptura & quidem ferè omnes, nisi vel earum contrarium naturâ suâ turpitudinem quandam in se contineat, aut signum comminationibus sit additum immutabilis planè voluntatis, ut si illis juramentum adjungatur quale extat de Israëlitis incredulis & contumacibus in terram promissam non introducendis, Num. xiv. 28. Hebr. 11. 11. Psal. xcv. 12. Si neutrum horum appareat comminationes censendas esse relaxabiles & tacitam quandam exceptionem sive conditionem in se continere etiamsi ea expressè non sit appositæ, ac proinde comminanti maximè si sub aliena lege non sit positus, licère eas revocare.

XXXVI. Resp. Sed non unâ ratione falluntur hîc & fallunt Adversarii. 1. Non negamus tacitas quasdam interdum subesse posse conditiones in comminationibus Divinis, quarum exempla prostant in comminatione Isaïæ ad Ezechiam c. xxxviii. & Jonæ ad Ninivitas, c. 111. 4. sed *particulares & œconomica comminationes* quales istæ fuerunt quibus Deus utebatur ad eam resipiscenciam producendam quæ illas sequuta est, haudquaquam sunt confundendæ cum *Legis æternæ immortali sanctione* cui & hominum conscientia, & Gentium consensus ultrò adstipulantur, maximè cum dicat Christus Matth. v. 18. ne quidem *apicem unum aut iota ex Lege transiurum quin omnia impleta sint*, & Apostolus Hebr. x. 28. *Legis transgressorem mori absque misericordia*. Peccant ergo gravi-

ter dum à particulari ad universale argumentantur. 2. distinguendæ *Comminationes* quæ *pœnas temporales* tantum denunciant, ab illis quæ *mortem æternam* & maledictionem peccatori intentant, illæ possunt nonnunquam relaxari, non istæ, quamvis enim Deus pœnam aliquam temporalem vel differat vel auferat respectu impiorum, non sequitur tamen in illis tolli Legis sanctionem vel Deum ab ea recedere, nam si differt supplicium non auferit tamen, vel si tolerat in hac vita, puniturus est in altera tarditatem supplicii gravitate compensando, Quæstio a. nostra est non de pœnarum quarundam temporalium vel dilatione vel aversione, sed de omnimoda impunitate contra sanctionem Legis. 3. Non confundendæ sunt *comminationes Paterna & Evangelica* cum *Legalibus & Indicialibus*, illas nihil prohibet nonnunquam abrogari & tolli quia dispensative tantum sæpius proponuntur à Sapientia Dei, non ut impleantur, sed ut homo iis deterretus à viis suis pravis revertatur, sed istæ non possunt, quia æternum & immutabile Dei jus notant quod sine præjudicio Justitiæ tolli non potest. 4. Non necesse est semper ut juramentum addatur comminationibus vel promissis in signum immutabilis voluntatis, nam quamvis propter infirmitatem nostram illud addatur quandoque, non minus impossibile est tamen Deum mentiri cum loquutus est simpliciter, quàm cum juramento se adstrinxit, Heb. vi. 17. 18. 5. Non videretur carere absoluta criminum impunitas & sanctionis legalis abrogatio aliquâ turpitudine, qualis est in Rectore & Judice officii quod exercere debet in ordinis conservatione desertio & contemptus.

XXXVII. 6. *Comminationes* non aliter sunt dispensabiles quàm ipsæ Leges quibus annexæ sunt, at solæ Leges *positivæ* relaxationem possunt admittere, non verò Lex *naturalis* quæ in ipsa Dei sanctitate & justitia fundatur. 7. Neque hic juvat quod ajunt Deum sub aliena potestate non esse constitutum; Nam licet non sit sub aliena Lege positus, unde non potest à superiori & extrinseco prohiberi, quin si vellet relaxationem illam omnimodam concederet, tamen sibi ipsi lex est, nec sanctitatis, constantiæ & veritatis ratio patitur, ut à Justitiæ norma semel posita vel tantillum deflectat, unde quemadmodum non potest se ipsum abnegare, ita nec adversus Justitiam quicquam committere Legis sanctionem abrogando; Si ergo quædam conditio sub illa Legis sanctione intelligenda esset, semper deberet fieri salvâ Dei Justitiæ, nec alia potest esse quàm hæc, pœnam hanc necessariò subeundam esse peccatori, nisi Vadem & Sponsorem reperiat qui pœnam ipsi debitam in se recipiat, & sic omnia mala sua nomina dispungat ad ultimum usque quadrantem. Fateor Deum poenitentiae polliceri remissionem peccatorum, sed non sequitur si hæc à parte nostri requiritur duntaxat ad remissionem consequendam, ab illa sola pendere hoc beneficium & comminationis relaxationem, imò cum respiciencia fidem semper comitem exigar, fides verò supponat necessariò satisfactionem aliquam præviam quam sibi applicet coram Deo, inde colligitur non posse tolli sanctionem nisi salvâ Dei Justitiæ & satisfactione intercedente.

cata fidelium in Vadem transferri dummodo puniantur. Peccatum quidem omne plectendum esse ex Legis sanctione aeterna & immutabili, at peccatorem omnem non item; aliquando enim fit propter misericordiam & paternam clementiam ut dum punitur peccatum, subtrahatur peccator & à pœnâ eximatur, unde pœnam omni peccato deberi dicunt nonnulli *impersonaliter*, sed non *personaliter*. Itaque in Lege & sanctione pœnali, duo distinguenda sunt. 1. Denunciatio mortis quæ fit propter peccatum. 2. Comminatio quæ fit ipsi peccatori. Prius est de *jure Dei aeterno* immutabili & indispensable, unde remissio non potuit obtineri nisi per mortem & sanguinis effusionem quæ fuit pœna peccati: At posterius est de *jure Dei libero* & positivo, potuit enim Deus vel peccatorem ipsum plectere, vel pro illo si liberet ex gratia cum ipso agere, vadem substituere. Certum quidem est eum qui deliquit pœnam mereri, eoque punibilem esse, hoc enim ex ipsa peccatoris ad Deum relatione necessariò sequitur; at quòd idem peccator necessariò puniatur in persona sua etsi hoc sit commertus, non semper obtinet propter paternam Dei *ἰσχυράν*. Non dissideor etiam peccatoris ipsius punitionem esse rerum naturæ & ordini perquam convenientem, & substitutionem non faciliè nec levi de causa admittendam esse; At gravissimam causam habuit *παίσια ὁ νόμος* ita constituendi, nam si omnes peccatores aeternæ morti mancipandi fuissent, periissent funditus ex rerum natura duæ res pulcherrimæ, ex parte hominum Religio in Deum, & ex parte Dei præcipuè in homines beneficentia testimonium.

XLI. Porro pœnam omni peccato deberi ex Legis præscripto, nec sine satisfactione remissionem ejus obtineri posse præter ea quæ jam allata sunt, docet nos manifestè locus ad Hebr. cap. ix. 22. *Sine sanguinis effusione non fit remissio peccatorum*; quare enim sanguinis effusio requireretur nisi quia ad expiationem peccati necessariò intercedat oportet mors Creaturæ ut satisfiat Justitiæ Divinæ & Legis sanctioni. Neque hic audiendi Adversarii qui hæc verba restringere volunt ad V. T. æconomiam & ritus Legales quibus sanguinis victimarum effusio præscribebatur: Nam etsi concedamus Apostolum de istiusmodi caeremoniis loqui, non excludit ille tamen, sed includit potiùs relationem ad Christum, quia victimas legales spectat ut typos sacrificii Christi quo verè & perfectè debuerunt peccata expiari; non ex vers. 23. 24. seq. liquidò patet; dum ita colligit Apostolus *necesse fuisse exemplaria rerum celestium hisce rebus mundari, ipsa verò celestia potioribus victimis mundanda fuisse*. Nimirum id sibi vult quod quemadmodum sub Mose legalia omnia, puta Tabernaculum, liber, vasa, victimæ &c. utpote typica ejusdem naturæ materiæ ac ritu nempe pecudum sanguine, aquâ, lanâ & hyssopo lustranda fuerunt; Ita sub Euangelio quod Cœlestia omnia continet necesse fuit potiores victimas ad eorum mundaionem adhiberi, scilicet sacrificium Christi, quod hic ad denotandam ipsius summam perfectionem numero multitudinis ex He-

bræo idiotismo effertur, quia Legalibus omnibus longè antistat, & unum est instar omnium, puta Corpus omnium umbrarum & veritas figurarum, Joh. I. 17. & Col. 11. 18.

XLII. Eam verò *Necessitatem* ex ipsa *Fœderis Evangelici* natura & *mortis Christi* consideratione fortius evincere possumus; Nam cùm fœdus istud ex æterno Dei consilio Mediatore & Sponsore nitatur, Hebræ. vii. vers. 22. qui animam suam daturus erat in redemptionis pretium pro multis, Matth. xx. 28. Non potuit impleri & firmum ratumque esse nisi accedente hac Sponsoris nostri satisfactione quæ Justitiam placando nobis ad Misericordiæ thronum aditum pararet, & favorem ac benevolentiam Numinis, reis alioquin & indignis peccatoribus conciliaret; Et vero si inanes potuerunt esse vel penitus relaxabiles Legis comminationes; Quæ tandem excogitari poterit ratio legitima propter quam Deus dilectissimum & sanctissimum Filium suum, crudelissimæ & ignominiosissimæ morti subjecerit? Si pœna in innocentem jure transferri non potest quod pertendit hæreticus, quo pacto justum erit Christum nec in se nec nostri gratia nocentem & reum horrendis illis cruciatibus exponi? Quænam legitima tam diræ mortis assignari poterit causa? Nam quæ afferuntur ab Adversario tum doctrinæ confirmatio, tum exemplorum sanctitatis, charitatis & patientiæ præmonstratio sanè non erant tanti, ut propter eas unigenitus Dei filius diris esset cruciatibus devotendus; Maximè cùm & doctrinam suam variis miraculis confirmasset luculenter, & in vita pietatis eximix & invictæ patientiæ pulcherrima jam exempla dedisset; Ergo alia procul dubio causa suberat tam insolitæ dispensationis, nimirum Justitiæ Divinæ ratio & Legis edictum cui à Christo qui locum nostrum subibat satisfieri oportuit, atque hinc est quod Paulo Roman. 111. 25. dicatur *constitutus à Deo in placamentum per fidem in sanguine ipsius ad demonstrationem Justitiæ suæ per remissionem peccatorum precedentium, &c.* ex eo enim liquidò patet quàm sit Justitia Dei inexorabilis, cùm non passa sit peccata remitti nisi interventu tanti pretii & ipsius Dei morte & sanguine.

XLIII. Deinde si unico nutu & verbo peccata omnia nostra delere & veluti nubem dispellere potuit, an verisimile est eum tantæ molis opus aggressurum fuisse? Qui nihil frustra & sine necessitate molitur Deus quomodo filium suum in quo omnis ejus *εὐδοκία* reposita erat citra necessitatem e coelo dimittere, carne nostra & servili forma induere, multis modis exercere, ac tandem *κατάγειν* & peccatum efficere sustinuit? Sanè non patitur Sapientia & Bonitas Dei ut credamus hoc illi liberum fuisse & integrum, imò utraque necessitatem quandam memorabilem hic intercessisse credere nos cogit.

XLIV. Præterea si satisfactio necessaria non fuit, nulla videtur idonea ratio reddi posse quamobrem Deus tot illustres ejus Typos in V. fœdere extare voluerit. Cur enim non licuit electis Israël videre Deum nisi prius oblato sacrificio cujus sanguine populus fuerat conspersus, Exod. xxiv. 9. 10. nisi ut
signi-

significaretur non posse nos ad Dei conspectum & communionem admitti quin prius Christi sacrificio fragrantissimo & sanguine *παυσίμως* Iustitiæ Divinæ fuerit satisfactum? Cur Moyses pro Populo apud Deum iratum intercessorem egit, nisi ut doceret opus Nobis esse omnino Mediatore aliquo inter Deum & Nos, qui non tantum sequester esset & interpret voluntatis Divinæ qualis fuit Moyses; hoc enim non obstabat quo minus ad vocem Dei loquentis expavesceret Hebr. xii. 21. Sed qui verè esset *ἀντιπροστάτης* qui pace per sanguinem facta plenè Nos Deo & Deum Nobis reconciliaret, Col. i. 20. Cur denique sub illo fœdere tantam sacrificiorum molem instituit, quibus nec doctrina confirmabatur, nec fœdus percutiebatur, nec exemplum proponebatur, sed reatus tantum typicus populi, morte ob peccata victimæ inflictâ auferebatur; nisi ut certissimum essent & indubitatum testimonium victimam aliquam non brutam, sed divinam & cœlestem requiri omnino, quæ reatum verum in se suscipiendo à peccatoribus tolleret & morte sua Jus communionis cum Deo illis promeretur & restitueret? Hebr. ix. 13. 14.

XLV. Accedit etiam quòd frustra Apostolus toties iteraret in Epist. ad Hebr. Sacrificia Legalia peccati reatum tollere non potuisse ut inferret Christi sacrificio nos debere purgari, si purgatione planè nihil opus fuisset; Nam quod tam facilè solâ Dei misericordiâ absque ulla satisfactione tolli potuit, cur non potuit tolli pariter intercedente victimarum legalium morte? Si non plus confert sacrificium Christi ad expiationem propriè dictam sacrificiis legalibus, nihil causæ dici potest cur eam istis denegare & illi tribuere constanter voluerit? Quid quod quum negat Apostolus victimas legales peccati reatum tollere posse, rei ipsius naturam attendit, non tantum quia aliter Deo erat constitutum, sed vel imprimis quia tam execrabilis & fœda res est peccatum ut nullo hircorum taurorumque sanguine elui expiarive possit; propterea, inquit Hebr. x. 4. *Impossibile est sanguinem hircorum & taurorum tollere peccata*; quod verò continuò subjicit vers. 5. 6. 9. *quapropter ingrediens mundum dicit, sacrificium & oblationem noluisti, corpus autem adaptaisti mihi, tunc dixi Ego adsum*, &c. ac denique concludit *auferri prius ut posterius stabiliaur*, manifestè evincit, hanc fuisse Apostoli mentem, abrogatis sacrificiis omnibus legalibus ut inutilibus & vanis, subrogatum fuisse ex Dei æterno consilio unicum Christi sacrificium, quod solum ad tantæ molis opus exequendum par esse poterat, & sine quo peccati reatus nunquam in æternum deleri potuisset.

XLVI. Cæterum cum *Necessitas* illa quæ pœnas peccati exigit, nec physica sit, qualis esse solet in iis quæ vel bruto instinctu, vel cæco naturæ feruntur impetu, nec verò *coactionis* ut in iis occurrit qui per vim aliquid patiuntur, sed *Ethica* potius & *rationalis* quæ à virtute, Iustitiâ puta & Sanctitate originem ducit, & liberâ intercedente voluntate exeritur: non ita præfractè est urgenda, quasi nullam hîc penitus relaxationem admitteret, sed semper ex-

sum-

summo jure quantum potest, agere nobiscum Deus teneretur; cum enim idem ille Deus qui justissimus est sit etiam summè misericors multiplicem in virtutis istius administratione *ἡμεῖς* admittere potest, modo fiat salvo æterno & immutabili Jure suo; Unde diversimodè Justitiæ hujus exercitium bonitate & clementia temperat, vel ratione *temporis* differendo supplicium, vel ratione *pœnarum* eas mitigando vel immutando, vel ratione *personarum* eas ab una in aliam transferendo.

XLVII. Atque hoc est singulare illud & eximium beneficium quo donamur sub Evangelio, dum dimissis Nobis qui ut rei & fontes, ex rigore Legis rapiendi eramus ad supplicium, Vas & Sponsor in locum nostrum substituitur qui pœnas nobis debitas in se transferat, quod fuit mirabilè Sapientiæ divinæ temperamentum sine quo spes omnis salutis decollaverat: Nam vel pœna propria nobis erat sustinenda & sic Justitiæ quidem litatum fuisset, sed Misericordiæ aditus omnis præcludebatur; Vel tanquam insontes absolvendi & salvandi eramus, atque ita Misericordia sese luculenter sanè exeruisset, sed Justitiæ fraus aliqua sic videbatur fieri. Itaque medium aliquod tenere oportuit quo simul & semel Justitiæ satisfieri, & via ad summam & infinitam Misericordiam patefieri posset, quod factum Sponsoris nostri substitutione; Nam ut Justitiam suam in repetenda pœna; ita Misericordiam in submittendo Vade demonstrat, ut in illo acerrimam suam Justitiam ostendit pœnas omnes nobis debitas ipsi infligendo, ita in nos Misericordiæ & Charitatis inexhaustæ rivos omnes & thesauros diffundit non modò propter ipsum veniam peccatorum omnium nobis concedendo, sed & innumera beneficia tum gratiæ tum gloriæ & in hac & in altera vita gratis impertiendo.

XLVIII. Quisnam autem *sponsor* ille esse debuerit aut quænam Satisfactio nobis necessaria fuerit, non difficile est ex dictis colligere; Nam ut Justitiæ Divinæ ratio & Legis Vox Satisfactionem aliquam homini peccatori nisi in peccatis mori velit, necessariam esse persuadent, Ita Verbum Evangelii non acribus querendam esse Satisfactionem illam quàm in Christo *ἡμεῖς* Sponsore nostro passim declarat: Ille enim solus potuit esse N. fœderis *ἡμεῖς* & *μεῖς*, quia medius inter Deum & homines illum Divinitate, istos humanitate continebat, ille solus Naturam humanam habuit quæ pateretur & simul divinam quæ passionibus valorem infinitum adderet, sanguinem humanum, & Spiritum æternum, infirmitatem carnis ut moreretur tanquam victima, & Potentiam divinitatis quæ surgeret & sepulchro & in Sanctum sanctorum ingrederetur ut Sacerdos; Itaque quemadmodum satisfactionem in genere homini ad salutem necessariam esse evicimus, jam necessariam fuisse ipsius Christi satisfactionem superest ut paucis demonstremus.

XLIX. Non nos latet equidem hic in diversa abiisse nonnullos è Veteribus qui ut supra notabamus ex Augustino modos alios Deo possibiles non de-
fuisse sunt arbitrari; imò eo usque progreditur Doctissimus Præsul, ut dicat,
stultos

stultos esse qui dicunt non potuisse sapientiam Dei aliter homines liberare, nisi susciperet hominem & nasceretur ex femina. Serm. de Annunc. Dom. Ita Leo I. Sermon. II. de Incarn. Bonavent. in 3. senten. Distin. xx. q. 6. De liberatione firmiter credo quod alio modo potuit liberari genus humanum, de Redemptione vero nec nego nec audeo affirmare, quia temerarium est cum de Divina potentia agitur terminum præfigere ei, amplius enim potest quam nos possumus cogitare. Notum etiam plerosque è Scholasticis vanis & curiosis questionibus præter Scripturam, ut in aliis omnibus solent, in hoc argumento locum nimis dedisse, quæ hujus mysterii fidem paulatim enervant & immotum hoc Religionis Christianæ fundamentum subruunt, de quibus videndus Vasques in 3. Tho. Disput. 1. 11. & Suares in eandem; Verum non defuerunt alii complures tum ex Patribus tum ex ipsis Scholasticis qui necessitatem hanc cognoverunt ut Athanas. in eximio tractatu de Verbi Incarn. Anselmus in lib. 1. Cur Deus homo cap. 16. 17. Basilus in Psalm. xxviii. Ambrosius in Hebr. ix. Thomas contra Gentiles lib. iv. c. 54. 55. Et in eam Nostri ferme omnes propendent sententiam ut tutissimam & Scripturæ imprimis consentaneam: Quod tamen ita intelligendum non est quasi Dei Omnipotentiam ullatenus restringere velimus; Neque enim hic queritur propriè quid Deus potuerit absoluta suâ potentia, sed quid facere apud se statuerit, quidve ad salutem nostram necessarium fuerit; Dicimus ergo necessariam fuisse hanc Christi satisfactionem, non modò ex hypothesi decreti & consilii Dei qui Christum in Sponso rem nobis destinaverat ut peccatum pro nobis factus nos essemus Justitia Dei in ipso; sed etiam ex ipsius natura rei, quia nullum aliud melius vel convenientius dari poterat medium ad opus Redemptionis peragendum; Nam cum satisfactionem aliquam Justitia postulare, eam autem neque homo per se ipsum neque per aliam quamvis è Creaturis sufficere posset, non aliunde potuit peti quam à Christo qui omnia ad satisfaciendum requisita habuit. Et agnoverunt ipsi Scholastici dum fatentur posito quod Deus voluerit redimere homines non per viam potentie, sed per viam perfectæ Justitiæ simpliciter necessariam fuisse unionem hypostaticam & *ἁνωθιότητος* satisfactionem vide Suare. in 3. Thom. q. 1. Disput. 1v. 5. 2.

L. Rationes varix in eam rem afferri possent, sed hæc una potest esse instar omnium; Nam cum peccato quod infinitam Majestatem læserat infinita poena deberetur, si perfectè satisfaciendum fuit, opus fuit satisfactione infinita, jam autem infinitè satisfacere non potest nisi qui infinitus est; quare cum nemo vel ex Angelis vel ex hominibus sed unus Deus hanc summam *ὑπεροχῆς* obtineat utpote qui omnes meræ sunt Creaturæ, nemo etiam præter Deum sufficiens *ἀντὶς* & *ἀντιτάξις* pro nostra Redemptione dare potuit: Porro quia non decebat vel Patrem vel Spiritum S. incarnari, & Mediatorem fieri, siquidem nec Pater potuit mitti cum sit à se ipso, nec infra Filium & Spiritum S. qui ab ipso sunt æconomicè humiliari & Mediatorem agere; Nec Spiritus id mune-

ris poterat obire quia debuit à Mediatore mitti & versari circa applicationem salutis acquisitæ, solus Filius potuit commodè hoc munus sustinere qui ut medius inter Patrem & Spiritum, Mediator potuit esse inter Deum & homines; & ut naturâ erat Filius per gratiam filios nos facere, redimendo per justitiam quos per potentiam creaverat; Sic ut necesse fuit λόγον incarnari & θανάτῳ περὶ fieri, necesse etiam fuit ad Redemptionem nostram Christum θανάτῳ περὶ pro nobis satisfacere: ὅπερ ἴδεν θεοὶ καί. Atque ita conclusum esto secundum caput quod nobis propositum fuerat. Tertium jam exequendum esset circa ἀνταρκειῶν Rationum Adversariorum, sed quia plures sunt quàm ut paucis pagellis includi possint, eas brevitati consulentes in sequentibus συνθεσὶς Disputationis argumentum reservamus.

C O R O L L A R I A.

I. Etsi Satisfactio fuerit necessaria ad Remissionem peccatorum consequendam, non tamen desinit ipsa Remissio esse respectu fidelium planè gratuita.

II. Cum soli fidei competat satisfactionem Christi nobis applicare sola etiam nos justificare potest, non opera qualibet vel ante vel post gratiam.

III. Qui prævissionem fidei vel operum Electioni praestruunt, illi nunquam vel Dei Eligentis εὐδοκίαν liberrimam, vel hominis Electi extremam miseriam satisfecit agnoverunt.

IV. Qui semel verè sunt conversi nunquam finaliter aut totaliter excidere possunt à Gratia, quicquid Remonstrantes pro Apostasia Sanctorum in contrarium asserere possint.

DISPUTATIO SECUNDA
D E
SATISFACTIONIS
CHRISTI NECESSITATE.

Respondente DAVIDE GIRARDO, Neocomensi.

THESIS PRIMA.



DISPUTATIONE præcedenti de Satisfactionis Christi Necessitate egimus *κατασκευαστικῶς*, & pluribus argumentis, tum à Natura, tum à Voluntate Dei petitis, demonstratam eam dedimus; Quia verò saluberrima hæc doctrina & jam olim à male feriatis hominibus impugnata est, & etiamnum hodie à pestilentissimis hæreticis variis argumentorum arietibus concutitur, quæ nisi expediantur piis studiosis negotium facessere possent, ideo quod Nos suprà facturos recepimus, eorum *ἀνταρξολῶν* cum bono Deo hac Disputatione breviter aggredimur.

II. Quæcunque autem hic ab Adversariis opponuntur ad tres classes possunt revocari: In prima evincere conantur Deum *posse* condonare peccata absque satisfactione. In secunda non tantum posse per Naturam, sed etiam *velle* ex decreto, atque voluntatem illam Nobis in Verbo patefecisse. In tertia non modò posse & velle, sed *ne posse quidem contrarium* sine aliqua injustitiæ & crudelitatis labe: Prima ostendit Satisfactionem Vadis Naturæ divinæ summè Misericordi repugnare & *non esse necessariam*; Secunda eandem refragari Voluntati & *salvæ* esse docet. Tertia in ipsam Dei Justitiam arietare atque adeò *iniquam* esse contendit.

III. Quod ad primam sic illi ratiocinantur, Si necessaria esset Christi Satisfactio, eo potissimum nomine necessaria esset quòd sit in Deo Justitia quædam *ἐπιταγοδοτικῇ* & vindicatrix illi essentialis quæ non possit admittere peccatorum remissionem sine prævia quadam satisfactione: At falsum est, inquit, dari talem Justitiam in Deo quæ illi sit naturalis 1. quia quod Deo est essenziale necessarium est & non potest non esse; At ista Justitia potuit non esse, putà si Creatura peccatrix nulla fuisset. 2. naturalia in Deo non sunt contraria; At Misericordia & Justitia sunt contraria, illius enim est salvare, istius destruere & perdere. 3. quod est inæquale & suscipit magis & minus non est de essentia Dei, quia

in Deo omnia sunt infinita; At Misericordia & Justitia tales sunt, nam qui multus est misericordiâ, dicitur tardus ad iram, qui Justitiam in quartam tantum generationem exierit, idem Deus benignitatem & misericordiam ad millesimam usque extendit Exod. xx. 4. Si Justitia esset essentialis, tum necessariò omnium peccata deberet æqualibus plectere pœnis, nec posset istius misereri illum verò punire, nihil enim facit aut facere potest quod proprietatibus suis adversatur, v. g. cùm sapientia in Deo resideat, nihil unquam insipienter præstare potest; Ita si Deus naturâ justus est, semper & ubique & ad extremum deberet Justitiæ illius actus exerere, quod tamen scripturæ & experientiæ adversatur. 5. Denique quod liberum est non est naturale, at Justitia libera est quia liberæ voluntatis effectum, secundum quam liberè potest punire vel condonare peccata quibus vult, sicut potuit creare vel non creare, vel aliter creare mundum.

IV. Resp. Non difficile tamen est primum hunc Adversariorum impetum retundere; Nam præterquam quòd antea satis superque ex ipsa Scriptura rationibusque variis essentialem illam Dei justitiam *improphabilem* asserimus, nihil hic in contrarium affertur quod facili negotio refelli non possit: Nam ad 1. falsum est quod assumunt Justitiam illam Dei potuisse aliquando non esse, neque enim concipi potest nedum esse Deus nisi justus & Sanctus; neque ratio allata de non existentia Creaturæ peccatricis quicquam probat, Distinguenda enim Justitia ab ejus exercitio & effectis quæ per metalepsin sæpe Justitiæ nomen fortuntur, *ἐξέγεια* à *δυνάμει*, actus 1. à 2. Sanè si nulla fuisset creatura peccatrix, nullum datum fuisset Justitiæ exercitium vel *ἐξέγεια* ad extra, quia requirit præsentiam objecti tali modo constituti, sed fuisset semper in Deo ipsa Justitia radicaliter & quoad actum primum, nam etsi nunquam futura fuisset ulla creatura peccatrix, non desinebat tamen hæc propositio esse verissima, Dei natura ita sancta est & justa ut non possit videre, multò minus ferre malum: quemadmodum ab æterno Deus fuit sanctissimus & Justissimus etsi nondum dabatur peccatum, fuit misericors & clemens quamvis nulla dum esset creatura misera; ita potuisset has proprietates sibi habere in æternum quantumvis nullæ creaturæ factæ fuissent vel misere vel peccatrices: Sic licet Deus nihil condidisset, non desuisset tamen omnipotentia in Deo dari quia poterat semper condere quæ condidit. Cæterum quamvis Justitia ad id ut sese exeret Creaturam peccatricem ut objectum requirit, non obstat tamen quominus illius exercitium necessarium dicatur positâ tali conditione: Nam egressus attributorum relativorum quæ respectum habent ad Creaturas necessarii sunt, sed ex hypothese & positis ponendis, sic non necesse erat ut Deus homines alloqueretur, sed posito quod vellet alloqui, non poterat nisi verè, quia est mentiri nescius & ipsissima Veritas. Ita poterat non punire si nullum fuisset peccatum, sed necessariò punit positâ creaturâ peccatrice.

V. Ad secundum Resp. distinguendo Justitiam & Misericordiam ab effectis, Justitia quippe & Misericordia non sunt duæ res in Deo nedum contrariæ, sed

una eademque Dei essentia quæ secundum objecta & effecta diversa distinguitur, non in se, sed respectu nostri, diciturque Misericordia cum liberat miseros, Justitia cum judicat reos, & quamvis contrariorum contrarii sint effectus, non tamen vice versâ contrarietas effectuum semper arguit contrarias causas, cum sæpe ex iisdem etiam causis contrarii prodeant effectus; Eorundem radiorum vi & fœtent cadavera & florent rosæ, idem ignis qui lutum indurat, ceram & plumbum liquefacit; Certè si Deus Misericordiam & Justitiam suam erga unum idemque objectum & respectu ejusdem totam exerceret, videretur nec sine ratione istud planè *δυσμεν*, quia ista plectit quod altera condonat, ista pœnam infert quam altera aufert, sed neque hoc Deus apud se statuit, neque id unquam nobis in mentem venit: agnoscimus quidem & credimus Justitiam & Misericordiam Dei per admirabilem *συζήτιαν* à sapientia ejus *πλουσιλογία* factam sese exercere in opere salutis, sed nec in eodem subjecto, nec circa idem, Justitia quippe se exercuit in Christum, at erga nos Misericordia, Justitia in puniendo peccato, Misericordia in salvando peccatore, Justitiæ objectum est culpa sive malum morale quod Deus inultum pati nequit, Misericordiæ verò Miseria sive malum physicum ad quod à Creaturis removendum Deus pro immensa sua bonitate semper propendet, hæc servat opus suum nimirum Creaturam, illa destruit alienum scilicet peccatum.

V I. Ad tertium iterum confundit hæreticus Justitiam & Misericordiam cum operationibus & effectis; Nam si misericordia dicitur iram superare, hoc non *affektivè* sed *effectivè* intelligendum est, quia plura effecta gratiæ & misericordiæ nobis exhibet quàm Justitiæ ad piorum solatium; Ita licet hæc duæ proprietates ex æquo sint infinitæ in Deo, tamen diversimodè sese erga homines exerunt, dum nec omnium æqualiter miseretur, nec omnes ex æquo indurat, sed tantum prout vult, cujus quidem inæqualitatis causa occulta esse potest, injusta esse non potest ut scitè olim August. Si quis verò ulterius quærat cur Deus describatur nobis in Scriptura pronior ad misericordiam quàm ad Justitiam, cum istius non minus quàm illius virtutis exercitium Deo sit naturale; rationes istius discriminis variæ dari possunt, 1. quia suppliciorum peccatis constitutorum longè maximam partem in futurum sæculum distulit, at infinitam propemodum beneficiorum vim & copiam in Creaturas suas effudit, ea res hominum piorum animos eò impulit ut Dei benignitatem supra reliquas ejus virtutes in cælum ferrent. 2. etsi actiones quæ à justitia promanant æquè in suo genere laudabiles sint cum iis quæ à bonitate proficiuntur, quatenus nempe ex eodem fonte fluunt; effecta tamen bonitatis in se sunt jucundissima, nihil enim libentius facit bonus animus quàm cum beneficium confert; effecta verò Justitiæ per se tristitia sunt, nihil enim bonus animus facit magis invitatus quàm ut det infortunium, non quòd Justitiam exerceat, sed quòd Justitiæ exercitio alicui malè sit: Cum igitur quodcunque est in hominibus laudabile, in Deo sit ut loqui solent eminenter, Scriptura

cum nobis inducit beneficientem libentissimè, punientem verò penè invitum, quia opera misericordiæ cum Creaturæ salute & conservacione conjuncta sunt, opera verò justitiæ cum illius exitio & miseria. 3. Cum punit Deus, id facit ex unica severitate & justitiâ, at in operibus misericordiæ datur combinatio variorum Dei virtutum, nam cum Deus nulli peccatori veniam indulgeat nisi prævia quadam satisfactione, vel præstita vel præstanda Justitiæ, Justitiâ & Pax seu misericordia hic se mutuò osculantur, unde mirum videri non debet si prior dicatur ad id faciendum ad quod plura simul concurrunt attributa, quia in eo gloria ejus longè illustrior evadit. 4. Scriptura ita loquitur potissimum respectu fidelium & electorum, cum quibus quia agit ex fœdere gratiæ, ut pater misericors & clementissimus, rectè dicitur tardus ad iram & propensissimus ad misericordiam.

VII. Ad quantum Distingue Necessitatem physicam & brutam, à Necessitate Ethica & rationali. De prima datur consequentia, quæ agunt ex illa necessitate agunt semper & eodem modo quantum possunt usque ad ultimam activitatis spheram; ignis non potest non utere & semperurit ad extremum ubi occurrit objectum aliquod combustibile; At de necessitate morali non valet, quia exercitium illius virtutis pendet à libertate voluntatis quæ diversimodè illud potest modificare. Ita etsi necessarium sit ex parte Justitiæ puniri peccatum, in illa tamen pœnæ distributione libera Patris cælestis *Διόικη* certam œconomiam admittere potest vel respectu temporis dum differtur, vel pœnæ ipsius dum temperatur, vel personarum dum transfertur, neque fraus ulla propterea fieri censenda est Justitiæ, quia vult quidem omne peccatum plecti, sed non pariter omnem peccatorem.

VIII. Ad quantum peccat falsa hypothesi quasi liberum & naturale pugnant, cum tamen amicè inter se conspirent, Voluntas Dei est liberrima, & tamen est Deo naturalis, omnes proprietates quæ Deo insunt ad modum virtutum moralium liberæ sunt quia liberè & spontaneè sese exerunt, nec tamen sunt arbitraræ, sed naturales & essentielles 2. supponit gratis liberum nihil aliud esse quàm contingens & *ἀνάγκη*, At jampridem à Viris Doctis demonstratum est libertati optimè convenire cum necessitate, & unum idemque subiectum posse simul & semel liberrimè agere & necessariò ac immutabiliter, quod Dei, Christi, Angelorum, beatorum, & ipsorum etiam Dæmonum exemplis luculenter comprobari potest. 3. iterum distinguenda permiscerunt ab Adversariis, Justitiâ scilicet cum effectis, Effecta quidem Justitiæ pendunt à Dei voluntate libera, sed ipsa Justitiâ in actu primo non est liberæ voluntatis effectum, cum sit ipsamet voluntas Dei liberrimè quidem sed tamen necessariò peccatum averfans. 4. simile quod petitur à Creatione planè est dissimile, nam hæc versatur circa rem planè indifferentem & quæ potuit esse & non esse, at Justitiæ exercitium de quo quæritur occupatur circa rem necessariam, & quæ aliter fieri non potuit, nimirum distinguenda veniunt duo actionum divinarum genera,

genera, nam vel illæ versantur in *objecto* aliquo *constituendo*, vel circa *objectum* jam *constitutum*, & aliqua vitii aut virtutis qualitate præditum; quæ actiones versantur in *objecto* constituendo, ita sunt liberæ ut ab iis Deus abstinere possit omnino, sic hominem creare decrevit, decretum hoc creatio necessariò secuta est, at liberum ei fuit non decernere, ideo liberum etiam ei fuit abstinere ab ea actione quæ dicitur creatio: at quæ versantur circa *objectum* jam constitutum, ita sunt liberæ ut Deus non possit tamen à se impetrare ut contrarium admittat, quia sanctitati & Justitiæ ipsius repugnaret; si Creatura sancta est & imaginem Dei refert, non potest Deus quin ei bene velit esse, si peccatrix est, non potest quin eam velit punitam ob peccatum; Itaque libertas istarum actionum sita est non in eo quod possint esse vel non esse, sed in eo tantum quod quæ Deus facit in hoc negotio lubentissime & absque ulla coactione facit.

IX. II. *Objc.* Si Deus potest de Jure suo remittere, potest etiam peccata condonare absque satisfactione, At verum prius E. & poster. Assumptum probant. 1. quia unicuique licet cedere de jure suo, E. & Deo & quidem magis, quia est supremus Dominus rerum omnium qui jus habet absolutum & *ἀπολυτὸς* in Creaturam, Juris autem proprii & domini hæc est natura ut illud pariter & persequi cuique liceat & non persequi si libuerit, & si id non liceret, id fieret procul dubio quia in ea juris relaxatione aliqua alicui fieret injuria; at nemini sive puniat sive non puniat facit injuriam, siquidem de Jure suo tantum agitur. 2. quia hominibus licet aliorum offensas liberè & sine satisfactione condonare, imò non tantum possunt ex humanitate, sed etiam debent ex officio. 3. Principes summi non tantum suas, sed & publicas in Remp. injurias cum singulari clementiæ laude condonare possunt, E. & Deus Rex Regum & Dominus Dominantium, atque eò magis quòd illi Reipub. tutores sunt & boni publici administri potius quàm Domini, Deus autem supremus rerum omnium Arbitr & Dominus propter unam sui gloriam omnia operatur. 4. unicuique debita licet sine solutione remittere, at peccata sunt debita & Deus creditor Matth. vi. 12. & xviii. Sic arguitur Socin. de Serva. part. 1. c. 1. Sic Crell. De vera Relig. lib. 1. c. 23 & alii.

X. Sed neque hæc ratiocinatio ut ut magno eum apparatu identidem ab hæretico proponatur quicquam ejus causam juvare potest. 1. *Conseq.* vacillat: Nec enim si posset Deus de jure remittere, posset etiam peccata sine satisfactione condonare, aliud est *Jus* aliud *Justitia* Dei, illud potestas est, hæc virtus, nec si de jure remittere liceret continuò liceret de Justitia, potestas eo usque laxari potest quousque patitur Justitiæ latitudo, ita ut scilicet nihil fiat injustum, injustum autem est n. quod tertium lædit. 2. quod alteri non reddit suum. 3. quod ipsi æquo & bono opponitur, At si peccatum inultum maneat, Lex Dei violatur, peccatis non redditur debita pœna, bonum publicum memorabile detrimentum patitur. Remittat ergo creditor de credito, Dominus de proprietate, sed Ju-
dex

dex & Magistratus de officio quod tum lex tum æquitas ipsa postulat, haudquaquam.

X I. 2. *Min.* absolutè & simpliciter sumpta falsa est, nam si unicuique licet de jure suo cedere, Ergo Magistratus Subditos, Parentes liberos, Deus ipse creaturas dispensare poterit à debita obedientia, Ergo nulla erit judiciorum criminalium in Rep. de jure necessitas, furta, rapinæ, homicidia, &c. impunita dimitti poterunt, nèque *Lex Julia* majestatis de adulteris, aut *Cornelia* de sicariis, aut *Pompeja* de parricidiis aut aliæ publicorum judiciorum leges necessitatem ullam quàm planè arbitriariam obtinebunt, E. ipse Deus poterit impœnitentes & contumaces absolvere; quæ omnia cùm sint falsissima & æquitati ipsi naturali repugnent, ipso fatente Adversario, omnino sequitur limitandum esse hoc pronunciatum juxta diversas Juris acceptiones: Nimirum dantur varæ Juris species, Aliud est *Jus privatum*, aliud *Jus publicum*, de illo cedere quis potest, non de hoc, Aliud *Jus quod ad voluptatem & utilitatem Domini tantùm spectat*, aliud quod *honestatem & officium* respicit, de illo poterit Dominus remittere, at non de hoc; Nam ut is qui legis mandata cum ejus sit exequi non exequitur Legis & Legislatoris auctoritatem violat; ita pariter is qui promissiones & comminationes Legis cùm ad eum id spectat non mandat executioni culpâ vacare non potest; Rursus aliud est *Jus dominicum* aliud *Judiciale*, illud quadantenus remitti nihil vetat, quando ea est natura Domini ut eo possis uti vel non uti pro libitu, at hoc non item, quia non privata res tantùm agitur, sed bonum totius Communitatis; In hoc autem negotio, ut suprà probatum est, Deus non est spectandus simpliciter ut Dominus vel privatus, sed ut supremus Judex & Imperator qui boni publici Rector est & administrator, qui Legum à se latarum custodem se proficitur. Denique aliud est *Jus naturale* quod ab ipsa natura fluit eaque nititur, aliud *Jus liberum & positivum* quod à sola voluntate pendet, istud omnino remitti potest & relaxari, quia liberum est & mutabile, illud verò nequaquam quippe immutabile & æternum; At jus puniendi peccata ut superius demonstratum est non est tantùm liberum & positivum quod pendet à decreto, sed naturale & necessarium quod fluit ab ipsa Justitia & sanctitate.

X I I. Frustra verò arguit Adversarius Deum justè id posse, quia sive illud faciat sive omitat nemini facit injuriam siquidem de suo tantùm agitur: Nam 1. majoris falsitas evidens est, multa quippe sunt quæ fieri repugnat Justitiæ & sanctitati divinæ, quæ tamen si fierent cum nullius extra Deum injuria conjuncta essent; Ita Deus non potest se ipsum abnegare 2. Tim. 11. aut se exuere naturali dominio quod habet in Creaturas, aut Leges virtuti & honestati contrarias hominibus ponere, quod tamen si faceret nemini esset injurius. 2. Si valeret ratio hæretici, ex ea etiam colligere liceret posse Deum impœnitentes & contumaces peccatores impunitos dimittere, quod tamen non audet ipse pronunciare, imò disertè proficitur Deum non posse condonare istis pœnam, quid ita? non sanè

sanè quod cuiquam extra se faciat injuriàm, sed quia majestas legum violatur, & Justitia læditur ut ipse loquitur, quam ergo responsionem suggerit, eà ipse utatur, nimirum etsi nemini faceret injuriàm extra se, faceret Legibus à se latis, faceret Justitiæ suæ quam impunè offendi neutiquam decet, faceret bono publico cujus Tutor est & Administrator Deus; Dices sic Deum statui *ὡς πῶς* & *ὡς* *ὡς* *ὡς* quasi sub aliena potestate constitutus sit qui ex formula judicare debeat, Resp. Neg. sed licet nullum agnoscat superiorem ad quem sit provocatio, tamen cum ipse sibi sit Lex, ut per naturalem suam Instituti non potest non Leges ponere creaturæ intelligenti juxta quas vitam & mores piè & honestè instituat, sic per eandem non potest in suis Iudiciis à Legibus semel latis abire, vel quod insidet Justitiæ tribunal se ipsum abnegando deferere.

XIII. Ad secundum Distin. *homines* alii sunt *privati*, alii in *publica auctoritate constituti*, privati non tantum possunt, sed & debent injurias sibi illatas condonare; non sic Judices & Magistratus qui ex officio tenentur se vindices & custodes Legum profiteri. Quamvis ergo *persona privata* liceat hinc de jure suo credere quod plerumque est *charitatis*; At *persona publica* renunciari Juri suo quod est *Regiminis*, præsertim si renunciatio ista ullo modo cedat in damnum boni publici, non licet. 2. non valet conseq. ab hominibus ad Deum, homines enim conservi sunt fratrum suorum, Deus autem Dominus & Judex; Jus autem puniendi uti diximus non est partis offensæ quæ talis, sed supremæ *ὡς* & auctoritatis, unde rectè Lactant. *Surgimus ad vindictam, non quia læsi sumus, sed ut disciplina servetur, mores corrigantur, licentia comprimatur: Hac est ira justa qua sicut in homine necessaria est, sic utique in Deo à quo ad hominem pervenit exemplum.* Læso quidem & offenso debetur damni illati vel in bonis vel in fama restitutio, sed non pœna offendentis quam solus exigere potest Magistratus; Ideo remissio hæc propriè respicit noxam non culpam, & privatus cum condonat, nihil propriè facit quàm deponere sensum ac memoriam injuriæ acceptæ, ut vel odisse desinat, vel ulcisci amplius nolit, sed tamen non potest impunitatem præstare vel à parte Dei vel à parte Magistratus cujus est in scelera animadvertere, offensas ergo remittit ille, sed salvo *jure tertii* hoc est Superiorum & Dei.

XIV. Ad tertium Resp. 1. *ὡς* *ὡς* *ὡς* *ὡς* Ut Principes utut clementissimi non possunt tamen nec debent scelera plurima impunita dimittere, v. g. crimina læsæ Majestatis &c. ita nec Deus. 2. si Principes gratiam facere possunt quorundam delictorum, eorum est tantum quæ condonari possunt absque injuria boni publici, ita ut auctoritas Legum maneat illibata, sed Justitia non patitur ut extendatur ultra Legum positivarum violationem, vel eos casus aut analogos quibus urbes refugii sub V. T. concessæ olim Israelitis fuerant, nam ex officii conscientia tenentur ulcisci crimina quæ impingunt in Leges naturales & divinas. 3. Dispar est Dei & Principum ratio, quippe hi tenentur interdum clementiam exercere, ne dum supra modum justii videri volunt, crudeles censeantur, ad-

test tolli pro arbitrio personæ quæ Jus habet in rem illam, at hæc nequaquam, quia refertur ad rem ipsam. 2. Si ex eo quod peccatum debitum dicitur posse illud remitti sine satisfactione colligitur, Ergo & ex eo quod mors dicitur ejus *stipendium* & *satus* necessitas satisfactionis elicietur; nam Dux ex officio & Justitiæ præscripto tenetur stipendium militibus suis persolvere, & satus gravidæ necessariò in lucem editur, *peccatum consummatum gignit mortem* Jac. 1. 15. 3. Si ratio illa valet sequeretur & obedientiam quæ pariter vocatur *debitum* Rom. viii. 12. non foris Juris necessariū & immutabilis, nec Justitiam divinam exigere ut Lex illa præferbatur hominibus, vel ut homines Creatori suo subsint, quod falsissimum est. 4. Denique si per omnia quadrare debet similitudo facilè evincetur Deum etiam sine ullo vel fidei vel pœnitentiæ respectu peccatum condonare posse quod tamen constanter negat Adversarius, quemadmodum penes creditorem est totum debitum debitori suo absque ulla conditione remittere.

XVI. Sic pro possibilitate remissionis sine satisfactione disputabat hæreticus: Quia tamen non desunt etiam è Nostis qui licet necessitatem hypotheticam satisfactionis mordicus tueantur, necessitatem absolutam pariter cum ipso impugnant, Deumque posse omnino si libuerit peccata absque ulla satisfactione remittere contendunt, atque inter alios Doctissimus *Turissus* in *Vindici. suis Gratia, &c.* non abs re futurum est si paucis præcipuas ejus rationes ad examen revocemus, I. Si Deus, inquit, non potest remittere peccata sine satisfactione, inde fit, vel quia non potest per potentiam, vel per Justitiam, At neutrum dici potest; Non per potentiam quia si non posset, tum peccatum condonari sive non puniri erit simpliciter impossibile, & propositio hæc *Peccatum non punitur* constabit ex terminis contradictoriis: Non etiam per Justitiam, quia si Deus posset aliquid per potentiam, & non posset per Justitiam, sequeretur Deum aliquid posse quod sit injustum, quod implicat. Resp. Perperam hic separantur conjungenda, *Potentia* nimirum & *Justitia*, hoc enim quæritur, An Deus possit per *Justitiam*, seu an non Justitia lædatur eo ipso quo peccatum inultum dimittitur: frustra ergo disputat de potentia seorsim à Justitia sumpta, quia Deus etsi omnia possit, nihil tamen potest quod sit injustum. Quod Deus non potest respectu unius Attributi, respectu nullius id potest, v. g. Si Deus non potest aliquid respectu veritatis id sub nullo respectu potest. In actibus voluntatis divinæ purè liberis alia res est, in sensu enim diviso aliquid potest facere v. g. plures mundos creare, quod in sensu composito, & supposito decreto non potest. At quæ Attributo alicui conveniunt varios non admittunt respectus, sed sunt in suo genere necessaria; unde quia non potest fieri per Justitiam ut Deus peccatum non puniat, sequitur Deum hoc nec posse nec velle. 2. Etsi contradictio non videatur formaliter in terminis istius propositionis *Peccatum non punitur*, occurrit tamen virtualiter in re ipsa. Nam si potest Deus peccatum non velle punire, potest non odisse, nam odisse nihil aliud est quàm velle punire, si potest pec-

eatum non odisse potest amare, si potest amare, potest velle non esse sanctus & Justus, & sic potest seipsum abnegare & velle non esse Deus quod implicat. Deinde implicat Deum esse hominum Dominum jure naturali & indispensabili, homines autem ei non esse subjectos, nec quoad obedientiam nec quoad pœnam quod directè fieret si peccatum evaderet impune. 3. Contradictio non spectanda est simpliciter in ordine ad potentiam, sed ad Justitiam, quam propriè pœna spectat, unde non quæritur simpliciter An Deus possit, sed an possit justè peccatum condonare sine satisfactione, quod fieri non posse supra evicimus.

XVII. 2. Sic arguit, Potest Deus mitiorem pœnam ferre peccatori quàm peccatum meretur, Ergo potest pro absoluta sua potentia pœnam universam suspendere: nam ponantur, inquit, tres gradus pœnæ promeritæ, huic si possit Deus subtrahere unum gradum, cur non & alterum, & si duos possit, cur non & tertium reliquum? Deinde potest remunerari ultra condignum, E. potest punire citra condignum, & si hoc, aliquem gradum peccati dimittet impunitum. Resp. ad primum, Negant hic quidam *Conseq. Majoris* nam etsi aliquo modo mitigare posset pœnas peccati, non sequetur tamen posse eas omnino tollere vel auferre; Nimirum ut observat *Author suppl. in Scot. in 1v. sement. Dist. 46. q. 4. Justitia latitudinem quandam graduum suorum habet extra quam si Deus puniret Justitia non uteretur*, idè licèt posset dimittere gradum unum pœnæ, non sequitur tamen Ergo quemlibet, & omnem omnino pœnam quia tunc exiret latitudinem illam ad Justitiam requisitam & sic omitteretur Justitiæ exercitium quod aliter exponi non potest quàm per ejus abnegationem; Neque obstat quòd gradus iste à nobis definiri non potest, ut V. D. postulare videtur, quid enim si id nobis homuncionibus concessum non est, an de Deo propterea negabitur? hæc arcana Deo relinquenda sunt qui sibi solus sapienter limites finire novit & eatenus remittere jus illud summum & ~~excessum~~ quatenus Justitiæ & sanctitatis natura ferre potest; sic ut illud exemplo etsi in alia re non tamen planè absimili comprobemus; Mundus stare non potest sine calore illo quo omnia continentur; non puto tamen caloris qui omnia permeat quantitatem ita esse definitam necessariò à natura, ut ne minima quidem ejus particula detrahi atque aboleri Dei potentia queat quin universi mundi moles & compages intreat, qui ergo particulam aliquam caloris ejus sine mundi interitu subtrahere potest, nonne poterit alteram & item alteram, & sic deinceps poteritne tandem universus ille ignis per particulas subduci extremo rerum omnium interitu? minime id quidem? Itaque in subductione illa quæ latitudinem suam habet punctum aliquod est ultra quod procedi non potest sine mundi interitu, quod tamen nemo definire queat. 2. ad *Mino. neg.* Deum ita pœnam mitigare posse ut partem pœnæ essentialiter peccato debita penitus subtrahat; Nam cum vel levissimum peccatum non possit non odisse, non potest etiam non punire; quòd si aliquatenus pœnas temporales impiorum mitigare videtur non-

nonnunquam in hoc mundo vel differre, quo facilius hæc Dei benignitas eos adducat ad pœnitentiam vel ἀναπαράτης reddat, non sequitur tamen propterea eum auferre pœnam debitam; nam quod differtur non aufertur tamen, imò tarditatem supplicii gravitate postea compenfat; neque quicquam hac in parte sit quod laudem Justitiæ divinæ deterat, punit enim *necessariò*, at *non necessariò* omni tempore & loco, imò multiplicem in pœnæ distributione admittere potest œconomiam, ut antea dictum est. Aliud est ergo loqui de pœna in genere & *absoluè* in se, aliud de ea *relatè considerata* respectu modorum, graduum & aliarum circumstantiarum quas Deus ob majorem gloriæ suæ manifestationem illi assignavit, libertate enim circa modos & gradus concessâ qui ex libera Dei ordinatione fluunt, non sequitur pœnam ipsam quâ pœnæ ratio in ea servatur & à Justitia Dei naturali fluit, penitus tolli posse. Ad 2. de remuneratione *ultra condignum* Negat. Conseq. Nam longum latumque discrimen intercedit inter bona & mala opera, remunerationem & pœnam, quippe cùm Deus remuneratur, facit id planè gratuitò, cùm bona opera nostra sint debita nihilque mereantur: at cùm punit facit id non ex mera libertate, sed ex intrinseco culpæ demerito & Justitiæ inexorabilis ratione, Itaque non, si potest remunerari ultra condignum, poterit etiam citra condignum punire.

XV III. 3. Objicit, V. D. Si Deus potest cruciatum quantumcunque etiam infernalem alicui inferre citra ullum demeritum; Ergo potest etiam non obstante quantumcunque demerito quantumcunque pœnam suspendere, Consequentia ex eo patet quòd Deus multò pronior sit ad benefaciendum quàm ad puniendum. Resp. Hic verò varia sunt quæ observatione digna videntur: Primò vel per *nò suspendere* intelligit tantummodo ad aliquod tempus differre ob idoneas aliquas causas, cæterum exacto illo tempore pœnam irrogare, quæ si ejus mens est nihil facit adversus nos, Id enim ultrò sæpe concessimus, negavimus tantum inde sequi Deum posse peccata hominum dimittere citra ullam omnino punitionem, si verò *suspendere* illi est omnino prætermittere impunitum; primò Conseq. vacillat, quia aliud est loqui de *cruciatu* aliud de *pœna*, Et si posset inferre cruciatum, non posset tamen pœnam, quia pœna omnis si justa est peccatum infert, dicit enim damnosum aliquid ei qui Legem transgressus est: ut ergo non potest pœnam inferre alicui per Justitiam citra antecedens aliquod demeritum, ita nec auferre pœnam poterit per eandem Justitiam sine prævia satisfactione. Deinde antecedens etiam ambiguum, nam vel id potest Deus per Jus illud absolutum & summam *ὑπεροχὴν* quam obtinet in Creaturam, vel per Jus ordinatum & virtutibus temperatum, si prius intelligat frustra est, nam ut in statu Controversiæ declaravimus quæstio nostra non instituitur de Jure illo summo & absoluto quod immensum quidem & infinitum agnoscimus, sed quale quantumque sit ignoramus, neque eo audaciæ prorumpimus ut definite velimus; si verò de posteriori loquitur; Omnino negamus Deum juxta Jus illud

Creaturæ innocenti cruciatum infernalem inferre posse, quia hoc repugnaret manifestè Bonitati & Justitiæ quam in Verbo patefecit, quæ bonis bonè, malis vult esse malè. Et ut peccatorem nequaquam velle punire implicat abnegationem Justitiæ: Ita immerentem quocumque cruciatu vexare abnegationem aliquam inferret clementiæ & misericordiæ quod utrumque æquè indignum & impossibile: Interim distinguenda etiam est cruciatus immissio, nam vel sempiterna potest esse vel temporaria tantùm per œconomiam aliquam & exiguum spaciũ, De priori negamus Deum illam usurpare posse, de posteriori si concederemus, nullum tamen propterea causæ nostræ fieret præjudiciũ, neque enim si Deus aliquã gravissimã de causa hominem pium & sanctum cruciatu aliquo ad exiguum tempus exercere voluerit ad probandam fidem & constantiam ejus, ut visum est in Jobo & sanctis martyribus, continuò sequetur posse etiam impunitum peccatum omnino dimittere, nam testibus JCist. quæ breve ad aliquod tempus fiunt per dispensationem aliquam ne fieri quidem videntur, Ex. g. poterit summus Magistratus egregium civem ad exiguum tempus durissimis laboribus exercere idoneã de causa, non sequitur tamen inde eundem sapientem & justum Magistratum nefariorum prædonum scelera perditorumque civium perduelliones præterire omnino impunitas.

XIX. 4. Obji. Si Deus non potest peccatum impunitum dimittere tum necesse est ut puniat *necessitate absolutã*. Quod dici cum ratione non potest, quandoquidem non semper punit, neque quantum potest punit. Resp. 1. *necessitas absoluta* vel est bruta & merè *naturalis* ut in agentibus naturalibus, vel *rationalis* ut in liberis; quæ priori modo operantur, & semper & quantum possunt agunt ut ignis cum urit, sed quæ posteriori non item, Iam Deus punit peccata *necessitate absolutã* non bruta & *αλόγως* sed *rationali* & Ethica ut supra dictum. Nam etsi Iustitia naturaliter Deo inest, exercitium tamen ejus pendet à voluntate, ex qua omnia operatur Eph. 1. 11. & à qua pendet & quando & quantum vel nunc vel tunc puniat; Punit ergo quando & quantum, non potest, sed vult ut tamen punitio semper fundetur in justitia, & Iustitia nitatur naturã Dei. 2. *Absolutum* dicitur bifariam, vel quod est absolutum à consilio & decreto voluntatis, sic negamus Deum absolutè peccata punire, quia nunquam hoc præstat nisi intercedente ejus consilio, Vel quod non à mero Dei arbitrio pendet, sed in natura & naturali proprietate fundatur, sic verum est Deum absolutè punire.

XX. Atque hæc fuit *prima* argumentorum *Classis* quibus *potuisse* Deum remittere peccata absque satisfactione probare contendunt, Succedit *altera*, in qua Deum id ipsum *voluisse* contendit hæreticus, 1. quia sub V. T. nihil aliud Deus ab hominibus peccatoribus ad veniam consequendam exigebat quàm fidem & poenitentiam, Deut. xxx. 1. 2. 3. Jerem. lll. 13. 14. & xvlll. 7. 8. Ezech. xxxlll. 14. & aded verum est, inquit, Deum poenitentibus peccata non imputare, ut etsi sententiam jam tulerit contra delinquentes & eos perdere consti-

tuerit,

tuerit, si tamen illi suorum scelerum poenitentiam agant, ipsum quoque jam latæ sententiæ poeniteat, ita ut eam revocet & rescindat & eos iterum in gratiam recipiat, quod tum ex loco Jerem. modo laudato, tum exemplo Achabi patet, 1 Reg. xxi. v. 21. 32. 2. fideles ipsi veniam consecuti dicuntur per fidem solam sine ulla satisfactionis mentione, ut de Abele refertur quòd per fidem Deo placuerit Hebr. xi. 4. qualis autem sit illa fides describitur v. 6. dum ait *accedentem ad Deum debere credere Deum esse & esse remuneratorem requirentibus ipsum.* 3. formula fœderis novi est planè gratuita quæ meminit quidem remissionis peccatorum & Legis inscriptionis, sed nequaquam satisfactionis Jerem. xxxi. 34. Imò ne potest quidem, nam remissio & satisfactio sibi invicem opponuntur, nec gratis remittere dici potest is qui exigit satisfactionem. 4. addit parabolam quæ extat Matth. xvi. 17. eandem gratuitam Dei remissionem confirmare. Rex enim nullam satisfactionem exigit à servo suo, sed totum debitum illi planè remittit, deinde ibidem dicitur Deus nobis remittere quo modo aliis remittimus, at remittere debemus sine satisfactione. 5. urget verbum *χαρίζομαι* quo utitur Paulus Coloss. ii. 13. Ephes. iv. 32. dum de remissione peccatorum loquitur, quod omnimodam videtur liberalitatem & beneficentiam designare, multum autem detraheretur summæ illi munificentiæ siquidem plenam debiti solutionem à Vade postularer. Socin. de Servat. l. 3. cap. 2. & *Præf.* cap. 17.

XXI. Hic revera præcipuus est cardo quæstionis quo semel posito facilè lis tota poterit dirimi; Nam etsi daretur Deum posse sine satisfactione peccata condonare, id tamen frustra foret si aliunde constaret cum id haudquaquam vellet. Videndum ergo imprimis quænam sit super hac re Dei voluntas, quodve consilium nobis in Verbo patefecerit. Adversarius quidem mordicus tuetur Deum voluisse absque ulla satisfactione peccata remittere, & rationes varias tum ex V. tum ex N. T. ad hoc ipsum probandum corradit, sed præterquàm quòd in superioribus jam fusè satis contrarium evicimus, facilè ex argumentorum solutione sententiæ istius falsitas patebit; Nam ad primum quidem quod attinet d'stingue quod ab *homine ipso* requirit Deus, ab eo quod exigit *ab ipso Vade* qui vicem ejus subit: sanè ab hominibus ipsis peccatoribus nihil nisi fidem & poenitentiam exegisse Deum ultro fatemur, quia nihil ab iis proficisci potuit quod Justitiæ divinæ examen sustinere atque ipsius iram placare posset, sed hoc non obstabat tamen quominus ex parte Sponsoris alicujus satisfactionem postularet, siquidem nec veritas nec sanctitas ejus pati poterant inultum abire peccatum; Imò cùm fides necessariò satisfactionem præviā supponat quam ut proprium & speciale objectum apprehendat & per intimam *in hominibus* sibi applicet, si fides requiritur, eo ipso etiam satisfactionis necessitas demonstratur. 2. pecca. fals. hypo. quasi fides & poenitentia sint *causæ antecedentes & meritoria* propter quas remissio nobis à Deo concedatur, cùm sint tantùm *media consequentia* quibus remissionem factam nobis applicamus & de ea cer-

tiores reddimur, vel saltem *conditiones* quæ in justificato requiruntur ut beneficio isto fruatur, remittuntur ergo peccata credentibus & pœnitentibus, sed non propter fidem aut pœnitentiam, sed propter obedientiam & mortem Christi, *habemus redemptionem in sanguine ejus, hoc est remissionem peccatorum* Eph. 1. 7. & ratio id persuadet. Nam certum est neque fidem neque pœnitentiam & vitæ novitatem in nobis dari nisi quam Spiritus Sanctus nobis ipsis vi sua efficacissimâ & vorticordia indiderit, at Spiritum nemini conferre potest Deus nisi jam pacatus & propitius nobis factus; pacatus autem & propitius dici nequit nisi quia peccatorum à nobis adversus Majestatem suam admissorum gratiam summâ suâ clementiâ facere non dedignatur: cum ergo fides & pœnitentia sint effecta quæ oriuntur & pendent ab ista reconciliatione, ejusdem causæ antecedentes esse nequeunt nisi velimus aliquid seipso esse prius & posterius. Quid quodd cum peccatorum remissio sit actus Jurisdictionis ut antea dictum, & actus hujusmodi qui aliquam Legis executionem postulat, non potest ea soli fidei vel pœnitentiæ tribui, requiritur enim hic aliquid ad cujus præsentiam & meritum cesset resipiscents respectu sanctio pœnalis Legi addita, quæ suam adhuc vim obtinet circa impœnitentes; hoc verò neutiquam præstare potest vel fides vel pœnitentia; Non fides, tum quia ex se nihil habet, sed omnia mutuatur à Christo quem respicit; tum quia si propter ipsam justificaremur tanquam opus, jam Justificatio non esset ex gratia Rom. XI. 6. & relaberemur ad vetus fœdus Legis à quo per Christum liberati sumus: Non etiam pœnitentia & conversio, nam præterquam quod nunquam cum perfectionis gradum potest assequi qui Legi respondere queat, accedit etiam quodd cum præsens & futurum propriè & principaliter respiciat quorum ratione à nobis jam debetur, non possit pro peccatis præteritis satisfacere. Itaque nihil aliud esse potest quam intercedens pro nobis Sponsoris Christi satisfactio, cujus respectu credens & resipiscens censetur defunctus pœnâ quæ Lege fanciebatur.

XXII. 3. Distinguendæ sunt *pœna temporales* ab *æternis*: si de temporalibus loquitur Adversarius cum ait Deum pœnitentibus veniam concedere quo sensu veniunt potissimum intelligenda pleraque quæ ab ipso afferuntur ut Jerem. III. & XVII. & Ezech. XXXIII. &c. nihil hinc colligere poterit quod faveat causæ suæ, siquidem miram sapientissimus Judex in pœna irroganda adhibet œconomiam, nec si differt vel aufert pœnam istam temporalem respectu reproborum, propterea quoad illos tollit & abrogat vim sanctionis Legalis; Adde quodd illud non semper intelligendum est de *pœnis totis*, sed de *tantis*, non quodd planè auferantur, sed quodd mitigentur vel differantur. Atque huc pertinet exemplum Achabi, cujus humiliationi licet fictæ & hypocriticæ (ut scilicet hoc pacto testaretur Deus quàm grata & accepta ipsi esset futura vera & sincera fidelium) hoc dare voluit ut ipsi dum in vivis esset parceretur, nec malum antea denunciatum infligeretur, sed non propterea ablata est pœna, quando &

eam luere debuit in posteris, & in inferis procul dubio etiamnum hodie luit: Cæterum quod de sententiæ revocatione addit ibidem hæreticus cautè intelligendum, non quod decretum semel factum unquam rescindat & mutet (quæ tamen ejus mens impia esse videtur) nam ut immutabilis est quoad essentiam, ita & quoad voluntatem *Es. xlvj. 10.* sed quod minas quæ per certam cœconomiam, vel tacitam vel expressam habebant conditionem positâ ipsâ conditione suspendat, *sententiam* ergo mutare dicatur, at non *consilium* ut rectè Grego. quia eam ipsam mutationem jam ita apud se decreverat. Jam si pœnam æternam intelligit, nullo argumento probabit remissionem factam fuisse citra respectum ad Christum; imò contendimus cum Apost. nullam dari *peccatorum remissionem sine sanguinis effusione* *Heb. ix. 22.* & mortem Testatoris intercedere debuisse ad expiationem peccatorum quæ admissa fuerant in V. T. ut ibid. loquitur. Nec obstat quòd nulla videatur mentio fieri satisfactionis, nam licet expressè & totidem verbis non extet nomen hoc, implicite tamen & κατ' ἔξωδον crebrò satis occurrit, & si nihil aliud extaret, Sacrificia & victimæ legales quæ victimam hanc divinam & cœlestem non obscurè adumbrabant: Ipsa Oracula prophetica quæ non alibi complementum suum sortiuntur: Promissiones gratuite in quibus omnibus Christus includitur, utpote in quo sunt Etiam & Amen 2. *Corint. i. 20.* luculentum isti veritati præberent testimonium.

XXIII. Quod addit secundo loco fideles dici veniam consecutos per fidem; tantum abest ut sententiam nostram infirmet, ut eam confirmet magis; Nam si per fidem salvati sunt, eo ipso & propter Christum ejusque satisfactionem, hæc enim indivulso nexu inter se conjuncta sunt, nec fides ulla dari potest vera nisi quæ Christum crucifixum intuetur 1. *Corinth. ii. 2.* *Roman. iv. 25.* unde *cognitione sui justificaturus* dicitur electos Dei *Is. lii. 11.* Et sanè constans est Scripturæ sententia eundem nobis omnibus tam sub V. quàm sub Novo Testamento Mediatorem fuisse datum nempe Christum, eandem salutis causam ejus sanguinem, idem receptionis organon fidem, eandem regni cœlestis viam conformitatem cum ipso, eundem felicitatis portum & terminum, Cœli ipsius hæreditatem quam nobis paravit: neque *Isai. coniectas in eum fuisse iniquitates omnium nostrum & Castigationem pacis nostræ positam super ipsum* dicere posset *cap. liii. 6. 8.* nec Paulus *unicâ oblatione consecrasset in perpetuum eos qui sanctificamur* ad *Hebr. x. 14.* & mortem ipsius necessariam fuisse ad redemptionem iniquitatum sub V. T. *cap. ix. 15.* nec Johan. *eum esse propitiationem non modo pro peccatis nostris, sed & totius mundi* 1. c. *ii. v. 2.* nisi meritum & satisfactio ipsius æquè ad utrosque pertineret, fidesque veterum Patrum non minus quàm Christianorum eâ niteretur; Quod & ex innumeris aliis locis si id nunc ageremus probari facile posset; Nam si prisci fideles salvati sunt, quod Dei veritas credere omnino nos jubet contra Seryetianorum & Socinianorum deliria, utique per Christum debuerunt salvari quia in nullo alio est salus *Act. iv. 12.* Si venerunt ad Patrem utique

que per Christum *nemo enim venit ad Patrem nisi per ipsum* Johan. xiv. 6. Si peccata eorum sublata sunt & remissa, utique per & propter Christum in quem devolutæ sunt omnium iniquitates, qui est *agnus Dei tollens peccata mundi* Joh. i. 29. uno verbo fides salvifica pendet à fœdere gratiæ & in illud resolvitur, vel ut est in V. promissum vel ut in N. Testamento revelatum, at fœdus illud totum quantum quantum est Christo nititur ejusque morte & sanguine sancitum est, prout vetus pactum sanguine pecudum & hircorum confirmatum fuit Hebr. ix. unde si per fidem salutem consecuti dicuntur patres, omnino & per Christum. Accedit etiam quod Apost. ibid. c. xi. non obscure qualis fuerit illa veterum fides describat, cum ait per eam iustitiæ eos hæredes factos fuisse v. 7. probum Christi thesauris Ægyptiacis anteposuisse v. 26. promissiones ipsas vidisse & amplexatos fuisse, non sanè rerum terrenarum & temporalium simpliciter, sed divinarum imprimis & cœlestium, quandoquidem cœlestem hæreditatem dicuntur expectasse v. 10. Deusque non erubuit *vocari eorum Deus* quæ formula est fœderis gratuiti in Christo initi quæ pretiosissima quæque complectitur beneficia v. 13. 16. Nec si *promissionem dicuntur non obtinuisse* v. 39. continuò denegari potest illis salutaris Christi notitiæ fructus, quippe hoc ad *exhibitionem Christi* in carne quam temporibus Novi Testamenti reservabat Deus *κρίτον τῆ ἐλπίδος* *ἐσθλαίμεθα* pertinet, non ad cognitionem ipsam ejusque vim salvificam quam omnino usurparunt, eaque seipsos in mediis ærumnis sunt solati: fateor cognitionem illam longè obscuriorem fuisse præ illa quâ fruimur nunc sub Evangelio, cum enim fides sequatur revelationis mensuram, revelatione minùs clara adhuc existente, & variis typorum & ceremoniarum involueris (quæ fuit illorum temporum ratio) implicitâ, non potuit fides nisi subobscura adhuc esse & minùs evidens, sed talis erat tamen tantaque hæc notitia, quæ sufficeret patribus ipsis ad salutem indispensandam, quia rem ipsam luculenter satis patefaciebat, etsi modum & particulares circumstantias nondum expressè, ut factum postea evenit, declararet.

XXIV. Quod addit de *Abele* ejusque fide non magis urget, imò si ritè rem putamus pro nobis facit. 1. Si per fidem dicitur placuisse, utique & propter Mediatorem ejusque meritum, fides enim salvifica esse nequit nisi illi iniuncta. 2. Abel dicitur sacrificium obtulisse & quidem cruentum, at quorsum nisi ut reatum fateretur suum, simulque medium aliquod propitiationis in victimarium sanguine exquireret? at cum certum sit sanguinem hircorum non posse tollere peccata, omnino agnoscendum est sacrificium hoc non aliter Deo gratum fuisse quàm quia typus & symbolum erat agni Dei inculpati olim in plenitudine temporum mactandi. 3. Cum *iustus* dicatur *per fidem* eo ipso supponitur dignitatem illam obtinuisse, non in hærentis iustitiæ respectu, sed imputatâ quam fides sibi applicat; Et sanè Moyses non obscure illud indicat cùm ait *Domine respice ad Abelem & ad munus ejus*, primò ad personam, deinde ad munus, ut scilicet significaret non personam propter sacrificium, sed sacrificium propter

personam placuisse, quia ipse gratiofus erat Deo per fidem, atque hæc est ratio procedendi fœderis gratiæ in quo iudicium non sit de persona ex opere, quod in fœdere legali obtinet, sed de opere ex persona. 4. frustra verò ad descriptionem fidei ab Apost. datam recurrit Adversarius, ut ostendat nullum respectum ad Christum includere, quia hæc duo tantum postulatur, ut credamus Deum esse & simul *μυστηριώδης* quærentibus ipsum: Quippe licet explicite ipsius non meminerit (quia de Enochii aliorumque patrum qui priscis illis temporibus vivebant fide potissimum loquebatur, quæ propter obscuriorem & minus plenam revelationem in generalioribus versabatur) implicite tamen & necessariâ consequentiâ cum complectitur: Nam nec quis qualisve sit verus Deus potest nosci sine Christo, Johan. xvi. 3. nec quæri potest ad salutem nisi per ipsum qui via est, veritas & vita, nec remuneratorem eum quis verè sentiet, Evangelicè nimir. & in fœdere gratiæ per mercedem gratuitam Rom. iv. 5. (nam per Legem omnis spes mercedis consequendæ sublata nobis est) nisi qui in Christo eum intuetur in quo benedicimur benedictione omni spirituali Ephes. i. 4. unde duplex ille fidei actus & vera Dei cognitio, & fiducialis gratiæ ipsius apprehensio, Mediatoris notitiam secum necessariò trahunt in quo utrumque beneficium consequimur.

XXV. Tertia jam succedit ratio à N. Fœderis formula petita ex Jer. xxxi. sed non validior præcedentibus: Testatur quidem & pollicetur Deus se propitium fore populo suo, nec peccatorum ejus recordaturum amplius, sed nequaquam assentit se peccata condonaturum citra Christum, quod pertendit hæreticus, non negat imò necessariò supponit satisfactionem, Deus enim propitius esse nequit nisi in Christo & propter Christum qui ideo *ἵλασμός* dicitur i. Johan. ii. 2. unde prophetæ omnes (in quibus & Jeremiás) *testimonium præbent remissionem peccatorum per nomen ejus* (hoc est virtutem & efficaciam) *accepturum omnem credentem in eum* Act. x. 43. & Redemptio per Christum obtigisse dicitur juxta fœdus quod cum Patribus iniit & verba quæ per Prophetas jam olim pronunciavit. Luc. i. 68. Adde quòd cum Deus hîc profiteatur se fore Deum populi sui, quæ promissio gratuitam adoptionem & omnigenas benedictiones complectitur Matth. xxi. v. 32. non potest excludi Mediatoris *αἵματος* absque quo Deus est ignis consumens & lux inaccessa; Atque hinc est quòd Deus sibi reconciliare dicatur mundum, sed in Christo 2. Corinth. v. 19. *Deus erat in Christo mundum reconcilians sibi non imputando illis sua peccata* quòd si quærat ratio & fundamentum istius reconciliationis in Christo, subjicit eam Apost. v. 21. dum ait *peccatum factum fuisse*, id est victimam pro peccato (prout *זבח* & *חטאת* apud Hebræos utrumque significat tam piaculare sacrificium quàm delictum & crimen) atque ita ostendit Paulus non aliam dari redemptionem in gratiam cum Deo nisi quæ in solo Christi sacrificio fundata est: tantum abest ergo ut hæc remissionis promissione inferri debeat aut possit satisfactionis negatio, ut contra Apost. non alibi fortius asserat necessitatem & fructum sacrificii & sanguinis

Christi quàm cum de hoc fœdere novo loquitur, quod imprimis patet in epist. ad Hebr. cap. vii. viii. ix. sed præsertim cap. x. in quo rejectis omnibus sacrificiis Leviticis tanquam inutilibus, ad expiationem peccatorum procurandam, unicam Christi oblationem substituit quæ tantæ rei perficiendæ par fuerit & sufficiens.

XXVI. Sed nondum videtur tamen satisfactum Adversario, contendit enim ex ipsa remissionis positione satisfactionem everti, *Remissio* enim, inquit, & *Satisfactio* sibi invicem opponuntur, nec gratuita dici poterit remissio si debitum omne quantum quantum est exigitur: Sed in eo vehementer fallitur, dum opponit componenda, & tanquam ἀνύστα exagitat quæ amicè inter se conspirant; Tantùm abest enim ut remissio peccatorum & satisfactio inter se pugnent & se mutuo tollant ut sine satisfactione non detur remissio peccatorum Hebr. ix. 22. Equidem Scriptura dicit nos Justificari gratis, & peccata nobis remitti, sed eadem docet Christum pro nobis dedisse seipsum ἀντίλυτρον 1. Tim. ii. 6. Matth. xx. 28. testatur revera Deum nos servasse per viscera misericordiæ & summâ quadam φιλανθρωπίᾳ & gratiâ Tit. ii. 5. Ephes. ii. 8. sed eadem ostendit nobis Christum propter peccata nostra attritum & in mortem traditum 1. Cor. vi. 11. 6. & Rom. iv. 25. & hoc luculenter demonstrat Paulus in illius loco Rom. iii. 24. ubi Justificationem gratuitam cum redemptione per sanguinem Christi conjungit, dum *Justificati gratis* dicimur *per gratiam ipsius*, sed *per redemptionem qua est in Christo Jesu*. Quid quòd ex Levit. cap. iv. & v. colligitur non modò satisfactionem & remissionem simul consistere posse, sed hanc illam necessariò supponere tanquam causam *expiabit*, inquit, *eum sacerdos & remittetur ei*. Levit. iv. 31. Viden' ut ex expiatione remissio pendet quia non potest remittere peccatum Deus quin primò justitiæ ipsius fuerit satisfactum: sic in Epist. ad Philem. Paulus vult debitum Onesimi sibi imputari, & simul veniam pro ipso deprecatur v. 18. *si quid lasit aut debet hoc mihi imputa*, Ego Paulus scripsi manu mea, ego dependam. Ita Christus remissionem peccatorum nobis acquirit, sed dum pro nobis satisfacit, in eum enim finem sponsores se sistit Deo qui satisfaciat ut nobis remissio obtingere possit; nimirum hîc distinguenda venit *satisfactio* vel *propria* vel *aliena* & *vicaria*: Sanè ubi satisfactio propria ipsius debitoris intercedit, nullâ datur remissio, at cum satisfactio accedit vicaria omnino potest dici remissio facta principali debitori: hîc verò ita se res habet, neque enim pependimus ipsi Justitiæ divinæ λύτρον, sed Sponsor pro nobis, & quidem talis Sponsor qui à Deo ipso nobis datus est: Unde gratia Dei hîc mirificam se exhibuit duplici potissimum nomine; Primò dando nobis Christum qui vices nostras obiret & pro nobis satisfaceret; Deinde satisfactio-nem ipsius & obedientiam nobis imputando propter quam remissio à misericordia concedi potest absque ullo Justitiæ divinæ præjudicio. Concludimus ergo remissionem & satisfactionem esse tantùm ἀνύστα quando ad idem prorsus referuntur, quod hîc non occurrit, satisfit enim Justitiæ Dei, & per & pro-
pter

ter illam satisfactionem remittuntur nobis gratis peccata, satisfactio fit à Vade, remissio nobis: Ita Iustitia & misericordia se mutuo osculantur, Iustitia in peccatum, misericordia in peccantes, ubi Remissio nos, satisfactio Deum habet pro termino.

XXVII. Urget verò adhuc ulterius Adversarius & inauditum esse clamat ut Creditor cui satisfactum est per solutionem rei debitæ, vel ab ipso debitore, vel à sponse præstitam dicatur debitum remittere, Verum ut hic eximatur scrupulus, discrimen observandum est inter *debitum pecuniarium* & *criminale* & *utriusque remissionem*, In illo non potest dari remissio ubi solutio intercedit, undecunque adveniat, quia est solutio illius ejusdem rei quæ debetur: At in criminalibus secus se res habet, nam reus pœnam propriam debuit legi, Vas verò dat tantum vicariam, unde ut acceptetur hæc solutio in gratiam Rei opus est Judicis remissione; nimirum ut rectè notarunt JC^{ti}. *Solutio duplex dari potest, alia quæ ipso facto liberat, alia non ipso facto*: ipso facto liberat solutio rei planè ejusdem quæ fuit in obligatione, ubi ergo idem omnino solvitur, aut à debitore ipso aut ab alio ejus nomine, nulla contingit remissio, nihil enim circa debitum agit Creditor aut Rector, unde si quis pœnam pertulerit quam debet, liberatio erit, remissio non erit: At alia quævis solutio ipso facto non liberat aut obligationem perimit, putà si aliud quam quod in obligatione est solvatur *l. 1. parag. 2. D. de reb. cred.* sed necesse est actum aliquem intercedere creditoris aut Rectoris, qui actus rectè & usitatè *remissio* dicitur, talis autem solutio quæ aut admitti aut recusari potest, cum admittitur speciale nomen habet *satisfactionis* quæ interdum solutioni strictius sumptæ opponitur, *l. satisfact. D. de solut.* Atque hinc vera petenda est ratio propter quam pœnæ corporalis vicarius; ut in debito pecuniario solvendo pœnam ipso facto reum liberare nequeat, hoc enim accidit primò & per se non quia *alius* solvit, sed quia *aliud* solvit quàm quod est in obligatione, nam Legis obligatio ipsum delinquentem pœnæ subiciebat, unde illud *noxæ caput sequitur*, ideo ut ex pœna unus alteri liberatio contingat, actus quidam Rectoris debet intercedere qui Resp. Legis *relaxatio* dicitur & *ἡμεῖς*, Resp. debitoris *remissio*, quia remittitur pœna propria & acceptatur vicaria. Itaque licet fortè in debito pecuniario, quia à sponse solutionem accipit non posset dici remisisse debitori, at in Criminalibus ubi Judex est absolutus, nec tenetur alterius quàm ipsius rei solutionem admittere, si velit à sponse pœnas exigere ut ita iustitiæ satisfiat, dicetur ille quidem debitum exegisse, sed tamen personæ debitori pepercisse, quatenus aliam in ejus locum subrogari ex mera misericordia passus est.

XXVIII. Atque hinc facile solvitur sophisma illud quod subinde reponit hæreticus, Ubi nullum est debitum ibi nec remissio dari potest, At ubi debitum ab uno in aliud translatus est non est amplius in eo à quo translatus est, E. neque illi potest fieri remissio; postmodum subsumit, At peccata nostra

secundum nos, in Christum Vadem nostrum translata sunt E. non amplius sunt in nobis, nec per consequens possunt nobis remitti: Resp. Nam ubi transfertur debitum secundum illud omne quo debitorem ipsum obligat, omnino non est amplius in ipso debitore, eatenus ut propterea pœna ulla plectendus veniat; At hic licet transferatur in Christum debitum nostrum dum in eum coniunguntur iniquitates nostræ If. LIII. 6. non potest tamen transferri ratione illius modi secundum quem à nobis debebatur, debebatur enim pœna propria, quæ quia personalis est transferri non potest. Itaque hac in parte locus fuit remissioni, quippe cœlestis Pater pœnam quæ à nobis ferri debuit nobis ultro condonat, quia eam exegit à Christo: frustra ergo translationem debiti opponit ejusdem remissioni, cum in eum finem translatus sit in Christum ut nobis remitti possit, quemadmodum Paulus vult debitum Onesimi in se transferri ut ipsi parceretur. Neque hic naturæ remissionis ulla vis fit propterea, hoc enim tantum postulat, ut fiat ex gratia & liberalitate remittentis, nihil pendente eo qui liberatur.

XXIX. Cæterum cum dicimus Misericordiam Dei non remittere peccata nisi intercedente satisfactione, cave ne propterea existimes Dei misericordiam causam aliquam superiore habere & non esse absolutam: *Misericordia* enim bifariam spectari potest vel ratione *causarum antecedentium*, vel ratione *conditionum ei subordinatarum*; & causas quidem præcedaneas quod attinet absolutissima est omnino, quippe quæ extra se nullas habeat causas quibus moveatur ad miserendum, miseretur enim quia amat, & amat quia bonus est unde soli Dei voluntati Scriptura tribuit quod Deus nostri misereatur Rom. ix. 18. non autem satisfactioni Christi, vel alteri cuiquam rei: sed quod ad media & conditiones subsequentes spectat, quarum interventu derivantur in nos effecta divinæ misericordiæ, misericordia non debet dici absoluta, neque enim remissio peccatorum quod præcipuum est misericordiæ donum nobis absolute & citra ullius conditionis respectum conceditur; tres enim habet *conditiones* subordinatas, *satisfactionem* Christi ut *causam meritoriam*, *fidem* ut *instrumentum* remissionem illam ex Dei gratia in Christo accipiens & *pœnitentiam* ut *conditionem sine qua non* beneficium illud nobis confertur.

XXX. Ad 4. de parabola quæ extat Matt. xvii. 2. 3. & seq. Resp. Parabolas & similitudines non debere urgeri ultra scopum aliàs absurda multa & falsa sequerentur, quod pertinet utillissima regula à Chrysost. olim tradita homi. 64. in Matth. εἰ χρη πάντα τὰ ἐν παροινοῖς κατὰ λέξιν ἀκριβῶς ζήσῃ ἀλλὰ τὸ σκοπὸν μαθόντας δι' οὗ συνετέθη τῶτον δρῆσθαι, & μὴ δὲν πολυπραγμονεῖν περὶ τὴν: sic Christus se confert furi, nos verò quæstori de alieno largienti, non quod vel ipse rem alienam subtrahat invito Domino, vel quod nos idem facere oporteat, sed tantum in eo quod & ille instar furis superveniat improvisus & nos de nostro facere oporteat quod prudens ille quæstor de alieno; Ita hoc in loco scopus Christi est commendare nobis benignitatem & misericordiam in proximum,

ed quod Deus in nos benignus sit, ostendereque adeo eos qui ad ignoscenda fratrum delicta sunt inflexibiles pessimè sibi consulere, & statuere sibi Legem nimis duram & gravem, quia experientur Deum æquè rigidum & inexorabilem erga se ipsos; In hoc conveniunt Deus & Rex quod benigni sint in eos qui longè infra se sunt positi, hanc benignitatem Deus rektatur pœnas remittendo, Rex remittendo pecuniam debitam: Sed ut aliud est debendi genus, ita & aliud remittendi, nam de credito quod jus ad utilitatem creditoris comparatum est statuendi quisque liberrimam habet potestatem, & quod minus exigit ed est liberalior, exigendo autem nullum actum virtutis propriè exercet: At de pœna quæ ad bonum commune & ad ordinem pertinet, non habet pariter Rector dispensandi potestatem, & cum pœnam exigit, virtute quadam utitur quæ Justitiæ distributiva dicitur: Non negamus E. in eo Deum & Regem hunc differre quod Rex citra satisfactionem, Deus autem non citra satisfactionem debitum remittat, sed cum in eo non sita sit similitudo, non potest nec debet urgeri, aliàs sequeretur etiam nec Judices à fontibus pœnas exposcere debere; & peccata semel dimissa coram Deo reviviscere, Ita rectè observatum est distinguendum esse inter *materiale* & *formale* parabolæ, ut hoc præcipuè spectandum est, ita in illo non anxii nimis esse debemus in singulis partibus aut verbis adaptandis & ad rem spiritualem accommodandis, quia licet faciant ad parabolam circumstantiis suis ornandam, non tamen pertinent ad mysterium de quo agitur.

XXXI. Ex quibus facile solvi potest ratio altera quam petunt ex ea quæ nobis præscribitur Dei imitatione, peccat enim *falla. à dicto secundum quid*: Neque enim si *remissio hominum & Dei* aliquatenus sunt similes, propterea æquales esse & per omnia pares dicendum est, nam est identitas quæ per omnia convenit, & est rursus identitas quæ consistit tantum in quadam analogiâ & proportionem: hætenus remissio nostra divinæ æquiparatur, quod illa minime simulata esse debet, sed ex sincero & genuino affectu proficisci, ut ex disertis Christi verbis in *ἡνὶκὸς* parabolæ v. 35. & ex Paulo ad Ephes. 1v. 32. constar, sed velle eam paritatem vel ad efficientem vel ad formam, vel ad modum omnesque circumstantias remissionis extendere, est *ἀνὰ γὰρ ἑαυτῶν λέγειν*, imò non sine scriptura tantum, sed & contra ipsam, rei quæ ipsius naturam, nam Deus non remittit peccata nisi pœnitentibus, at nos condonare debemus etiam non pœnitenti, remissio Dei non fit absque sanguine, at nostra non item, Deus ita remittit peccata ut non desinat tamen sæpe variis castigationibus exercere fideles quibus remissa sunt, at non sic licet homini, Itaque similitudo est *inter rem & rem*, non verò inter *modum rei*, Ex qua nihil aliud inferri potest quàm æquum non esse ut duriores simus in parem, quàm Deus tanto nobis superior est in nos miseros homunciones, unde sequitur non debere nos magis vindictam à proximis expetere quàm pœnam à nobis expetat Deus, Deus autem nos à pœna gratis liberavit, debet ergo & à nobis abesse vindictæ cupiditas: At quomodo

modo Deus hanc liberationem peregerit ibi non dicitur, nec ad institutum pertinet, in eo enim non similitudo est, sed dissimilitudo, ratio discriminis est quia Deus Iudex est, nos privati, Judici convenit sollicitum esse de exemplo, privatos ea cura non spectat, illi potestas puniendi competit, at eadem privatis adempta est.

XXXII. Ad 5. Resp. Cùm vox *χαρίζεσθαι* nihil aliud significet quàm beneficium aliquod præsertim indebitum alicui conferre, nequaquam cum satisfactione pugnat, vel eam excludit, quia utrumque sed respectu diversorum optimè simul stare potest, gratia respectu nostri, quibus indebitum beneficium planè gratis confertur, at satisfactio Resp. Christi à quo eam exigit cælestis Pater; Gratia quidem opponitur meritis nostris, sed merito Christi non item, cùm medium sit necessarium sine quo gratia Dei in nos sese diffundere non posset, Et sane Paulus satis ostendit quomodo gratia Dei satisfactionem non excludat, cùm ait *Deum nos iustificare gratis per gratiam suam, sed per redemptionem qua est in Christo Jesu.* Roman. 111. 24. & alibi gratiâ servatos esse docet Ephes. 11. 8. sed & emptos pretio 1. Corinth. vi. 20. & redemptos sanguine Act. xx. 28. Quod verò hic addit Adversarius ad istius vocis significationem hoc etiam requiri ut quis sibi aliquid adimat suoque se commodo privet, id planè verum non esse non uno exemplo demonstrare licet; sic Christus cæco *χαρίζεσθαι τὸ βλέπειν* Luc. vi. 11. 21. gratiam indebitam conferendo, sed nullo tamen se privando commodo: Philippensibus *χαρίζεσθαι in Christum credere & pro Christo pati.* Philip. 1. 29. sed nihil tamen ademptum est propterea Deo hoc beneficium gratiosè concedenti, sic Paulus qui animadversionis severitatem in reum incesti distinxerat, cùm eam remittit, dicitur *χαρίζεσθαι* 2. Corinth. 11. 10. Ex quibus aliisque quæ possent hic recenseri locis liquidò apparet ad vocis *χαρίζεσθαι* significationem sufficere, ut ad patientem aliquid commodi & beneficii non debiti perveniat, etiamsi agenti nihil propterea decedat.

XXXIII. Licet autem non divellendam putemus Satisfactionem à Gratia, nihil tamen detrahimus propterea summæ illi munificentiae & misericordiae divinæ quam Scriptura ubique prædicat; summam enim erga nos misericordiam Dei fuisse quis non agnoscat qui attendit eum præclusâ Angelis lapsis in æquali nobiscum miseriâ constitutis omni veniæ spe, nobis peccatorum nostrorum omnium gratiam facere clementissimè voluisse, utque id sine Justitiæ suæ præiudicio fieri posset, ultro sponsorem nobis dedisse, imò proprio & dilecto filio non pepercisse ut nobis parceret? Nonne summæ fuit benevolentiae & misericordiae quòd cùm ex rigore juris ipsi essemus ad supplicium rapiendi, locum tamen dederit substitutioni & fideiussioni alterius? Quòd in sponsorem & expromissorem nostro loco luturum, non hominem, non Angelum, sed unigenitum suum nobis tradiderit, qui communi nostrâ assumptâ naturâ idoneus fieret Vas pro omnibus illis quos ipsi pater dabat redimendos? Quòd non contentus talem expromissorem nobis dedisse, illius insuper satisfactionem nostram

nostram ducere nobisque imputare dignatus sit, quo ipsius obedientia & Iustitia nostra facta per talem imputationem non minus coronetur in nobis gloriosissimâ immortalitate quàm in ipso peccata nostra quæ ipsius etiam facta fuerant per imputationem gravissimis plectere voluit pœnis? Sanè non cæcum tantum sed ferreum esse oportet & quovis silice duriorem qui summam hîc misericordiam non videt & suspicit venerabundus: Neque hîc audienda hæretici vitiligatio. Deum ut summè misericordem se exhiberet nullam nec à nobis nec à Vade satisfactionem exigere debuisset: Nam quia Deus ita est summè misericors ut sit etiam summè iustus, virtutis utriusque exercitio locus dari debuit: Ut ergo immensam suam misericordiam in electis gratuito liberandis & salvandis per Christum explicare voluit, ita & iustissimam iram adversus peccata ostendere debuit, aliàs si hæc Adversarii ratiocinatio valedet, sequeretur etiam ne Deum quidem pœnâ afficere reprobos ipsos, sed sceleribus omnibus impunitatem concedere debere propter summam misericordiam.

XXXIV. Hîc verò rursus insurgunt impurissimi homines crucis Christi inimici. Si Deus, inquit, summâ illâ misericordiâ impulsus filium suum nobis dare voluit, ut fateamur & Scriptura testatur, Ergo jam ante adventum Filii summo amore nos prosequabatur, Ergo iratus nequiquam nobis & insensus fuit, ac proinde nec voluit nec necesse fuit Christum pro nobis Iustitiæ satisfacere & morte suâ nos ipsi reconciliare: Verùm nodus hîc facilè solvitur; 1. peccant falsa hypoth. quasi *irasci* & *diligere* plane essent *ἀντιγὰρ* nec omnino in idem subiectum quanquam sub diverso respectu ferri possent: at ut filium diligit Pater, & illi tamen in peccatum ruenti irascitur, & pœnam infligit, quidni ergo potuerit cœlestis Pater & nos ab æterno diligere, & tamen irasci peccatis nostris & ad placandam iram suam satisfactionem filii nobis destinare: Nimir. distinguendum est in homine *opus Dei* ab *opere Diaboli*, *Creatura*, à *peccato* & *vitiositate* ipsi adhærente, respectu prioris diligit hominem, sed resp. posterioris ipsi meritò est insensus; Itaque quia habemus in nobis quod odio dignum sit, eo respectu objectum iræ Dei sumus, sed quia utcumque peccatores vitio nostro sumus, manemus tamen semper ejus Creaturæ, quod suum est Dominus in nobis perdere non vult & adhuc aliquid invenit quod pro sua benignitate amet. 2. Distingue *Amorem Dei*, Alius est *benevolentia* alius *beneficentia* & *unionis*, prior quo nobis bene esse vult & propenso erga nos fertur animo, posterior quo non tantum bene vult sed & reipsa benefacit, quoad illum non diffitemur Deum nobis amicum fuisse etiam non antecedente Christi respectu, imò arbitramur amorem hunc non modò reconciliationem à Christo factam præcessisse, sed Deum ipsum movisse ut satisfactionem inveniret absque qua charitas illa summa Dei effectum sortiri suum locumve habere non poterat, sed amore beneficentiæ censemus Deum neminem prosequi nisi mediante Christi redemptione quia beneficium nullum creaturæ potest indulgere nisi placatus,

placatus autem non est nisi in Christo : Itaque non si Deus nos ab æterno dilexit, continuò sequitur non necessariam fuisse Christi satisfactionem, imò contrà quia diligebat, voluit sibi satisfieri ut charitatis in nos suæ effecta diffundere posset absque præjudicio Justitiæ.

XXXV. Hactenus duo *fundamenta* excussimus Adversariorum, quibus dogma hoc nostrum de *Satisfactionis necessitate* tum Naturæ tum Voluntati divinæ refragari probare satagebant; superest *Tertium* quo ipsi etiam *Justitiæ repugnare* evincere conantur; Et quidem hoc potissimum argumento. Quia nulla Lege vel consuetudine unquam receptum est, imò expressè Dei verbo vetitum ut unus pro altero substituatur & vice ejus ac loco moriatur: in Verbo duo loca laudant quæ apertè id ipsum asserere videntur 1. Deut. xxiv. 16. ubi vetat *Deus ne morte afficiantur patres pro filiis, vel filii pro patribus, sed quisque ob peccatum suum morte afficiatur*: ne verò quis regerat Deum hominibus sed non sibi hanc legem posuisse, probant ex Ezech. xviii. 4. 20. id etiam apud se statuisse. *Animæ quæ peccaverit ipsa morietur, filius non portabit iniquitatem patris &c.* Inter homines autem istius substitutionis nec Legem nec exemplum occurrere existimant, imò & fideiussiones sub pœna capitali à Romanis esse interdictas: & varia esse quæ contrarium probent; atque huc pertinere ajunt quod ait Seneca, *nihil iniquius quàm aliquem paterni odii heredem fieri*, sic cum apud Athenienses Lycurgi liberi ad pœnas deposcerentur propter paternum crimen rem injustissimam Demostheni visam: Et cum optimæ Reip. formam & ideam expressurus esset Plato hanc legem non omisisse de non transferendis in liberos paternorum criminum pœnis li. 9. de legibus: Quod si quis excipiat substitutionem hanc & permutationem fieri sæpius in debito pecuniario, respondent plane diversam esse rationem, quia pecunia unius alterius effici potest, atque ideo pro alio soluta brevi manus fictione videtur donata debitori, ac deinde ab ipso numerata: at mors unius sive corporalis quæcunque vexatio alterius effici non potest: Postremo gravem injuriam fieri Justitiæ divinæ clamant, quod asseramus eam nocentibus dimissis qui puniri poterant & debebant, favere voluisse in innocentem qui nihil tale merebatur, *Socin. lib. 3. c. 3. Prælect. c. 18.*

XXXVI. Ut ratio hæc postrema solvatur succurrere nobis debet quod antea monuimus, Justitiæ quidem exigere necessariò ut peccatum omne puniatur, sed non item peccatorem: ita ut essentielle quidem sit pœnam infligi ob peccatum, at non pariter ut infligatur ei qui peccavit, atque hinc fit ut Justitiæ divinæ haudquaquam repugnet unius in alterius locum subrogatio; Quod dum Adversarius ita præfractè negat, Legibusque divinis & humanis adversari contendit, vel inficiam vel perviciam suam satis prodit; Nam ut nihil jam dicamus de debitis pecuniariis in quibus nihil frequentius occurrit istiusmodi substitutione ubi subrogato sponse non amplius à primario debitore solutio exigitur, certum esse debet & extra omnem dubitationis aleam positum, nec Verbo Dei

repugnare, nec inter gentes inauditum esse ut alter peccati alterius pœnam ferat, & si Lex ipsa id non doceret, in qua tamen proficitur Deus expressè se *visitaturum iniquitates parentum in filios* Exod. xx. 5. satis tamen exempla varia id comprobarent, Nam ut de peccato Adami nihil dicamus quod posteris imputari & in iis plecti docet non semel Scriptura, alia sunt exempla plurima quæ id confirmant; sic ob factum Chamis execrationi subicitur Canaan Gen. ix. 25. ob factum Achanis filii puniuntur Jos. vii. 24. ob factum Saulis suspenduntur filii & nepotes ejus Deo approbante 2. Sam. xxi. 8. ob factum Davidis percunt septuaginta hominum millia, 2. Sam. xxi. 15. 17. sic Jer. in Thren. v. 7. *Patres nostri peccaverunt & nos pœnas eorum ferimus.* Imò in N. T. ejusdem dispensationis illustre exat documentum Matth. xxi. 37. ubi Judæis interminatur Christus pœnas eorum delictorum quæ à suis majoribus jam longo ante tempore perpetrata fuerant ut veniat super vos omnis sanguis justus effusus super terram à sanguine Abelis *Justi usque ad sanguinem Zacharia filii Barachia.* Ex quibus liquet non inusitatum esse vel injultum simpliciter ut quis ob aliena peccata plectatur; Nec juvat sua hæreticum exceptio non reperiri usquam exemplum ut qui planè sunt innocentes ob nocentum peccata puniantur; Nam cum aliqui puniri dicuntur non ob sua tantum quorum ratione revera nocentes erant peccata, sed & insuper ob aliena, omnino inde sequitur eos etiam punitos fuisse sub illa *græci* quâ non erant in se nocentes, seu quatenus immunes erant ab illo crimine.

XXXVII. Verùm *substitutionem* hanc de qua loquimur fortius adhuc evincit tum publicus apud omnes populos sacrificiorum usus, tum præsertim totus cultus Leviticus in quo peccatoris locum subire solebat victima luitura pœnam mortis ipsi debitam, atque huc pertinet solemnis ritus à peccatore usitatus manus imponendi capiti holocausti sui ut esset acceptum pro ipso ad expiandum ipsum Levit. i. 3. 4. quod imprimis conspiciebatur in festo Propitiationis, in quo summus sacerdos nitens ambabus manibus suis super caput hirci *Hazazel* consitebatur super ipsum omnes iniquitates filiorum Israël, & postquam imposuerat illa capiti istius hirci, emittebat eum per hominem commodum in desertum, & portabat hircus ille omnes iniquitates eorum in regionem inhabitabilem. Lev. xvi. 21. 22. quorsum verò illa manuum impositio, & peccatorum confessio nisi ut testarentur se victimas illas loco substituire, quæ pœnam sibi debitam luendo, ipsos ab eadem liberarent? quod nec Ethnicum vatem dum falsè irridet homines suos qui vili bestiarum sanguine suas animas piari credebant.

Cum sis ipse nocens moritur cur victima pro te?

XXXVIII. Sed nec inusitarum inter gentes morem hunc fuisse non uno demonstrare licet exemplo; Nam ut mittamus Decios, Codros, Curtios & alios Ethnicos se pro suorum salute devotentes; Ut nihil dicamus de Zaleuco Legislatore Locrensi qui pro altera parte pœnæ filio suo debita ultro venit, atque ita *aquatis admirabili temperamento se inter misericordem patrem & justum Legislatorem paritatus est ut sciret Pater. Max. lib. 6. cap. 5.* Ut taceamus etiam satis

notam Damonis & Pythiæ illustrium amicorum historiam quorum alter se stitit vadem pro altero in causa capitali ut habet *Cicer. Offic. 3.* Certum est jus occidendorum obsidum humanissimis etiam populis usitatum fuisse, cum nimirum eorum principales à promissis deficiebant, nam ut testantur Politici venit obses in periculum ut si non fervetur fides, etiam occidi valeat, sic Thessali olim ducentos quinquaginta obsides interfecerunt referente Plutarcho; Romani trecentos Volscos securi percusserunt ut notavit Halicar. lib. 6. & quam plurima istius generis extant exempla: notum etiam in capitalibus suppliciis Vades plecti potuisse & plecti nonnunquam solitos si se non sisterent rei, unde ἀνψυχοι dicti sunt; Et si aliunde probari non posset, ipsa tamen Pauli autoritas satis id evinceret qui *pro bono viro forsitan aliquem etiam mori posse aserit.* Rom. v. 7. Quinimo populum à Deo ob Regis delicta puniri recepta fuit sententia Hesiodi tempore, hinc apud illum Δίκη Jovis filia patrem interpellat

ὁφρ' ὀπετίσῃ

Δῆμῳ ἀπαθείας βασιλείων &c.

unde vulgatum illud apud eundem

Πῶς καὶ ξύμπασι πᾶσι κακῷ ἀνδρὸς ἐπαυροῖ,

& istud Venuini Poëtæ.

Quidquid delirant Reges plectuntur Achivi.

Plutarch. lib. de sera Numinis vindicta variis argumentis ostendit neutiquam Justitiam divinam esse accusandam quod à multis haud infrequenter alieni sceleris pœnas exigit. Denique non insolitum fuisse apud Ethnicos pœnam alterius alteri imponere historici passim ostendunt; Apud Persas olim ob unius noxam petiisse propinquitatem prodidit *Marcellinus*, Apud Macedonas devota fuisse capita eorum qui sanguine perduelles contingerent observavit *Curtius lib. 6.* & in Græciæ civitatibus morem fuisse cum tyrannis tyrannorum liberos occidi testatur *Halicar. lib. 8.* & *Tull. ad Brutum Epist. 15.* Quæ pauca ex innumeris quæ suppetunt super hac re testimonio à nobis delibantur & referuntur, non quasi hæc per omnia nobis probentur, sed tantum ut inanem & falsum esse quem paulò ante jactabat Adversarius omnium gentium contra hanc pœnæ translationem consensum demonstremus.

XXXIX. Non negamus tamen substitutionem hanc multò rariùs contingere quàm in debito pecuniario, ita ut vix ac ne vix quidem hodiè inter Christianos istiusmodi exempla occurrant, quemadmodum apud Romanos fidejussiones in pœna capitali vetabantur; Verum non inde petenda ratio est quòd res in se sit simpliciter injusta, sed quòd periculosa sit & fieri non possit sine gravi dispendio ut jam dicetur, Adversarius duo discrimina hîc affert, sed præter rationem utrumque, 1. pecunia, inquit, potest alteri fieri, non autem corporis vexatio: Sed cur corporis vexatio seu mors unius alteri imputari per æstimationem judicatum non poterit, quemadmodum pecunia à fidejussore numerata censetur

tur

tur esse debitoris ipsius? Paulus nihil hîc absurdi vidit, dum ait *uno pro nobis moriente omnes mortuos esse* 2. Corint. v. 14. nimirum quia unius mors omnium censetur per divinam imputationem; 2. qui pecuniam pro altero solvit regressum habet ad debitorem principalem & Jus illum reconveniendi & repetendi ab ipso quod pro illo solvit: at verò qui vitam pro altero impendit, nec regressum ullum habet ad eum pro quo se ipsum tradidit, nec Jus repetendi in se transfert præcisâ omni facultate, imò cogitur in perpetuum vitâ suâ carere nisi aliunde restituatur: Resp. hoc quidem discrimen inter homines locum habere non diffitemur, sed illud tamen non tanti esse pertendimus ut propterea res hæc de qua quæstio nostra instituitur injusta reddatur, quid si enim sponsor in re pecuniariâ de jure illo numeratam pecuniam repetendi cedere voluerit debitori principali eam absolutè dando, an propterea injustum erit eum pro altero fidejube- re? Ita licet vas in pœna capitali cogeretur carere vitâ quam impendit, nec ullum regressum haberet ad reum, non sequeretur tamen non posse se obligare in eo scilicet casu quo majus aliquod vitâ ipsâ bonum se consequi moriendo putat, ut in heroicis illis animis videre est vitam pro patriæ incolumitate profundentibus, & in sanctis Martyribus Religionis veritatem & Euangelii doctrinam proprio sanguine obsignantibus; Cùm ergo Christus in hoc negotio majus aliquod propria vitâ bonum spectaret, Dei scilicet gloriam & Ecclesiæ salutem, mirum videri non debet si vitam suam præ illo parvi fecerit, imò testatur ipse Joh. x. hoc boni pastoris esse ut animam suam pro ovibus ponat. Accedit etiam quòd licet Christus regressum non habeat ad reos & Jus illos reconveniendi ut reddant quod pro ipsis solvit, non coactus tamen est semper vitâ sua carere, quo pacto aliqua videretur Christo facta injuria, sed eam denuò imò longè feliciorē per resurrectionem recuperavit, unde nihil hac in parte obstabat quo minus loco nostro substitui posset.

XL. Sed si hæc veræ non sunt causæ propter quas substitutio quæ fit in debito pecuniario pariter in pœna corporali locum habere non possit, quodnam ergo verum erit discrimen, inquires? Nimirum 1. homines non parē habent in corpus ac pecuniam potestatem, domini sunt pecuniæ, sed non vitæ suæ, *nemo enim sibi vivit vel sibi moritur* Rom. xiv. 7. itaque de ea non possunt pro arbitrio statuere in gratiam alterius; Deinde in foro humano Judices ex formula judicare debent, neque eam dispensare potest nisi summus Princeps & Magistratus; Cùm ergo Deus subrogationem hanc cuivis non permittat gravissimis de causis, certè eam haudquaquam vel admittere facile vel tolerare debent; Postremò in solutione pecuniaria nulla fit cuiquam injuria, siquidem fidejussor sponte sua & à nemine coactus summam aliquam cuius est dominus dependere voluerit, at hîc præterquam quòd homo involat in Jus Dei, memorabile etiam detrimentum patitur totius mundi Respublica, dum nocente dimisso & inulto manente optimo & honestissimo cive privari cogitur, atque ita non repressa sed aucta potius videtur peccandi licentia.

At si quis reperiretur qui dominus membrorum suorum sponte se ad pœnam offerret, eaque virtute polleret ut non modò mortem ipse superare, sed & peccatores ad meliorem frugem reducere posset, nihil obstat quominus is ex supremi magistratus decreto vadem se pro alio sisteret, quod in Christo obtinuisse jamjam demonstraturi sumus.

X L I. Licet autem nullæ vel Principum Leges vel consuetudines populo- rum subrogationem hanc ostenderent, non propterea tamen injustitiæ accusanda esset sanctissima illa Dei dispensatio, impium enim est de Redemptionis myste- rio gentibus ignoto ex foro mundi & hominum consuetudine pronunciare cùm Christus non dicat *Ego sum mundus vel consuetudo*, sed *ego sum via veritas & vita*, inquit Cypria. Viæ Domini non sunt sicut viæ nostræ, nec si hominibus non li- cet continuò à Deo fieri non decet; Distig. ergo *forum soli* & *forum poli*, in illo subestitutio dari commodè non potest propter rationes modò allatas, et in hoc penes Deum nihil obstat. Rursus alia est *norma veteris fœderis*, alia *novi*; aliud *Judicium Legale*; aliud *Euangelicum*, Lex substitutionem illam ignorat, sed Eu- angelium patefacit & revelat, Lex præcisè & primariò fontem ipsum postulat, sed Jus Evangelii *Mœnestæ* temperatum vadem potest admittere; Cùm ergo de Redemptionis opere mirabili non ex Lege sed ex Evangelio sit statuendum; mi- rum videri non debet si substitutio sub Lege inaudita hic doceatur; Cæterum li- cet Lex ex se & naturâ suâ subrogationem illam non proponat, non excludit tamen vel impedit misericordiam in Evangelio patefactam quâ reatum peccato- rum nostrorum in filium transferre decrevit. Ita erit quidem *præter* & *supra*, sed non *contra* Legem, cùm illi abundè satisfactum sit per fidejussoris solutionem.

X L II. Quia verò huic sententiæ non consuetudinem tantum gentium sed ipsum Dei verbum opponunt, ac imprimis duo loca illustria Deut. xxiv. 16. & Ezech. xviii. 5. quibus & alieni peccati imputatio & unius in alterius locum substitutio videntur aperte destrui, operæ pretium est ut hoc quicquid est argu- menti paulo diligentius excutiamus: Vexatissima enim sunt loca & quibus non semel abusi sunt hæretici vel ad impugnandam peccati propaginem & imputatio- nem, vel ad evertendam pœnarum in Christum translationem; notum est ex Augustino Julianum cæterosque Pelagianos hoc postremo tanquam fortissi- mo causæ suæ firmamento triumphare solitos fuisse & ipse quæstionem mole- stissimam dicere non dubitavit. Non opus est autem hic singulas singulorum Doctorem & Interpretum vel referre, vel expendere sententias, qui & verum verborum sensum rimantur & cum Decalogo conciliationem instituire tentant: Nobis nunc quidem suffecerit ea notasse quæ ad præsentis quæstionis elucidatio- nem faciunt.

X L III. Et ad priorem quidem locum quod attinet ex Deut. xxiv. 16. Ut non jam dicam quod ab aliis observatum est Legem hanc positivam esse & pe- culiariter Israelitis latam, cujus contrarium mandasse deprehenditur Deus ali- bi, ut in causâ septem populorum quos inter necioni devoverat Deut. 11. 34.

& xx. 16. 17. facile solvitur apparens illa ἀντινομία si distinguamus primo forum divinum & forum humanum, deinde in foro humano ordinariam justitiam administrationem ab extraordinaria agendi ratione: in foro humano non vult Deus alium pro alio plecti ordinariè quia caput noxa sequitur, & æquitatis & ἀμεκτίας potius quam juris summi rationem haberi præcipit, quod non impedit tamen quominus aliter aliquando propter graves & momentosas causas fieri possit; At in foro divino regula non item valet; Leges enim hominibus positæ potestati vel jurisdictioni divinæ limites nequaquam ponunt, & manifesta rationis diversitas, quia potestas hominum arctior est divinâ, in hominibus metuitur abusus potestatis, in Deo verò non item; Deus ergo Deuter. xx. v. hanc regulam hominibus præscripsit, sed illi propterea se non astrinxit, ut nunquam pœnas commutare & alium pro alio plectere possit.

X L I V. Sed quid respondebimus ad Ezech. locum in quo non hominibus, sed sibi ipsi Legem hanc ferre videtur Dominus, ut anima quæ peccavit ipsa moriatur, & nemo alieni peccati pœnas luat? Hic verò varia sunt quæ reponamus, I. Cùm hæc verba directè videantur opponi secundo Legis præcepto, imò habuerint etiam præxim aliquando contrariam ut ex exemplis ante laudatis patet, non sunt ad vivum refecunda, sed aliquo temperamento moderanda ne ulla hîd inter Authores sacros & Spiritum S. per eos loquentem occurrat contradictio. II. Si strictè & præcisè urgentur verba prout sonant, sequitur omnem peccatorem mori debere & neminem mori nisi qui peccaverit, at hoc utrumque vehementer falsum & absurdum esse nemo non videt, siquidem & Christus moritur qui non peccavit, & electi omnes qui peccaverunt non pereunt tamen: Itaque aliquo distinctionis malagmate lenienda sunt quæ primâ fronte veritati non satis consona esse videbantur. III. Distinguendi sunt filii, Alii imitantur peccata parentum & affines atque socii culpæ paternæ fuerunt, Alii ab iniquitate patrum recedunt & se immunes præstant ab eorum sceleribus, de primis pronuntiat Deus se visitare iniquitatem parentum in filios Exod. xx. quia filii paternæ eunæ per vestigia, nam qui affinis culpæ fuit eundem pœnæ socium esse non injustum est: at de aliis negat apud Ezech. Dominus, quia nemo venire debet in partem pœnæ qui culpæ ἀντινομία & affinis quadantenus non fuerit, Prophetam autem loqui de tali filio qui non modò non imitatur peccata parentis, sed ea aversatur & fugit, patet ex eo quod dicit, v. 19. Quare non fert iniquitatem patris? quia fecit iudicium & justitiam, ideo vivendo vivet.

X L V. IV. Disting. Jus strictum & summum ab eodem æquitate aliqua & ἀμεκτία temperato, secundum prius Deus potest peccata parentum visitare in filiis, & reipsa visitat, quod Exod. xx. edicit, at respectu posterioris non ulterius pœnam quàm in reos ipsos & nocentes grassari sinit, quod se facturum deinceps erga Judæos testatur apud Ezech. prius illud ad fœdus legale propriè pertinet, in quo severum & inexorabilem Iudicem se exhibet, at posterius magis accedit ad Evangelicum in quo benignitatis paternæ luculenta edun-

eduntur testimonia; Et sanè cò spectare hoc Dei effatum ex loco parallelo Jerem. xxxi. 29. satis apertè colligitur ubi propheta loquens de beneficiis novì fœderis inter alia hæc habet, *In diebus illis, inquit, non dicent, manducaverunt patres uvam acerbam & dentes filiorum obstupuerunt, sed unusquisque in peccato suo morietur, &c.* nimir, quia uti solebant trito illo Adagio ut cum Deo expostularent quasi insontes ipsi pœnas patribus debitas luerent, pollicetur Deus fore ut in fœdere novo Jure illo non sit usus, sed ab unoquoque pœnas peccati sui repetiturus; sic hunc locum interpretantur non pauci è veteribus, Tertulli. in primis lib. 2. advers. Marcio. c. 12. & Augustinus Enchiri. ad Lauren. c. 46. & lib. 6. contra Julia. cap. 12. Scio quibusdam non satis probari hanc distinctionis istius accommodationem, cò quòd hæc verba dirigantur ad impios & contumaces Judæos qui iniquissimè providentiæ divinæ, ejusque Judiciis obstrepebant, ac per consequens non videbantur in eo esse statu ut cum ipsis ex æquitate paternæ & fœderis Evangelici ratione agere vellet: sed scrupulus hic facilè eximitur, nam præterquam quòd nemo pronunciare pro certo potest de statu istorum hominum an reprobi omnes fuerint, an fideles quos non rarò etiam propter carnis reliquias cum Deo expostulare constat; accedit quòd non semper summo jure agat cum impiis ipsis, nam etsi non assumuntur ad intimam & mysticam fœderis gratuiti communionem, fieri tamen potest ut dum versantur in externa Ecclesiæ societate, singularibus quibuldam de causis ita clementer à Deo tractentur, ut nonnullum ipsis gratiæ divinæ gustum & suavitatem exhibeat, sive ut ad pœnitentiam invitentur, sive ut testator fiat eorum contumacia, eoque magis ἀναπλόγητι reddantur ut in περσικαίροις patet; quid obstat ergo quo minus & istos Judæos rebelles & contumaces in Deum fuisse agnoscamus, & tamen dicamus in hac causa Deum non ex præciso Legis rigore, sed ex miti melioris fœderis dispensatione ad graviolem ipsorum condemnationem agere voluisse; ita scilicet ut nulla paternorum peccatorum gravarentur imputatione, sed suorum tantum peccatorum unusquisque pœnas daret. Caterùm licet neget hic locus filium pium & justum laturum pœnas iniquitatis paternæ, sed animam peccatricem in se luituram, non negat tamen posse fieri vadem & propitiationem pro peccato, vel peccatum illi imputari posse qui reputari vult pro peccatoribus, illud enim opus est justitiæ, licet æquitate aliqua temperatæ, at hoc infinitæ opus misericordiæ quæ ordinarias judiciorum prætergreditur formulas, & nihil cum ceteris Dei erga homines dispensationibus habet commune.

XLVI. V. Denique ut omnis cavillandi ansa Adversariis præripiatur, observandum nullam hic statui *generalem vel immutabilem regulam* ad quam Deus vel ante semper exegerit, vel in posterum exacturus sit omnia sua Judicia, ita ut contineat perpetuum quendam divinæ suæ erga homines providentiæ tenorem, cùm sæpius factum sit Deo ita ordinante ut filii aut subditi pœnas Reorum vel patrum luerent: sed agi *singulare Dei negotium* cum Judæis illius

tem-

temporis quibus hoc Deus ex speciali grátia largitur ut ne cum ipsis agat ex illo Justitiæ rigore quem adversus multos hæctenus observaverat, & quem aliàs quodocunque liberet exercere meritò posset, sed hac potiùs Lege cum illis experiretur, ut si sint ipsi à peccatis immunes nihil pœnæ patiantur qualiacunque fuerint patrum suorum crimina; sic scilicet Dominus larvam illam iis detrudere vult qua se aliosque decipiebant sanctitatem & Justitiam ejusmodi præ se ferendo quæ tantis calamitatibus vexari haudquaquam mereretur, quibus à multis jam annis conflictati fuerant, Cùm enim propterea impii homines cum Justitia Dei expostulandi occasione arriperent quasi infontes ipsi pœnas parentum sceleribus debitas ferrent, Deus per prophetam hanc improbitatem coarguit & ostendit non esse cur aliò culpam transferant vel derivent, quia Deus justè in eos exerceat vindictam suam, quasi diceret, Ego non eo jure vobiscum agam quo possem peccata parentum in vos animadvertere, satis in vobis noxarum, satis est criminum ut meritò pœnas luere debeatis; Itaque vult eos in rem præsentem deducere & ad eam confessionem adigere ut agnoscant Deum in suis Judiciis justum esse, seque satis esse nocentes, seposità etiam omnis peccati alieni imputatione, ut eas quas jam perpessi erant pœnas & graviores etiam meritiò luere. Ita non docet quid necessariò sibi sit faciendum, sed quid facere liberè decreverit, non erga omnes, sed specialiter erga Judæos cum quibus agit, ac proinde nullus est ponderis quod ex hoc loco adversus substitutionem petitur argumentum.

XLVII. Pergit tamen Adversarius & truculentum esse ait, & injustum innocentem plecti pro nocente, quia Justitia fontis ipsius punitionem postulet, & Deus ipse testetur se nolle vel fontem absolvere, vel infontem damnare. Vah! tantumne Dei erga nos amorem tamque mirabilem Dei dispensationem crudelitatis & injustitiæ insimulari! Scripturæ tamen hæc vox est Christum pro nobis peccatum & *xarí ego* factum esse, & in eum omnes nostras iniquitates conjetas esse, dicam ergo ipse scribat Spiritui Sancto qui hæc enūnciat, & Deo qui hæc decrevit, sed Justitia Dei satis se ipsam tuebitur adversus impuri hominis blasphemia 1. si quod supponit verum esset abso. & simpli. non minùs injustum foret Christum dirissimis affligi cruciatibus, adeoque morti fieri obnoxium, qui non peccavit, si verò injustum non fuit Christum hominem innocentissimum crudelissimò mortis supplicio affici sine ullo vel sui vel alieni peccati respectu, ut agnoscat Adversarius, cur injustum erit eundem à Deo nobis Sponsorem datum, & peccatis hominum onustum per divinam imputationem pœnas nobis debitas in cruce tulisse. 2. fallit & fallitur in eo quod Justitiam semper fontem ipsum postulare censeat, at vidimus antea necessariò quidem id exigere semper ut peccatum puniatur, sed non pari necessitatis gradu ipsius peccatoris pœnam postulare, quin aliquando ex Dei liberrimo beneplacito ordo ille immutari possit.

XLVIII. 3. Fatemur non temere & sine causa innocentem plectendum esse

pro nocente, sed positis certis conditionibus illud citra injustitiam posse fieri contendimus. Primum si innocens vitæ suæ sit Arbitrator & Dominus, potest enim de ea pro libitu statuere, & sine cujusquam præjudicio. Secundò si volens & ultrò offerat se in vadem pro nocentibus, ipsorumque reatum sponte in se recipiat, & supplicium libens adeat, volenti enim non fit injuria. Tertiò si *ἀντεὸν* sufficiens præstare possit pro iis pro quibus fidejubeat, alias inutilis foret talis substitutio. Quartò si interim non pereat in supplicio, sed possit propriis viribus ex eo emergere, alias memorabilis fieret mundo injuria quæ homine pio & sancto carere cogeretur. Quintò si possit fontem ipsum quo satisfacit ad meliorem frugem reducere, alias impunitas & peccandi licentia videretur magis augeri, & magnum bono publico detrimentum accederet dum sublatis viris integerrimis conservarentur in ejus perniciem cives noxii. Sextò si illi quorum interest in id consentiant, nam si Judex nollet admittere substitutionem non posset legitime fieri. Denique si innocens sit ejusdem naturæ cum fonte, absque eo enim foret, nec peccatum in eadem natura quæ peccavit plecteretur, nec ulla dari posset vel pœnæ vel satisfactionis communio. Atque huc facit quod Adversarius li. 3. de Serva. c. 10. agnoscit *posse aliena peccata alicui imputari, si alterutrum ex istis duobus adsit vel imitatio vel Conjunctio.*

XLIX. At istæ omnes conditiones in Christo deprehenduntur; Quippe & Dominus fuit membrorum suorum, liberrimamque de se statuendi potestatem habuit Jo. x. 18. *Nemo tollit animam à me, sed ego depono eam per me ipsum, auctoritatem habeo eam deponendi & eam rursus assumendi;* Ipse reatum nostrum ultro in se suscepit, & supplicium ipsum gnarus quantum esset sponte adiit. Ps. xl. 8. 9. Heb. x. 8. 9. 10. Potuit omnes pœnas nobis debitas & ferre & exhaurire ut *ῥεῖν ὁρῶμεν* If. l. 111. 7. 10. 11. Heb. i. 3. Act. 11. 24. Potuit peccantes ipsos convertere spiritum gratiæ illis largiendo quo novæ creaturæ fierent Gal. iv. 6. Ro. viii. 9. 15. summus Judex non tantum non repugnavit, sed ipse admirabilis sapientiæ suæ consilio ad id munus ab æterno eum destinavit & vocavit in tempore cùm in mundum pro nobis misit, & illi non perperit ut nobis parceret. Jo. 111. 16. Ro. viii. 32. 1. Pet. i. 19. 20. atque ita gratiam habuit ejus satisfactionem, ut ejus vi nobis planè sit reconciliatus 2. Cor. v. 19. 21. Postremò non fuit Christus alienus à nobis, sed conjunctissimus; Cùm illi uniti simus triplici vinculo 1. naturali quum carnem nostram induit, & frater noster factus est Heb. 11. 14. 2. forensi & juridico posito tum in consensione voluntatum, tum summi Judicis ordinatione qua Christus ut sponsor nobis datus est à Deo qui pro nobis satisfaceret; & nos Christo dati ut ab ipso redimamur Matt. xx. 28. If. l. 111. 6. Je. xvii. 6. 3. mystico & spirituali quo nobiscum Christus in unam personam & corpus coalescit cujus ille est caput, nos membra Eph. i. 20. & v. 29. unde factum ut & ipsi fidelium peccata, & vicissim ejus obedientia & justitia fidelibus imputari queat, peccatum enim

enim factus est ut essemus iustitia Dei in ipso 2. Cor. v. 21. & Gal. 1v. 13. Ita si plectitur non plectitur *inuitus* vel *ut innocens* quod injustum foret; Sed ut *Vas* qui pro nobis se sinit, & *ut reus* qui sortem hanc sponte ex Dei decreto subiit.

L. Absit ergo ut crudelitatis vel Injustitiæ labem ullam sanctissimo huic aspergamus Dei consilio; Adoremus potius & ex intimis cordis penetralibus admirabilem illam veneremur Sapientiam quæ ita prospicere voluit salutem nostræ, ut gloriæ suæ propterea nihil decederet; Ita Misericordiam explicare ut Justitiæ tamen nihil detraheretur; Grato animo summum Patris amorem prædicemus qui ut nobis parceret unigenito suo non pepercit, Justum pro injustis, Innocentem pro reis, filium pro servis neci tradere non dubitavit; Immensam denique Filii charitatem celebremus, qui posthabito divinæ Majestatis quo felix cum Patre in forma Dei coruscabat splendore, ad abjectissimam servi formam sese demittere nostri causa non erubuit, Dominus gloriæ cruci affigi sustinuit ut nos redimeret, sanctissimus peccatum fieri ut nos justificaret, Benedictus in secula maledictioni subijci ut nos bearet, Æternus mori ut vitam conferret; Ita admirabundi cum universa Ecclesia conjunctis animis vocibusque canitum novum illi occinamus.

τῷ κατὰ τὴν ἐν τῷ θρόνῳ καὶ τῷ Ἀρνίῳ ἡ δόξα ἡ τιμὴ καὶ ἡ δόξα εἰς τοὺς αἰῶνας τῶν αἰώνων. Ἀμήν.

COROLLARIA.

- I. An sœdus gratia idem fuerit sub V. & sub N. T. ? Aff.
- II. An Satisfactionibus humanis possit esse locus post Satisfactionem Christi ? N.
- III. An libertatis-ratio formalis posita sit in ἀδιαφορίᾳ ? N.
- IV. An Gratia conversionis sit irresistibilis ? Aff.

DISPUTATIO TERTIA

Quæ Prima est

D E

SATISFACTIONIS
CHRISTI VERITATE.Respondente MELCHISEDECO PINALDO, *Genevensi.*

T H E S I S P R I M A.



U M tria vulgò de *Satisfactione Christi* in disquisitionem venire soleant *Necessitas, Veritas, Perfectio* & de *Necessitate* à Nobis non ita pridem instituta fuerit disceptatio, Ordo jam postulat ut de *Veritate* disputemus: Quod non minori cura & studio exequendum nobis est argumentum, imò aliquanto majorem ἀκρίβειαν exigere videtur: siquidem in eo præcipuus totius hujus capitalis & fundamentalis Controversiæ cardo vertitur: frustra quippe Satisfactionis asserta fuisset *Necessitas*, si ejusdem *Veritas* vel negari posset, vel in dubium saltem revocari.

II. Hic autem res nobis erit cum illis ipsis Adversariis cum quibus antea manus conferendæ jam fuerint, Nam qui *Necessitatem* impugnant Sociniani, *Veritatem* etiam labefactare modis omnibus conantur: imò non alium in finem de *Necessitate* litem movent, quàm ut facilius *Veritatem* convellere possint; Nimirum teterrima hæc & exitialis hæreticorum lues, Christiani nominis ultimum dedecus Salvatoris nostri summam Naturæ ὑπεροχὴν blasphemè arguere non satis habuit, æternam ejus Divinitatem protervè respuendo, nisi sacrosanctum Mediatoris officium & summum in nos Beneficium Satisfactionem puta & meritum impiè abnegaret; nam cùm faciliè intelligerent isti homines tanti esse satisfactionem præstare pro mundi peccatis ut illud effectum dare nemo possit qui nihil est quàm φίλος ἀνθρώπου fieri non potuit quin Christi divinitatem eliminando ipsius Satisfactionem eadem ratione rejicerent.

III. Optandum sanè fuisset nefandum hoc & verè Antichristianum dogma (quod detestationem potius quàm refutationem meretur) vel nunquam ex Orco revocatum fuisse, vel inter Christianos statim suppressum & æter-

no silentio damnatum, ut inconcussus hoc fidei caput & fundamentum retineretur semper illibatum: sed cum ea sit seculi nostri calamitas ut in illud tanquam cæterorum omnium sentinam omnis generis hæreses confluerint, & pestilentissima hæc natrix latè grassari cœperit & teterrimum virus suum per varias Europæ partes, quod p̃i omnes lugent, nimium quantum etiamnum hodie spargat, nemini debet vitio verti si dum Princeps tenebrarum & Pater mendacii per infernales hæc furias veritatem momentosissimam oppugnare & fidelibus eripere omni ope contendit, sint vicissim qui pro veritate tuenda ad piorum solatium pro virili laborent, & arcendo malo quo non aliud gregi Dominico inimicum magis & exitiale ex abyssi puteo prodit operam suam quantumcunque impendant.

IV. Ut verò facilius & Veritas confirmari & mendacium revinci queat, dispiciendum antè omnia quid sentiant hîc Adversarii quid item Orthodoxi, unde Quæstionis status accuratè teneri & controversa à non controversis distinguere possint; Atque ut illud omne quicquid est clarè percipiatur distinctiones qualdam ad Controversiæ totius elucidationem necessarias præmittimus.

V. *Jesum Christum esse servatorem nostrum* cum tam constanter & clarè prædicet Scriptura, & nomen ipsi ab Angelo inditum evincat, nemo negare sustinet; sed quomodo sit Servator omnes non eadem ratione explicant; Nimirum *servare* est operam dare ut aliquis eripiat periculo quod imminet, vel miseriâ in qua jacet, sed illud fieri potest duobus modis; nam ille servat qui ita operatur ut virtute sua proximè & immediatè servet, sive potentiam suam solam exercere necesse sit, ut quum quis militem in bello captum de manu hostis eripit, vel nauclerus navem huc illud ventis fluctibusque jactatam, industriâ suâ salvam ad portum deducit; sive justitiæ satisfieri oporteat, ut quum quis captivum de compedibus & carceris fœtore liberat justo numerato pretio; sed & ille *servare* nonnunquam dicitur qui quanquam nihil efficit quo proximè & immediatè salus obtineatur, rationem tamen ostendit & viam quâ servari possit ille qui in periculo & miseria versatur, ut quum quis militi jamjam in potestatem hostium deventuro, tutum aliquem locum indicat, quò sese recipiat, vel quum quis in littore stans nautas agitados & naufragio proximos voce fovet & gestu & portum ostendit quò velis remisque contendant.

VI. Hinc distinctio *Servatoris* nata in *Servatorem præconio, consilio & exemplo* & *Servatorem merito, opere & efficacia*; Deus enim & homines nos servare dicuntur, unde in Scriptura Verbi præcones dicuntur eos servare, quibus Evangelium annuntiant Rom. xi. 14. 1. Tim. iv. 16. sed longè diversa ratione, Deus enim nos servat opere & efficacia, homines autem exemplo & consilio, quatenus scilicet & nos hortantur ut ad salutem nervis omnibus contendamus Phil. ii. 13. & exemplo suo nobis in via salutis prælucent, ut eos sequamur.

VII. Quum ergo de modo salutis à Christo partæ inter nos & Adversarios controvertitur; Non id quæritur an Christus aliqua ratione Servator possit dici & revera dicatur; nam ultro largiuntur illi nobis Christum quadrifariam Servatorem prædicari. 1. *Amuntiatione & Praconio* quia universam Dei voluntatem de ratione salutis nobis exposuit & quid à nobis fieri oporteat ut salutem consequamur docuit. 2. *Confirmatione & exemplo* quia doctrinam suam proposuisse non contentus ipse primus viam quam sequeremur exemplo suo præmonstravit & absolutissimam iustitiæ formam in tota vitæ suæ ratione expressit, imò salutis nuncium non vitæ tantum exemplo, sed miraculorum innumerorum testimonio & mortis dirissimæ martyrio obsignavit. 3. *Imitatione & principio* quia resurrectione viam hanc complanavit dum eventu ipso ostendit hanc esse certissimam obtinendæ salutis rationem, ita ut quicumque hanc viam insisterint ad æternam vitam haud dubiè sint resurrecturi. 4. *Communicatione & Complemento* quia ipse tandem pro potestate sibi à Patre concessa vitam æternam piis omnibus qui ipsius mandatis obsecuti fideliter fuerint est collaturus, ut fusè declarat *Soci. lib. 1. de Serva. cap. 4. 5. 6.* Sed quæritur An verè & propriè Servator fuerit *Satisfactione & merito*. Nam etsi neque nos hisce de causis Servatoris appellationem illi quadantenus, licet minus propriè tribui possè diffitemur, quod talibus mediis salutem nostram non parùm promoverit, hisce cancellis tamen ejus officium nefariè claudi existimamus, cum vel imprimis gloriosum hoc nomen sortitus sit, quòd obedientiæ suæ absolutissimæ merito nos servarit, quo pacto unicus verè Servator prædicatur, cum aliàs, si prior sensus obtineret, Prophetæ & Apostoli, aliique non pauci in consortium ejusdem muneris venirent qui Dei voluntatem fideliter explicarunt, exemplo inculpatæ vitæ cæteris præluserunt, & mortis ac tormentorum acerbissimorum perpeffione veritatem cælestem obfignarunt.

VIII. II. Distinguenda est *Satisfactio vera & propria* quæ fit integrè ex *Iustitia Judicis* & perfolutione rei debitæ, & liberationem & vitam consequitur memorior: à *Satisfactione impropria & metaphorica* quæ fit per partis læsæ acceptilationem & liberationem, ac vitam precariò impetrat & per misericordiam ac indulgentiam Principis; de hac quæstio non movetur cum eam non illibenter fateantur ei iē *Evangelicæ* & pestifero dogmati suo utcumque incrustando sæpius obtendant, sed de priori quam nos ex Verbo Dei constanter asserimus & illi ex cerebri sui figmento pervicacissimè respuunt.

IX. III. Aliud est Christum *pro nobis utiliter* mortuum esse, i. e. *bono & commodo nostro*, aliud verò *pro nobis substitutivè* i. e. *vice & loco nostro*, aliud eundem traditum esse *propter peccata occasionaliter* & ut nos ab illis abstraheret, aliud *causaliter & meritorie* ut eorum reatum in se ipsum derivando, & pœnas omnes illis debitas in corpore suo iudendo expiaret, prius est *ἀναμνησκόμενον* & extra controversiæ aleam positum, de posteriori tantum, quod impie contra Scripturam negare sustinent, disputatus. I v. Aliud est loqui de

satisfactione qualicunque; quâ Christus omnibus iis satisfecerit quæ illi à Dei voluntate ad salutem nostram procurandam imposita erant; Aliud de *satisfactione pœnali* & propriè sic dicta quâ non tantum voluntati, sed & divinæ iustitiæ assumpris in se nostris pœnis satisfecerit; quæstio non est de prima quam Adversarii non negant, vide *Crelli. cont. Groti. c. 6. Smalza. contra Smiglecius* de satisfact. in Resp. ad præfat. sed tantum de secunda quam protervè respiciunt.

X. Ita controversiæ status redigitur ad hosce terminos An *Christus gratis* & *Servator noster fuerit* (non præconio & exemplo tantum) sed *satisfactione* & *merito*; An *mortem* (non bono duntaxat) sed *loco nostro oppetierit*; An *satisfactionem* (non impropriad & metaphoricam quâ voluntati tantum divinæ satisfecerit ea implendo quæ illi à Patre ad salutem nostram imposita erant, & quæ gratis & precario consequeretur veniam & salutem, sed *veram* & *propriè dictam* qua iustitia divina per sufficiens *ἀνταρκτον* satisfecerit, & quæ *reipsa*, *meritoriè* & *integre remissionem peccatorum* & *vitam acquisiverit*. Hoc enim magno molimine & toto impetu oppugnant hæretici vid. *Soci. de serva. passim Crelli. contra Groti. Smalci. contra Smiglecius Volkel. de vera Relig. li. v. c. 22.* Nos verò cum tota Ecclesia Orthodoxa sanctè credimus, & constanter ex Scriptura profitemur & propugnamus.

XI. Argumenta Veritati stabilientiæ non pauca suppediunt nobis Scriptura & recta ratio: Nos præcipua hîc & potiora delibabimus & ab argutis Adversariorum vindicabimus. Primum petitur ab *Officio Christi Mediatorio*; Eo ipso enim quo Mediator inter Deum & Nos fuisse perhibetur qui dissidium & bellum ex peccato ortum composuit & diremit, partesque dissidentes inter se conciliavit, Satisfactionis veritas luculenter jam confirmatur: Neque enim cum Scriptura Mediatorem nobis proponit qui fuerit tantum voluntatis Divinæ *Interpres* & *Internuncius* qualis fuisse Moyses inter Deum & populum dicitur Deut. v. 5. *Stabat illo tempore inter Jehovam & vos ad referendum vobis sermonem Jehova*: dixerant enim Moysi præ metu, *loquere tu nobiscum & audiamus, sed non loquatur nobiscum Deus ut non moriamur* Exod. xx. 19. vel qui partes jam unitas in unionem & amicitiam conservet quo sensu nonnulli Christum Mediatorem confirmationis & conservationis Angelorum dici posse contendunt, ut extra lapsus periculum constituti per ejus gratiam penitus Deo adhæreant; sed qui vere sit *ειρηνοποιος* & *fideiussor*, qui pacem æternam inter Deum & homines conciliavit, sublatis utrinque proprio sanguine odii & belli causis; sic enim *libuit Patri ut omnis plenitudo in eo habitaret, & ut pace per sanguinem ejus facta reconciliaret sibi* Col. 1. 20. nec poterat nisi per proprium sanguinem vel Sacramentum ingredi ad thronum gratiæ viam nobis facturus, vel æternam Redemptionem qui primarius Mediationis finis est, consequi Heb. ix. 12. Nimirum cum hinc peccata nostra nos inimicos Dei non activè tantum sed & passivè redderent, inde verò sanctissima & inviolabilis

Justitia, quæ peccatum nec videre nec inultum ferre potest ejus iram atque indignationem adversus nos propter eadem concitaret. *II. 11 x. 2.* debuit Mediator noster ἀντίλυτρον aliquod pendere quo & Ira Dei placaretur & peccata nostra expiarentur, ne quid vel ex parte hominum offendentium vel Dei offensus obstaret amplius, ad perfectæ reconciliationis opus quod moliebatur exequendum.

XII. Atque hoc vult Scriptura quæ primarium & potissimum istius μεσιτόματι actum in morte & sanguinis effusione collocat *Heb. 1 x. 15.* Ob id scil. novi Fœderis Mediator dicitur Christus ut morte intercedente ad redemptionem transgressionum præcedentium vocati vitam æternam adipiscerentur. Sic *Heb. x 11. 24.* Mediatoris titulo additur continuò sanguis ἁντιπρωῦ allusione facta ad sanguinem victimarum quo conspersus fuit populus *Exod. xxiv. 8.* ad mundationem legalem & typicam, ut innuatur sanguine Christi pariter vera fide conspergendas esse conscientias ad purgationem spirituales & mysticas. *1. Joa. 1. 7.* sed omnium clarissimè *Apost. 1. Tim. 11. 6.* ubi postquam dixit unum esse Mediatorem inter Deum & homines statim addit explicaturus naturam & partes præcipuas istius officii, *Qui dedit semetipsum in pretium Redemptionis pro omnibus.* At sanè cùm triplici nostro malo triplex remedium in hoc munere Christi clementissimus Pater nobis exhibuerit, ut lumen Propheta tenebras mentis fugare, virtus atque potentia Regis peccati maculam ac dominium delere ac domare, ita Justitia Sacerdotis ejusdem reatum & maledictionem plenissima satisfactione auferre debuit. Rursus cùm Mediator utrinque agere debuerit ad partes conciliandas; ut apud nos pro Deo agere debuit conditiones fœderis docendo & persuadendo tanquam *Propheta*, & ut Rex nos in fidem susceptos regendo, protegendo & liberando; Ita apud Deum pro hominibus agere cum quâ *Sacerdotem* decuit iram placando, gratiam conciliando, & dona ab eo impetrando. Nam quod arguitur hic hæreticus functionem sacerdotalem tantum fuisse in eo positam ut Christus in cœlis interpellaret pro nobis, facile revincitur; quippe licet non negemus hanc sacerdotalis muneris partem esse quandam, solam tamen fuisse vel præcipuam pernegamus, cùm intercessio in cœlis peragenda necessariò satisfactionem in terris factam supponat, ut sub *V. T.* summus Sacerdos non prius Sacrarium intrabat pro populo deprecaturus quàm victimam in Altari propitiationum obtulisset, cujus sanguinem secum deferre debuit, ut fusè docet *Apost. ad Heb. cap. 1 x.* & nos in sequentibus probaturi sumus, Unde firmum jam & solidum pro Satisfactionis Christi Veritate exurgit argumentum: Is enim qui Mediator ideo est constitutus ut pacem per sanguinem faceret, ut se ipsum daret in redemptionis pretium, atque adeò ut mortem sustineret ad transgressionum redemptionem, non potest non verè satisfecisse quum his partibus defunctus est; At Christus nobis talis describitur Mediator. E.

XIII. Fortius verò adhuc stringet argumentum, Si addamus non tantum Mediatorem vocari, sed & *ἑξ ὑμῶν Sponsorem* & Vadem Heb. vi. 22. Nam Mediator quidem medium se sinit inter partes dissidentes ut eas quacunque tandem ratione reconciliet, sed Sponsor ulterius quid præstat, utrinque de pactonum & fœderis observazione spondet & pro altera parte fidejuber ac reipsa satisfacit si non sit solvendo, se in Rei aut debitoris locum substituens, vel ut debitum solvat Proverb. xxii. 26. 27. vel ut pœnam luat, ad quam ultro se obstrinxit Gen. xliiv. 32. 33. unde illud Thaletis *ἑξ ὑμῶν πείρεται ἄνθρωπος*. Cum ergo Christus fœderis novi Sponsor sit constitutus, utrinque pactum hoc confirmare debuit, & ut pro Deo nobis gratiam & benevolentiam constantem & immutabilem Patris, ita pro nobis vicissim satisfactionem Deo pro peccatis præteritis debitam & fidem atque obedientiam perpetuam in posterum sponder. Atque hoc vocabulum eo convenientius à Spiritu S. usurpatur quod *peccata nostra* vulgò *debita* dicantur in Scriptura, pro quibus scilicet pœnæ debitores sumus apud Justitiam Dei. Itaque ut nemo debitoris sponsor dicitur, nisi qui pro eo fidejuberet & reipsa si opus sit satisfacit, ita nec Christus sponsor jure diceretur, nisi quia ad satisfactionem pro nobis præstandam se ipsum sponte sua obligavit, eamque reipsa Deo exhibuit.

XIV. Ut declinent hoc telum Adversarii varia excipiunt. 1. Mediatoris vocem præcisè satisfactionem non inferre, quia & Moses Mediator dicatur Gal. iii. 19. ubi Lex dicitur data *ἐν χερσὶ μεσίτου* i. e. opera & ministerio Mediatoris qui alius præter Mosem esse non potest ex Levit. xxvi. 46. & Act. vii. 36. qui tamen nihil tale præstitisse legitur. 2. Mediatorem in Scriptura nihil aliud significare quàm Dei interpretem quo Deus ad fœdera cum hominibus pangenda utatur, & per quem populus cognitione voluntatis divinæ instructus ad Deum accedat, atque illis duabus de causis Mediatorem Christum dici, quòd fœdus novum idque sempiternum nomine Dei cum hominibus sanxerit, & omnem Dei voluntatem per quam aditus nobis ad Deum patefactus est, exposuerit. 3. Eo ipso quo fœderis novi Mediator dicitur quia id Dei nomine nobiscum pepigit, satis constare nullam adhibitam fuisse satisfactionem & Deum antequam jussu suo Mediatoris officio fungeretur jam placatissimum fuisse; non enim mittere Principes internuncios suos ad fœdera cum rebellibus pangenda ni priùs ex animo illis rebellionem condonavérint & jam illis verè placati sint, neque aliud præterea ad pacem stabiliendam requiratur, quàm ut fœderis conditiones illi velint accipere, quod in hoc fœdere tantò magis obtinere debet quòd ibi Deus clementiam suam & misericordiam in remissione peccatorum largienda prædicet, nullam autem satisfactionis debitæ vel postulatæ mentionem faciat, Jer. xxxi. 34. 4. Locum Pauli 1. Tim. ii. 6. non concludere, quia postquam dixit Christum datum esse *ἀντίλυτρον ὑπὲρ πάντων* statim addit *τὸ μαρτυρεῖν καὶ τοῖς ἰδοῖς* testimonium temporibus suis, atque ita innuere voluisse Mediationem illam in eo tantum positam esse quod Dei de nobis servandis decretum per

mortem suam cumulatifsimè testatum dederit. Sic *Catech. Racovi. c. 8. q. 29. 30. Socin. de Servat. l. 1. c. 7.*

X V. Sed frustra hîc tergiversantur : Nam ad primum facilis est responsio, 1. Nos non tam ex ipsa voce argumentum petimus, (quæ tamen suum etiam hîc pondus habere debet, cum apud eruditos sæpius pro eo usurpetur qui aliquem placat, unde Suidas *μεσιτῶν* per *εἰλωμένων* interpretatur) quàm ex natura officii, partium dissidentium conditione, & descriptione Mediationis Christo commissæ. Cum enim tale dissidium compositurus venerit in quo iratum Deum propter peccatum experiebamur, non poterat Mediatoris munus obire feliciter nisi pro nobis satisfaciendo iram numinis placasset : Unde talis Mediator nobis proponitur qui non tantum Dei vice apud homines fungitur, sed vice hominum apud Deum Heb. v. 1. qui pacem per sanguinem fecit, qui se ipsum dedit *ἀντίλυτρον* pro multis &c. quæ omnia *mediationem* non tantum *interpretativam* si ita loqui liceat, sed etiam *redemptivam & reconciliativam* important.

X V I. 2. Locus Gal. 111. 19. non faver Adversario, sive de Christo cum intelligamus, sive de Mose ; Nam si ad Christum referimus quod fecit Calvinus noster post multos ex Veteribus, corrui planè ipsius *ἑνότης*, si verò de Mose interpretamur quod mavult Beza Epiphanium contra Manich. Gennadium & Theodoretum secutus, ne sic quidem vel sententiæ ipsius quicquam accedit vel nostræ decedit, cum constet titulum hunc Mosis *τύπὸν* tantum tribui & symbolice, quia in hac functione figuram Christi gessit Angeli fœderis per quem ut per Verbum suum semper locutus est Pater ; Itaque etsi Moses in hoc inter-nuncii officio satisfecisse non legatur, malè tamen inde colliges neque Christum etiam satisfecisse, notum enim est à *Typo* ad *Antitypum* non valere *argumentum negativè*, quia plus est sæpe in Antitypo quàm in Typo, maximè cum typus partialis est & inadæquatus, qui ita *ἄρτιον* aliquam & qualitatem antitypi sui ad-umbrat, ut alias tamen quæ in eo esse possunt non neget vel excludat. Nimirum quia mysterium hoc divinum ut alia pleraque uno aliquo simulachro è rebus terrenis desumpto perfectè reddi & exprimi non potuit, Spiritus S. huic uni depingendo varios typos adhibuit, ut quod in uno videbatur deorsum alter sufficeret & supplèret, pictorem imitatus qui quod non potest unà, variis tabellis reddit, ut archetypum suum accuratè quantum fieri potest sub variis illis aspectibus repræ-sentet. Cum ergo nullus occurreret sub V. T. qui triplex Christi munus, Regium, Propheticum & Sacerdotale simul sustinuerit, necesse fuit illud ipsum quod in antitypo conjunctum fuit in typos varios partiri, ideoque quidam Propheticum ut Moses & Prophetæ, alii Sacerdotale ut Aaron & qui ab ipso fuerunt oriundi, alii denique Regium ut David & Salomon exhibuerunt ; Sed ita singuli quod suum erat ad exprimendam veritatem contulerunt, ut nonquam tamen de Antitypo ex uno seorsim, sed ex omnibus *ἀθρόως* & simul sumptis iudicandum sit ; Unde cum Moses typus Mediationis Christi fuerit tantum quoad Prophetiam vel etiam quoad Regnum quadantenus saltem in regimine scil.

populi, non potest ex eo argumentum duci ad negationem Satisfactionis in Antitypo, quæ in alio typo muneris Sacerdotalis, Aarone putà & sacrificiis legalibus includebatur.

XVII Ad 2. Resp. supponi perperam quod est in quæstione, nimirum Mediatorem, Interpretem tantum & Internuncium significare quod jamjam revicimus: Unde etiam solvitur quod additur de duabus rationibus propter quas Christus Mediator dicatur, & quia fœdus novum sancivit & quia voluntatem Dei nobis exposuit; Nam cum fœdus illud sanciri non potuerit nisi sublata utrinque omni causa necessariò satisfactionem præviā requirebat quæ hoc exequeretur, unde dicitur sancitum in Mediatoris sanguine Heb. ix. 15. & Luc. xxii. 20. Cum verò præconium voluntatis divinæ unam tantum officii mediatorii partem impleat, non potuit hoc respectu duntaxat Mediator dici, sed potissimum eo quod pro hominibus apud Deum agere debuit, alias Paulus malè Christum vocaret *ὁ μόνος* unicum Mediatorem cum Prophetæ & Apostoli qui omne Dei consilium nobis etiam exposuerunt Act. xx. 26. & xxvi. 22. Imò & Pastores ipsi hoc elogio insigniri possent non immerito, quod tamen illis constanter denegat Scriptura, nec potest iis non modò sine abusu sed & sine periculo tribui: solus quippe Christus ut *quoad personam* *θεοῦ* verè *μὲν* fuit, utrique extremo Patri quidem Deitate, nobis verò humanitate *ἁνθρωπίνης* adhærens, potuit *quoad officium* utrumque extremum inter se nexu indissolubili pace per sanguinem facta consociare.

XVIII. Neque ullius est ponderis quæ tertio loco affertur ratio, nimirum Deum eo ipso quo Mediatorem Christum constituit ad faciendum nobiscum fœdus jam placatissimum fuisse, nihilque propterea satisfactione opus habuisse, ut Principes internuncios suos non mittunt ad rebelles nisi prius omnem rebellionem illis condonaverint: Nam aliud est Deum esse misericordem & placabilem, aliud verò propitium jam & reipsa placatum, potuit quidem Deus Mediatorem ordinando ad fœdus faciendum priorem *ἁγίων* induere, quia hæc ipsa Mediatoris missio fuit animi benevoli & ad misericordiam proni effectus, sed placatus non potest dici nisi per ipsam satisfactionem quando propter hoc ipsum voluit Mediatorem intercedere ut Iustitiæ obice remoto ad Misericordiæ exercitium viam faceret; Nec Principum exemplum contrarium evincit, nam nihil obstat eosdem non quidem placatos, sed placari tamen cupientes, mittere Legatos quæ de pacis conditionibus pacifcantur, & si ita lubet pro ipsis rebellibus satisfaciant ut legum autoritas maneat illibata, imò cum fœderis conditiones illis præferibant eo ipso se nondum placatos satis ostendunt. Nihil porro hîc præsidii habet hæreticus fœderis N. descriptione à Jeremia facta, nam etsi mentio fiat misericordiæ & clementiæ summæ in remissione peccatorum eam tamen non excludere, sed includere necessariò Mediatoris ipsius satisfactionem probantem antea dedimus, & ex eo satis patet quod in Jesu Christo promissiones omnes sint etiam &

Amen 2. Cor. 1. 20. & fœdus hoc non nisi morte Mediatoris sanciri potuerit Heb. 1x. 15. 16. &c.

XIX. In IV. non plus est roboris: Nam ut hic non dicamus quod tamen Beza observat se in uno veteri codice scriptum deprehendisse non *μαρτύριον* sed *μυστήριον*; ex recepta lectione nihil exculpi poterit quod hæresim juvet; Nec enim mors Christi vocatur *μαρτύριον* quasi ad doctrinæ confirmationem demum eam obierit, sed tum quia plenam divinæ benevolentix fidem apud nos facit, nam qui proprio filio non pepercit quid non largiretur nobis cum illo? tum quia est illud ipsum de quo testantur Prophetæ omnes & Apostoli, utrique enim de passionibus & gloria secutura sunt locuti. Sic *Testimonium* dicitur mors Christi non *active* simplici, quasi inservierit tantum ad testandum & confirmandam doctrinam suam, sed præsertim *passive* quia de ea omnes viri Dei in Scriptura testantur. 2. *Testimonium* illud præcisè ad mortem referri non debet, sed ad ipsum Evangelii mysterium in genere de quo locutus fuerat in vers. præced. ut significet Deum sapientissimè hæc omnia ita disposuisse secundum Testimonium temporibus propriis reservatum, doctrinam scilicet Evangelii quæ sapientissimè *μαρτύριον* dicitur 1. Cor. 1. 6. & 1. Cor. 11. 1. quia testatur ibi Deus & de benevolentia sua & de Christi merito; hæc quippe aliis retro seculis abscondita, novissimis temporibus revelari debuit Ro. xvi. 25. Eph. 1. 11. 5. & sensus hic planus est, ex scopo Apostoli, dixerat enim vers. 4. *Deum velle omnes homines servari & ad agnitionem veritatis venire* quorum prius finem, posterius medium respicit ad finem consequendum necessarium; Utrumque verò confirmat & prius illud quidem ex eo quod *Deus unus sit, & unus Mediator Dei & hominum qui se à πάντων dederit pro omnibus* non omnibus & singulis *universaliter* quod repugnat consilio Dei ex quo Christus venit tantum ad servandum populum suum Matt. 1. 21. & intentioni Christi qui se pro Ecclesia sua dedit & pro datis sibi à Patre Jo. xvi 1. 6. 9. Eph. v. 25. sed *omnibus indiscriminatim* cujuscunque generis, conditionis, & sexus fuerint. Alterum verò cum addit hoc esse juxta *Testimonium temporibus propriis reservatum* cujus *constitutus sit ipse præco*, ut innuat scilicet Deum qui vult omnium salutem & qui propterea voluit Christum pro omnibus tradi, velle etiam ut per Evangelii præconium istud mysterium omnibus promiscuè hominibus testatum sit, quo scilicet tempore à providentia divina præstituto ad veritatem & per veritatem omnes & singuli electi ad salutem adducantur.

XX. Atque ita vindicatum est & assertum 1. nostrum argumentum. 11. petitur à primario fine & effectu Mediationis Christi *Redemptione* scilicet quam ille indeptus est, Nam si Christus pro nobis ab Ira Dei, Potestate Diaboli, Mundi servitute, peccatorum laqueo & tenebrarum ac mortis caligine liberandis obtulit Deo Patri pretium auro & argento longè præstantius animam puta & sanguinem suum, utique non exemplo tantum sed merito Servator est dicendus, nec improprie & metaphoricè sed verè ac plenariè pro nobis satisfecit; Christum autem hoc ipsum præstitisse innumera docent Scripturæ loca,

hæc

hæc verò imprimis manifestissimè evincunt Matt. xx. 28. *Filius hominis venit ut daret animam suam* λῦτον αὐτὴν πᾶσιν 1. Cor. vi. 20. *Precio empti estis* 1. Tim. ii. 6. *dedit seipsum ἀντὶ λυτρῆν pro omnibus* 1. Pet. i. 18. *Redempti estis pretioso sanguine Christi ut Agni immaculati &c.* Tit. ii. 14. *Christus semet ipsum dedit pro nobis ut nos redimeret ab omni iniquitate &c.* Eph. i. 7. *In quo habemus redemptionem in sanguine ejus.* Huc pertinent & alia plura Rom. iii. 24. Gal. iii. 13. Apoc. v. 9. &c. quæ de Redemptione facta per sanguinem & mortem loquuntur.

XXI. Ut autem hoc Argumentum in aperta luce collocetur observandum est *Redimendi* vocabulum non uno sensu usurpari in Scriptura; Aliquando rei alicujus opportunum & commodum usum denotat ut quum Apostolus Eph. v. 16. & Col. iv. 14. hortatur nos ut *tempus redimamus* significat scilicet, tum sollicitè captandam esse benefaciendi occasionem, tum ita compensandum tempus esse quod nobis vel nihil, vel aliud, vel malè agentibus effluxit, ut eò ferventiùs incumbamus bonis operibus quò frequentius antea malis operam dedimus, nullasque prætermittamus occasiones quibus possimus etiam cum jactura nostrarum voluptatum gloriam Dei & nostram proximique salutem promoverè. 2. Aliquando laxiori & metaphorico quodam significato designat liberationem quamcunque etiam nullo pretio interveniente factam, quo sensu Scriptura frequentissimè Israëliticam ab Ægyptiaca servitute Redemptionem commemorat & Mosem cujus opera in eam rem usus est Deus λυτρωτὴν sive Redemptorem appellare non dubitat Act. vii. 35. sic passim in Psal. Deus dicitur redimere animam eorum quos liberat ab aliquo malo & periculo, ab aliqua afflictione & angustia; sed 3. maximè propriè accipitur pro ea liberatione quâ quis ab aliquo incommodo aut re noxia liberatur intercedente pretio, pretium autem illud voco quo aliquid compensatur, sive cujus impendio res aut jus aliquod acquiritur, & cujus ea est natura & proprietas ut sui valore & æstimatione alterum moveat ad liberationem præstandam vel jus concedendum, sic apud Terent. in Eunuch. *quid agas? nisi ut redimas te captum quam queas minimo, si nequeas paululo at quanti queas* & apud Virgilium

fratrem Pollux alterna morte redemit.

Hoc sensu primogenitorum quidam redempti sunt soluto certo pretio, Num. iii. 46. 47. & jus redemptionis bonorum inter cognatos obtinebat de quo Levit. xxv.

XXII. Cùm Ergo Redemptionem nostram Christo tribuit Scriptura vocem hanc non 1. aut 2. significato, sed 3. demum ac maximè proprio accipiendam esse pertendimus: Rationes autem quæ nos ut ita credamus movent, plures sunt gravissimæ: 1. *miserrima hominis redimendi conditio*, quadruplici enim servitute premebamur Peccati, Legis, Mortis, Diaboli; peccatum sub jugum suum nos misit ὃ ᾧ πῶς ἡγήσεται τὸ πῶς καὶ δεδούλωται 2. Pet. ii. 19. & Jo. vii. 34. *qui facit peccatum servus est peccati*; ex peccato Legis maledictioni & Iræ

divinæ facti sumus obnoxii, *naturâ enim sumus filii iræ* Eph. 11. 3. & *quicumque sunt sub operibus Legis sunt sub maledictio* Gal. 111. 10. Lex propter peccatum morti nos inancipat Rom. 1v. 15. Diabolus per peccatum & mortem, tyrannidem suam in nos exercet, 1. Jo. 111. 8. & Hebr. 11. 14. 15. Hinc captivi dicimur Isa. Lx1. 1. qui captivitatis misérias omnigenas experimur, Carcer in quo detinemur vel corpus est hoc corruptibile quod animam gravat à quo propterea liberari petit Apost. Rom. vii. 24. vel potius mundus iste miseriarum plenus & vera lachrimarum vallis quæ carceris ad quem damnantur peccatores veluti pars est superior ex qua nisi liberatio divinitus accedat in inferiorem tandem ignis & sulphuris detruduntur; Licetor & Commentariensis Diabolus est princeps tenebrarum & Deus hujus seculi, sordes & tenebræ in quibus jacemus sunt peccata & iniquitates quæ *μίσματα* & *μολυσμοί* 2. Cor. 1. vii. 1. & opera tenebrarum dicuntur Rom. x11. 12. vincula & laquei sunt tum peccati dominium & Carnis cupiditates quibus tanquam diaboli laqueis constingimur, 2. Tim. 11. 26. tum reatus mortis & damnationis ex peccato consequens, quò veluti compede arctissimo vincti tenemur, & judicio divino obstricti; At quos Peccati regnum, Mortis timor, Satanæ Tyrannis ac Legis ac Justitiæ divinæ jugum *ἀνάγκη* occupant undique qui fieri potest ut eluctentur, nisi Redemptor & summam ad Diabolum & peccatum debellandum potentiam adhibeat, & absolutissimam ad majestatem divinam placandam justitiam impendat?

XXIII. 2. Id ipsum suadet ipsa *Redemptionis nomenclatio*; nam certum est *λυτῶν ἀπολυτῶν* apud Græcos *Redimere* verò quod iis apud Latinos respondet in primaria ac maximè propria significatione propriè dictam Redemptionem innuere, scilicet quæ sit intercedente aliquo pretio, & hîc habemus consentientem reum, hæreticus enim lib. 11. de Serv. c. 1. hoc disertè docet *Redimere aliquem nihil aliud propriè significat, quàm eum captivum è manibus illius qui illum detinet pretio illi dato liberare*. At ut apud omnes est in confesso à propria & nativa verborum significatione nunquam est recedendum nisi gravissimæ urgeant causæ, ut cùm proprius sensus in fidei aliquem articulum aut charitatis præceptum palam ac verè incurrit, vel figuratus sermo evidenter ex eodem vel ex aliis locis detegitur ac probatur: *Augusti.* lib. 3. de *doctr. Christi* c. 10. & 15. hoc figuratè interpretationis dat indicium *si dictum propriè acceptum nec ad fidem nec ad dilectionem aut ad ullam omnino ædificationem accommodari possit*. Si verò ad utrumque faciat quàm maximè & turpè ex ipsius loci circumstantiis, tum ex aliis parallelis evidenter comprobari possit, quis nisi in ipsum Spiritum S. qui hoc nobis tradere voluit injurius rejicere queat?

XXIV. Rem autem ita sese habere in hoc argumento non difficile est ostendere, nam quoad loca parallela docebimus in sequentibus non modò redemptionem metaphoricam non connotare sed propriè dictam necessariò inferre, nunc verò ex ipsis loci circumstantiis demonstratum istud damus, quæ scilicet *Redemptionis nostræ modum & naturam* describunt, quæ tertia nobis erit asser-

assertionis superioris ratio, Nec enim Scriptura tantum Redemptionem memorat sed pretium ipsum & λύτρον quo mediante facta est aperte nominat Matt. xx. 28. *Filius hominis venit dare animam suam λύτρον ἀντι πωλῶν.* Sic 1. Cor. vi. 20. *pretio empti estis* & 1. Petr. i. 18. pretium illud ponitur in sanguine Agni: ut verò λυέσθαι Redimere est ita λύτρον est illud quod impenditur ad impetrandam istam redemptionem, quasi dicas Redemptionis pretium ut δίδασκον quod pro doctrina solvitur Gloss. λύτρα redimix, quæ Hom. ἀπεινα vocat, Helych. λύτρα καθάρματα λυτρεῖται ἕ πάντα τὰ διδόμεθα εἰς ἀνάκλησιν αἰθρώπων reponere ἀνάκλησιν. Hinc Latini Veteres quorum multæ voces transumptæ sunt à Græcis λύτρον una interposita litera *Lustrum* appellarunt, & λυτρεῖν *lustrare* dixerunt; unde Liv. lib. 2. *Omnes Centuria & Equites in campum martium convocati, sue, ove, tauro casis immolarunt, quod lustrum dictum, & lustrare urbem* est eam à pœna liberare per lustrum id est pœnam succedaneam quod & piaculum dicitur; sic Decii dicuntur lustrasse Romanum exercitum se devovendo id est suâ pœnâ & morte omnem ab illo pœnam averruncasse, & Thebas Menæceus de quo Mater apud Papirium

Lustralemne seris ego te puer inclyte Thebis

Devotumque caput vilis tœu Mater alebam?

Ad quem locum Scholiastes vetus *Lustrare civitatem humana hostia Gallicus mos est.* Unde colligitur Redemptionem maximè eam quæ per λύτρον sit non nisi vera satisfactione procurari potuisse.

XXV. Quorsum enim λύτρον toties meminisset Scriptura nisi pretium ali-quod verè & propriè dictum subesset? Nam quod Adversarius subinde regerit hoc improprie dici quia ad præsentiam ejus liberamur licet non per efficientiam; nihil aliud est quàm absurda petitio principii quæ probanda fuit non ita præfidenter statuenda, nam præter ea quæ jam ex adverso dicta sunt & dicuntur adhuc in sequentibus, illud etiam eo satis refellitur quod non modo pretii illius meminerit, sed collationem ejus instituat cum rebus carissimis quæ ab hominibus impendi solent, vel ad captivorum redemptionem, vel rei cujuslibet empti-
nem, auro, puta, argento, &c. 1. Pet. i. 18. *Scientes vos non auro & argento aut rebus corruptibilibus à vana conversatione vestra redemptos fuisse sed pretioso sanguine Christi* &c. confert ergo imò præfert sanguinem Christi auro & argento tanquam majus quid & excellentius in genere pretii. Itaque ut aurum & argentum pretium sunt verè non figuratè, ita pariter de sanguine Christi philosophari debemus nisi velimus Apostolum parum appositis hanc collationem instituisse quod vel cogitare impium; Fateor hujusmodi collationes semper ad vivum non esse refecandas, sed observari tamen debet scopus Spiritus S. & attendi formale similitudinis in quo utraque pars convenire debet saltem in suo genere; Itaque hic cum aurum & argentum conferantur sub hac formalitate pretii cum sanguine Christi, omnino *Veritas* aliqua pretii competere etiam debet sanguini Christi non quidem in genere *Physico* sed *mystico & morali* ita ut Redem-

demptio non tantum sit consequens λύτῃ sed proprius & realis effectus.

XXV I. Quod si non satis efficax ex eo videretur probatio, quanquam jam sit fortissima, invicta sanè redditur si addatur 1v. *ἡ ἐντιμότης τοῦ πονηροῦ* quæ Spiritus S. usus est in hoc argumento, nec enim dicit tantum Christum nos redemisse quod jam satis ex proprietate vocis satisfactionem connotat, non addit demum redemptionem illam factam fuisse pretio quod fortius adhuc illam evincit, sed ne dubitandi locus ullus super sit testatur *ἀντιλήπτου* aliquod intercessisse, Christum scilicet se pro omnibus dedisse *ἀντιλήπτου* 1. Tim. 11. 6. & quod eodem recidit animam suam λύτῃ posuisse *ἀντιπαῶν* Matt. 20. 28. quod V. V. perperam reddit *redemptionem*, cum notetur non ipsa Redemptio, sed *redemptionis pretium* & quidem tale pretium quod commutationem debitoris & compensationem debiti notet: nam & præpositio *ἀντι* maximè propriè substitutionem & vicem significat Matt. 5. 38. *ὁ φθάλμιος ἀντι ὁ φθαλμὸς, ὁ δὲ ἀντι ὁ δόντι* 1. Pet. 111. 9. Matt. 11. 22. Archelaus regnare dicitur *ἀντι* Ἡρόδου τῷ πατρὶ αὐτοῦ, id est loco & vice, sic Luc. 12. 11. 1. Cor. 11. 15. 1. Theil. 11. 15. & sæpius alibi, in compositione verò tria significare solet ut observant Grammatici, *equalitatem* & *paritatem* ut *ἀντιθε* Hefy. *ισίθε* ἀντιάνερα Aristarcho ἰσίδι, virago, vel *contrarietatem* & *oppositionem* ut *ἀντιδικ*, *ἀντιπαλ* ἀντιγενεσθον &c. vel *compensationem* & *commutationem* ut *ἀντιψυχοι* ii qui pro aliis morti se devovebant ut eos liberarent, ut de Damone & Pythia nariatur: hic autem nec *equalitas* nec *contrarietas* locum habere potest, Ergo superest ut *compensatio* tantum & *commutatio* connotetur; Ita *ἀντιλήπτου* tale erit λύτῃ in quo liberator vicem sustinens rei & captivi, simile quoddam malum subit ei quod illi imminabat qui liberatur, cum caput capite redimitur, quod Apostolus eleganter explicat Gal. 111. 13. dum ait *Christum redemisse nos ab execratione Legis, factum pro nobis executionem*.

XXV II. Atque id ipsum quadantenus saltem confiteri coacti sunt Adversarii dum particulam *ἀντι* commutationem aliquam inferre agnoscunt, licet postea quod una manu dare visi sunt altera auferre conentur, addendo talem esse commutationem quæ nullam compensationem aut satisfactionem arguat: Sed quàm turpiter hîc suo se gladio jugulent proclive est agnoscere; Cur enim Christus per commutationem in locum nostrum esset subrogatus, nisi ut pœnas quas commeriti eramus ipse luendo nos ab iisdem liberet quod jamjam innuebat Ap. ad Gal. Nec vanissimum commentum suum fulcire potest Crelli. contra Groti. duobus locis Prov. 21. 18. & Is. 41. 11. 3. ubi videtur commutatio poni sine compensatione; Nam præterquam quod in neutro habetur vox *ἀντιλήπτου* de cujus vi quærimus, accedit etiam quod non sine compensatione aliqua hoc impletum sit, cum Deus in Ægyptios & alios populos dedideret pœnas quas iustè exigere potuit à populo suo, sed quas misericorditer in alios transferre decrevit ut ipsi parceret. Sic quippe subierunt vicem suam ut quasi permutatione facta cladem quæ ipsi impendebat sustinere coacti fuerint, nam

ut hunc servaret illos perdidit aliò revocando hostes qui in ipsius perniciem toto impetu ruebant.

XXV III. Ex quibus jam satis liquere arbitramur Redemptionem propriè dictam & non metaphoricam tantùm hic locum habere debere: Quod ut liquidius fiat, observandum est multis modis *Redemptionem* seu liberationem captivorum fieri inter homines, vel *gratuita manumissione* ut cùm Dominus ultro dimittit & liberum abire jubet servum suum, vel *permutatione* ut in bellis sæpe fieri solet, vel *violenta ablatione* ut cùm David vi & armis suos liberat & recuperat ex manibus Amalekitarum 1. Sam. xxx. & Abraham Lothum nepotem suum eripit Regibus Cananæis Gen. xiv. vel *iusta satisfactione* ut fidejussor qui pro debitore solvit; In hoc autem negotio nec *gratuita manumissio* simpliciter obtinere potuit, quia Justitiæ ulttricis ratio non patiebatur impunè abire peccatum: nec *permutatio* quia nulla cujuscunque creaturæ permutatione compensari potuit Deo illata ab homine contumelia: non denique *violenta ablatio*, quanquam enim jure bono Christus potuit prædam suam diabolo eripere quam ille fraude mala sibi vindicaverat, non potuit tamen eo modo Deo reconciliari homo læsæ Majestatis reus, sola ergo supererat redimendi ratio sufficiens per viam Justitiæ solutis omnibus nostris debitis per Sponsorem nostrum Christum.

XXIX. Cæterùm etsi tres priores liberationis modi seorsim hic non valeant; non diffidendum tamen sub aliqua *χρεω* omnes simul in hoc salutari opere concurrere, atque hinc conciliari possunt varia loca Scripturæ in speciem pugnantia, quorum alia dicunt nos *gratis* per gratiam Dei & sine operibus justificatos & salvatos ut Rom. 111. 24. Eph. 11. 8. 9. Alia innuunt nos *pretio* redemptos esse ut 1. Cor. vi. 20. & 1. Pet. 1. 9. &c. Alia *permutationem* aliquam factam esse docent Gal. 111. 13. & 2. Cor. v. 21. Alia ostendunt nos vi & potentia aliqua ab hostibus liberatos Heb. 11. 14. Col. 11. 15. If. Lxiii. 5. sed hæc omnia verissimè dicuntur: Nam cùm *salus* nostra sub quadruplici respectu considerari possit, vel *Dei judicantis*, vel *Christi redimentis*, vel *Hominum redemptorum*, vel *Diaboli obsidentis & tyrannicè imperantis*; quoad *Diabolum* sumus *potentiâ summâ* & virtute efficacissima liberati, quippe quem Christus prius victum & jure sibi mancipatum vi & armis spoliavit, quoad nos *gratis* redempti sumus & salvati, nihil enim ex nobis ipsis contulimus ad nostri liberationem: quoad *Christum* sumus *permutati* quia ille pro nobis factus est peccatum & execratio ut essemus benedictio Dei in ipso; quoad *Deum* denique *pretio redempti* cùm se ipsum Justitiæ divinæ *ἀντίποινα* pro nobis Christus exhibuit. Quia verò non rarò Scriptura opus hoc Redemptionis mirabile, sub gemina potissimùm *χρεω* considerat & Dei & Diaboli à quibus diversimodè liberari debuimus; Ideo hæc duo peculiariter Christo Redemptori tribuere solet, *Justitiam* & *potentiam*, illam quâ ab ira Dei nos eximit, istam quâ à tyrannide Diaboli nos liberat; Atque hinc gemina illa *Agni* & *Leonis* appellatio, quæ toties Christo tribuitur: Agnus

victimam refert, Leo victoriam, Agnus passionem, Leo triumphum, Agnus meritum, Leo virtutem, Agnus proprium sanguinem fundit, Leo alienum, Agnus quia sanguine suo redimit Ecclesiam, Leo quia robore suo destruit inimicos, Agnus respectu Dei ad eum placandum, Leo respectu Diaboli ad eum vincendum: Hinc etiam variae mortis & crucis denominationes oriuntur, dum illa altare Sacerdotis aliquando Heb. xii. 10. est quando currus triumphalis Victoris dicitur Col. ii. 15. & ἁγίων quo Deus placatur Matt. xx. 28. & ἐπὶ λού quo Diabolus debellatur Heb. ii. 14.

XXX. Huc pertinet etiam quod in V. T. de לֹאֵר refertur, nam & is typus eximius hac in parte fuit Christi redemptoris unde ipse Messias hoc nomine non raro insignitur Job xix. 25. ego scio לֹאֵר quod Redemptor meus vivit Is. lix. 20. veniet ad Sion לֹאֵר Targ. פֶּרֶק Redemptor & Liberator, Jus autem habebat Geel. i. res venditas & alienatas fratris aut cognati agrum puta, domum &c. redimendi Levit. xxv. 25. reddendo לֹאֵר pretium quo emptæ fuerant res illæ proportionem scil. temporis servata. 2. Captivum eundem vel servum liberandi ibid. v. 47-48. si frater tuus attenuatus fuerit & se vendiderit peregrino & advena redemptio erit ei, unus ex fratribus ejus redimet eum. 3. interfectum vindicandi unde vocabatur לֹאֵר Vindex sanguinis de quo Num. xxxv. & Deut. xix. 6. Hebræi multa de eo tradunt, ut quod persequeretur homicidam & jus habebat eum occidendi sicubi eum nactus fuisset ubi ad Magistratum appellare non posset, nisi se recepisset ad urbes refugii, tunc enim non licebat manus illi violentas inferre: & ibi homicida maxime si erat לֹאֵר id est si per errorem & ignorantiam homicidium patraverat (nam לֹאֵר qui sponte & data opera id fecerat postquam in בֵּית דִּין Consistorio causa discussa fuerat & ille לֹאֵר reus mortis fuerat deprehensus magistratus autoritate plectebatur) permanere debebat usque ad mortem summi Pontificis, quâ reditus illi patebat ad domum suam & pristina officia si quæ antea sustinuerat (ubi illustrem habemus typum ingentis beneficii quod summus Sacerdos noster commeruit, ejus enim morte peccata nostra expiantur & condonantur ut deinceps ad patriam celestem à qua propter crimina nostra exulabamus reditus detur) Atque hinc fiebat referentibus Hebræis ut summorum Pontificum matres homicidis exulantibus sæpius munera mitterent ne optarent summi Pontificis mortem, ferunt enim summum Sacerdotem eò citius mortuum fuisse si homicida: plures enixius mortem ejus à Deo precibus efflagitassent. 4. Denique idem fixorem defuncti fratris vel propinqui ducere debuit ad progeniem illi excitandam, Deo ita pro summa sua sapientia in Rep. Israelitica peculiariter hoc disponente ad familiarum & tribuum conservationem Deut. xxv. 5. si habitaverint fratres simul & mortuus fuerit unus eorum absque filio non nubat defuncti uxor foras viro alieno, ne scilicet transeat in alienam familiam sed frater ejus ingrediatur ad eam ducatque eam in uxorem atque in ejus re fidem vir oram vestimenti sui extendebat super eam ut constat ex Ruth. iii. 9. Ruth Boot propinquum suum alloquens. *Extende inquit Alam tuam super am-*

Iam tuam כִּי נִשְׁאָר *quia tu propinquus es sanguine tacite innuens cupere se ut*
matrimonium secum contraheret quod Chald. luculenter exponit יִשְׁתַּחֲוֶה
 אֵת הָאִשָּׁה דִּכְסָךְ יִשְׁתַּחֲוֶה 1. e. *vocetur nomen tuum super ancillam tuam ad accipiendum in ux-*
orem hoc enim fieri apud Judæos solebat ut sponsus in signum juris & authorita-
tis quam in sponsam acquirebat, & simul in pignus officii conjugalisi murui,
amoris & protectionis oram vestimenti super eam extenderet quod colligitur ex
Deut. xxi. 30. & Ezech. xvi. 8.

XXXI. Hæc autem omnia plenè ac perfectè in Christum quadrant. Ille
 quippe carnem nostram assumpsit, & frater noster factus est ut posset esse noster
 יִשְׁתַּחֲוֶה jusque Redemptionis super nos haberet, habebat quidem antea *Jus proprie-*
tatis quâ Deus, sed Jus propinquitatis non habuit nisi quâ verus homo. Præstitit
verò quæcunque ab eo fieri solebant; Nam & captivos nos ac peccato & dia-
bolo mancipatos liberavit Luc. 1. 71. de hostibus qui nobis mortem intulerant
vindictam sumpsit. Col. 11. 14. Rom. vi. 6. Heb. 11. 14. bona deperdita &
hæreditatem cælestem à qua malo merito nostro excideramus, justo merito suo
recuperavit 1. Pet. 1. 4. Tit. 111. 9. Heb. 1x. 12. Et nos à priori marito Lege putà
& sædere operum solutos æterno atque indissolubili connubio ex sædere gratiæ
sibi copulavit Rom. vii. 4. Eph. v. 25. 26. atque in hujus rei fidem perfectissimæ
Justitiæ suæ vestem super nos extendit Gal. 111. 27. quod adumbratum fuit in
virgine illa sordida & nuda apud Ezech. xvi. 8. super quam Deus oram suam
extendit & matrimonium cum ea contraxit, Ecclesia enim nuda & sordida cum
sit naturâ lebum vestis suæ Sponsus super eam extendit quâ & nuditas & sor-
des obteguntur, atque is eo ipso jus Mariti super nos acquirit & ætissimam
communione nobiscum colit.

XXXII. Quia verò rationibus hisce premi ¹ sentiunt Adversarii *αποφύγι-*
τα varia conquirunt undique quibus elabantur: *petunt* ergo ex Redemptio-
 ne neutiquam posse colligi veritatem Satisfactionis 1. quia Redemptio non sem-
 per sumitur propriè quo sensu includit aliquod pretium, sed sæpius metaphori-
 cè & improprie prout simplicem liberationem notat nullo intercedente pretio
 factam ut Exod. xv. 13. *Deus dicitur redemisse populum suum ex Ægypto sic Deut.*
vii. 8. Ps. lxxvii. 16. &c. Itaque posse etiam hic talem significationem obti-
nere, atque eò magis quod Redemptio hæc nostra sæpius cum Israelitica con-
feratur & hæc illius typus fuerit & figura Luc. 1. 68. 2. Moses etiam λυτρωτής
dicitur Act. vii. 35. quem tamen nullam satisfactionem dedisse certum est.
 3. si Redemptio propriè esset intelligenda, ad Captivorum liberationem sol-
 vendum fuisset detinenti pretium; At nec solutum illi est, nec solvi potuit,
 quis enim dixerit quippiam solutum esse vel Diabolo, vel iniquitatibus, vel
 vanæ conversationi, vel Legis execrationi à quibus detinebamur. 4. Non pos-
 se dici Deum pretium illud accepisse ut vulgò creditur cum ipsemet Redem-
 ptionem nobis fecerit & Filium suum pro nobis impenderit. 5. Addunt Chri-
 stum nos liberare ab ira per vitam Rom. v. 9. Ergo non per mortem, non ali-

quod pretium solvendo pro nobis sed potentiâ suâ in judicii die nos ab æternâ morte vindicando. 6. Denique ita nos redimi quemadmodum fuimus venditi, at venditos esse gratis & sine pretio cum nos ipsos in servitutem diaboli & peccati mancipavimus E. & redemptos pariter sine pretio. Ex quibus omnibus colligunt non posse urgeri loca quæ de redemptione loquuntur ut inde inferatur vera satisfactio cum nihil aliud importent quàm simplicem liberationem quæ dicitur facta per mortem Christi quia eam nostra à peccati servitute consecrata est vindicta: Sic *Soci. lib. 2. c. 1. 2. Volkel. de vera Rel. lib. 3. c. 18. Catec. Rakov. c. 8. q. 25. 26. &c.*

XXXIII. Sed *παρὰ* hæc sunt *φάρμακα* quæ laboranti & desperatæ causæ levamen nullum afferre possunt. Nam quod ad 1. quis ferat Adversarios tam ineptè ratiocinantes & à particulari ad particulare vel universale argumentantes. *Redimere* aliquando sumitur metapho. & liberare simpli. significat E. & hic vel E. semper ita usurpandum, Quis enim consequentiæ vitium non videat? Quasi verò Spiritus S. sibi hanc fixerit legem ut semper eodem sensu vocem eandem usurpet? imò nihil frequentius occurrit quàm ut vocibus *πλουσίμοις* diversimodè utatur *ἐπὶ τῷ ὑποκειμένῳ ἄλλῳ*; Non negamus ergo sæpius laxiori quodam significatu sumi in Scriptura neque ea quæstio nostra fuit, sed an hoc in argumento obtinere debeat quod merito respuimus, non modò ex ipsa vocis proprietate sed ex aliis circumstantiis variis quæ necessariò propriè dictam Redemptionem important, quod modò est ostensum: Et hoc ex ipsis Adversariis vel invitis extorquere possumus, nam quatuor tantum requiri contendunt in vera Redemptione, ut sit Captivus, captivum detinens, Redemptor & *λύτρωσις* sive redemptionis pretium; At nullum ex his desiderat in hoc negotio, homines sunt Captivi propter peccatum, Deus quà Judex detinebat eos sub ira & maledictione aliisque pœnis peccatum justissimè consequentibus, Redemptor Christus est & Mors ejus Redemptionis pretium, nihil Ergo causæ dici potest cur propria hic non possit aut debeat Redemptio intelligi, nam quod vitiligatur requiri præterea ut qui captivum detinet pretium accipiat, quo loco sit habendum mox dicturi sumus.

XXXIV. Ex quibus facillè intelligitur quid in specie respondendum sit ad ea loca quæ de Redemptione Israelitica loquuntur, neque enim si non possint proprie sumi continuo sequitur hæc nostra improprie usurpanda esse; Et sane longum latumque discrimen intercedit inter *liberationem corporalem & externam* quæ facta est simpliciter à Tyranni manu & *liberationem spiritualem & Juridicam* quæ fit à maledictione Legis & Ira Dei; Illa revera potuit fieri absque *λύτρωσιν* & per Dei potentiam, at hæc non item siquidem intercedebant & Justitia Dei immutabilis, & infallibilis ejus Veritas; unde nulla pœna Liberatori inflicta legitur in illa quæ pro *λύτρωσιν* veniret ut in illa, neque unquam illa ut hæc sæpiissime per *λύτρωσιν* & *ἀντίλυτρωσιν* dicitur facta; Non ideo tamen sæpius utramque inter se conferri & alteram alterius figuram & ty-

pum gerere, sed similitudo est non identitas vel per omnia æqualitas, & si collatio instituitur quoad rem, non statim quoad modum rei quia subiectæ materiæ id non patitur ratio; imò ut rectè Chrysost. Homil. 61. in Genes. oportet figuram minus habere quàm veritatem, quia alioqui non fuisset signum futurorum. Sint ergo in eo similes quod sicut Deus populum suum ex durissima liberavit servitute & à crudelissimis hostibus modo planè extraordinario debellatis iis quorum imperio subiciebantur, ita hîc Ecclesiam suam liberat à sævissima Diaboli & peccati servitute, modo plane extraordinario & mirabili fuis ac prostratis hostibus nostris; sed discrimen est multiplex; Ibi liberatio corporea, hîc spiritualis, ibi liberatio simplex, hîc talis quæ sit intercedente λύτρωσις, ibi liberatio per Dei potentiam à manibus hominum, hîc redemptio per Justitiam ab ira Dei, ibi Moïsi servi opera & ministerio uti voluit Deus, hîc Christi ipsius Domini & ἀρχηγῶς σωτηρίας.

XXXV. Quid quod si accuratè loqui volumus neque Redemptio illa Israelitica facta est omni modo absque ullo respectu ad λύτρωσις; nam cum certum sit speciales omnes promissiones & liberationes veteri populo concessas, subnixas fuisse generali promissione venturi Messiae, siquidem opem auxiliūque à Deo expectare haudquaquam poterat nisi propitio & reconciliato, propitius autem esse nequit nisi per Christum; unde Paulus promissiones omnes Dei asserit in Christo esse etiam & Amen 2. Cor. 1. 20. dubium etiam nemini esse debet quin singulari hæc & eximia liberatio non nisi propter Christum indulta fuerit patribus, quod & Agni Paschalis sanguine non obscurè fuit adumbratum. Sed neque hoc silentio prætermitti debet duo fuisse in ea Redemptione imprimis memorabilia, inde liberationem ἀπὸ τῆς ἐλδοθρότης primogenitos omnes Ægyptiorum occidentis à quo sanguine Agni super liminibus ædium illito exempti sunt: hinc verò vindicationem à sævissima Pharaonis manu & iugo terreo quo premebantur & à quo liberati sunt ἡπαίτης. Hoc verò utrumque hic deprehenditur, & longè clariùs conspiciendum se præbet, Christus enim verus Agnus Dei tutos nos præstat sanguine suo cordibus nostris fide asperso ab Abbaddone Ira scilicet Dei & morte quæ per universum mundi Ægyptum longe lateque grassatur, & virtute potentissima eripit nos à manibus infernalis Pharaonis, & durissimā quā opprimebamur servitute, Cum Ergo neque hîc desit aliqualis collationis ratio, patet hæreticum perperam ab illa ad hanc argumentum duxisse ad veritatem satisfactionis negandam.

XXXVI. Sed non solidiùs illud evincit quod 2. loco addit de Moïse qui λύτρωσις dicitur etiam si nunquam satisfecerit: Nam etsi non negamus sub hac γέσει Moïsem Typum gessisse Christi non est tamen ὁ τύπος ὁλικός & adequatus sed μεμῶς tantum & inadequatus, unde multifariam differunt, Ille homo tantum fuit & servus Heb. 111. hîc vero Deus & Dominus, Ille Redemptor typicus & temporalis unius populi, hîc autem verus & æternus omnium gentium. Ille Mediator μεσότης ex parte Dei ad nos verba Dei populo

annunciando, Deut. v. 5. Ille verò *διπλαστος* etiam à parte nostri apud Deum illum placaturus, & nos ipsi reconciliaturus suo sanguine. Ille à Pharaone redemit, Ille à Diabolo, Ille ab Ægypto, Ille à Judicio, Ille absque morte & sanguine proprio, nusquam enim dicitur quod morte & sanguine proprio, tanquam pretio populum redemerit imò mortuus latet, sed vitâ tantum & potentia, at Christus animam suam posuit pro peccato, & proprio sanguine æternam redemptionem nobis est consecutus; Nec inirum videri debet, nam Moses & alii liberatores typi erant muneris Regii non functionis sacerdotalis, præstabant quod poterant adversus hostes potentia & virtute, sed non quod requirebatur ex parte Justitiæ ad ejus placationem, Itaque eum referre non quâ Sacerdotem qui sacrificium offert ad propriandum Numen, sed quâ Regem qui de hostibus triumphat prædam iis suam eripiendo; Denique omnes illi Servatores liberarunt non aliquid faciendo circa liberandos quod Christo tribuitur, sed amovendo tantum libertatis impedimenta. Ergo non debet urgeri similitudo quoad modum Liberationis aliàs multa absurda sequerentur, dicendum esset quippe Christum nos miraculis ac prodigiis & per hominum mortem liberasse quod Moses fecit, non autem proprio sanguine quod Mosi nec tribuitur, nec tribui potest.

XXXVII. Ad 3. Exc. Resp. peccari fals. hypoth. geminâ 1. quod in omni vera Redemptione requiratur semper aliquis qui *λύτρων* accipiat, nam cum *λύτρων* notet promiscuè vel rem vel factum quo intercedente quis liberatur ab aliquo periculo vel incommodo, & factum aut pœna à nemine propriè loquendo possit accipi, nihil obstat verum esse *λύτρων* quod tamen nemo præcisè accipiat, sanè *Virgilius* propriam Redemptionem intelligebat cum dixit, *si fratrem Pollux alterna morte redemit* at mors illa Pollucis nihilominus quâ Castor frater ejus à perpetuo interitu liberatur tale est *λύτρων* de quo cui detur & à quo accipiatur bene dici non potest, Fateor in debito pecuniario solutionem pretii fieri creditoribus qui pretium illud accipit, adeo ut fiat translatio dominii & eo ipso sit auctior & locupletior is cui persolvitur, At alia est ratio debiti pœnalis neque enim supremus Magistratus qui pœnam exigit induit rationem Creditoris sed Judicis ut alibi ostensum, qui respicit non utilitatem propriam sed bonum totius universitatis & Legum conservationem, unde nihil opus est ab eo accipi pretium quo locupletior fiat, sufficit modo ut in pœnarum latione reus vel vas satisfaciat Legi. Verum quamvis propriè loquendo pretium istud a nemine accipi possit aut debeat: non diffitemur tamen laxo quodam significato posse dici datum & acceptum fuisse, quomodo is qui debet pœnas Magistratui eas dare & exsolvere censetur cum plectitur; ita Christus verè Deo supremo Judici pretium istud exsolvit unde dicitur se ipsum obtulisse Deo, Eph. v. 2. Heb. ix. 14.

XXXVIII. 2. Fals. hypothef. nititur etiam hæretici ratio quasi omnibus iis qui nos quocunque modo detinent solvendum sit pretium, cum *principalis* & *primariè detinentis* tantum sit expendendum. Qui reum & facinorosum à

carcere & patibulo eximit, an carceri & patibulo an Liſtoribus & Carnifici dependit pretium? Nequaquam, ſed Judici tantum cujus Leges violavit, & cujus dominio ac Jurisdictioni ſubeſt, Ita hic Peccata, Iniquitates, vana converſatio erant carcer in quo detinebamur, & vincula quibus conſtringebamur, Diabolus verò Juſtitiæ divinx Miniſter & Tortor nos continuò vexabat, at Deus eſt ſupremus Judex, cui ut ſoli peccavimus ita illi & pœnas exigendi & pretium accipiendi juſ propriè competeſcit & poteſtas, Itaque etſi captivus ab his omnibus liberetur tamen redemptionis pretium non niſi ſupremo Judici & Carceris Domino perſolvitur, ſolvi quidem debuit *pro iſtis* ſed non *iſtis*, unde ſophiſma facile ſolvitur *Majoris limitatione*, Illi ſcilicet pretium ſolvendum fuit qui nos captivos detinebat primariò, principaliter & ut Dominus & Judex: at nec Satan nec peccata, nec Legis execratio, ita nos captivos detinebant, ac proinde illis non potuit aut debuit tale pretium exhiberi, ſed Deo.

XXXIX. Porro quod cavillatur 4. non potuiſſe Deo perſolvi pretium cum ipſe Redemptionem feciſſe dicatur Luc. 1. 68. & filium ſuum pro nobis tradidiſſe, inane eſt & ſiculneum: Nam etſi Redemptionem ille procurarit, non obſtat tamen quo minus ipſi pretium dari potuerit 1. quia non *amicus* & in propria perſona illud præſtitit quod ſungebant Patripaſſiani, ſed in Chriſto & per Chriſtum. 2. *καὶ ἂν ὁ καὶ ἂν*: utrumque illi rectè tribui poteſt, prius ſecundum miſericordiam, poſterior quoad Juſtitiã, ad hanc pertinuit quod pretium exigeret pœnaſque nobis debitas poſtularet, ad miſericordiam verò quod cum ſolvendo pares non eſſemus *αὐτον* ipſe nobis in filio ſuo lubenter ſubminiſtrare voluerit, ut ſi Rex in rei alicujus gratiam id omne dependi curet quod iſte fiſco deberet, ut hinc quidem Legum autoritatem ſartam totamque tucatur, inde verò clementiam ſuam in reum quem vult liberatum, exerceat, quo modo Zaleucus Locrenſis de ſuo tulit partem pœnæ filio debitæ ut autoritas Legis à ſe latæ maneret illibata.

XL. Ad 5. diſting. *Redemptionem de Jure & de facto* quemadmodum peccatum nos mancipabat 1. *quoad reatum*. 2. *quoad labem* & pœnas conſequentes. Ita duplex redemptio vel potius unius redemptionis duo gradus eſſe debuerunt, prior per *meritum ſanguinis*; poſterior per *efficaciam ſpiritus*, de primo loquitur Paulus Ephes. 1. 7. *redemptionem habemus in ſanguine*, de poſteriori Rom. viii. 22. *Expectamus redemptionem corporis noſtri* & Eph. 1. 14. prior in morte Chriſti, poſterior per ejus vitam, Illa enim reatum peccati tollit remiſſionem ejus nobis acquirendo & juſ ad vitam, hæc verò de facto nos à labe & pœnis peccati liberat, ac in vitam per varios gradus transfert, propterea dicimus ſalvandi per vitam Chriſti Rom. v. 10. Sed hæc Redemptio ſecunda non excludit primam ſed ſupponit, nunquam enim de facto nos Chriſtus in vitam introducere poſuiſſet, niſi prius juſ & poteſtatem id ipſum præſtandi fuiſſet conſecutus, unde Apoſt. ibidem conjungit tanquam *ἀδικημάτων reconciliationem per ſanguinem & ſalu-*

Item per vitam, illa salvat merito, hæc efficacia, imò prior tanquam potior subternitur ab ipso, siquidem à majori ad minus argumentatur, si Deus per sanguinem reconciliavit nos inimicos, multò magis jam reconciliatos servabit ab irâ per ipsum, si obtinuimus quod majus est quam indigni planè fuimus, an non minus largiturus est cum *irâ* nos fecit gratiâ suâ? Porro *Ira* illa de qua loquitur non propriè Dei indignationem quæ est in ipso, sed metonymi. *effusum iræ* quod est ab ipso denotat id. supplicium & mortem æternam ut Matt. 11. 7. *quis vos docuit fugere ab ira ventura?*

XL I. Cæterum quum ab ira Dei & Judicio ejus redimi dicimur, hoc non ita intelligendum est quasi per hanc redemptionem eriperemur ab ejus potestate, neque ideo redimimur ut abstrahamur à Deo ut malo, quo modo hosti pretium persolvitur ut is quem captivum detinet ab ejus potestate liberetur, sed potius in gratiam redeamus cum illo tanquam summo bono & illi jungamur denuò à quo per peccatum fueramus alienati, Apoc. v. 9. ut subditus perduellis & læsæ majestatis reus cùm satisfactio pro eo præstita est reconciliatur Principi & redit in gratiam cum eo à quo propter crimen lictori in carcerem compingendus, & carnifici morte mulctandus traditus fuerat; Itaque in redemptione distinguenda venit detinentis duplex *χρῆς*: vel enim *hostis* est qui iniquè nos sibi mancipavit, vel *Judex & Princeps* qui iustissimè propter perduellionis crimen nos incarcerationi; ab illo ita redimimur ut ab eodem abstrahamur, quomodo bello captus dat *ἀντίστον* Imperatori ut ab hostis potestate vindicetur & libertati restituatur; at ab hujus judicio ita liberamur ut ab eo alienati denuò illi reconciliemur: à Diabolo quidem ut hoste redimimur & ab ejus potestate eripimur; at cùm Deus non hostis sit sed Judex noster & Princeps, redemptio non alienationem sed conjunctionem & reconciliationem importat.

XL II. Ad 6. Resp. pecc. fall. pari. nam *venditio* quidem & *emptio* in eo conveniunt quod sicut illa metaph. significat abjectionem alienationem à Deo & mancipationem diabolo quemadmodum ea quæ venduntur in potestatem alterius transeunt ut iis pro libitu utatur, ita emptio seu redemptio importat acquisitionem & peculiare jus quod obtinemus in rem emptam quæ propterea peculiū nostrum & *כֶּלֶל* dicitur: at differunt in variis, gratis enim excidimus & in diaboli potestatem venimus culpa & inobedientia nostra, & iusto Dei judicio, sed redimi non potuimus nisi satisfactionis interventu, quia liberandi fuimus ab imminente nobis maledictione, nec mirum, nam quod vili venit magno *scilicet* redimitur, Adamus se ipsum perdere potuit, sed salvare vel à morte eripere nequaquam, Aug. Enarr. in Ps. 95. *Tenebantur homines captivi sub Diabolo & damonibus serviebant, sed redempti sum à Captivitate, vendere enim se potuerunt, sed redimere non potuerunt.*

XL III. Conclusum esto E. Christum quia nos sanguine suo redemit *verè* pro nobis satisfecisse; Nam quod hæreticus mortem Christi pretium vocari contendit quo redimamur, quia intercedit ut liberationem à spirituali captivi-

tate consequamur, & in spem vitæ æternæ nos erigit ex consecuta resurrectione, merum est subterfugium, Annon enim fides nostra, pœnitentia, & Evangelii prædicatio ad id ipsum intercedunt? An ergo per illas redimi dicimur aut unquam dixit Scriptura tanquam per pretium quo liberationem consequamur? Quid verò illud est quod cum liberationem illam ex Christi resurrectione multo magis quam ex morte sequi ipse existimet, morti tamen semper, nunquam verò aut rarissime resurrectioni ea Redemptio tribuatur? nam quod existimat illud fieri quia in morte magis eluxit vel planè est *ἀποδομιόν* vel pro nobis facit: quicquid enim in morte fuerit non fuerit tamen Redemptio, si liberationis effectus ex illa non est secutus, nec ea re quæ non tam boni nostri causa fuit quam simplex occasio, Dei charitas adèò magnificè & splendide prout à Scriptura innuitur, potuit demonstrari. At quàm luculenter ineffabilis Dei dilectio ex sententia nostra hîc se prodit, quòd cum non alia commodior Satisfactionis occurreret ratio, proprio Filio non pepercit ut nobis impiis & rebellibus parceret Ro. v. 8.&c.

XLIV. III. Argu. suppeditat nobis *Reconciliationis* ratio quam Christus Mediator moriens inter nos & Deum instituit & firmavit: nam ex eo quod reconciliasse nos Deo dicitur & quidem per mortem & sanguinem sequitur necessario eum satisfecisse, quando iram adversus peccata nostra nunquam posuisset Deus nisi Justitiæ suæ litatum fuisset. Nimirum *Reconciliare* nihil aliud est quàm amicitiam offensione gravi direptam refarcire & sic inimicos in pristinam concordiam reducere: Hic autem in memoriam revocandum est omnes Creaturas rationales Deo fuisse conjunctissimas ante lapsum, sed per apostasiam hominis facta est quasi avulsio Creaturæ à Deo & aversio Dei à Creatura, adèò ut idem ille Deus qui hominem à se creatum dilexerat tanquam filium, hominem jam lapsum & corruptum odiret quasi perduellem; Itaque non potuit reconciliatio fieri nisi utrinque odii & inimicitiae causa tolleretur, tolli autem non potuit nisi per mortem Christi quæ & iram Numinis placavit & peccata nostra expiavit, non potuit framea illa ignea quæ nos arcebat à Dei præsentia, & aditum ad paradisum intercludebat, removeri & extingui nisi in Christi sanguine. Atque hinc est quod Paulus toties reconciliationis istius per sanguinem Christi factæ meminerit Rom. v. 10. *Si cum inimici essemus reconciliati sumus Deo per mortem filii sui* & 2. Cor. v. 18. 19. 21. *Omnia sunt ex Deo qui reconciliavit nos sibi per Jesum Christum &c.* Sic Col. 1. 20. *placuit Patri per eum reconciliare omnia sibi pace per sanguinem Crucis ejus facta.* Ita Eph. 11. 16. *ut utrosque in uno corpore reconciliaret Deo per crucem peremptis per eam inimicitijs.*

XLV. Cæterùm ut *Reconciliationis* istius ratio clarior evadat observandum est; *Reconciliationem* & Deo Patri, & Christo Mediatori, & ipsi fidelibus quandoque tribui, sed sub alia & alia *αἰσῶν*: Nam & is reconciliare dicitur, qui prima est reconciliationis causa & qui aliquid efficit quod meretur aut consequitur reconciliationem, & qui reconciliationis sibi ab alio promentæ gratiam

sibi applicat; *Deus* nos reconciliare dicitur primo modo quatenus ab æterno decrevit electos suos in peccatum prolapsos in gratiam restituere, & illud ex ordine gratiæ suæ præparavit quod ad componendam inter se & peccatores discordiam necessarium erat, Ita 2. Cor. v. 19. *Deus* dicitur sibi reconciliasse mundum, *Deus*, inquit, erat in Christo mundum reconcilians sibi: Fideles dicuntur se Deo reconciliare tertio sensu quatenus jubentur beneficium oblatum amplecti, inimicitias omnes deponere & diligentem Deum vicissim redamare; sic 2. Cor. v. 20. Apostoli hortantur nomine Christi fideles singulos ut reconciliantur Deo, id est se convertant ad Deum & reconciliationem à parte Dei oblatam amplectantur; 3. Sed præter duas hæc loquendi rationes Christus etiam nos reconciliare dicitur Ro. v. 11. Eph. 1. 16. non tanquam causa reconciliationis primaria quod facit Deus, non tanquam reconciliationem applicans quod faciunt fideles ope Spiritus S., sed tanquam Mediator qui illam merito suo procuravit, non modò nos ad gratiæ suæ communionem vocando, sed & illud Deo exhibendo propter quod & cujus intuitu ipse iram omnem ponit nobisque placatur; cum enim dissidium inter nos & Deum ortum duabus causis foveretur, inde iustitiæ Dei quæ iratum eum atque infensum nobis præstabat, hinc peccatis nostris quæ ad rebellionem continuò nos impellebant, ut reconciliatio solida ac firma institueretur debuit utrumque obstaculum removeri, prius quidem respectu Dei per satisfactionem, posterius respectu hominum per justificationem & sanctificationem, utrumque verò Christus petegit sanguine suo, nam & eo iustitiæ Dei satisfecit plenissime & peccata nostra delevit, arque adeò conscientias nostras mundat ab operibus mortuis, ne amplius in ea peccata incidamus quæ Dei indignationem provocent & reconciliationis vinculum abrumpan, sed serviamus Deo vero & vivo Heb. ix. 15. Ita rectè hæc reconciliatio & Patri & Filio tribuitur, Patri ut causæ primæ, Filio ut causæ propinquæ, Patri quoad consilium, Filio quoad executionem; Patri inchoative & originaliter, Filio formaliter & terminative, Patri procuratorie, Filio meritorie.

X L V I. Ne verò dubitemus Christi mortem huc tanquam meritoriam reconciliationis causam intercessisse, alià videtur phrasi Spiritus S. quæ clariùs ad ipsum evincit, cum Christum *ἱλασμεν* & *ἱλασµὸν* vocat Rom. iii. 24. 1. Jo. 1. 2. nam hæc vocabula hominum peccatorum conversionem primario non respicere, sed iræ divinæ averfionem aliquo placamine procuratam notius est quàm ut probatione indigeat; Hinc *θεὸν ἱλασκεσθαι* est Deum placare: apud *Ἕβραίους* quod sacrificiis solebat fieri. Ilia. *βλέψαι τὸν κύριον, καὶ ἀρνέσθαι τὰς ἁμαρτίας, καὶ ποιεῖν τὸν νόμον τοῦ κυρίου* Illic. eam scili. Deam tauris & agnis placam Pueri Atheniensium. Hinc *ἱλασμεν* teste Hefych. idem quod *ἱλάσθαι*, sic *ἱλάσθαι* est propitiū facere pro quo usitatus *ἱλάσκομαι*, placo, propitio, quod & passivè usurpatur apud *Ἑβραίους*. Pl. lxxiv. 3. & lxxviii. 9. Exod. xxxiii. 13. *ἱλάσθη κύριος τὸν Ἰσραὴλ ἀπὸ πάντων τῶν ἁμαρτιῶν* & *ἱλάσθη* placare, expiare, propitiationem facere: respondet Hebræo *קָדַשׁ* quod in Kal est tegere, operire In Pihel est, placare, propitiū reddere, expiare; Et *קָדַשׁ*

illi jungitur præpositio *וְ*, Levit. iv. 10. *וְהִלָּאֵסִימָהּ* *וְעַל* *אֲוֹתָיו* *expia-*
bis *præ*, ita jungitur plerumque apud Græcos cum præpositione *ἐπὶ* ut passim
 in Leviti : aliquando Deus dicitur *ἱλασκέσθαι* scilicet passivè *ταῖς ἀμαρτίαις* vel
ταῖς ἀσθενείαις ἡμῶν Pf. lxxiv. 3. lxxviii. 42. aliquando peccata dicuntur *ἱλασκε-*
σθαι Heb. ii. 17. id est *expiari*, quia per expiationem à Christo factam Deus
 super illis placatur. Hinc *ἱλασμός* quod est *placamen* seu munus placatorium
 & redemptorium quo quis placat judicem, vel vitam suam redimit Reg. xii. 3.
 Pf. xlvii. 7. quod respondet *τῷ ἁγίῳ* quod significat *redemptionis pretium*. Hinc
ἱλασμός proprie est actus illius qui alterum propitium & placatum reddit iram
 ejus avertendo & gratiam conciliando. Unde aries quo sacrificium fiebat pro
 peccato vocatur Numer. v. 8. *κρίως ἱλασμοῦ* *aries expiationum* & dies quo pro-
 pitiatione pro peccatis populi solebat fieri Levi. xvi. dicitur *ἡμέρα ἱλασμοῦ* *dies*
propitiationum Levi. i. 27. Cum ergo Christus dicitur *ἱλασμός* pro peccatis no-
 stris, hoc ipso innuitur eum morte sua fecisse quicquid necessarium erat ad expian-
 da peccata nostra & iram Numinis placandam quod nihil aliud est quàm ipsissi-
 ma quam querimus Satisfactio. Eodem pertinet quod Paulus dicit Ro. i. 25.
 Christum factum esse *ἱλαστήριον* per fidem in sanguine suo ; quod potest vel *ma-*
sulinè intelligi ut notet *propitiatorem* & *reconciliatorem* ut Erasmus interpretatur
 id. cum qui munus & vim habet Deum placandi peccatoribus suo sanguine, vel
neutraliter quo sensu alibi *ἱλασμός* & *λύτρον* dicitur illud cui inest virtus & effi-
 cacia Deum placandi & peccata expiandi. Sic respexerit Apost. tum ad sacrifi-
 cia *ἱλαστικά* V. T. quo sensu verè fuit *κρίως ὁ ἱλασμοῦ* aries expiatorius Agnus
 scilicet Dei tollens peccata mundi Jo. i. 29. tum ad ipsum Arcæ operculum quod
 Hebr. *הַכֶּפֶז* lxx. per *ἱλαστήριον ὄρθρουμα*, Paulus simpliciter per *ἱλαστήριον* reddit
 Heb. ix. 5. Cum autem variis de causis Tegmen illud Arcæ hoc nomine veni-
 ret non modò quòd tegeret Arcam fœderis & Tabulas Legis in ea reconditas
 ad significandam remissionem & propitiationem peccatorum admissorum in Dei
 Legem, sed etiam quia Deus ibi se placari & propitiari pateretur suo populo &
 peccatis illius resperzione sanguinis victimarum quæ ibi fieri solebat ad hoc oper-
 culum Lev. xvi. 14. & quòd consequenter se propitium & placatum ac velut
 throno gratiæ insidentem suo populo exhiberet ; non mirum si Apostolus no-
 men figuræ & umbræ corpori reddendo Christum *ἱλαστήριον* dixit : Is enim est
 proprie qui Legis accusationem & peccatorum nostrorum reatum justitiâ suâ
 perfectissimâ regendo, seque inter Legis fulmina & Dei Judicis majestatem me-
 dium sistendo propitium nobis & favorabile Numen reddidit, atque ita miseri-
 cordiam supra judicium, Evangelium supra Legem extulit ; quemadmodum
 operculum illud tabulas Legis tegebat & medium erat inter Legem quæ in Ar-
 ca erat reposta & Dei Majestatem quæ in medio Cherubinorum se patefacie-
 bat. Rursus is est qui asperzione sanguinis sui qui ideo sanguis *ῥανπισμός* dicitur
 Heb. xii. factâ plenam nobis expiationem apud Deum obtinuit ; Is denique
 in quo thronum gratiæ ad quem accedere jubemur Heb. iv. 16. & in quo se

nobis placatum & propitium exhibet, erigit Deus 2. Cor. v. 19. Quia verò illud omne non aliter fieri potuit quàm plenariâ Legis impletione & poenarum ab ea denunciatarum perpeffione, idèd *ἱλασίην* dicitur in sanguine; Atque hinc validissimum pro Veritate Satisfactionis colligitur argumentum, Is enim qui pro nobis id apud Deum operatur ut qui prius iratus fuit iram deponat & nobis placetur & reconcilietur, Servator est merito & non exemplo tantum, nam qui nos solo exemplo servat non opus est ut aliquid efficiat apud Deum, sed tantum ut operam suam impendat & occupet circa homines; Exemplum enim ad homines pertinet non ad Deum; At Christus id efficit apud Patrem morte sua ut irâ depositâ nobis reconcilietur, nec amplius nos ut filios iræ quales eramus naturâ, sed ut dilectos filios respiciat & amplectatur E. Servator est non exemplo tantum, sed & merito & efficacîâ.

XLVII. Hæc verò responfant Adversarii 1. *Reconciliationem* hanc non fieri per iræ divinæ à nobis aversionem sed per nostram ad Deum conversionem, quia nunquam legitur in Scriptura Deum nobis reconciliari vel Christum nobis Deum reconciliasse, sed tantum nos esse Deo per Christum reconciliatos, ut innuat scilicet non Deum sed nos inimico animo fuisse, non illum placari, sed nos inimicitias nostras deponere debuisse. 2. quod ex eo fortius adhuc probari contendunt quòd non tantum Christus dicatur nos Deo reconciliasse, sed Deus ipse nos per Christum reconciliasse 2. Cor. v. 19. At si Deus nos reconciliavit, utique non iratus, sed placatus jam & propitius fuit, neque de eo dubitari potest cum nos dilexisse dicatur cum inimici essemus Rom. v. 8. & ex illa dilectione Christum misisse 1. Jo. iv. 10. qui verò insensus & iratus dici poterit qui tam benevolo & propenso fuit erga nos affectu? 3. Deus dicitur nos reconciliasse *non imputans peccata* E. non per satisfactionem sed per gratuitam & liberrimam condonationem. 4. Eo modo reconciliatio est intelligenda quo modo Apostoli ejus præcones fuerunt, sed ministri erant reconciliationis nostræ cum Deo non Dei nobiscum, nihil aliud enim postulant quàm ut reconciliemur Deo, ibid. 2. Cor. v. 20. 5. perpendunt Paulum Ep. 11. 16. & Col. 1. 20. agere de reconciliatione non Dei cum hominibus, sed vel hominum inter se, Judæorum scilicet & gentium, vel cum Angelis qui nobis propter peccatum insens erant; hos enim per ea quæ sunt in cælis intelligendos esse non diffiteri multos è nostris. 6. quod ad vocem *ἱλασµὸς* attinet, addunt Christum dici *ἱλασµὸν* non quatenus moritur pro nobis, de morte enim Johannem nullam facere mentionem, sed quatenus nunc apud Patrem degens Advocatus noster est & causam nostram suscipit, patrocínio suo nos fovendo & curâ singulari efficiendo ne iram divinam experiamur aut poenas quas meriti sumus luamus quòd pertinet illud Heb. 11. 17. & vii. 24. 25. ubi fidelis dicitur pontifex ad expiandum peccata populi propter id ipsum. 7. *ἱλασµὸς* nihil aliud esse quàm propitium alicui fieri & illi ignoscere, atque ita respondere verbo Heb. *נָסַח* ut *נִסְחָה* redditur per *ἱλασµόν* Pl. cxxx. 4. sed non importare propterea satisfactionem, ex eo facillè colligi quod *Ἀσκα* operculum

propitiatorum vocetur, in quo tamen nullum satisfactionis deprehenditur vestigium; quandoquidem ita vocatur non quod Deum iratum populo placaret, sed quod in eo loco responsa populo dabat Deus, & suam erga illum benevolentiam declarabat Exo. xxv. 22. & Num. 7. 9. Denique etsi Christus diceretur Deum nobis placasse non bene inde satisfactionem elici, cum ad aliquem placandum satisfactio non sit semper necessaria, fieri enim posse ut quis vel precibus vel persuasionebus ita permulceatur, ut de suo jure penitus concedat, & porro nulla satisfactio indigeat sic *Volkelt*, ratiocinatur li. v. c. 22. *Schillingi*, contra *Meisner*, de *Justifica. Soci. de Servato*, p. 2. & alii.

XLVIII. Verum hæc inania sunt hominum otio & ingenio suo abutentium figmenta ad crucem Christi evacuandam & summam erga nos Dei charitatem elevandam. *πρωτον ψευδ* & eorum est Deum inimicum nobis atque insensum propter peccata dici non posse ideoque satisfactione quâ reconciliaretur ipse, neutiquam opus habuisse. At in superioribus jam pluribus argumentis assertum ivimus essentialem Dei justitiam, quâ semel posita sequitur necessariò pœnam peccato ex ea deberi, nec ullam posse Dei cum hominibus amicitiam iniri nisi illi semel satisfactum sit; falsissimum E. est quod contendunt Reconciliationem hanc notare tantum nostram ad Deum conversionem & inimicitiarum à parte nostri depositionem, non verò ipsam iræ Dei aversionem & mitigationem: Nam cum alienatio mutua fuerit & Scriptura inimicitiam hanc & odium statuatur non modò à parte hominum Rom. v. 10. Col. 1. 21. sed & à parte Dei quippe ira ipsius revelatur è cælo adversus omnem impietatem &c. Rom. 1. 18. & nos naturâ sumus filii iræ & maledictioni obnoxii. Eph. 1. 3. Gal. 1. 10. utique reconciliatio utrinque præstari debuit, & à parte nostri per conversionem & à parte Dei per iræ aversionem, hoc enim relatorum natura postulat, alias statueretur esset Deum non averfari nec odio habere peccata quod vel cogitare impium. 2. si reconciliatio ista conversionem hominum tantum notaret, non ipsius iræ aversionem, multò rectius vitæ Christi gloriose quàm morti ferretur accepta, at constanter morti tribuitur. 3. Scriptura commendat in nostri reconciliatione summum Dei erga nos amorem Rom. v. at quis crediderit ex eo intensissimam Dei charitatem colligi quòd nos ab odio Dei discesserimus? 4. Apostolo Rom. v. reconciliatio nihil aliud est quàm Justificatio ut constat ex coll. v. 9. & 10. ubi tanquam æquipollentia ponit *Justificari in sanguine*, & *reconciliari per mortem*, neque ulla ratio dari potest cur hic Paulus de Sanctificatione loqueretur, de qua verbum hætenus nullum expresse fecit, sed est tantum locutus cap. vi. ubi secundum hoc beneficium à Christo fluens est explanaturus. 5. 2. Cor. v. apertè distinguitur duplex reconciliatio, alia quam Deus per Christum fecit vers. 18. 19. alia ad quam Apostoli nos hortantur v. 20. Ista conversionem revera infert quæ per fidem fit & pœnitentiam; at illa non imputatione peccatorum describitur, quæ quantum inter se discrepent nemo non videt. 6. si reconciliatio nihil aliud est quàm conversio, ratio nulla dari

potest idonea cur sanctificatio constituatur ab Apost. finis hujus reconciliationis, nihil enim sui ipsius potest esse simul medium & finis, quod fit tamen ab eo Coloss 1. 22.

XLIX. Neque obstat quod Scriptura potius *nos Deo* reconciliari dicat quàm *Deum nobis*, hoc enim fit ex usitato loquendi modo quo is qui offendit ideo reconciliari dicitur quia sicut causam odio dedit, ita ipsi reconciliatione opus est & illius quem offendit placatione; cum suâ culpâ fœdus fregerit & primus abcesserit, redeat necessum est & agnoscat culpam, alter verò reconciliatione alia opus non habet, nisi ut ignoscat atque justam deponat iram & odium; cum E. nos Deum offenderimus non ille nos, non sine causa Scriptura nos Deo reconciliari potius quàm Deum nobis dicit, sic qui recordatur fratrem habere aliquid adversum se debet ex præscripto Domini illi reconciliari Matt. v. 24. quia fratrem scilicet offendit, sic uxor quæ maritum deseruit reconciliari viro jubetur 1. Cor. VII. 11. Verùm quamvis reconciliatio ut plurimum offendenti tribuatur, non excluditur tamen imò includitur offensus, unde apud *Sophocl.* in *Ajace* κατὰ δ' ἄσπετον θεοῖς Diis conciliari idem est quod iram Deorum effugere eosque propitios reddere; Tecmessa inducitur narrans Ajacem profectum esse ὡς κατὰ δ' ἄσπετον θεοῖς χολῶν ut reconcilietur Diis ob iram: Itaque si nos Deo reconciliandi fuimus & ipse nobis quoque, Nos per satisfactionem aut propriam aut vicariam, Ille verò per benevolentiae & gratiae restitutionem & confessionem; unde Syrus interpretes Ro. v. 10. passivè illud de Deo interpretatur כְּחַיִּים אֱלֹהִים בְּחַיִּים אֱלֹהִים Reconciliatus est Deus nobiscum seu benevolus factus per mortem Filii sui.

L. Instant tamen secundò & Reconciliationem non posse iræ divinæ aversionem notare pertendunt, eo quòd ipse Deus dicatur reconciliationem illam per Christum procurasse & quidem ex dilectione summa; sed ne sic quidem obtinere poterunt unquam Deum jam ante mortem Christi placatum fuisse vel reconciliatum, sed tantum misericordem & placandum; necesse quidem fuit Deum misericordiâ erga nos commotum fuisse, & animo benevolo affectum ut salutem conferre vellet, at placatus dici nequit nisi sublata inimicitiae & alienationis causa, ideoque si iram deponere voluit & non punire, hoc non nisi sub conditione placaminis futurum per Christum quod Justitia exigebat, Intendit. At quo pacto dilexisse dicitur si iratus fuit ac reconciliatione opus habuit? Resp. nihil obstat Iram & Dilectionem circa idem objectum occupari sed καὶ ἄλλο καὶ ἄλλο: Irasci potuit ut Justus Judex, & idem diligere ut Misericors Pater; Irasci nobis quâ peccatoribus & diligere quâ Creaturas sic Beda in 5. ad Ro. Deus miro modo quando nos oderat, diligebat, odit in unoquoque nostrum quod feceramus, amavit quod fecerat; & ut loquuntur Scholastici dilexit humanum genus quantum ad naturam quam ipse fecit, odit quantum ad culpam quam homines contraxerunt. Amor E. Dei erga naturam à se conditam illum movebat ad procurandam hanc reconciliationem, odium Dei erga peccatum à se prohibitum à nobis commissum

sum nos indignos reconciliatione constituat, unde rectè Thomas 3. q. 49. Arti. 4. *Non dicimur reconciliati quasi Deus de novo amare inciperet; nam æterno amore nos dilexit, sed quia per hanc reconciliationem sublata est omnis odii causa tum per ablutionem peccati tum per recompensationem acceptationis boni.* Nobis quidem id durum ac difficile videtur ut qui odit idem & diligit, quia cum affectus aliquis nos habet totos occupat, si ira accensa sit in aliquem, nullus tum in nobis gratiæ locus, si gratia, etiam injustissima sæpe numero indulgetur; sed si præcidamus perturbationes & justitiæ habitu induamur facile hæc inter se componemus: Pater offensus filii petulantia, diligit eum ut filium, irascitur tamen ei ut petulanti, sic Judici licebit irasci & ad pœnam excitari & nihilominus charitate affici ad ignoscendum si modò extet qui fidejubeat, quidni E. Deus qui iussissimus est & optimus potuerit & pœnam postulare ex Justitia, & ex misericordia satisfactionem nobis procurare?

L I. 2. Distinguendus *Amor Dei*, alius enim est *benevolentia* & antecedens qui fertur in objectum constituendum, alius *complacentia* & consequens qui fertur in objectum jam constitutum, prior est quo Deus bene vult nobis & media constituit & ordinat ad id ut nobis re ipsa beneficiere possit, posterior quo nos filios jam factos prosequitur, & nobis ad imaginem suam renovatis impensè delectatur; Hic sane non potest cum ira Judicia & animo planè infenso consistere, nam quem ita diligit ut in eo sibi complaceat illi iratus esse neque, sed placatus esse supponitur; at de illa aliter se res habet, nihil enim obstat offensum amare offendentem eatenus ut illi bene velit & media ad reconciliationem subministrare dignetur qui tamen eo ipso reconciliatus non potest dici; Exemplum hujus rei luculentum extat apud Job. cap. xlii. 7. 8. *Dixit Jehova Eliphazo Themanita Accensa est ira mea in te & duos annos in eo quia non essem loquuti rectè ut servus meus Job;* videtur Deum iratum, hæc tamen propter sine aliqua dilectione, nam ecce statim benevolentie argumentum, *Sumite nunc vos septem juvenecos & septem arietes & adite servum meum Jobum ut offerendum curetis hoc autem pro vobis nam verè personam ejus accipiam;* amat E. cum media redeundi seculum in gratiam suppeditat, nec dum tamen est placatus, alias quid opus fuisset sacrificiis ad reconciliationem obtinendam? Ita si Deus nos dilexisse diceretur amore complacentiæ ante Christum, utique nulli opus fuisset vel reconciliatione vel satisfactione, at quum dilectio ea fuerit tantum benevolentie quàm media reconciliationis ipse procuravit, perperam ex eo satisfactionis veritas evertitur, quo solidissimè ipsa stabilitur.

L II. Atque hinc facile etiam solvitur quod 3. loco adducebatur nimirum reconciliationem satisfactionem excludere cum per non imputationem peccatorum describatur, tantum abest enim ut ex eo satisfactio evertatur ut discretè potius supponatur; Quippe nunquam nobis remitti aut non imputari potuissent peccata nisi Christo imputata fuissent; propterea Paulus statim vers. 21. modum reconciliationis istius per Christum factæ explicans addit elegantissimam satis-

factionis Christi descriptionem, nam fecit eum qui non noverat peccatum, peccatum pro nobis ut essemus *Iustitia Dei in ipso*. Nec dicendum est remissionem peccati non posse consistere cum satisfactione; hæc enim non esse ἀντίκτα sed subordinata jam antea evicimus, cum remissio fiat pro nobis & satisfactio exigatur à Christo, & ideo satisfactio exigatur à Christo ut nobis remissio possit indulgeri, unde Paulus hæc duo connectit Rom. 11. 25. Redemptionem per Christum in ejus sanguine, & Iustificationem gratuitam: Remissio excludit solutionem ejus cui sit remissio, sed non omnem simpliciter, excludit propriam non alienam, hominum non Christi.

LIII. Ad 4. peccatur fals. hypoth. quasi una tantum & simplex in eo loco occurreret reconciliatio, cum modò dixerimus duas distinctè notari ejus partes aliam à parte Dei, aliam à parte hominum, nam & ille debuit placari & ex infenso amicus reddi, & nos beneficium oblatum amplecti, & rursus ad ipsum redire à quo fueramus alienati, primam Deus per Christum operatur: alteram instituit ministerio Apostolorum qui nos Christi nomine hortantur ut reconciliemur Deo: Illa ab æterno decreta & in Christo semel facta per sermonem annunciat, hæc verò per sermonem ipsum procuratur. 2. Distinguenda est *reconciliationis acquisitio ab ejusdem applicatione*, illa sanguine Christi peragitur, illa verbo ejusdem & spiritu, illa per Christum solum, hæc per Apostolos & alios Ministros promovetur, unde ministerium reconciliationis illis traditum dicitur, nec potest sine blasphemia dici, Christum non alia ratione circa hanc reconciliationem versatum esse quàm Apostolos, quod foret tamen si quod volunt hæretici nihil aliud faceret quàm viam ostendere quemadmodum nos ad Deum converti atque ad eum modum illi reconciliari oporteat, Id ipsum enim fecerunt & Apostoli faciunt & Evangelii ministri. Itaque dicantur sanè Apostoli & Ministri reconciliare *oblative, applicative, & ministerialiter*: at solus Christus reconciliat *meritorie, principaliter & satisfactorie*.

LIV. Ad 5. fatemur Ap. ad Eph. 11. 15. 16. agere de Judæorum & Gentium inter se reconciliatione, sed negamus de ea agere exclusivè ad reconciliationem hominum cum Deo: imò necessariò eam includere pertendimus: tam ex ipsius naturâ rei, nam amici esse non potuerunt inter se Judæi & Gentes nisi per amicitiam cum Deo, quippe duo diversa quæ junguntur ita junguntur inter se ut prius ac potius jungantur ipsi vinculo, nec enim junguntur inter se nisi per & propter vinculum: tum quia expressè illius meminit vers. 16. ἵνα διακαταλλάξῃ τὸς ἀμφοτέρους ἐν ἑνὶ σώματι τῷ θεῷ si ergo Deo debent reconciliari, non utique tantum inter se: Nam quod hæreticus vult postremum illud vocabulum *finaliter* esse intelligendum id. ut reconciliaret ipsos inter se ut Deo serviant, non modò durum est & coactum, sed & verborum ἀντιλογία manifestè repugnat, illud ipsum siquidem jamjam posuerat vers. 14. 15. cum dixit utraque unum fecisse ut ex duobus illis conderet in semet ipsum unum novum hominem faciens pacem. quid ergo opus fuit idem absque necessitate hic

repetere? Itaque omnino statuendum est Paulum postquam vers. 15. de Judæorum & Gentium inter se reconciliatione verba fecit, jam vers. 16. de utrorumque cum Deo reconciliatione quæ prioris illius & fundamentum est & finis agere, nam ut nulla solida est amicitia nisi in Deo fundata, sic frustra fuisset omnis illa hominum inter se conciliatio nisi reconciliationem cum Deo secum traheret: Ideo dicit Christum solvisse septum intergerini parietis & inimicitias abolevisse ut *conderet ex duobus unum novum hominem* &c. & utrosque in uno corpore reconciliaret Deo per crucem; In eum siquidem finem utrique sibi invicem uniendi erant in unum corpus mysticum ut possent ambo velut in unum corpus compacti Deo per Christi crucem reconciliari; Ita eximie Paulus more suo ordinem & modum istius reconciliationis utriusque notat. Primum enim docet quomodo Christus se ipsum Deo in hostiam vivam & sanctam offerendo sacrificiis omnibus Mosaicis finem imposuit, umbrasque præcedentes in corpore typos in veritate terminavit, quod ipse sub ipsum mortis articulum tum voce tum facto testatus est, cum & *Consummatum esse* dixit & vi suâ divinâ Templi aulæ à summo ad imum discersit; Deinde sublato illo pariete mediano qui Judæos à Gentibus determinabat utrosque velut in unum gregem & in unum corpus in se ipso conjunxit atque compegit; Denique sic in ipso conjunctos Deo Patri reconciliavit; Idque ut proximè subjicit *per crucem suam* id. per sacrificium illud *ἱλασµὸν* in cruce oblatum, unam nempe victimam pro omnibus offerendo, uno omnes pretio mortis scilicet suæ merito redimendo; Quamvis enim hæc Redemptio & Reconciliatio non simul omnibus eodem momento communicata fuerit atque collata, quemadmodum nec omnes simul electi in mundo vivebant; hæc omnia tamen simul uno eodemque actu temporis momento in eorum gratiam à Christo præstita & peracta fuerunt. Nec omittendum quod addit ad majorem modi istius declarationem hoc factum esse *peremptis in ea* scilicet cruce *inimicitias* id. peccatis nostris per sanguinem suum expiatis quæ inimicitias illas inter Deum & homines pepererant, de iis quippe loqui Ap. res ipsa & verborum series docet, quemadmodum enim vers. 15. modum ostendit quo pax inter Judæos gentesque conciliata fuerat remoto scilicet impedimento septoque rituum legalium hos ab illis dirimente quod Ap. vocat *ἔχθραν* ita hîc modus declaratur quo per unicum illud Christi sacrificium pax inter Deum & homines conciliata sit, scil. expiatis illo sacrificio abolitisque prorsus omnium Electorum peccatis quæ flebilis illius divortii & inimicitiarum causa extiterunt. Ex quibus patet perperam Adversarium à positione unius reconciliationis ad negationem alterius argumentari, cum inseparabiles sint & ab Apostolo hîc connectantur.

L V. Sed non feliciùs rem exequitur ex alterius loci paralleli ad Col. 1. 20. consideratione, quem de reconciliatione hominum cum Angelis aliisque Creaturis non verò cum Deo agere pertendit etiam ex nostrorum sententia. Certum equidem hîc in varia abire Interpretes: Quosdam ad reconciliatio-

nem cum Angelis hæc verba referre, alios divinam etiam complecti. Sed ut nihil dicamus de iis qui eam interpretantur de reconciliatione creaturarum omnium tum rationalium tum ratione destitutarum cum Deo, ita ut hîc non homines tantum sed & Angelos imò & totum mundum reconciliasse dicatur Deo Christus, homines quidem *proprie* tollendo illorum peccata & Dei iram ortam ex peccato, Angelos *analogicè* tollendo possibilitatem labendi & incurrendi iram divinam; Universi hujus machinam *metaphoricè* liberando eam à servitute corruptionis & restituendo nativæ suæ integritati & pulchritudini Ro. VIII. 20. 21. (quæ tamen sententia, ut obiter illud dicamus, neque Scripturæ phrasi neque huic loco videtur satis accommodari posse, nam cum reconciliatio & pacificatio necessariò connotent offensionem & inimicitiam antecedentem, Angeli autem beati nihil quicquam tale unquam admiserint, cæteræ verò Creaturæ inaninæ & brutæ hujus non sint subjectum *δεξιῶν* vix est nisi admodum *καταχρηστικῶς* ut reconciliari dicantur: præterquam quòd Scriptura Christum semper quidem hominum, nunquam verò Angelorum Mediatorem statuit, 1. Tim. II. 5. Heb. II. 16.) ut nihil, inquam, nunc quidem ulterius de hac Virorum Doctorem sententia dicamus: Quis nescit non paucos etiam & non ignobiles Interpretes ad reconciliationem hominum cum Deo hæc verba referre? Ita ut *per ea quæ sunt in cælis* intelligantur fideles jam demortui & in cælis collecti Heb. XII. 23. *per ea verò quæ sunt in terris* fideles cæteri qui vel credebant jam & erant in vivis vel in posterum credituri erant? utrique siquidem reconciliati sunt Deo per Christum Jo. XIV. 6. Neque hæc sententia suis caret rationibus gravissimis non modo quòd frequentissimè in Scriptura hæc syncategoremata *τα πνεύματα* vel *πνεύματα* restringantur ad universam Ecclesiam à Christo redemptam quæ completitur omnes & singulos fideles tam V. quàm N. T. tam Judæos quàm Gentes ut 2. Cor. V. 18. Gal. III. 22. Ro. XI. 32. &c. oppositè scilicet ad œconomiam V. T. in qua salus erat tantum Judæorum Jo. IV. 22. Verum etiam ex eo quod addit statim *ut reconciliaret omnia eis autem* id. *ἑαυτῶν* ut Syrus habet *ܐܘܬܐܢ*, neque novum est præpositionem *In* cum accusativo poni vice dativi cum apud Hebræos frequentissima sit *אֶל* & *ב* permutatio: Nam si hoc vellet ista phrasis quod vult Adversarius *In unum* scribendum fuerat *eis τὸ αὐτὸ* vel *eis αὐτὸ* non verò *eis αὐτῶν* vel *eis αὐτῶν* quod ad certam personam necessariò refertur. Verum obtineat sane hæc ipsa quam urget hæreticus sententia de Reconciliatione hominum cum Angelis quam non nescimus Viris Doctissimis post Chrysostr. Theodoretum & Photium placuisse, & quam non diffitemur rationibus suis niti, cum non aliæ res cælestes intelligendæ videantur quàm quas commemoraverat vers. 16. & quas sigillatim describit per Thronos, Principatus &c. quibus ut est in confesso Angelos innuit, An quicquam præsidii habiturus est ad causam suam tuendam? Nequaquam; nam Reconciliatio hominum cum Angelis necessario supponit & infert reconciliationem cum Deo, quemadinodum subditi rebelles qui perduellionis crimine bonorum civium in se odia accersiverant non possunt ipsis reconciliari

ciliari nisi prius cum Principe in gratiam redierint: Ita nunquam homines cum Angelis fuissent reconciliati, nisi posita hominum cum Deo per Christum reconciliatione; Itaque prior hæc tanquam basis & causa posterioris semper subterni debet & conjungi, ut sanè Apost. non tantum vers. 22. de ea peculiariter loquitur speciatim applicans Colossensibus quod universim dixerat vers. 20. sed & in hoc ipso versu non obscure eam innuit his verbis *ἐν ἡμῶν πικρίας διὰ τὴν αἰμαῶσιν τοῦ παντὸς αὐτοῦ* ut significet nimirum Christum non alia ratione infelix illud sustulisse dissidium inter nos & Angelos quàm composito eo quod nobis cum Deo intercedebat funestissimo bello & pace per sanguinem partâ, nam ex quo semel Deus insensus esse desuit & noster factus est ex eo etiam sequitur necessarîo nihil adversus nos quicquam posse imò omnia nostra esse 1. Cor. 111. 22. & Angelos peculiariter qui jam sunt *πνεύματα λειτουργικά* ad nostram salutem Heb. 1. 14. nos amare & commodis nostris inservire Luc. 11. 9. 10. & xv. 10.

LVI. Ad 6. Resp. impudentem esse loci istius corruptelam quasi *ἱλασμός* Christi nihil aliud esset quam ejusdem *Advocatio* vel *Intercessio* de qua dixerat vers. 1. cum tamen manifestè ab ea distinguatur, Et sanè longè lateque differunt, *ἱλασμός* factus est in terris *ἐμφανισμός* in cœlis, *ἱλασμός* moriens absolvit Rom. 111. 24. *ἐμφανισμός* vivens continuò exequitur Heb. vii. 25. illo meritis est semel salutis beneficium, hoc verò idem conservat semper & applicat, Et verò non alia de causa Apostolus intercessioni addit placationem nisi quia ea nititur tanquam fundamento suo, nec enim intercedere posset nisi virtute sanguinis semel in cruce effusi ut Pontifex sub V. T. sanguinem victimæ secum deferre debuit in Sacrarium intercessurus pro populo; neque contrarium evincitur vel ex Heb. vii. 24. nam agitur ibi quidem de interpellatione Christi apud Deum cujus effectus dicitur perfectâ salvatio accedentium per ipsum ad Deum, sed non exclusâ satisfactione aut sacrificii oblatione imò ea supponitur manifestè vers. 27. ut ita duos hosce actus sacerdotales minimè à se invicem divellendos Christo tribuat quod & alibi fecit Heb. ix. 12. 14. Vel ex Heb. 11. 17. dicitur enim *fidelis Pontifex* non tantum eo quòd promissum servet inviolatum, sed potissimum quòd munus suum mediatorium exequatur fideliter pro misericordiâ quâ erga nos commotus est.

LVII. Denique ad 7. dicimus gratis supponere Advers. quod est in quaestione, Verbum *ἱλάσκεισθαι* nihil aliud importare quàm meram veniæ & gratiæ indulgentiam à parte offensi ut *ἡδ* apud Heb. *ignoscere* est; Jam enim & ex vi vocis & ex rei natura docuimus utrumque connectendum esse, quando propitius Deus esse nequit ut condonet nisi Justitiæ prius satisfactum fuerit. Deinde cum non tantum Deus dicatur *ἐξιλάσκεισθαι* sed Christus ipse *ἱλασμός* noster & quidem *in sanguine*, sanè iste *ἱλασμός* pro actu ipso remittendi qui à Deo est sumi non potest, sed pro causa meritoria qua remissio illa à Numine placato obinetur; non tam *active* & efficienter quod peccata tollat & remittat, quàm *objectivè* & *meritorie* quia procurat merito sanguinis ut remittantur. Accedit quod

Christus dicatur ista peragere, tanquam Pontifex apud Deum *πρὸς τὸν ἄρχιερέως πρὸς τὸν θεόν εἰς τὸ ἱλασκεσθαι τοὺς ἁμαρτίας* & λαῶν. Heb. 11. 17. quod aliud est ab eo quod inde sequitur apud homines & populum remittere illis peccata. Frustra verò hic typum *Propitiatorii* veteris nobis reponit quasi Christus non alia de causa titulo hoc insigniretur quàm quia Deus in ipso se nobis placatum ostendit, & quicquid nos scire voluit per ipsum patefecit. Nam præterquam quod non omnes consentiunt Paulum Ro. 11. 26. respexisse ad Arcæ operculum, sed volunt potius ad sacrificia *ἱλαστικὰ* V. T. attulisse, vel *ἱλαστήριον* Propitiatorium Christum dixisse in masculini. genere non *Propitiatorium* neutro. Accedit quod ne sic quidem obtinere quicquam possunt; Quippe inter Typum & Antitypum occurrere quidem debet *ἑμ-ιώτης* sed non statim *ἰσότης* vel *ἰσότης*, similitudo, sed non *paritas*. Itaque etsi operculum Arcæ dictum fuisset *Propitiatorium* tantum *declarative*; non sequitur Christum non posse ita appellari *efficaciter* & *meritorie*, quia illud fuit tantum typicè & *symbolicè*. At Christus verè & realiter, Ideoque non dicitur tantum *ἱλαστήριον*. sed *ἐν αὐτοῦ αἱματι* in suo sanguine scilicet. sub ratione victimæ quæ ad propitiationem procurandam offertur; Et verò cum Typi omnes V. T. inadæquati fuerint non mirum videri debet si singuli seorsim mysterium aliquod plenè & integrè exhibere non potuerint, quod in omnibus simul sumptis demum repræsentatur; Operculum ergo fuit sanè Propitiationis typus aliquis, at idem etiam fuit sanguis victimæ qui à summo Pontifice inferebatur in Sacrarium, & ad operculum respergebatur, cujus vi & efficacia obtinebatur benedictio illa Dei & *εὐδοκίας* testificatio quæ è medio Cherubinatorum dabatur populo: Sicut suo sensu *ἱλαστήριον* V. T. Deum iratum Israëlitis placabat nempe *typicè* per illam sanguinis asperersionem, Christus id verè & realiter præstitit suo sanguine in quo & per quem & nostrum *ἱλαστήριον*, & noster *ἱλαστήριον*, & noster *ἱλασμός* plenissimus est apud Deum; Ita non tantum *declarative* quàm *Propheta* in quo & per quem bona verba loquitur Deus, sed & *meritorie* quàm *sacerdos* & *victimæ* quæ iram numinis placat, nomen hoc obtinuit; Quod & ex eo confirmatur evidenter, non modo quia dicitur *ἱλαστήριον* in sanguine quod jam observavimus, sed etiam *πρὸς ἰσότητα τοῦ δικαιούντος αἵματι* vers. 26. hoc enim & falsum foret & frustra diceretur nisi iustitiæ divinæ pro nostris peccatis satisfactum fuisset Christi sanguine; Nam quod *Volkelius* id ideo asseri ab Apostolo pertendit quod tunc verissimè Deus se nobis placatum præbuit cùm filium suum unigenitum salutis nostræ constituendæ causâ in truculentissimam mortem tradidit, & ab omni ratione alienum est & vi vocis repugnat. Nam si antecederet ad Christi mortem Deus nobis placatus fuisset quid opus fuisset Patrem proprio filio non parcere Rom. 11. 32. eumque subicere Legis maledictioni Gal. 3. 13. & filium animam suam ponere in sacrificium pro peccato, If. 53. 10. & sanguinem effundere in remissionem peccatorum Matt. xxvi. 28. quæ manifestè docent sanguinem Christi non ut *effectum* vel signum placati numinis, sed ut *causam* proponi quod & ipsa vox *ἱλαστήριον* confirmat, nam ut *σωτήριον* dicitur non quod salutem datam in-

indicat, sed quod ipsam salutem efficit & procurat, καθαρτήριον, non quod purificationem declarat, sed quod tam operatur: Ita ἡλυσθῆναι absolute notat id cuius efficacia non indicatur tantum, sed conficitur ipsa propitiatio.

L VIII. Denique ad 8. Resp. Aliam esse *placationem hominum*, Aliam *Dei*, Illa potest quandoque fieri precibus cum iis homines se patiuntur demulceri, sed hæc nequaquam, quia iustitæ ipsius naturali repugnat peccatum planè impunitum dimittere, Ro. 1. 32. nec potest magis de hoc iure suo æterno & immutabili remittere quàm se ipsum abnegare, vel dominium suum in Creaturas exercere; Ita *placatio* hæc non fuit mere *deprecatoria*, sed etiam *satisfactoria*, ut quæ non facta sit precibus & persuasionibus, sed reali pretio sanguinis intercedente 1. Pet. 1. 18. 19. 1. Cor. 21. 20. nec Christus diceretur factus pro nobis ἱλασμός nisi quatenus se ipsum dedit pro nobis ἀντίλυτρον, & per se ipsum purificationem peccatorum fecit Heb. 1. 3.

L IX. Ex hisce omnibus autem ita disputatis clarum jam evadit, quod quærebamus, nimirum Christum verè pro nobis satisfecisse; Nam cum Mediationis inter Deum & nos munere functus sit, & hac sua mediatione nos redemerit, se ipsum pro nobis in ἀντίλυτρον dando, & hoc redemptionis pretium dando, nos Deo reconciliaverit odii & alienationis causas utrinque removendo, utique veram & plenissimam eum pro nobis satisfactionem Deo exhibuisse necessum est, quod demonstrandum fuit: Ceterum non ea tantum huic saluberrimo mysterio comprobando Argumenta sufficit nobis Scriptura, alia sunt plura quæ ne prolixiores sumus alias τὰν ὁ Κύριος θελήσῃ καὶ ζήσῃμεθι sumus expensuri. Jam enim tempus est ut manum de tabula ponamus. Tibi verò Domine Jesu, Potentissime Redemptor & Sospitator noster, qui nos dilexisti, & à peccatis omnibus nostris precioso sanguine tuo lavisti, sicut & Patri & Spiritui S. sanctissimæ & gloriosissimæ Trinitati sit honos, laus & gloria in secula seculorum. Amen.

EPIMETRA MISCELLANEA.

I. Scriptura sacra ita est per se ἀντίμωσθι ut nullatenus vel quoad se, vel quoad nos Authoritatem suam ab Ecclesia mutuetur.

II. Libero Arbitrio nunquam homo destituitur in quocunque demum versetur statu, rectè tamen aseritur nullum esse liberum Arbitrium in statu peccati.

III. Quamvis Providentia divina subsint Creaturarum peccata, tamen contra blasphemiam Deus author vel causa peccati dici nequit.

IV. Nulla datur mors naturalis.

V. In Justificationis negotio rectè distinguitur Imputatio Justitiæ à peccatorum remissione, ut causa ab effectu.

VI. Secessio nostra ab Ecclesia Romana iustissima fuit & summè necessaria.

DISPUTATIO QUARTA

Quæ Secunda est

D E

SATISFACTIONIS
CHRISTI VERITATE.

Respondente JOHANNE DE TOURNES Genevensi.

T H E S I S P R I M A.



RES hæcenus præcipuas Argumentorum Classes produximus & vindicavimus quibus *Satisfactionis veritas* demonstrari potest, ab Officio scilicet *Mediatorio*, geminoque ejus effectu *Redemptione* & *Reconciliatione*; *Quarta* jam succedit ea loca complectens quæ passionum mortisque causas ita recensent ut vel expressè vel per necessariam consequentiam eandem doctrinam secum trahant; Quia vero & numero sunt quamplurima, & pondere ac momento gravissima ut faciliùs singulorum vis & robur expendi queat, ea in tres ordines tribuimus. In primo ea excutiemus loca quæ *substitutionem personæ* inferunt, in altero quæ *commutationem debiti* notant, in tertio denique quæ & *personæ subrogationem*, & *debiti compensationem* clarissimè evincunt.

II. Et ad prius illud quod attinet non obscurè colligitur ex constanti Scripturæ sententiâ quæ Christum *ὡς περ ἑμῶν* mortuum esse non semel asserit sic Rom. vii. 1. 32. *Deus proprio filio non pepercit sed pro nobis omnibus illum tradidit* Rom. v. 6. 8. *pro nobis impiis & peccatoribus mortuus est* & 1. Pet. i. 11. 18. *Christus semel pro peccatis passus est Justus pro injustis*, Heb. ii. 9. *pro omnibus mortem gustavit* Matth. xx. 28. *Filius hominis venit ut ministraret & ut daret animam suam in redemptionis pretium pro multis*. Hæc enim & alia innumera loca similia vel sensum frigidum & incommodum fundunt vel subrogationem importare debent necessariò, ita ut non *bono* & *commodo* tantum nostro, sed & *vice ac loco* nostro Christus dirissimam illam mortem subierit.

III. Quanquam enim non diffitemur, varium ac multiplicem esse usum præpositionis *ὡς* apud Græcos & *pro* apud Latinos, camque non rarò fructum atque utilitatem tantum rei aut personæ quæ connotatur designare, quomodo Paulus ait Col. i. 24. *se reliquias afflictionum Christi pro Ecclesia adimplere* id est in utili-

utilitatem & bonum Ecclesiæ sive ad Ecclesiam suo illo constantiæ & patientiæ exemplo confirmandam & ædificandam, tamen ubi de Christi morte & passionibus agitur progrediendum est ulteriùs & altius quid ac sublimius attendendum, ut scilicet agnoscamus passum esse Christum non tantùm pro nobis erigendis & confirmandis sive utilitatis & commodi nostri causâ quatenus morte sua confirmavit doctrinæ quam tradiderat veritatem, sed etiam vice nostra i. e. ut ea patiēdo tanquam Sponsor noster quæ nos commeriti eramus nos à morte æterna liberaret, & liberatos porro ad æternæ vitæ possessionem perduceret, & ita cumulatissimè Divinæ Justitiæ satisfaceret.

I V. Hunc esse sensum phrasis istius multa demonstrant. 1. *ordinaria & frequentissima vocum istarum significatio*: nam receptum est in omni lingua ut cùm aliquid aliquis fecit aut passus est vice aut loco alterius, id pro illo passus aut fecisse dicatur; profani Scriptores Græci & Latini passim ita loquuntur, sic *Enripid.* in *Alceste*. *ἡγήσασθαι ὑπὲρ σέθεν* morior pro te *μη θνήσκει ὑπὲρ τῷ δ' ἀνδρὶ* *ἐδ' ἐγὼ πρὸς σὺ* ne moriaris pro hoc viro i. e. pro me *δεικνύεις*, neque ego pro te, quæ non aliter quàm substitutivè intelligenda argumentum tragædiæ, uxoris loco mariti jamjam morituri morientis docet; sic *Demosih.* pro Corona *ἐπ' ὅτι σὺν τῷ τῷ μακάριον δ' ἐγὼ τῷ δ' ὑπὲρ σὺ μίσσω* hoc interroga vel potius id tui loco faciam: sic apud *Terentium* pro illo te ducam, *Ego* pro te molam apud *Virgil.* unum pro multis dabitur caput apud *Cicer.* unus Cato est mihi pro centum millibus. Apud aucthores sacros nihil frequentius, *David* deslens obitum *Absaloni* filii. 2. *Samuel.* *xviii. 23.* *Absalon* fili mi quis tribuat mihi ut moriar pro te: i. e. utinam pro te & loco tuo mortuus essem *Gen. xlvii. 16. 17.* *Dixit Joseph* date pecora vestra & dabo vobis cibum pro pecoribus vestris. *Exod. iv. 16.* Alloquetur ipse pro te populum ut ipse sit tibi vice oris, tu vero sis ei vice Dei *Num. viii. 16.* *Levitas* dicitur Deus sibi assumpsisse pro omni aperiēte vulvam &c. Ita in *N. T.* *Rom. ix. 3.* *Paulus* optat fieri *ἀνὰ θεοῦ ὑπὲρ τῷ ἀδελφῶν* non tantùm in eorum gratiam, sed vice & loco ut qui exitio suo fratrum *Judaëorum* redimere vellet salutem, siquidem fieri posset & Deo ita luberet, hæc enim vota conditionata sunt non absoluta, utut conditio semper non exprimitur, quæ non inferunt statim facti possibilitatem, sed petentium demum exprimunt zelum & ardorem, sic *2. Cor. v. 20.* dicuntur *Apostoli* *legatione* fungi ὑπὲρ χριστοῦ i. e. non tantùm nomine & autoritate Christi, sed ipsius vice & loco, ac si *Deus* hortaretur per nos inquit. Denique, ne plurâ congeramus, *Rom. v. 7.* *vix pro iusto quis moriatur* &c. non in gratiam duntaxat iusti, sed ejus loco ut bene reddit *Syrus* per vocem *חַיִּים* quæ commutationem notat. Ex his verò & aliis non paucis locis istiusmodi colligimus solemnem esse & tritum in omni lingua usum hunc istarum præpositionum à quo recedere religio nobis esse debet quum nihil nos cogit, imò multa eò nos evidentissime manuducunt.

V. Nam & illud 2. evincitur certissime ex præpositione *ἀντὶ* quæ in hoc argumento etiam adhibetur *Matth. xx. 28.* dicitur venisse *Christus* ut daret animam

nam suam *λύτρον ἀντὶ πολλῶν* & Marc. ix. 25. hæc quippe communissimè & maximè propriè substitutionem & commutationem designat, ut Disp. præced. Th. xxvi. jam probavimus, & luculentius ex locis sequentibus demonstrari potest, sic I. Cor. xi. 15. *Coma dicitur data mulieri ἀντὶ ὡραίου* i. e. velamenti loco, Luc. xi. 11. *μη ἀντὶ ἰχθύος* ὁ ἴσθιν ὁπώσεν αὐτὸς *an loco piscis dabit illi serpentem*: sic Rom. xii. 17. Matth. v. 38. &c. potissimum verò cum de personis agitur significat ea particula alterum successisse in alterius locum ut Matth. 11. 22. Archelaus dicitur regnasse *ἀντὶ Ἡρώδου τοῦ πατρὸς αὐτοῦ* loco Herodis patris sui; & Matt. xvi. 27. jubetur *Petrus dare staterem pro se & Christo ἀντὶ τοῦ στέ* neque aliter apud prophanos Scriptores *ἓς ἀντὶ πολλῶν* dicitur unus loco multorum, quæ tam clara sunt ut nullâ sophisticâ possint eludi: Nam quæ Adversarii effugia hic captant ut vocis istius pondus elevent, levia sunt admodum & straminea; Crell. contra Grot. pertendit particulas *ἀντὶ* pro *ὑπὲρ* & *ἐνεκα* simpli. poni sæpe ex Doctiorum sententia ut Luc. i. 20. & xix. 44. Matt. xix. 5. & Ephes. v. 31. Sed licet concederemus aliquando eo sensu venire cum rebus applicatur, at cum ad personas refertur non aliter quàm substitutivè intelligi posse jure statuimus. Addit 2. nos in eo decipi quod putemus agi de commutatione inter Christum & Nos in locis controversis quasi sensus esiet, cum nos animas nostras essemus daturi, Christum loco nostro animam suam dedisse, cum commutatio notetur quidem, sed inter rem & personas, inter *λύτρον* quod est anima seu vita Christi & inter nos tanquam captivos; quis verò dixerit sanguinem Christi pro nobis subrogatum aut in locum nostrum successisse? Sed ipse turpiter fallitur dum alios falli contendit, nam ea non sunt verba nostra, sed Scripturæ ipsius quæ commutationem illam inter Christum & nos statuit dum expressè dicit Christum *se ipsum dedisse pro multis* Matth. xix. 28. vel *pro nobis* Tit. 11. 14. & *justum pro injustis passum* 1. Pet. 111. 18. itaque commutatio duplex hic attendenda alia *rei* alia *personæ*, in ista Christus locum nostrum subiit, in illa mors nobis debita compensatur per mortem Christo vadi nostro impositam, & hæc quidem in sequentibus demonstrabitur, sed prior clarè ostenditur ex ea phrasi quâ Christus vel *ἀντὶ* vel *ὕπὲρ ὑμῶν* mortuus dicitur. Deinde cum *λύτρον* ipsum quod inter nos commutatum esse fatetur Adversarius aliud non fuerit quàm persona ipsa Vadis nostri, se ipsum enim tradidisse dicitur, frustra distinguitur commutatio inter rem & personas. 3. si commutatio ea notatur quæ est inter pretium & personam pretio redemptam, vera inferitur satisfactio, nihil enim nobis satisfacere aliud est quàm pretium ab alio debitum persolvere ita ut debitor eo liberetur, atque hoc clarè innuunt verba Pauli 2. Cor. v. 14. *si unus pro omnibus mortuus est* E. omnes sunt mortui non obscurè scil. designans ita Christum omnium electorum loco substitutum esse, ut mors quam pro ipsis sustinuit ita iis imputetur ut eodem loco habeantur ac si ipsimet essent mortui, & morientes pro peccatis suis satisfecissent. Hoc verò posito nimirum Christum in locum nostrum successisse & pœnas nobis debitas tulisse faciliè colligitur satisfactio-

factionis veritas, quippe si loco nostro constitutus id ipsum quod debebamus mortem scilicet perpeſſus eſt ut nos ab eâ liberaret, utique neceſſe eſt cum verè ſatiſfeciffe, nam dare id ipſum quod alter debebat ut per id ipſum à debito liberetur & eo dato ipſo factò cum liberare eſt ſolvere aut ſatiſfacere.

V I. 3. Non aliter phraſim hanc in ſubjecta materia intelligendam eſſe ex eo etiam probatur clariffimè quod ea proponitur tanquam *Chriſto propria & peculiaris* quæ ita ipſi competit ut alteri tribui haudquaquam poſſit ſine ſumma in Chriſtum injuria, dicitur enim ille *unus pro omnibus mortuus* 2. Cor. v. 14. & hoc ponitur tanquam ſummi amoris teſtimonium certiffimum cui alius nullus æquiparari nedum præferri poſſit Joh. xv. 18. unde Paulus 1. Cor. i. 13. hoc tanquam Chriſto ſoli proprium cæteris verò omnibus incommunicabile longiſſimè à ſe removet, *An Paulus pro vobis crucifixus eſt?* Jam verò ſi phraſis hæc tantum designaret commodum, & mors Chriſti utilitatis duntaxat gradu diſſerret à morte Apoſtolorum non proprio ſine ſegregaretur, falſa eſſent hæc Scripturæ dicta, cum certum ſit & Paulum & Martyres multos mortuos eſſe eatenus pro fidelibus, id eſt in eorum utilitatem & gratiam. Nam quæ diſcrimina hîc ruſpatur Adverſarius li. de *ſerv.* li. 2. c. 8. ut attributionem iſtam detrahat fidelibus & ſoli Chriſto eat tranſcriptum, vel nullius planè ſunt commatis, vel argumentum fortiùs ſtringunt: Contendit ſiquidem Chriſto non cæteris hanc phraſim ritè tribui quia Chriſtus primus omnium pro omnibus mortuus eſt, ita ut quicquid ex cæterorum morte vel afflictionibus beneficii ad nos redundat id omne Chriſto acceptum referri debeat. At, inquam, ſi diſcrimen tantum eſt ordinis aut gradus non negaretur ſtatim res ipſa, non poſſent ſanè dici *primò* pro nobis crucifixi & mortui fideles aut Apoſtoli; ſed poſſent tamen pro nobis dici crucifixi, ſiquidem ſinis mortis Chriſti non diſert quoad ſpeciem, ſed tantum quoad gradum: at Paulus non negat tantum prioritatem ordinis vel gradus, ſed rem ipſam tollit tanquam alienam, & ſoli Redemptori ac Domino in cujus nomen baptizamur propriam. *An Paulus pro vobis crucifixus? vel an in nomen Pauli eſtis baptizati?* colligens ſcilicet non alium pro nobis crucifixum poſſe dici niſi Dominum Jeſum in quem ideo propter juſ quod in nos acquiſiſvit rectè baptizari dicimur: Quod verò ſubjicit ſecundò ideo propriè hoc de Chriſto prædicari quia *propriè & verè* is pro aliquo mori videtur qui morte ſua illum in vita conſervat & à morte eripit, quod morte ſua fecit Chriſtus, nemo autem præter ipſum aut fecit aut facere poteſt. Vel nihil ad rem facit vel ſententiam noſtram luculenter confirmat: Nam cum Chriſtus à morte nos eripere vel ad æternam traducere non poſſet vitam niſi pœnas nobis debitas ſub-eundo & λύτρον dando pro nobis; utique ſi per mortem nos à morte eripuit & ad vitam traduxit, pro nobis ſatiſfeciffe dicendus eſt; neque utilitas ulla qualiſcunque demum illa ſit ſine ſubrogatione poterit phraſim hanc Chriſto peculiarem reddere.

V I I. Denique hanc mortis Chriſti pro nobis yim ſatiſfactoriam circumſtan-

tia ipsa locorum adstruunt evidentissimè. Neque enim dicitur tantum mortuus pro nobis Christus, sed datus ut nos redimeret Tit. 11. 14. ut nos justificaret & Deo reconciliaret, Rom. v. 10. ut à peccatis mundalet omnibus & Deo in æternum consecraret, Heb. ix. 14. & x. 10. 14. ut victima quæ peccatoris ipsius vicem subit & mortem illi debitam sustinet Eph. v. 2. &c. quæ sanè perperam dicerentur nisi substitutio & ex substitutione pœnæ inferretur compensatio; Unde jam colligere possumus argumentum: Is enim qui non bono tantum nostro & commodo, sed vice etiam & loco nostro, mortem crucis perpassus est, Servator est non exemplo tantum, sed & merito, nam peccatorum vicem subire ut ipsi salventur, non est tantum exemplum dare, sed & meritum exhibere. At Christus hoc ipsum pro nobis præstitit. E.

VIII. Excip. hic 1. Non posse Satisfactionem ex istiusmodi locis inferri quia etiam fideles pro fratribus animas ponere jubentur 1. Jo. 111. 16. & Paulus de se scribit Col. 1. 24. *se implere reliquias passionum Christi* ὑπὲρ τῶν σῶματ' *pro corpore ipsius quod est Ecclesia.* At certum est tamen nec fideles pro fratribus nec Paulum pro Ecclesia cuiquam satisfacisse aut satisfacere posse. 2. si Christus loco nostro mortuus fuisset & passus, non possemus eidem mortis & passionum generi subijci, & ad animam nostram effundendam non minus illo incitati, siquidem loco nostro patiendò supponitur ab ea necessitate nos exemisse; at Christus ipse nos ad id hortatur non semel Matt. x. & Luc. ix. 23. *si quis vult venire post me abneget semet ipsum & tollat crucem suam &c.* & Apostoli exemplum hoc ad imitationem sæpius proponunt Heb. 11. 9. 10. & 1. Pet. 11. 20. *In hoc passus est Christus relinquens nobis exemplum ut sequamur ejus vestigia.* 3. vis istius locutionis ex alia simili colligi debet cum dicitur Christus mortuus & traditus *pro peccatis nostris*; ut ergo phrasis ista non infert Christum loco peccatorum nostrorum mortuum esse, sed tantum peccatorum nostrorum causâ sive propter peccata nostra ut alibi dicitur; ita nec dicendum erit substitutum cum fuisse in locum nostrum, etsi pro nobis fuerit mortuus, sed tantum nostri gratiâ & propter nos ut dicit Apost. 1. Cor. viii. 11.

IX. Sed peccant hic more suo hæretici falla. *ἡ δὲ τὸ ἐμὲρον* quasi eadem phrasis sensu eodem semper usurpari deberet, cum tamen nihil sit frequentius quàm eandem vocem diversissimas obtinere significationes pro materia subjecta & locorum circumstantiis, quamvis ergo probarent præpositionem hanc de qua quærimus alio sensu alibi venire nec substitutionem semper notare, sed vel occasionem duntaxat vel commodum, quod faciliè illis largimur, frustra erunt tamen nisi in locis citatis & hoc in argumento ita usurpandam esse evincant quod nunquam vel ex rationibus vel ex exemplis allatis sunt consecuturi. Nam ad primum ut respondeamus cum sensu valde dispari dicat Scriptura *Nos pro fratribus mori debere & Christum pro nobis mortuum esse* perperam ab uno ad alterum argumentantur, quasi non alio sine Christus mortuus sit pro nobis quàm eo quo pro aliis si opus sit, id est si Dei gloria & proximi salus postulet mortis periculum

lum subire tenemur; nam pro aliis mori debemus in quantum salutis ipsorum prodesse possumus, non possumus autem hactenus prodesse ut pro iis ἀντὶ τῶν ἑαυτῶν pendamus vel eos ab aeterna morte liberemus Ps. xli. 8. quod utrumque Christus & præstare potuit & revera præstitit 1. Tim. ii. 6. Heb. ii. 14. fratres nostri non possunt sanguine nostro Deo reconciliari, at sanguine Christi Deo sumus reconciliati Ro. v. 10. denique nemo potest morte sua proximum Deo consecrare & à peccatis mundare quod utrumque tamen moriendo Christus pro nobis implevit. Heb. x. 14. 1. Jo. i. 7. Itaque Joh. confert mortem Christi pro nobis, & mortem nostram pro fratribus καὶ ὃν non ἀπὸ τῶν, secundum finem aliquem, non secundum omnes, secundum *charitatis exemplum*, non verò secundum *satisfactionis meritum*. Nimirum quod ritè tenendum est Christus pro variis quæ pro nobis sustinet numeribus varias etiam *glorias* induit, & pro variis illis relationibus, mortis ejus varii esse fines possunt qui quanquam diversi, contrarii tamen non sunt sibi invicem, sed subordinati; ut ergo tria exequi debuit ad salutis nostræ complementum. 1. *justificationem coram Deo* peccatorum reatum tollendo. 2. *sanctificationem in nobis* labem & maculam eorundem abstergendo. 3. *glorificationem* omnimodam iustificatos nos & sanctificatos per bonorum operum viam ad vitam & felicitatem perducendo: Ita triplicem ille *gloria* subiit, Primam *Vadis* & Sponsoris qui satisfaceret Heb. vii. 22. Secundam *Ducis & Capitis* quod influeret Eph. i. 22. 23. Tertiam *Doctōris & fratris primogeniti* qui dirigeret & præiret Joh. xv. 12. & Rom. viii. 29. illam quæ *Sacerdos* implere debuit merito, istam quæ *Rex efficacis*, hanc denique quæ *Propheta doctrinæ & exemplo*. Juxta tres autem illas rationes triplicem etiam mors Christi finem obtinere potuit. 1. *Justitia divina satisfactionem* ad peccatorum jam admissorum expiationem, de qua loca sunt Heb. ix. 15. Matt. xx. 28. xxvi. 28. Eph. i. 7. 2. *Spiritus Sancti impetrationem* ad labis inharrentis purgationem & peccatorum futurorum averruncationem, de qua mentio fit Heb. ix. 14. 1. Pet. ii. 24. 3. *charitatis, patientia*, humilitatis, obedientiæ, cæterarumque virtutum ad sanctificationem promovendam perfectissimam *demonstrationem* ad quam respiciunt loca Phil. ii. 5. 6. 7. 1. Pet. ii. 21. Joh. xv. 12. Eph. 5. 2. 1. Joh. iii. 16. Unde diversimodè *mors Christi* pro variis illis finibus spectari potest, vel ut *satisfactoria* & fidei objectum, vel ut *efficax* & spei fulcrum, vel ut *Idealis* & imitationis exemplum; ratione illius justificationis causa est & fundamentum 2. Cor. v. 14. Gal. iii. 13. 14. ratione istius Sanctificationis radix est & principium. Rom. vi. 4. 5. 1. Pet. iv. 12. ratione hujus Vitæ Christianæ norma & incitamentum 2. Cor. iv. 10. Phil. ii. 5. Quoad primum & secundum ita soli Christo propria est ut cæteris omnibus incommunicabilis meritò dicatur. 1. Cor. i. 13. adoranda non imitanda, quis enim mortalium ad instar Christi vel peccati reatum tollere, vel Spiritum mereri & conferre queat? At quoad 3. tanquam *exemplaris* nobis proponitur, utpote qui prædestinati sumus ut imagini ipsius simus conformes Rom. viii. 29. prius in cruce quam in gloria, in sanctitate quam in felici-

tate, in morte quàm in vita. Hinc pro variis quæ in morte Christi eluxerunt virtutibus modò ad hanc, modò ad illam, modò universè ad omnes incitatur. 1. Pet. 11. 21. in patientiæ & tolerantie proponitur exemplum, quia ibi ut ex serie patet de passionibus fidelium agebatur. Paulus ad Ro. vi. ex ea petit argumentum ad totius sanctificationis studium commendandum, quia in eo erat, ut alterum hoc beneficium à Justificatione fluens describeret; quia verò Johannes dilectus Christi discipulus totus in charitate promovenda versatur non aliunde fortius & efficacius exemplum petere potuit quàm ex ejus pro nobis morte. *In eo, inquit, cognoscimus charitatem Dei, quod ille animam suam pro nobis deposuit, nos igitur debemus pro fratribus animas ponere*, ut significet nimirum charitatem Christianam eo usque exemplo Christi extendendam esse non solum ut in verbis consistat vel amicitie professione, sed ut sui etiam quisque obliviscatur ut fratribus consulat.

X. Cæterùm quod Apostoli hinc hortationum suarum argumentum petunt, quod Christus pro nobis mortuus est, non propterea faciunt ut ostendant nos eodem planè modo & sine quo Christus pro nobis passus est debere etiam pro fratribus pati, nam argumentantur à simili aut exemplo: Jam autem ad exemplum sufficit si generalis quædam adsit similitudo etsi longum latumque in modo speciali intercedat discrimen, sic perfectio Dei nobis in exemplum proponitur Matt. v. 46. *Estate perfecti sicut Pater vester qui est in celis perfectus est*; quamvis certissimum sit perfectionem divinam ab humana in speciali ratione longissimè discrepare, sic Johannes dum vult ad charitatem hortari quia nullum fortius & illustrius exemplum dare potuit, dedit exemplum Christi, sed non statim in omnibus imitandum, etiam iis quæ sunt *accidentia* & illi propria, puta peccatorum expiatione & Justitiæ divinæ satisfactione, (hoc enim Apostolus nunc quidem non respicit) sed in aliis communibus puta charitatis & benevolentie demonstratione qui Johannis fuit proprius ac genuinus scopus: fateamur ergo mortem & passiones Christi cum nostris convenire posse in generalibus, ut eas adeamus non sicut ac Christus ex charitate & benevolò erga fratres affectu, ut eas pariter feramus patienter & sine murmure: sed differentia semper longe maxima in specialibus occurrit, siue causam efficientem respicias, ille enim percussus est à Deo Iudice, nos à Deo Patre castigamur, siue passionum naturam & gradum, ille enim calicem indignationis divinæ ebibit usque ad fæces, nos summis labris tantùm degustamus & quidem sublato jam maledictionis amaritudine, siue finem, ille ad satisfactionem, nos ad medicinam, ille ad servorum redemptionem, nos ad fratrum sanctificationem, unde patet neutrum ex istis vel Petri vel Johannis locis vim phrasium illius infornare ex qua satisfactionem eliciamus.

XI. Sed nec tam infringit melius locus alter Pauli ad Coloss. 1. 24. ubi proficitur *se reliquias passionum Christi supplere pro corpore ipsius*. 1. Supponitur eorum Adversarius contra Pontificios nullam à Paulo præstitam fuisse satisfactionem quod suo loco demonstratum sumus, & passiones Christi non proprie intelligenda

das esse eas quas in corpore suo naturali perferendas habuit, sed de iis quas in corpore mystico nimirum Ecclesia patitur; quomodo Paulus, 2. Cor. 1. 7. vocat *ῥεῖσιν καὶ θανάτοις* afflictiones quibus ad sui similitudinem fideles suos exercet, & ad Hebr. xi. 26. abjectam populi Israelitici sortem quam Ægyptiacæ aula splendori & opulentia prætulit Moses *ῥεῖσιν ἐνεδίδου* appellare non dubitavit. 2. fatemur Paulum dici passum *pro Ecclesia*, non *redimenda*, sed *adificanda* & *confirmanda*; non satisfaciendo apud Deum, sed veritatem obsignando apud homines, non Ecclesiæ loco & vice se substituendo, (sic enim unus pro omnibus mortuus dicitur 2. Cor. v. 14.) sed commodo ac bono ipsius obeundo quod Paulus ipse explicat 2. Cor. 1. 6. *five premimur ὑπὲρ τῆς ὑμῶν ἀσθενείας hoc fit in vestram consolationem*: quippe ut Ecclesia occasio fuit vinculorum ejus, quia dum ex imposito à Christo munere illi ministrare studet in carcerem conjectus fuerat & Romanam traductus non sine magnis horrendis periculis, ita magna ad eam redundabat inde utilitas; non dubitandum enim quin vincula & passionibus illæ quas tam constanter sustinebat mirum in modum pios confirmaverint ut proficetur ipse Phil. 1. 12. 13. Sed à Paulo ad Christum non valet consequentia, longè enim aliter Paulus patitur pro Ecclesia, aliter Christus pro nobis; Christus enim non tantum pro nobis adificandis vel confirmandis, sed redimendis & reconciliandis mortuus dicitur, quod procul à se removet Paulus; Christus mortuus est pro nobis ut Satana & morte devictis nos à mortis imperio liberaret, at nihil tale Paulus vel cogitavit unquam vel perfecit.

XII. Ad secundum Distinguendi varii fines & formales rationes propter quas patiuntur & moriuntur adhuc fideles: Sanè si Christus ea mala pro nobis perpeffus est non debemus ex Justitia iisdem gravari, eodem scilicet modo & fine *sub ratione pœnæ* & *λύτης* ad satisfaciendum Justitiæ divinæ, hoc enim Christus ita præstitit plenissime, ut qui alium illi vel socium vel vicarium adjungeret, horribilis blasphemus reus esset, sed nihil obstat fideles iisdem malis exerceri, sed ad alios fines, non ad pœnam sed *ad medicinam*, non ad supplicium sed *ad pietatis experimentum*, non ad exitium & ruinam, sed *ad immortalitatis instrumentum*; sic rem materialiter unam variant causæ, fines, usus, circumstantiæ: Crux facinoroso sceleris supplicium est; Martyri eadem non pœna sed certamen; non supplicium sed victoriæ materia est, mors impiis peccati pœna, piis quibus condonata peccata sunt pœna non est, hunc ei aculeum ademit Christus, sed ad vitam transitus: Ita quia Christus legem pro nobis implevit, & implendo jus vitæ acquisivit exolvimur à necessitate implendi legem quoad meritum, nec enim amplius bene operari tenemur ad justificationem consequendam; sed tenemur tamen semper ad obedientiam Legis ad sanctificationem promovendam & gratitudinem nostram contestandam: Non aliter de morte Christi & passionibus philosophandum est, quia Christus pro nobis mortuus est & passus non amplius morti maledictæ quam ipse tunc obnoxii sumus, nulla enim amplius est condemnatio iis qui sunt in Christo. Rom. viii. 1.

nec passiones ulla pœnales Justitia nobis imponit; sed castigatorias tamen vel probatorias multas immittit Sapientia, ut ita membra Capiti, in cruce priusquam in gloria conformentur, quemadmodum Princeps ille salutis per varias conflagrationes afflictiones ad summum gloriæ fastigium evasit, & vitam per mortem adiit, ita hic est Sapientiæ divinæ ordo mirabilis, ut per multas tribulationes ingrediamur regnum cœlorum, nec ullus *ἀνταρμι* felicitatis coronam *ἀνταρμι* sine sudore & sanguine reportare queat; Hac viâ primus prævit Christus, hac sequi nos omnes decet nisi degeneres tanti parentis filii haberi volumus; propterea toties Spiritus S. ad crucem fortiter post Christum & ad ejus exemplum ferendam fideles hortatur.

XIII. Quod verò tertio objicitur ex simili phrasi cùm dicitur Christus mortuus *pro peccatis nostris*, vel *propter peccata nostra* ut Rom. IV. 25. Gal. I. 4. quod tamen ad substitutionem loco peccatorum trahi non potest, huc non pertinet; Etenim cum prædicata talia sint qualia permittuntur esse à suis subjectis, sit autem ridiculum aliquem dici loco peccatorum mortuum; Res ipsa sive subjectum nullatenus fert ut Christus vice peccatorum dicatur mortuus sive ad ea liberanda, sed mortuus est *pro iis* scilicet *expian*dis & *tollendis*: est enim Agnus Dei tollens peccata mundi Joh. I. 29. & primò apparuit ut peccata nostra tolleretur, Heb. IX. 28. id est ferendo auferret; at *pro nobis redimendis & salvandis* mortuus est. Itaque peccata fallac. figuræ dictionis, quasi eadem particula vim eandem ubique obtineat cum diversitas subjecti diversum sensum postulet, & per se pateat aliter *pro*; *re* dici aliquem mori, aliter *pro persona*, quod ex sequentibus clarius adhuc liquebit.

XIV. Nam etsi præpositio hæc peccatis juncta substitutionem non inferat, suum tamen aliis addita pondus non exiguum habet ad satisfactionis veritatem comprobendam: Quippe cùm bifariam usurpetur vulgò vel *pro causa efficiente impulsiva* Rom. XV. 9. ut *Gentes* *ὡς* *ἐλπίς* *pro* misericordia sua Deum glorificent, & Phil. II. 13. Deus *efficit* velle & *perficere* *ὡς* *τῆς* *ἐκδοχῆς* *pro* beneplacito, vel *pro finali* ut Joh. VI. 51. *Caro mea est quam dabo* *ὡς* *τῆς* *ἰσ* *ῥογῆς* *ζωῆς* *pro* mundi vitâ hic enim hujus donationis finis est citra controversiam; Alterutra significatio locum habet hic necesse est, posteriorem nonnulli sequuntur ita ut *pro peccatis* idem sit ac *pro expiatione peccatorum*, sed quia non satis videtur Scripturæ phrasi convenire; nam neque peccata nostra & expiatio eorum sunt idem, sed penitus diversa utpote subjectum & accidens illius, neque significatio hæc seorsim sumpta ullo Scripturæ usu demonstrari poterit; Ideo commodior sensus alter ut *Causa efficiens impulsiva & meritoria mortis Christi* significetur, nam cùm agatur de pœna, peccata pœnæ causa non sunt, nisi per modum meriti, sic apud Lat. Cicero *ulisci* *pro* injuriis, supplicia *pro* maleficiis metuere dixit. Plautus *castigare* *pro* commissa noxâ. Terentius *pro dictis & factis* *ulisci*, Trita etiam est phrasis Scripturæ ut *sacrificium* *pro* peccato

catur i. e. ob peccatum perpetratum, ut sapissimè hoc occurrit apud Mosè & præsertim Levi. vi. sic mori & *perpeti pro peccatis* vel propter peccata ex stylo Spiritus S. est subire ac luere pœnam & *παισιαν* peccati Levit. xvi. 18. 28. Deut. xxiv. 16. 2 Reg. xxi. 26. Et res ipsa id evincit: nam peccata nostra quatenus ex Justitiæ divinæ rigore mortem merebantur Christum moverunt ut se pro nobis offerret & pœnam peccatis nostris debitam in se reciperet, nec verò ostendi poterit uspiam voces istas *ob peccata*, vel *propter peccata*, *pro peccatis*, præsertim ubi morti & passionibus junguntur aliter sumi in Scriptura quam in hoc meriti significatu. Nam etsi daremus priorem significatum respici, non intelligi posset tamen seorsim sine posteriori hac *σχίστη*, siquidem nunquam finaliter pro expiatione & abolitione peccatorum mortuus esset, nisi peccata causa fuissent impulsiva & meritoria ejusmodi passionum. Cæterùm etsi peccata nostra intercedente reatu mortem mereantur; causa tamen impulsiva mortis Christi statuuntur non absolute ac per se seu vi suâ respectu Christi; nihil enim peccatum in ipsum potuit qui fuit sanctissimus, sed per accidens concurrentis gratiæ Dei, & misericordiæ Christi erga nos, quâ Vadem se pro pœna peccato debita exhibuit tanquam Sponsor & Mediator N. T. Heb. vii. 22. & ix. 15. Atque hinc non obscure colligitur quod intendimus. Nam si propter peccata dicitur passus, i. e. illorum demerito & reatu, reatus autem ille sive demeritum ad mortem obligare cum non potuit, nisi in quantum ipsi tanquam Vadi ex ordine Dei imputatum est, utique nequit Christus hoc sensu passus fuisse pro peccatis nostris, quin moriendo pro nobis & reatu nostras sustinuerit, & hanc suam passionem, quæ pœna fuit nobis debita, loco nostro *subiret*.

XV. Nolunt tamen eam hic agnoscere Adversarij, & ut omnes fortius severtunt ut pondus istius argumenti quacunque tandem ratione elevent: Ideo 1. causam finalem hic urgent quasi Christus non alio sensu dicitur passus & traditus pro peccatis quam ut nos ab illis abstraheret, ad sceleris odium, & ardentissimum virtutis studium hoc pacto nos incitando, quod ex iis videtur probari locis quibus pietatis & novæ vitæ studium proponitur tanquam mortis Christi finis & fructus præcipuus, ut cum dicitur *traditus pro peccatis* ut ex præsentis seculo malo nos *emperet* Gal. i. 4. *ab omni iniquitate redemisse & purificasse ut simus populus peculi* Tit. ii. 14. *mortuus pro nobis ut non amplius nobis vivamus* &c. 2 Cor. v. 14. *passus pro peccatis iustus pro iniustus ut nos ad Deum adduceret* 1 Pet. i. 18. & ii. 24. *subisse peccata in corpore suo super lignum ut mortui peccato vivamus* Justitiam sic Heb. ix. 15. &c. 2. finaliter dici potest pro iis mortuus, quia moritur ut de eorum condonatione nos certos faciat, & ejusdem nobis largiendæ amplissimam potestatem consequatur. 3. licet causa antecedens hic esset intelligenda, occasio tantum connotaretur, sed quæ nec satisfactionem importat nec pœnam proprie dictam; non satisfactionem ut vel ex hoc 1 Reg. xiv. 16. loco patet ubi dicitur *Jehova traditum Jeroboam qui peccavit & peccare fecit israelum*. neque

que enim plebitur Israel ut satisfaciatur pro peccatis Jeroboam sed tantum ejus peccatorum occasione & causa : Quod si quis regerat saltem punitum posse dici Israellem propter peccata Jeroboam , respondetur statim hoc non ex vi phrasios posse exculpi , sed ex materia subiecta ; nam sæpe castigationes hujusmodi propter peccata inferni , quæ nec satisfactionem nec pœnam involvunt , ut David non leviter propter adulterium & homicidium à Deo punitus est , qui tamen pro ipsis non satisfecit ; sic Psal. xxxix. 11. *In increpationibus propter iniquitatem corripis hominem* non hoc vult puniri hominem à Deo ut Divinæ Justitiæ satisfaciatur pro iniquitate sua , sed tantum cum causâ & occasione iniquitatis à Deo affigi ut discat ab iniquitate recedere ; sic *Soci. lib. 2. c. 7. Volkelt. lib. 3. cap. 28.*

XVI. Sed quis non videat mera esse subterfugia quibus eadem semper oberrant chordâ , quasi necesse sit phrasim aliquam ubique eodem sensu usurpari , quod innumeris exemplis confutari posset ; Neque verò causa finalis eo quem intendunt sensu sine gravissima absurditate urgeri potest 1. quia non dicendus esset pro peccatis passus , sed pro eo quod maxime peccato repugnat ejus scilicet destructione vel remissione , quis verò dixerit unquam pharmacum sumi propter morbum , id est morbum esse finem vel medicamenti vel medici , etsi illud misceatur sanitatis restituendæ & morbi expellendi gratiâ ; non dicitur agere propter morbum medicus in ordine causæ finalis , sed è contra propter morbi expulsionem & sanitatem si finis spectetur , & propter ægrum si finis attendatur. 2. omnis finis habet rationem boni , & sub illa ratione expectabilis est , at peccata nullam talem rationem induere possunt cum Christus dicitur pro iis mortuus. 3. finis nondum est actu quum efficiens propter eum operatur , at peccata jam existebant vel ut existentia considerabantur in causæ ratione , nec enim mortuus est ut sint vel fiant peccata , sed quia erant ut destruantur. 4. Non negamus studium novæ vitæ & Sanctificationis esse consequentem fructum mortis Christi , nam cum venerit ad destruenda opera diaboli non poterat ea tollere plane nisi cum reatu tolleretur etiam labem & maculam , ideo non cum sanguine tantum dicitur venisse , sed & cum aqua 1. Joh. v. 6. cum sanguine expiationis , & cum aqua ablutionis , ita ut in ejus morte habeamus & λύτρωσιν & λουτρον ; Justitia factus est & Sanctificatio , atque eò respiciunt illa omnia loca quæ pietatis studium deducunt ex Christi morte : Sed non sequitur etsi mors Christi etiam ad præcavenda peccata quæ possent committi extenditur , E. peccatorum commissorum illa non fuit Satisfactio & expiatio proprie dicta ; Aliter enim respicit peccata commissa ut remissionem eorum nobis impetret , aliter ea quæ futura sunt & possunt committi , ut ab illis nos abstrahat : Illorum remissio debetur morti Christi ut *sacrificio propitiatorio* in quo vicinas luit ipsis debitas , horum præcavens & remotio eidem morti debetur , ut *sacrificio meritorio* quo nobis sanctificationis gratiam & Spiritus donum obtinuit ; ad priora mors Christi est remedium therapeuticum , ad posteriora nonnisi prophylacticum , qui diu usus notantur

Tit. II. 14. redemit ab iniquitate admissa & purificat ut in posterum simus populus peculiaris Rom. v. 10. reconciliat per sanguinem & salvat per vitam, quod sicubi secundarius finis notatur pro loci circumstantiis, non excluditur tamen sed supponitur primarius ex quo alter necessariò pendet, siquidem nullum donum à Deo obtinere potuit nisi posità prius satisfactione.

XVII. Quod si dici non potest mortuus pro peccatis ut nos scilicet ab iis abstraheret, multò minus ut nos de eorum remissione certos redderet; quia aliud est pro peccatis mori, aliud pro certitudine remissionis peccatorum demonstranda; neque unquam dictum fuit aliquid fieri finaliter pro aliquo malo quod sit propter certitudinem ingenerandam mentibus nostris de illius mali cessatione & ablatione: fiducia sanè illius obtinetur quidem ex morte Christi, sed eatenus tantum quatenus eorum remissionem reapse in cruce obtinuit pœnas nobis debitas ferendo, ita ut jam persuasi simus nos redemptionem habere in ipsius sanguine hoc est remissionem peccatorum ut inquit Ap. Eph. 1. 7. Quod verò addunt insuper mortuum esse pro peccatis ut remissionis peccatorum nobis largiendæ amplissimam potestatem consequeretur, longè est absurdus: nam si ad fidem faciendam remissionis peccatorum Christus mortuus est, ut jamjam dicebant, certè remissio illa debet esse prior, saltem ratione morte Christi, id enim de quo per aliquid aliud certiores reddimur ordine naturæ prius est sui ipsius certioratione; at si duntaxat mortuus est ut consequeretur potestatem largiendæ remissionis, utique hæc remissio posterior debet esse morte, quia omnis effectus posterior est suâ causâ. Quid quod si Christus pro obtinenda illa potestate mortuus esset non habuisset illam antea, at certum est Christum in terris agentem hanc potestatem non sibi vindicasse tantum, sed etiam præsentissimo & potentissimo miraculo comprobasse Matt. 1 x. 5. 6. quod factum ab eo non fuisset, nisi Jus illud atque autoritatem obtinuisset: fateor exercitium remissionis pendere ex mortis Christi vel jam præteritæ vel adhuc futuræ efficaciâ, nemini enim remitti possunt actû peccata nisi Christus id morte suâ meritus sit; at Jus & potestas haudquaquam fructus est mortis, sed proprietas divinitatis, non potest remittere quia moritur, sed quia filius Dei est, imò Deus ipse cui soli condonare peccata competit. Marc. 11. 17.

XVIII. Ad tertium Resp. 1. per retorsi. Si Christus occasione peccatorum mortuus est E. non tantum finaliter pro peccatis, occasio enim antecedit & finis sequitur rei executionem. 2. Christus mortuus est pro peccatis ut sacrificium fiebat pro peccato, at peccatum non occasio duntaxat, sed vera causa fuit hominem impellens ad sacrificii oblationem, occasio enim non connectitur nisi per accedens cum effectu; at effectus hic sequitur per se & peccati sensus hominem ed impulsit necessariò, E. & Christus mortuus dici debet propter peccata non occasionaliter tantum sed & demeritoriè. 3. falsa hypoth. nititur quasi ex hac phrasi præcisè eliciamus satisfactionem Christi, cum hic tantum causam impulsivam meritoriam urgeamus, ex qua legitimâ consequentiâ deducimus

postmodum sententiæ nostræ confirmationem, ut antea dictum & dicetur adhuc plenius in sequentibus; Neque contrarium potest evinci ex locis allatis, nam ad primum quod attinet 1. Reg. xiv. 16. sive per peccata illa Jeroboami propter quæ traditurus erat Deus Israël, intelligamus, peccata Jeroboami ipsius qui turpiter à Deo defecerat, sive genus ipsum peccati Idololatriam scilicet cujus author populo fuerat Jeroboamus, quod notant sequentia *quibus peccavit & peccare fecit Israël*, hæc enim verior & commodior est expositio quàm altera Socii dum vertit *qui peccavit & peccare fecit*, sive utrumque quod omnino verius est complectamur, non desinit tamen causa impulsiva hic locum habere, nam peccatum illud cujus author erat Jeroboamus, & imitator populus traditionis istam pœnam omnino merebatur, unde Deus jure populum hunc & propter sua & propter aliena peccata quorum imitator erat castigare potuit, neque mirum hoc videri debet aut insolitum Adversariis cum & ipsi fateantur *puniri aliquem posse etiam ob peccata aliena dummodo culpa sit affinis* Soci. lib. 2. cap. 7.

XIX. Alter verò quem urgent locus tantum abest ut causæ eorum faveat ut potius nostram non parum juvet, nam dum ait Psalter Ps. xxxix. 11. *In increpationibus propter iniquitatem corripuisti aliquem id. si corripis illum, liquefieri fecisti ut tineam desiderium ejus*, nihil aliud sibi vult quàm si Deus ex rigore justitiæ quantum meretur peccatum punire quempiam velit, peccatorem de medio statim sublatum iri, neque vitam ipsam homini illi vitalem fore, quâ ratione David ut alibi non raro Deum ad miserationem vult permovere ut si castigare velit castiget paternè & moderate virgis humanis ex misericordia, ratione habita nostræ infirmitatis, non rigidè & severè ex justitia secundum ipsum peccati demeritum ut Ps. cxxx. *Domine si iniquitates observaveris quis stabit? sed apud te venia est ut solaris*. Cæterum quod subjiciunt non omnem pœnam esse satisfactionem, nec omnem animadversionem pœnam, damus libenter in hominibus meris, nam & impii puniuntur nec satisfaciunt tamen, & pii castigantur qui non puniuntur propterea; siquidem peccatis eorum semel condonatis non amplius ulla superest illis ferenda condemnatio vel pœna, & si malis exerceantur porro, afflictiones illæ non ad pœnam, sed vel ad *μαρτύριον* vel *δοκιμασίαν* vel *παιδείαν* à Deo Misericorde diriguntur: Sed respectu Christi alia planè res est, nam hic nec castigatio à pœna sejungi potest, quippe nec venia ulla concessa Christo legitur, ut fidelibus, nec à patre, ut ipsi, castigatus est ex amore & misericordia Heb. xii. 6. sed ab eo ut Judice ex justitiâ propter quam maledictio dicitur factus & peccatum: nec verò pœna à satisfactione divelli, cum eam ita tulerit Christus plenissimè ut eam pertulerit omnino & penitus exhauferit, quod de aliis dici nequit; Quicquid sit certum est nuspiam dici pro peccatis vel propter peccata quempiam passum quin peccata statuamur eo ipso causa impulsiva ac meritoria ejusmodi calamitatum: quod nobis nunc quidem sufficere potest ut sciamus *commutationem debiti* factam fuisse inter nos & Christum; nam cum antea ex altera phrasi cum dicitur pro nobis mortuus jam evicerimus substitutionem personæ, hinc

hinc necessariò sequitur Christum loco nostro ita mortuum esse ut poenas nobis debitas in se receperit.

XX. Verùm & hoc luculentius liquebit 3. ex iis locis quæ utrumque simul complectuntur & *persona subrogationem & debiti ipsius compensationem*, ut quum Christus dicitur factus pro nobis *execratio & peccatum* Gal. III. 13. 2. Cor. v. 21. quæ duo loca quia maximi sunt in hac controversia momenti ad veritatis confirmationem non levi brachio à nobis & obiter tantum sunt attingenda, sed paulò plenius excutienda: Et ut de priori loquamur extat apud Paulum ad Galat. III. 13. *Christus*, inquit, *nos redemit ab execratione legis dum pro nobis factus est execratio, scriptum enim execrabilis est quisquis pendet in ligno*: quæ verba ut imprimis erant apposita ad justificationem fidei demonstrandam qui fuit scopus Apostoli, ita maximam habent emphasim ad redemptionis mysterium explicandum, quod breviter quidem, sed nervosè tamen & accuratè hîc si uspiam alibi describit; connotans 1. quid Christus fecerit in nostri gratiam, *nos redemit*. 2. unde, *ab execratione legis*. 3. quomodo, *factus pro nobis execratio*; Primò quod redemisse dicitur, satisfactionem non obscure jam indicat ut antea demonstratum est, siquidem emptio sive redemptio, propriâ ac primariâ acceptione relationem habet ad pretium, & sicubi emptio quædam proponitur faciendâ à fidelibus gratis ut Is. LV. 1. Apoc. III. 18. non propriè sed metaphoricè intelligendam esse res ipsa docet, propter nonnullam quæ inter donorum cœlestium acquisitionem, & bonorum terrenorum emptionem intercedit, convenientiam; nam ut emptor rem quam quærit permutare debet cum pretio, & ut eam sibi comparet aliquid de facultatibus suis dare vel amittere: Ita in emptione hac spirituali felix quædam & salutaris debet esse commutatio, ut peccato, mundo, cupiditatibus nostris quæ res sunt nobis charissimæ nuncium remittamus (quod alibi dicit Christus *vendere quod habemus* Matt. XIII. 44.) ut thesaurum hunc possideamus; Cave tamen hîc rationem ullam meriti cum Pontificiis imaginandoingas, nam si per particulam *gratis* longissimè jam non removeretur, satis tamen ex ipsa hominis profligaretur consideratione, quid enim pro gratia hac comparanda dare posset ille qui bona omnia à Deo, ex se nihil nisi peccatum; habet? Verùm hîc alia longè redemptio à Christo facta innuitur, non figurata & metaphorica, sed vera & propria; quippe non dicimur tantum empti, sed *empti pretio* 1. Cor. VI. 20. *redempti sanguine* 1. Pet. I. 18. dum Christus ipse pro nobis ἀντίλυτρον datus est qui Chirographum nobis adversum delevit Col. II. 14. & quæ non rapuit solvit Pl. LXIX. 5.

XXI. Illud verò clariùs etiam colligitur 2. ex mali à quo redempti dicimur notatione, redemisse enim Christus nos dicitur ἐκ τῆς κατήχε; ἢ νόμου *ab execratione Legis*, quam docuerat antea vers. 10. omnibus in universum hominibus incumbere, eo quod nemo mortalium reperciatur qui maneat in omnibus quæ scripta sunt in libro Legis. Hæc autem Legis execratio tum αἰνὴν tum πασivè intelligi potest, priori modo nihil aliud est quàm ipsa Legis seu potius Dei Judicis sententia peccatores & legis transgressores execrans & con-

demnans ut innuitur vers. 10. posteriori pœnas omnes notat in transgressores Lege statutas sive corporeæ sint sive spirituales, sive quoad damnum per privationem boni, sive quoad sensum per inflictionem mali, has enim omnes creatura rebellionem suam merita est, quæ verò pœnarum omnium maxima procul dubio & durissima est ipsius Dei maledictio & ira quæ cæteras omnes post se trahit, ideo sub *execratione* pœnas omnes, quæcunque tandem illæ sint complexus est, ut sub benedictione opposita beneficia omnia quæ ad felicitatem & æternæ vitæ consecutionem necessaria sunt & Justificationem imprimis connotavit; Cum autem sententia hæc Legis fuerit immutabilis nec apex ullus aut iota prætereire possit usque dum omnia facta sint, nec Christus venerit ad eam dissolvendam sed implendam Matt. v. 18. non poterat nos redimere ab execratione Legis & pœnis nobis debitæ nisi eas in se recipiendo, non per potentiam, sed per Justitiam ut docet Paulus Rom. viii. 3. 4.

XXII. Atque hoc 3. loco evidentissimè demonstrat Paulus redemptionis istius modum notando, redemit enim nos ab execratione Legis *factus pro nobis execratio*, ubi quot sunt verba tot sunt rationum pondera: 1. execratio dicitur metalepsi abstracti pro concreto quæ *ἡμίμας* & emphasim maximam habet, ut cum *scelus* vocamus scelestissimum hominem qui totus in sceleribus jacet, ita execrabilis dicitur *execratio ipsa* ut Aquinas monet, *factus est ipsa maledictio* quia scilicet omnem maledictionem & calamitatem quam Lex minabatur transgressoribus subiit & pertulit; At quomodo inquires, filius Dei dilectus & omnis benedictionis author fieri potuit execratio? Ita horrida visa est hæc locutio & dura Hiero. & aliis ut tropicam eam existimarint & aliquo interpretamento leniendam, ideo subaudiri volunt particulam *ut* ut significet eum ita tractatum fuisse quasi esset Deo *ἡμιμας*; sed si cui durum hoc videatur pudeat ipsum Crucis Christi cujus confessione gloriamur: Imo in eo posita est tota nostra spes, ab eo pendet solatium nostrum & salus, quod Deus omnem iram in filium effuderit, ut nos in gratiam reciperet, quod maledixerit ut benediceret, quod dereliquerit ut in patrocinium & tutelam reciperet, quod condemnarit ut nos absolveret, alias si ficta fuisset hæc Christi exinanitio & Patris execratio, ficta quoque esset & inanis spes gloriæ & benedictionis quam ab eo expectamus. Sed verò ne hic impingamus distinguenda est imprimis gemina illa *ἡμίμας* sub qua Christus considerari potest, *primaria* & *naturalis* quæ *filius Dei*, *secundaria* & *forensis* quæ est *Mediator* & *Vas* qui pro nobis spondit; quoad primam Deo charissimus semper fuit & summè dilectus in quo voluntas & amor Patris plenè acquievit, II. xlii. 1. Matt. iii. 17. quoad secundam inter peccatores numeratus est, & maledictionis reos non in *se* sed in *nobis* quorum personam sustinebat; Itaque nec extra gratiam Dei esse potuit, & tamen sustinuit ejus iram, nam si extra gratiam fuisset quomodo patrem quem habuisset infestum & cui exosus fuisset reconciliare nobis potuisset? Rursus quomodo nos ab ira Dei liberasset, nisi eam à nobis in se ipsam transulisset? ideo percussus fuit propter peccata nostra & Deum

expertus est tanquam iratum judicem, quod rectè August. lib. 14. cont. Faust. c. 96. expressit, *semper benedictus in sua iustitia, maledictus propter nostra peccata in morte susceptus ex pœna nostra*. Itaque majestati Christi nihil derogat, quod sine culpa reatum & pœnam in se suscepit ut nos à pœna & culpa simul liberaret. Denique sic Christus maledictionem nobis debitam in se transiulit, ut eà non fuerit obrutus sed eam vicerit, superaverit, aboleverit, ut esset fons jugis & inexhaustus benedictionis iis qui crediderint in eum.

XXIII. Atque hinc liquidò patet quo jure vel potius quanta cum injuria Pontificii tanta stili diritate exagitent quod ab integerrimo Theologo Calvino nostro sectione x. Catechis. dictum fuit de doloribus & pœnis Christi satisfactoriis, eum scil. *in tali fuisse damnatione constitutum*, ut à Deo se derelictum conquestus sit; quasi inde sequeretur, quod non nisi summa cum impietate dici ut illis quidem videtur potest, *Christum fuisse damnatum*. Nam ut non dicamus non esse quod propter illam vocem tantopere in nos excandescant & debacchentur, cum Scriptura ipsa non abhorreat à damnationis voce, nam latro conversus alterum blasphemias eructantem sic compefcebar. *Ne Deum quidem times cum in eadem sis damnatione*; cum & Patres ea non semel legantur usi Tertull. li. 3. contra Marci. c. 11. *non eris indignior morte nativitas & cruce infamia, & carne damnatio*; Cyprianus de passione Christi *Damnatus est ut liberaret damnatos*; Gregor. magnus moral. li. 3. c. 11. *Qui Patri est equalis per Divinitatem, venit propter nos ad flagella per carnem, qua nimirum flagella non susciperet nisi formam damnati hominis redimendo sumpsisset*. Et postea Eum qui sine peccato est pro peccatoribus damnat: Imò varii ex Adversariis ipsis, teste Suarello in 3. q. 53. Art. 8. disp. 43. sect. 1. Refert Medina, inquit, *sensisse aliquos Catholicos Christum passum fuisse aliquas damnatorum pœnas, non tamen eodem modo quo damnati*. Cardinalis Cusanus li. 10. Exercit. *Passio Christi qua major davi nequit fuit instar pœna damnatorum qui magis damnari nequeunt scil. usque ad pœnam infernalem*; In ejus nomine dicit Propheta *Dolores inferni circumdederunt me, eduxisti tamen ab inferno animam meam*. Ferus in Matt. 27. agens de verbis illis *Deus mi &c.* Exiit, inquit, *Christus hac hora Deum, non abjiciendo sed non sentiendo seposuit Patrem, ut hominem ageret, sic & Deus Pater nunc non Patrem, sed Tyrannum agit, quamvis interim amicissimo sit in Christum animo*; Item Christus ut peccatores liberaret constituit se ipsum in locum omnium peccatorum, nov quidem furans, adulterans, occidens, sed stipendium, pœnam & meritum peccatorum (quæ sunt frigus, calor, esuries, sitis, tremor, horror mortis, horror inferni, desperatio, mors, infernus ipse) in se transferens ut famem fame, horrorem horrore, desperationem desperatione, mortem morte, infernum inferno, *Satanam Satana vinceret*, Quis hoc in Calvino ferret? Ut, inquam, hæc & alia id genus plurima nunc quidem non afferantur quæ tamen os calumniæ penitus occludere possunt, hic unus locus Pauli quem præ manibus habemus sufficit ad vanitatem accusationis demonstrandam: Nam si dicitur factus *maledictio* cur non pariter eo respe-

Et vel *damnatus* vel *condemnatus* dici queat, quum vox maledictionis gravior aliquid importare videatur, modo sano sensu locutio hæc intelligatur; Nam *damnatus* bifariam dicitur 1. *absolute* qui pœnis addictus est pro peccatis suis quas tamen nunquam superavit & ex quibus nunquam emergere potuit, hoc modo reprobi & diaboli dicuntur damnati in inferis: At hoc pacto Christus Dominus noster nec damnatus est unquam neque verò damnari potuit: 2. *damnatus* dicitur etiam ille, sed *hypotheticè* tantum qui pœnas peccatis alienis debitas idque ex ordine divinæ justitiæ sustinet, quas tamen vincit & eluctatur, hoc pacto nihil prohibet quominus Christus dicatur damnatus siquidem portavit pœnas peccatis nostris debitas easque ex ordine justitiæ divinæ, Deus enim *filium suum in mortem tradidit* Rom. vii. 32. quas tamen infinitâ meriti sui virtute & efficacîâ ut patientiâ admirabili sustinuit, ita invictâ fortitudine superavit. Ita condemnationi vel maledictioni obnoxius rectè dicitur *antecedenter* non *consequenter*, quoad *causam*, non quoad *terminum*. In nobis, quorum peccata tulit, non in se qui sanctissimus semper fuit. Unde facilè colligi potest quid sibi voluerit Calvi, in prædicto loco; non quod Christus pœnas damnatorum absolute sustinuerit, vel in desperationem inciderit, quod utrumque removetur ibid. expressè à Christo, sed tantum quòd fuerit in eo statu constitutus ut iram & maledictionem Patris senserit quæ nobis erat debita quod Paulus in hoc nostro loco expressè tradit.

XXIV. Cæterum quomodo factus sit execratio docet Apost. in sequentibus in quibus supplicium maledictum & execrabile fuisse probat ex Deut. xxi. 23. ubi suspensio de ligno maledicta pronunciatur *ἡ κατὰ ἐξομολογήσειεν τὸν ἔνοχον* *maledictus est qui pendet in ligno* Hebræa verò paulò aliter *כִּי תִלְוֶה אֶת־הוּא* quæ Aquila & Theodotio rectè vertunt *quia maledictio Dei est suspensus*; sed Paulus pro ea qua pollebat *παρρησία* quod & alibi etiam non rarò fecit sensum non verba præcisè reddit, & quæ obscuriora videbantur illustravit; Nam pro *maledictione* quæ metonymicè posita fuerat reposuit propriè *maledictum*, vocem Dei omisit quæ ex loci circumstantia & opposita benedictione satis colligebatur, addit verò in ligno expressa ellipsi *ἐν τῷ ξύλῳ* ex præcedentibus, & indefinitam universalem particula *omnis* eadem ratione definivit. Quæri verò hîc potest 1. quàm bene Paulus sententiam hanc Legis divinæ quæ de simplici suspensione in ligno agit accommodet ad crucis supplicium, quod veteribus Hebræis in usu non fuisse sed à Romanis desumptum quicquid Baronius & Lipsius contendunt, rationibus variis demonstrari potest, quod fecit Doctiss. Casaubonus contra Baronium Exerc. xvi. Ubi ex Judæis ipsis observat quatuor tantum pœnarum & mortis genera ab antiquo tradita fuisse Concilio Sanhedrin *ספירה* lapidationem quæ *אבן* *שם* *טבח* *Tragicis Græcorum*, *שרפה* *אש* *וה* *vivicomburium* ut vocat Tertull. *הרגה* vel *הרג בסף* *occisionem per gladium* seu *decollationem*, & *חנק* *strangulationem* *הרגה בחרב* *nullam verò crucis apud eos mentionem fieri*, imò expressè illam rejici *הרגה בחרב* *אדם הנסקל* *non fuit*

hic mos, inquit in Israele ut clavos figerent in pedibus aut manibus hominum qui lapidati aut suspensi fuissent, & paulò post, non invenitur quod homo clavis figi debeat ad crucem, sed suspendendus est blasphemus & idololatra juxta id quod dicitur maledictus Deus est suspensus. Et illi quidem hoc argumento utuntur ut historię Evangelicę de Christi passione fidem detrahant; sed frustra, siquidem constat supplicii hanc formam non ab ipsis Judæis, sed à Pilato Romano fuisse irrogatam, juxta vaticinium ipsius Christi qui judicium contra se à Gentibus reddendum prædixerat Matt. xx. 19. Neque ipsi Judæi diffiteri possunt, cum agnoscant quadraginta annis ante Templi secundi destructionem potestatem Judicariam ipsis exemptam fuisse, eo quòd homicidę invaluerant & dissipaverant Judicia animarum de Israele ut inquit ipsi, quod testati sunt coram Pilato dicentes *non licere ipsis quemquam interficere*: Ex quibus colligere est crucifixionem Romanum supplicium fuisse non Hebræum quemadmodum *Sozome. Histo. Eccles. li. i. c. 8.* vocat *νεκρωσμός Ρωμαίων τιμωρία*. Et sanè nullum veteris linguę Hebræorum verbum est quod Crucem propriè dictam significet aut crucifigendi actum; nam & *מָלַח* & *קָרַע* & *רָצַח* generalia sunt quę suppliciis variis accommodari possunt, quibus rei in altum tollebantur & fiebant *μετῶροι* ad majorem ignominiam. Cum E. ignota fuerit Judæis Crux ista Romana, merito queritur cur Apostolus ad Crucem transferat quod de hac dici non potuit? Verum facile respondetur, optimè Paulum potuisse ea quę de suspensione in genere dicta sunt ad crucifixionem peculiariter applicare, cum genus complectatur sub se species omnes, nihilque de illo dicatur quod illis applicari non possit, unde si suspensio de ligno est maledicta, omnino & ipsa crucifixio quę suspensionis est species: Itaque etsi damnatos Judæi crucifigere non solerent, sed vel de ligno suspenderent, vel lapidatos palo affigerent, vel extinctorum corpora ad majorem infamiam in patibulum tollerent, quod Philoni 1b. de Legib. est *ἀνασκολοπιζέσθαι*, & perperam à multis ad crucifixionem viventium referatur, quia tamen quod ad rem ipsam attinet idem semper est ignominię genus ex ligno suspendi quomodocunque id fiat, utique non abs re Apost. ad institutum suum transfert quod à Deo ol'm dictum fuerat, atque eò magis quod Spiritum S. ad mortem crucis jam tacitè respexisse cum hoc enunciaret dubitari vix potest.

XXV. Secundò Queritur Cur maledicti dicantur suspensi & quomobrem hoc supplicii genus præ cæteris divinâ Lege fuerit speciali quadam infamiâ notatum? Judæi quidem aliùs assurgere non possunt quàm ut dicant triste & fœdum esse spectaculum hominem conditum ad obambulandum in terra de ligno pendulum in aëre ventis agitari, ideo execrabile à Deo pronunciatum; ut tum supplicii fœditate tum execrationis metu homines territi à sceleribus tali supplicio dignis abstererent: Atque huc pertinet ipsorum effatum *suspensio hominis in ligno est vilificatio Dei*, unde quotquot infami hoc plecebantur supplicio execrabiles merito habebantur, & in altum sublatis, Solique ac omnium oculis expositi

tanquam horrenda piacula & exempla statuebantur, quibus ne terra ærque ipse pollueretur debuerunt eorum cadavera eo ipso die de medio tolli & sepeliri: Deut. xxi. 23. quod si nondum fuissent mortui, mors *σκαλοκοπιᾶς* crucifragio vel aliâ viâ fuit acceleranda, quod factum fuisse in latronibus unâ cum Christo crucifixis innuit Joh. c.xi x. 31. Nec inter Judæos tantum, sed & Ethnicos supplicium hoc infame habitum, quo scelestissimi quique apud Rom. & grandium atrociumque criminum rei, servi imprimis afficiebantur, unde *servili supplicio affici* est agi in crucem, quia servorum plerumque fuit hoc supplicium: Juvena. Saty. vi. *Pone crucem ferro*: & Servus ita loquitur apud Plautum in milite glorioso *scio crucem mihi futurum sepulchrum ibi majores mei siti sunt pater avus abavus*: Quod si liberi aliquando sunt in crucem dati, fuere vilissima capita, & ob gravia crimina ut latrocinium, crimen seditionis & regni affectati; Paulus Jurisconsultus li. i. sentent. ti. xxii. *Authores seditionis aut tumultus pro dignitatis qualitate aut in Crucem tolluntur aut bestiis obijciuntur*; sic Pilatus Christum hoc supplicio puniri iussit, quasi res novas moliretur, turbas cieret, & regnum affectaret ut patet ex accusatione facta apud ipsum Luc. xxi i. 2. & ex ipso Crucis titulo: Porro liberi homines aut cives Romani hoc supplicio affici non poterant nisi prius servi pœnæ fierent i.e. nisi libertas verberibus servilibus, flagellis puta iis adimeretur, quod & erga Christum præstitum; supplicii autem scditatem indicant illa Ciceronis in Verrem; *facinus est vincire civem Romanum, scelus verberare, prope patricidium necare, quid dicam in crucem tollere? verbo satis digno tam nefaria res appellari nullo modo potest*; unde crux *infelix arbor* vocatur apud Livi. in Carmine horrendo *Lictor caput obnubito infelici arbori suspendito*, & apud Lati. *abire in malam crucem* ii jubentur quibus exitium imprecamur summo cum dedecore conjunctum.

XXVI. Itaque hoc supplicii genus meritò execrabile fuit & ex natura & ex Lege; Naturâ quia sævissimum & scditissimum habitum est, nec temere Cicero crudelissimum & teterrimum dixit, & Jurisconsulti nomine *summi supplicii* velut ob eminentiam istud designant, Paulus lib. v. sent. ti. xxii. *summo supplicio i.e. Cruce afficiuntur*: ideo Apulei. li. i. de Asi. *crucem damnatam* dixit *Damnata* inquit *jam crucis candidatus*. Ita passim supplicium hoc in horrore fuit & vilitate; tria enim in eo conjungebantur tormentum, infamia, diuturnitas pœna: ex Lege verò quia à Deo fuit maledictum, non quidem absolutè respectu reorum ipsorum coram Deo ac si desperata eorum esset salus qui suspensi sunt, contrarium enim patet in Latrone converso; neque etiam supplicii hujus in specie, nam suspensio coram Deo non magis ex se quàm mors alia maledicta est; sed resp. sceleris quod hac ratione ex mandato Dei plectendum fuit: nimir. ut non pœna sed causa martyrem facit, ita non supplicium sed crimen maledictum reddit; transgressio pendentis maledictionem contrahit; neque enim cuilibet crimini pœna hæc statim imponebatur, sed atroci & publico quod iram Dei in universum populum concitaret, quodque ideo ad eam placandam expiari debuit vel reorum ipsorum morte, vel eorum qui peculiariter à Deo notabantur, ut

Nun. xxv. 4. propter gravissimum peccatum quod admiserunt Israelitæ copulando se Baalpeor jubetur Moses assumere Principes populi & suspendere eos Jehovah coram Sole ut sic averteretur ira excandescentiæ Jehovah ab Israele: sic 2. Sam. xxi. 6. actis in crucem per Gabaonitas septem filiis Saulis ob fidem publicam ab ipso violatam: & istud scelus fuit expiatum, & Deus ita placatus ut fames quam ideo Israëlitis immiserat cessarit: Ita genus hoc mortis quemadmodum fuit maledictioni obnoxium, fuit etiam suo sensu peccati expiatorium & propitiatorium iræ divinæ. Verum præter has rationes quibus constat effectum hoc Domini Deut. xxi. veritatem suam in litera & typo obtinuisse, ulterius proculdubio respexit Spiritus S. & alia suberat mystica ratio & supernaturalis, quatenus jam olim hoc symbolo, mortis Christi genus quod cum divina execratione conjungi debuit ad redemptionem nostram, adumbrare quadantenus voluit, & Christus hanc mortis speciem in tempore selegit, non modò quia ignominiosissima in se fuit & acerbissima, ut ita in forma servi existens servili supplicio affectus infamiam & tormenta omnia nobis debita perferret; verum etiam ut implendo quod de ea prædictum fuerat, suscipiendo maledictionem nobis propter peccatum imminentem nos ab ea liberaret, atque ita gravissima illa scelera quæ nos omnes reatu suo obstringebant expiaret; Sic argumentum Pauli à posteriori est non à priori, neque enim Crux causa fuit ut primò Christus maledictus fuerit, sed demonstrat Crux utpote maledictionis symbolum, illum jam ante fuisse à Patre maledictum: Cur verò maledictus sanctissimus & dilectissimus Dei filius? nisi quia reatum in se nostrum susceperat qui sine penitissimo iræ & maledictionis divinæ sensu expiari non potuit, unde non tantum dicitur factus execratio, sed pro nobis ut nos ab ea eximeret nostro scil. loco & vice, quia eandem quam eramus commerti maledictionem insons ipse tulit, suscepit maledictionem inquit Chrysost. in Gal. 3. atque ita illam sustulit, perinde faciens ac si morti adjudicato quispiam alius justus illius damnati vice sponte mori volens eripiat illum; hinc Oecumenius Eam execrationem suscepit cui obnoxius non erat cùm suspensus fuit in ligno, ut execrationem solveret quæ adversum nos erat. Ex quibus ita disputatis certissimum pro veritate Orthodoxa deducitur argumentum; Nam qui ita pro nobis mortuus est ut in se susceperet execrationem nobis debitam & ab ea nos liberaret benedictionem suam in nos derivando, utique non bono tantum ille nostro, sed & vice mortuus est, nec exemplo duntaxat sed merito & satisfactione Servator est dicendus, quid enim ad exemplum, quid ad doctrinæ confirmationem facere potuit execratio? fecit verò quàm maximè ad Justitiæ satisfactionem, & reatum peccatorum tollendum. At Christus hoc præstitit, E.

XXVII. Reponunt hic tria Adversarii 1. Christum non posse dici factum pro nobis execrationem subeundo execrationem nobis debitam, quia Execratio illa non alia fuit quàm mors æterna, quam tamen Christus minimè ferre potuit siquidem resurrexit. 2. Paulum nihil aliud significare voluisse quàm

Christum dum ipse nostri causâ in quandam Legis *execrationem* incidit *judicium* scil. quatenus mortem crucis subiit quæ à Deo maledicta fuerat, nos à vera legis execratione interea liberasse; sic enim Apostolum ut in aliis sæpe solet in execrationis voce argutum esse voluisse, ut collatio inter id à quo Christus fideles redemit, & id quod ipse pro iis hunc in finem sustinuit esset elegantior & concinnior fieret oratio, et si in Christo hoc supplicii genus execrationis divinæ rationem verè & propriè non haberet, ut nec in Apostolis & aliis martyribus qui è ligno fuerunt suspensi & capitis supplicio affecti. 3. quæcunque vel in hac epistola, vel alibi à Paulo de Lege & liberatione ab ea sive ejus execratione disputantur ad Judæos tantum qui sub ea erant non autem ad ceteros pertinere. sic Soci. li. 2. c. 1. Crelli. adv. Groti.

XXVIII. Nihil hic tamen est quod vim argumenti infringere possit. Nam ad primum quod attinet falsum supponitur Christum non potuisse execrationem nobis debitam subire, Imò per retorsionem si ab execratione nobis debita nos liberare debuit ut Paulus testatur, utique & eam in se suscipere tenebatur, alias maledictione nobis debita non persolutâ liberatio nostrum omnium nulla esse potuit; neque obstat quod Execratio hæc importet mortem æternam, cum & Christus hanc tulisse sano sensu rectè dicatur; nimirum *mors æterna* seu maledictio illa quam Lex transgressoribus intentabat spectari potest vel *intensive* quoad extremitatem dolorum & cruciatuum cum desertione & sensu penitissimo iræ Dei; vel *extensive* quoad æternam & nunquam finiendam pœnæ & cruciatuum durationem, & prior illa quidem *græcè* primaria videtur esse in pœna quam justitia Dei exigebat, adeo ut qui vel ad exiguum aliquod tempus cruciatus illos subiret mortem æternam ritè defunctus censendus esset; at posterior secundaria est ex infirmitate Creaturæ orta, quia enim ipsa pœnas quoad atrocitatem immensas quas Justitia reo imponebat ferre non poterat quin satisceret, ideo ex ordine Sapientiæ pœnarum hac in parte commutatio facta est, ut quoad durationem infinitæ essent; at si aliquod subjectum occurreret quod gravissimas pœnas illas semel ferre & exhaustire potuisset, utique nihil opus fuisset istud in omnem æternitatem affligi & puniri. Hoc verò in Christo deprehenditur, quemadmodum enim persona fuit divina *pœnas infinitas* ferre potuit constantissimè, non quidem *infinitas in se*, nihil enim actu infinitum in naturam humanam quæ finita fuit cadere potuit, sed respectu *subjecti* ob infinitam personæ patientis dignitatem; quemadmodum peccatum naturâ suâ finitum infinitum evasit tamen resp. *objecti* ob infinitam quam offendit Dei majestatem. Itaque quamvis mortem æternam non tulerit quoad durationem & extensionem, siquidem à morte detineri non potuit Act. 11. 24. ut nec sanè debuit quippe ab ea nos liberari oportuit, rectè tamen eam tulisse dicitur quoad pœnam à persona hac divina latarum acerbiter & intensionem, adeo ut mors ejus licet tridua tantum tempore, verè nihilominus æternæ æquivalens fuerit valore & pondere; Atque ita illam ipsam maledictionem nobis debitam si non numero saltem specie

specie in se recepit. Quid enim terribilis illa execratio importabat quàm acerrimum iræ Dei sensum & pœnas omnes tum animi quæ ex Dei judicio infligendæ erant peccatori, eatenus ut justitiæ ipsius litaretur : at eas omnes ita tulit Christus ut nihil hac in parte desiderari potuerit ; nam corporeas quidem quod attinet præter omnis generis misérias & ærumnas quibus confliktatus est, in crucem tandem ignominiosissimum & atrocissimum supplicium actus est ; in animo verò quos non dolores quos cruciatus non sensit propter immensum iræ Dei pondus ipsi incumbens ? ἐνδύμενος & ἀδυναμία illa quæ sanguinem illi sudorem expressit , quæ animam ad mortem usque afflixit & tam altè illum occupavit ut se lamentabili voce à Deo derelictum quereretur , satis superque , si nihil aliud occurreret , demonstrat planè ab ipso Legi hac in parte fuisse satisfactum.

XXIX. Atque hinc etiam liquet quid ad secundum respondendum sit , falsâ , scil. peccari hypothesi , quasi Christus non eandem quæ nobis debita fuit *execrationem* Legis moralis sustinuerit , sed aliam quandam *judicialem* , eo quòd mortem crucis quæ à Deo maledicta fuerat tulerit , licet respectu Christi hæc rationem execrationis non habuerit : Nam ut antea jam insinuavimus cùm de execratione Legis moralis agatur hic , non potuisset ea à nobis tolli nisi in Christum translata fuisset , neque Legi Morali per judicalem satisfieri potuit ; quid quòd Paulus dicere non potuisset Christum ab execratione Legis nos liberaffe , factum pro nobis execrationem , nisi illam ipsam execrationem quæ nobis imminerebat in se suscepisset , atque ita firmum fiduciæ & solatii argumentum nobis præberet , quod nullum esset omnino si aliam quandam & non nostram sustinuisset execrationem ; hoc viderunt Patres , ideo passim cum verè maledictum fuisse factum tradunt ut nobis debitum maledictum aboleret, Athana. de pass. & Cru. *Pœnam nostram solvendam in se suscepit quia factus est pro nobis maledictio.* Augusti. contra Felici. *quomodo suscipiendo mortem interfecit mortem , sic suscipiendo maledictum solvit maledictum.* Eusebi. Cæsari. *Execratio pro nobis factus , execrationem quæ nobis debebatur ad se ipsum attraxit.* At secundum Adversarios , eatenus tantum dicitur factus maledictio quia supplicium crucis tulit quod sub Lege fuit à Deo maledictum , licet respectu Christi maledictionis rationem non habuerit ; quid verò est vim facere verbis Apostoli si hoc non est ? nam quod pertendunt iidem Apostolum in execrationis voce argutum esse voluisse , absit ut dicamus , indignum esset tanto Apostolo ludere in re tam seriâ , & inanes vocum sonos captare ubi gravissima rerum tractantur momenta , imò ex rei veritate locutus est & maledictionem ipsum factum fuisse dicit quia sensit quicquid maledictionis Deus in peccatores interminatus fuerat : non ergo hujus maledictionis causa sed symbolum fuit Crux , neque ideo Christus maledictus fuit quoniam in cruce pependit , sed ideo pependit quia fuit maledictus & omnem iram Dei in se Vadem Sponsoremque nostrum sensit effusam , ut Hiero. in c. 3. ad Gal. bene observat.

XXX. 2. Falsissimum mortem crucis Christo inflictam execrationis rationem non habuisse; Nam etsi respectu fidelium benedicta vere sit & pretiosa, quia ex funestissima mortis arbore dulcissimos vitæ fructus colligimus, tamen respectu Christi maledictam fuisse quis negare sustineat disertè id testante Spiritu Sancto, si non quoad *terminum* & *exitum* saltem quoad *causam* & *argumentum*? Et sanè cur tanto ad Crucis cogitationem horrore filius ille Dei percussus fuisset, ita ut consolatione etiam Angelicâ indiguerit, cur tantâ cum anxietate calicis istius amarissimi remotionem etiam cum lachrymis & clamoribus deprecatus esset, si nihil nisi mortem corpoream quam gregarii homines alii innumeri non constanter tantum, sed cum gaudio & exultatione adiverunt, vidisset? Aliud E. proculdubio vidit & tulit in ea Christus propter quod tanto metu & tristitia dejectus fuit, scil. iram ipsam Dei & maledictionem cum qua illi certandum fuit. 3. frustra hîc exemplum Martyrum affertur quasi eadem esset ratio mortis ipsorum & Christi, at longum latumque discrimen inter utramque intercedit, ut ex jam dictis liquere potest, & ex dicendis in sequentibus clariùs adhuc patebit, nam istorum supplicia etsi gravissima in corpore tamen hærebant, at Christi dolores & cruciatus cor ipsius animamque transfixere, illi extrinsecus patiendo interiùs divinæ gratiæ rore & dulcedine recreabantur, at Christus à Patre se derelictum queritur quia ad momenta quædam influxum solatii & gaudii illi subtraxit ut posset pœnas omnes nobis debitas ferre, denique Christi mors juridica fuit & pœnalis ad placationem Numinis & peccati expiationem inflicta, at istorum nequaquam, sed ad testimonium veritatis & explorationem fidei; unde licet crudeliter excarnificarentur & adhiberentur ad eos torquendos gladii, aculci, flammæ, craticulæ, *θραυμαχία*, aliaque priscæ crudelitatis instrumenta, nullius tamen Martyris mors dicta unquam fuit cum maledictio quia non fuit conjuncta cum sensu iræ divinæ, ut mors Christi; de ipsis nunquam legitur eos factos fuisse pro nobis maledictionem vel peccata nostra tulisse ut de Christo quàm sæpissimè dicitur.

XXXI. Ad 3. Resp. falsissimum esse quod supponunt quoties Paulus in hac Epistola vel in aliis de Lege & de liberatione ab ejus execratione agit, hæc ad Judæos duntaxat respicere, nam innumeris argumentis contrarium evinci posset, & vel ex eo luculentè patet quod Apost. non de Lege tantum Cerimoniali quæ propria fuit Judæorum loquatur, quod contra Pontificios constanter defendimus, sed de Morali præsertim cui gentes etiam subjiciuntur: nam Legis moralis propria hæc est vox *qui fecerit hæc vivet in eis*. Item *maledictus omnis* &c. Ita non Judæos tantum sed & gentiles maledictioni divinæ pariter obnoxios respexit quia utrique sunt in reatu, utrique non alio medio quàm fide salvandi, quod fuscè prosequitur Apost. ad Rom. sed quid opus probatione cùm Paulus se ipsum clarissimè interpretetur vers. 8. 14. dum ait propterea maledictionem fuisse factum Christum *ut benedictio Abrahami contingeret gentibus in Christo*, nimirum eos omnes redemit à Legis maledictione quos benedictione Abrahamica id.

cœlesti & spiritali donat, at non Judæos tantum sed & gentes hoc mactat beneficio, ut in sequentibus multis ostendit. E. non ad Judæos tantum sed pariter ad gentes quæcunque dixit pertinent.

XX XII. Huic priori loco non absimilis est alter ejusdem Pauli 2. ad Cor. v. 21. *Eum qui peccatum non noverat peccatum fecit ut simus Dei Justitia in ipso*, ubi non minus perspicue idem mysterium aperit ut ex singulorum verborum examine accuratiori demonstrari facile potest; Nam hic nullum verbum occurrit quod pondus suum non habeat 1. quod *factus dicitur peccatum* miræ est emphaseos ad notandam hanc & personæ & pœnæ subrogationem, peccatum enim ea notione sapissime venire in V. T. ut & pœnam ipsam peccati & victimam cui imponitur ferenda connotet, notius est quam ut probatione indigeat: nam ex primaria & propria significatione oritur impropria & figurata duplex, *metonymia efficientis* pro effectu, ut non ipsum peccatum sed pœnam peccato debitam designet. Gen. 1v. 13. *peccatum meum majus est*, id est pœna peccati & vers. 7. *peccatum ad fores cubat* id est pœna imminet & certo ventura est; sic Zach. xiv. 19. *hoc erit peccatum Ægypti & omnium gentium quæ non ascenderint ad festum Tabernaculorum* id. supplicium & pœna, sic ad Heb. ix. 28. dicitur *Christus appariturus sine peccato* non tantum ab omni ejus labe immunis, siquidem & hoc ab initio habuit semper, utpote sanctus & segregatus a peccatoribus, sed ab omni ejus reatu & pœna liber quam in primo adventu in se receperat laturus eam & ablaturus. 2. *metonymia adjecti* pro subiecto ut non tantum pœnam peccati designet, sed victimam ipsam piacularem & hostiam pro peccato connotet, sic sæpissime in Levi. ^{אֵשֶׁת} & ^{הַמִּזְבֵּחַ} pro Sacrificio pro peccato usurpantur, Levi. v. 9. *aspergito de sanguine illius peccati* id. victimæ; & statim additur ^{הָאֵשֶׁת הַמִּזְבֵּחַ} *hoc est peccatum* scil. hostia pro peccato, sic apud Hoseam Sacerdotes dicuntur *comedere peccata populi* id. sacrificia; Paulus Ergo ad consuetum & receptum hunc loquendi modum respiciens Christum hic dicit factum fuisse peccatum non tantum quia peccator ab hominibus habitus est, quod quibusdam sed perperam videtur, hic enim de Dei non hominum judicio agitur, neque etiam quod factus fuerit in specie carnis peccati, ut alibi Paulus loquitur Rom. viii. 3. quod aliis visum est, dilutius enim hoc est quam ut vim phræseos Paulinæ reddere queat, aliud enim est similitudinem carnis peccati gestare, aliud verò peccatum fieri, sed quia ipse pœnas peccati omnes tanquam piacularis victima sibi impositas tulit, ut sacrificio crucis ^{ἐὐωδὸς ἁγία} summum Numen placaret & peccata nostra purgaret.

XX XIII. 2. Atque hoc ipsum clarius evincitur ex eo quod non tantum dicitur *factus* sed *factus à Deo* cum quippe designari ex præcedentibus liquet, ubi postquam dixit Apostolos nomine Christi legatione fungi & velut Deo per ipsos precante rogare ut reconcilientur Deo, jam fundamentum illius hortationis ostendit in Redemptione à Christo ex Dei ordine nobis parata, quasi diceret non esse cur dubitemus ad Deum accedere & reconciliari cum ipse reconciliare se nobis voluerit per Christi mortem: *fecit enim eum qui non*

noverat peccatum pro nobis: Hic itaque notatur ordinatio illa Dei secundum quam Christus Vas & Sponsor noster constitutus est, illique propterea imposita sunt omnia peccata nostra, planè ut Is. LIII. 6. *Deus dicitur coniecisse in eum iniquitates omnium nostrum* eumque percussisse vers. 10. illi non pepercisse Rom. VII. 32. τὸ πᾶν, ergo hic non propriè *facere* aut *producere* est, sed *ordinare*, *constituere* πρὸς, καθιστᾶν ut sæpissimè hoc sensu usurpatur Marc. XII. 14. οὗτος δὲ δέσux Christus fecit duodecim id. ordinavit & constituit; sic Joh. VI. 15. *facere Regem* Act. 11. 36. *facere Christum* quod refertur non ad naturam & substantiam sed ad statum & conditionem: quemadmodum ergo absoluto Redemptionis opere in terris, Deus in acceptionis testimonium Salvatorem nostrum in cælos evectum dicitur *fecisse Christum* id. summâ gloriâ donasse & constituisse in mundi & Ecclesiæ Regem & Dominum; Ita idem ille Deus & Pater cœlestis qui œconomicè summam Numinis majestatem læsam refert, dicitur Filium suum *fecisse peccatum*, id. illum ordinasse in piacularem victimam ut opus Redemptionis exequeretur. 3. ne quis verò existimaret his pœnis Christum propter se factum fuisse obnoxium appositè ejus innocentiam & sanctitatem periphrastice commendat dum ait, *eum non novisse peccatum* eleganti utens antanaclasi, aliter quippe non novit peccatum, aliter peccatum factus est; non novit peccatum *prædictè*, *notitiâ experimentalis* & *approbatiâ* ut nosse Heb. sæpe est diligere, habere, usurpare, quia ab omni vitii labe immunis prorsus fuit, nullumque illi unquam cum peccato fuit commercium, vel ut admitteret vel ut probaret: at *peccatum* tamen rectè factus dicitur *constitutione juridicâ & forensi* quâ pœnæ peccati illi ut Vadi sunt impositæ, non novit peccatum *inhæsi*, sed factus est *imputati*, nimirum ut peccatum bifariam spectari potest, vel quoad *labem* & vitiositatem inhærentem, vel quoad *culpam* & *reatum* ex judicio Dei consequentem, prius ut est in prædica. *qualitatis* quia inficit ipsum subjectum, posterius ut est in prædicamento *Relationis* quia ἁρὼν habet ad Dei judicium scelera ulciscantis, priori sensu non novit Christus peccatum quia ἀκαθ. fuit & ἀπύκν. Sanctus imò sanctitas ipsa cujus in ore fraus nulla fuit, & in quo peccatum nullum inventum est: sed posteriori peccatum factus est, quia etsi istud non fecit & labem non habuit, reatum tamen & pœnas ejus tulit. Unde non obscure colligitur veritas quam quærimus; Nam si insons planè & nihil tale commeritus ex se, pœnas tamen gravissimas instar victimæ piacularis pro nobis sustinuit, utique non ad exemplum tantum, nihil enim opus fuisset propterea peccatum fieri, sed ad Satisfactionem mortuus est dicendus.

XXXIV. 4. Denique hoc ipsum comprobatur finis propter quem factus dicitur peccatum *ut essemus Justitia Dei in ipso* scilicet ut justii apud Deum compareamus, & quidem justitiâ non nobis inhærente, sed quæ cùm in Christo sit nobis tamen per fidem à Deo imputatur, neque enim temerè addit Apostolus ἐὰν ὦμεν, sed ut significaret non propriâ nos seu inhærente justificari justitiâ, sed alienâ tantum & imputatâ, quod fusè Apost. probat ad Rom. C. III. & IV.

in Epist. ad Gal. c. 11. & 111. quemadmodum E. Justitia dicimur fieri in Christo ex imputatione quia ob justitiam Christi per fidem à nobis apprehensam & à Deo imputatam justì coram ipso pronunciamur; Ita vicissim ut antitheseos ratio constet peccatum factus est pro nobis imputatione, quia reatus noster quo in Dei judicio obstringebamur illi ut sponsori nostro est impositus ut pœnas illi debitas ferret: eximie Aug. in Ench. ad Laur. cap. 41. locum hunc exponit *Ipse peccatum & nos Justitia nec nostra sed Dei, nec in nobis sed in ipso, sicut ipse peccatum, non suum sed nostrum, nec in se sed in nobis factus est.* Ita scil. mirabili permutatione mala nostra in se recipit ut bona sua nobis largiretur, recepit miseriam, ut largiretur misericordiam, recepit maledictionem ut benedictionis suæ compotes nos faceret, recepit mortem, ut vitam conferret, recepit peccatum, ut justitiam impertiretur. Quamquam verò hæc commutatio duplex inter se in eo conveniat: primò quod in utraque alienum quid judicii divini æstimatione in personam transfertur, quæ translatio non est judicii aberratio, sed ea dispositio quâ propter aliquid ab alio præstitum tibi nonnihil adscribitur ac si ipse ea persona esses à quâ ortum est id factum, propter peccatum nostrum mors Christo imposita ac si peccasset, & propter Justitiam Christi vita & hæreditas nobis collata ac si justì essemus legemque implevissemus. Deinde quod utrobique nexus debuit esse inter has personas, nam neque Christo imputari potuissent peccata nostra nisi tum naturæ ejusdem vinculo, tum voluntaria sponcione nobiscum unitus esset, neque Justitia Christi nobis imputaretur nisi in unum cum ipso corpus coaluissimus. Tamen in eo longè differunt quod Christo imputatio facta est ex Justitia, Nobis ex misericordia, in illum peccatum transfertur sed abolendum, in nos Justitia sed conservanda, in illum maledictio sed absorbenda, in nos benedictio sed continuanda, in illum sordes sed abjiciendæ in profundum, in nos vestis nova primogeniti, sed induenda; hinc est quod nos verè justì & filii Dei dici possumus, at non propterea Christus vel peccator vel filius iræ, quia nec peccatum ex se habuit nec ira Dei mansit, sed transit tantum super ipsum.

XXXV. Licet verò luce meridianâ clariùs fulgeat hîc cœlestis veritas, non defunt tamen sua Adversarii cavilla, quibus eam obscurare & si fieri posset extinguere conantur: Ajunt Ergo 1. non posse ex eo quod Christum peccatum dicitur subrogationem vel pœnæ vel personæ inferri, quia ut *peccatum* cum denotat afflictionem, interdum notat afflictionem tantum ejusmodi quæ delicti quidem alicujus occasione cuiuspiam infligatur, interim tamen pœnæ propriè dictæ rationem non habeat, ita etiam cum pro voce concreta peccatoris usurpatur etiam eum qui occasione tantum peccati alicujus affligitur significare posse. Imò ut quis peccatum vel peccator dici queat, ne hoc quidem omnino requiri ut afflictio quam sub delicti alicujus occasione ipsi infligatur, satis esse cum ita tractari quemadmodum peccatores tractari solent & merentur, atque adeo id perferre quod alias pœnæ materia esse solet, sic vocem *peccatoris* usurpari 1. Reg. 1.

21. ubi Bathseba ad Davidem *Et erit cum dormierit Dominus meus Rex cum patribus suis & ero ego & filius meus Salomon peccatores*: id. tanquam peccatores tractabimur & perdemur; Idem etiam occurrere in voce *Justitiæ* peccato oppositâ quæ cum alias pro effectu seu præmio Justitiæ usurpetur, iis quoque tribuitur qui id quod alias justitiæ effectus & præmium esse solet, accipiunt seu qui similiter tractantur ut justi, nullâ habitâ ratione ejus quod id fiat occasione justitiæ ab aliquo præstitæ vel pietatis alicujus compensandæ gratiâ, & hanc significationem ubique locum habere ubi de justificatione nostra per fidem sermo est. 2. Contendunt E. Christum ideo dici factum peccatum quia tanquam peccator habitus est, Deo ita permittente ut ab hominibus atroci & infami morte tanquam hominum pessimus occideretur. Sic *Soci.* l. 1. c. 8. & *Crell con. Groti.*

XXXVI. Sed nebulas hæc quas lucifugæ ad obscurandam veritatem obducere nituntur fugare non est difficile: nam 1. gratis supponitur non probatur peccatum afflictionem non notare, quæ delicti occasione infligatur quidem, sed quæ pœnæ tamen rationem non habeat; Naspian enim istiusmodi apud Scriptores Sacros significatio occurreret, imo constanter pro calamitate ea sumitur quæ in pœnam peccati imponitur, consulantur loca *Gen. iv. 7. Num. xii. 11. & xxxii. 23. Lam. iiii. 39. & iv. 6. & v. 7. Zach. xiv. 19.* neque contrarium evinci potest ex 1. *Reg. i. 21.* nam patet ex totius capitis serie Bathsebam id velle non tantum se tanquam peccantem cum filio suo male habitum in, sed involvere etiam criminis alicujus quamvis ficti & falsi considerationem tanquam causæ meritoria pœnarum ab ipsis ferendarum regni scil. occupandi adeoque læsæ majestatis regis Adoniæ, ut patet ex *vers. 10. 12. 13.* falsum pariter Justitiæ vocem pro beneficio sumi quod alias justitiæ effectus aut præmium esse solet, licet conferatur sine ullo respectu justitiæ ab aliquo præstitæ, nam cum judicium Dei sit secundum veritatem *Rom. ii. 2.* non potest Justos pronunciare vel pro justis habere, qui omni Justitiâ vel suâ vel alienâ destituuntur; neque enim unquam probare poterunt id in justificationis nostræ negotio obtinere, imò quæcunque loca de ea loquuntur ea omnia vel Justitiam imputatam Christi & meritum exprimunt apertè vel supponunt; ut ex locorum collatione patere potest.

XXXVII. Perperam E. addunt 2. verba hæc nihil aliud connotare quam Christum tanquam peccatorem habitum fuisse & tractatum, frigida enim hæc expositio ex eo 1. satis retunditur quod non dicitur tantum habitus peccatum, sed *factus* id. constitutus, nec factus ab hominibus sed ab ipso Deo, an verò Deus fecit cum haberi peccatum & impium ab hominibus, imò voce cœlesti editisque miraculis hoc egit ut omnibus testatam faceret Christi innocentiam: aliud E. est loqui de judicio & æstimatione hominum, aliud de judicio & ordinatione Dei, illud intendit tantum Adversarii glossa, sed phrasia Paulina istud disertè connotat: adde etiam quod *Is. liiii. 10.* Christo ipsi hoc tribuatur *quod posuerit animam suam* ^{DEI} sive quod peccatum se fecerit, an verò id egerit ut pro

pro execrabili & scelesto haberetur? Absit. 2. refellitur etiam id ipsum ex antithesi Pauli, opponit scil. peccatum & justitiam ut perinde nos factos Justitiam dicat in Christo quomodo peccatum ille factus est pro nobis: at Justitia sumus non tantum per falsam hominum æstimationem quia pro justis habemur, imò tanquam retributa mundi & sacra ac devota capita censemur, sed per veram certamque Dei declarationem quatenus ille nos propter Justitiam Christi nobis imputatam reipsa justificat, & à pœnis imminentibus liberat: ita pari planè pacto Christum peccatum factus est, non quia instar peccatoris habitus, sed quia verè ex Dei judicio reatus noster in eum conjectus est, ut eum ferendo ab eo nos liberaret. Atque hæc hæcenus dicta sunt.

Bernardus Epist. exc. ad Innocent.

Homo qui debuit, Homo qui solvit: Nam si unus, inquit, pro omnibus mortuus est, ergo omnes mortui sunt, ut videlicet satisfactio unius omnibus imputetur, sicut omnium peccata unus ille portavit, nec alter jam inveniatur qui forefecit, alter qui satisfecit; quia caput & corpus unus est Christus &c.

COROLLARIA RESPONDENTIS

I. An Christus ut pro nobis satisfaceret debuerit esse verus Deus? Aff.

II. An fundamentum Justificationis nostra coram Deo sit sola Justitia Christi nobis imputata, nulla autem justitia habitualis & inbarentis vel infusio ex parte Dei vel præstatio ex parte nostri? Aff.

III. An rectè solà fide dicamur justificari, licet ipsa sola nec sit unquam nec esse possit? Aff.

IV. An fides Satisfactionem Christi apprehendens sit causa impulsiva Electionis? N.

V. An Justificatio fidelium sit immutabilis? Aff.

VI. An fidelis certus esse possit de justificatione & salute sua? Aff.

DISPUTATIO QUINTA

Quæ Tertia est

D E

SATISFACTIONIS
CHRISTI VERITATE.Respondente DAVIDE WYS *Bernensi.*

T H E S I S P R I M A.



INTER ea S. Scripturæ Testimonia quæ *Persona subrogationem* & *commutationem Pæna* inter Nos & Christum factam docent, ex quibus *iv.* argumentorum Classis pro *Satisfactionis Veritate* ducta est Disput. præcedenti, nullum videtur luculentius eam confirmare eo quod petitur ex *cap. l.iii. Isaïæ*, & loco altero Petri parallelo *i. c.ii. x. 24.* ubi divini Scriptores supra quàm dici potest apertissimè totum hoc negotium nobis pandunt; Ideo peculiarem horum locorum disquisitionem hâc Exercitatione instituere visum est; antequam ad alia transeamus, ne quid prætermissum videatur, quod alicujus sit ponderis ad sanctissimi hujus Mysteriorum elucidationem & sententiæ nostræ confirmationem.

II. Et ad primum quod attinet, Prophetæ *μεγαλοφωνότες* & ita perspicuè & graphice utrumque Christi statum nobis ob oculos ponit & Exinanitionem & Exaltationem, passionem & gloriam, pugnas & victoriam, mortem & vitam, ut quasi ex post facto omnia historicè referre, & ut benè observavit Hiero. non tam Prophetam futura prædicendo, quàm Euangelistam, præterita narrando agere videatur; imprimis verò Satisfactionis mysterium de quo agimus tanta cum evidentia connotat, ut nupsiam fermè illustrius de eo testimonium deprehendi queat, neque enim passionem varias & mortem ejus commemorare satis habuit, causas etiam tum efficientes tum finales mirâ dexteritate interseruit quæ apertè illud ipsum important, atque ita non semel aut bis, sed decies & quater hylastium hoc Christi officium *ἀσπίδων* asseruit.

III. Ne autem gratis illud ita præfidenter statuere videamur rem ipsam paulò accuratius excutiamus: Primò extra controversiam ponimus de *Messia* apud Prophetam agi; Nam etsi scrupulus hic multum fatigaverit Eunuchum Candaces Reginae Æthiopum præfectum, proselytum, & Judæorum mysteriis

tan-

tantum initiatum Act. viii. 27. qui negabat se scire nunquid de se an de alio aliquo loqueretur propheta; nobis tamen in clara Evangelii luce jam versantibus post tot illustria Apostolorum, Evangelistarum, imò Christi ipsius testimonia qui identidem ad hoc caput alludunt ut in eventu prædictionum veritatem & complementum, & ex prædictionibus eventus certitudinem demonstrent Matt. viii. 17. Luc. xxi. 37. Rom. x. 16. 1. Pet. ii. 22. 24. dubium nullum superesse potest nisi sponte cæcutire & ad tantam lucem caligare velimus; Neque hic moramur Judæorum hodiernorum deliria qui hæc vel Josiæ Regi ut Abrabaniel, vel Jeremiæ ut R. Saadiah à Gaon, vel Abrahamo aut Mosi ut R. Alfsech, vel populo Judaico ad captivitatem Babylonicam redacto, ut R. Selomo Jarchi, D. Kimhi & alii applicare magno molimine nituntur; Cum ex suis Magistris revinci queant, qui sincerius loquentes jam olim hoc Messia vindicarunt, ut patet ex Chaldaica paraphrasi Jonathanis ubi verba Prophetæ c. lxi. 13. *Ecce intelliget servus meus reddit* רַא עֵלֶךְ עַבְדִּי כִשְׁרָא *Ecce prosperabitur servus meus Messias* & ab hoc loco usque ad caput liv. omnia refert ad Messiam; sic R. Selomo in hunc locum Magistri nostri pia memoria affirmant hac de Messia dici &c. sic in Midrasch Ruth & Bereschit Rabba loca varia ex isto capite Messia transcribuntur vid. Raymund. Marti. pugio. fid. p. 3. disp. 3. c. 10. & qui fermè omnia ab eo hausit P. Galati, de arca Catho. verit. lib. 8. cap. 15. &c. Nihil etiam nos movere debent Hugonis Grotii Viri cæteroquin magni, sed in rebus fidei, inconstantis & ἀνομοσυνοῦς, observationes, qui etsi in libello de Relig. Christiana. totum illud caput ad Christum commodè ac vera interpretatione retulisset, & ad nullum alium congruere affirmasset, & in tractatu eximio de Satisfactione adversus Socinum varia ex eo ad Orthodoxæ Sententiæ confirmationem argumenta petiisset, nihilominus in notis suis ad Isaiam de Christo vel parum vel nihil planè dicit in tota capitis illius expositione dicam verius depravatione, & id unice quæsisse videtur ut ostenderet hæc omnia de Jeremia commodissimè posse intelligi, atque ita in gratiam Judæorum testimonia hæc omnia clarissima Christianis eriperet, quod & alibi non semel eum fecisse deprehendimus in illustrium oraculorum V. T. explanatione; hæc inquam nos movere haudquaquam debent; Nam præterquam quod ipsa verba aliò torqueri sine vi manifesta non possunt; quis enim vel Regum vel Prophetarum fuit unquam de quo dici potuerit eum non fecisse iniquitatem neque dolum fuisse in ore ejus, cum nemo etiam justissimus sine peccato vivat Proverb. xx. 9. 1. Joh. cap. 1. 8? quis de quo perhibeatur meritò, eum non sua fed aliena luisse scelera? quis tantarum virium ut totius populi iniquitates ferre potuerit, & quidem ita ut ex castigatione ejus pax illi, ex livoribus sanatio & salus ipsi contingerit? quis denique ita mori ut resurgat & semen videat æternum, quæ omnia de hoc nostro dicuntur? Accedit etiam quod illi cum quibus jam agimus rei veritatem diffiteri non possint, nobisque hac in parte adstipulari cogantur; Remotà itaque à cardine hæc de Subjeto totius vaticinii controversiâ, ad peculiarem ejus applicationem transeundum est.

IV. Ut verò facilius vis argumentorum in hoc oraculo pro sententia nostra latentium deprehendatur, brevem analysim & ἐξήγησιν verborum quibus hoc mysterium potissimum describitur instituere prius necesse est; Postquam ergo Propheta vers. 2. & 3. tenuitatem & infirmitatem Christi, abjectissimamque ejus speciem descripsit sub similitudine virgulti teneri aut radicis de terrâ arenosâ & sterili surgentis, imò & calamitates varias attigit quibus exerceri debuit quibus fieret ut in contemptum hominum veniret, qui prædicationi Evangelicæ propterea fidem derogaturi erant, eò quod in Christo nihil nisi dolor & infirmitas appareret, *despectus inquit, & rejectus inter homines vir dolorum, peritum infirmitatis, quasi abscondimus faciem ab illo & nihili reputavimus eum.* Jam vers. 4. rationem reddit humiliationis & calamitatum Christi ut occurrat scandalo quod ex ea consideratione oriri poterat, *sanè languores nostros ipse tulit, &c.* nam particula ἵνα quæ hic adhibetur non solum est affirmantis, sed causæ redditionem simul continet, maximè cum aliquid præcessit quod novum & insolens videri possit. Erat autem hoc verè instar portentum cum ita prostrerni ac deijci cui Deus summum in omnia imperium daturus erat, quemque ut servum electum & in quo anima ejus acquiescebat summo amore complectebatur Is. x. l. i. r. Id verò nisi causa redderetur absurdum omnes judicare poterant, Itaque causa jam subjicitur quòd *languores & dolores nostros tulerit* id est pœnas omnes & ærumnas nobis propter peccatum debitas: Ille non talia meritis mala tulit quæ nos eramus meriti, quod Symmachus clarè reddit *ὅτι οὐκ ἔστιν ἀμαρτίας ἡμῶν αὐτὸς ἀνίστασθαι, καὶ τὸν νότον ὑπέμεινεν*, ut innuat *languores ac dolores* Christo impositos nihil aliud fuisse quàm *peccata nostra & pœnas* iis debitas. Ea cateroquin futura erat Judæorum totiusque populi incredulitas ut non agnitiuri essent rationem veram cur tam dunter affligeretur Christus, sed ob sua propria scelera cæsum & percussum à Deo essent reputaturi, quem tamen innocentissimum noverant, cuique Judex ipse innocentiae testimonium erat perhibiturus; Unde addit *Es nos id. sed* (1 enim hic est adversativum) *existimavimus eum percussum à Deo vulneratum & humilitatum;* Verùm perversum & falsum hoc ac temerarium judicium redarguit, causam proximam meritoriam istorum dolorum pressius notando vers. 5. *Atqui ipse vulneratus est propter iniquitates nostras &c.* id. quicquid præposterè & perversè judicet mundus, quasi propter propria peccata à Deo affligeretur, certum tamen est eum non suo sed nostro merito punitum fuisse, nostra illi peccata quorum reatum in se susceperat tanti doloris & cruciatus causam & materiam attulisse.

V. Porro quia Christus ut perfectus esset Servator non tantum mala depellere & auferre debuit, sed & bona conferre, non tantum à morte & exitio liberare, sed & salutem vitamque acquirere, ideo subdit statim Propheta *Castigationem pacis nostra super eum positam fuisse & nos ejus livore sanatos fuisse.* Vox ἵνα quæ hic utitur proprie disciplinam & institutionem notat, quia verò pueri & rudes ac ignavi discipuli non verbis tantum sed & verberibus nonnunquam opus ha-

habent ut ad officium impellantur, hinc fit ut secundariò & metaphoricè pro *castigatione* ponatur, imò & materialiter pro ipsa *pœna* seu supplicio propter peccatum inflictio, Hose. v. 2. *Et ego יסוריו* *correllio seu castigatio omnibus illis id. castigabo eos propter suas prævaricationes.* Ita notatur afflictio quæ habet rationem pœnæ sive illa sit *יְהוָה* sive *ἀσθενεμαλιν*; neque reperire licet in Scriptura vocis istius usum quum afflictionibus tribuitur sepositum ab omni culpæ respectu; Non simpliciter autem dicitur *Castigatio*, sed *Castigatio pacis nostræ*; scilicet ut finis ejusdem notetur id. quæ pacem nobis conciliet, phrasi hebraïca, quæ innuit calamitates & pœnas illi impositas non alium finem habuisse quàm pacem nostram & salutem; sive per pacem qualemcunque felicitatem intelligamus, ut *pacis* nomine Hebræi omnigenam benedictionem & prosperitatem interpretantur, sive speciatim fœdus pacis & reconciliationem nostram cum Deo cum quo gravissimæ nobis propter peccatum intercedebant inimicitia, qui primarius fuit mediationis scopus. Ita quia dissidium illud tolli non potuit nisi præviâ satisfactione, quâ ira Numinis placaretur & peccata expiarentur castigationem intercedere necesse fuit non tantum ut afflictionem, sed ut pœnam ac *ἀσθεν* propriè dictum. Atque id ipsum alia similitudine persequitur, *plagarum & sanationis*, quemadmodum peccata spectari possunt vel ut *crimina* quæ Deum offendunt, vel ut *vulnera* ab antiquo serpente inflictæ quæ gravissimè hominem fauciant & lædunt, ita sub illa prima *ἐξίστη* opus est pœnâ castigationis ad tollendum reatum, in ista verò livoribus & plagis utitur mirabiliter ad sanitatem restituendam: *חכיו* sive *μάλω* *livor* est id. verberum in cute vestigium, vel cutis ex incussione vulnerum fugillata, Lati. *Vibex* & metony. pro *vulnere* ponitur, quia à vulnere provenit & ejus nota est & vestigium: dicit E. Christum sanitatem nobis attulisse plagis suis, livorem ejus nostram factam fuisse medicinam, ejus dolores nostram sanitatem, ejus vulnera vulnerum nostrorum emplastrum: quæ sanè salvandi ratio eò admirabilior videri debet quod ex ipsis malis nostris remedium adversus ea salutare petit, & Diabolum illis ipsis armis quibus nos devicerat, debellat: peccatum mortem nobis intulerat, at Christus moriendo mortem ipsam destruxit, & peccatum abolevit Heb. 11. 14. Rom. vi. 6. Lex maledictioni divinæ nos mancipabat, at per maledictionem benedictionis cœlestis author nobis fuit, & ita in cruce Legis chirographum delevit, ut nulla sit amplius adversus nos condemnatio, Gal. 1. 13. Col. 1. 14. Ro. viii. 1. Diabolus sævissimam suam tyrannidem per metum mortis in nos exercebat, & Christus in morte ipsa quæ ultimum fuit Satanæ propugnaculum Diabolum ipsum funditus delevit & de eo triumphavit Col. 1. 14. Heb. 11. 14. 15. Denique gravissima scelera nostra lethale vulnus nobis intulerant, & ex ipsis vulneribus ut ex ipsa vipera theriacam saluberrimam ad sanationem nostram confecit, dum plagis suis remissionis peccatorum & sanctificationis fontes nobis aperuit: quis ergo non miretur & venerabundus suspiciat admirabilem illam Sapientiæ divinæ rationem quâ ex malis bona, ex mi-

feriâ felicitatem, ex maledictione benedictionem, ex morte vitam ut olim ex tenebris lucem educere novit?

V I. Sic Propheta mortem Christi ejusque causam tum impulsivam tum finalem connotavit, inde iniquitates, hinc pacem & sanationem nostram; Ut autem melius infigat mentibus hominum beneficium hoc mortis Christi eximium, ostendit quàm necessaria fuerit salus illa cujus prius mentionem fecerat & à quo procurata, nisi enim perspecta nobis fuerit miseria & necessitas nostra, nunquam intelligemus quàm expetendum sit remedium quod Christus attulit, neque eâ qua par est reverentiâ & gratitudine summum illud beneficium excipemus, nisi primarium ejus autorem intelligamus; Itaque utrumque attingit vers. 6. & prius quidem cùm ait *Nos omnes tanquam oves errasse quemque in viam suam declinasse* id. perditos omnes fuisse donec ab ipso vindicaremur: posterius verò cùm addit *Jehovam traduxisse in eum nostras omnium iniquitates*: quæ verba in primis ad rem nostram faciunt, tum quia iniquitates nostræ dicuntur in Christum *traductæ* non sanè quoad *culpam* à qua immunis ille semper fuit, sed quoad *reatum* tantum & pœnam quam sustinere sponte voluit, tum quòd *traductæ* dicantur à *Jehova* quatenus sapientissimo consilio has illi pœnas ut Judex Sponsori nostro imposuit, nihil enim hac in parte factum ab hostibus Christi quàm quod *manus & consilium Dei* id. decretum efficacissimum & potentissimum, antea *præstituerat* Act. iv. 28. Hic verò Adversarius nullum non lapidem movet ut genuinum horum verborum sensum nobis extorqueat, aliam præposteram interpretationem comminiscendo quasi nihil aliud vellet Propheta quàm *Deum occurrisset per ipsum vel cum ipso iniquitati omnium nostrum nempe prædicatione & dulci credentibus facta promissione*, Sed corruptela hæc per se corruiat i. quia repugnat apertè vox Hebræa הפגין conjugationis Hiphil quæ non unicam sed duplicem actionem significat, Ideo cùm הפגין in Kal. propriè sit *occurrere* sequitur ut הפגין in Hiph. sit *fecit occurrere*; Cùm autem alicui occurratur, vel in malum nocendi causa, vel in bonum ad intercedendum & deprecandum ut infr. vers. 12. הפגין id. *pro peccatoribus intercedet*. Ideo duplici sensu hæc vox usurpatur in Scriptura, sed posterior hic locum habere nequit, nam tum diceretur, *Deum rogare fecisse pro eo iniquitates omnium nostrum* quod est longè absurdissimum vel ipso Socino iudice; accedit etiam quod omnia quæ proximè antecedunt & sequuntur ad afflictionem non ad deprecationem pertinent: Ergo non ferunt verba alium sensum quàm hunc, *fecit Deus in illum occurrere* id. impegit, incussit, transtulit in ipsum pœnas iniquitatum omniumstrarum: sic intellexerunt LXX. καὶ κύριος παρέδωκεν αὐτὸν ὡς ἁμαρτίας ἡμῶν tradidit eum Deus iniquitatibus nostris; Symmachus κύριος κατὰ τὴν αὐτὴν ἐπινοήσαν ἐπὶ τοῖς αὐτοῖς ὁμοίαν πέναν ἡμῶν, Dominus fecit occurrere in ipsum peccatum omnium nostrum Vulgata posuit Dominus in eum quasi respiciens ad hircum emissarium Syrus Dominus fecit ut irruerent in eum peccata omnium nostrum; Nam quod hæreticus hoc ad prædicationem Christi & promissiones ejus refert satis ex ipsa orationis serie refellitur, ubi de

de præconio vel promissionibus nihil, sed de supplicio & pœnarum latrone multa habentur.

VII. Quod potissimum ex sequentibus liquet ubi fufius rem eandem exequitur vers. 7. *multatus est & afflictus nec aperuit os suum.* Traductio quippe illa & velut occurfus iniquitatum non potuit aliter fieri quàm per imputationem, quâ constitutus est pœnarum debitor pro nobis omnibus; debitum verò illud ita volente Deo contractum & filio impositum effecit ut multaretur & affligeretur; Quia verò pœna illa nullius fuisset ponderis & momenti apud Deum nisi liberrimè à Christo lata fuisset, nisi enim voluntariam mortem subiisset inobedientiæ nostræ culpam expiassè non videretur: Ideo ne quis hæc à Deo Patre ita disposita esse arbitraretur ut filio invito acciderint, aut qui conquereretur injustè secum agi, propterea summam ejus patientiam & obedientiam commendat, qui inter medias ærunas & probra quibus impetebatur ne os quidem suum aperuerit. Notanda est autem verborum vis eoque magis quod difficultate carere non videntur נש ונח נש ונח Vulgata ita reddit *oblatus est quia ipse voluit*; sed coactior hæc est interpretatio quàm ut admitti possit, nam etsi נש per ו sign. adducere & admovere, tamen per ו aliud planè designat, Itaque commodior est sententia Tremellii & aliorum qui per *exigitur* interpretantur, nam cùm verbum נש duos tantùm significatus obtineat in scriptura, primum proprium *exigendi* ut 2. Reg. xxii. 34. Zach. ix. 8. alterum figuratum & metaph. *opprimendi & affligendi* quia in exactione sæpe est oppressio, alteruter hîc obtineat necesse est; posterior verò locum habere non potest, siquidem in eodem commate additur נש ונח quod de ea afflictione & calamitate intelligendum esse patet ex vers. 4. ubi dicitur נש ונח id. *attritus* voce ab eadem radice derivata, at inanis esset tautologia si de eodem diceretur *opprimitur & ipse affligitur*; superest ergo ut vox illa propriè sumatur ut significet *exactionem pœna* & referatur ad nomen proximè antecedens *peccatum*, quod hîc subaudiendum, *exigere* autem *peccatum* nihil aliud est quàm exigere pœnam peccati, atque ita optimè cohererunt, exactionis pœnæ à Christo & ejusdem afflictio; nam à Christo Sponsore debitum nostrum exegit Pater severissimè unde ipse afflictus est; Exigitur ergo pœna propter quam ipse affligitur. Ita נש ונח ad afflictionem & perpeffionem refertur: Non male quidam volunt vocem posse sumi in proprio significato *respondendi* quod eodem recidit, ut sic respondeat exigenti; quasi dicas *ab eo exactum est scilicet peccatum & ipse respondit* id. persolvit pro nobis, respondit, inquam, re solvendo ut fidejussor, non ore obloquendo: quid enim ille interea an reluctatur aut moras necesse? imò contra sponte se judicio Dei subjecit, & ne os quidem suum aperit quasi ovis ad mactationem deducta: nam & ipse agnus erat Dei qui tollere debuit peccata mundi; Quæ patientia admirabilis & à Petro cotumeliat, & ab Evangelistis non semel describitur, dum ipse nihil ad falsas Judæorum excusationis reposuit; etsi justa suppetere defensio, tunc tamen coram tribunali Pilati Matth. xxvi. 12. 14. nimis quia reatu nostro

se obstrinxerat, voluit tacitus iudicio acquiescere, ut nobis pleno ore gloriareretur in ejus absolutissima iustitia. Ita mortem ipsius verum fuisse sacrificium docere voluit Vates sacer in qua victima sponte & lubenter sese stitisset, quod pertinet illud Ps. xL. 5. 6. *Ecce venio*, nam al as litatum non fuisset, quomodo apud Ethnicos non litabatur & ἄθλον ἱερὸν existimabatur si victima sese retraheret ab aris aut mugitum ederet unde illud Ovidii *mugitus victima diris edidit*. At noster Agnus ne balavit quidem licet humeris suis ferret peccata omnium nostrum.

V III. Ex hac autem analytica verborum ἐξγύρεα jam proclive est agnoscere quanta exurgat argumentorum seges pro Satisfactionis Veritate. 1. Quia Christus dicitur *linguores & dolores nostros atque iniquitates tulisse* vers. 4. 6. 8. 11. 12. pœna hæc vicaria non obscure indicatur, nam si non suos sed nostros dolores tulit, utique innocens respectu sui, sed nostrâ culpâ tantum reus percussus est, adeo ut peccata nostra fuerint causa meritoria & impulsiva cruciatuum quos tulit: qui verò pœnas alteri debitas in se recipit & transfert, in alterius locum & vicem subrogatus merito dicitur, atque adeo eadem vel æquivalentia patiendo pro ipso satisfacere: Nam præterquam quod is est frequentissimus & tritissimus scripturæ usus ut *peccata portare* is dicatur qui pro peccatis punitur & plectitur vide Lev. v. 1. & xix. 8. & xx. 17. 20. & xxiv. 13. Num. xiv. 33. Ezech. xxviii. 20. & alibi sæpius; repugnat etiam ipsa ratio ut is alicujus peccatum portare dicatur, qui solâ peccati occasione patitur, nisi pœnas etiam peccati perferat ac in se recipiat; quis enim dixerit dominum qui ex furis peccato damnum patitur illius peccatum portare, cum etsi occasione furti affligatur in bonis suis, furti tamen pœnas non sustineat nec pro furto puniatur. Hanc vero rationem esse pœnalem & satisfactoriam evincitur secundò ex vers. 10. ubi dicitur *animam suam posuit in sacrificium pro peccato* נָפְשׁוֹ אֶשְׁחַדּוֹ; nam אֶשְׁחַדּוֹ hîc piaculum sive victimam piacularem notare dubitari non potest; quemadmodum verò victimam in Rei locum substituta pœnam peccatoris sustinendo, reatum ejus expiabat, quod manuum impositione significabatur, & peccatum portare propterea dicebatur; ita pariter Christus agnus Dei qui peccatum pro nobis factus est, peccata nostra tulit verè, quia mortem nobis debitam in se recepit ut ab ea nos eximeret; cur verò positum *sacrificium pro delicto* si delictum potuit expiari, vel expiatum est re ipsa sine sacrificio hylast co?

IX. Accedit 3, quod non tantum dicatur dolores nostros tulisse sed & *attritus fuisse & percussus à Deo propter peccata nostra* quod disp. præced. causam meritoriam notare probavimus. Item quod *Deus in ipsum coniecerit & transulerit iniquitates omnium nostrum* vers. 5. 6. quod *voluerit Jehova eum contere* vers. 10. ubi talis innuitur peccati latio quæ perpeffionem conjunctam habet gravissimam & judicariam peccatorum imputationem; peccata autem ferre patiendo, atque ita ut inde alii liberentur quid aliud indicare potest, quam pœnæ alienæ susceptionem voluntariam & justam inflictionem? Nam quod Adversarii hoc ad occasionem

sionalem Christi calamitatem referunt, quia Deus voluit cum iniquitatum nostrarum occasione mori, dilutius est quàm ut vim phraeos propheticae reddat, quæ non occasionalem tantum, sed veram & propriè dictam causam meritoriam importat; rursus quo pacto diceretur Deus conjecisse in eum iniquitates omnium nostrum, quod non aliò quàm ad pœnæ transgressionem referri potest, si non alium in finem mors illi est illata quàm ad doctrinæ confirmationem vel constantiæ exemplum? 4. *Castigatio pacis nostra* dicitur posita super ipsum ut scilicet haberemus pacem cum Deo à quo per peccatum aversti fuimus, at quid opus fuit hâc intercedente castigatione ad pacem obtinendam si remissionem liberam absque satisfactione nobis indulgere constituerat, quare ex livore nobis sanitas & plaga propter prævaricationem populi illi imposita, si satisfactio hîc nulla fuit necessaria, hoc est nec livor nec plaga? sanè summus ille quo filium suum prosequitur amor Pater, non patitur nos credere illum vel nulla vel levicula aliqua de causa durissimæ morti exponere voluisse, sed gravissimam aliquam & summè necessariam rationem intercedere necesse fuit ad id ut hoc consilium iniretur, hæc verò nulla dari potest alia quàm Justitiæ divinæ satisfactio ad ejus placationem nostra ille peccata in cruce portare & à Deo atteri atque vulnerari debuit.

X. Denique si totam contextus prophetici seriem attendimus, videbimus distinctè omnia & singula quæ ad hoc negotium pertinent connotari, tam quæ spectant Christi in locum nostrum substitutionem, quàm ea quæ ad ejus pro nobis satisfactionem referuntur; Nam si ad veram & propriè dictam satisfactionem hæc vulgò requiri dicuntur ut sit in eo qui satisfacit calamitatum & miserrarum omnium nobis debitarum latio, ut lationis illius *causa impulsiva* & meritoria sint peccata non sua sed nostra, *Causa efficiens* Dei justa imputatio & Vadis voluntaria susceptio, *finalis* peccati expiatio, & plena debiti persolutio, effectum denique ac fructus perfectæ redemptionis & æterna salus, hæc omnia sigillatim hîc commemorantur, 1. pœnarum latio nam ille morbos nostros tulit & dolores portavit vers. 4. 2. Causa impulsiva meritoria nam ipse dolore affectus fuit à defectionibus nostris &c. à prævaricatione populi plaga ipsi vers. 5. 8. cum ipse interim insons planè & absque peccato violentiam non fecerit nec dolus fuerit in ore ejus vers. 9. 3. Dei justa imputatio, nam Jehova fecit in eum incurrere iniquitatem omnium nostrum vers. 6. & Deo ipsum placuit conterere vers. 10. 4. Christi voluntaria susceptio, nam afflictus fuit nec aperuit os suum, sicut parva pecus ad occisionem ductus est vers. 8. 5. peccati expiatio & debiti plena persolutio, nam posuit animam suam hostiam pro delicto vers. 10. & à coarctatione & judicio assumptus est vers. 8. 6. Denique ipsa redemptio & salus, ex castigatione pax, ex vibicibus sanitas vers. 5. & ubi posuerit animam suam restum videbit semen, prolongabit dies, & beneplacitum Domini prosperabitur in manibus ejus v. 11. Pro labore anima sua satiabitur, servus ille Justus justificabit plures cognitione sui &c. v. 12. Quid clarius & significantius dici potuit pro nostra sententia? sanè nullis verbis magis emphaticis exprimi à nobis nunc

quidem posset aut declarari. At si alia planè fuit Prophetæ mens, si nihil minus in animo habuit quàm Satisfactionem Christi nobis commendare, cur iis verbi usus est, quæ apertissimè & propriissimè eam designant, atque ita occasionem periculosissimè errandi toti Ecclesiæ præbuit? Sed non patitur sanctissimus divini Vatis zelus; & ingenuus candor ut quicquam tale de eo cogitemus; Imò hæc planè nos persuadere debent non aliam fuisse ejus à nostra hac in parte sententiam. Ex quibus omnibus fortissimum jam colligitur argumentum. Qui subiit & præstitit omnia à reis & debitoribus peragenda, sic ut ipsius castigatio cessaret in imponentis satisfactionem, ipsius sacrificium in delictorum expiationem, ipsius vibices & vulnera in delinquentium sanationem; qui ita peccata omnia tulit nostra, humeris suis Deo ita volente imposita ut ea à nobis abstulerit, qui ea tanquam piacularis victima expiavit & hoc pacto homines redemit & salvavit, Is revera non exemplo tantum aut præconio, sed & merito ac Satisfactione Servator est dicendus; At hoc ipsum pro nobis Christus implevit ut ex ante dictis patet, E.

XI. Ita locus hic invictè militat pro sententia nostra, non dissimulanda tamen sunt quæ effugia hîc captare conantur Adversarii, quanto major enim est vis istius argumenti tanto majores sunt eorum conatus ad illud eludendum. 1. Hinc facile probare se posse putant Satisfactionis veritatem nulla ratione ex isto colligi loco, quia phrasis *portandi peccata* quâ nititur præcipuè argumentum ambigua est & *πλύσθη* & licet aliquoties poenæ lationem significet, tamen non raro etiam pro simplici ablatione ponitur, quemadmodum *ferre* & *portare* per metonymicam quandam translationem *auferre* nonnunquam designant, cujus translationis hæc fuisse videtur ratio quod qui aliquid aufert aliunde, tantisper dum illud deponat aut abjiciat, portare soleat sic Exo. xxxiv. 7. Deus dicitur *portare iniquitatem & peccata*, non utique ferendo, sed auferendo & condonando *Jehova servans misericordiam millibus, portans iniquitatem & peccata* ubi occurrit verbum *נָשָׂא* quod hoc in loco legitur; sic Num. xiv. 18. & alibi; nihil ergo absurdum esse pertendunt si dicatur Christus hoc sensu portasse languores & iniquitates, non quod sustinuerit universas poenas nobis debitas, sed quòd à nobis omnes dolores & languores abstulerit, & nos ab omnibus nostris malis liberaverit. 2. non posse locum aliter intelligi quàm de peccati & poenæ remotione probant ex Matth. viii. 16. 17. ubi impletum dicitur istud vaticinium quando ægros finabat & varios morbos curabat; *vespere autem facto* inquit Matth. *obdulerunt ei multos demonia habentes, & ejiciebat spiritus verbo & omnes malè habentes curavit, ut adimpleretur quod dictum est per Isai. dicentem ipse infirmitates nostras accepit & morbos portavit* ut ergo morbos portasse dicitur non in se transferendo, sed à nobis auferendo; Idem etiam de peccatis intelligendum esse. 3. confirmant eandem hanc expositionem ex typo Hirci emissarii, unde videtur petita hæc loquendi ratio, de quo Levi. xvi. dicitur quòd super eum Aaron jussu Dei omnia populi delicta confitebatur & ejus capiti imponebat, quæ deinde emis-

fus in desertum secum asportabat; non enim illi hirco verè peccata populi imputari potuissè, neque eum abeuntem verè secum illa portasse: sed Doninum innuere tantum voluissè non minus à populo ablata fuisse omnia peccata, quam si hircus ille super se universa habens in desertum illa asportasset; non potuissè dici satisfecisse peccatis quia nihil de ejus morte quæ tamen secundum nos necessaria erat, perhibetur. 4. quod si locutio hæc urgeatur & ad calamitatis inflictionem referatur ne sic quidem satisfactionem posse elici contendunt, quia non semper pœnæ lationem connotat, sed simplicem afflictionem occasione peccati illatam, ut patet ex Num. xiv. 39. Thre. v. 7. 5. vellicant etiam verba vers. quinti ubi dicitur *castigatio pacis nostræ super eum* quasi nihil aliud significant quam Christum flagella & afflictiones subiisse quæ nobis pacem id est felicitatem & quietem pepererunt; Nam פָּדַי pro flagello tantum & afflictione poni, non pro vera punitione, innuere vocem *pacis* quæ ei non obscure opponitur; nempe quia antithesis non est inter punitionem & pacem quemadmodum est inter pacem & afflictionem. 6. Denique vers. 8. ubi dicitur quod Jehova יְהוָה fecit *occurrere iniquitatem nostram super ipsum*, reponunt dupliciter reddi posse commodius quam à nobis fieri soleat, aut & *Jehova occurrit per eum iniquitati omnium nostrum* ita ut Deus per Christum omnes iniquitates vel iniquitatum pœnas à Nobis, illis quodammodo per ipsum vel cum ipso occurrendo depulerit; vel & *Jehova occurrere fecit ei iniquitatem omnium nostrum* id. ut Deus effecerit ut omnium nostrum iniquitates Christo obviam fierent & ipsum quodammodo aggrederentur cum nostrarum iniquitatum causâ mori eum voluerit: sic illi perverissimè locum hunc detorquere conantur in propriam perniciem, vide Socin. de Serva. p. 2. c. 4. 5. Catech. Racov. c. 8. q. 33. Crell. adv. Groii. Smalz. contra Frantzi.

XII. Nos verò eorum pestifera sed imbellia tamen tela sic repulsum imus. Nam in 1. se prodit solitus eorum *paralogismus à particulari*, *Portare* interdum significat *auferre* & *removere*, & vox Heb. נָשָׂא aliquoties eo sensu usurpatur; Ergo & hic pariter intelligenda venit: Quamvis enim daremus hunc significatum quibusdam in locis occurrere, tamen ut in omnibus, & eo præsertim de quo inter nos controvertitur Isaïæ loco pro sola peccatorum remotione & ablatione, non verò pro eorundem receptione & translatione in Christum accipi debeat nunquam à nobis impetrabunt: Nam cum occurrit vox ambigua, ex circumstantiis, orationis serie, & materia subjecta significatio genuina petenda est, atque ita statuendum est primariam & propriam significationem quantum fieri potest retinendam esse nec ad tropicam & impropriam temerè & sine gravi causa recurrendum esse; Hic verò gravissima sunt causæ cur juxta receptam sententiam verbum hoc de *gestatione* vera, non de simplici remotione intelligamus, quia est *primaria & maxime propria vocis istius significatio*, quæque frequentissima est ubivis in Scriptura, consulantur loca apud eundem Prophetam Is. c. xxx. 6. & xl. 11. & lii. 11. & lx. 6. & lxxvi. 12. hic enim ut & alibi

sæpius verè significat aliquid portare maximè cùm peccato adjungitur; nam ut Hebræi significant id quod Latini dicunt *pœnas pendere* nullam phrasim habent magis receptam quàm hanc *ferre peccatum* ut Latini etiam dicunt *luere delicta* hoc est delictorum supplicia; sic ex ordinario usu scripturæ sumi probavimus antea; nec diffitetur Socin. Prælecti. c. 21. *fatemur* inquit *locutionem hanc portare seu ferre peccatum sive iniquitatem idem significare solere, quod peccati pœnas dare sive ut verbum verbo reddamus peccati pœnam ferre, peccati enim & iniquitatis pœna potissimum significatur.* Cùm Ergo usitatissima hæc sit & communissima istius verbi acceptio cur nullâ ratione cogente ad aliam rariorem & insolentio rem confugeremus, maximè cùm hanc esse retinendam non paucæ nec leves ex ipsius textus visceribus petita demonstrent rationes?

XIII. Prima petitur ex conjunctione verbi לָבִיב quod priori annectitur *linguæ nostros ipse tulit & dolores nostros bajulavit* לָבִיב quod repetitur etiam vers. 11. & *iniquitates eorum portabit* לָבִיב, quanquam enim ipsa peccatorum susceptio & latio ex priori voce satis colligeretur, ne quis tamen argutaretur נֶאֱמַר de simplici ablatione vel remotione intelligendum esse, ideo Propheta addere voluit verbum לָבִיב לְעִוְוֹתָם quod non aliam quàm portandi seu onus impositum bajulandi significationem obtinet, unde quem *bajulum* vulgo vocamus Scripturæ vocant לָבִיב id. *νοστέρον* dorso ferentem ut LXX. vertunt 1. Reg. v. 15. & onus quod gestatur humeris ita ut portantem premat dicitur לָבִיב Exod. 1. 12. & Ps. LXXXI. 7. unde nonnulli *fabulum* Latinis dictum volunt, quod arena valde sit ponderosa. Cùm Ergo vox hæc quæ unicum significatum bajulandi obtinet addatur præcedenti quæ πολλόν est & ambigua, patet priorem ex posteriori esse interpretandam. Nec sine causa Spiritus S. videtur duas hæc voces conjunxisse ut perfecta peccatorum latio innueretur, quippe נֶאֱמַר ipsum actum tollendi onus in humeros atque adeo susceptionem propriè designat, לָבִיב verò gestationem oneris impositi ac suscepti. Ita Christus gemina hac phrasi portasse peccata dicitur quia non ita suscepit imposita sibi peccata nostra, ut sub onere fatiscens ea deposuerit & abjecerit impar oneri tanto, sed suscepta ritè portavit & pertulit. Itaque sive consideretur conjunctio utriusque vocis, sive relatio & ἁπλως unius ad alteram necessariò vera peccatorum susceptio & latio, non simplex ablatio colligitur; Neque ullius est momenti Crellii instantia quâ *auferendi* significationem etiam in verbo לָבִיב locum habere debere contendit, vers. 11. quum de Christo dicitur *de labore anima videbit & saturabitur; cognitione sui justificabit servus meus multos, & iniquitates eorum ipse portabit, ubi iniquitatum bajulatio commemoratur tanquam aliquid quod exiturum sit post mortem Jesu Christi & tanquam primum laboris quem is mortem sulcundo pertulerit, quod profectò esse non potuit puniri in ipso peccata nostra, id enim neque mortem consecutum esset, sed unâ cum ipsa morte peractum fuisset, neque primum laboris dici posset sed labor ipse* vers. 11. Nam etsi bajulatio peccatorum referatur à Propheta post justificationem quam per

fidem in ipsum consecuturi erant fideles, & post fatietatem id. præmium quod ipse ex labore suo relaturus erat, non sequitur tamen contigisse postea, imò debuit reipsa antecedere, quia his verbis causa redditur præmii quod obtinere debuit & fundamentum ponitur justificationis quam electis conferre debuit, quare enim iustificare potuit servus ille dilectus per cognitionem sui fideles, nisi quia portando eorum peccata in cruce pro iis satisfecerat? Itaque copula, quæ hic apponitur *causaliter* est intelligenda ut sæpe alibi, quod observatum Tremellio qui vertit in præterito, *quorum iniquitates ipse bajulaverit*; falsum etiam quod supponit portationem iniquitatis statui à Propheta præmium laboris Christi, cum potius recenseatur tanquam ipse labor qui fuit præmii causa, nam statim vers. sequenti addit commemorans gloriam quæ illam calamitatem erat secutura *Ideo partem ei dabo in multis & dividet spolia, &c.* nim. propterea quòd animam suam morti exposuerit & portaverit multorum peccata ut ibid. additur.

XIV. 2. *Ex modo portandi* qui est *vulneratio & attritio* vers. 5. 6. *labor animæ* vers. 10. neque enim dicitur simpli. peccata vel languores tulisse, sed ita tulisse ut propere fuerit vulneratus & contritus, ut propter prævaricationes nostras plagâ affectus fuerit, atque adedò laboraverit anima ejus; quis verò hinc non videat non loqui prophetam de nuda & simplici peccatorum & poenarum remotione, sed de onerosa & molesta portatione ac gestatione quâ Christus poenas peccatis nostris debitas in corpore suo sustinuerit, ut ab illis liberaremur? quid enim atinebat hîc commemorare summam ejus ignominiam & exinanitionem, extremos cruciatus & dolores quos perpessus erat, si nihil aliud præstiturus erat Christus in hac iniquitatum portatione quàm quod eas supremâ suâ auctoritate & gratiâ removeret & auferret? Accedit etiam quòd non tantum portasse dicatur peccata, sed & in se recepisse; castigatio enim pacis nostræ dicitur fuisse *עליה* super eum & Deus coniecisse in eum iniquitates omnium nostrum, quod utique frustra diceretur, si auferendo tantum & non etiam ferendo & in se recipiendo poenas iniquitatum portasset.

XV. 3. *Ex simili* ibidem allato, nam eodem modo dicitur portasse peccata quo modo victimæ portabant peccata, nam phrasis illa per istam exponitur vers. 10. dum dicitur posuisse animam suam sacrificium pro delicto; peccata verò victimis ita fuerunt imposita ut non tantum ea auferrent per expiationem typicam, sed & iis typicè imputarentur per æstimationem juridicam, quòd pertinebat ritus impositionis manuum super caput hostiæ & confessio peccatorum quæ fieri solebat; Ita cum Christus verè sit victima nostra piacularis qui propterea peccatum dicitur factus à Deo 2. Cor. v. 21. ut antea visum, portatio ista non potest sine vi quadam ad portationem activam tantum vel autoritativam si fas ita loqui, id. meram ablationem referri, sed optimè ad gestationem passivam & satisfactoriam accommodatur. 4. denique ex ipsa Adversariorum sententia, nam si auferre debuit Christus peccata, utique & ferre debuit, nunquam enim ea auferre

potuisset ut Mediator, nisi eorum pœnas sustinuisset ut Sponsor, primariâ debitoribus indemnitate & immunitate à pœna præstando. Ita hæc tanquam contraria & ἀντιρροησάμενα non sunt opponenda, sed componenda ut subordinata; peccatum ferre & auferre, quia ut non tulit nisi ut auferret, ita non abstulit nisi ferendo.

XVI. Atque hinc luculenter patet quid ad illa loca respondendum sit in quibus Deus dicitur portare iniquitatem non satisfaciendo, sed simpli. condonando Exod. xxxiv. & Num. xiv. nim. disparem esse planè rationem, & dissimilia conferri. Nam aliter Deus dicitur portare peccata, alter Christus, Christus ita fert ut propterea dicatur peccatum & execratio fieri, propterea atteratur, vulneretur, occidatur, quod de Deo nusquam perhibetur, quid mirum ergo si Christus ferat peccata pœnas luendo, Deus contra reatum condonando, & pœnam removendo? Ita pro ratione subjectorum phrasis diversimodè explicari necessariò debet, ne sensum fundat absurdum & alienum; Deus enim cum sit ἀπαθής & doloris omnis expers non potest portare peccata eorum pœnam suscipiendos ideo manifesta ratio compellit nos deferere significationem propriam & figuratam assumere, at in Christo nihil tale occurrit; nam ex quo particeps factus est carnis & sanguinis, obnoxius factus est iisdem infirmitatibus & tentatus in omnibus nobiscum excepto peccato, unde nihil obstat quo minùs verè in se pœnas peccatorum receperit ad patiendum pro ipsis, quemadmodum constat cum gravissimis doloribus & cruciatibus exercitum fuisse.

XVII. Secunda exceptio petita est ex collatione Evangelistæ cum Propheta, in qua mirè sibi plaudunt quasi nodus plane ἀλύτῳ sit & inexplicabilis, quia oraculi illius complementum apud Matth. vii. refertur ad morborum sanationem quos Christus non tulit sed abstulit, quid inquit Ostorodus an Christus infirmorum morbos in se recepit & loco eorum agrotavit & sic eosdem sanavit? nemo hoc affirmabit, sed potius dicit Christum morbos illorum potentiâ suâ divinâ abstulisse & abieciisse. Difficultas hæc in speciem gravis & ardua, sed variè tamen responderi potest. 1. Vel Adversarij petunt de morbis tantum corporalibus loqui vel non, illud ut opinor ne dixerint quidem, istud verò eorum hypothesein destruit, nam ut diversi sunt languores, ita diversimodè eos tulisse dicitur, & rei naturæ & statui suo convenienter, corporeos quidem removendo non ferendo, spirituales verò & ferendo, & auferendo, quia ita rei natura postulabat; quod si quæritur qua tandem ratione applicatio hæc convenienter facta fuerit à Matthæo, diversimodè huic scrupulo satisfieri potest. Primò non malè quidam hæc anagogicè applicari à Matthæo petunt, quia enim Christus multa hic miracula edere incipiebat, faciliè contingere poterat ut vulgus existimaret eum tantum excellentem esse Medicum aut præstantissimum Chirurgum; ideo ad hoc præcavendum Matthæus hominum mentes per ἀναγωγὴν elevare & altius de Christo sperari voluit, nimis hæc miracula ideo facta esse ut impleretur quod de eo prædictum fuerat, non ut in

externis illis & visibilibus beneficiis hærent, sed ut sublimius quid & salutarius attenderent, tam potentem scilicet cum esse & promptum ad tollendas spirituales & æternas nostras misérias, quàm promptum & potentem se exhibuerat in tollendis & sanandis corporis morbis, ideoque in sanatione animæ potius quàm corporis meditanda & quærenda quæ illius umbra erat tantum & exiguum specimen, occupatos esse debere; Ita docere nos voluerit Matth. quis scopus & usus præcipuè in miraculis Christi spectandus sit & in quem finem sanaverit Christus eorum morbos, non ut se corporum medicum proderet, atque ita in caduco beneficio eos detineret; sed ut à terrenis ad cælestia, ab externis ad interna, à corporalibus ad spiritualia eos eveheret, & sub hac figura verum se animarum medicum demonstraret; Ita cæcos illuminavit, ut se mundi lucem esse ostenderet, restituit vitam mortuis ut se probaret vitam & resurrectionem esse, atque ita in cæteris. Hæc porro sententia de sensu anagogico & accommodatio non caret suis fundamentis, nam si Matt. nihil aliud intendisset quàm corporalium morborum curationem hinc stabilire, potuisset alia luculentiora laudare loca ubi expressa mentio morborum corporis sit ut II. xxxv. 5. 6. Tunc aperientur oculi cæcorum, aures surdorum patebunt; claudus saliet & muti loquentur & sic alibi non semel; deinde usum istum anagogicum Christus ipse non semel in sanationum miraculis requirit, ut Matt. ix. 2. Jo. v. 14.

XV III. Ad hanc primam solutionem accedit secunda non minus commoda eorum qui verba hæc analogicè interpretantur & per metonymiam exponunt quod dicitur *ut impleretur* id. ut significaretur per eum impletum iri quod dictum est per Isaiam &c. quia sanatio morborum corporalium erat instar signi & symboli sanationis morborum spiritualium per hunc Jesum suo tempore in cruce perficiendæ ac proinde non fuerit tunc impletum hoc Isaiæ vaticinium, sed tantum data veluti arrha & symbolum futuræ impletionis in morte Servatoris, nam in miraculis istiusmodi quæ circa corporum sanationem edebantur specimen exhibebatur salutis quam animis allaturus erat, sic Rupert. lib. 7. in Matt. c. 7. *suum opus quod est agnitio animarum sanare Christus cepit ad agrotatione corporis operari, ut dum prius illas visibilibus curaret, medicus verus innotesceret & tum denique ad curandas agnitiones animarum perveniret.* Neque novum est ut verba quæ actionem vel passionem notant declarationem tantum vel significationem importent, & hoc in verbo implendi præsertim eo sensu occurrit Jac. II. 23. *Itaque impleta est Scriptura quæ dicit credidit Abraham Deo & illi imputatum est ad Justitiam;* non sanè quod tunc demum impleta fuisset, nam multò antequam filium suum obtulisset fides dicitur imputata Abrahamo in justitiam, sed quia impletam hanc esse hæc insigni obedientiâ tanquam certissimo testimonio declaratum est; Quod si respectu præteriti ita usurpari potest, quidni & respectu futuri? maxime si inter res illas varias intercedat aliqua analogia, & ex ea significatio; quemadmodum hic occurrit; non quidem ratione modi quo Christus

stus peccata nostra sustulit, sed ratione *finis* qui utrobique idem fuit ablatio scilicet mali; nimi. ut divinâ suâ virtute potenter sanavit morbos corporeos, quibus homines vexabantur, ita mortis merito & efficacîâ spiritus morbos spirituales nostros tollit & auferit; unde pictura hîc est expressa beneficii spiritualis in speculo rei materialis & externæ, sic *impletio* intelligenda esset *improprie* in sensu *transumptivo* & *analogico* quomodo Matt. 11. 15. dicitur impletum oraculum *Osæ* C. XI. 1. *ex Ægypto vocavi filium meum*, quæ verba primariò & propriè referuntur ad educationem populi ex Ægypto, sed propter quandam analogiam typicam benè accommodantur postea ad reditum Christi ex Ægypto quò propter Herodis persecutionem à Josepho fuerat delatus? sic alibi sæpe verbum istud in N. T. sumitur.

XIX. Licet verò utraque hæc sententia vim exceptionis allatæ jam satis elidat, siquidem utrobique statuitur Propheta ulteriùs quàm ad morbos corporeos respexisse, tamen faciliùs adhuc videtur nodus posse solvi si addamus cum aliis hæc à propria significatione haudquaquam transferenda esse, & Matthæum appositè applicasse Isaiæ verba; quippe Propheta loquendo de languoribus & doloribus nostris generaliter complexus est ea omnia mala tum animi tum corporis quibus affligimur post peccatum, quemadmodum dicitur Christus *sanare omnes infirmitates nostras* Pl. CIII. 3. quia *Sol est Justitia ferens sanitatem in alis suis* Mal. IV. primariò quidem & directè de morbis animi locutus est qui scilicet fontes sunt & causæ cæterorum, at secundariò & minus principaliter per quandam subordinationem & consequentiam nihil obstat quominus respexerit languores corporis, sive quia illorum morborum plurimi propter peccata insiguntur, tum etiam & imprimis quia à peccato omnes proveniunt sicut mors, & fructus sunt peccatorum per quæ morbis & morti obnoxii sunt homines ut *Chrysost.* observat in h. l. Jam verò Matthæus quod generaliter dictum fuerat à Propheta applicat peculiariter ad certam morborum speciem, morbos scilicet corporis, non negat tamen propterea Isaiam agere de morbis animi vel excludit eorum curationem, imò potiùs includit & supponit ut sublata causâ effectum tolli demonstret, neque enim sanare potuisset morbos corporis, nisi vim habuisset sanandi languores animi, & in hunc finem sanavit illos ut sanationis spiritualis argumenta & testimonia daret, primariò venit ad profligandas animæ infirmitates, secundariò ut earum effectus tolleretur, itaque ab illis ritè ad istas argumentum procedit; Unde hæc non sunt opponenda sed componenda, *morbi animi corporis non seponunt morbos, sed morbi corporis supponunt morbos animi*, quod in sanatione paralytici cap. seq. ostendit Salvator Matth. IX. 2. *Confide fili remissa sunt peccata tua* quæ sunt scilicet causa infirmitatis tuæ; & ibidem adversus blasphemantes defendit *utrum facilius est dicere remissa sunt tibi peccata an dicere surge & ambula*. Eiusdem sunt ista autoritatis & de utrisque textus rectè intelligitur apud Isaiam, Matthæus morbis corporis, Petrus animi peccatus applicat; quia ista se invicem vel ponunt vel supponunt; utros-

utrosque E. tulisse dicitur Christus, sed diversimodè pro diversa natura subjecti, illos quidem amovendo tantum non ferendo, quia ad eorum sanationem potentia tantum requirebatur, at istos secundo & in se recipiendo ut auferret, quia ad eorum expiationem cum potentia etiam iustitia exigebatur; ut illos curaret non opus fuit Christum ægrotum fieri; at ut tolleret peccata debuit ipse peccatum fieri; Et sane quod non in morborum corporis sanatione sit immorandum, quasi de ea tantum sermo fieret vel illud luculenter evincit quòd in ea languorum gestatione quæ illi tribuitur dicitur à Deo percussus & vulneratus & ita de eo sensisse Judæos, at ridiculum prorsus esset dicere homines existimasse Christum esse à Deo percussum & humiliatum, eo quòd morbos omnis generis curaret & dæmones ejiceret, cum ex opposito si nihil aliud in eo homines vidissent, consentaneum erat potius existimare Christum esse Deo gratum & ab eo exaltatum, E. hoc potissimum referendum est ad lationem poenalem, quæ in morte & passionibus ejus locum habuit.

XX. Huic responsioni hoc unum videtur regi posse quod si mens fuisset propheta utrosque morbos complecti & primariò spirituales respicere, non potuisset Matth. dicere tunc impletum fuisse illud oraculum, & Christum hæc miracula præstitisse ut illud impleretur siquidem nondum potuit compleri; Verum facilis est solutio sæpe res dici impleri in Scriptura non tantum cum perfectè & absolutè complentur; sed cum impleri incipiunt quoad aliquam sui partem; Nimirum cum certum sit oracula maximè composita & mixta diversas res significare modò habeant aliquam partem ad se invicem & subordinationem, ita dubitari nequit quin secundum varias illas res diversis etiam gradibus successivè impleantur, quemadmodum unicus eorum sensus varios gradus continet, primum in typo alterum in antitypo: Sic Is. 1x. 1. in illustri vaticinio quod proponitur à Propheta, *Populus qui ambulabat in tenebris vidit lucem magnam* tres gradus impletionis notari possunt 1. in liberatione à captivitate Babylonica, nam eò respicere Isai. constat ex sequentibus ubi de sceptro exactoris & iugo confracto fit sermo, & revera tunc populus in calamitosissima constitutus conditione quæ per tenebras & umbram mortis denotatur in Scriptura visurus erat lucem providentiæ paternæ & gloriøse Dei potentiæ quæ liberandum erat: secundò in prædicatione Evangelica & temporibus N. T. ut constat ex Luc. 1. 29. & Matt. 1v. 16. ubi impletum dicitur hoc oraculum cum Christus concionatus est circa oram maritimam Galileæ; 3. in resurrectione ultima cum ex tenebris mortis in quibus jacebimus in sepulchris nostris traducemur ad lucem æternam gloriæ & immortalitatem quæ in communione Dei & Christi frui sumus, quò videtur respicere Paulus Col. 1. 12. Ephes. v. 14. Sic mysterium Paschatis diversis momentis & gradibus impleri debuit 1. sub Lege in immolatione & manducatione Agni Exo. xii. secundò sub gratia in oblatione Christi in Cruce & ejusdem manducatione in Eucharistia 1. Cor. v. 7. 8. 3. in gloria in communione Christi & participatione ejus beneficiorum cum

cum accumbentes mensæ ejus cum Abrahamo Isacco & Jacobo saturabimur pinguetudine domus Dei, & potabimur torrente deliciarum ejus, & nuptias Agni celebrabimus Luc. xxii. 15. 16. 30. Ap. xix. 9. Ita in aliis typis & figuris id ipsum demonstrari facile posset; Quemadmodum verò vel oracula vel typi illi dicuntur impleri etiam resp. primi gradus vel secundi licet nondum accesserit tertius & ultimus: Ita hic pariter vaticinium hoc dictum est impleri à Matthæo quia implebatur quoad alteram sui partem, duos enim gradus habuit secundum quos impleri debuit, primum in morborum sanatione, cum Christus semet defatigans ad vesperam usque aliorum morbis levandis vacaret non sine gravi molestiâ & labore; secundum cum Crucis supplicium perferens remissionem peccatorum nobis impetravit, & tunc multò perfectius in ipsa morte quæ animi morbos sustulit impletum fuit. Nam quòd vaticinatio Prophetæ non fuerit tunc planè impleta cum malè habentes curaret, patet ex eo quòd Christus instante passione quædam ex hoc capite sibi applicat & implenda adhuc esse dicit Luc. xxii. 37. *Dico vobis, inquit, adhuc oportere scriptum illud in me impleri, & cum iniquis reputari esset.* If. li. 11. 12. 2. quod Evangelista Act. viii. totum hoc caput de Christo toto mundo tunc innotescente per crucifixionem & resurrectionem suam interpretatur, quod fieri commodè non potuisset si in primo tantum gradu immorandum esset; Itaque inchoata quidem fuerit impletio & operibus illis tanquam signis & symbolis promissa & ostensa, sed non absoluta & consummata donec alter gradus in morte accesserit.

XXI. Ad 3. Except. de Hircu *Στοιματισ*. Resp. 1. peccare falsa hypothesi quasi phrasis ista *portandi peccata* quæ habetur apud prophetam petatur tantum ex ea carimonia quæ circa hunc hircum peragebatur in anniversario illo festo Expiationum, cum in genere referri possit ac debeat ad omnia sacrificia hylastica in quibus res eadem locum habebat, victimis enim imponi solebat peccatum ut illud ferendo expiarent, quod fusiùs demonstraturi sumus in Disp. sequentibus; atque huc facit quod vers. 10. dicitur *Messias positurus animam suam sacrificium pro delicto.* 2. Etsi hircus isti propriè peccata imposita non fuerint quia non fuit subjectum *δικτόν* poenæ ut nec peccati, sed tantum ut asportare censeretur, non secus ac si super illum universa posita fuissent, non sequitur pari ratione hoc in Christo fieri, quia discrimen est longè maximum inter figuram & veritatem, umbram & corpus, de typis bene illud dicitur quia in illos non cadebat propria illa & realis impositio, at de Christo qui fuit subjectum capax, nunquam tale quid vel in V. vel in N. T. occurrit, eum peccata nostra asportasse non aliter atque si super se iniquitates nostras habuisset, imò ubique absolurè hoc de Christo asseritur nulla addita similitudinis nota diminvente, quasi per similitudinem tantum & non verè Christus nostra in se suscepisset peccata. 3. falsum etiam quod supponitur Hircum illum nullo modo posse dici tulisse peccata populi, nam etsi ea non tulerit verè & spiritualiter, tulisse tamen typicè & carimonialiter evincitur primò ex dis-

tis Scripturæ verbis Levit. xvi. 20. &c. *Imponet Aaron ambas manus suas super caput hirci vivi & confitebitur super illud omnes iniquitates filiorum Israël &c. & ponet eas super caput hirci ac emittet illum per manum viri parati in desertum & portabit hircus ille super se omnes iniquitates eorum in terram inhabitabilem & abire sinet hircum illum in desertum.* Unde luce meridianâ clarius liquet & peccata hirco revera imposita fuisse & illum ea tulisse: quod & secundò colligitur ex eo quod hircus iste *impurus* habebatur ob peccata ipsi imposita, unde quicunque hunc hircum tangebatur pollutus erat & ablutionis ut mundaretur indigebat Levit. xvi. 26. Tertiò non magis potest ablatio peccati per Christum facta ex hirco illo ostendi quam ejusdem latio, innò clariùs latio probatur, siquidem disertè dicitur portaturus peccata in desertum, at non ita expressè quod ea esset ablaturus.

XXII. Instabis fortè Hircum hunc interimi non solitum, ad peccatorum autem remissionem fusionem sanguinis sive mortem requiri ex nostra sententia; non posse ergo cum ratione dici peccata tulisse ad eorum expiationem. Verum respondeo 1. nullum locum fore huic exceptioni si audiat Hebræorum sententia; Tradunt enim hircum hunc è loco sublimi per eum à quo abductus fuerat præcipitatum fuisse atque ita neci datum; & observant solum vel funiculum rubrum quod לשון של זחור *linguam coccineam* vocant, ad cornu hujus hirci alligatum fuisse, quod si Deum propitium & placatum haberent mox in albedinem, quod gratiæ & benevolentiæ signum erat converti solitum, quo respexisse volunt Isai. c. 1. 18. *si peccata vestra rubra fuerint sicut coccinum similia lana erunt:* sin secus foret rubrum mansisse, unde vir ducens hircum in solitudinem cum hanc coloris mutationem in filo videbat illicò cornu inflabat, quod ubi alii ordine quodam Jerosolymam usque constituti audiebant statim & ipsi cornibus suis quæ in hunc usum habebant sonabant, ita ut brevissimo tempore intra horam ferè non tantum Hierosolymis, sed in tota terra Israël sonus iste audiretur; ut ista ratione populus sciret sibi Deum placatum esse, & ad laudandum & celebrandum nomen ejus excitaretur; Si verò filum rubrum non mutaretur quod irati & offensi Dei signum erat, silebant cornua nullusque sonus terram personabat, atque tum universus populus per totum annum affligi, poenitentiam agere & precibus ac jejuniis Deum sibi rursus placare tenebatur vide *Codic. Thalmud. Foma* ubi aliæ habentur plures istius carimonix circumstantiæ. Quod si huic traditioni fidem minus adhibere velimus, tamen illa in vastam & inhospitam solitudinem abactio satis videbatur inferre mortem minime naturalem aut ex fame aut ex ferarum laniatibus: Sed non opus est ut eò deveniamus, facilius enim hoc quicquid est difficultatis tollitur, si dicamus emissionem istius hirci non fuisse totum sacrificium hylasticum, sed partem ejus tantum & vim expiationis à sacrificio alterius hirci pependisse; nam debebat præcedere oblatio hirci pro Domino ejusque sanguis fundi ad expiationem peccati populi vers. 15. 16. ut ejus virtute posset hircus vivus in desertum

emitti; Itaque hinc tenendum caeremoniam hanc non uno actu, aut unâ re absolutam fuisse, sed ad ejus complementum tum oblationem hirci mactati, tum emissionem vivi pertinuisse, in prima notabatur vera peccati expiatio quæ per sanguinis fusionem & poenæ lationem fiebat, in altera verò effectus hujus expiationis ex latione scilicet ablatis & remotio peccati eatenus ut nunquam in conspectum Dei contra nos veniret; nam dum hircus mactabatur & sanguis effundebatur super Sanctuarium & Tabernaculum purgatio iniquitatis & satisfactio pro eadem fiebat; at cum alter onustus peccatis populi amandabatur in desertum & terram longinquam unde non amplius rediret, fructus satisfactionis præcedentis notabatur gestatio nim. & cum gestatione ablatis peccatis quod à peccatoribus longissimè amovebatur: utrumque quidem præstabatur in sacrificiis ordinatis, sed quia posterius non ita conspicuum erat in cæteris, peculiari hoc symbolo Deus adumbrare illud voluit in solenni hoc festo ad majorem populi consolationem; simile quid præceptum à Deo legimus in leproforum mundatione Levit. xiv. 6. 7. 52. 53. ubi duæ aves jubentur assumi altera ad mactationem, altera ad dimissionem, sed quæ prius sanguine avis mactatæ tingi debuit ut ita & ipsum purgationem & ejusdem certissimam demonstrationem in lepræ remotione ostenderet; Nec novum debet hoc videri aut insolitum ut ad eandem rem significandam plures assumantur typi; siquidem ut antea observatum est unum idemque mysterium varias *ætem* obtinet quæ unâ aliquâ picturâ reddi & representari non possunt; ideoque plures necessariò assumendæ sunt ad ipsum aliqualem in tota sua latitudine exhibendum.

XXIII. Scio mysterium hoc duorum hircorum diversimodè exponi, dum alii duas hinc naturas Christi, alteram humanam quæ affligitur, alteram divinam quæ impatibilis cum sit libera manet & vivit in æternum, connotari contendunt quod visum Theodoro, Isychio & Cyrillo: Alii duos status ejusdem indicari ante & post resurrectionem, Christum in cruce morientem & in resurrectione viventem; immolationem unius hirci testatam esse in morte Christi satisfactionem pro peccatis querendam esse; Alterius autem vivi discessum ostendisse Christum ex quo pro peccatis oblatus est & hominum maledictionem sustinuit, vivum tamen manere supersitem quod Augustino, Procopio & aliis placuit; Alii denique duplicem *ætem* significari arbitrantur quam sustinere Christus Mediator debuit ad opus Redemptionis exequendum, primam erga Deum Judicem, cui satisfaciendum erat per meritum mortis, alteram adversus Diabolum hostem cui colluctandum fuit per potentiam vitæ. respectu prioris jaciebatur fors pro Domino in hircum mactandum, ratione posterioris jaciebatur fors ad Azazel in hircum emissarium, ut princeps ille tenebrarum experiretur quid posset cum eo qui omnium peccatis erat onustus, quemadmodum in plenitudine temporis in desertum traductus est ut ab eo ibidem tentaretur; Sed quod antea retuli videtur simplicius ut duo hirci nihil aliud notent quam perfectam expiationem à Christo factam, qui non tantum tulit peccata moriendo, sed & abstulit resur-

gendo, non modò satisfecit per sui oblationem, sed & satisfactionis perfectionem & veritatem demonstravit per sui dimissionem, quâ certiores facti sumus peccata nostra à nobis in ipsum translata procul abacta evanuisse; ita ut nulla sit amplius condemnatio iis qui sunt in Christo Rom. VIII. 1. & impleatur illud Pauli, *traditum esse propter peccata nostra & suscitatum propter nostri justificationem* Rom. IV. 25.

XXIV. Cæterum si quæritur nomenclationis ratio & cur hircus ille vocaretur ^{ἄζαζελ} Azazel non una est omnium sententia. Quidam ex Judæis recentioribus quos sequuntur Vatablus & Oleaster existimant esse nomen montis in deserto non procul à monte Sinai qui hoc nomen à capro illo qui eò mittebatur, obtinuit. Sed præterquam quod hoc nullo certo probari potest argumento, quamvis dari posset nomen montis inde petitum esse, ex occasione hirci eò missi, primigenia tamen hæc non esset vocis origo; Commodior est aliorum sententia qui volunt vocem proprie hirci isti compctere, esseque compositam ex duabus, ex voce ^{ἄζα} quæ caprum significat & radice ^{ἄζαζ} id. abire q. diceret caprum abeuntem seu emissarium eò quod in desertum dimitteretur, sic R. D. K. in radice Azazel; sic Symmachus & Aquila vertunt caprum qui emititur in solitudinem teste Theodor. LXX. vocant ^{δοπιμαίων} *δοπιμαίων* quo nomine Græci vocant *malorum depulsores* ^{δοπιμαίων ἀλεξίκακον, λύσον, φύζιον} *δοπιμαίων ἀλεξίκακον, λύσον, φύζιον* quomodo vocabant Deos quos colebant ad fuganda & averruncanda mala quibus vexabantur, Apollod. li. 6. de Diis; hinc & *depulsoria sacra* dicta sunt quæ diis depellentibus mala & averruncis fieri solebant vide Gyrard. Syntag. Respexisse ergo videntur eò Græci, non tantum quod in desertum mitteretur, sed etiam quod esset verè malorum depulsor, qui peccata populi malorum omnium causam in desertum auferbat; atque ita propriissimè Christum representavit qui iram Dei ac pœnas æternis ab Ecclesia amoveret & arceret, ut verè sit ^{δοπιμαίων ἀλεξίκακον} *δοπιμαίων ἀλεξίκακον* & ^{δοπιμαίων} *δοπιμαίων* noster. Porro notatu dignum est ritum hunc inprecandi peccata omnia populi capiti hirci ad Ethnicos etiam pervenisse; hinc de Ægyptiis Herodo. testatur in Euterpe, quod victimas offerentes ^{καταρέοντα τῷδε λέγοντες τῇσι κεφαλῇ, ἐπὶ μέλοι ἡ σφισὶ πῖσι θύονσι, ἢ Αἰγυπῶ τῇ συνάπτει κακὸν γενέσθαι ἐς κεφαλὴν ταύτην τεκέσθω.} *καταρέοντα τῷδε λέγοντες τῇσι κεφαλῇ, ἐπὶ μέλοι ἡ σφισὶ πῖσι θύονσι, ἢ Αἰγυπῶ τῇ συνάπτει κακὸν γενέσθαι ἐς κεφαλὴν ταύτην τεκέσθω.* Imprecantur illis in hac verba, ut si quid mali aut ipsis immolantibus aut universa Ægypto futurum sit, id in caput hoc convertatur. Huc pertinet etiam non solum quod Gentiles iidem in magnis periculis & publicis calamitatibus præcipue placandæ iræ Divinæ causâ Homines Diis devovere soliti sunt ut sua morte iram numinis offensi placarent quod in Curtio, Decii, Cordero &c. patet, sed & quod de Massiliensibus refertur anniversariam Urbis suæ expiationem facere solitos esse Homine sacro, quem verbenis vestibulque sacris ornatum, & more victimarum redimitum, per urbem circumducebant, & capiti ejus omnia quæ urbi impenderent mala imprecantes in mare Neptuno immolantes præcipitabant additis his solennibus verbis ^{περίφημα ἡμῶν γενέσθω} *περίφημα ἡμῶν γενέσθω* sis pro nobis piaculum.

XXV. Sed hoc obiter dictum esto, non tamen præter rem omnino; redeamus ad argutationes Adversariorum: *Quarta* jam sequitur *Exceptio* quæ non difficilius præcedentibus solvitur. Eò enim tandem redeunt ut dicant, etsi peccata diceretur portasse neque hinc posse colligi Christum verè satisfecisse, quia rectè dici potest ille ferre peccatum qui peccatorum occasione grande malorum cruciatuum ac mortis denique fert onus, etiamsi nulla vera in ea re sit pœna sive vindicta, atque id probant ex Num. xiv. 33. ubi Dominus ait *fili vestri passum in deserto quadraginta annos & portabunt fornicationem vestram donec consumamur corpora vestra*, at inquirunt, Deus hoc non vult quòd filios Israelitarum verè puniturus esset cùm nihil tale ex loco colligi possit, nec ullo pacto sit verisimile, sed quod illi occasione delicti parentum suorum damnum non leve esset sensuri. Sic Thren. v. 7. *Patres nostri peccaverunt & non supersunt, nos vero pœnam eorum ferimus*; hoc verò verba non innuunt, istos pertulisse omnes pœnas debitas sceleribus patrum suorum, aut minima etiam ex parte Deo pro patrum iniquitatibus satisfecisse; sed occasione tantum iniquitatum ipsos afflictos fuisse, & ex illis iniquitatibus non leve damnum ad eos rediisse; hanc porro vulgarem loquendi consuetudinem esse pertendunt ut qui occasione iniquitatum alicujus affligitur illius iniquitates perferre & sustinere dicatur. Verum frustra sunt ita argutando, nam licet fortè vulgaris loquendi consuetudo aliquando obtineret ut *portare peccatum* diceretur qui occasione tantum peccati patitur, hanc tamen primariam & propriam non esse phrasis istius significationem diffusi opinor non audebunt, quare ergo mirum videbitur si propriam retinemus maxime cùm & rei natura & loci circumstantiæ exigant; primò Christum non passum esse occasionaliter sed necessario & meritorie pro nobis probavimus antea; deinde damnum quod quis occasione alicujus patitur perperam vocaretur pœna propriè dicta, at mors Christi talis, siquidem *execratio* dicitur, quâ pœnâ major nulla dari potest; accedit tertio quod qui occasione alterius patitur damnum, non statim expiat illius delictum & eatenus res proximi sui promovet ut à miseris & morte impendente ipsum liberet; at Christus moriendo peccata omnis nostra expiat, & ab eorum reatu & suppliciis eximit sanitatem afferendo vibicibus suis, & pacem in castigatione; Itaque dici nequit Christum occasione tantum peccatorum nostrorum damnum aliquod esse passum.

XXVI. Non favent verò Adversariis loca citata, nam in primo nihil obstat quominus usitatam significationem retineamus, cùm certum sit damnum illud respectu filiorum Israelis habuisse rationem pœnæ ex fornicatione parentum divinitus ipsis imputata; neque tamen immentò castigasse eos dicitur Deus, quia etsi pœnam alienam luerent, non erant tamen ipsi per se innocui; In altero verò non major veri species, nam dubium non est quin Israelitæ pœnas avitorum & paternorum scelerum portarint, sed ita ut proprias etiam luerent, ut testatur isem Propheta vers. 16. *ve nobis quia peccavimus*: Agnoscit autem Socinus quoties filii patrum vestigia sequuntur, non propria tantum,

sed & paterna delicta ipsis imputari; negat tamen hoc in loco sibi dissimilis imputata illis fuisse peccata patrum, ratio negationis est quod id eo loco commemorare, quamvis paulo inferius fateatur populum peccasse, ei quod animo intendebat Jeremias vehementer adversatum fuisset, Deum enim verbis illis ad misericordiam flectere curabat; Sed in eo graviter fallitur; nam Propheta ut eorum qui tum vivebant miseras exaggeret atque ita flectat Deum ad misericordiam, ostendit ipsos non tantum priorum delictorum poenas ferre, sed & paternorum & avitorum, eoque multò meliorem ipsorum sorte fuisse parentum sortem qui pariter cum essent rei ante tamen è vivis excefferant quam ista acerbissima supplicia effunderentur. Caterum etsi volumus in illis locis latitudinem poenae includi, non tamen statim inde inferitur satisfactio; ut sit respectu Christi quia & subjecta diversa & diversa adjuncta id non patiuntur, nemo enim ita tulisse dicitur iniquitates patrum ut inde ipsi redimerentur, quod fecit erga nos Christus.

X X V I I. Ad quintam Excep. Resp. gratis supponi non probari vocem quæ hic adhibetur afflictionem tantum quandam, sed sine punitione designare, nam tota orationis series sive antecedentia sive consequentia spectentur, clamat poenam propriè dictam notari, quia dicitur *afflictus propter pravaricationes nostras & attritus ab iniquitatibus* ut à causa meritoria impulsiva; deinde castigatio non tantum dicitur fuisse ei, sed *nostra & super eum*; tertio ita castigatus est ut peccatis omnibus nostris in eum coniectis reputatus fuerit *כח אלהים casus Dei & afflictus*; denique ita castigatus ut salus & pax per id nobis fuerit acquisita, quod nulla cuiusquam simplici castigatione fieri unquam potuit. Quòd verò addunt vocem *pacis* cogere nos intelligere simplicem afflictionem sine poena, quia non est antithesis inter pacem & punitionem, quemadmodum inter pacem & afflictionem; inane est & absurdum, nam si per pacem reconciliatio cum Deo venit intelligenda ut primaria hæc est ejus significatio in hoc negotio, nonne qui pacem illam nobis conciliat supponit iram Dei antecedentem quæ placanda fuit, & quare major est oppositio inter pacem & afflictionem quam inter pacem & poenam? Imò multi gravissimis possunt exerceri afflictionibus qui non desinunt dulcissimà pace semper in animo frui ut in Martyribus visum.

X X V I I I. Non melius vero se expediunt quartà quam addunt exceptione ad vers. 6. Imò versatile & dolosum suum ingenium in detorquendo Scripturæ genuino sensu palam produnt, quid enim aliud sibi vult præpostera ista loci perversio, quàm contendunt Deum dici occurrisse per Christum iniquitatibus nostris, cum tamen non occursum Christi iniquitatibus, sed occursum iniquitatum in Christum verba aperte innuant *הפגין בו את חטאיהם occurrere fecit in ipsum peccata nostra*; Altera etiam quam subjiunt expositio, vel nihil dicit, vel sententiam nostram confirmat plenius: nam quid sibi vult omnium nostrum iniquitates Christo obviam factas eumque aggressas cum earum causa moreretur, nisi statuamus imputatas ei fuisse & propterea mortuum?

sic revera fecit Deus ut occurrerent in Christum & conjectæ ac translate in eum fuerint, non quoad culpam, sed quoad pœnam, neque enim aliter fieri potuit.

X XIX. Ita satisfactum putamus exceptionibus illis quæ afferebantur adversus illustrem Isaïæ locum; Quia verò luculentius etiam confirmari potest hoc quicquid est mysterii ex loco altero Petri parallelo 1. cap. 11. vers. 24. Ideo breviter antequam finem faciamus & proponendus est & vindicandus. Postquam Petrus multa de Christi patientia admirabili retulit, addit ος τῶς ἀμαρτίας ἡμῶν ἀντὶς ἀνένεγκεν ἐν τῷ σώματι αὐτοῦ ὅτι τὸ ξύλον. ἵνα τὰς ἀμαρτίας διαγραφήται τῷ δικαιοσύνη ζωσμένοι, & τῷ μύλωνι ἰάθῃτε qui peccata nostra ipse sustulit in corpore suo super lignum, ut peccatis mortui iustitia vivamus; ejus vibice sanati estis. ubi Apostolus ad Isaïam ita respicit ut ejus quoque adducat verba & clarius etiam interpretetur, nam quod ille de doloribus dixerat, peccatis iste peculiariter applicat, quod de conjectis à Deo in Christum iniquitatibus fuerat vaticinatus, id ad crucis supplicium vel potius sacrificium accommodat. Hæc autem non de simplici ablatione posse intelligi sed gestationem simul includere multa probant. 1. vox ipsa ἀνένεγκεν quâ utitur, nam cum primò & propriè significet *sustulisse* & *sursum* *fero* tum ex eo *perfero* & *patrior* nihil causæ dici potest cur propriâ vocis acceptione relicta aliam minus usitatam sequamur, maximè cum plura non cogant non aliter eam hic accipere: nam secundò illa verba quæ sequuntur *in corpore* & *super lignum* nemini non persuadebunt sensu proprio sustollendi vocem accipi omnino debere, nec aliter posse, ita ut non loquatur Petrus de simplici ablatione, sed de ablatione tali quâ in oblatione corporis sui peccata nostra tanquam onus gravissimum & nobis ἀβάστακτον in se recipiendo sursum in crucem tulit, secumque cruci affixit. 3. & id ipsum scopus Petri & verborum ἀνένεγκεν ἐν τῷ σώματι, nam hortatur ille fideles ut patienter ferant calumnias & convitia, & subannationes impiorum, licet injustè traducantur; argumento ab exemplo Christi ducto qui non fuit, sed nostras calamitates tulit, & tamen æquo animo & patientissime illas semper sustinuit; Ad amplificationem autem patientiæ Christi ostendit ulterius quidam Christus pertulerit, nimirum peccata nostra id est pœnam peccatis nostris debitam metonymicè, & quidem in ligno crucis morte maledictâ, ne quis de gravitate injuriarum non ferenda ut fieri nimium solet conqueratur. Jam verò si τὸ ἀνένεγκεν exponitur per simplicem remotionem connexionis nulla erit ratio, vel admodum frigida, Patienti animo ferre injurias &c. quia Christus peccata nostra abstulit: at ex sententia nostra consequentiæ necessitas evidens est, si Christus licet infons, & omnis peccati expers, nostra in se peccata recepit, & eorumdem pœnam lubentissime pertulit, an non æquum est etiam nos ad illius instar injurias quovis & calamitates æquo animo ferre? Porro non sine ratione Petrus non tantum ἀνένεγκεν dixit sed ἀνένεγκεν ut & exaltationem Christi in crucem notaret quæ à Christo ipso prædicta fuerat Jo. 111. 15. & x11. 32. & alluderet ad significandi situm, & ad pœnas quæ in aram seu locum editionem

attollebantur, unde dicebantur ἀναφέρεσθαι Heb. viii. 27. quia offerebantur in altum sublata; Nihil ergo præpositio de vi sententiæ detrahit, imò potiùs aliquid superaddit, non lationem tantùm pœnæ, sed modum etiam ejus peculiarrem designando, quod & optimè à Syro expressum qui duo hæc simul connecit, *qui portavit & ascendere fecit peccata nostra*, id. ita bajulavit peccata nostra ea secum in crucem ferendo, ut maledictionem pro iis nobis debitam sustinendo, à nobis ea abstulerit & longissimè removerit.

XXX. Argutantur hîc pro more Adversarii 1. Petrum non usum simplici verbo ἐλεῖν sed composito ἀναφέρειν quod non tam lationem quàm ablationem significet, & patere id ex Heb. ix. 28. ubi Christus dicitur semel oblatus εἰς τὸ πᾶν ἀνευρεῖν ἀμαρτίας quod V. V. reddit ad multiorum exhaurienda peccata & Interpretes de ablatione interpretantur. Secundò verba sequentia non posse urgeri eo quòd præpositio *In* ex Hebræi sermonis proprietate non aliud significet quàm *Per* ita ut vertendum sit Christum peccata nostra abstulisse *per corpus* suum super lignum. Tertiò proprium istius gestationis finem notari in sequentibus nîmi. sanctificationem ut *mortui peccato vivamus justitia*, at hæc duo pœnas peccatorum persolvissè, & nos peccato mortuos justitiæ vivere debere naturâ esse admodum separata, & non nisi ex accidente hoc illius consequens esse, sicut ex eo quod quis alicujus debita solverit, non sequitur statim eum velle nullum æs alienum ab ipso contrahi. 4. Sanationem illam quæ facta est per vibices Christi referri tantùm ad conversionem vers. 25. *nam inquit eratis sicut oves errantes, sed conversi estis ad Episcopum & Pastorem animarum vestrarum*: itaque non pertinere ad satisfactionem ab ipso præstitam, sed tantùm ad præconium verbi ab eo institutum.

XXXI. Ad 1. Resp. Dictum antea quorsum Apost. verbo composito potiùs quàm simplici usus fuerit, non ad simplicem remotionem notandam quod est contra naturam usumque vocis, sed ad oblationem sacerdotalem designandam; neque contrarium probat locus Heb. ix. imò facilè demonstratur hîc etiam propriam significationem serendi retinendam esse, nam certum est Apost. in illis verbis conferre inter se & opponere duos adventus Christi & fines diversos eorundem, in primo dicitur sese obtulisse εἰς τὸ ἀνευρεῖν ἀμαρτίας πᾶν in altero verò appariturus dicitur *χωρὶς ἀμαρτίας sine peccato in salutem expectantibus ipsum*. Itaque ex posteriori phrasi de sensu prioris judicium ferri debet siquidem hæc proponuntur tanquam ἀντίστιχα. Jam verò esse *χωρὶς ἀμαρτίας absque peccato* nihil aliud innuere potest quàm non esse gravatum aut oneratum ullis peccatis, sed ab iis solutum & immunem. E. vicissim ut antithesis constet prior phrasis debet lationem aliquam peccati propriè dictam designare, non quidem quoad culpam à qua Christus semper immunis fuit quocunque in statu fuerit etiam in media morte, sed quoad reatum & pœnam quæ illi imposita est, quo sensu peccatum ipse dicitur factus; aliàs si hæc ad simplicem ablationem referimus sibi hæc duo non respondebunt *auferre peccata & esse χωρὶς ἀμαρτίας*.

Sic ergo priori adventui quo advenit sese oblaturus omnis infirmitatis & peccati pœnæ, exceptâ ejus labe, onere depressus opponitur, posterior quo advenit gloriosissimè triumphans, non ut sese iterum offerat nec ullâ infirmitate vel languoribus circumdatus, sed plenus gloriæ & semel abjecto illo peccatorum nostrorum sibi impositorum onere ad consummandum opus salutis in fidelibus suis; Cæterum non negamus hunc etiam fuisse finem Christo propositum & mortis effectum ut auferret peccata quod notatur vers. 26. ubi dicitur sese semel obtulisse *eis* *ἀβίτην ἀμαρτίας*, sed ablationem illam necessariò lationem aliquam antecedentem supponere ex qua pendeat pertendimus, nunquam enim auferre potuisset per condonationem & abolitionem nisi prius ea tulisset per Satisfactionem. Itaque sese obtulit ut ferret peccata, & eadem tulit ut auferret. Atque hinc patet, etsi nonnulli Interpretes hoc in loco utantur voce auferendi vel exhauriendi peccata, non tamen eos excludere, sed includere potius & supponere præcedentem lationem, sine qua remotio illa obtineri non potuit; Quanquam neque omnes ita reddiderunt, *Syrus* planè ad mentem nostram *in se ipso* *μακάριον* *multorum peccata*; Junius, *Beza* ut *in se ipso* *attolleret multorum peccata* alludendo ad holocausti ritum. *Theodo.* ad hunc locum optimè *Christus Dominus pro nobis semel oblatus nostris susceptis peccatis.*

XXXII. Quod verò secundo loco cavillantur de præpositione *In* quæ non aliud hic significet quàm *per* ex idiotismo Hebræorum mera vitilitigatio est, 1. etsi certum sit apud Hebræos nonnunquam ita sumi, quare hic cum sensum urgent, vel quo argumento usurpandum esse evincant, proferant vel unum Scripturæ locum ubi *ἀνατίθειν ἐν τῷ σώματι* de ablatione per corpus intelligendum sit; an verò longè melius fuit sensus si proprietatem vocis retineamus nullam verbis vim inferendo, maxime cùm id exigant verba sequentia; nam si mens Adversariorum sequenda esset, quorsum adderetur *in lignum*, quod tamen hoc in loco tantum est ponderis & efficaciz ut cogitationes nostras ad crucem trahat & factam ibi peccatorum expiationem inferat? quorsum subiceret *per vibices ejus nos esse sanatos* quod plagas & vulnera quæ Christo ut *servo* inflicta sunt manifestè notat ad pœnæ lationem? Secundò quanquam daremus posse verba *per corpus* verti non in corpore, nihil inde contra nos pro Adversariis elici posset, imò non minus nobis faverent, quo enim sensu tandem diceretur Christus *abstulisse per corpus* nisi in corpore ipso quodammodo gestasset, alias si sententia ipsorum retinenda esset, sequeretur Christum non modo peccata per corpus & super lignum abstulisse, sed ne abstulisse quidem, nam si secundum eos abstulisse tantùm dicitur quatenus doctrinâ suâ viam monstravit quâ à peccatis liberemur ut sic ea à nobis auferantur & remittantur, quis non videt ne abstulisse quidem, cùm innueri viam illam non sequantur, nec ab iis liberentur? ne nunc dicamus, de omnibus qui martyrio coronantur posse dici pariter eos peccata auferre, quia doctrinam illam sanguine confirmant quæ rationem ostendit ablationis peccatorum & liberationis ab eisdem, quod tamen neque dixit unquam Scriptura, neque dici cum ratione potest.

XXXIII. Ad tertium Non negamus Petrum mortis Christi finem notare sanctificationem, cum ait tulisse peccata *ἡμῶν τὰς ἀμαρτίας* *δοξολογῶν τῇ δικαιοσύνῃ* *ζήσαντες*, ubi eleganti utitur verbo opposito *τῇ γένεσιν* quod bene per *denafī* Varro olim reddidit, atque ita duas partes sanctificationis nostræ indicat, mortificationem & abolitionem veteris hominis, & vivificationem novi, aversionem à malo, conversionem ad bonum, peccati odium & fugam, & iustitiæ amorem & studium. Verum ergo est hunc finem inter alios Christo propositum fuisse & nos ex mortis ejus contemplatione ad illius executionem incitari, sed falsum supponitur ab Adversariis sanctificationem hanc & studium pietatis connecti tantum per accidens & non necessariò cum morte Christi, & eà quæ inde pendet satisfactione, nam hæc beneficia tam arcto & indissolubili connexa sunt inter se vinculo, ut divelli unquam à se invicem nec possint nec debeant, nam idem Christus qui nobis factus est Iustitia, factus etiam est Sanctificatio 1. Cor. 1. 30. & eadem mors quæ *λύτρον* est ad expianda peccata coram Deo, est etiam *ἀντίδοτον* ad ea in nobis purganda, non tantum sub ratione *Causæ exemplaris* quæ normam & modum officii exhibet; sed & sub ratione *causæ meritoria* quæ virtutem & efficaciam ad ejus impletionem impetrat: hinc passim sanctitas proponitur tanquam finis mortis Christi Luc. 1. 74. 2. Cor. v. 14. Tit. 11. 14. 1. Cor. vi. 20. Rom. vi. 3. 4. 5. non tantum Christi sed & fidelium respectu; Christi quidem quia utrumque intendit in morte nobis promereri & justificationis gratiam & sanctificationis donum, fidelium verò quia ad id peculiariter vocantur, neque enim *pro iis* mortuus censendus Christus nisi *cum eo* id. ad similitudinem ejus moriantur, nunquam ex morte ejus justificationis beneficium sibi applicare poterunt, nisi ex vi spiritus quem in eadem morte impetravit sanctificationem suam promovere pro virili annitantur, tantum abest ergo ut liberum sit & integrum iis pro quibus mortuus est Christus denuo in peccata prolabi & qualemcunque libuerit vitæ rationem sequi, quod impiè colligunt Adversarii, ut contra ea lege tantum redemptionis & remissionis beneficium indulgeatur, ut priori vitæ instituto nuncium remittentes ad meliorem frugem redeamus, & in novitate vitæ ambulemus ut Christus dicebat paralytico Jo. v. 14. *Ecce sanus factus es ne peccata amplius ut nequid deterius tibi fiat.* Hoc postulat fœdus gratiæ quod duabus istis partibus absolvitur, promissione gratiæ Dei quæ se in remissione peccatorum & spiritus dono exerit, & restipulatione obedientiæ nostræ. Jer. xxxii. 39. Hoc gratitudinis vinculum quo Deo & Christo obstricti sumus exigit 1. Cor. vi. 20. Hoc ipsius Dei vox statuit Ps. lxxxv. 9. & cxxx. 3. de pace loquitur, sed ut non revertamur ad stultitiam, venia est apud ipsum sed ut colatur: ita qui aliter de eo censeret & evidentissimæ veritati reluctaretur, & se indignum tanto beneficio demonstraret.

XXXIV. Denique ad quartum dicimus peccari fallaci. *ἡμεῖς τὸ ἐμπόριον* et si sanatio probetur ex conversione, non tamen eo ipso in conversione tantum sita esse dicitur, quippe eam hic affert tanquam *instrumentum* sanationis nostræ, quod scilicet remedium à Christo in morte præparatum nobis applicatur; & hoc indicat

ex If. c. l. i. i. i. oppositione eleganti conditionis prioris & presentis, *nam eratis*, inquit, *velut oves errantes*, *nunc vero conversi estis ad Pastorem & Episcopum animarum vestrarum* id. ad Christum Servatorem Pastorem illum bonum qui vitam suam pro ovibus posuit, Jo. x. & per eum sanati. Porro ut *malum* à peccato ortum duplex fuit *labe* & *reatus* ita duplici opus fuit remedio, *Justitia* quæ reatum tolleret, *sanctitate* quæ labem elueret, utramque Christus nobis promeruit in morte, utramque nobis actu confert in Evangelio, fides enim quæ respondet Evangelio, & instrumentum est justificationis meritum Christi sibi applicando, & radix & principium sanctificationis, corda nostra purificando; Ideo rectè sanatio hæc nostra spiritualis tribuitur & vicibus Christi & conversioni ac fidei nostræ, illis quoad *meritum* & *remedii ipsius præparationem* quatenus fuerint causa meritoria gemini istius beneficii quod per Evangelium nobis communicatur, isti verò quoad *efficaciam* & *remedii applicationem*, quatenus per vocationem ad Deum conversi fructum meriti Christi recipimus & actu sanamur, tum à *reatu* perfectè per Justificationem quæ per fidem nobis intimatur, tum à *labe* successivè per sanctificationem quæ per spiritum in cordibus nostris ingeneratur, unde patet optimè Petrum hæc duo conjunxisse ut alterum ex altero probaret, & pessimè Adversarios hæc divisisse ut alterum ex altero negarent; quod nobis nunc quidem ad illius quod intendimus demonstrationem sufficere potest; Ex quibus omnibus jam concludimus & Isaïam & Petrum *Satisfactionis veritatem* in locis illis de quibus quæstio fuit efficacissimè asseruisse: *ἵνα ἴδωσι θεοὶ ἡμᾶς*.

CORONIDIS VICE QUÆRITUR.

- I. An Evangelii Vox jam sub V. T. audita fuerit? Aff. contra Socinianos.
- II. An Oraculum Isaïæ c. vii. 14. Ecce Virgo concipiet &c. bene ad Christum Jesum à Matthæo accommodetur? Aff. contra Judæos.
- III. An Christus veram naturam humanam assumpsit in utero B. Virginis in tempore, quemadmodum veram naturam divinam à Patre accepit ab æterno? Aff. contra Anabaptistas.
- IV. An Christus sit Mediator secundum utramque illam naturam? Aff. contra Pontificios.
- V. An Sanctorum Invocatio vel probata fuerit unquam in Scriptura, vel probari possit? N. contra Pontificios.
- VI. An Calibatus ab Apostolis fuerit annexus Ministerio Ecclesiæ? N. contra Pontif.
- VII. An mendacium sub quocunque tandem prætextu licitum sit? N. contra impium Lojolarum commentum, qui mentales reservationes, vel equivocationes verbales, hoc est pejerandi & fallendi artem & *ἐπεὶ ὁδοῦ καὶ ἀπορίας* impuris scriptis suis publicè docere, & pessimo exemplo ut licitas approbare & usurpare non erubescunt.

DISPUTATIO SEXTA

Quæ Quarta est

D E

SATISFACTIONIS
CHRISTI VERITATE.

E X.

Agoniâ & Desertione ejus asserta.

Respondente PETRO SECRETANO Lausannensi.

T H E S I S P R I M A.



VARIA jam in antecedentibus vidimus Argumenta pro *Veritate Satisfactionis Christi*, potissimum verò ea quæ ex *mortis passionumque Christi causis* peti poterant: Nunc alia depromenda sunt ex *ipsis passionibus, earumque adjunctis*, quæ non minori evidentiâ & certitudine idem mysterium comprobant. Quia verò inter ea omnia quæ hac in parte ab Evangelistis recensentur, nihil memorabilius videtur vel efficacius ad veritatis illius quam quærimus confirmationem eâ quam in horto sensit *Agoniâ*, & quam in Cruce expertus est *Desertione*. Ideo peculiariter utrique immorantes, demonstrare jam aggredimur, neutram in Christo locum habituram fuisse, nisi pro nobis satisfaciendi munus in se recepisset quæ *Quinta* nobis erit Argumentorum *Classis*.

II. Ac ut de *Agoniâ* dicamus primùm quo inchoata fuit Animæ passio & quam in horto experiri voluit, ut peccatum quod in horto Paradisi primus Adam commiserat deleteret; natura ejus & qualitas paucis est expendenda antequam veram ac genuinam ejus causam investigemus, ut enim maximi fuit ad consolationem nostram momenti rem totam cognoscere; accuratè à Spiritu S. nobis in Euangelio descripta fuit; Extat verò ejus descriptio tum apud Matth. xxvi. 37. 38. 39. tum apud Marcum xiv. 33. 34. 35. tum apud Lucam xxi. 42. 43. 44. tum apud Paulum Heb. v. 7. 8. ubi notamus tria; 1. *Gradus & partes*. 2. *Adjuncta*. 3. *Effectus*. Partes duæ sunt, *Tristitia & Timor*, illa ex intuitu mali præsentis, iste ex apprehensione mali futuri originem trahit: *Tristitia* de-

designatur per *λύπῳ* Matt. xxvi. 37. per *τῆς ἡμέρας* Joh. xi. 32. & xiii. 21. per *ἀγωνίαν* Luc. 22. 44. per *ἀθηνοσύαν* Marc. xiv. 33. Timor per *ἀλαβῆαν* Heb. v. 7. & *ἐν δάμνησιν* Marc. xiv. 33. Adjuncta duo 1. *Sudor sanguineus* Luc. xxii. 44. 2. *Præsentia Angeli* eum corroborantis, Luc. xxii. 43. *Effectus* hujus Tristitiæ & Timoris fuerunt *preces* illæ ardentissimæ quas Patri ter obtulit de Calice à se transferendo Matt. xxvi. 39. Marc. xiv. 38. Luc. xxii. 42. quarum fervor notatur cum non tantum oralle dicitur *ἐκπερίεσθον*, sed cum clamore valido & lachrymis. Heb. v. 7. Sic per varios gradus gravissima Christi læta nobis ob oculos ponitur ut sciamus non umbraticam & *αἰνώδυνον*, sed acerrimam fuisse hanc pugnam quam pro nobis sustinere voluit, quod melius ex singularum partium brevi examine patebit: sed priusquam hoc facimus amoliendum est falsissimum eorum commentum qui passionum istarum inficiatione impia salutarem hanc agoniā obscurare sunt conati.

III. Fuerunt enim jam olim nonnulli qui cum divinâ Christi gloriâ indignum censerent quod mœsticia & pavore correptus fuerit, eò usque progressi sunt ut senserint Christum non verè sed *τῆ δόξης* & apparenter tantum timuisse & contristatum fuisse, quò pertinet hæresis *Aphartradocetarum* & *Gaianitarum* qui corpus Christi incorruptibile & impassibile fingeant, de quibus *Nicepho. hist. Eccles. li. 17. c. 29.* & *Damasce. de hæres. c. 84.* Ad eos videtur accessisse *Hilarius* qui lib. 10. de Trin. disputat humanam naturam in Christo propter personalem unionem cum Verbo nullis passionibus obnoxiam fuisse, sed sicut telum transit per aquam vel per ignem, & facit quidem distractionem sed sine sensu vulneris: Ita Christum non sensisse illam quæ in passione facta est corporis lacerationem, atque ita nullum sensum doloris verum fuisse in Christo etiam in acerbissimis illis passionibus; quamquam *Petrus Lombardus* li. 3. senten. dist. 15. opinionis hujus suspicionem ab Hilario sedulò amoliri conatur ut non tam verum timorem, doloris ac passionis sensum Christo ademerit, quàm causam & meritum patiendi timendi & dolendi quod in nobis est, quia in nobis est naturalis patiendi necessitas propter Adæ peccatum inducta, in Christo verò ultio ex ejus libera voluntate suscepta; sic *Epiphanius* hæres. 69. varias quærit expositiones ut doceat quàm tam ingens argusternatio Christo tribui possit in hoc agone, maxime quia Arriani hoc argumentum divinam Christi naturam oppugnabant. *Justinianus Imperator* teste *Evagrio* hist. li. 4. c. 38. Christum verè sensisse tristitiam, dolores & angores in passione negavit, & edictum proposuit in quo corpus Domini incorruptibile sanxit, naturaliumque & inculpatarum passionum haudquaquam capax fuisse dicit; nec sacrosanctum illius corpus aliquam mutationem aut alterationem inde ab eo quo in utero formatum est neque in voluntariis neque in naturalibus passionibus accepisse asserens.

IV. Verùm utut hæc opinio quorundam fuerit, à pluribus tamen & longè sanioribus rejecta est semper; audiat vel unus *Ambrosius* li. 10. in Luc. c. 22. cujus aurea verba quia imprimis ad rem nostram faciunt describere hîc non pige-

bit; Hærent, inquit, plerique hoc loco qui tristitiam Salvatoris ad argumentum inolite potius à principio quam suscepta ad tempus infirmitatis inclinant & naturalis sensum cupiunt retorquere sententia, Ego autem non solum excusandum non puto, sed etiam nusquam magis pietatem ejus majestatemque demitor, minus enim contulerat mihi nisi meum suscepisset affectum, ergo pro me doluit qui nihil habuit quod pro se doleret, & sequestratâ delectatione æterna divinitatis, radio meæ infirmitatis afficitur, suscepit enim tristitiam meam, ut mihi suam lætitiā largiretur, & vestigiis nostris descendit, usque ad mortis arumnā, ut nos suis vestigiis revocaret ad vitam, considerem ergo tristitiam romino, quia crucem prædico, neque enim speciem incarnationis suscepit sed veritatem. Debit ergo & dolorem suscipere ut vinceret tristitiam non excluderet. Nec aliter Augusti. l. 14. de Civ. Dei c. 9. Neque enim in quo erat verum hominis corpus & verus animus, falsus erat humanus affectus; *φύσει καὶ ἀληθείᾳ τὰ πάντα ἐγένετο*, inquit Athanasius. Et sanè si Christus verè & non *δ-εξας* naturam nostram assumpsit: quidni & cum ipsa omnes affectus innocuos & *ἀδιαβλήτους* qui eam comitantur cum suscepisse credamus? Sed de eo dubitare nos non finit & oraculum propheticum Isa. LIII. quod verè languores nostros portaturum & dolores bajulaturum Messiam prædixerat, & ipsa historia Evangelica quæ gravissimos illos Christi dolores graphicè nimis describit, quàm ut externæ tantum speciei, non verò & interno animi motui adscribi possint: quid quod hoc semel posito corrui totum Redemptionis nostræ mysterium, nam si Christus non verè, sed simulatè tantum dolores istos sensit, utique etiam nostra Redemptio non vera sed simulata fuerit quod vel cogitare impium, unde opinio illa vetus Aphartodocetarum publico Ecclesiæ consensu jam olim explosa & damnata est.

V. Sed nec admitti potest recentior Pontificiorum error qui si Agoniam hanc non tollunt penitus, admodum tamen extenuant, dum Christum in corpore quidem, sed non in animâ passum esse contendunt, vel si quid doloris sensit in anima id partem inferiorem & sentientem duntaxat passam esse, non autem superiorem & rationalem: Sed utrumque istud commentum facili negotio refellitur: Primò quod Christus non corpore tantum sed & animâ passus sit, vix opus est ut probetur cùm & Scripturæ vox & salutis nostræ necessitas illud tam clarè prædicet; ecquid enim vel animam ponere diceretur Joh. x. 15. vel eam in sacrificium pro delicto tradere Is. LIII. 10. vel cur eadem tristis & conturbata perhiberetur Matth. xxvi. cur *ἀδμυνα* illi & *ἐνδάμνεος* quæ propriè sunt animæ affectiones tribuerentur si corpoream tantum mortem externosque cruciatus sensisset; Deinde qui animas debuit æquè redimere ac corpora nonne utraque assumere & in utrisque loco nostro pati debuit ad pœnam nobis in utroque debitam persolvendam? Nec diffiteri tandem potuerunt Adversarii, sed eò se recipiunt ut dicant vel in anima tantum *sympatheticè* propter dolores & cruciatus corporis esse passum, vel in parte tantum inferiori non superiori; & de priori effugio nihil nunc ulterius addimus quia in sequentibus pluribus erit dis-

discutiendum; posterius verò satis superque ex eo retunditur quòd Christus non tantum in hac vel illa parte animæ tristis dicatur, sed animam habuisse tristitiâ undique occupatam & obsessam, quis verò dixerit tantum angorem hæsisse duntaxat in inferiori, non verò penetrasse ad superiorem Animæ partem? videntur hoc non pauci ex Pontificiis, qui ideo Thomæ sententiam rejiciendo Christum in utraque Animæ parte passum esse agnoverunt. Maldo. in Matt. 26. Eorum subtilitas qui voluntatem hic interpretantur partis sentientis appetitum probanda non est: melius alii dispensatione quadam factum fuisse, ut cum Christus beatus esset tristitiam etiam in superiore anima partem admiserit, nam sicut beatitudinem suam cohibere potuit ne deslueret in corpus, ut pati posset; ita premere eam potuit & quodammodo occultare ut ad tempus tristitia cederet, quæ una passionis suæ pars futura erat. Sic Canus loc. com. li. 12. c. 13. Ferus in Matth. 26. alii. Nec alia Catechismi Romani fides cujus ista verba sunt in arti. 4. symb. postquam de externis passionibus egisset de internis sic ait, quod verò ad intimum Animi dolorem pertinet nemo dubitare potest quin summus in Christo fuerit. quid summo majus dici potest? rationem addit, Christus Dominus amarissima passionis calicem quem bibit nulla suavitate permixtâ temperavit, humana enim natura quam assumpserat sentire omnia tormenta permisit, non secus ac si homo non etiam Deus fuisset. Sed clariùs hoc ipsum ex distincta singularum partium & circumstantiarum istius agoniz consideratione patebit.

V I. Hic verò primo loco occurrit λύπη quæ Christo tribuitur; nam appetente gravissimi certaminis tempore cepit λυπεῖσθαι inquit Matth. xxvi. 37. licet quibusdam præludiis filium suum exercuisset Dominus, nunc tamen propiore mortis conspectu cum vulnerat graviùs & insolitum terrorem incutit, unde non tantum dicitur contristatus, sed ipse mœroris sui magnitudinem discipulis suis aperiendo ait ὁ λυπὸς ἐστὶ ψυχὴ μὲ μέγα θανάτου Tristis est anima mea usque ad mortem, non tristis tantum ut vertit V. V. nimis molliter sed undique tristis ut rectè Beza noster vim vocis compositæ reddit, quod observavit etiam Franciscus Lucas ὁ λυπὸς valde tristis, augeat enim προpositio περὶ quasi dicat tristitia undique obsessa & circumvallata est, ita ut nullus pateat exitus: quo sensu passim occurrit apud Scriptores. Plut. in libro de edu. lib. dum lætitiæ & tristitiæ excessum prohibet. μήτε ἐν ταῖς εὐπραγίαις περὶ χαρῆς μήτε ἐν ταῖς συμφοραῖς ὁ λυπὸς ὑπάρχειν. 3. non tantum περὶ λυπὸς dicitur sed usque ad mortem quo bene significari dicit pondus tribulationis Glossa interlinearis, nec enim hic terminus sive duratio tristitiæ notatur extensivè quod voluit Orige. & post eum Hiero. sed ejus magnitudo & gravitas intensivè quæ talis fuit ut lethale illi doloris vulnus infligeret & ad ipsius veluti Orci fauces eum deduceret, quomodo eandem phralim alibi usurpari constat Is. xxxv. 11. 1. de Ezechia qui ægrotasse refertur ad mortem, item de Jona qui iratus dicitur fuisse ad mortem Jon. iv. 9. id. gravissimè.

V II. Ut autem gravitas illius Tristitiæ designetur non tantum dicitur fuisse

σε πάραξιν Joh. xxi. & λύπη, sed etiam ἀγωνία Luc. xxi. 1. quo nomine Græci exprimunt anxietatem illam & animi angorem quo percellimur opus aliquod arduum aggressuri, potissimum verò de iis dicitur qui acerrimum aliquod certamen sunt inaturi, deducitur enim à voce ἀγών quæ certamen notat, unde Hesych. ἀγωνία palaestra est imò & bellum ἀγωνιῶ κινδυνόω & Orion apud Etymolog. ἀγωνία θῆτις εἰς ἀγῶνα μένουσι κα πέναι de eo qui in certamen descensurus est; Cum ergo acerrimum Christus cum Diabolo & inferis imò & cum ipso Deo certamen esset initurus mirum non est si in agonia dicatur fuisse. 111. Denique eadem Tristitia per αἰδημονίαν graphicè describitur, talis enim motus animi exprimitur hac voce ut animus veluti præ horrore concidat & sub pondere mœoris quasi fatiscat: sic apud Hippoc. qui in morbo lethali sunt constituti αἰδήμονες dicuntur & Xenop. li. 4. historia. dicit αἰδημονῆσαι τὰς ψυχὰς pro gravissimè angere & pene præ dolore examinari, unde Eustat. deducit à voce αἰδῶ satietas, ut sit quasi nimia dolorum satietate fatiscere, nisi malis αἰδημονεῖν idem esse quod ἐν αἰδῇ μένειν eâ tristitiæ mole gravari ut videri possis apud inferos agere.

V III. 2. Cum Tristitia Timor jungitur Heb. v. 7. ubi dicitur Christus exauditus ὅτι τὸ εὐλαβείας à metu & timore quod dici non posset nisi in hoc agone constitutus metu aliquo percussus fuisset; Quia verò Bellar. & cæteri ex eadem communionem grandem litem nobis intentant de corrupto & falsato hoc loco quasi perperam εὐλαβείας vocem per metum reddiderimus, quæ potius per reverentiam & pietatem reddenda erat, quod imprimis urfit etiam Cotonus Plagiarius; age videamus quàm inepta & absurda sit tota hæc accusatio, quippe & appositè vocem hanc per metum reddi posse, nec aliter hoc in loco debere manifestè demonstratur sumus. Non imus quidem inficias vocem εὐλαβείας nonnunquam pro pietate, religione, reverentia seu metu reverentia, ut ipsi loquuntur, sumi, quemadmodum Timor non raro totum Dei cultum notat, atque eo sensu usurpatur Heb. xii. 28. inde etiam fit ut viri pii & religiosi dicantur εὐλαβεῖς Luc. 11. Act. 11. sed unam vel præcipuam istius vocis esse significationem pernegamus, imò primum & longè frequentissimum ejus usum esse pertendimus ut Timorem significet, metum scilicet impendentis alicujus mali quod vitare optemus; nec istud ignorare possunt qui Græcè aliquid sciunt; sic Phavori, εὐλαβεία φυλακὴ θῆτις κακῶ, εὐλαβεῖσθαι ἀντὶ τοῦ φοβεῖσθαι. Glossarium εὐλαβής ὁ δειλός pavidus εὐλαβεῖσθαι revereor, vereor, formido. Etymologici magni author εὐλαβής λυγρὸς δειλὸν καὶ δειλαῖον quidam timidum aut pavidum sic appellant, sic Hesychius, Varinus, Aristoteles in tractatu de virtutibus & vitiis agens καὶ τὸ δειλία ὑπερὶ δέπας εὐλαβεία subest ei, inquit, quidam timor. Philo de vita Moïsis dicit, Moïsem fuisse naturā εὐλαβὴν timidum. Plutar. de Pericle καὶ τὸ λόγον ἦν εὐλαβής timide ad dicendum accedebat; sic in Sacris Lxx. sæpius εὐλαβείας vocem usurpant ad timorem & pavorem designandum quàm ad religionem & pietatem connotandam Jos. xxi. 24. εὐλαβεία responderet Heb. הָיָה quæ anxietatem notat 1. Sam. 18. 16. εὐλαβεῖσθαι ponitur pro ὡς & Jerem.

rem. xxii. 25. Exo. iiii. 6. pro ὡς sic Act. xxi. 10. εὐλαβηθεὶς pro φοβηθεὶς ponitur *Tribunus timens ne Paulus discerneretur*. Cùm Ergo tritissima sit & usitata illius vocis significatio, quid mirum si hîc retineatur?

IX. Hanc autem non tantùm retineri posse sed necessariò hoc in loco retinendam esse multa sunt quæ probent. 1. Scopus & ἀλληλῆα *verborum*, nam præcesserunt illa *obtulit preces & supplicationes cum lachrymis & clamore valido*, at certe qui nihil metuunt neque precantur neque inter precandum exclamant, vel vociferantur & lachrymas fundunt, imò cùm preces ad eum dirigeret qui poterat eum servare ex morte, utique metu aliquo constructum fuisse necesse est; itaque ut sequentia respondeant prioribus non aliter εὐλάβεια quàm per timorem reddi potest. 2. *aliorum locorum collatio* quæ metum eundem & longè graviozem Christo tribuunt quum dicunt ἀδμοῦσαι ἐκθαμβῆσαι contristatum fuisse usque ad mortem, an verò hæc gaudium & fiduciam an non potiùs metum & anxietatem important? ecquid ergo timeamus dicere metum filio Dei adscribi ab Apostolo, cùm id ipsum de eo jam antea efficacius prædicassent Evangelistæ? 3. *natura phrasæ* hîc usurpatæ quæ alium sensum commodiorem non potest ferre, cum dicitur εὐλαβηθεὶς ὑπὸ τῇ εὐλαβείᾳ, nam si vertamus *pro reverentia vel pietate* quod V. V. & Erasmus habent non aliud declarabit *Pro* quàm *propter* vel *secundum* vel aliquid ejusmodi quod significet quo respectu sit exauditus; ita ut sensus sit Christum exaudutum fuisse à Patre propter reverentiam suam, quia illi in omnibus obediens fuit tanquam filius dilectus; sic reverentia causa erit cujus gratia Pater eum exaudierit. At si hoc voluisset Ap. usus fuisset potiùs præpositionibus ὑπὲρ & ὑπὲρ quàm præposit. ὑπὲρ cujus insolens planè est usus hoc sensu apud probatos auctores, nam quæ exempla congerit Bellarm. l. 4. de Christi anima c. 8. ut doceat præpositionem ὑπὲρ nonnunquam sumi pro ὑπὲρ propter aliena sunt, ut illa Matth. xiii. ὑπὲρ τῆς χαρῆς ὑπάγει *pro gaudio abijt* & xxviii. 4. ὑπὲρ ὃ ὃ φέρεται εἰς ὁμοῦ Luc. xxiv. 41. ἔτι ὃ ἀπισκύντων αὐτῶν ὑπὸ χαρῆς καὶ θαυμασίων *adhuc ipsis non credentibus pro gaudio & mirantibus*. Sic Act. xii. 24. & Luc. xxii. 45. nam in his omnibus exemplis ὑπὲρ significat *pro* & notat causam intrinsecam à qua movebantur agentia: at hîc nihil tale, non enim ipse Christus exaudivit se ipsum præ pietate, sed cùm ipse pius esset, vel potiùs quia pius esset, statuitur exauditus ab alio nim, à Patre; & hæc ratio Chrysostomum movit procul dubio ut reverentiam hanc Patri potiùs quàm filio tribueret, ita ut Deus eo in honore & reverentia filium habuerit ut eum exaudierit, sensu tamen incommodo, quia reverentia de honore potius dicitur inferioris erga superiorem; præterquam quod si de Patre intelligenda esset addendum fuisset pronomen αὐτοῦ. Itaque cùm nec de reverentia filii erga Patrem, licet pia sit, sententia phrasis intelligi possit, nec de reverentia Patris erga filium, superest ut timor hîc notetur & metus non ἄλογος & brutus sed rationalis à quo Christus liberatus sit. Neque nova videri debet, aut inusitata hæc phrasis ut exaudiri aliquis dicatur ex metu pro eo quod est ab eodem liberari posito

antecedente pro consequenti, nam Psal. xxii. 22. totius phraeos exemplum habemus, à cornibus unicornium exaudias me id. me ab iis liberando, sic Lxx. ex idiotismo Hebræorum Jerem. xxvi. 9. ἡ πόλις αὐτῆς ἐρημωθήσεται ὑπὸ κατεικνόντων υἱὸς ἱστᾶ ἡ πόλις αὐτῆς ἐρημωθήσεται, non hoc sensu quod desolent eam habitatores ipsi, sed ut desoletur ita ut nulli sint habitatores, quod notant hebræa שׁוֹמֵם; nec aliter Paulus Col. ii. 20. εἰ ἀπεθάνετε σὺν Χριστῷ ὑποτάσσεται ὁ κόσμος. Si mortui estis cum Christo ab elementis mundi Justinianus ὁ κόσμος mundi elementis liberi estis & soluti. 4. Syrus interpres eandem vocem per metum reddidit, licet enim syntaxim perturbet & verba ὑποτάσσεται à verbis præcedentibus separando cum sequentibus connectat, vertit tamen κατὰ τὸ ἐξ ἐμοῦ : quæ omnia luculenter probant metum inter agonizantis istius partes ab Ap. numeratum esse.

X. Sed hoc clarius adhuc evincitur ex alterâ illa voce quæ apud Marcum & Lucam occurrit cùm dicitur ἐκθαμβήσασθαι, nam ut θάμβησθαι aliquid est plus quàm metus nimi. metus cum horrore, ita ἐκθαμβήσας intendit significationem ὁ θαμβήσασθαι quum ita percellitur animus ut penè detur in stuporem ac mens eripiat; est enim omnium facultatum ex vehementissimo & acerrimo mali vel præsentis vel futuri sensu obstupescit quod fieri solet in subita vel gravi aliqua consternatione, hoc Homerus Iliad. o exprimit cùm ait.

θάμβησαν, καὶ πάντας ὑπὸ χλωρόν δέειε.

Obstupuerunt & omnes pallidus timor cepit.

Quod Virgilius reddidit

Obstupere animi gelidusque per ima cucurrit

Offa tremor.

Unde θαμβῆν derivant à θῆπω quod est stupeo, admiror, attonitus sum; sic quod 2. Samuel xxii. 5. dicitur χεῖμα ῥοῦ ἀνομιᾶς ἰθαμῆσαν id Ps. xvi. 5. est ἐπὶ ῥοῦ ἰθαμῆσαν ita redditur vox חַמַּם quam aliàs Lxx. vertunt ἐκταράττειν, καταπλήττειν, σπασβεῖν id. perturbare, exterre, circumagere, unde מַחֲמִים φοβερασμοὶ terrores Ps. lxxxviii. 17. Job. vi. 4.

XI. Utriusque verò & tristitiæ & timoris magnitudinem ulterius demonstrant Adjuncta duo, sudor sanguineus & Angelus Christum corroborans; De primo ita Scriptor sacer Luc. xxii. 44. καὶ γενόμενος ἐν ἀγωνίᾳ, ἐκπνέσας σπέρμα χυτοῦ, ἐγένετο ὃ ὁ ἰδὼς αἰτεῖ ὥστε θρόμβοι αἵματός καταβαίνοντες ἐπὶ τῷ γλῶ. Et ipse constitutus in agone intentius orabat, & erat sudor ejus sicut grumi sanguinis decedentes in terram. Θρόμβος grumus propriè est rei in unam massam concretæ frustum, dicitur ὑπὸ ὁ θρόμβος ὅ ἐστι πῆξαι, teste Eustath. unde θρόμβοι αἵματός, αἷμα πεπηγὸς ut Varin. reddit apud Diosc. lib. 3. cap. 44. & Hesych. θρόμβος αἷμα πικρὸν πεπηγὸς ὡς βῆνοι, sanguis crassus concretus instar grumorum. Quid porro de sudore hoc sanguineo statuendum sit non constat inter doctos. Primò certum est hunc versiculum à temerariis nonnullorum unguibus quondam fuisse erasum, adeo ut in multis codicibus tum græcis tum latinis nulla vel sudoris sanguinei vel Angeli

confortantis fieret mentio ut observat Hilarius lib. 10. de Trin. & Hier. lib. 2. contra Pelagium & ex iis Erasmus & Sixtus Senensis Bibl. l. 1. c. 22. idque ab iis præstitum fuisse potissimum quod Ariani abuterentur hoc loco ad detrahendam Christi divinitatem, quodque ipsis videretur fieri non posse ut in humanam Christi naturam divinitati personaliter unitam tam ingens consternatio caderet; Sed temerariam imò sacrilegam istorum audaciam merito execramur, cum cæteri omnes codices constanter hoc retineant. Alii non delent quidem sed obscurant ejus veritatem, quasi non revera Christus sanguinem sudarit, sed hoc tantum *ποιμακῶς* dictum sit, sicut qui amarè flent sanguinem flere, & qui valdè laborant sanguinem sudare dicuntur, sic Euthym. & Theophy. quod præcipuè colligunt ex voce *ῥοῖ* quæ hîc usurpatur, quæ similitudinem notat non rei veritatem, quos sequitur Grotius in h. l. Sed perperam proverbiale locutionem hîc inducunt elevaturi magnitudinem istius miraculi; quia non tantum dicitur sudor fuisse instar grumorum sanguinis, sed instar grumorum sanguinis decidentium in terram, quod planè dici non posset nisi verus sanguis in terram decidisset; neque obstarè potest particula *ῥοῖ*, siquidem ut notum, hæc ut & similes particulae non tantum comparisonem, sed & rei veritatem significant, ut apud Hebr. est כדמים & כדמים ב modò similitudinis modò veritatis ut Luc. xxi v. 21. & Joh. i. 14. *ῥῶσαν ὡς μονογενὺς ῥῶσαν πατρὸς* ubi rectè Theophyl. *τὸ ὡς ἐπαύθα ἔ ὁμοιώσας* ἔστι ἀλλὰ βεβαιώσας καὶ ἀναμφισβητήτως διοισμῶ. Ergo extra omnem controversiam positum esse debet Christum verum sanguinem sudasse.

XII. Quis verò sanguineus iste sudor fuerit naturalis an extraordinarius & supernaturalis disquiritur; Quidam naturalem ex eo fuisse colligunt quod non dissimilia exempla aliquando contigisse legantur, *Arist.* lib. 3. de part. anima. cap. 5. & lib. 3. de hist. anima. cap. 19. refert accidisse aliquando ut quidam cruentum aliquod excrementum sudarent quod ipse vocat *αἱματώδες πρᾶγμα* ὃς καὶ ἐξ ἰαν propter vitium corporis habitum, fluxo nimirum laxoque corpore inopiâ & imbecillitate caloris in venis qui cùm sanguinem non probè concoquat humescit tandem & serosior redditur; Quod confirmatur à *Theophy.* lib. de sudoribus. *Fernelius* lib. 6. de partium morbis & symptomatis de hepatis *ἀνία* agens, ait se interdum animadvertisse sanguinem ab extremis venis quæ in cutem deflunt multis in locis effundi, & *Sennertus Instit.* lib. 2. p. 3. sect. 1. notat ex Benivenio cuidam singulis mensibus per cutem qua ima pars jecoris subjacet sanguinis libram effluxisse, cùm tamen nullum foramen nulla cicatrix in cute apparet, hoc facit quod de Scanderbergo Heroè narratur ex labiorum ejus venulis sanguinis guttulas effluxisse quoties in acie hostem adoriretur, & quod Maldo. in Marth. refert quendam Lutetiæ audita in se capitali sententia sudore sanguineo totum perfusum fuisse; Ex his concludunt nihil obstarè quo minus sudor iste Christi naturalis pariter dicatur. Verùm alii alienum planè & diversum ab his aliisque similibus exemplis existimant, ex quibus quædam incerta & sublesta fidei, alia longè latèque ab isto diffe-

ferunt: Nam cum ex sententia Aristotelis duæ præcipuæ sint hujus symptomatis causæ, cutis nempe raritas cum corpore fluido, ac sanguinis tenuitas & serosa nimis substantia, quibus ex sententia aliorum addas licet facultatum nutritioni famulantium imbecillitatem, retentricis puta languorem & expultricis vehementiam nulla harum causarum hinc asserri potest in Christi corpore temperatissimo quod nulla *καχεξία* vel *δυσπραγία* laboravit, sed optima constitutione & summâ primarum qualitatum harmonia procul dubio fuit præditum. Atque huc pertinet quòd cum hoc ipsi contigit *ἐν ἀγῶνι* fuisse dicitur qui cœperat *ἐν ταπείνωσιν καὶ ἀδυναμίᾳ*, hi enim affectus contrarium planè in corpore motum efficiunt, in metu siquidem calor omnis & spiritus ac sanguis exteriora deserunt & ad cor subitò revocantur, in mœstitia verò seu mœrore spiritus dissolvuntur & corpus refrigeratur ac siccatur. Causam itaque planè miraculosam & supernaturalem esse oportuit quæ per densatos frigore cutis poros sanguinem concretum ac grumosum extraxerit. Quidquid sit, (nos enim litem hanc nostram non facimus, sed Medicorum filiis discutiendam relinquimus,) certum est hoc effectum fuisse diri cuiusdam & insoliti timoris & anxietatis. Nam cum sudor aqueus extremum metum, & animi angustiam jam arguat, quàm immanem fuisse dolorem illum necesse est qui sudorem sanguineum ipsi expressit?

XIII. Sed & hunc non minus evidenter testatur Angeli cum corroborantis præsentia quod est alterum istius *ἀγῶνι* adjunctum de quo Luc. xxi. 43. quantum enim & qualem oportuit esse hunc angorem in quo Angelo Consolatore opus habuit, Dominus à Servo, Creator à Creatura, Deus ab Angelo solamen petiit? Angelos quidem ut tanti Regis Satellites & ministros ab initio incarnationis Christo adfuisse videmus, nativitatem nuntiasse, post tentationem ministrasse, sed ut cœlitus ad corroborandum Dominum suum & Principem descenderent nunquam antea visum nunquam antea auditum fuerat; Itaque gravissima Christi lucta notatur & profundissima ejus exinanitio quâ præ angelis ipsis ad tempus minoratus fuit ut Psalter jam antea prædixerat Ps. vii. 1. 6. & ita minoratus ut eorum etiam solatio indiguerit: Quod ita tamen intelligendum est ut non confortaverit eum *communicatione virtutis & potentia* quasi partem oneris Christo impositam angelus in se recepisset vel vires ad illud ferendum Christo suppositasset, sic enim Christus solus calcavit torcular Is. lxi. 1. 6. solus tulit peccata mundi, unde Veteres *Angelus confortat sed non portat, sed representatione efficacissima auxilii divini promissi & gloria ac victoriæ* quæ Christi certamen certissimè erat secutura.

XIV. Denique hujus tristitiæ & angoris summi testimonium luculentum fuerunt preces illæ & supplicationes ferventissimæ quas cum clamore valido & lachrymis Patri obtulit ad id ut calix ille ab ipso transiret, nam si necessitas aliqua vel impendentis mali sensus vel metus homines ad precandum impellit, utique gravissimum fuisse timorem necesse est quo Christus æternus Dei filius ad orandum impulsus est, & quidem ita orandum ut non semel iterumve, sed ter eas-

dem preces iteravit, non manibus in cælum elatis, sed corpore in terram prostrato, non submissè aut tacitè; sed cum clamore valido, cum lachrymis & summa quadam animi contentione: quæ omnia non ordinarium & levem, sed maximum & intensissimum dolorem & anxietatem notant ex præsentis vel imminents gravissimi alicujus mali apprehensione ortam. Quod & *Calicis* vox non obscurè indicat, tralatitium enim est ut per calicem metaph. fors hominis quæcunque vel bona vel mala, vel prospera, vel adversa denotetur, metaphora ducta à more in conviviis olim usitato in quibus Patrisfamilias vel Sympoliarchæ hoc munus erat singulis cibi & potus demensum assignare; quia verò modò ad necessitatem tantum vel modestam hilaritatem apponebatur, modò ulterius urgebantur convivæ ad intemperici usque quod non poterat non esse ipsis ingratum & molestum, hinc factum ut calix vel portio calicis modo in bonam, modo in malam partem sumeretur, vel ad *beneficia* Dei erga homines, vel ad *calamitates* & pœnas ab eodem immisas designandas, unde duplicis calicis apud scriptores sacros mentio, *Calicis gratia & benignitatis* de quo Ps. xvi. 5. *Dominus est portio calicis mei*, & Ps. xxi. 5. *Calix meus exundat*, & *Calicis ira & indignationis* de quo toties Propheta Is. li. 17. Jerem. xxv. 15. xxi. 12. Thren. iv. 21. Ps. lxxv. 9. Eadem phrasi utitur Christus sæpius ad passionem & mortem notandam Jo. xviii. 11. *Nonne bibam ex calice* &c. & hîc in oratione *transfer à me poculum istud*. Cujusmodi autem fuerint istæ preces & quomodo in filium Dei absque ulla peccati labe vel *αὐταῖα* cadere potuerint dicemus inferius.

XV. Ex ipsiis verò agonizæ Christi effectis omnium maximis meritò concludimus terrorem & tristitiam in eo fuisse omnium quæ fuerunt unquam, maximam; Quænam verò istius causa vera & genuina fuerit, jam inquirendum superest ut ad Veritatis quam quærimus demonstrationem deveniamus: Dubium enim nulli esse potest quin gravissimum aliquod malum vel præsens vel futurum has in eo voces motusque concitarit, sed quodnam illud sit non omnes consentiunt aliis aliam rationem assignantibus. Quidam angoris Christi causam fuisse volunt Apostolorum fugam & dispersionem ut Hilar. c. 21. in Matt. *Dominus non timuit propter se, sed propter discipulos quos pravebat fugituros & negaturos*. Alii Judæorum peccatum & rejectionem & Judæ proditoris casum quod Hiero. placuit in 26. Matth. Alii nudam hominum percuntium commiserationem. Alii denique mortis corporeæ & quidem acerbissimæ necessitatem; Sed facile est ostendere omnes istas causas vel nullas esse omnino, vel non solas & præcipuas: Nam quod ad discipulorum dispersionem attinet cùm eos calidissimè protectioni patris commendasset Joh. xvii. 11. eosque denuo congregandos esse certissimè novisset Luc. xxii. 32. nihil erat cur propterea tantopere angeretur, sed illi hac in parte jam quieto esse licuit: Judæorum verò rejectio neque hac hora accidit à qua se servari petit Marc. xiv. 35. nec in ea exauditus fuit quemadmodum ab agonizæ metu tandem est liberatus Heb. v. 8. præterquam quòd ingratos Ju-

daos iustissimas scelerum suorum pœnas luituros non ignorabat. Non potuit etiam turpissimus scelestissimè Judæ vel lapsus vel exitus animum suum adeo graviter sanciare, quia jam ante filium esse perditionis morti & exitio devotum & noverat, & prædixerat Joh. xvi. 12. Denique hominum pereuntium commiseratio etsi procul dubio affecerit animum Christi, non tamen huc pertinere potest, siquidem & aliorum temporum communis fuit & tantos motus excitare non potuit: At hæc agon'a passio fuit singularis & huic horæ propria quæ proinde peculiarem aliquam causam habere debuit.

XVI. Sed fortè metus fuerit mortis corporeæ impendentis quam naturali affectu horruerit & deprecatus sit. Ita quidem nonnulli ex Veteribus sensisse videntur; Ita Pontificii qui solam mortem & cruciatum Christi corporalem nullum verò animæ agnoscunt, vel si quæ fuit animæ passio ortam demum fuisse ex condolentia & sympathia cum corpore, non autem ex proprii alicujus mali sensu vel metu contendunt. Nos verò non imus quidem inficias inter metus & angoris Christi causas hanc etiam esse reponendam, τὸ ἀνθρώπινος φύσεως (inquit Theophy.) τὸ δειλὸν θάνατον διότι καὶ αὐτὸς φύσιν εἰσῆλθεν ὁ θάνατον, καὶ διὰ τὸ τοῦ φύσεως φθῆναι τὸν, Natura non potest non horrore mortem tanquam sui destructionem & interitum, unde Philosophus vocat eam τὴν φοβερώτατην φοβερύτατην, atque eò gravior est anxietas cum mors illa & cum dolore acerrimo & cum maxima infamia conjuncta est, à quibus duobus natura vehementer refugit & boni omnes maximè percelluntur. Cum ergo mors Christo esset sustinenda, nec tantum mors ordinaria, sed omnium acerbissima & ignominiosissima dubium non est quin ad ejus vel cogitationem, vel præsentiam vehementer commotus fuerit. Verum audacter tamen pronunciamus non eam solam, nedum præcipuam istius metus tanti tristitiæque causam fuisse. Primò quia Christus tanquam Sponsor eam pœnam & mortem pro nobis sustinuit quæ peccatis nostris debebatur. Jesa. l. iii. 4. 5. 6. at utraque debebatur & animæ & corporis, cum utraque hominis pars peccaverit. Ergo non tantum sympatheticè sed propriè & idiopathicè anima pati debuit, imò & præcipuè pati debuit anima ut anima principaliter peccaverat; unde Iren. l. 5. c. 1. & ex eo Theod. dial. 3. *Dominus dedit animam suam pro animabus nostris & carnem suam pro carnibus nostris.* 2. Atque hujusce proprii doloris animæ Christi argumentum fuit, quod multa jam passa sit anima cum neque doleret neque quicquam adhuc pateretur corpus Joh. xii. 17. & Matth. xvi. 28. Huc etiam pertinet quod scriptura loquens de passione Christi non tantum mortem in singulari memoret, sed mortes in plurali Is. l. iii. 9. ut utraque hæc pœna & animæ & corporis connotetur. Neque hic obijciendum Scripturam semper tribuere morti Christi corporali ejusque sanguini in cruce effuso redemptionem nostram; nam morti quidem & sanguini ac cruci attribuit scriptura redemptionem, sed morti soli corporali & exclusivè nequaquam: Imò cum de Christi oblatione & sacrificio loquitur sæpius animæ mentionem facit Isa. l. iii. 10. Joh. x. 15.

17. 18. neque cùm mors crucis memoratur sola mors corporea intelligenda est, sed mors maledicta, maledictionis autem nomine veniunt potissimum summi illi angores quos in anima Christus pertulit.

XVII. Quamvis autem non aliunde constare posset Christum in anima propriè aliquid perpeßum fuisse, vel ex hoc uno demonstrari posset evidentissimè non solos corporis cruciatus vel mortis horrorem hanc illi tristitiam ingenerasse, quia alias longè mollior & timidior videretur Christus innumeris hominibus qui non tantùm patienter sed & læto promptoque animo mortem cruciatusque dirissimos sustinuerunt: Nam ut profanorum gentilium ἀναισθησίαν vel insaniam non commemorem qui imperterrita mente mortem adventantem exceperunt, imò & ipsi sponte adiverunt, quis nescit multa martyrum millia, fidelissimorum nubem testium sævissimis tormentis & crudelissimæ morti exposita fortissimo tamen & lætissimo eam animo pertulisse? ita ut non tantùm nullum metus dolorisque testimonium darent, sed lætitiā potius summā atque exultationem etiam in mediis flammis proderent, non illos ignes accensi terrebant, non enses districti, non craticulæ ardentes, ungulæ, cruces, bestiarum, aculei, cæteraque priscæ crudelitatis instrumenta quæ ad eos torquendos adhibebantur, nemo ex iis lugere visus est, nemo poculum à se removeri postulavit, imò summā alacritate ad supplicium ut ad triumphum properant & tortoribus etiam ignoti ultrò se offerunt, Deo gratias agentes cum Apostolis quòd digni iudicati sint qui paterentur pro nomine Jesu, Quænam tanti discriminis ratio fuisse potest? Infirmi & miseri homunciones summam constantiam & gaudium in mediis tormentis præ se ferunt, Petrus crucifigitur, Paulus decollatur, excoriatur Bartholomæus, torretur Laurentius, laniatur Ignatius, alii aliis dirissimorum tormentorum generibus sine ullo doloris & tristitiæ signo cruciantur: At Christus æternus Dei filius vel ad primam mortis cogitationem expavescit, consternatur, lachrymas fundit, clamores edit, in faciem procumbit, sudorem sanguineum emittit. Quid E. alterutrum ex hisce duobus fuerit necesse est, vel ut in Christo aliquid mollius & timidius fuerit quàm in cæteris hominibus, vel sanè in hisce tormentis quæ perpetiebatur aliquid fuerit planè extraordinarium & gravius ipsa morte corporis quæ in sensus incurrebat. At prius illud vehementer falsum & blasphemum quod Christianæ aures ferre nequeunt; Ergo posterius verum esse necesse est.

XVIII. Itaque eò tandem deveniendum est ut dicamus veram & genuinam doloris & anxietatis istius causam fuisse non mortem simpliciter, sed mortem maledictam quæ illi obversabatur ante oculos, horrendum illud & terrificum irati Dei iudicium; Peccata non unius hominis aliqua, sed omnium electorum omnia quæ homo unus ipse fragilis & imbecillis ex Sponsoris officio portare debuit: Videbat scilicet formidabile Dei tribunal cui sistendus erat ut quæ non rapuerat solveret Ps. LXXV. 5. Iudicem ipsum incomprehensibili vindictâ armatum, legem fulmina execrationum & anathematum vibrantem, Diabolum & potestatem tenebrarum cum

cum omnibus inferorum portis imminentem, denique Justitiam ipsam inexorabilem & rigidissimam cui ad ultimum usque quadrantem satisfieri oportuit: Hæc sunt quæ Christo metum pavoremque non immeritò incusserunt, hæc quæ gemitus, suspiria, lachrymas expresserunt. Timuerit Ergo mortem, quomodo solemus omnes ex instinctu naturæ humanæ, ut ostenderet *τὸ ἀνθρώπων* ut ait Chrysof. non diffitemur, sed ut tanta consternatione animum ejus subiret ut nullum unquam talis commotionis exemplum usquam occurrat, nunquam ratio sufficiens reddi poterit nisi ascendamus ad Dei judicium cui satisfaciendi pro nobis onus in se receperat: Non illum premebant vincula & catenæ Judæorum quibus vinciri debuit, sed vincula & compedes peccatorum nostrorum quibus onerandus fuit: Non terrebant cohortes Romanorum quæ eum captivum abducturæ erant, eas enim si libuisset potuisset uno oculi ictu prosternere & fugare, prout ipse satis demonstravit Joh. xviii. 6. Sed principatus & potestates, Princeps mortis cum copiis omnibus infernalibus cum quibus certandum fuit; Non angitur propter injustam Pilati sententiam, noverat enim nullam ipsi esse potestatem, nisi cœlitus data esset; sed propter severissimum & justissimum Patris cœlestis judicium, qui pœnas à nobis debitas ab ipso exposcebat: Non horret manus hominum quantumvis duras & crudeles, sed ipsam Dei manum in quam cadere est horrendum: Non fremit propter separationem animæ & corporis, sed propter desertionem Patris quam brevi experturus erat.

XIX. Rem autem ita se habere non uno argumento demonstrari potest sive prophetica de morte & passione Christi vaticinia, sive complementum eorumdem historicum apud Evangelistas intueamur, legatur vel unum Isa. c. liii. de quo antea. An non majus quid aut atrocius omni corporali communive cruciatu, quod Christum propter transgressionem & iniquitates nostras plagâ affectum à Deo percussum, vulneratum testatur vers. 4. 5. quod iniquitatum omnium nostrarum penam atque ita Deum ipsum punientem hostiliter in ipsum dicit incurrisse ipsique ut Sponsori luendam eam fuisse vers. 6. 7. quod sublimitas docet ex angustia sive anxietate animæ propter sensum iræ Dei, itemque ex judicio vers. 8. quod deprecantur fideles & in quod nunquam venturi sunt Joh. v. 24. quia Christus in illud venit? An mors ulla quantumvis aspera & violenta talis esse potuit ut in ea ad eunda & ferenda ipse filius Dei in persona Davidis conquestus sit desertum se esse à Deo, Deum longinquum à salute sua recessisse, se verba rugitus sonare & non exaudiri Ps. xxi. 1. 2. 3. &c. & Ps. lxi. se cœno profundissimo immersum, fluente inundante abripi, pervenisse aquam usque ad animam, & qua non rapuit rependere cogi vers. 1. 2. 3. 4. 5. sed dubitationi locum non relinquit Apostolus cum dicit factum fuisse *κατάρα* Gal. iii. 13. maledictio enim illa cum opponatur benedictioni Abrahæ id est justificationi & vitæ æternæ Abrahæ promissæ, non potest ad mortem corpoream tantum restringi, sed simul etiam æternam vel æternæ æquivalentem complecti debet.

X X. Unde jam liquidò patet quid discriminis intercedat inter *mortem Christi* & mortem *Martyrum* & cur tantopere ad ejus præsentiam consternatus sit, cum ipsi ea potius lætati & gloriati fuerint. Nimirum Martyres licet essent peccatores, sciebant tamen se Deo esse per Christum reconciliatos, adeoque nihil condemnationis in se habere, quod si patiendum ipsis aliquid imponeretur, non propter sua peccata se pati ut pro iis satisfacerent, sed propter gloriam Dei ut sanguine suo veritatem Evangelii obsignarent. At Christus licet in se sanctus & innocens, inter peccatores tamen reputatus est Isa. LIII. 12. & tanquam reus coram tribunali Dei habitus, ut alienorum peccatorum sibi impositorum pœnas lueret. 2. Martyres ab hominibus patiebantur, sed Deum semper benignum & propitium experiebantur qui certaminibus ipsorum præerat, virtutemque ferendi crucem suppeditabat: At Christus non tam ab hominibus quam à Deo percussus est, cujus manum ultricem sentire debuit, unde dicitur מכה אלהים Isa. LIII. 5. & desertus à Deo. 3. Martyres extrinsecus cruciabantur in corpore, sed intus recreabantur solatio Spiritus S. qui in media fornace rorem gratiæ & gaudii affundebat, quo perfusi refocillabantur, ne sub onere fatiscerent. At Christus totus & anima & corpore passus est; nullum illi solatium, nulla mitigatio doloris extrinsecus accessit, verè afflatus ad ignem iræ divinæ ut olim in Agno Paschali adumbratum, ita ut absque ulla consolationis & refrigerii guttula, solo propriæ justitiæ & sanctitatis, si fas ita loqui, succo in mediis ardoribus judicii divini sese sustentaret. 4. Martyres mortem quidem sibi ferendam sciebant, sed corporalem tantum, nam ab æterna se liberatos per Christum noverant Joh. v. 24. At Christo cum utraque luctandum fuit, quia utraque peccati nostri fuit stipendium. 5. Martyres calicem bibere debuerunt, sed cujus amaritudo per Christum sublata fuerat, ita ut nihil lethale & mortiferum in eo amplius subesset, sed Christus calicem indignationis divinæ ad fæces usque ebibit, mortem enim gustare debuit pro omnibus Heb. II. 9. 6. Illi mortem & tormenta patiebantur, sed singuli pro singulis ut loquitur Leo, pro se unusquisque moriebatur non pro aliis. At Christus omnium peccata unus portabat & publicè pro iis satisfaciebat. Martyres denique cum morte, Satana & inferis pugnabant, sed jam à Christo devictis & prostratis Col. II. 14. 15. Heb. II. 14. ita ut θνήσκον in medio certamine cantare possent. 1. Cor. xv. 55. *ô mors ubi est victoria tua* &c. At Christus eos omnes adhuc integros & vegetos adoritur, imperio mortis etiamnum stante & vim suam in homines exerente; quod non potuit melius explicari quàm factum à Basilio Seleucienfi Χρυσός σὺν ἀγωνίᾳ τὸ σπυρόν ὑποδέχεται καὶ παραλαμβάνει φόβον τὸ πάθος. Διὰ τὸ ὅτι Χρυσὸς μὴ καὶ ζῶντος ἐπὶ θανάτῳ σταπνέεται ἐπὶ αὐτοῦ λευμμένης τῆς πυρρινίδος συμπίπτει ἐπὶ τὸ πῦρ ἐξ Ἀδάμ καὶ ἀνθρώπων θανατείαν ὁ ἄδης ἐκθύμαζε. Christus cum angore crucem excipit passionemque pavor anticipat. Quamobrem? nimirum quia Christus contra viventem mortem adhuc armatur, cumque nondum soluta tyrannide manus conferit, etenim imperium quod in homines jam inde ab Adam obtinebat etiam-

num ostendat, quæ omnia luculenter testantur mortem Christi toto genere diversam fuisse à morte Martyrum, sive *principium*, sive *modum*, sive *finem* passionum attendas: nam illi à Deo Patre ex amore castigabantur in corpore ad gloriam Dei, & obsignationem veritatis; At Christus à Deo Judice ex Justitia punitur & in corpore & in anima ad peccatorum expiationem: in illis *passiones* erant vel *probatoria* vel *medicinales*, at in Christo *pænales* & *satisfactorie*.

XXI. Huic argumento nihil hætenus à Socinianis directè quod quidem nobis visum fuerit responsum est. Crellius tantum adversus Grotium p. 24. & 25. c. 1. aliquid reponere conatur, Christum scilicet cum preces illas fudit in horto, vel in cruce se à Deo derelictum exclamavit, respexisse procul dubio ad illos dolores & cruciatus quos tum perpetiebatur cum ea verba proferret, dolores scil. crucis qui per se corporis erant, inde verò ad animum ut sit redundaverint, quibus addi possunt contumeliosæ voces & insultationes hostium calamitates ipsi acerbissimè exprobrantium: de tanta tristitia quæ græcis verbis exprimitur nihil legi ab eo tempore quo ex horto Getsemane fuerit abductus, cessasse istam animi perturbationem postquam ei apparuit Angelus. Hunc fuisse calicem de quo Christus patrem tam sollicitè rogavit ut à se transiret; non verò mortem; Eorum autem precum statim secutum fuisse effectum apparente Angelo. Ideo Christum animo imperterrito reliqua mala excepisse, nec quicquam post id tempus fecisse aut dixisse quod pavorem & consternationem istam animi argueret, licet dolores & cruciatus acerrimos sustineret.

XXII. Sed multifariam hîc peccat Hæreticus. 1. Dum supponit tristitiam & preces illas ardentissimas Christi non aliò respexisse quàm ad dolores corporeos quos perpassurus erat vel etiam ludibria & insultationes hostium quibus impetebatur. At jamjam ostendimus non eam fuisse sufficientem talis anxietatis causam nisi in Christo Dei filio Principe gloriæ eam animi constantiam desiderari volumus quæ in miseris homuncionibus sese tam luculenter prodidit, quod Christianus nemo dixerit; Ergo durior quædam manus illum premebat, gravius illi incumbibat onus sub quo satisfacere veritus est. 2. Supponit etiam gratis Christum post agoniam illam quam passus est in horto nullum amplius dolorem & animi perturbationem sensisse, nullum sanè ejus signum dedisse: Nam licet certum sit Christum non semper eo animi angore pressum fuisse, sed dilucida (ut ita dicam) habuisse intervalla, prout scil. obversabatur animo promissio patris & certa spes victoriæ, quod & fideles ipsi experiuntur non semel, qui in maximis suis angustiis querimonias suas miscunt consolationibus ut Ps. LXXVII. & XLII. & Jobi XIX. 11. 25. & alii de quibus August. in Ps. x. *Interdum clausis Dei oculis exercentur ut querantur, interdum apertis illuminantur ut gaudeant.* Quis tamen nescit in cruce etiam gravissimè perturbatum esse cum in hæc flebiliter erumpit verba ut se à Deo derelictum quereretur? Itaque fortiter quidem & constantissimè mortem tulit, sed tamen cum exquisitissimo mali sensu, ita ut voces pugnæ & doloris cum vo-

cibus constantiæ & victoriæ permixtæ semper fuerint, donec absolutissimo redemptionis operi hâc triumphî voce *πῆλειαι* colophonem imposuit. 3. Falsum etiam est quod statuit calicem pro cuius remotione tam sollicitè orabat non fuisse ipsam mortem, sed tantùm istam animi perturbationem quæ post apparitionem Angeli cessaverit; nam contrarium liquet ex Joh. xviii, 11. ubi cum Christus captus esset à militibus & Petrus vim facere vellet; *An non bibam inquit calicem quem Pater mihi dedit?* manifestè innuens mortem cui destinabatur; Et sanè cur tanta perturbatio animum ejus subiisset nisi ad hanc mortem impendentem respexisset? E. certum est Christum propter mortem imminentem timuisse, non corpoream tantùm sed spirituale imprimis & maledictam.

X X I I I. Quia verò varia hîc quæri possunt circa hanc Christi agoniam precesque ab eo fufas, quasi indignum sit Christo vel sensisse Deum iratum & insensum, vel eas preces illi obtulisse quæ decreto ipsius apertè repugnarent; breviter ea expedienda sunt antequam ad alia transcamus. Primò Quæritur quomodo talis metus & agonia in Christum cadere potuerit qui fuit semper in gratia & amore patris, quique adeo iratum eum & insensum sibi experiri non potuit? Resp. Christus duplicem *personam* sustinuit & *suam* & *nostram*, suam ex natura, nostram ex officio, Et secundum geminum illum respectum potuit metus & fiducia in eo locum habere, potuit gratia & ira patris erga ipsum sese exerere, Nam respectu sui patri semper dilectus fuit & gratissimus, nec aliter potuit, cum enim Deus non irascatur creaturæ nisi ob peccatum, in filio autem nullum unquam viderit vel videre possit utique non potuit illi ullatenus succensere, sed anima ejus in eo sibi complacuit: Sed quia idem ille filius personam nostram suscipere voluit & peccatorum reatum sustinere, sub hac *ἀντίθεσι* nihil obstat quo minus dicamus Deum iratum sensisse non sibi, sed peccatis nostris quæ in se receperat, quomodo dicitur *πατήρ* pro nobis factus: ita hîc optimè concurrunt & amor & indignatio, Amor in filium, Indignatio in mediatorem, Amor propter justitiam & sanctitatem propriam ipsi inhaerentem, Indignatio propter peccata aliena nempe nostra ipsi imputata. Quod ergo hîc clamitant Adversarii Bellar. & alii grandem nos cum Calvinò injuriam Christo facere cum dicimus Deum metuisse iratum & insensum, atque adeo non fuisse eum in gratia Dei, vel impudens est calumnia, vel crassissimus error qui confundit ea quæ in Christo sunt distinctissima: Nam si id volunt Deum iratum fuisse filio suo quâ tali & in se considerato, eam nobis sententiam affingunt quam toto pectore averfamur, ut qui sciamus Christum nunquam non gratissimum & dilectissimum Deo fuisse quod & ipse Calvinus apertissimè docuit Instit. l. 2. c. 6. s. 11. Neque tamen innuimus Deum fuisse unquam illi vel Adversarium, vel iratum, quomodo enim dilecto filio in quo animus ejus acquiescit, irascere-
tur? Aut quomodo Christus patrem aliis sua intercessione placaret quem insensum haberet ipse sibi? At si negant Deum iram suam & maledictionem effudisse in filium quatenus nostra in se peccata receperat, non nobis, sed Scripturæ ipsi apertè re-

pagnant quæ eum à Deo percussum & attritum , peccatum & maledictionem factum docet ; Hoc vidit *Ferus* in *Matt.c.26.* *Hic inquit si personam ejus attendas videbis eum innocentissimè passum , ipse enim peccatum non fecit nec dolus inventus est in ore ejus , At si attendas eos in quorum persona patitur videbis eum nocentissimum ut qui peccata totius mundi in humeris suis habeat &c.* Deinde distingui debet *non* *Esse in gratia Dei* ; nam vel illud intelligitur quoad amorem & omnia effecta ejus tam ea quæ sanctitatem quàm quæ felicitatem important, vel quoad quædam tantum. Ille qui in gratia Dei est , utique amorem ejus experiri debet si non in omnibus saltem in plerisque ejus effectis, & ita Christus nunquam non sensit hanc patris gratiam : at non statim qui est in amore fruitur ejus effectis quoad plenissimam beatitatem, v. g. qui castigantur fideles sunt sub sensu miseriæ nec desinunt tamen à Deo diligere : Ita nihil obstat Christum & diligere à Deo ut filium suum , & affligi ab eodem ut Vadem & Sponsorem nostrum , potuit amare ut patrem , & suam in eo fiduciam collocare , & timere ut judicem atque ejus iram & indignationem deprecari.

XXIV. Secundò Quæritur Quî timere potuerit & expavescere cùm certæ & indubitata victoria esset ex Dei consilio immutabili ? Resp. Ut hic scrupulus tollatur meminisse oportet utrumque hunc affectum metus & spei in homine sæpe reciprocari & alternantes experiri vices pro ratione objectorum sese ingerentium , nam si res grata & læta obijciatur, continuò spes inde efflorescit , sin verò tristis & molesta fuerit, metus subito enascitur ; Cùm verò duæ istæ res usque adeo contrariæ sese ingerunt eodem tempore , tum fieri nequit quin gravis inter eas pugna & conflictus oriatur , altera faciente metum & dolore , altera spem & consolationem excitante : Rursus cùm in isto conflictu altera alteri prævaler v. g. malum præsens bono futuro acrius se ingerit , & quod præsens est naturâ suâ vehementius homines afficit quàm quod est futurum , metus & dolor ita videtur totum hominem occupare ut nihil in eo spei sit reliquum , quia ita defixus hæret in malo quod intuetur ut cætera quæ aliquatenus illius dolorem lenire vel metum minuere possunt eo momento non attendat , quemadmodum ea est naturæ nostræ conditio ut ingentia visa cùm vehementius ingruunt ex nobis eo momento abigant omnem aliam cogitationem , sic in omni vehementi commotione ita totus occupatur animus ut velox illa facultatum animi progressio multum impediatur , dum singulæ facultates præsentî objecto affixæ rem totam diutius suspendunt. Ex quibus facile tota hæc difficultas expeditur , quippe Christus nobis *omni tempore* tale quid in se ipso expertus est , nam ut duplex objectum Christi animo sese ingerebat , 1. mors illa maledicta & passio ad quam ferendam missus fuerat ; Deinde eventus & finis lætissimus qui promissus erat, malum præsens & imminens gravissimum , & victoria certa & gloriosissima , duplicem etiam affectum in ipso excitavit , inde timoris & tristitiæ , hinc spei & fiduciæ , cùm enim in malum impendens oculos reflectebat, non poterat non timere & consternari, videbat quippe mortem & mortem dirissimam ipsi paratam , at cùm

idem attendebat ad finem passionum, & consilii divini immutabilitatem, prævidebatque adeo & victoriam quam reportaturus erat de Diabolo & morte, & redemptionem quam acquisiturus erat Ecclesiæ, non poterat non in spem erigi & lætari, hinc fit ut in hoc agone alternantes & sibi invicem succedentes hos affectus subinde videamus, si timet & angitur cum petit calicem removeri; at confidit statim cum in beneplacito patris acquiescit, si fremit cum queritur se à Deo derelictum, at spem illi co prodit cum Deum suum compellat & Spiritum suum in manus ejus commendat: Sed cum instantis mali cogitatio animum subit, ita totus occupatur animus ut eo momento circa aliorum objectorum apprehensionem quiescat, hinc cum ait Joh. xii. 27. *nunc anima mea turbata est pater quid dicam?* animus in illam iræ infinitæ cogitationem ita defixus est ut singulæ facultates pro se nihil decernant, sed toto interrupto progressu fluctuent. Ita cum petit liberari ab hac hora & removeri calicem, cum se derelictum esse postea vociferatur in illa eadem cogitatione ita occupatur ut in unam partem totus vergens, pene sibi persuadeat de se actum esse, nec fieri posse ut tantum pondus sustineat: Non tamen in illa cogitatione ita hæsit quin mox invicta spes illum erigeret, idem enim qui percussus libera me inquit *æ hac hora* eodem tempore subjicit, *sed propterea veni in hanc horam*, qui ter petit ut transferatur calix, addit statim non sicut ego volo, sed sicut tu vis fiat, qui clamat se derelictum à Deo, idem tamen ad Deum ut patrem Deumque suum accedit: unde patet quomodo Christus & timere potuerit & angidum certa spes v.ctoriæ facta fuerat.

XXV. Tertiò Queritur quomodo Christus ejusmodi preces Deo offerre potuerit quæ aperte videntur consilio & voluntati divinæ repugnare, atque adeo pietati & obedientiæ quam patri constantissimè exhibuit? Quid enim? nonne propterea natus erat & mediator factus ut calicem hunc pro salute nostra ebiberet: nonne noverat hoc esse decretum patris ut ipse non semel testatus est oportere se multa pati & occidi, Matt. xvi. 21. Imò cum caperetur à militibus Petrum iis obstitentem increpat, *An non bibam poculum istud quod mihi dedit pater?* Qui ergo sibi contrarius & patri, tanto molimine calicem à se transferri postulat? Resp. Hic verò multa sunt quæ reponi possunt. 1. Supponimus contra Monothetas geminam fuisse in Christo voluntatem ut & naturam divinam & humanam, eadem non adversas quidem & sibi repugnantes, sed diversas tamen fuisse prout in objecta diversa ferebantur. Divina voluit mortem quia sic constitutum fuerat apud patrem ad redemptionem nostram. Humana verò horruit & deprecata est, quia eam intuebatur ut naturæ destructionem & malum omnium quæ esse poterant dirissimum; nec tamen humana voluntas bene dicitur repugnasse divinæ, quia non absolutè, sed conditionatè petiit, non voluntate deliberatâ & electivâ, sed velleitate potius inefficaci & naturali. Itaque observandum est. 2. *Voluntatem* multifariam dividi posse, alia enim *efficax* dicitur, alia *inefficax*; *Efficax* dicitur ea quæ principium est agendi, hominemque movet & impellit ad
exe-

exequenda ea quæ vult & amolienda quantum potest quælibet operationis impedimenta; *Inefficax* quæ in effectum non deducitur, sive propter impedimenta aliunde accedentia, sive quia simplex est vel boni complacentia, vel displicentia mali, nec ulterius pergit ut sit operandi principium, nec ad rei executionem re ipsa impellit quæ vellentis potius quàm voluntas dici meretur. Cum ergo Christus dicitur voluisse ut transiret calix non debet hoc intelligi de voluntate efficaci quæ in ipso produxerit aliquem evadendi conatum & se expediendi ex istis laqueis, imò videmus eum ductum fuisse ut orem ad mactationem II. LIII. 8. ut ipse nulla ratione obstitit, vel mortem refugere tentaverit, sed de voluntate inefficaci quæ nihil aliud significat quàm simplicem displicentiam ortam ex naturali inclinatione quâ voluntas abhorret à malo naturam destruente.

XXVI. 3. *Voluntas* alia est *naturalis* & *indeliberata*, alia *deliberata* & *electiva*. Illa dicitur voluntas per modum naturæ; Ista per modum rationis. sic Thom. p. 3. q. 18. art. 5. *Voluntas ut natura* sive per modum naturæ est facultas physica habens inclinationem naturalem ad conservationem totius compositi, seu est desiderium commodi, vocatur voluntas indeliberata quia fertur ad objectum absolute consideratum citra ullam rationem circumstantiarum, At voluntas per modum rationis est facultas rationalis ad prosequendum bonum generale totius hominis ut homo est, vel ad sequendum dictamen intellectus practici recta & iusta monentis, vocatur voluntas electiva quia est desiderium & affectus iustitiæ potius quàm utilitatis propriæ, dicitur & voluntas deliberata quia respicit objectum omnibus suis circumstantiis vestitum, & hæc voluntas refertur ad cognitionem rationalem tanquam ad causam, quia non naturæ instinctum sed rationis dictamen sequitur; Voluntas naturæ naturaliter fugit ea quæ naturæ sunt contraria, ut mortem, cruciatum &c. Voluntas per modum rationis potest ferri etiam in ea quæ naturæ adversantur dummodo iusta & honesta sint vel necessaria, sic v. g. is qui voluntate naturali porcionem amaram refugit & averfatur, eandem tamen voluntate rationali suscipit, quia scit non aliam esse salutis recuperandæ rationem, ita martyres mortem naturâ non possunt non horrere, sed iidem tamen eam ut gloriosissimum benevolentia Dei testimonium ex ratione alacres adeunt, & in ea gloriantur, pari planè pacto Christus mortem voluit & noluit diverso respectu. Voluntas per modum naturæ eam noluit, at eadem per modum rationis voluit ipsam. noluit quatenus naturalis appetitus desiderium erat ut viveret mortemque absolute & in se ut naturæ destructionem intuebatur. At quatenus eandem spectabat cum circumstantiis suis id. ut à Deo decretam & ad salutem electorum necessariam, in ipsam propensissimo ferebatur affectu, prout alibi testabatur *cibum suum hunc esse ut faceret voluntatem patris sui*. Joh. IV. 34.

XXVII. 4. *Voluntas* distinguitur in *simplicem* & *absolutam*, & *hypotheticam* seu *conditionatam*. Illa est qua quis aliquid vult absolute & efficaciter ita ut nihil reliqui faciat ut ea voluntas in effectum deducatur. Ista qua quis aliquid vult sub

sub conditione, quæque intra certos limites se continet, sic absolutâ voluntate petunt fideles remissionem peccatorum suorum, & si quæ sunt necessaria ad eorum salutem. At voluntate conditionali ea quæ salutem non attingunt per se neque vel data promovent, vel negata remouent, puta opes, sanitatem, robur, pacem externam, in quibus petendis eam semper conditionem addere debent expressè vel implicite si ita fert Dei voluntas: hujus conditionatæ voluntatis geminum exemplum supeditat nobis Scriptura, alterum in Mose Exo. xxxii. 3. dum optat deleri de libro Dei, alterum in Paulo Ro. ix. 3. dum cupit anathema fieri pro fratribus, utrumque enim istud votum non absolutè, sed conditionatè tantùm est intelligendum, si possibile esset & liceret, si Deo ita liberet, ita ut non rei ipsius possibilitas, sed petentium tantùm zelus & ardor innuatur: Idem in Christo observari potest, nam voluntate absolutâ ac simpliciter dicta Christus mori voluit; prout se moriturum prædixerat Matt. xviii. 31. & xx. 18. 19. Joh. xiii. 21. ita ultro & libentissimè se morti exposuit *An non (inquit) bibam calicem?* &c. E. quod mortem refugiebat referendum est ad voluntatem conditionalem & hypotheticam, de quo ne quis dubitare posset voluit ipse Christus conditionem, eamque geminam apponere: Prior est conditio *possibilitatis rei*, *Pater si possibile est* non utique per absolutam Dei potentiam, quia non nesciebat omnia Deo esse possiblea ut apud Marcum proficitur, sed per æterni patris decretum, quod edicti non ignorabat scindi non posse, tamen libenter per *φυσικὴν σαρρὴν* optasset aliter institui. Altera est *conditio voluntatis divinæ* cui se Christus illico submittit *veruntamen non sicut ego volo, sed sicut tu vis*, ut agnoscamus omnes istos motus desiisse tandem in absolutam voluntatem moriendi.

XXV III. Etsi igitur inter geminam hanc Christi voluntatem aliqua diversitas occurrit nulla tamen est pugna & contrarietas propriè dicta, quia nec sunt ad idem, nec eodem respectu: Altera est simplex & absoluta, altera tantùm conditionalis, altera bonum naturæ, altera gloriam & consilium patris respicit, altera se habet per modum naturæ & velleitatis inefficacis, altera per modum rationis & voluntatis plenæ. Hic ergo attendenda sunt *duo volita* Christi, seu objecta duo in quæ ferebantur diversæ volitiones Christi, primò *bonum naturæ*, & immunitas ab omni malo, natura enim per inclinationem omnibus creaturis adeoque & homini ipsi inditam Eph. v. 29. non potest non refugere malum & inclinari in sui bonum & conservationem, siquidem teste Aristotele *bonum est quod omnia appetunt*. Secundo *gloria & voluntas patris* cum salute nostra; utrumque objectum ab intellectu monstratum volebat, sed modo & respectu longè diverso, illud simpliciter & præcisè in se absque circumstantiis consideratum volebat voluntate naturali conditionatâ, & velleitate potius seu voluntate imperfecta, secundum hanc petebat conditionaliter rem ex hypothesi impossibilem & optabat quod illi denegandum erat ut hoc pacto testaretur quid sentiret, pateretur & appeteret misera & egena natura & à quo maximè refugeret; at verò istud cum omnibus circun-

stan-

stantiis, causis, & effectis consideratum voluntate absoluta per modum rationis ad finem qui mediis in se malis amabilitatem solet conciliare, quomodo potio amara appetitur propter sanitatem, quam voluntatem Christus declarat eā quam apposuit statim limitatione & conjunctione *πλὴν ἀλλὰ*. Ita etsi votum primum voluntati patris quadantenus adversum concepisset, quia tamen sub conditione illud ita concepit ut velleitati huic suæ statim frænum iniecerit, eamque Dei arbitrio subjecerit non potest ulla culpabilis hæc occurrere diversitas.

XXIX. Instabit tamen aliquis, Si correctio aliqua addita fuit à Christo in postrema precationis parte omnino modum excesserit oportet, atque adeo non satis composita fuerit. Hinc Calvinus in commentario suo in Matt. dixit *Christum votum illud subito sibi elapsum castigare & revocare*, quod dici non potest quàm protervè Bellarminus exagitet quasi Christum peccati alicujus & vitiositatis insinulare, qui aliquod votum fuderit quod correctione opus habuit. At ut de Calvino primum dicamus Jesuita more suo satis prodit calumniandi æstrum quo percutus est dum ea integerrimo Viro affingit quæ ab ejus mente sunt alienissimæ; quod vel idem ipse commentarius luculenter docet ubi variis in locis, pluribusque rationibus hos Christi angores, querelas, preces & affectus purissimos fuisse omnisque vitii expertes solidè evincit. Quod verò vim facit in correctionis voce de nihilo est; quia nemo negare potest particulas *ἀλλὰ πλὴν* quibus utitur Christus esse correctionis formulas, sed in eo hallucinatur Adversarius quod *Correctionem* omnem supponere errorem præcedentem arbitretur, quod etli de *Correctione Logica & Ethica* verum sit, falsum tamen est de *Rhetorica Logica* pro falso verum, *Ethica* pro malo bonum reponit, sed *Epanorthosis Rhetorica* non est semper emendatio ejus quod malè dictum sit, sed limitatio rei conditionalis in absolutam, vel repositio ejus quod magis videtur idoneum pro eo quod prius etiam non malè, sed vel indifferenter vel conditionaliter dictum fuerat. Sic Cicero ad *Quirit. contra Verrem* exclamat *ô summam vestram clementiam, vel potius patientiam*, & autor ad Herennium quod si iste suos hospites rogasset inò inuisset modò hoc facile perfici posset &c. Paulus I. COR. XV. IO. *amplius laboravi quam omnes Apostoli, non ego tamen sed gratia Dei quæ mecum est.* Correctio est verum apponens pro vero sine errore, nam & ipse laboraverat, sed sub gratia tanquam causa primaria & principali: Sic correctio hæc Christi non est emendatio erroris sed remotio conditionis antea positæ seu conversio precationis conditionalis in simplicem: Non ergo reponit verum pro falso sed categoricam voluntatem bonam loco hypotheticæ itidem bonæ in suo genere: non corrigit prius effatum tanquam incompositum, sed exponit quod dixerat ne quis nostrum id malè cogitatum aut dictum autumaret, & voluntatem illam conditionatam quæ ex recto sui amore mortem horrebat subicit voluntati patris; ideoque amorem sui amoris Dei tanquam primo & maximo mandato rectum ordinem servans submittit.

XXX. Quartò Quæritur quomodo Christus æternum patris decretum re-

scindi postulet cujus minimè ignarus erat, & quomodo pura fuerit ab omni vitio hæc ipsius voluntas quæ tamen cum Dei voluntate minimè congruebat? Resp. Ad 1. Noluisset Christum absolutè rescindi consilium patris quod immutabile noverat, sed quia defixus erat totus in contemplatione instantis mali eo momento facultates erga aliorum objectorum apprehensionem quiescebant, itaque non ex dubitatione vel ignorantia loquitur, sed omisso consilii divini intuitu ad breve momentum desiderium hoc quo æstuebat in patris sinum deponit, quomodo fideles in fundendis precibus & gravissimis tentationibus non semper ad speculanda Dei decreta ascendunt, sed votorum fervore interdum celeres feruntur in malorum quibus premuntur acerbiter unicè intenti, eorum liberationem naturali propensione ardentissimis votis expetentes, licet cæteroquin alia sit Dei voluntas & consilium; Atque hinc patet solutio secundæ difficultatis; quomodo pura & vitii experta illa voluntas Christi esse potuerit quæ voluntati divinæ repugnabat; Nam primò certum est non omnia quæ voluntati occultæ sive decreto non congruunt statim peccata esse, quippe cum hæc non sit actionum nostrarum norma & regula, sed revelata, non potest quod adversus illam admittitur statim peccatum censer; sic Paulus Phil. 1. cupit dissolvi & esse cum Christo, idque arbitratur sibi esse longè optimum; at hoc voluit contra voluntatem Dei occultam quæ diutius voluit cum Evangelio ministrare, sic filius probus orat pro vita patris ægroti quem tamen Deus certò mori vult, nec peccat filius, imò peccaret adversus debitum parenti amorem si non præstaret: sic fideles plerumque florentem & tranquillum expetunt Ecclesiæ statum, cuperent ærumnis liberatos esse Dei filios & sublata omnia scandala & regni Dei obstacula, & hæc cum per se recta sint piè possunt à fidelibus expeti, quamvis aliter Deo constitutum sit qui vult filium suum regnare inter hostes suos, exerceri sub cruce, & Evangelii ac fidei victoriam contrariis satanæ & mundi molitionibus illustrari. Hoc August. eruditè observat Enchir. ad Laur. c. 100. & 101. *Propterea namque magna (inquit) opera domini exquisita in omnes voluntates ejus ut miro & ineffabili modo non fiat præter ejus voluntatem quod etiam sit contra ejus voluntatem &c.* Et paulò post *Aliquando bona voluntate homo vult aliquid quod Deus non vult etiam ipse bona amplius multoque certius voluntate &c.* Christus ergo potuit absque ullo peccato & petere & velle quæ voluntati divinæ repugnabant.

XXXI. Sed inquis, Christus non ignoravit hanc patris voluntatem, itaque non potuit non peccare cum illi resistit. Resp. Peccaret is qui contra voluntatem Dei cognitam peteret aliquid absolutè & sine submissione tacita vel expressa quod fecit Christus; nam voluntas absoluta conditionatam statim superavit & absorbit, unde æstimandum est obsequium ex eo quod prævalet & superius est, non verò ex eo quod obruitur & corrigitur, ea enim demum veri nominis est voluntas quæ absoluta & determinata est ita ut hominem efficaciter impellat ad rem volitam prosequendam, voluntas verò ac desiderium inefficax non tam volun-

Iuntatis quàm velleitatis appellationem meretur: at voluntas Christi absoluta, fuit semper conformis voluntati divinæ in volito formaliter spectato cum omnibus suis circumstantiis, Imò & velleitas ipsa Christi conformis rectè illi dicitur ratione causæ dirigentis, voluit enim Christus semper quod & quomodo pater voluit eum velle, Pater enim volebat ut Christus vellet vivere secundum inclinationem naturæ ut hoc modo demonstraret se verè affectus nostros naturales suscepisse, licet hoc ipsum desiderium videretur, quoad cætera quodammodo arictare in consilium æternæ prædestinationis. Fateor in nobis istiusmodi motus non esse sine aliqua ἀρξίη & peccati labe, quia cum immundi simus natura ex fordido fonte non possunt rivuli nisi fordidi & lutulenti fluere, quemadmodum si aquam in vitro fordido & impuro agitaveris & ipsa fordida & impura reddetur. At in Christo aliter se res habuit, cum enim purus esset ab omni labe, sic tristitiâ & metu turbatus fuit ut nunquam tamen modum excesserit vel adversus Deum murmure vel impatientiâ fremuerit, sed ita potentiam Dei imploravit, ut voluntati patris illico se reverenter submitteret, ut aqua quæ in vitro puro est & nitido quantumlibet agitetur non impurabitur tamen, quia nihil facis fordiumve admixtum habet. Ita turbatus fuit, sed non perturbatus, concussus, sed non excus- sus, oppugnatus, sed non victus, naturæ motibus ad deprecandam mortem innocentissimè excitatus, sed rationis consilio ad eam suscipiendam statim revocatus; Unde notandum multiplex discrimen inter affectus Christi & nostros, quadruplīter enim potissimū solent nostri aberrare, 1. Quoad *originem* quòd rationem præveniant eaque inconsultâ sæpius oriantur. 2. Quoad *terminum* quòd longius digrediantur quàm par est & sese sub imperium rationis minimè contineri patiantur. 3. Quoad *modum* quòd rationem ipsam captivent & transversam agant ut accidat nobis poëticum illud, *fertur equis auriga nec audit currus habenas.* 4. Quoad *objectum* quia in nobis plerumque eiusmodi passiones feruntur ad illicita & injusta. At ab hisce omnibus immunes fuerunt affectus Christi. Nam nec quicquam illiciti unquam appetiverunt, nec oriebantur nisi ex dictamine rationis, unde dicitur *se ipsum surbasse* Joh. xi. 33. neque latius divagabantur quàm oportuit, nec rationem unquam obscurarunt & abriperunt, sed illi semper obtemperarunt. Non æstimandum ergo querulas hæc Christi voces vel à dubitatione & diffidentia ulla profectas esse, vel ab aliquo alio affectu inordinato & vitioso, sed tantū à penitissimo doloris sensu qui naturam non potuit non afficere, sed qui tamen non statim à ratione in ordinem coactus est & Dei arbitrio submissus.

XXXII. Quæritur tandem hîc quomodo Christus in ea oratione exauditus possit dici à metu ut testatur Apostolus Heb. v. 7. & alibi Christus profitetur se semper à Patre exaudiri Joh. xi. 42. !cū tamen mors subeunda illi fuerit necessariò. Resp. Quod Christus simpliciter & absolutè voluit in eo nunquam repul- sam tulit, sed quod voluit sub conditione tantū, nihil mirum si non obtinuit, quando ea non tam erat voluntas quàm velleitas, nec tam rationali illud deside-

rio erat deputandum quod primas semper obtinere debet, quàm inclinationi naturali & appetitui sensitivo cujus nunquam præcipuè sunt in oratione partes. 2. Christus exauditus est à metu mortis non absolute quidem quasi à mortis obeundæ necessitate liberatus esset, sed secundum quid quatenus nempe Deus qui illum exaudivit timorem illum ita excussit ut mortem constantissimè exciperet, seque totum voluntati divinæ submitteret, atque ita fuit confirmatus ut omnem pavorem mortis deposuerit. Christus quippe duo timebat potissimum. 1. Ne malis obrutus succumberet quæ videbat gravissima esse. 2. Ne morte absorberetur, ita ut nullus inde pateret exitus. Deus verò cum *exaudivit* id. liberavit ab utroque illo metu. I. Quia cum ita virtute Spiritus sui corroboravit in medio agone ut constantissimè & invictè sustinuerit gravissimum illud certamen. 2. Quia cum à morte liberavit solutis doloribus inferni gloriosâ ejus resurrectione, itaque verissimè hac in parte exauditus fuit, non quidem ne mortem lueret, sed ne ab ea absorberetur, non ne gustaret, sed ne in ea periret, non in pœnarum subterfugio, sed in earundem constanti tolerantia & forti atque invictâ liberatione & victoriâ. Atque hæc de Agoniâ Christi dicta sunt. Cætera quæ pertinent ad ejus *Desertionem* ne ulterius protrahatur hæc Disputatio in aliam mox secuturam cum bono Deo differuntur.

COROLLARIA RESPONDENTIS.

I. Scriptura S. ita plenè & perfectè continet omnia creditu & factu ad salutem necessaria ut nullis Traditionibus *ἀγχοῖς* post Verbum scriptum locus jam esse possit aut debeat.

II. Etsi idem Verbum Evangelii omnium externè vocatorum auribus insonet, non eundem tamen in omnibus eventum sortitur, nec eodem fine simpliciter proponitur.

III. Ut vera & salvifica fides acquiri nequit propriis viribus ab homine, sed unius Dei donum est: ita nec potest ab eodem jam. fideli amitti, cum dona & vocatio Dei sint *ἀμεταμέλητα*.

IV. Hinc ut nec David, nec Salomon, nec Petrus à salvifica ista fide exciderunt, utut gravissimè sint lapsi, sic nec Saul impius, nec proditor Judas, nec profanus Simon magus eâ unquam donati sunt.

V. Justificatio gratuita non excludit opera fidei, sed ea potius stabilis.

VI. Nullus hominum à lapsu Adami solo Christo excepto Legem perfectè implere potuit.

DISPUTATIO SEPTIMA

Quæ Quinta est

D E

SATISFACTIONIS
CHRISTI VERITATE.

E X

Desertione ejusdem & Morte
demonstratâ.*Respondente SAMUELE VIOLLERIO Genevensi.*

T H E S I S P R I M A.



U M in tota humiliaione & passione Christi Servatoris & peccatorum gravitas, & iræ divinæ pondus, & Misericordiæ immensitas luculenter se prodant, nullibi tamen clariùs elucet, quàm in summis illis animæ cruciatibus quos pro nobis sustinere non recusavit; Quia verò in duplici gradu spectari vulgò solent, vel ut *inchoati* in horto per agoniam, vel ut *completi* in cruce per *desertionem*, & de priori gradu novissimè à nobis actum est: Ordo jam postulat ut ad secundum transeamus, atque adeò demonstremus tristissimam hanc derelictionem certissimum fuisse *Satisfactionis* quam præstare debuit ex munere sibi demandato argumentum.

II. Hujus autem *Desertionis* testimonium præbet luctuosissima Christi in Cruce querela, cujus primò notanda Temporis circumstantia quæ ab Evangelistis observatur quum dicitur clamasse circa *horam nonam* Matth. xxvii. 45. & Marc. xv. 34. id. tertiam nostram pomeridianam, post solemnes scil. illas tenebras quæ à meridie cœperant: Nam *ab hora sexta tenebra facta sunt super universam terram* vers. 45. live per universam terram intelligas tantum terram Judæam quod variis visum quomodo Romanum Imperium vocatur *παροις οικουμένη* Luc. ii. 1. si-ve quod aliis placet totum orbem, ut œcumenica Eclipsis fuerit quod videtur amplecti Tertulli. in Apol. c. 21. solis hoc deliquium vocans *mundi casum* quem

Romani in suis Archivis habeant; Et huc facit quod ipsis Ethnicis non videtur planè ignota fuisse qui ejus meminerunt, ut Phlegon Trallianus Adriani libertus Chronographus accuratissimus teste *Eusebio* in Chronicis ad annum Dominicæ passionis, qui eam refert ad annum quartum 262. Olympiadis qui incidit in annum 18. Tiberii quo Christus est passus, sic Dionysius testis ejus ἀντίπλησις dicitur fuisse in Ægypto, & eam intuitus in hæc verba erupisse εἰ ἡ φύσις ἐκ τῆς θεότητος καὶ πάσης ut habet in episto. ad Polycarpum *Aut natura aut Deus aliquid patitur*. Quicquid sit certum est non naturalem sed planè extraordinariam & miraculosam fuisse hanc Eclipsim utpote quæ non tempore novilunii quod alias fieri solet, sed in plenilunio contigerit, Deumq; portentum hoc non secus ac cætera non sine gravissimis causis immisisse, sive ut gravitatem & horrorem sceleris Judæorum ostenderet quasi nefas foret solem tantum scelus aspicere, sive ut portenderet genti Judæicæ excacationem & calamitates illas quæ non multo post populo isti erant immittendæ & terror ac metus judicii divini incuteretur; sive ut Christi in cruce morientis majestatem ex tantis prodigiis indicaret, sive denique ut passionum Christi magnitudinem innueret quibus scilicet fiebat ut Oriens ex alto tenebris densissimis iræ Dei immergi, & Sol justitiæ eclipsim pati & occumbere deberet; hinc Tenebras istas externas statim excepit amarissimus dolor internus quo se à Deo derelictum queritur, nam tenebris illis depulsis circa horam tertiam dicitur alta voce exclamasse *Eli Eli lamma sabactani, Deus mi Deus mi quare me dereliquisti?*

III. Quia verò verba hæc ex Ps. xxii. petita esse constat, hinc quaestio primò nascitur an bene ad Christum referantur quæ David de se olim protulerat, Judæi enim hæc ita ad Davidem vel alium quempiam ex sua gente restringunt ut aliò referri nec posse nec debere arbitrentur; Sed missâ protervâ hâc Judæorum incredulorum cavillatione, qui nihil intentatum relinquunt ut clarissima quæque loca nobis eripiant: Nobis pluris esse debet Evangelistarum omnium & Christi ipsius testimonium qui sibi verba Psalms applicando non obscurè Davidem ad se respexisse demonstrat: consulantur loca Matt. xxv. 11. 35. 39. 46. Luc. xxii. 33. 34. Joh. xix. 23. 35. Heb. ii. 11. Et sanè non opus hîc est operosâ aliquâ demonstratione, vel sola enim verba Psalmi si paulò accuratiùs expendantur satis docent in neminem accommodatiùs quadrare quàm in Christum, & in eo solo perfectum complementum fortiri. Itaque licet David ut typus Christi de se potuerit loqui proximè, dum occasione suarum tribulationum & persecutionum ad has querelas redactus est, certum tamen est in se ipso non hæsisse, sed spiritu prophetico abreptum fuisse ad contemplationem Christi patientis in cruce, cujus passionem, tormenta, crucifixionem & omnium cruciatuum sensus juxta singulas circumstantias tam exquisitè, & tanta verborum luce & ἐκτενείᾳ describit, ut non tam prophetiam quàm historiam, ut Cassiodorus ait, scribere videatur; quod facilè ex singularum partium examine ostendi posset si id nunc ageremus. Unde colligimus verba hæc prima Davidis etsi in ipso ut Christi typo fundamentum aliquod

habere possint, quatenus summis pressus angustiis & de auxilio Dei tantum non desperans in querulas hæc voces prorupit, quibus non absimiles alibi occurrunt non semel Ps. xlii. 2. & xlii. 24. 25. &c. tamen ad Christum primariò & principaliter esse referenda, prout ipse Christus complementum istius Oraculi verba eadem iterando in cruce exhibuit.

IV. Verba autem referuntur à Christo juxta Hebraicam veritatem & non juxta lxx. versionem quæ nonnihil hîc à fonte recedit additis vocibus duabus quæ in Hebræo non leguntur $\delta \theta\epsilon\acute{o}s \delta \theta\epsilon\acute{o}s \mu\epsilon \pi\epsilon\rho\epsilon\chi\epsilon\iota \mu\omicron\iota \iota\upsilon\alpha \pi\epsilon \gamma\chi\alpha\tau\acute{\epsilon}\lambda\iota\pi\epsilon\iota \mu\epsilon$ quam V. V. secuta est *Deus mi, Deus mi respice ad me quare me dereliquisti*, sive lxx. אֱלֹהִים אֲדָמָה ad me pro אֱלֹהִים legerint quod nonnulli conjiciunt, sive alia quæpiam causa fuerit, Chaldaeus tamen & Syrus planè cum Hebræo faciunt, quod Christus hîc sequitur omisâ lxx. versionis additione (quod satis docet, ut hoc obiter dicam, non rarò ab ea discedere Scriptores N. T. atque adeo ipsis non fuisse authenticam.) Porro satendum est verba illa ex Hebræo paulisper immutata referri, nam verba Psal. ita se habent אֱלֹהִים אֲדָמָה hîc verò legimus שׁוּבָה , sic quippe communis ferebat tunc temporis loquendi ratio, quæ nec fuit vetus Hebræorum sermo, nec Syriacus merus, sed mixta dialectus ex utroque quæ tum in Judæa vigeat, quæ quædam retinebat avitæ pronunciationis ut אֱלֹהִים pro quo Syri dicere solent אֱלֹהִים , quædam cum Syris habebat communia, ut שׁוּבָה pro שׁוּבָה quod Hebræum est : Eli autem à Christo pronuntiatum fuisse ipse sonus ad Eliam proximè accedens evincit, unde sumpta est acerba illa paronomasia irrisorum Christi, qui ex dictione Eli materiam sumebant Christum calumniandi ac si abjecta fiducia in Deum converteret se ad sanctos demortuos & præsertim Eliam Marc. xv. 35. Ideò verisimile est in Syriaca versione quæ אֱלֹהִים habet transpositas esse literas, & quod אֱלֹהִים scriptum fuerat mutatum fuisse in אֱלֹהִים , inde nato errore quod אֱלֹהִים minus Syris esset notum : Neque aliter scriptum fuisse à Syro indicio est ipsius interpretatio apud Marcum quæ habet אֱלֹהִים cum affixo primæ personæ, unde non malè Drusus in textum Syriacum אֱלֹהִים reponendum esse statuit, quamvis Ludo. de Dieu contrarium sentiat.

V. Sed parum interest quomodo legerit aut scripserit hæc aut illa Versio, cum textus Græcus Evangelist. interpretationem subiciat à quâ discedere est nefas $\text{Θ\epsilon\acute{o}s \mu\epsilon \theta\epsilon\acute{o}s \mu\epsilon \iota\upsilon\alpha \pi\epsilon \mu\epsilon \gamma\chi\alpha\tau\acute{\epsilon}\lambda\iota\pi\epsilon\iota}$. Videndum ergo potius cujusmodi fuerit ista desertio de qua tam lamentabili conqueritur voce : Neque hoc difficultate gravi carere videtur, quo tandem enim pacto Deus Christum deseruisse dici potest vel Christus à Deo desertus qui intimè & arctissimè illi unitus fuit semper ? Nonne ἀδελφός fuit divinæ & humanæ naturæ conjunctio, nonne filius fuit semper in patre, & pater in filio ? ut ipse testatur Joh. xiv. 11. 20. Fateor altissimum hoc mysterium intellectus nostri captum longissimè superare, ut hîc si uspiam alibi sapere nos deceat ad sobrietatem, & longè tutior sit docta ignorantia quàm temeraria scientiæ præsumptio. Non me latet etiam hinc inde periculossima præcipitia occurrere, ne Christum vel ex vulgi opinione magis quàm ex

rei veritate locutum existimemus, vel si ex propriæ calamitatis sensu loquitur desperasse & de salute dubitasse arbitremur. Quia tamen maximum afflictæ conscientie solamen bene intellecta hæc Christi oratio afferre potest, videamus quid hac in parte sentiendum sit, & faciem verbi divini nobis allucentem sequentes pro virili hoc explicare aggrediamur. Ut in Deo hæc præcipuè attendimus τὸ ἀγαθὸν καὶ τὸ μακάριον *sanctitatem* & *felicitatem* ita duo hæc creaturæ rationali, quam beare vult, communicare solet, *sanctitatem* quæ in bono *Ethico*, *felicitatem* quæ in *physico* versatur, *sanctitatem* in gratia, *felicitatem* in gloria. Ita autem hæc duo comparata sunt ut nunquam felicitatem & gloriam det sine sanctitate, quia sine sanctitate nemo videbit Deum; Heb. xii. 14. Sed aliquando sanctitatem largiatur sine felicitate, cum nimirum creaturam ad aliquod tempus sub crucis & calamitatis pondere vult exerceri; Quum ergo Deus vel utramque, vel alterutram creaturæ subtrahit tum eam deserere merito dicitur, Christo autem denegatam fuisse *sanctitatem* impius est qui dixerit, cum sanctissimus fuerit semper, ab omni peccati labe vel consortio immunis, fidesque & charitas absolutissimæ in eo fuerint omnibus numeris. Itaque derelictum fuisse tantum quoad *felicitatem* & gloriam necesse est, quatenus ad breve temporis spatium gaudium illud ἀνεκλάλητον & radiantem gloriam quâ coruscabat subtraxit Deus ut iræ suæ nobis incumbentis pondus experiri posset.

VI. Sed ut plenius res tota cognoscatur observandum est variis modis Christum Deo adhæsisse, quæ fuerunt totidem vincula illius mirabilis conjunctionis: Primò fuit *Unio natura* quatenus non modò per intimam illam ἐνθεχάρησιν filius est in Patre, Pater vicissim in filio Joh. x. 30. in S.S. Trinitatis mysterio, sed & beneficio incarnationis in unam eandemque personam humanitas cum divinitate coaluit, cum Immanuel factus est. 2. *Communio amoris* quo Pater complectitur Filium & Filius vicissim Patrem Joh. i. 11. 35. *Pater amat filium & omnia dedit in manus ejus.* 3. *Communicatio sanctitatis*, nam plenus fuit gratiâ & veritate, nec adminus est illi spiritum pater, sed ἀπέχεσθαι in illum dona sua & gratias effudit Joh. i. 16. *ut ex ejus plenitudine hauriamus omnes*, Joh. i. 16. *placuit enim patri omnem plenitudinem in eo habitare* Col. i. 19. 4. *Sustentatio virtutis* dum expertus est continuò potentiam Dei quæ illi præsto fuit in gravissimis illis certaminibus quæ sustinenda illi fuerunt, prout ipse agnoscit se non esse solum, sed patrem secum Joh. xvi. 32. Sic Deus dicitur *adesse* iis quos tuetur, protegit & potenti brachio sustinet ut sæpe in Ps. 5. *Participatio felicitatis* quatenus unitus divinitati intimè visione beatifica frui poterat, & summo ex ea gaudio & solatio perfundebatur; nam & iis se præsentem testatur Deus quibus se propitium exhibet, quosque adeò dulcissimis præsentie suæ gratiosæ & salutaris radiis recreare & solari dignatur ut non semel hoc Psaltes proficitur.

VII. Dicamus adhuc clariùs, Christus adhærebat Deo, Deus aderat Christo per spiritum, Spiritus autem quinque hæc effecta potissimum operari solet. 1. *Vitam* unde *Spiritus vita* Ro. vii. 2. dicitur. 2. *Pacem* & tranquillitatem ex amoris & be-

& benevolentiae divinae testimonio, unde *Spiritus gratia* nominatur Zach. xii. 12. Et Evangelium quod ministerium est spiritus, est Evangelium pacis Eph. vi. 15. 3. *sanctitatem* & *fidem* quapropter *Spiritus Sancti* denominatio illi assignata, item *Spiritus sanctificationis* Ro. i. 4. *Spiritus fidei* 2. Cor. iv. 3. 4. *fortitudinem* & *robur*, hinc Spiritus roboris dictus 2. Tim. i. 7. & Virtus Altissimi Luc. i. 35. & xxi. 49. 5. *Beatitatem* & *gaudium* unde Oleum laetitiae Ps. xlv. 8. Paracletus Joh. xiv. 16. Spiritus gloriae 1. Pet. iv. 14. indigitatur: *Vita* opponitur morti in qua jacemus, *Pax dissidentiae* & trepidationi quae agitur. *Sanctitas vitiositati* quae inficimur, *Robur infirmitati* cui obnoxii sumus. *Felicitas miseria* in quam decidimus, Spiritus E. in Christo quinque haec perfectissimè operatus est, unde quinque istis modis Deo adherere potuit, sed non pariter potuit istis omnibus ab eo deseri.

VIII. Primò non derelictus est Christus quoad *Unionem naturae*, nam quod semel Filius Dei assumpsit nunquam dimisit; nunquam separata fuit & revulsa humanitas à divinitate, vinculum istud arctissimum nec solutum est unquam nec poterit in æternum solvi, siquidem ut bene Synodi Chalcedonensis Patres sanciverunt unio hypostatica facta est *ἀχωρίστος καὶ ἀδιαίρετος* ut *ἀτρέπτως καὶ ἀσυνχύτως*, mors ipsa quae corporis & animae vinculum diremit, non abruptit tamen vinculum divinitatis cum humanitate, quae perpetuò unita mansit hypostaticè cum anima & corpore licet divulsis; Et sanè si divinitas ab humanitate sejuncta fuisset, neque ista tanto oneri ferendo par fuisset, neque dici posset Dominus gloriae crucifixus, 1. Cor. ii. 8. vel Deus acquisivisse Ecclesiam sanguine suo Act. xx. 28. 11. Non derelictus est quoad *amorem*, semper enim dilectus fuit patris in quo anima ejus acquievit Eph. i. 5. If. xlii. nec aliter esse potuit, quando enim filius est *ἀπαύγασμα τῆς δόξης ἡ πατρὸς καὶ χαρακτὴρ τῆς ὑποστάσεως αὐτῆς* perfectissimum ejus exemplar & ipsissima ejus natura, non potest non quocunque in statu intense cum diligere & summa benevolentia prosequi, Imò si crescente obedientia crescit amor nunquam ardentius dilexit filium quàm in cruce, quia nusquam tam illustre obedientiae & humilitatis testimonium dedit Phil. ii. 7. Jo. x. 17. *propterea inquit ipse amat me pater quia pono animam meam pro ovibus.* 111. Non quoad *sanctitatem*, ex quo enim spiritus in quo illapsus est, nunquam defuit efficacitatem suam exerere, unde semper sanctissimus fuit & purissimus qui nec fecit nec novit peccatum; neque verò alius esse potuit: nam personae quae Deus est conditio pati non poterat ut à sanctitate vel levissimè descisceret, ratio muneris verò quod salutis nobis impetrandae causà constitutum erat finem suum non esset assecuta, si ab ea vel tantillum descivisset; debuit agnus ille esse *ἀνασῶς* & *ἀμωλῶς* Heb. vii. 26. & talem decebat nos habere Pontificem qui innocens esset & separatus à peccatoribus: potuit scilicet filius Dei cum miseria conjungi quae est malum physicum quod miseratione non vituperio dignum, non potuit cum peccato quia est malum Ethicum quod labem & maculam vitiositatis infert, quodque adeò in eo qui Deus est ne ad momentum quidem esse po-

tuit. IV. Non quoad *Auxilium* & virtutem & præsentiam providentiæ, nam Deus illi semper fuit à dextris Ps. xvi. *Dominus à dextris meis, non movebor* & Ps. cx. 5. unde Christus ad discipulos *me reliquistis solum, sed non sum solus, nam pater est mecum* Joh. xvi. 32. ut dominus antea per Isa. xlii. 1. testatus erat: sic divinitas in ipsa Christi morte misericordè operata est vimque & efficaciam summam contulit cum humanitate ad hoc opus exequendum, unde brachium ejus ipsi dicitur operatum salutem Is. lxi. 5. & *se obtulisse per spiritum aeternum* Heb. ix. 14. Hinc opera redemptionis Θεωδελικά dicuntur ad quorum omnino præstationem divinitas simul cum humanitate concurrere debuit. Et revera hoc imprimis necesse fuit, nam nisi divinitas influxu continuo roboris & virtutis humanitatem sustentasset, præterquam quòd λύτρον sufficiens id. pretii infiniti dare non potuisset, ipsa etiam succubuisset statim oneri, neque summa illa & extrema tormenta nobis debita potuisset perpeti.

IX. Superest E. ut *derelictus* dicatur tantum quoad *participationem felicitatis & gaudii*, quoad communionem gloriæ & visionis beatificæ in qua lætus antea exultabat & solatio plenissimo perfundeabatur. Nimirum ut humanitas dolore omnes & cruciatus tum externos tum internos animi & corporis nobis debitos sentire posset, ac potissimum indignationem illam & iram acerrimam Dei qua peccatum persequabatur, divinitas radios lucis & felicitatis paulisper continuit, & sensum favoris sui atque influxum gaudii & solatii ad momentum suspendit, licet de cætero eadem divinitas virtutem roburque subinde suppeditaret, ut eos posset perferre & vincere; Sic derelictio hæc non infert humanæ naturæ à divina separationem, nec sublationem totalem aut recessum interni principii & objecti omnis gaudii, æternæ scilicet Deitatis cum qua humanitas *ἁποσταλώς* semper fuit unita, sed tantum defitionem aut potius suspensionem influxus gaudii, haud aliter ac in eclipsi Solis, lumen ejus non cessat nec in se inhibetur, sed nobis propter interpositionem alieni corporis subtrahitur. Fuit ergo *desertio* quoad *actum secundum*, non quoad *primum*, quoad *sensum* potius quam *rem ipsum*, ad *subtractionem visionis* non ad *dissolutionem unionis*, ad *suspensionem effectus gaudii ac solatii*, non ad *principii & radice* everfionem, ad *carentiam sensus suavitatis divinæ* non ad *ablationem omnimodam gratiæ ex unione personali promanantis*: Neque aliter intellexerunt Patres; Bernardus de verbis Isaïæ Serm. 5. *Dicerene andebimus quod aliquando fuerit etiam sine patre? nemo id præsument; si non prior ipse dixisset, Deus meus, Deus meus ad quid me deseruisti? Habemus itaque Christum ex patre nascentem, in patre cubantem, cum patre sedentem, à patre ambulantem, sub patre pendentem, sine patre quodam modo morientem. Quadam ibi derelictio fuit ubi nulla fuit in tanta necessitate virtutis exhibitio, nulla majestatis offensio. Et alibi Continuit radios Deitatis ut humanitas pateretur. Sic Iren. l. 3. 21. Quemadmodum homo erat ut tentaretur, ita & Sermo fuit ut glorificaretur* ἡτοιχάσθητο μὲν δὲ λόγος ἐν τῷ περιεσφῶδι καὶ συνῆσθαι καὶ ὁμοθυμαδὸν, συγκαταβῆναι δὲ τῷ ἀνθρώπῳ ἐν τῷ νικᾶν καὶ ὑπομένειν καὶ ἀνίστασθαι.

sc. du. Quiescente quidem sermone cum tentaretur, crucifigeretur & moreretur, assistente vero homini cum vinceret, toleraret & resurgeret Ambrosius in Luc. lib. 10. *Sequestrata delectatione divinitatis aeterna radio mea infirmitatis afficitur.* Sic Leo. 1. *Non solvit unionem, sed substraxit visionem:* hoc voluit Catechista noster Secti. x. cum ait paulisper interea delituisse divinitatem ejus h. e. vim suam non exeruisse. Scotus in 1v. sen. d. 46. q. 4. In Dei amissione duo insunt. 1. *Carentia virtutis* illius per quam Deo adhærescere anima debuit. 2. *Carentia illius beatitudinis* quæ in Deo reperiri solet: hanc non illam pro nobis Christus experiri debuit. Quid igitur? *Affectione Justitia* separatus à Deo Christus non fuit, sed *Affectione commodi* fuit à patre derelictus.

X. Rursus *Desertio* alia est *absoluta, totalis, aeterna* quâ Deus ita hominem derelinquit & quoad gratiam & quoad gloriam ut prorsus à facie Dei abalienetur, & in æternum exclusus à regno Dei tormentis horribilibus addicatur, hanc reprobi magno suo malo experiuntur, hanc David deprecatur sollicitè Ps. xxvii. 9. *Ne abscondas faciem tuam à me, ne avertas ex ira servum tuum, auxilium meum fuisti, ne igitur deferas me, neve relinquant me* ô Deus salutis mea. Alia est *desertio temporalis, partialis, & secundum quid*, non per totalem Dei recessum ab homine, sed per gratiosæ ejus præsentis occultationem & auxilii seu potentis liberationis dilationem, hæc Deus nonnunquam vel castigat fideles, vel probat, unde illa Judicæ Ecclesiæ querela *dereliquit me Jehova* Is. xlix. 14. & Deus ipse *ad momentum parvum dereliqueram te* ibidem c. liv. 7. Sic passim fideles queruntur se à Deo deserti quum vel externam differt liberationem & auxilium quo eripiantur à malis, vel interno solatio destituit faciem suam abscondendo ut Ps. xi. & xiii. 2. & lx. 3. Primam desertionem absolutam & æternam Christus experiri non potuit propter dignitatem personæ, sed hanc debuit ex officio; Derelictus ergo verè dicitur quia ad quædam momenta dulcissimo paterni favoris sensu caruit, dum sub pondere nobis *αβυσσῶν* acerrimæ iræ ingemuit, non quoad corpus tantum, sed & quoad animam: Derelictus fuit quia Pater cœlestis non solum externam liberationem aliquandiu distulit, sed etiam interioris solatii dulcedinem ci tum temporis denegavit ut dolores omnes nobis debitos persentiret; Ita autem verba intelligenda esse quæ sequuntur manifestè evincunt: Cum enim vocet *Deum suum* & bis illud repetat ad majorem fiduciam denotandam, cum ibidem subjiciat vers. 11. *Tu es spes mea ab uberibus matris mee* testatur satis se non planè & omnimodò desertum à Deo, sed tantum queritur se non liberari ex angustiis eo modo quo Patriarchæ Prophetæ & alii pii sæpe miraculosè sunt liberati. Ideo statim addit post prima verba *remotus à salute mea & à verbis rugitus mei* ut innueret se propterea derelictum dicere quod Deus eum non liberaret à gravissimis quibus premebatur malis.

XI. Sed quomodo, inquires, deserti potuit manente unione? Nam si apud Deum est fons vitæ Ps. xxxvi. 10. utique si Christus Deo semper unitus fuit, mori non potuit, sed vitam, & gloriam semper eum habuisse necesse est. Resp. Sic li-

ceret de corpore argumentari si corpus Christi semper unitum fuit divinitati, mori ergo non potuit, sed semper habuisse vitam necesse est, quod tamen nemo non videt absurdissimum esse, *mortuus* inquit Aug. cont. felic. c. 14. *Christus est, non discedente vita, sicut passus est non pereunte potentia*. Vidit scilicet vir acutissimus mori potuisse Christum & pati subrahente Deitate virtutem suam & operationem, quam essentialiter à vita & potentia divina separatus Christus minimè sit. Quod eò clariùs patet quod divinitas non vivificat *formaliter* ut anima, quâ præsente & unitâ formaliter necesse est corpus esse vivum, sed *effektivè* tantùm, ideoque non est necesse ut manente unione divinitatis ad carnem caro sit viva, quia Deus non ex necessitate agit, sed ex voluntate ut bene Thom. p. 3. q. 50. ar. 2. Ita respectu animæ dicimus potuisse divinitatem unitam illi manere quoad *vinculum personalitatis*, licet eam deseruerit quoad *influxum suavitatis*: Neque hic reponendum participationem Dei in Christo consistere in effectis absque quorum communione unio duarum naturarum in Christo non possit subsistere: Nam aliud est privari sensu istius communionis, aliud carere communione ipsa, caruit corpus in morte sensu omni conjunctionis divinæ, quidni & anima in pœna hac sua carere hoc sensu potuerit ut interim illa personæ unio non dissolveretur? 2. aliud est carere omnibus effectis istius conjunctionis, aliud quibusdam tantùm, ubi est carentia omnium effectuum ibi etiam conjunctionem esse non posse facile damus, sed hic quædam effecta semper sunt, si non omnia; influxus sanctitatis, sustentatio virtutis, licet defuerit communicatio felicitatis: Ita *Derelictus* est *dispensativè* & ad tempus ut *Sponsor*, sed *amatus* semper *naturaliter* ut *Filius*.

XII. Hic verò ulterius queritur quomodo hanc derelictionem sentire potuerit Dominus sine peccato, cum ex sensu ejusmodi consequi videatur, ut in peccatum diffidentia & desperationis prolapsus sit; Hinc Adversarii tanta styli diritate exagitant quòd à nostris de hac derelictione Christi dicitur, quasi & fremitum Christo & desperationem tribueremus: Sed quàm iniqua eà sit accusatio jamjam liquebit; Nunc de peccato paucis respondemus, Christum derelictionem hanc sine peccato omnino ferre potuisse ut alios angores tulit in anima & dolores in corpore *pœnam* nimirum *ferens, sed nesciens culpam* (ut Bern. loquitur): Separari à Deo per virtutis & officii defectum *crimen* est, At ab eo separari per defectum beatitatis, per sensum aliquem tristitiæ & ignominia non crimen est, sed *pœna*. Peccatum est privare se Dei gratiâ per culpam, sed per se sensu divini favoris carere peccatum non est, etsi in nobis vitium sit, qui hanc carentiam culpâ nostrâ contrahimus, qui que fidei debilitate eandem polluimus, & in ea ipsa semper peccare solemus adversus promissiones divinas quæ nobis in Christo exhibentur: Christi alia ratio fuit, non hanc carentiam suâ culpâ contraxit, sed eam propter culpas nostras perfert, non debilitatus fide erat in illa naturæ puritate quâ pollebat, non promissionem hic aliquam habuit quâ contra ejusmodi derelictionem se ejus fides erigeret, sed mandatum potius habebat ut ad eam patiendam se per

obedientiam submitteret, non suâ culpâ, sed merito nostro quorum causâ Sponsor erat, sicut in Adamo labente fuit desiderium beatitudinis cum summa iniustitia, ita in Christo illum & nos erigente oportuit esse damnationem seu miseriam cum summa iustitiâ: Cæterum quia horribilis fuit ille iræ seu derelictionis divinæ sensus, Christus non ex impatienciâ, vel ignorantia ullâ, quasi ignoraret causam suæ passionis, aut non libenter ferret se à Patre in illis doloribus derelinqui, sciebat enim hoc ita constitutum esse propter hominum salutem, sed in declarationem acerbissimæ & durissimæ passionis suæ exclamat *Cur me dereliquisti?* vulgata in Scripturis sacris loquendi ratione hac interrogationis formula à Deo se derelictum conquerendo.

XIII. Ut autem omni peccato caruisse eum dicimus, ita potissimum ab ipso *fremitum* & *desperationem* alienissimam fuisse credimus, ita ut neque ille neque ista in eo locum habere potuerit: Non *fremitus*, quia sicubi exoritur, ex odio Dei & impatiencia pœnæ tanquam non iuste inflictæ oritur. At Christus non odit, sed dilexit semper Deum in mediis etiam cruciatibus, quinimò mera Dei dilectione inductus lubens volensque mortem adiit & subiit, ut ipse testatur Joh. xiv. 31. *Ut noris mundus patrem à me diligere & prout præcepit mihi pater facere, surgite abeamus.* Non *desperatio*, inde enim est, vel quod Dei auxilium nullum sentientes fidem omnem illi detrahimus, vel quia ex malis nostris nullum elabendi modum animadvertentes spem sinimus nostram obrui, & omnem de salute cogitationem abjicimus. At neutrum in Christo locum habere potuit. Non prius, quia in mediis angoribus Christus Deum ut patrem & Deum suum compellare non destitit, atque in ejus manus animam suam commendat, quod fidei & spei argumentum est evidentissimum, sciebat Deum esse patrem suum, etsi rigidè secum ageret tanquam iudex & vindex peccatorum, hinc à quo *Judice* se deserere vociferatur *Sponsor*, eum in horto *Patrem* suum Matt. xxvi. 39. In cruce *Deum* suum c. xxv. 1. 46. appellat *Filius*; Non etiam posterius, quia si natura mali magnitudinem exhorruit, at sciebat tamen fides impossibile esse ut à morte detineretur Act. 11. 24. partim quod peccatum merito mortis plenè esset expiaturus; partim quod virtute Deitatis suæ mortem esset superaturus & ab ea resurrecturus ut passim se solatur Joh. 11. 19. Matt. xx. 18. 19. ubi autem certa est liberatio, ibi locum non invenit desperatio, itaque non est vox desperantis, Absit, sed luctantis contra desperationem propter sensum iræ Dei & dilationem liberationis ut testantur verba sequentia *longinquus*, ait, à salute mea v. 2. E. hic habemus *fiduciam* & *spem* Christi, & *tristitiam* ejus & terrorem, terror est ex sensu derelictionis, fiducia ex amoris persuasionem quo impellitur ad Deum compellandum ut Deum suum, ita ut non tam *de Deo* quam *ad Deum* querimoniam suam instituat, in sinu ejus paternum effundendo dolorem animi sui quem omnium maximum faciliè concipiebat.

XIV. Hinc liquido patet quàm strenuè calumnientur Adversarii dum Christo desperationis vocem elapsam fuisse à nostris & Calvino imprimis dictum per-

tendunt, sic enim Maldo. Genebr. loquuntur *Ocludenda sunt hoc loco aures hæreticorum blasphemia* inquit Maldo. in Matt. xxvii. *quorum magister Calvinus desperationis vocem hanc fuisse dicit, impium errorem impio etiam errore confirmans, similia habet Genebrardus, Calvinistas hinc colligere Christum in cruce de Deo desperasse, vel desperantis vocem emisisse &c.* quæ omnia fusiùs & virulentiùs exaggerat Bell. li. 4. de Chr. c. 8. Sed meræ calumniæ sunt. Cùm enim constans sit Ecclesiæ nostrarum sententia fidem Christi firmam & inconcussam stetit semper in medio agone quomodo desperatio illi tribueretur? Neque tale quid ex verbis Calvinii in Matt. xxvii. elici potest; verba ejus sunt in Harmonia, *Sed absurdum est Christo elapsam esse desperationis vocem* quæ verba non ut sua proponit, sed *mutuè* susceptâ adversariorum personâ, sibi obijciens quæ sibi à malè feriatîs hominibus obijcienda prævidebat, nimi. si tales fuerint Christi angores quales descripserat, videri desperationem Christo affingi, quod tamen ibidem solidissimè refellit, solutio, inquit, facilis est, *quanquam sensus carnis exitum apprehenderet, fixam tamen stetit fidem in ejus corde, qua Deum præsentem intuitus est, de cujus absentia conqueritur, sic & Instit. li. 2. c. 16. f. 12. Quanquam sese ad momentum occultavit divina vis spiritus, ut locum infirmitati carnis cederet; sciendum tamen est talem fuisse tentationem ex doloris & metus sensu qua cum fide non pugnaret; Et hoc modo impletum est quod habetur in concione Petri non potuisse eum teneri à doloribus mortis; quia se quasi derelictum à Deo sentiens ne tantillum quidem deflexit à bonitatis hujus fiducia. Quod docet celebris illa invocatio, in qua præ doloris vehementia clamavit Deus meus Deus meus ut quid dereliquisti me? nam etsi supra modum angitur, non tamen desinit vocare Deum suum à quo se derelictum exclamat. &c.* Unde patet quàm falsò truantur sincerissimo Interpreti quæ ipse à se longissimè repellit & toto pectore averfatur. Ne jam dicamus *Ferum* & alios ex suis longè duriùs esse locutos.

XV. Cùm E. ex patherica hac Christi exclamatione derelictum eum fuisse à patre constet, & ex dictis liqueat quomodo desertio hæc sit intelligenda, superest inquirenda propria istius desertionis ratio, & causa cur Deus Christum deseruerit, hoc enim non fecisse sine gravi quadam & memorabili causa extra controversiam esse debet. Cùm E. triplici potissimum de causa Deus deserere soleat creaturam, 1. vel ad *explorationem* quomodo Deus dicitur à quibusdam Adamum deseruisse cùm novam illi ad perseverandum gratiam non contulit, ad explorandam obsequii fidelitatem, Deo quasi eminus concedente, sic 2. Chron. xxxi 1. 31. dicitur Ezechiam deseruisse cùm legati ex Babylonia venerunt ut eum exploraret, *dereliquit eum Deus tentando eum ut experiretur quidquid erat ei in animo*: 2. vel ad *correctionem* quo sensu dicitur derelinquere fideles & Ecclesiæ nonnunquam, ut hoc pacto ad humilitatem, pœnitentiam, & peccati odium magis ac magis incitentur, cùm scilicet ab iis subtrahit ad tempus gratiosæ suæ præsentis testimoniæ, opem suam ad eos liberandos statim non exerens, sed sinens eos in afflictione diutius versari quasi eos non curaret, quomodo intelligenda sunt Isaïæ verba c.

LIV. 7. &c. *Deserui te per momenta aliquot, sed colligam te in miserationibus aternis* & illa Thre. v. 20. *quare in aeternum obliuisceris nostri, derelinqueres nos quandiu longa erunt tempora* 3. vel ad *vindictam* & *pœnam* ut deseruit Saulem, 1. Sam. xxviii. dum ei nec per Urim, nec per Tummim respondebat, deseruit Judæos Rom. xi. deseruit gentes profanas Ro. i. dum tradidit eas *eis ad dñm vñv*, deserit reprobos omnes in hoc mundo & deferet in æternum in inferis, Videndum quæ ratio Patrem movere potuerit ut Christum defereret, an fuerit tantum desertio *explorationis*, aut *Correctionis*, aut etiam *Pœnalis*.

XVI. Et ad *explorationem* quidem quod attinet etsi non diffitemur Christum in horum cruciatuum perpeffione luculentissimum dedisse patientiæ & constantiæ suæ admirabilis experimentum, quò spectat Apostolus Hebr. v. 7. cum dixit *didicisse ex iis quæ passus est obedientiam*, tamen non facile adduci possumus ut credamus non alia de causa inflictum fuisse istum dolorem quàm ad explorandum ejus constantiam: neque enim videbatur convenire optimi patris sapientiæ & bonitati ut dilectissimum filium non aliâ de causa tam diris cruciatibus exponeret quàm ut eum duntaxat tentaret: Accedit etiam quod cum Christus nec sibi ipsi ut sunt sæpe homines ex inani virium præsumptione, neque patri ignotus esset, nihil opus erat eum propterea hoc modo excreri: Neque audiendi sunt Socinistæ qui hanc desertionem ut & cæteras calamitates, Christo inflictam statuunt tantum, ut in exploratione obedienciæ exemplum nobis imitandum præberet; Quamvis enim certum sit Christum patiando nobis dedisse absolutissimum exemplar ut sequamur ejus vestigia 1. Pet. ii. quis tamen dixerit propter hoc unum debuisse filium dilectissimum à patre hoc cruciatu qui omnium maximus est affligi? Quid quod propriè non possumus aut debemus imitari hac in parte Christum per omnia, nam si crux ferenda est, non debemus horrere amplius Deum tantam Judicem iratum, qui sese Patrem in castigationibus nostris nobis ostendit. Itaque non fuit ista desertio tantum *exploratoria* vel *exemplaris*.

XVII. Sed nec potest dici *desertio correctionis* nisi respectu *nostri* quatenus *correctio pacis nostra fuit super eum* 1. 1. 1. 8. Nam quoad Christum ipsum cum purus & immunis ab omni labe fuerit semper, qui nec peccatum novit, nec fecit, quid tandem in sanctissima illa natura corrigendum vel castigandum pater haberet? Supereft E. ut fuerit *Desertio pœnalis* ad ultionem peccatorum nostrorum sumendam & satisfactionem justitiæ suæ exigendam: nam hic Christus non in propria persona spectandus quasi causam ullam in se habuerit propter quam à Deo deferi inereretur, sed in persona Sponsoris cujus officium pro nobis susceperat: Deseritur E. Christus ut satisfaciatur pro omnibus desertionibus nostris. In Adamo peccante Deum omnes deserueramus, imò singula peccata nihil aliud sunt quàm desertio & aversio à Deo, & conversio ad creaturam Jer. ii. 13. Cum igitur homo per culpam suam id meritus esset ut in pœnam à Deo defereretur, Christus ipse deferi voluit ne nos defereremur; separari voluit ab ipso ne ulla amplius esset inter

ter nos & Deum separatio, sed ut æternum cum ipso vivamus, *Causa E. impulsiva* fuit *separatio* nostra à Deo, *finalis* nostra cum Deo *conjunctio*, desertus est quia deserueramus eum olim, & ne in posterum eum desereremus: derelinqui debuit, quia id à Deo merueramus, & voluit idem ne unquam ab eo pro merito derelinqueremur. Hinc desertio ista utut Christo acerbissima, nobis tamen dulcissimum suppeditat solatium, quemadmodum enim maledictio Christi nostram post se trahit benedictionem, paupertas ejus nostras divitias, vulnera sanitatem, ignominia gloriam, mors vitam, ita desertio hæc nostram cum Deo communionem obtinuit & operatur. Ambr. de Incarn. c. 5. *quoniam delicta aliena suscepi, etiam delictorum alienorum verba suscepi ut me derelictum à Patre dicerem.*

XVIII. Hinc colligitur quantum à veritate discedant qui hujus querimonie causam vel ad humanæ naturæ declarationem referunt ut Epipha. qui existimat hæc dici à Christo *ἀνθρώπου παθὼς ἐν πρῶτον & ἀπὸ ἐνανθρωπήσεως* & Euthym; in hunc locum. *Hoc dicit confirmans quod sicut in veritate assumpsit naturam humanam, ita quoque verè crucifixus sit & non phantastice, neque enim nisi doleret ita clamasset.* Vel ad mortis corporeæ tantum metum & horrorem ut Pontificii: Quamvis enim utriusque evidens argumentum in hac exclamatione præbeat quo constat non fuisse eum *ἀναισθητον*, sed verum hominem nobis *ἐνανθρωπήσας* non erat tamen quod tam flebiliter & amarè conquereretur si nihil aliud eum urssset: nam si dolores corporis spectemus, aut eisdem, aut etiam majores vel certè proximiores sensit alter ille latro qui tamen non conquestus est se à Deo deserui, Petrus etiam fertur crucifixus & quidem inverso capite quod crudelitatis augmento tribuunt, confidit tamen se à Deo sustineri. Ergo necesse est præter dolores corporis aliquid longè majus fuisse & gravius in anima Christi quod Christo hanc vocem magnam & hunc clamorem expresserit; Non potest autem aliud esse quàm hic iræ divinæ sensus quem desertio ista secum trahebat, quid enim horribilius quàm Deum sentire judicem cujus ira mortes omnes superat? ut E. cum variis certandum Christo fuit, Diabolo, mundo, & Deo ipso ut iudice, ita diversimodè erga ipsos affectus fuit, Diaboli quidem potentia etsi terrificata nihil eum movit, imò confidenter illi insultat cum testatur Principem mundi ejici foras Joh. xxi. 31. & venisse eum, sed nihil habere in se Joh. xiv. 30. sic mundum ejusque conatus omnes despicit, quia scit eum jam à se victum esse Jo. xvi. 33. ideo cum captus est, flagellatus, convitiis affectus, non clamat, imò obmutescit, quia tunc videbat rem sibi esse cum hominibus; At cum Dei manum sentit & cum justitia ipsius luctatur, tum clamat, & clamat *voce magna* quia scit horrendum esse in manus Dei viventis cadere, Heb. x. 31.

XIX. Non ergo desertio ista extrinsecus tantum est intelligenda quòd pater eum dereliquerit in manibus Judæorum, præstito ei adversus ipsos auxilio nullo quo minus morti traderetur, quod vellet Bellar. l. de anima Chr. c. 8. neque enim statim derelinquantur qui persecutoribus permittuntur, *persecutionem patimur* (in-

(inquit Paulus) *sed non derelinquimur* 2. Cor. IV. 9. Deinde derelictum se ad mortem corpoream horum hominum sensu quiritari Christo opus non erat semotâ quam nos tuemur satisfaciendi necessitate, cum vitam illi Judei eripere non potuissent si ipse se ex manibus illorum eripere voluisset, unde Chrysost. *Nisi se ipsum tradidisset nihil etiam tunc ipsi potuissent*; Itaque ulterius omnino extendenda est, & ascendendum ad Dei iudicium coram quo se sisti Christus intelligebat, ut ex Sponsoris munere quod susceperat ea patiundo quæ commercii eramus satisfaceret iustitiæ divinæ, & æternam salutem nobis promereretur.

XX. Ista porro Christi *derelictio* non malè ad *pœnas infernales* peccato debitas refertur, quatenus in ea circumdederunt eum dolores mortis & angores inferni obvenerunt ei, ut habetur Pl. XVII. 6. & virtus divina se ad tempus cohibendo permisit ut secundum carnem sentiret quicquid mors habet acerbitatis & maledictionis non tantum per *pœnam damni* seu carentiam & privationem gaudii & delectationis quam ei visio & fructio Dei afferebat, sed etiam per *pœnam sensus* seu immiſſionem gravissimi mali injucundi, degustationem scilicet iræ & maledictionis divinæ, quæ per calicem denotatur: sic enim non rarò *inferni* nomen pro abjectissima, miserrima & luctuosissima conditione ponitur, quod annotavit Arias Monta. lib. de arca. serm. *sape inferni nomine non tam sepulchrum aut animarum sedem, quàm extremam miseria & calamitatis conditionem exponimus*. Quo pacto Latini dicunt eum Oris faucibus ereptum, & ab inferis extractum, Græci *ἐκ τῆς πυλῶν τῆς ἀχρεῶν* qui capitali aliquo periculo vel summâ miseriâ liberatur, sic Pl. CXVI. 3. *אֲדָרְבָּי דֹּלֹרֵי יִשְׁרָאֵל* dolores inferni acerrimos quosque vel animi vel corporis dolores exprimunt.

XXI. Et verò cum Christus *dolores nostros* portasse dicatur Is. LIII. nulli autem sint acriores, nulli vehementiores quàm qui in penitissimo illo iræ divinæ sensu versantur, negari non potest, eum ex acerrimo iræ divinæ sensu, mortisque horrore maximos in anima dolores & verè infernales sustinuisse: Rursus cum dicatur factus *maledictio* pro nobis, debuit illos omnes cruciatus sustinere quos Lex stringit in transgressores dum intonat horrendum istud carnem, *maledictus qui non perseveraverit* &c.; at hi non externi tantum & corporis ab hominibus insignidendi fuerunt, sed interni & penitissimi. Denique cum damnati in inferis nihil patiendum habeant præter cruciatus corporis & angores animi, adeoque personæ totius infamiam & maledictionem, pœnas infernales non immerito tulisse is dicitur qui iisdem rebus eadem de causa, ab eodem iudice obnoxius factus est, etsi quoad locum in inferis nunquam fuerit. Neque hîc dicendum pœnas infernales non nisi in inferis sentiri posse, quasi locus ipse inferni pars aliqua debiti fuerit; falsum est enim locum carceris ullam partem debiti facere; In foro Sponsor creditori satisfacit, hinc debitor ipse liberatur à carcere, quid obstat etiam quominus debitas infernales pœnas persolvere Christus potuerit ut interim inferni carcerem ipsum adire minimè cogeretur. 2. infernus

etiam hinc inchoatur ut & paradysus : Infernus animæ & carcer quidam , rea conscientia est ; Ut non spem tantum cœlestis gaudii prælibare pii solent , sed & cœlestis hujus gaudii primitias quasdam . An non in illa Christi cohabitatione nobiscum & convivitione . plus quam spes est ? Joh. xiv. 23. An non in illo jugi bonæ conscientie convivio ut ait Sapiens Prover. xv. 15. delicia quasdam præsentantes sunt ? *Ecclesia & sanctus quisque cælum est* dixit Ambrosius in Ps. cxviii. serm. 12. *Tu si vis cælum eris* dicit Aug. in Psa. xcvi. & *anima iusti cælum est* in Ps. cxxi. quod in ipsis Scripturis fundamentum habet , cum *πλιθύνω* nostrum dicatur esse in cœlis Phil. 111. & in Apocalypsi Ecclesia in terris militans Cœli nomine designetur ; Si E. fideles cœli gaudia hinc prægustare possunt etsi nondum in cælum ascenderint ; Cur non & impii infernum gestare secum dicentur cum conscientie tormentis vexantur ? Cur non & Christus cum maledictionem Dei sensit , quæ gravissima est inferni pœna , etsi nunquam inferos viderit , gehennalem pœnam tulisse dici potest ?

XXII. Non me latet hinc clamitare Adversarios gravem fieri Christo injuriam si pœnas infernales dicatur passus , sic enim sequi 1. Christum desperasse cum desperatio pœnis damnatorum necessario conjungatur. 2. damnatorum locum subisse & proinde damnatum posse dici. 3. damnationi æternæ addictum fuisse siquidem hæc nobis reservabatur pœna & hanc experiuntur reprobi ; Sed hæc omnia gratis supponuntur non probantur , & ex consequentiæ sententiæ nostræ tribuuntur quæ nullis fidiculis exsculpi ex ea unquam poterunt ; ut ex singularum refutatione constare poterit : Nam ad primam de desperatione præter ea quæ à nobis modò sunt observata , distinguendum est accuratè inter ea quæ sunt de ipsa ratione pœnæ quatenus à Judice infligitur , & ea quæ sunt de ejus adjunctis quæ ex vitio & imbecillitate subjecti in quod recipitur proficiscuntur , sive quæ vel essentialiter includuntur in ipsa pœna , vel accidentaliter eam consequuntur ; Christus illa in se recipere debuit pœnas nobis debitas ferendo , sed non statim ista ; At desperatio est ex posteriorum genere , non enim est de ipsa pœnæ essentia , sed de vitio subjecti patientis quod perpetuitatem mali ferendi cognoscit & defectum mediorum ex eo emergendi , hoc verò in reprobis & damnatis locum habere potest , & habet revera qui omnem elabendi modum sibi præclusum vident ; at in Christo qui certus erat de futura resurrectione & de proximo Dei auxilio , nequitiam ; pœnæ autor est Deus , Diabolus & peccator Desperationis ; Desperatio non respicit propriè pœnam ipsam , sed tantum ejus continuationem in æternum , nullum E. locum habere potest in eo qui eandem pœnam subit ad tempus breve constitutum & ipsi notum , cum certa spe liberationis , imò cum potestate illam amovendi cum ipsi placet.

XXIII. Ad 2. Resp. Christum non tam damnatorum quam damnandorum pœnas tulisse & locum subiisse , eos scilicet cruciatus qui electis ex Dei justitia perferendi veniebant , nisi Christus loco ipsorum sese substituisset ; unde colligitur

tur falsò dici Christum *damnatum* fuisse, si *damnatum* intelligas simpliciter & absolute, cum nim. qui pœnas peccato debitas ita sustinet ut nunquam superet vel eluctetur, quomodo reprobi *damnati* dicuntur, quando Christus à morte detineri non potuit & propter dignitatem personæ & propter perfectionem meriti Act. 11. 24. fatendum est tamen nihil ob stare quominus *damnatu*s id. condemnatus dicatur *hypotheticè*, quomodo *damnari* sponforem illum æquum est, qui electorum delicta & pœnas in se recepit; non aliter quàm cum & ipse dicitur factus maledictio, ut nos à maledictione eximeret; quanquam verum sit Christum non tam *damnatum* esse, quàm *nostrum peccatum* in ipso, ut discretè Apost. notat Rom. VII. 3. cum ait *Deum misso filio suo in similitudine carnis peccati & pro peccato condemnasse peccatum in Carne* ut pœna & condemnatio non tam ad Christum, quàm ad peccatum quod susceperat referatur.

XXIV. Ad 3. Resp. non necesse fuit Christum *aternitatem* pœnæ subire, sed tantum ejus *extremitatem*, neque propterea censendum est defuisse quicquam ejus passionibus, quia aternitas durationis abundè ex dignitate Personæ & gravitate supplicii compensata est; Neque hoc de substantia pœnæ infernalis est ut sit aterna, sed de infirmitate creaturæ patientis quæ non potest pœnam ferendo satisfacere & vivere, imò peccata peccatis cumulando & in ipsa pœnæ latione fremitu & impatientiâ Deum offendendo continuationem pœnæ in se accersit; at si eâ virtute aliquis hominum esset præditus, ut pœnam totam simul & semel exhaurire & plenè satisfacere posset, nihil opus foret cum in aternum puniri; hoc ipsum verò in Christo deprehenditur; itaque mirum non est si infernales quidem pœnas tulerit, non aternas tamen, sed temporales & brevi finitas & circumscriptas spatio.

XXV. Antequam manum de tabulâ ponamus huic ex *Desertione Christi* petito argumento. Aliud ex ipsa ejusdem *Morte*, attexere libet, quo eadem Satisfactionis veritas evidentissimè colligitur. Si Christus mortem pro hominibus tulit, utique & pro ipsorum peccatis satisfecit; Ratio consequentiæ duplici fundamento nititur; 1. est quòd mors est pœna & stipendium peccati. Itaque qui eam fert, pœnam peccati ferre censendus est; Alterum quod Christus *gravidus* & non tantum potuit pœnam eam ferre, sed & perferre & exhaurire, propter summam suam dignitatem & potentiam. Ergo mortem ferendo ut pœnam, eam etiam absorpsit & sic plenè pro nobis satisfecit. *Socinus* lib. 3. de *servat.* c. 7. subdolè argumentum nostrum proponit, ut eò facilius vim ejus eludat, ita enim nos inducit argumentantes. Quicumque moritur, aut pro suis aut pro alienis peccatis moritur, at Christus non pro suis quæ nulla in ipso fuerunt mori potuit peccatis, Ergo pro nostris. Ita totum facile concedit argumentum quasi nihil contra se faciens, qui contendit etiam Christum pro peccatis nostris id. *eorundem causâ* mortuum esse; sed ne ulterius fucum faciat in præpositione *Pro* de cujus vero sensu dictum fuit à nobis Disputa. IV. sic argumentum formamus. Qui mortem

sustinet peccati pœnam, eam sustinet, vel peccati sui pœnam, vel alieni; At Christus sustinuit mortem pœnam peccati E. vel sui vel alieni, non sui E. alieni scil. nostri.

XXVI. Varia hîc excipit Adversarius 1. falsum esse mortem omnem esse peccati pœnam; nam hoc neque in *morte naturali* neque in violenta locum habere posse; Non in *naturali* quodd ea non sit peccati stipendium, sed naturæ nostræ quam ipsemet Adamus in Creatione accepit propria sequela. Cùm enim corpus animale habuerit & ex pulvere terræ formatum, mortale fuisse naturâ suâ; 2. hoc etiam ex eo colligi quod Christus qui ab omni prorsus peccato i. e. peccati pœna & reatu, nos liberavit, mortem tamen hanc naturalem non ademit, sed tantùm mortem æternam & moriendi necessitatem. Itaque Christum naturali huic morti quoque subjectum fuisse, non quidem propter peccata ulla vel sua vel aliena, sed quia homo natus erat, mortuum quidem esse propter peccata nostra, non quatenus illi alioqui postquam homo natus fuerat, naturaliter moriendum erat, sed quatenus violentam mortem subiit volens. 3. mortem naturalem non esse pœnam ex eo liquere, quod fideles quotidie moriantur, nec tamen mortem ut pœnam peccati sui ferant. Non etiam in *morte violentâ* semper obtinere, ut quicumque eam sustinet, ferat eam ut pœnam, peccati vel sui vel alieni; innumerabiles enim reperiri, qui nec propter sua nec propter peccata aliena interficiuntur, quales sine dubio sunt Martyres Dei & Christi omnes, & quicumque innocentes cùm sint tamen occiduntur. *Soci. li. 3. de Serva. c. 7. 8.*

XXVII. Sed nihil hîc est tamen quod facilè refelli non possit. 1. supponitur gratis *mortem* aliquam dari *naturalem*, quæ non sit peccati stipendium, sed naturæ sequela, quod *ἡ ἀνάγκη* est ejus *ψευδὸς*. Nos contra nullam mortem censemus naturalem dici posse eatenus ut naturæ integræ sit sequela, sed omnem esse violentam ex Dei judicio promanantem 1. quia Deus homini mortem in peccati pœnam comminatus est, Gen. 11. 17. *quo die comederis morte morieris*, quæ verba cùm indefinitè loquantur de morte, ad omnes pariter extendenda sunt mortis species, mortis autem nomine etiam mortem corporalem intelligendam esse, nemo ut opinor inficias iverit. 2. quia Deus hanc ipsam mortem Adamo post peccatum jam admissum in pœnam denuciavit Gen. 111. 19. *Pulvis es & in pulverem reverteris*; frustra verò hoc, si jam ex naturæ suæ conditione, in pulverem rediturus erat. 3. quia hanc mortem Scriptura passim ut peccati stipendium proponit Ezech. xvi 11. 4. 20. Ro. v. 12. & omnium clarissimè Ro. vi. 23. Nec hîc audiendus Socinus qui pertendit Ap. loqui de morte æterna, non verò corporali; Nam cùm Ap. simpli. mortis meminerit, nostrum non est ea restringere quæ non restrinxit; imò scopus est c. v. probare in omnes homines peccatum transiisse quia omnes moriantur, non utique morte æternâ simpli. sed corporali quæ in sensus incurrit, c. vi. verò utramque innuit, quia utraque à Deo denunciata fuerat: moriuntur E. homines non quâ *homines*, sed quâ *peccatores*, quâ ab Adamo inquinati, non quâ ab illo propagati.

XXVIII. Vana verò & futilia sunt quæ contra obijciuntur 1. de mortalitate & corruptibilitate *Adami*, Aliud enim est Adamum mortalem fuisse & corruptibilem potentia remotâ respectu materiæ ex qua constabat, aliud mortalem & corruptibilem potentia proximâ, id. ita dispositum ut certò moriturus & corruptendus esset, Prius in eo fuisse concedimus resp. *corporis*, sed posterius negamus resp. *persona*, quamdiu enim perstitisset in integritate, anima iusta & sancta corpus terrenum hominis præstitisset immune ab interitu, ita ut homo etsi potentia mortalis, tamen nunquam fuisset actu moriturus quomodo Concilium Milevita. c. 1. bene sancivit olim contra Pelagianos. Hinc immortalitas Adamo in primo statu rectè tribuitur, non ea quidem absoluta & necessaria quæ in impotentia moriendi versatur, & quæ immortalitas patria dicitur, sed conditionata & possibilis quæ dicebat tantum potentiam non moriendi non interveniente peccato & immortalitas via vocatur, illa potentiam simul & actum moriendi abolebit, ista actum quidem impedivit, at potentiam non sustulit. Ita mortalis & immortalis κατ' ἀποκρίσιν bene dici potuit; mortalis per materiæ ex qua constabat imbecillitatem, & qualitatum elementarium ipsi adhærentium conditionem; immortalis verò per originalis iustitiæ & gratiæ singularis firmitatem; Sic poterat mori ut etiam posset non mori. Unde patet etiam longè aliâ ratione mortalem fuisse hominem ante lapsum & post lapsum, tunc ita erat mortalis ut posset mori & non mori, poterat enim ut non peccare ita non mori; at nunc ita est mortalis ut necessario sit moriturus, & non possit non mori.

XXIX. Non est solidius quod afferunt secundò de liberatione per Christum facta ab omni pœna peccati, nam si formetur argumentum facilis erit responsio, A quo Christus nos non liberat illud non est pœna peccati, Atqui à morte naturali nos non liberat Christus E. Resp. 1. ad *majo.* per distinct. A quo Christus nos non liberavit, nec liberabit illud non est pœna peccati, Concedo, nam etsi Christus de *jure* & quoad meritum liberationem perfectam à peccato ejusque pœna in morte sit consecutus, tamen de *facto* & quoad efficaciam nos actu non liberat simul & semel, sed per varios gradus & intervalla, ut respectu peccati, primò nos liberat à reatu, postmodum à tyrannide, tertio à labe & reliquiis, ita quoad pœnam non statim totam tollit, sed paulatim & successivè, ita ut eam plenè sit tandem ablaturus quando absterget omnem lachrymam ab oculis nostris & mortem absorbebit in victoriam, sic falsa erit Minor, Unde per re-tor-sionem ita colligo, A quo Christus vel jam nos liberat vel tandem liberaturus est, id à peccato & non à natura originem traxit. At nos liberaturus est Christus à morte etiam corporali, cum traducet nos de morte ad vitam E. 2. Mino. nega. Christus enim à morte nos liberavit quatenus illa pœna rationem habet, ita ut si moriendum sit nobis, non moriendum sit amplius ut pœnas feramus peccati nostri, sed ut à sordibus peccati repurgati in cœlestem felicitatem traducamur, ideo mors nostra non est amplius maledicta, sicut maledicta est

omnis poena peccati, sed beata Apo. xiv. 13. preciosa in oculis Jehovæ. Ps. cxvi. 15. dulcis somnus, requies laborum, depositio sarcinæ peccati & transitus in vitam æternam; à peccato est quidem quod homines etiam fideles moriuntur, non morerentur enim nisi peccatores essent, sed ex merito & gratia Christi est, quod homines per mortem ad vitam traducuntur, quia ita immutavit ejus naturam Christus, ut etsi peccatum semper sit occasio moriendi, non sit tamen ejus poena vel λύσις finis propter quem morti obnoxii sumus.

XXX. Hinc liquet quàm falsò pertendat Adversarius Christum morti naturali quatenus homo natus erat fuisse subiectum, nam cum ubique testetur Scriptura eum non propter se, sed propter nos mortuum esse, & constet eum sanctissimum & iustissimum semper fuisse, illi vita tantum ex præscripto Legis non mors debebatur, ita ut detestandum sit meritò impium Adversarii dogma quod Christum per se mortalem statuit: Non melius dicit etiam Christum nos à morte non exemisse, sed tantum à moriendi necessitate, nam cum omnibus adhuc incumbat moriendi necessitas teste Ap. Heb. ix. 27. quomodo ab eadem liberati censi possimus? Neque huic veritati derogat, quod illi qui in extremo judicio superstites sunt futuri non moriuntur, Etsi enim non *moriuntur*, *mutabuntur* tamen 1. Cor. xv. 51. & hæc *immutatio* illis erit instar mortis, quâ depositâ & abolita terreni Adami imagine quam nunc portamus subitò in cœlestis imaginem sunt transformandi; Adde quod si hinc colligendum esset, Christum nos liberasse à moriendi necessitate, sequeretur eos solos fuisse liberatos, alios autem qui antea obierant nequaquam, quod absurdissimum.

XXXI. Ad 3. Mors bifariam consideratur, vel *in se* prout infligitur iis qui sunt extra Christum, vel respectu fidelium *in Christo*, *In Christo* si spectatur non est amplius mors ut diximus id. poena peccati, hunc illi aculeum ademit Christus Rom. vii. 1. quod locum dedit gloriationi Paulinæ, *ubi est mors victoria tua* &c. 1. Cor. 15. 50. 51. *At in se* & extra gratiam, naturam retinet suam, & nemini incumbit nisi in pœnam, reprobis quidem propter peccata propria, at Christo propter aliena nimir. nostra ipsi imputata, non valet E. consequentia, fideles mortem non sustinent ut peccati pœnam E. mors non est semper peccati pœna; quia quæstio est de natura mortis in se spectatæ; non verò prout in fidelibus per Christum est immutata, quia enim semel hanc pœnam luit pro ipsis Christus, non patitur iustitia eam rursus ipsis eum in finem imponi, sed in aliis omnibus qui hoc beneficio non fruuntur primarius finis semper obtinet, ita ut nemo nisi vel propter sua vel propter aliena moriatur peccator.

XXXII. Neque ullius est momenti quod 4. loco assertur de *morte violenta*. Nam 1. distinctio inter mortem naturalem & violentam non satis est accurata, siquidem nulla mors propriè est naturalis, ut ante dictum, id. naturæ sequela, sed omnis violenta & contra naturam. 2. si per mortem violentam intelligat eam quæ foris per vim infertur dico 1. non satis firmam esse consequentiam, ne-

mo propter aliena peccata violentâ morte jure occiditur. E. nemo propter aliena peccata violenta morte jure moritur, Aliud quippe est *mori*, aliud *occidi*, potest quis morte violentâ propter vel sua vel aliena peccata non injustè mori, qui tamen injustè occidetur, verbi gratia si quis impius ab alio interficitur, ex privato odio ac vindictâ, jure quidem respectu Dei moritur propter sua peccata, sed non jure tamen ab alio sed iniquissimè occiditur; sic Christi jure quidem mortis traditur à Deo propter nostra peccata in se suscepta, sed injustè tamen à Romanis occiditur. 2. axioma illud quod nemo propter aliena peccata jure moriatur, vel intelligitur de *judiciis humanis* vel *de divino*. In illis fateamur ordinariè locum hoc non habere, quia Leges non permittunt alium pro alio occidi, quamquam & nonnunquam hoc usu venire soleat ut in crimine læsæ majestatis & aliis atrocissimis ut hæreses & posteri in partem veniant pœnæ cum principalibus reis quod probatum fuit antea *Disp. 2. de Necessitate Satisfactionis*; sed resp. *Dei* qui summum jus vitæ & necis habet in Creaturam, nihil obstat quo minus alii pro aliis plectantur justissimè, maximè si inter eos intercedat aliquod communionis vinculum ut ex variis exemplis constat *Jos. vii. 5. 2. Sam. xxi. 5. 2. Sam. xxi. 6.* quod & antea in *Lege* sanxerat se visitaturum peccata parentum in filios. Itaque etsi hoc non obtineret inter homines, quia tamen in judicio divino non semel occurrit, falsum ex eo deprehenditur hoc Adversarii Axioma & quod illi superstruitur dogma, Christum scil. jure propter aliena peccata non potuisse morti tradi ex Dei dispensatione.

XXXIII. Hic verò excipitur rursus, Sed demus, inquit, omnia peccata nostra Christo imputata fuisse, & ob eam rem ipsum esse mortuum, num idcirco eum pro ipsis peccatis etiam satisfecisse credendum erit? Minimè, inquit, quia sequeretur sic, quod quilibet nostrum qui Christiani sumus ideo morimur quia imputantur nobis delicta nostra, nemo tamen nostrum pro suis delictis moriendo satisfecit. Resp. Sed nititur falsa hypoth. quasi fideles cum moriuntur, ideo moriantur quod ipsis peccata sua imputentur, at verò licet occasione peccatorum moriantur, non ipsis tamen imputantur amplius ad pœnam quia Christo imputata fuerunt, qui peccatum pro ipsis factus est ut essent justitia Dei in ipso *2. Cor. v. 21.* Ita si moriuntur non moriuntur amplius ut pœnas ferant & satisfaciant, sed ut à corpore mortis liberentur & per mortem ad vitam transeant; De cæteris qui sunt extra Christum damus mortem illis in pœnam cedere, eosque mori in peccatis & reatu suo qui ipsis imputatur & pro quo quidem singulis pœnis quas patiuntur solvunt, sed non satisfaciunt tamen, quia ita eas ferunt ut nunquam perferant, ita eas patiuntur ut nunquam propter infirmitatem suam queant ex iis eluctari, ideoque quia nunquam solutio est perfecta, nunquam etiam satisfactio potest illis tribui. In Christo verò aliter, quia semel plenissimè solvit, *verè* etiam patiando *satisfecit*.

XXXIV. Denique pertendit non satis accuratè posse dici Christo peccata nostra

nostra fuisse imputata, quia alias immerens non fuisset mortuus, quod tamen in personâ Davidis de se palam profitetur Ps. LXXI. 5. *que non rapui tunc reddidi.* Item quod antea dixerat *oderunt me gratis* quod ad se transfert Joh. xv. 25. quæ verba nullam juridicam causam fuisse demonstrant cur Christus eam mortem ferre teneretur, quod omnino falsum esset, si nostra illi imputata peccata fuissent; siquidem jure & meritò posset dici interfectus. Sed peccat falla. à dicto secundum quid; non posset dici *Christus immerens* mori respectu *nostri* concedo, respectu *sui* nego; nam etsi pro nobis solvat, pro se tamen nihil debuit. Deinde aliud est *Christum immerentem* interfici à *Judeis* hostibus qui eum gratis oderant, aliud immerentem morti tradi à *Deo* Judice; prius verum, sed non posterius. Nec aliud innuunt verba Psaltis; nam ut nulla fuit causa justa propter quam eum hostes persequerentur; ita revera non debuit ipse quod solvit pro nobis, *justus* enim *pro injustis passus est* I. Pet. III. 18. Verum etsi nihil pro se debuerit Christus, non obstat tamen quo minus jure ab ipso pœnas repetierit Pater, postquam nostrum Sponsorem eum fecit.

XXXV. Itaque cùm sit mentio *additionis Christi in mortem* duo isti actus imprimis sunt distinguendi. 1. *Destinatio Christi in vadem* qui pro nobis satisfaceret. 2. *insolitio panarum* nobis debitaram in Christum Sponsorem constitutum. Prior non est *actus justitiæ*, sed tum *supremi domini* erga Christum hominem, tum *miseri cordiæ* erga nos; nulla siquidem ratio fuit in Christo propter quam teneretur hoc officium suscipere, & se pro nobis sistere: at alter bene dicitur *actus justitiæ*, justum enim fuit Christum Sponsorem constitutum pro nobis satisfacere, imò aliter fieri non potuit ex ordine Dei. Ita licet *personaliter* & *intrinsecè* seu *inhærenter* fuerit innocentissimus, & hoc pacto puniri jure non potuerit, tamen quia *substitutivè* & *judicialiter* fuit nocens, propter peccata nostra in se recepta, *Justitiæ* ratio omnino postulabat, ut pro iis pro quibus spoponderat plecteretur, & sic verè pro ipsis *satisfaceret*. Et de his quidem hætenus.

EPIMETRA RESPONDENTIS.

I. Sicut contra Fanaticos Anabaptistas Christum ita naturam humanam assumpsisse ut revera nobis fuerit *ὁμοῦς* & cerid asserimus.

II. Ita contra Pontificios Christi Corpus omnes veras & essentielles veri corporis proprietates semper habuisse, adeo ut neque fuerit invisibile, neque illocatum, neque ubique diffusum confidenter asseveramus.

III. Unde licet veram Idiomatum communicationem in concreto resp. personæ facile admittamus; eandem tamen in abstracto resp. naturæ humanæ quasi ipsa omnipotens, omnipræsens, & omnisca facta fuerit constanter negamus.

IV. Nomen *שׁוּב* sive simplex statuatur ut nonnullis placet derivatum à radice *שׁוּב* id. mittere mutato *וּב* in *וּב*, vel à radice *שׁוּב* hoc est quietum & felicem esse; sive com-

compositum dicatur ex nomine ^ל id. filius & pronomine affixo ^י id. ejus mutato ^י in ^ה ut Jonathan & Aben Ezra exponunt ^{בב} filius ejus, vel quod non minus verisimile ex pronomine relativo ^ו pro ^{אשר} & propositione ^ה & affixo ^י ita ut sit idem quod ^{לו} ^{אשר} ^ה ^ל cui repositum est supple regnum, ut Onkelos, Jerosolymitanus Paphraſtes & LXX. verunt, quocunque tandem modo explicetur, Nomen hoc ut & ipsum Oraculum Gene. XLIX. apprimè Christo competere censemus.

V. Nomen ^{παρανομια} ^{του}, non ex superstitione aliqua Judaica, sed ex mera ejus punctorum ignorantia, (nihil tamen temere à nobis definitum volumus) exercitii causa ^{ἀνεκφώνητον} esse defendemus.

VI. Hoc nomen ita Deo soli proprium, ut nulli creatura possit verè tribui contra Socinianos bene statuimus.

DISPUTATIO OCTAVA

Quæ Sexta est

D E

SATISFACTIONIS
CHRISTI VERITATE.

Respondente BENEDICTO CALANDRINO Genevensi.

T H E S I S P R I M A.



UAMVIS varia illa argumenta quæ Disputationibus superioribus allata sunt sufficere possent adstruendæ Sententiæ Orthodoxæ, De Satisfactionis Christi Veritate, quia tamen Spiritus S. tantam in ea tradenda ^{ἀνεκφώνητον} adhibuit, ut nihil omiserit quo fidem ejus in animis nostris plenè stabiliret & contradicentium impietati occurreret, mirum videri non debet si momentosissimam quæstionem, de qua hæcenus multa satis jam verba fecimus, denudò retentemus, & rationibus præcedentibus nonnullas adhuc auctarij vice adjiciamus, nec non ab Adversariorum exceptionibus vindicemus.

II. Ut ergo quam orsi sumus telam pertexamus, Sexta nobis argumentorum Classis hac disputatione instruenda venit, quam ex *Sacrificiorum* V. T. collatione petimus, utpote quæ multifariam & subrogationem quam quærimus, & Satisfactionem doceant. Argumentum principale nobis hoc esto, Qui tanquam Sacer-

dos & Victimam sub Vet. Test. præfiguratus, & sub N. oblatus, peccata nostra super lignum tulit, utique is non bono tantum nostro, ad confirmationem puta doctrinæ & patientiæ exemplum mortuus est, sed loco etiam nostro substitutus plenissimè peccata expiando, verè pro nobis satisfecit. At hoc ipsum pro nobis præstitit Christus E. Cujus ratiocinii veritas duobus fundamentis nititur, Prius est Christum verè Sacerdotem fuisse & Victimam & ut talem se obrulisse, Posterius hanc utramque *ætem* necessariò importare peccati expiationem & ex consequenti Satisfactionem.

III. Et ad illud quidem quod attinet vix opus est ut immoremur in eo demonstrando. Nam præterquam quod hoc non dissentient ipsi Adversarii cum quibus res nobis est, adeo diferta est hic Scriptura ut lucem sit in meridiè quærere de eo adhuc dubitare; Nam ut jam non dicamus hanc esse muneris Mediatorii non minimam partem, quæ expressa Dei sanctione imò & jurejurando ad ejus æternitatem contestandam Christo commissâ legitur Ps. cx. 5. quis nescit hunc fuisse præcipuum finem totius Sacerdotii Levitici & Sacrificiorum quæ sub Lege subinde offerebantur; ut sub hisce veluti umbris & figuris Christus summus Pontifex Ecclesiæ & Sacrificium ejus expiatorium quod in morte peragere debuit adumbraretur? ut fusè Apost. docet in Epist. ad Hebr. Nec alia de causa ipsi toties & Sacerdotis & Agni nomen tribuitur quàm ad utramque hanc muneris sui partem designandam quæ necessaria fuit ad Redemptionis, & Reconciliationis nostræ opus perficiendum; cum enim ad placandam Numinis iram & gratiam ejus conciliandam & pœnæ essent ferendæ quæ à sanctionibus Legis imponebantur, & actiones exequendæ quas Legis mandata ad vitam consequendam postulabant, ut ex utrisque simul satisfactio meritoria Sponsoris nostri exurgeret, quæ & liberationem à morte impendente, & jus ad vitam deperditam impetraret, debuit utraque in Christo concurrere & sacerdotij & victimæ ratio: Sacerdos esse debuit qui offerret, Victimam quæ offerretur: Sacerdos qui ageret, Victimam quæ pateretur, Sacerdos in spiritu, Victimam in carne, quod utrumque in ipso revera impletum videmus cum per Spiritum æternum se obtulit Heb. x. v. 18. 4. si quidem non opus habuit sanguine alieno taurorum & hircorum ut Sacerdotes Levitici, sed ipse & Sacerdos & Victimam per proprium sanguinem æternam redemptionem adeptus aditum sibi fecit in cælum ibid. & alibi dicitur se tradidisse *ἑαυτὸν ὑπὲρ ἡμῶν* Eph. v. 2. & sanguine suo nos redemisse 1. Pet. 1. 18. quod utique dici non posset nisi geminus ille respectus & Sacerdotis & Victimæ in Christo moriente locum habuisset.

IV. Alterum autem de quo disceptatur potissimum non una ratione comprobari potest. Primò sacerdotij naturâ hoc postulat. Nam si Sacerdos fuit, non tantum docere debuit & revelare voluntatem Patris doctrinamque ejus confirmare, sed & aliquod Deo offerre sacrificium ad expiationem peccati: sunt enim aliæ Sacerdotis, aliæ Prophetæ partes, Prophetici muneris ratio propriè consistit in

in iis quæ pro Deo agenda sunt apud homines, est enim interpretis voluntatis Divinæ, cui id curæ est ut homines intelligant quid sit ipsis ad salutem & credendum & faciendum necessarium: Itaque cum Scriptura de prophetico Christi munere loquitur, docet Deus se in ipsius ore verba sua positurum & jubet audiri reverenter, pœnasque reposcendas minatur ab eo qui ipsi non auscultaverit Deut. xvi. 11. 18. At Sacerdotis munus propriè & contradistinctè ad Propheticum in iis occupatur quæ agenda sunt apud Deum, καὶ ἱερεὺς inquit Ap. Heb. v. 1. & vi. 11. 3. τὸ πρῶτον ὅτι ὁ θεὸς ut scilicet offerat dona & sacrificia pro peccatis atque adeo aliquid operetur quo Deus homini propitius fiat & reconcilietur. Quum itaque Christus sit veri nominis Sacerdos, non id tantum habet quod doceat homines, vel quod intercedat pro nobis apud Deum, sed quod etiam verum & reale sacrificium obtulerit pro peccatis nostris, unde consequitur aliud omnino intendisse Christum in morte sua quàm doctrinæ confirmationem, quod vellet Socinus, nam sic mortuus fuisset tantum ut Propheta, non ut Sacerdos & Victimam; Accedit etiam & illud quod Christus non pro iis tantum hominibus Sacerdos fuerit qui post ipsam vixerunt, sed & pro iis qui vixerunt sub V. T. quum unus omnium sit Mediatrix 1. Tim. ii. 5. qui heri & hodie idem est Hebr. xi. 11. 8. Unum nomen in quo salutem consequi possumus, Act. iv. 12. Cujus gratiâ servantur pariter illi nobiscum Act. xv. 21. An verò Christus dici potest servasse eos solo exemplo quibus scilicet tale exemplum propositum nunquam fuit? Nemo sanè dixerit, Servavit ergo merito quatenus mors ejus intercedere debuit, tanquam Redemptio peccatorum præcedentium sub Vet. T. Hebr. ix. 15. Rom. i. 17. 25. ut virtute solutionis à Sponsore certo tempore futuræ debitor à carcere liberatur.

V. Id ipsum verò luculentius etiamnum probat *Victima æternæ* quam Christus in hoc negotio induit: Primò quia inter gentes communi consensu receptum est victimam loco peccatoris offerri ad placandum Numen offensum, & reum ipsum à pœna eximendum, quod vel ex istis poetæ verbis tanquàm vulgatissimum colligitur.

Quum sis ipse nocens moritur cur Victimam pro te?

Stultitia est morte alterius sperare salutem.

Pro te id est tui loco & vice: neque alia videtur causa fuisse & origo horrendæ illius ἀνθρωποφονίας quæ inter tot Gentes olim etiam celebratissimas obtinuit. Quum enim istæ naturæ ductu non ignorarent, quod majus esset quod daretur Deo, eò facilius veniam posse impetrari, præsertim si ἀνθρώποις cum eo quod redimeretur aliqua esset æqualitas, si homo pro homine hostia foret. Idèò à pecudum mactatione in piaculis faciendis ventum est ad mactationem hominum: causam affert Cæsar de Gallis loquens, Pro vita hominum; inquit, nisi vita hominis reddatur non posse Deorum Immortalium Numen placari arbitrantur. Hoc factitasse primi reperiuntur Phœnices se Cananæi quos notum ex Scripturis Molochum qui Saturnus fuit placare liberorum suorum mactatione solitos, quod Tertul. Apol. c. 19. respiciens dicit Saturnum imprimis humana victima delectatum fuisse, ideoque

tumulum filiorum fuisse appellatum. Inde ad Tyrios & Pœnos mos tranſiit, quod Juſtinus poſt Diodorum tradidit lib. 18. *Homines ut victimas immolabant & Impubes aris admovebant, pacem Deorum ſanguine eorum expoſcentes*; Uſitatiffima quæ etiam fuiſſe olim per Græciam, Italiam, Siciliam id genus ſacrificia narrat Plinius, neque Romæ abrogata ante annum 657. Huc pertinent etiam publicæ illæ hominum devotiones quibus veteres placari Deos cenſebant quod de Deciiſ notat Cic. li. 3. de nat. Deor. & Livius vocat eos *piacula omnis Deorum ira* quatenus homines ipſi pro patria ſe devoentes pœnam quæ cæteris impendebat in proprium caput accerſentes ab aliis avertebant. Hæc autem utraq; conſuetudo apud Gentes non invaluiſſet, niſi conſtans fuiſſet apud eos ſententia, victimam vel piaculum locum peccatoris ſubire ad ejus Redemptionem.

VI. Secundò ſubrogationem hanc & ſatisfactionem Deus expreſſiùs tradit in Sacrificiis Leviticis: Primò, *in victima integra & pura oblatione* quæ à reo fieri debuit, de ſuo enim dare debuit victimam ut teſtaretur loco ſuo ſupponi ad eam ferendam pœnam quæ ſibi debebatur: Secundò *in ſanguinis fuſione* quæ mortis & ſupplicii commeriti imaginem expreſſiſſimam habuit, imò ſubſtitutionem non obſcurè arguit, dum ſanguis pro anima ſeu vita hominis ponitur Levit. xvii. 11. *Anima*, inquit, *cujusque carnis in ſanguine, ego verò deſtinari vobis eum in altari ad expiationem faciendam pro animabus veſtris, nam ſanguis eſt qui pro anima expiationem facit.* Ex quibus conſtat ſanguinem à Deo deſtinatum eſſe ad expiationem Animarum, quia in eo eſt anima carnis, id eſt vita ipſius, non quod propriè ſanguis ſit vel anima vel vita animalis; ſed propter ſpiritus vitales qui animæ organa & virtutis ejus vehicula ſunt, unde effuſo ſanguine ſimul vitam extingui neceſſe eſt; Atque hæc ratio fuit propter quam Genef. 1x. ubi liber eſus pecorum conceditur, hoc interdicitur expreſſè, *ne caro cum ſanguine comedatur*, quia *anima ſit ejus ſanguis* vel in ſanguine. Ita ex vetuſtiſſima Lege ad populos omnes propagata ſanguis eſt loco animæ, quò reſpicit illud Virgilianum,

Sanguine quærendi reditus animæque litandum.

Si E. ſanguis datur ad expiandas Animas quia eſt loco Animæ, utique Anima ſeu vita pecoris datur & offertur pro anima ſeu vita hominis, & pecus ſuſtinendo locum & vicem ipſius hominis pro eo moritur: Neque alia de cauſa Heb. 1x. 22. dicitur *ſine ſanguinis effuſione non fieri remiſſionem*, niſi quia condonare non poteſt Deus ſine prævia ſatisfactione, quæ mortem violentam & judicialem per ſanguinem deſignatam peccatori debitam neceſſariò poſtulat. Tertiò, *Ritus impoſitionis manuum* uſurpari in ſacris iſtis ſolitus, clarè illud ipſum confirmat; de quo Levit. 1. 4. & Exod. xxix. 10. & alibi non ſemel. Cur enim tenebatur ille qui offerebat vel per ſe vel per ſacerdotem manum capiti victimæ imponere? fiebat illud quidem ad majorem rei ipſius ſanctificationem, ut teſtatum fieret per hanc *ſanctificationem* animal Deo ſacrum & proprium fieri, ſed potiſſimùm *ſubſtitutionem* victimæ loco peccatoris innuebat, & translationem reatus ab iſto ad illam, inde *portare pec-*

peccata imo & peccatum & execratio ipsa dicebatur. Quartò, *Peccatorum confessio* quæ exigebatur vel à Sacerdote vel à populo, de qua Lev. xv. 21. In descriptione solennis & anniversarii sacri expiatorii, *Imponet manus Aaron & confitebitur omnes iniquitates filiorum Israël.* Quid ita? ut scil. devoluta in eam significarentur peccata omnia quæ expianda erant, & eorum purgatio ab ipsa víctima peti innumeretur: huius confessionis apud Gentiles usum in sacris fuisse docet nos Alex. ab Alex. l. 4. c. 17. *rem divinam facturum ad suam levandam culpam debet se in primis reum dicere & noxa pænitere ac sateri admissum &c.* Quintò huc facit etiam illa *ira Divina deprecatio* quæ in casu homicidii fieri solebat Deut. xx. 8. Nam homicidâ non reperto, populus qui confosso proximus erat, pecude cæsa debuit purgari, ne sanguinis innoxii reatum ferret, alioqui non poterat terra expiari à sanguine effuso nisi per sanguinem effusoris, ut lex ait Num. xxv. 34. Cur verò? si sola Dei misericordia absque ulla satisfactione reatus iste tolli potuit? sed populus agnoscit hoc offerri sacrificium ad tollendum reatum, *Expiat*, inquit, *populum tuum Deus* acceptando victimam oblatam, & ne imputes sanguinem innocentium demonstrans scil. hanc victimam populi vicem hac in parte sustinere ad tollendum reatum qui cæteroquin illis impositus fuisset.

VII. Sextò denique *Effectus* istorum Sacrificiorum hoc evincit clarissimè, *Expiatio* scil. & *Litatio* quæ in illis fieri solebat; nam si sacrum ritè peractum erat, & víctima Deo dicebatur acceptabilis *ויקריב* Lev. 1. 3. & oblatio in odorem bonæ fragantiæ *וריא* Lev. 1. 13. 17. & remissio peccati cum liberatione rei sequebatur, unde passim in Levi. iv. v. &c. legas *Expiabit eum sacerdos & remittet ei*: hoc Græci *καθαρεῖν* Latini *Litare* dixerunt, scil. Sacrificio ritè peracto Deum placare; Non omnis qui sacrificat, etiam litat, Plantus in *Pœnulo* si *Heracle* istud unquam factum est, tunc *Jupiter* faciat ut semper sacrificem & nunquam litem: Sacrificando veniam quærimus, sed litando impetramus, ut benè Nonius observat. Porro effectus iste duabus vocibus ut plurimum exprimitur apud Hebræos, *קריב* & *קריב* quæ etsi promiscuè usurpentur pro expiare, placare, reconciliare, peculiariter tamen prior videtur personam respicere, posterior rem ipsam & factum, quod per lutionem pœnæ succedaneam expiatur. Græci tribus potissimum vocabulis propitiationem. 2. per *καθαρισμὸν, πλυσμὸν, ἀγνισμὸν, ἄφεσις*, purgationem, remissionem, sanctificationem. 3. per *ἐξομολογήσιν* redemptionem, liberationem quibus appositè designantur tres præcipuè *χρίσιν* sacrificiorum; referebantur quippe ad Deum, ad peccatum, ad hominem. ad Deum ut ira offensæ placaretur, ad peccatum ut admissa culpa expiaretur, ad hominem ut persona reā veniam impetraret & à pœna liberaretur. Tria ergo per ista sacrificia obtinebantur, Dei *placatio*, peccati *expitatio*, hominis *liberatio*; sed neutrum ex his tribus obtineri potuit sine aliqua satisfactione, nam nec persona liberari potuit sine victimæ subrogatione, nec Deus placari sine sanguinis fusione, nec peccatum purgari sine pœnæ latione;

unde colligimus in Sacrificiis & subrogationem & satisfactionem typicam saltem & cærimoniam locum habuisse.

VIII. Quum E. Christus ipsis fatentibus Adversariis tale obtulerit Sacrificium expiatorium, negari non potest, Eum eatenus satisfecisse loco nostro substitutum. Et sanè quod olim victimis tribuebatur, id ipsum & Christo, sed longè excellentiori ratione tribui non semel animadvertimus. Is Victimam est cælestis *ἀνθύλατον* & *ἀσπλάγην* quæ à Deo loco nostro substituta pro nobis offerri debuit Ro. VIII. 31. Eph. v. 2. Heb. ix. & x. & revera tradita est. Nam qui humanas averfabatur victimas Deus, quique sanguine Taurorum & hircorum sibi minimè satisfieri testatus est sæpe, in sola *Θεανδραπνοῖα* acquievit, & sibi ipsi de victima prospexit in holocaustum, ita ut impletum hîc videas quod olim in Sacrificio Abrahami adumbratum fuerat Gen. xxi. quemadmodum enim Isaac liberatur & pœna in Arietem transfertur; Ita Ecclesia cujus ille figuram gestabat, à morte eximitur, dum ista in hunc Agnum Dei cœlitus missum devolvitur. Rursus si sanguis pro anima poni debuit, nonne sanguinem pro multis effudit, Luc. xxii. 20. Imò & animam ipsam posuisse dicitur in sacrificium pro delicto Isa. LIII. 10? si peccata imponenda fuerunt victimæ devoluta legimus per Dei imputationem in eum peccata omnia nostra Is. LIII. 5. eatenus ut ipse peccatum & *κατήρα* factus dicatur 2. Cor. v. 21. Si mactari & offerri debuit Victimam super altari, nonne & ipse pro nobis *ἱθύνη* & peccata super lignum tulit? 1. Pet. 2. 24. 1. Cor. v. 7. Si sanguis fundendus & aspergendus fuit coram Domino septies versus velum, nonne hic est sanguis *παυσμός* Heb. xii. 24. qui effusus coram Deo, ita perfectè expiationem peregit ut nihil amplius desideretur, numerus enim septenarius ex usu Scripturæ perfectionem innuit. Denique si expiatio & placatio oblationem sequebatur ritè peractam, numquid Christus plene & perfectè peccata nostra expiavit, personas liberavit & redemit & Deum iratum nobis & insensum propitiavit? Loca sunt manifestiora quàm ut sophistica ulla possint eludi, quid enim aliud sibi volunt Scriptores Sacri cum Christum nos reconciliasse Deo & pacem per sanguinem fecisse asserunt Rom. I. 11. 24. v. 10. Eph. II. 16. Col. I. 20. 21. peccata omnia nostra expiassè & purgassè ut Heb. 1. 3. & ix. 14. 15. 1. Jo. 1. 7. Apoc. 1. 5. &c. personas nostras pretioso sanguine suo redemissè Eph. 1. 7. 1. Pet. 1. 18. Heb. ix. 15.

IX. Quia verò hîc Adversarii? Quia se hoc argumento constringi sentiunt, nihil non moliuntur ut vim ejus qualicunque ratione elevent, miroque artificio totam hanc de sacrificiis Vet. Test. doctrinam obscurant & corrumpunt: Priusquam verò sigillatim falsas eorum hypotheses eversum imus, confutanda est generalis Exceptio quæ subinde in eorum scriptis occurrit circa naturam *Expiationis* à Christo factæ de qua jamjam egimus. Fatentur quidem Christum expiassè peccata nostra, & expiationem hanc factam esse per oblationem Christi: *Expiat a esse peccata nostra per Christi mortem ex parte Dei nos ipsi sentimus*, Soc. p. 2. c. 14. & ibi.

& ibi. Christi mors, inquit, & à precedentium omnium delictorum & à futurorum reatu liberos nos reddidit nosque in perpetuum sanctificat, & coram Deo inculpabiles in sempiternum efficit; Sed cum ad modum istius expiationis explicandum ventum est, nihil aliud volunt esse, quàm plenam à peccato & peccati pœna liberationem Soci, par. 2. c. 13. Nihil aliud est reipsa peccatorum nostrorum expiatio, quàm à morte peccati plena & perpetua liberatio. Liberationem porro isti Sacrificio non effectivè & meritorie tribui, quasi in eo λύτρον aliquod Divinæ Justitiæ sit oblatum ad ejus Satisfactionem, sed tantum vel antecedenter vel exemplariter vel declarativè. Primò, Quia interveniente victimâ & morte Christi expiatio hæc seu liberatio à peccato reipsa nobis conceditur per exaltationem ejus, nisi enim Christus sanguinem suum fudisset, potestatem suos ab æterna morte vindicandi, qua in re peccatorum remissio continetur, nullo modo adeptus fuisset. Secundò, Quia mortis & passionis Christi consideratio efficaciter nos movet ad conversionem & pœnitentiam, cui Deus propriè remissionem pollicetur. Tertiò, Quia hæc ipsa oblatio certissimam remissionis fidem apud nos facit. Horum autem rationem petunt à victimis legalibus quemadmodum inquit Soci, prælect. c. 23. *Legales victima non ideo peccata expiabant pro quibus offerebantur, quia vel Deum ad illa condonanda moverent, vel aliquid in ipsis esset quod culpam ex ipsis peccatis manantem resarciret, sed quia Sacrificio peracto expiatio ejus ante benignitatem Dei decreta consequeretur, sic Christi mors non ideo peccata nostra expiat, quod vel Deum ad ea nobis condonanda moveat, vel culpam peccatorum nostrorum ullo modo resarciat, sed quia Christi supplicio peracto, liberatio à reatu peccatorum nostrorum consequitur, quæ jam antea erga nos, Dei misericordiâ fuerat constituta. Rursus ut victimis illis oblati, jam populus se à reatu peccati liberatum sibi Deum placatum agnoscebat; Ita supplicio Christi peracto, non modo à reatu peccati liberi sumus, verum & id ipsi agnoscimus, Deumque nobis placatissimum esse intelligimus, &c.* Liberationem E. fieri concedunt interveniunt Mortis, sed hanc tanquam causam meritoriam intercedere negant: Neque contrarium probari posse ex voce expiationis; Primò, Quia expiare etiam de Deo prædicetur non semel ut Deut. xxi. 8. *Expia populum tuum Deus* & Ps. li. 9. *Expiatio me hyssopo ut mundus sim.* At is tamen nec satisfacit nec satisfacere dici potest. Secundò verbum ^{רָפָא} quo expiatio denotatur ex primâ & propriâ significatione tegere significat, operire oblinere seu oblinendo obturare, unde metaph. expiandi reatumque peccatorum auferendi sensum obtinuit, quia eatenus peccata expiari atque auferri solent, quatenus quodammodo teguntur. Ps. xxxi. 1. Tertiò verbum mundandi & expiandi sæpissime non effectivè, sed declarativè tantum intelligitur, ut Levit. v. 6. 10. & xvi. 6. maxime c. xii. & xiv. ubi de leproso mundo vel immundo pronuntiando agitur, nam quod subinde repetitur quod sacerdos mundum vel immundum judicabit, id in textu hebr. assertivè ponitur, *mundabit vel contaminabit.* Itaque nihil alienum fieri ab usu Scripturæ si expiatio pariter quæ morti tribuitur declarativè non effectivè intelligatur.

X. Sed hinc multifariam peccatur ab Adversariis. Primum dum supponitur *expiationem* nihil aliud esse quam ipsam peccatoris *liberationem*, sic enim perperam confunditur *causa* cum *effectu*, antecedens cum consequente, liberationem quidem per expiationem & post eam fieri non negamus, sed non propterea liberatio statim est ipsa expiatio, liberationem præstat Dominus, expiationem reus vel alius quis ejus nomine; omnis quidem expiatio liberationem post se trahit, sed non statim omnis liberatio expiationem supponit; nam *Expiatio* proprie infert purgationem noxæ seu reatus ablationem per poenæ alicujus vel propriæ vel vicariæ luitionem debitam & justam ad placandam alterius iram; Sic passim apud authores profanos *expiare* est *punire*. Cicer. in Piso. *Tua scelera Dii immortales in nostros milites expiaverunt* id. propter te puniverunt, Salust. de Repu. constit. *Neque barbaro ritu cade cadem, & sanguine sanguinem expiandum*. Nihilque usitatus apud eos quam ut peccata dicantur *piari* id. lvi sive solvendo poenam propriam sive succedaneam Virg. *Ænei*. 2.

Et culpam miserorum Morte piabunt.

Hinc *piaculum* dictum illud omne quod pro satisfactione peccati dabatur, piacularis hostia quæ ad piaculum faciendū offerebatur, quod respiciunt illa Plautina,

Mene piacularē oportet fieri ob stultitiā tuā

Ut meum tergum stultitiæ tuæ subdas succidaneum?

Id. oportetne tuam stultitiam meā poenā expiari? sic vox hæc ad sacra translata liberationem quidem notat à peccati poenā, sed quæ non fit nisi per afflictionem seu poenam succedaneam, neque Sacrificium expiatorium alio modo concipi potest aut intelligi: Ut hinc tria necessariò concurrant 1. *Afflictio* & quidem *pœnalis* tanquam causa. 2. *pœna succedanea* pro crimine & peccatore, unde Veteribus *θυσία ἀντιπαραβολική* dictæ quæ in aliorum locum succedebant, cujusmodi subrogatio fit in omni piaculari victima. 3. *liberatio rei* & purgatio reatus quæ fit per talis poenæ lationem, patet hoc ex ordine expiationis legalis; nam ut peccator *liberaretur* debuit *purgari* à peccato suo, ἀφαιρῶν κατὰ τὸν νόμον supponebat, purgatio non fuit aqua, sed *sanguinis* id. quæ fieret morte violentâ & pretio aliquo interjecto; sanguinis fusio nihil profuit nisi esset victimæ selectæ & ad altare adductæ; *Victima* non quævis, sed quæ fieret *peccatum* & execrabilis offerenti, ut illi esset nefas eam gustare, ita quod homo merebatur huic jam immittebatur ut liber homo abscederet; unde liquet liberationem obtineri non potuisse nisi præviis multis actibus ad Satisfactionem necessariis; Quare quum Socinus expiationem nihil aliud esse vult quam simplicem liberationem, id omne in quo propria ratio expiationis sita est omittit & intervertit id. veram expiationem negat. Et sanè si expiatio mera & simplex esset liberatio, non posset à remissione distingui quod difertè fit tamen, Levit. v. 6. *Adducet reatum suum Jehova propter peccatum suum quo peccavit* &c. Ita expiabit eum sacerdos à peccato suo & remittetur ei. Sic vers. 13. 16. 18. 25. 26. *Sacerdos expiabit eum per arietem illum reatus & remitte-*

sur ei. Aliud E. est expiatio reatus, aliud verò liberatio & remissio, quæ per eam obtinetur. Denique *Expiatio* propriè spectat peccatum seu reatum qui tolli debet, *liberatio* verò *personam* ipsam peccatoris, quæ à pœna impendente est eximenda; unde etsi conjungantur necessariò ut causa & effectus non debent tamen confundi.

XI. Secundò, hallucinantur etiam graviter dum statuunt Mortem etsi ad hanc expiationem faciendam intercesserit, intercessisse tamen ut *antecedens* aliquod remotum, quatenus per mortem aditum sibi fecit in cœlum ubi expiationem seu liberationem nostram procurat, summam potestatem adeptus nos à mortis vinculis emittendi, & sempiternâ felicitate donandi, quod Soci, disertè statuit in 1. Joh. 1v. 10. *'expiat peccata nostra Christus Dei filius, non quod Justitiæ Divina pro peccatis nostris satisfaciatur, sed quia vitam æternam nobis confert, qua nostrorum peccatorum expiatio. Id est, ab ipsorum pœna liberatio plenissimè continetur.* Verùm si huic sententiæ locus esset, resurrectioni Christi & vitæ ejus tribuenda esset hæc expiatio, longè potius quàm morti & sanguini; nam mors Christi ex hac hypothese est tantùm *causa sine qua non* istius expiationis, quia nisi mortuus fuisset non ingressus fuisset in gloriam in qua expiationem hanc nobis procurat; *Causa* verò propria & *per se* esset exaltatio, at Scriptura nusquam exaltationi, sed semper Morti & Passioni hanc expiationem tribuit. Secundo si mors antecedens tantùm fuit istius expiationis, non vera ac propria causa, nihil causæ dici potest, cur idem effectum non pariter tribuatur vitæ, doctrinæ, & miraculis Christi, quæ etiam antecedentia fuerunt istius exaltationis. Tertiò, Confunditur *jus remissionis* & liberationis cum *ejus exercitio*. Istud quidem ad exaltationem Christi pertinet, quatenus jam glorificatus plenè nos liberat à reatu & pœnis peccati, suæ propitiationis & satisfactionis vim atque efficaciam nobis potenter applicando. Sed *jus* ipsum fundatur in Sacrificio ejus cruento & *ἱλαστικόν* quod in morte obtulit, inde per mortem & in sanguine ejus redempti & justificati dicimur Rom. v. 10. & Eph. 1. 7. 1. Pet. 1. 18. & antequam in cœlos ascenderit ipsa expiatio cum oblatione peracta dicitur Hebr. 1. 3. ut infra probandum erit; Quartò, enervantur Scripturæ loca quæ de Expiatione loquuntur, nam voces istæ omnes *καθαρί- ζειν, ἁγιάζειν, ἱλάσκεσθαι* & similes quibus utuntur Apostoli, suapte natura & usu perpetuo, non solum ordinis *antecedentiam*, sed & efficaciam quandam designant, neque auditum unquam ut *expiare* illud dicatur quod requiritur tantùm ut antecedens remotum ad obtinendam expiationem.

XII. Tertiò, Sed neque recipi potest hæc altera ipsorum glossa falsissima quæ expiationem refert ad exemplum, per cessationem à peccato; & peccatorum sequentium destructionem; Nam etsi non diffitemur mortis Christi hunc etiam esse fructum & finem ut vetus homo in nobis crucifigatur, & moriamur peccato ad exemplum Christi quod docet Paulus Ro. vi. hunc tamen primarium & principalem esse pernegamus; 1. quia expiatio hæc respicit peccata præterita ut rea-

tum tollat, non futura ut ab iis abstrahat, respondet enim *remissioni* & *justificationi* quæ absolutionem à peccatis præcedentibus notat, non *sanctificationi* quæ avocationem à sequentibus infert. 2. Expiatio fit *de nobis apud Deum*, ideo altari circumfundebatur sanguis sub lege & Sanctuarium versus fiebat aspersio ut significaretur hæc omnia peragi apud Deum; At cessatio hæc à peccato fit *in nobis* à Deo. 3. Expiatio simul facta & quidem à solo Christo, at destructio hæc actualis vel exemplaris nec semel fit, sed continuò, nec per solum Christum procuratur, sed etiam per Spiritum S. qui mortificat facta corporis Rom. vii. 13. & per fideles Dei servos qui exemplo suo nobis hic præiverunt. 4. Sacrificia non destruebant peccatum avocando à peccato, sed remissionem impetrando; ut sanè expiatio nunquam fiebat vel intelligebatur fieri remotione vel cessatione à peccato, sed reatus ablatione, quod & vox *καθάριμα* imposita victimis quæ penæ translationem significat satis innuit: Neque vox *καθαρισμὸς* quæ usurpari in hoc negotio sæpius solet Heb. i. 3. & ix. 14. aliud evincit, licet prima fronte ad sanctificationem melius videatur referri quàm ad remissionem; cum enim duo in peccato vulgò attendantur, *reatus adherens*, & *labe inherens*, ille coram Deo, ista in nobis, duæ etiam istius purgationis partes constituuntur, prima à reatu per *remissionem*, altera à labe per *sanctificationem*; utraque sanguini Christi benè tribuitur, sed illa ratione *meriti*, ista verò respectu *efficacie* quam in nobis exerit per Spiritum S.; atque ita conjunctæ sunt & confociatæ, ut posterior necessariò priorem supponat, & prior posteriorem infallibiliter post se trahat.

XIII. Quarta, Multò minori cum veri specie asseritur expiationem hanc tribui morti & sanguini *declarativè*, quòd remissioni aut decreto de ea facto testimonium nobis præbeat; Nam Primò, quis non videt hoc esse vim facere manifestam ipsis vocibus? quis enim unquam declarationem alienæ voluntatis expiationem appellavit, aut nominatà expiatione tale quid concipere potuit aut intelligere? quis non per eam significari potius colligat luitionem penæ ad satisfactionem & reconciliationem rei cum suo Domino? quum E. sensus iste planè invertat propriam verborum significationem, eo ipso suspectas esse meritò nobis debet. Secundò, Si hoc obtineret nihil ampliùs contulisset Christi mors ad expiationem quàm Victimæ Legales, nam & istæ pariter poterant declarare remissionem, Imò ex præscripto Dei confectæ nullum de supplicii remissione dubitandi locum relinquebant, ut Volk. loquitur, At Scriptura tamen disertè negat potuisse sanguine hircorum tolli & expiari peccata, quæ Christi sanguine sunt expiata: Itaque aliud quid efficacius præter declarationem contulisse necesse est. Tertiò, Quum declaratio hæc rebus etiam aliis competat, & quidem multò luculentius ut resurrectioni Christi, vocationi ad gratiam, missioni Spiritus S. ejusque testificationi internæ, Verbo & Sacramentis, Cur morti & sanguini constanter tribueretur expiatio, aliis verò nequaquam, si expiatio declarativè tantum esset intelligenda? Quarta, Quo sensu nos redemit Christus morte sua, eo sensu sanguine

ejus

ejus expiatur, At nos redimi morte, non est morte redemptionem declarari. E. expiari & mundari non declarationem, sed actionem designat; sic quomodo dicitur portasse peccata eatenus & expiasset censendus, istas enim phrasas in Script. ut æquipollentes usurpari notum. At portavit non declarativè, sed judicialiter & meritoriè ut supra visum. E. pariter expiat. Quintò, Si expiatio hæc esset declarativa, pertineret ad officium *Propheticum* non *Sacerdotale*, At Christo hanc tribui non ut Prophetæ, sed ut *victimæ*, non ut Pastori & Doctori, sed ut *Agno*, notius est quàm ut probatione indigeat. Sextò, *declaratio* respicit *homines* quibus fieri debet ad fidem remissionis ingenerandam; At *expiatio* quæ fit in sanguine ipsum *Deum* qui tali *ἀντὶ* placandus & reconciliandus venit: Illa ad divinam voluntatem pertinet quæ hominibus innotescere debet, ista ad peccata quæ removenenda sunt à Dei conspectu, alio verò modo Dei voluntas nobis patet, alio Deus nobis conciliatur; prius præstat Christus verbo & spiritu, posterius morte & sanguine.

XIV. Quintò, Frustra recurritur ad *victimæ legales*, ut aliquod huic errori quaeratur fulcrum, quasi ipsæ tantum *antecedenter* & *declarativè* expiasset dicerent. Nam ut nunc non excutiamus modum expiationis victimarum legalium, de quo dicendum erit postea fusiùs, obiter observamus nihil esse hîc prælidii Adversariis, quippe victimæ istæ duplicem *ἔξω* induere possunt, vel *absolutam* & carnalem in se, vel *relativam* & typicam respectu Christi quem adumbrabant; priori respectu non tantum non expiabant antecedenter & declarativè, sed ne expiabant quidem ullo modo, imò ordinabantur potius ad homines peccatores sui reatus convincendos, quatenus peccatores in victimis quæ pro se moriebantur videbant se mortis reos, & in illarum mactatione chirographum dabant Deo illarum sanguine conscriptum quo se maledictioni obnoxios & pænæ debitores agnoscebant, hinc Apost. disertè negat illis partem fuisse remissionem coram Deo. Hebr. 1x. 9. 10. & x. 1. 2. 4. Sed posteriori revera possunt dici expiasset non propriè, & per se, sed *typicè* & *figurativè* virtute sacrificiî olim per Christum offerendi cuius illæ umbræ erant & figuræ, ita ut sanguis Christi effundendus, jam efficaciam suam extendere ad fideles V. T. purgandos, Apocal. 13. 8. Rursus ut reatus duplex fuit, *typicus* quoad immunditiam carnis, & *realis* quoad conscientiam, Ita *expiatio* illa vel fuit *typica* & *cerimonialis*, vel *realis* & *mystica*, ad hanc nihil revera conferre potuerunt per se, impossibile siquidem fuit sanguine taurorum tolli peccata, sed quoad illam nihil obstabat quo minus eam efficaciter procurarent, ut Apost. testatur *purgasse quoad puritatem carnis*. Heb. 1x. 14. Quippe ut reatus iste vi constitutionis legalis constitutus fuerat, aliqui naturâ suâ nullus, ita eadem constitutione tolli potuit & purgari: priori respectu *oppositè* considerantur ad Christum, posteriori verò *comparatè*. Ita collatio optimè instituitur, quemadmodum victimæ istæ expiationem legalem efficienter & meritoriè præstabant, non tantum vel antecedenter vel declarativè, ita & Christus veram & realem sanguine suo absolvit: Sed de his in sequentibus. Nunc rationibus allatis satisfaciendum est.

XV. Ad primam Resp. peccari fall. à dicto secundum quid, nam etsi expiatio de Deo prædicetur qui non satisfacit, non sequitur tamen pariter quum victimæ applicatur vel sacerdoti, nullam inferre satisfactionem, nam pro ratione subjectorum quibus tribuitur diversimodè est interpretanda, modò *Deo*, modò *Sacerdoti*, modò *Victima*, sed alia atque alia ratione, in *Deo* est expiationem *admittere*, in *Victima* *facere*, in *Sacerdote* *offerre*. Deus expiat peccatum reatum dimittendo quia placatus sit, Sacerdos Istam remissionem per victimam procurando, Victimam per sui substitutionem & poenæ lutionem eam impetrando, Deus *authoritative* & *judicialiter*, Sacerdos *ministerialiter* & *organice*, Victimam *efficaciter* & *meritorie*: Non valet ergo si Deus expiat peccatum per misericordiam condonando. E. pariter & victimam, imò non posset peccata expiare per absolutionem, nisi antea expiata essent in victimam per satisfactionem: non fit expiatio nisi interpositâ pecude & sanguine fuso, sine sanguine non fit remissio, non opponenda ergo sunt hæc sed componenda, Deus & sanguis Christi peccata expiant, nempe Deus per sanguinem Christi qui in se satisfaciendi vim habet, Deus ut *causa efficiens* principalis, sanguis Christi ut *causa procacatolica* & meritoria: Quamvis autem de Christo ut est *filius Dei* posset verè dici eum expiare *authoritative* & *judicialiter*, quatenus ipse cum Patre potestatem habet remittendi peccata, & ea ipsa nobis remittit, quia tamen hîc consideratur non ut Deus, sed ut *Mediator*, non ut *judex*, sed ut *sacerdos* & *victimam*, cujus partes sunt placare nobis Patrem, non potest aliter expiatio quàm per poenæ lationem succedaneam, & vicariam mortem explicari.

XVI. Ad secundam Resp. 1. Neg. consequ. quia vis argumenti nostri non pendet tantum ex verbo כפר quod certum est sumi diversimodè, sed tum ex aliis non paucis quæ in hoc negotio usurpari solent, tum ex natura ipsius rei quæ istiusmodi voce describitur, nam cum expiatio ita dicitur fieri per sanguinem victimæ, ut & reatus tollatur, & reus liberetur à poena quæ illi impendebat, quis non videat sanguinem hîc tanquam λύτρον aliquod intercedere ad remissionem hanc consequendam? 2. min. falsa est scil. כפר tantum significare *regere* & *oblinere*; nam etsi hoc dari possit in quibusdam locis & potissimum in conjugatione Kâl, non obtinet tamen in omnibus, nam in conjug. Pihel frequentissimè usurpatur pro *redemit*, *expiavit*, *placavit* etiam interventu alicujus pretii. Genes. xxxi. 19. Jacob inquit אכפרה non tegam sed *placabo vultum ejus id. fratris hoc munere* & 2. Sam. xxi. 5. David Gibeonitis læsis à Saule quo אכפר *compensabo vel redimam injuriam vobis à Saule illatam*? nec alio sensu venit vox ista quoties Sacrificiis tribuitur: Hinc nomen כפר quod signi. Redemptionis pretium λύτρον ἀπαιτον & quicquid datur vel Judici ad animum ejus placandum, vel hosti irato & potentiori ad vitam redimendam. Lxx. modò per λύτρον ut Ex. xxi. 30. & xxx. 12. Num. xxxv. 31. 32. &c. modò per ἀπαρχή ut Is. xlii. 3. Am. v. 12. reddunt; hinc dictum festum כפור sive *propitiationum* quo Deus placabatur sanguine victimarum & propitius sebat Israël propter Sacrificiorum oblationem. Ex quibus patet præposterè & falsò.

falsò significationem verbi ^{כפר} ad *tektionem* restringi. Quod si ratio aliqua querenda sit primæ illius significationis quod est *tegere* & oblinere, petenda erit ab effectu quem obtinet expiatio per ^{לכפר} hoc facta, scil. quia per eam fit ut peccata nostra tegantur, dum condonantur, quatenus illius intuitu placatus & propitius factus condonat peccatori quicquid deliquerat, nec vult amplius delictorum ejus meminisse: Sic operculo Arcæ fœderis inditum nomen ^{כפר} quo significaretur merito & Satisfactione Christi cujus intuitu factus est nobis Deus propitius sic conteri peccata nostra in legem admissa, ut nunquam amplius in conspectum Dei venire possint ad nos condemnandos. Itaque ad expiationem quidem sequitur *tektio* peccatorum ut effectum & consequens necessarium, sed in *tektione* non est ipsa ratio formalis expiationis, non expiantur peccata quia *te*guntur, sed ideo *te*guntur quia per victimæ oblationem expiata censentur.

XVII. Ad tertiam Resp. Primò per ^{סגור} *syguron* damus Hebraismum hunc frequentem esse in Scriptura agnoscimus, ut verba quæ actionem significant ad ejus tantum declarationem & patefactionem referantur, cujus locutionis alibi exempla varia dedimus. Gen. xxi. Jac. ii. & Act. xii. 33. &c. non negamus etiam in locis laudatis quæ spectant judicium quod pronunciari debet: à Sacerdotibus circa lepram Lev. xii. 15. 16. verba hæc declarativè esse intelligenda. Sed 2. negamus hinc sequi perpetuò id locum habere posse, talia enim sunt prædicata qualia permittuntur esse à suis subjectis, hic autem in eo de quo agitur negotio declarationem locum habere non posse seorsim ab ipsa effectione docuimus, & scibi *expiatio declarativa* tribuitur Sacerdoti, innumeris aliis in locis *effectiva & realis* connotatur, ex. gr. quum subinde verba hæc repetuntur, *expiabat eum Sacerdos & remittebatur ei*, hæc non ad *declarationem* referri, sed ad ipsam *effectiorem* palam est, quatenus juxta legem offerebat victimam piacularem pro peccatore, adeoque efficiebat & procurabat expiationem ejus legalem. Sic expiatio proponitur tanquam actus qui fit à Sacerdote fusione sanguinis hostiæ, & aspersione rerum sacrarum ut Altaris, Veli, Arcæ suffitus, quò reatus auferatur peccatoris & in altari quidem reconciliationem & remissionem peccatorum, in Sacratio verò libertatem, aditus, & partem nanciscatur, non utiq; declarativè tantum sed effectivè. Tertiò, Si loca expendantur in quibus expiationis à Christo factæ sit mentio, ut Apoc. i. 5. 1. Joh. i. 7. Hebr. i. 3. patebit non sine insigni detorsione ad declarationem referri, quum in iis non rei patefactio attendatur, sed ipsum Christum beneficium celebretur.

XVIII. Ita in antecessum explicatâ naturâ Expiationis per Christum factæ, progrediendum est ad Exceptiones speciales varias quibus argumentum nostrum à Sacrificio expiatorio petatum infirmare conantur. Varia enim hic movent. Primò, Oblationem Christi & Sacrificium non peractum fuisse in terrâ, sed demum in cælo post ejus introitum quum verè designatus est & constitutus Sacerdos: hoc scil. discrimen volunt esse inter Christum & summum Pontificem, quod iste antequam ingrederetur in Sacrarium verè Sacerdos esset. At Christus

non ante verè constitutus sit Sacerdos quàm in Sacrarium cœli sit ingressus, neque obtulerit nisi per suum in cœlum introitum, cœtera verò ut mortem & passionem requisita quidè fuisse antecedenter, sed tantquam præparationem ad Sacrificium, non tantquam Sacrificium ipsum. Secundò pertendunt Sacrificia in genere Christum non respexisse, sed sola publica & anniversaria à summo Pontifice oblata, quorum sanguis in Sancta Sanctorum inferebatur, non alia quæcunque; atque adeò perperam nos ab istis omnibus argumentari. Tertiò non pro gravioribus peccatis, sed pro solis levioribus oblata fuisse sive quotidiana, sive anniversarium Sacrum, pro iis scil. quæ ignorantia appellari possunt. Quartò, Sacrificia ista verè & propriè vi quadam suâ expiassè, quia ad eorum oblationem sequebatur remissio, non autem *ἐν τῷ πῶ* tantum ut statuimus per *ἁγίον* ad Sacrificium Christi. Unde quatuor in controversiam veniunt. Primò, An Christus etiam in terris Sacerdos fuerit, an demum in cœlis post ascensum suum, & an in cœlo tantum & non etiam in Cruce propriè dictum Sacrificium obtulerit. Secundò, An non omnia Sacrificia Vet. Test. *λατρίαι* typi fuerint Sacrificii Christi. Tertiò, An non pro gravioribus etiam peccatis oblata. Quartò, An ullam vim habuerint per se reatum spiritualem expiandi? de quibus quatuor quid ex Scripturâ sentiant Orthodoxi paucis est apciendum.

X I X. Ut à primo initium faciamus Smal. lib. de Divin. Christi c. 23. Sententiam suam exprimit, Christum sacerdotem tum primùm reipsa & perfectè factum esse quum in cœlos ascendit, id est quum capiti nostræ salutis curam talem gerere qualem se gesturum antea promiserat. Agnoscit quidè afflictionem & mortem ab ejus sacerdotio non esse separandam, in morte tamen Sacrificium ejus nullo modo perfectum esse, & mortuum esse Christum antequam Sacerdotium suum obiret, Ejusque mortem ipsius sacerdotium nondum fuisse. Soci. de Serva. p. 2. c. 15. Per Christi oblationem, inquit, torâ illâ Epistolâ Author nihil aliud intelligit quàm per proprii sanguinis fusionem Christi in cœlo Deo factam sui ipsius pro nobis, ut ita dicam, præsentationem, &c. & ibid. Relativa sunt sacerdos & oblatio, Itaque ubi verus sacerdos nondum est nec vera oblatio esse potest, Christum autem à Scriptore illo non ante sacerdotem verè dici, quàm post ejus in Cœlum ascensionem constare potest &c. Non aliter Volkel. c. 37. de Christi sacerdotio, illud inter hunc nostrum & illum legis sacerdotem interest, quod ille etiam antequam pecora mactaret, sacerdotis summi munus verè perfectèque obtinebat, Christus verò, non nisi acerbissima illius morte antegressa Sacerdos verè ac perfectè fieri potuit. Sententia verò Orthodoxorum est, distinguendum esse duplicem actum Officii sacerdotalis, (ut legales victimæ primùm offerri debuerunt in Atrio per Sacerdotem, deinde ab eodem earum sanguis deferri in Sacrarium,) primum in mactatione & oblatione victimæ, alterum in ejusdem ostensione & applicatione, illum ad expiationem pertinuisse, istum ad intercessionem, illum in terris peractum semel; istum in cœlis continuari quotidie, priorè non Sacrificii præparationem, sed ipsum fuisse Sacrificium, postenorem non tam Sacrificium quàm Sacrificii facti repræsen-

sentationem: Rursus Christum quidem in terris omnes muneris sacerdotalis partes non implevisse fatentur, inferendum enim fuisse sanguinem in Sacrarium, tum ad ipsius consecrationem, tum ad intercessionem pro populo, sed negant mortuum esse Christum antequam sacerdotium suum obiret, negant oblationem nihil aliud esse, quàm Christi pro nobis in Cœlo præsentationem, negant perfectam non fuisse oblationem ante sanguinis in Sacratio ostensionem, adeoque contendunt & Christum verum sacerdotem in terris fuisse, & Sacrificium expiatorium verè in cruce oblatum fuisse, quod jam nobis demonstrandum incumbit.

XX. Argumenta in eam rem suppetunt varia. Primò, Sacerdos sub V. Test. verè fuit talis antequam ingrederetur in Sacrarium, & quum hircos vel victimas piaculares mactabat, Sacerdotis officio verè defungebatur, ipsis fatentibus Adversariis, Quidni E. Christus qui in illo adumbrabatur verè in terris Sacerdos fuerit & Sacrificium obtulerit? nam discrimen aliquod hic fingere est ἀντὶ γὰρ φησὶ ἀλγεῖν & petere πὶ ἐν ἀρχῇ. Secundò, Omnis Pontifex ex hominibus assumptus constituitur apud Deum ut dona offerat & hostias pro peccatis Heb. v. 1. At hoc non in cœlis, sed in terrâ, nec enim alibi hostiæ offeruntur. Ita nec Christus alibi offerre debuit. Tertiò, Ubi est oblatio & Sacrificium ibi debet esse sacerdos, At in terris & cruce Christi verum fuit sacrificium & oblatio, teste Apost. Heb. vii. 27. *Cui non sit necesse quotidie quemadmodum illis Pontificibus prius pro peccatis victimas offerre, deinde pro peccatis populi, hoc enim semel fecit quam semet ipsum obtulit.* Ex quibus verbis duo colligimus, Primò perfectam Christi oblationem qua semet ipsum obtulit respondere ei quam quotidie faciebant Pontifices legales pro peccatis populi, hæc autem, ut notum, peragebatur victimarum mactatione & immolatione, E. & ista Christi morte quæ fuit victimæ mactatio pro peccatis nostris peragi debuit. Secundò, Oblationem hanc dici factam *semel*, ἰφάπαξ, oppositè scil. ad oblationes legales quæ fiebant καὶ ἡμετέρας vel ἐν αὐτῇ. At non posset dici facta semel nisi in morte facta fuisset, nam quod jugiter & continuò fit usque ad consummationem sæculi, ut præsentatio in cœlo, haudquaquam semel factum dici potest.

XXI. Quartò, Confirmatur hoc ipsum ulterius ex Hebr. ix. 25. 28. ubi Ap. de Christo Sacerdote loquens. *Non ut sæpe offerat semet ipsum, ut Pontifex ingreditur in Sacrarium quotannis cum sanguine alieno (alioquin oportuisset eum sæpe passum fuisse à jacto mundi fundamento) sed nunc semel in consummatione sæculorum eis ἀφέντην ἀμαρτίας ὅς τ' ὁ θυσίας αὐτοῦ factus est manifestus, &c.* ubi quot sunt verba tot fermè sunt rationum pondera. 1. Oblatio Christi non facta est πολλαῖς sed ἰφάπαξ. E. non in cœlo sed in cruce. Secundò si Christus sæpius se offerre debuisset, sæpius debuisset pati. E. oblatus est quum passus est, alias non procederet argumentum. Tertiò tum semet ipsum obtulit ad peccatum per sui ipsius immolationem tollendum, quum apparuit & manifestus factus est. At ingressu in cœlum ablatus est ab oculis nostris, itaque apparitio in carne intelligenda & adventus in

mundum, de quo 1. Tim. 3. 16. Quartò similitudo quam addit Apost. manifestè immolationem ad mortem restringit v. 25. 28. frustra enim diceretur oblatio Christi semel facta eodem modo quo omnibus statutum est ut semel moriantur, nisi in una illa Christi morte peracta fuisset. Quintò tunc oblatus censendus Christus quum abstulit peccata nostra; siquidem in eum finem oblatus dicitur *eis τὸ πᾶν αἰὲν ἔχον ἀμαρτίας*; At hoc in cruce & morte præstitit. 1. Petr. 2. 4.

XXII. Quintò, Adstruitur eadem veritas non minus evidenter ex c. x. v. 10. 12. ubi Ap. ait, *nos hac voluntate Christi sanctificari per oblationem corporis Christi semel factam, & illum una pro peccatis oblata victimâ, in perpetuum consedis ad dexteram Dei*. Ex his enim liquet. Primò, Unius victimæ oblationem opponi sessioni *eis τὸ ἀνεκτίς*. At si oblatio Christi consisteret in jugi comparitione Christi ad dextram Dei pro nobis, non amplius foret *μία θυσία*, sed *θυσία* æquæ *eis τὸ ἀνεκτίς* ac ipsa ejus sessio ad dexteram Dei. Secundò, non ante consedis Christum ad dexteram Patris regnaturum in æternum quàm oblata unâ illâ pro peccatis victimâ, qui poterit verò oblatio hujus victimæ præcessisse sessionem Christi ad dextram Dei, adeoque ejus ascensionem in cælum, cujus illa fuit terminus ad quem, quin facta fuerit in ipsa passione & cruce. Neque aliud sibi vult idem Apost. c. 1. 3. quum testatur eum non prius ascendisse in cælum quàm *factâ per semet ipsum peccatorum nostrorum purgatione*, & c. 1x. 12. non ante ingressum esse in sacramenta quàm æternam Redemptionem adeptus esset. Scio regeret hic, istos Aoristos antea actum tempus connotantes junctos cum verbis non significare duo successivè facta esse, sed unum & idem simul & semel factum exprimere, ita ut idem sit, *factâ purgatione peccatorum nostrorum consedit*, quod *consedendo ad dextram Dei fecit purgationem peccatorum nostrorum*. Sed primò hæc responsio ipsorum placita convellit. Nam si Christus non minùs pro se quàm pro nobis offerre debuit ut pertendunt, quia infirmitatibus erat circumdatus, obtulit autem tantum quum ad dextram Dei consedit, quid aliud sequitur quàm Christum ad dextram Dei sedentem infirmitatibus esse circumdatum, & Christum moriendo præparasse se ut post resurrectionem & ascensionem in cælos à morte liberaretur? non diffitentur enim mortem præcipuum illud fuisse malum à quo sacrificio suo liberatus est quum illud pro se obtulit. Secundò, Aoristorum istam explicationem admittere non possunt loca laudata sine vi manifestâ, supponunt enim, ut vel intuenti patet, purgationem præcessisse sessionem, & quod Apost. dicit, purgationem peccatorum nostrorum *per se ipsum* (quæ verba perperam hic à V. V. omissa) fecisse, nihil aliud est quàm tradendo se in mortem, vel ut exponit Johan. sanguine suo purgasse nos ab omni peccato. 1. Joh. 1. 7. Tertiò, Expiationem peccatorum Christo ad dextram sedenti nunquam tribuit Scriptura, sed interpellationem Hebr. vi. 12 5. & Rom. vii. 34. quos duos sacerdotales actus licet indivulsos & inter se connexos, pessimè tamen confundunt: Præsentatio in cælo non est nova oblatio, sed tantum peracti sacrificii commemoratio, nec Christus

in Sancta Sanctorum per proprium sanguinem ingressus est ut ibi cum novo ritu funderet; sed ut & corpus morti traditum inferret, & Sacrificii vim & meritum repræsentaret.

XXIII. Instant, Apostolum ad Heb. x. 5. 9. de tali oblatione loqui quæ facta sit in ingressu quo abrogata sunt sacrificia Legalia v. 5. 6. 8. At ingressu Christi in mundum visibilem Legalia Sacrificia non esse abrogata. E. de ingressu in cælum intelligendam esse. Resp. Sed hoc commentum non ferunt verba Ap. quæ expressè adventum in mundum visibilem notant *quapropter*, inquit, v. 5. *ingrediens in mundum dicit sacrificium & oblationem noluisse*: Primò ex usu tritissimo Scripturæ nusquam ingressus in mundum aliud notat quàm incarnationem & nativitatem. Jo. 1. 11. 17. 19. & vi. 14. & ix. 39. vs. xvi. 28. & xvii. 18. & Heb. 1. 5. & alibi passim. Secundo ascensio Christi non potest dici ingressus, sed potius egressus & discessus è mundo. Jo. xvi. 28. Tertio, Mundus absolute positus nunquam de futuro, sed de præsentì intelligitur. Quarto, tunc ingressus est in mundum cum corpus illi aptatum est ut in illo faceret Patris voluntatem, patet ex vers. 5. & 7. *Ideo ingrediens in mundum dicit sacrificium & oblationem noluisse, Corpus verò aptasti mihi* & vs. 7. *Tunc dixi ecce venio in volumine libri scriptum est de me, facere voluntatem tuam o Deus, &c.* At corpus aptatum est Christo in terris per incarnationem & fecit voluntatem Patris cum se demisit ad mortem crucis Phil. 1. 8. Rursus, Aliud est loqui de ipso ingressus momento, aliud de toto illo intervallo quod fluxit ab incarnatione ad ascensionem; Primo quidem ingressus momento non fuisse abrogata damus, sed tamen abrogata fuisse primo illo adventu ad nos statuimus, quum sc. Corpus suum semel Christus obtulit quod vicem implebat omnium victimarum, Corpori enim umbræ & veritati figuræ locum facere debuerunt. Itaque adventus *ἐν πλάτει* sumendus est, non pro ingressu solo, sed pro toto intervallo quo in terris versatus est, præterquam quod non notatur ipsa præcisè abrogatio, sed tantum quod is fuerit finis adventus Christi. Tertio, Abrogatio duplex etiam vel *de jure vel de facto*, posteriori respectu secuta potest dici exaltationem Christi, non potuerunt enim absolute abrogari omnes cæremoniæ nisi post Evangelii præconium, quo earum vanitas & *εὐδεία* demonstrabatur; Sed priori omnino facta est in cruce, Cæremoniæ enim sunt cum Christo mortuæ, Cruci affixum ac deletum illud est Chirographum rituum. Col. 11. 19. Eph. 11. 14. ruptus est paries iste intergerinus, qui Judæos à Gentibus determinabat.

XXIV. Sextò, Argumentamur ex c. v. Epist. ad Eph. vs. 2. ubi Ap. docet Christum nos dilexisse & se ipsum pro nobis tradidisse *ὡς οὐδὲν & ὑπὲρ πάντων* *ὡς ὁ θυμὸς τοῦ οὐρανοῦ*, oblationem & sacrificium Deo in odorem suavitatis seu bonæ fragrantiae, ex quibus constat ex mente Pauli traditionem Christi pro nobis & ejus oblationem seu sacrificium coincidere, At Christus se ipsum tradidit pro nobis quum mortuus est pro peccatis Rom. 1v. 25. & viii. 31. E. & tum se ipsum obtulit. Neque hîc admittenda glossæmata hæreticorum, qui pertendunt non dici Chri-

stum se ipsum obtulisse Deo pro nobis quamvis multi crediderint, quia verbum *παρῶν* non sit coniungendum cum voce *προσφοράν* & hoc suadere tum ipsum verbum *ἐξεδόται*, cuius in victimis offerendis nullus fortasse usus invenitur, tum Apostoli mentem, quæ ea tantum fuit ut summam charitatem Christi exprimeret & aperte diceret quod se pro nobis in mortem tradiderit, quod non ita expressisset si dixisset Christum se obtulisse Deo pro nobis, cum quis possit se offerre Deo nec tamen mori: sensum E. loci esse Christum ita nos dilexisse ut se ipsum pro nobis in mortem tradiderit; deinde ut Ephesii ad singulare hoc facinus Christi imitandum magis accenderentur, per *appositionem* subiunxisse hanc Christi eximiam charitatem, hoc ipsius egregium opus fuisse oblationem & hostiam gratissimam, planè ut Phil. iv. 18. de beneficentia & eleemosyna Philippensium loquens dicit *eam fuisse in odorem suavitatis hostiam acceptam, placentem Deo*, itaque non de oblatione corporis, sed præstantissimi facti agi. sic Socinus & Volkel.

XXV. Sed impudentem istam loci corruptelam vel sola verborum inspectio evertit; Nam quum Ap. dicat se ipsum tradidisse *προσφοράν καὶ θυσίαν θείαν*, quis non colligat Christum se ipsum in oblationem & hostiam tradidisse? aut quæ alia *θυσία* & *προσφορά* hîc fingi poterit Deo facta, quàm sui ipsius, adeoque ea ipsa de qua toties ad Hebr. fit mentio? Nihil E. hîc opus ellipsim somnari, supplendam per hæc verba, nempe in mortem, quum sermo Pauli sit adeo planus, quo innuit, non *traditionem ipsam* fuisse oblationem illam & victimam, sed *Christum ipsam traditum*, unde non dubium est loqui, non de præstantissimi facti tantum, sed de ipsius corporis oblatione: ita divelluntur coniungenda, quasi verbum *παρῶν* à voce *προσφοράν* sejungendum esset, quum res ipsa doceat coniungendum esse, nec aliud verbum occurrat quo regatur; non dicit simpliciter *παρῶν*, sed *ἑαυτὸν παρῶν προσφοράν καὶ θυσίαν*, quæ vel nullum sensum habent, vel hunc, nimirum. Christum se ipsum in victimam & oblationem tradidisse: Non E. tantum innuere voluit Apost. Christum ita nos dilexisse ut se ipsum pro nobis tradiderit oblationem & victimam Deo. Et sanè si *Traditio* per *appositionem*, ut ipsi loquuntur *oblatio* dicitur, & traditio fuit corporis & personæ, non facti tantum, sed personæ ipsius oblatio intelligenda est, ut alibi passim mentio fit oblationis sui ipsius. Quod de verbo *ἐξεδόται* additur, rarum nimirum & insolitum esse ih. sacrificiis, impertinens est: nam verbum hoc sacrificiis brutorum V. T. applicari non potuit, siquidem bruta erant quæ trahebantur ad sacrificium, non verò ipsa se sistebant & trahebant sponte, At Christus se ipsum tradidit: Itaque Paulus hoc memorabile delictum attingere voluit inter sacrificium Christi & Levitica, atq; eò magis charitatis ejus præstantiam extollere. Quod verò subijcitur postremò de loco, Phil. iv. 18. nihil habet cum isto simile, nam beneficentia & eleemosyna Philippensium dicitur Paulo *ὁσμὴν δωδίας θυσία δεινὴ*, &c. sed non dicuntur Philippenfes se ipsos dedisse *ὁσμὴν δωδίας*, ut Christus dicitur se ipsum tradidisse, itaque peccata fallacia parium, nos & opera nostra sumus bonus odor, sed in Christo, quia *placens*

Deo

Deo propter ipsum, Christus verò quia placat ipsum Deum, ille per se, nos in ipso.

XXVI. Frustra Volkel. addit Paulum respicere ad sacrificia *pacifica* & voluntaria, non ad *hyllasticas*, illudque patere ex postremis verbis, *ὅσα μὴ* enim *ἰν ὁδῷ*, ipsi potissimum applicari. Nam falsum est odorem suavitatis applicari tantum pacificis, imò persæpe & expiatoriis, ut Gen. VIII. Noachi holocaustis post diluvium oblati & Exod. XXI. x. Sacrificio jugi, quod offerri debuit quotidie mane & vespere *In odorem gratum*, & passim de aliis cap. 1. & 10. Levit. Sic aptissimè denotatur placatio iræ Dei & conciliatio ejus benevolentia in fideles, quæ fuit fructus sacrificii ejus expiatorii, nam quum peccatorum nostrorum fœtor spiritualis nares divinas jugiter feriret, justitiaque ipsius tam graviter offensa esset, ut ab ira sua in nos effundenda temperare sibi non posset nisi plenissimâ quadam data Satisfactione, Christi sacrificio reatus nostri fœtor teterrimus ita abolitus est ex olfactu, ut ita dicam, justitiæ Divinæ, haud secus ac si nunquam fuisset, iraque ejus æstuans & inflammata omnino sedata & pacata fuit, imò in placidissimam amoris & benevolentia serenitatem desuit erga omnes hujus victimæ cruore perfusos. Secundò, perperam opponuntur conjungenda, *sacrificium expiatorium* & *pacificum*, utriusque enim veritas in Christi sacrificio deprehenditur, fuit enim & *propitiatorium* ad expianda nostra scelera, & *pacificum* seu impetratorium ad ea omnia consequenda beneficia quæ ex remissione peccatorum pendent: unde hic duo simul concurrunt, ut antea diximus, & *Satisfactio* & *meritum*, satisfecit enim merendo, & meruit satisfaciendo, obedientia ejus fuit *ἡμῶν* & *ἀνθρώπων* ad redemptionem à malo, & simul *δικαιώματα* ad acquisitionem boni. Rom. v. 18.

XXVII. Denique Christus dicitur in cælum ingressus ut in quietem suam. Heb. IV. 10. consummato salutis nostræ opere quod illi à Patre demandatum fuerat, ut testatur ipse Joh. XVII. 5. vs. XII. 28. E. debuit in terris prædictum sacrificium obtulisse, alias non posset verè profiteri omnia consummatum esse, si nihil dum perfectum fuit ex iis omnibus quæ agenda habuit. Neque hîc obstat debet perpetua functio sacerdotalis muneris quæ Christo in cælo peragenda quotidie incumbit, aliud enim est loqui de *acquisitione* & *merito*, aliud de *conservatione* & *applicatione* istius beneficii, hæc quidem debet esse continua, sed prior ita perfecta & absoluta in terris fuit, ut nihil jam vel addendum vel mutandum superlit. Quemadmodum divina rerum conservatio non efficit quo minus opus Creationis perfectum fuerit & absolutum sex primis diebus, neque quieti ad quam transivisse Deus dicitur die septimo intercedit, ita Christus post opus novæ creationis peractum *συνββατισμὸν* æternum ingressus est, in quo non acquirit vel applicat nova quædam beneficia quæ antea nondum acquisita fuerint, sed ea tantum applicari & conservari curat quæ pro nostra Redemptione olim est adeptus.

XXVIII. Ex quibus concludimus Christum, etsi non omnes Sacerdotalis muneris partes in terris impleverit, præcipuas tamen obiisse, potissimum verò sacrificium illud *ἱλαστικόν* quod pro nobis obtulit, adeoque mortem ejus non fuisse

præparationem quandam & antecedens ipsius sacrificii, sed propriissimè ipsum sacrificium : Neque nos à receptâ sententiâ dimovere debent quæ in adversum afferuntur rationes. Primò Christus inquit, *ut fieret misericors & fidelis Pontifex ad expianda peccata nostra debuit per omnia fratribus suis similis fieri, & tentari in omnibus similiter, absque tamen peccato*, Hebr. 11. 17. & 1v. 15. *E. debuit mortem experiri & alia ejusmodi mala prægustare antequam factus fuerit Pontifex.* Resp. Sed præter rem & scopum Ap. hæc adducuntur, loca non docent quando Christus factus fuerit Pontifex, sed qualis esse debuerit, requirebatur quippe Pontifex particeps carnis & sanguinis qui nobis assimilaretur in omnibus ut verè esset noster. ἵσχυος & ζωῆς sanguine conjunctus : Rursus requirebatur Pontifex qui ut ἐλεήμων posset συμπαθεῖν & quem in tentationibus nostris cum fiducia acclamare possemus : Ad utrumque hunc assequendum finem duplex illi nobiscum intercedere debuit similitudo, prima *essentia & natura* participando carni & sanguini, de qua vs. 14. 17. quæ eò spectavit ut posset esset *μοὸς ἀρχιερεὺς τὰ πρὸς τὸν Θεόν*, ad expianda peccata nostra, siquidem peccatum in eadem in qua admissum fuerat natura expiari debuit. Altera *infirmorum, temptationum & miseriarum* quas subire & experiri debuit, ut ita miseriis nostris promptius affici & nobis tentatis facilius opitulari posset, ad instar illius quæ dicebat apud Virg.

Haud ignara mali miseris succurrere disco.

Hæc verò omnia demonstrant quidem qualis esse debuerit, sed non per quid & quando factus Sacerdos : Deinde non in morte tantum vel post eam assimilatus nobis fuit in omnibus ; sed jam ante cum & carnem nostram passibilem assumpsit, & tentationes varias in diebus carnis suæ sustinuit, itaque non post tantum, sed jam ante eam cœperat esse Christus misericors Pontifex. 3. Non dicit Ap. debuisse assimilari in omnibus & quidem per tentationes & miseras ut *esset Pontifex*, sed ut *esset misericors & fidelis Pontifex*, unde ex verbis Ap. rectè concluderis Christum ante mortem non perpeßum esse omnes calamitates ex quibus plenè misericors Pontifex esset, sed non rectè inferes non fuisse ante mortem Pontificem. Neque vis faciendi in his verbis *ὥς γένηται ἀρχιερεὺς*. Nam præterquam quod non satis commodè à V. V. redduntur, *ut fieret* quæ melius vertuntur *ut sit vel ut esset*, aliud est esse misericordem Pontificem ex sensu infirmitatum, aliud esse simpliciter Pontificem; Christus quidem per afflictiones & miseras prius potuit obtinere, sed posterius antea habuit ab ipso vocationis momento. Porro quod dicitur factus misericors Pontifex ex sensu infirmitatum non simpliciter & absol. intelligendum, sed ὥς ἢ ratione notitiæ *experimentalis & effectivæ*, quo sensu dicitur didicisse obedientiam ex iis quæ passus est Heb. v. 8. non ratione *theoriae* tantum & *affectivæ*, hoc enim habuit semper ex constitutione naturæ.

XXIX. Secundò, Obj. Christus Sacerdotium non obiit antequam ei dictum fuerit *filius meus es tu, hodie genui te.* Heb. v. 5. Id autem tum demum factum fuisse quum cum Deus, à mortuis excitatum, Dominum & Christum constituit,

resta-

Patris. Accedit etiam & istud, quod Oraculum hoc Ps. referatur ab Apostolo non tam ad probandam resurrectionem Christi, quod facit expresse vers. 34. 35. laudato loco ex Ps. LXXXIX. 29. & Ps. xvi. quàm ejus exhibitionem & manifestationem in carne, quæ fuit promissio patribus facta.

XXX: Tertio, Obj. Hebr. vii. 4. *Si esset in terra ne Sacerdos quidem esset manentibus illis Sacerdotibus qui secundum legem offerunt dona ut qui exemplari deserviant & umbra rerum celestium.* Ex quibus colligitur ad Sacerdotium ejus constitutionem necesse fuisse ut in cælis consisteret, alioqui Sacerdos non futurus. Resp. Neg. consequ. neque enim si Christi exaltatio requirebatur ad continuationem & consummationem ejus Sacerdotii continuè sequitur requisitam fuisse ad ejus constitutionem; datus quidem Christum summum Pontificem ut Sacerdotium suum consummaret & compleret debuissè tandem cælos subire, ut Sacerdotes terreni continuaturi suum sacerdotium debebant ex atrio in sanctuarium transire, nam ingressus in Sacrarium fuit de necessitate & plenitudine Sacerdotii, & si ita loqui licet, scopus sacrificii, quippe non alio consilio Sacerdos offerebat extra sanctuarium quàm ut ingrederetur in sacrum, neque expiatio illa in alium finem instituta fuit, nec alia lege quàm ut, ingressus in sanctuarium, sisteret se peracto sacrificio coram Domino. Ita si Christus non ingressus fuisset in cælos, sed mansisset in terris, ne Sacerdos quidem esset quoad functionem, non absoluta actione sacerdotali, Quia verò in Christo qui Sanctus est sanctorum non potest officium à legitima functione officii sejungi, ex eo quod non fungeretur officio rectè inferri posset, ne officium quidem ei competere: Verùm et si Sacerdotium Christi in terris completum non fuerit, non sequitur non fuisse constitutum & verè inchoatum. Imò tantum abest ut Christus Sacerdos non fuisset futurus nisi in cælis esset, ut contrà in cælum non fuisset ascensurus, nisi jam Sacerdos constitutus fuisset, sic enim sub lege Aaronicus Sacerdos non constituebatur Sacerdos eo ipso quo ingrediebatur in sanctuarium, imò non habuisset jus intrandi, nisi jam & Sacerdotio confirmato & sacrificio oblato: Itaque duo ista confundi non debent quæ sunt diversissima, Christum in morte Sacerdotem nullo modo fuisse, & Christum si in terris mansisset Sacerdotem non futurum fuisse, istud enim consummationem Sacerdotii respicit, illud verò ejus primam constitutionem, hoc asserit Paulus, sed illud non item.

XXXI. Cæterùm ut vis Apostolica rationationis quæ obscurior videtur clariùs pateat, observandum Apostolum in eo esse ut probet Christum in cælos conscendisse & Sacerdotem cœlestem esse quod dixerat vs. 1. Ostendit autem ex eo quod si esset in terris adhuc *ne Sacerdos quidem esset, manentibus illis Sacerdotibus qui secundum Legem offerunt dona*, &c. ubi duæ rationes latent. Prima quæ petitur à personis. Secunda ab officio. A personis, nam quum Sacerdotium terrenum solis Levitis assignatum esset expresso Dei mandato, non potuit à Christo possideri qui ex alia tribu oriundus fuit. Heb. vii. 10. *Palam enim est à Juda exortum esse*

esse Dominum nostrum, cui tribui nihil de Sacerdotio locutus est Moyses. Ab officio. Quia non possunt simul de jure obtinere & exerceri duo illa Sacerdotia Leviticum & Christi, quia illud umbra & figura, illud corporis & veritatis rationem habuit. At Christo in terris manente, manere debebant Sacerdotes Levitici, quia quam diu veritas & res per typum figurata non est exhibita, tam diu umbram & typum manere necesse est: Christo autem manente in terris & non subeunte Sacrarium non poterat dici veritas perfectè exhibita, siquidem postremus Sacerdotii actus qui prioris est complementum & finis nondum accesserat, Ingressus scilicet in sacrarium: Unde colligit optimè Apost. quod si in terra adhuc esset Christus ne sacerdos quidem esset. Dices: At nonne in ipsa Christi incarnatione corpus umbrarum & veritas figurarum exhibita est, cur E. oportuit in cœlos conscendere ut cultus ille legalis & typicus abrogaretur? Resp. Damus Christo adventante exhibitum fuisse corpus umbrarum & veritatem figurarum, sed non sequitur statim abrogationem factam fuisse omnium: Primò abrogatio facta est de jure per mortem, ut diximus, sed de facto tantum & perfectè post resurrectionem & ascensionem. Quam diu enim verus Sacerdos in terris agebat, & nondum intulerat sanguinem in Sacrarium, tam diu oportuit typicum sacerdotem stato & solenni tempore ingredi Sancta Sanctorum, proindeque victimas immolare & sacrificia offerre, quia oportuit hoc pacto significari verum sacerdotem nondum introiisse in verum sanctuarium nempe Cœlum. Hæc est autem ratio *ἡ ratio ἡ ἱερωσύνη* & rei figurata, ut non cedat per partes figura veritati, sed per se totam, stare quippe debet tota figura donec in ejus locum veniat tota veritas: Itaq; duplex illa summi Pontificis functio immolandi extra Sancta Sanctorum, & ingrediendi in Sacrarium, non debuit cedere per partes actioni Christi offerentis se in terram & sistentis se in Cœlo, sed tota Sacerdotis actio toti Christi actioni decessit, unde sequitur tum demum sublatum esse Sacerdotium Leviticum quum Christus ingressus in Cœlum ultimam manum huic operi adhibuit. Et hoc ipsum testatur Ap. Heb. ix. 8. *Stetisse prius Tabernaculum quam diu verus Sacerdos non ingressus est Sancta Sanctorum.* Stante verò Tabernaculo stare debet & ejus cultus. At illo stante Christus Sacerdos esse non potuit quia duo Sacerdotia simul stare nequeunt, Neq; hic reponendum, sic sequi neq; Christum in terris offerre potuisse si Sacerdos esse non potuit alio stante Sacerdotio, nam aliud est perfici & compleri functionem sacerdotalem, aliud inchoari, non potuit quidem prius fieri stante cultu Levitico, sed nihil obstat quo minus veri Sacerdotis functio inceperit stante adhuc Sacerdotio typico. Deinde aliud est offerre in terrâ, aliud peractâ oblatione manere in terrâ. Apost. non dicit, si Christus obtulisset in terrâ non esset Sacerdos, sed si Christus mansisset in terrâ, si non confedisset ad dextram Patris ne Sacerdos quidem esset, non est enim Sacerdos qui cœpit, & non absolvit actionem Sacerdotalem.

XXXII. Quartò, Obj. Sacerdos noster debuit sublimior cœlis fieri. E. quod ad sublimior cœlis factus est Sacerdotem esse nostrum non decuit, nec porro fuit.

Prius

Prius patet ex Heb. vii. 26. *Talis nos decebat Pontifex pius, innocens, separatus à peccatoribus sublimior cœlis factus.* Resp. Sed nulla hîc consequē. Aliud est Pontificem nostrum debuisse sublimiorem cœlis fieri quia in cœlis peragenda quædam pro nobis habuit; Aliud est Pontificem non fuisse nisi postquam sublimior cœlis factus est, prius agnoscimus cum Apost. sed non posterius; sic Levitico Sacerdoti fuerunt quædam in sanctuario peragenda, quis tamen dixerit eum non fuisse Sacerdotem, quum ea quæ Sacerdotis sunt extra sanctuarium perageret? non E. quando cœperit esse Pontifex, sed quod Pontifex non debuerit manere in terris, sed oblatione facta sublimior cœlis fieri docet Apost., alias sequeretur etiam piū & impollutum non fuisse antequam cœlis sublimior fieret quod quā sit absurdum nemo non videt.

XXXIII. Quinto, Obj. Si Christus mortē suā oblationem & expiationem perfecisset, non opus fuisset ad eam peragenda se in cœlis denuo offerre, At opus fuit eum in cœlis denno offerri ad eam perficiendam, quia debuit se sistere pro nobis in Dei conspectu ad interpellandum Heb. vii. 24. quod fieri non potuit sine sui oblatione. Resp. Neg. min. etsi enim debuerit se sistere Christus coram Deo in cœlis, non hoc debuit ut oblationem inchoatam aut imperfectam perficeret, absoluta enim fuit, ut testatus est in cruce, sed tum ut veritas typō responderet, tum ut expiationem semel factam in terris per mortem; in cœlis quoque ratam faceret & applicaret per efficaciam intercessionis. Secundò, confunditur *ἡ παρουσία* Christi cum ejus *ἱερατεῖα*, Christus debuit quidem comparere coram Deo in cœlis ad intercedendum, sed non debuit propterea se offerre ad expiandum: & Apost. hoc ipso loco *apparitionem* ab *oblatione* manifestè separat; negat enim Christum apparere ut se sæpius offerat, E. apparitio non est oblatio ex mente Apost., oblatio fuit unica; sed apparitio est continua, oblatio cruenta, apparitio gloriosa, oblatio ad *ἱερατεῖαν*, apparitio ad *ἰνδοξιν*. Ex quibus jam liquet Christum non in cœlis tantum, sed & in terra verè Sacerdotem fuisse, & propriè dictam oblationem seu sacrificium in cruce peregrisse.

XXXIV. Queritur Secundò, An omnia V. T. sacrificia expiatoria fuerint typi sacrificii Christi, an quædam tantum? Adversarii ut facilius se expediant ab eo argumento quod petitur à sacrificiis istis expiatoriis, respondent non omnia hæc sacrificia Christum respexisse, sed sola publica & anniversaria à summo Pontifice oblata, & quorum sanguis in Sancta inferebatur, cætera verò spiritualia nostra sacrificia adumbrasse. Diserta sunt Socini verba p. 2. c. 9. *Quare quum non omnia sacrificia legis quavis pro peccato facta Christi morti tanquam imago veritati respondeant: non omnia mortem Christi figurabant, sed figura mortis Christi erant tantummodo sacrificia illa quæ publicè, & statim quibusdam temporibus fiebant, præsertim verò illud quod semel in anno summus Sacerdos in Sancta sanctorum ingrediens peragebat, &c. In hoc igitur sacrificio, ut dictum est, potissimum mors Christi, adeoque ipse Christus quæ Deo pro nobis Sacrificavit, adumbratus fuit. In cæteris verò sacrificiis quæ*

pro peccatis fiebant, non figurabatur Christi mors, sed tantum in summi Sacerdotis persona Christus ipse adumbrabatur, sacrificia autem ipsa spiritualia nostra sacrificia adumbrabant. Nostra verò sententia est, non solum anniversarium illud sacrum Christi sacrificium adumbrasse, quanquam non diffitemur illustrem præ cæteris fuisse ejus figuram, sed & cætera omnia sacrificia *ἱερά* quæ vel publicè pro omnibus, vel privatim pro singulis offerrentur, quod pluribus rationibus comprobare possumus.

XXXV. Primò, Quia tota Lex Cærimonialis typica fuit & figurativa Christi & beneficiorum ejus: Nam etsi variè fines fuerint istius dispensationis, tum ad distinctionem Judæorum à Gentibus, tum ad professionem notam, præcipuam tamen rationem typicam fuisse dubitare nos non sinit Apost. quum eam vocat Pædagogum ad Christum Gal. III. 25. & Christum ejus finem Rom. x. 4. Illam habuisse umbram Heb. x. 1. hunc verò esse corpus Col. II. 17. Et sanè ut Christus est fundamentum fœderis gratiæ, ita basis est totius Scripturæ, & centrum ad quod omnes revelationum lineæ confluunt, ut in illo promissiones omnes, ita & typi sunt etiam & Amen 2. Cor. I. 20. Sic scil. Deus Veteres Patres ad fidem venturi Messiæ erigere voluit & sermonibus & actionibus loquendo, ut ait August. ad Faust. non tantum promissiones ejus & oracula varia tradendo quæ rei certitudinem probarent, sed & typos & figuras complures oculis exhibendo, quæ modum & circumstantias varias tam admirabilis mysterii efficacius repræsentarent, ut ita umbris istis & picturis populus rudis adhuc & minorem veluti elementis quibusdam deduceretur ad bonorum cœlestium per Christum acquirendorum apprehensionem: hinc factum ut nihil in Christo impletum fuerit, cujus idea aliqua & exemplar olim non præxisterit, nihilque illustre & memorabile vel in personis vel in rebus vel in actionibus fuerit quod ad Christum non respexerit: ut E. in Sacerdotibus Sacerdotium ejus, ita in sacrificiis adumbrari sacrificium ejus debuit, totidem quippe fuerunt picturæ passionum Christi, & veluti coniones quædam, quæ populum & de miserâ peccati, & de remedio gratiæ in victima hac cœlesti consequendo commonefacerent: neque aliud vult Apost. quum passim ea omnia vocat in Epist. ad Hebr. *συνάγωγα, ἱερόσολος, ὑποτύπωσις, ἀντίτυπος*: c. VIII. 5. IX. 9. 23. x. 1. talibus enim titulis totus ille cultus Leviticus insigniri non potuisset, nisi rationem typi ad Christum habuisset.

XXXVI. Secundò, Omnes illæ victimæ & sacrificia fuerunt typi Christi, quæ per Christum sunt abrogata, nisi enim legalia illa ad Sacerdotium Christi se habuissent ut umbra ad corpus, Apost. non firmiter illorum abrogationem per hujus adventum demonstrare potuisset, typus enim per veritatem, umbra per corpus tollitur: facili enim excipere potuissent Judæi, unius positionem non inferre alterius destructionem: siquidem ista sacrificia Christum non respiciebant: At solidè Ap. ad Heb. argumentatur ab uno ad alterum & prius per posterius abrogari, firmis evincit argumentis, E. necesse est fuisse inter ea relationem typicam,

cujus ea est ratio, ut typus τῷ πρωτότυπῳ, & figura veritati cedere debeat. Tertiò, Si holocausta & sacrificia alia quæ in die propitiationum offerebantur mortem Christi figurabant, ut fatentur adversarii, nihil causæ dici potest eut eadem illa sacrificia, quum pro privatis aut quotidie offerebantur, eodem etiam non respexerint, idem enim utrobique fuit & finis & effectus, destructio nim. victimæ per sanguinis fusionem, & per eandem peccatorum expiatio & peccantium liberatio, neque discrimen ullum occurrit quod formalem rationem sacrificii in illo potius quàm in istis collocet.

XXXVII. Quartò, Sacrificia quotidiana & communia conferuntur cum sacrificio Christi ut figura cum veritate, E. non tantum in anniversario fuit præfiguratum, prius patet ex Apost. Heb. vi. 27. *Christus, inquit, non necesse habet sæpius offerre, quod semel se ipsum offerens.* Sic c. x. 11. *omnis quidem Sacerdos adstiterit quotidie sacra peragens, & easdem sæpius offerens hostias, quæ nunquam possunt auferre peccata, &c.* ubi duplex prærogativa Christi supra Sacerdotes Leviticos proponitur, prima quod illi quotidie offerrent, eadem iterando sacrificia sæpius, Christus verò semel; secunda quod illi pro se & pro populo, Christus verò pro nobis tantum, non autem pro se; quæ frustra dicerentur nisi Christus in sacrificiis istis quotidianis adumbratus fuisset: Duo hic reponunt. Primò, Adverbium *quotidie* non *singulis diebus*, sed sæpe vel certo quodam tempore perpetuo significare, *quotidie dicit, ait Soci., quum tamen id fieret à Sacerdotibus semel tantum in anno.* Secundò. In his locis sacrificium publicum notari, tum quia Heb. x. 3. 4. disertè commemoratur, tum quia Heb. vi. 27. mentio fit sacrificiorum quæ Pontifex non tantum pro populo, sed & pro se offerre debuerit, at nusquam legi summum Sacerdotem in sacrificiis quæ pro populo fiebant pro se offerre debuisse, nisi in sacrificio illo anniversario. Resp. Sed utrumq; falsissimum. Primò, Quis ferat audaciam hanc in os contradicendi Spiritui Sancto? Apost. ait hæc sacra offerri *quotidie*, isti verò *quotannis* interpretantur, quasi Apost. ubi de sacro anniversario agit non expressè istud distinguat c. x. 7. *ἀπαξ ἡ ἐνιαυτῷ μόνος δὲ ἀρχιερεὺς* & c. x. 3. *καὶ ἐνιαυτῷ* dicit sacrificia oblata. Secundò, Falsum est Pontificem nunquam in sacrificiis quæ pro populo fiebant pro se offerre debuisse nisi in sacro illo anniversario; nam Lev. iv. 3. 13. Sacerdos jubetur & pro suis, & pro populi peccatis offerre, quoties scil. sibi peccati erat conscius. Tertiò, non negamus mentionem fieri ad Heb. x. sacri anniversarii, sed non exclusivè ad cætera, quæ vel quotidie vel in certis quibusdam casibus offerebantur, imò satis expressè denotantur vers. 11. ubi mentio fit cujuscunque Sacerdotis qui quotidie adstet *λετέργων*, hoc E. vult Apost. unico Christi sacrificio peccata omnia nostra expiata fuisse, quæ neque publico & solenni quod semel in anno fiebat, nec privatis quibuscunque quæ quotidie offerebantur auferri poterant.

XXXVIII. Quintò, Sacrificia Agnorum *ἱλαστικά* in publico & solenni locum non habebant, sed in privatis tantum & ordinariis, puta sacrificio jugi & aliis.

At hæc tamen Christi sacrificium adumbrarunt, inde toties illi *Agni* nomenclatio tribuitur; non tantùm ratione *virtutum*, innocentiae, patientiae, humilitatis, &c. sed potissimùm relatè ad *sacrificium*, nam dicitur tollere peccata Joh. 1. 29, redimere nos sanguine 1. Pet. 1. 18. mactatus esse Apoc. v. 12. & xii. 1. 8. Neque hic vitiligatio Advers. admittenda, in nullo sacrificio quod pro peccato fieret agnum immolatum fuisse, sed tantùm agnam sive capellam pro peccato privati, Lev. 1v. 34. Nam primò in sacrificio jugi quis nescit agnos immolatos? at hoc erat *ἱλασμός*. Secundò in contaminationibus expiandis Lev. xii. 6. xiv. 2. Num. vi. 12. 14. unde dicebatur agnus ad reatum & delictum offerri. Lev. xiv. 12. Tertiò, Sive agnus sive agna fuerit parum refert, quum uterq; bene Christum referre potuerit. Huc pertinet etiam typus eximius Agni Paschalis, quem ad Christum respexisse & Paulus docet manifestè vocans illum *Pascha* nomen signi signato tribuendo metonym. 1. Cor. v. 7. & Petrus qui hujus Agni sanguine nos redemptos ait 1. Pet. 1. 18. ut Israëlitarum primogeniti asperzione sanguinis Agni à morte imminente per Abaddonem liberati sunt: Ita per sanguinem Agni istius *ἀπὸ τοῦ αἵματος*, aspersum non postibus & superliminari domus, sed in intimo recessu conscientiae 1. Pet. 1. 2. redimitur ab ira Dei & morte æterna: Quò respicit etiam quod Joh. xi. 36. impletum dicitur verè in Christo, quod de agno Paschali dictum fuerat, *os ei non confringendum esse*. Cæterùm duo hic notanda. Primò, in sacrificio isto Paschali fuisse aliquid extraordinarii quod à regulà postea præscripta in sacrificiis discedebat; unde quibusdam minùs propriè sacrificium dici videtur. Secundò, non fuisse tantùm *sacrificium* Exod. xi. 27. sed etiam *Sacramentum*, illud in immolatione agni, fusione sanguinis, asperzione ejusdem ad *σπλάνχνα*, istud in epulo & manducatione: notabat E. dupliciter Christum, Primò in sacrificio ut Victimam quæ Deo satisfacit, Secundò in Verbo & Sacramentis ut cibum qui animas nutrit, 1. ut offertur Deo ad expiationem, 2. ut offertur nobis ad applicationem, utrumque indicatur ab Apost. 1. Cor. v. 7. mactatus dicitur in *sacrificio*, & manducandus in *Epulo*.

XXXIX. Sextò, Cùm tam accuratè Spiritus S. totam hanc sacrificiorum doctrinam tradiderit, necesse fuit omnino gravissimam fuisse rationem tam operosi cultus instituendi, nulla autem convenientior reddi potest quàm typica sacrificii Christi repræsentatio; nam victimis istis piacularibus neque doctrina confirmabatur, neque fœdus percutiebatur, neque exemplum aut officii aut futuræ conditionis legem observantium proponebatur, neque ira Dei per se placabatur, ecquid enim vel ad fidem & pœnitentiam homini commendandam, vel ad gratiam Dei conciliandam necesse fuit tot victimarum sanguinem fundi ad ipem adoleri, carnes comburi? quasi Deus instar Jovis Homericì, nidore victimarum pasceretur Ps. 1. 13. sed reatus typicus morte ob peccata inflictà auferebatur; ubi quis non videat expressissimam victimæ cœlestis imaginem, quæ sanguine suo numen propitiare, & peccata nostra delere debuit?

XL. Septimò, Hinc factum ut omnia sacrificiorum hylasticorum genera ad Christum sæpe referantur in N. T. Primò, *Holocaustum* & *Fuge sacrificium Agnorum* quum dicitur *Agnus Dei tollens peccata mundi* Joh. 1. 29. & quidem in *presenti* ad continuam ejus vim notandam, & Agnus occisus ab origine mundi Apo. xii. 8. 11. *Vitula rufa* ex cujus cineribus aqua purgationis fiebat Num. xix. nam si sanguis *Taurorum* & *Hircorum* & cinis juvenca aspergens inquinatos sanctificabat quoad puritatem carnis, quanto magis sanguis Christi, &c. Heb. ix. 14. 111. Sacrificium pro peccato Heb. אִתּוֹ dictum, Græc. ἑὸς ἀμαρτίας, Deus misso filio in similitudine carnis peccati ἑὸς ἀμαρτίας, id. ut esset victima pro peccato, condemnavit peccatum in carne Rom. viii. 3. sic Heb. x. 5. 6. corpus Christi ejusque oblatio opponitur & succedit holocaustis & sacrificiis pro peccato, & Heb. xii. 12. Sacrificia illa pro peccato quorum corpora cremabantur extra castra, & sanguis inferebatur in sacrarium dicuntur in Christo impleta. 4. *Hostia pro delicto* qua דָּוָם dicebatur, quia Christus positus est דָּוָם Is. liii. 10. & peccatum est factus 2. Cor. v. 21.

XL I. Et sanè vel sola sacrificiorum istorum attentior paulò consideratio, si id nunc ageremus docere nos posset non alibi quàm in Christo querendum esse complementum: Quis non videat eum, in *Holocausto* totum se nulla sui parte reservata, nulla sui habita ratione, offerentem Deo maculè & generosè, inculpatum, & immerentem per Spiritum æternum, & summa vi charitatis igne verè cœlesti accensum & combustum, sistentem se coram æterno Patre ad cœli ostium & sanguinem suum circum Altare fundentem, ac passione sua & animæ effusione plenissimè Justitiæ Dei satisfaciensem, ita ut in hac oblatione ignita verè acquiescat Deus & odoretur odorem quietis? Ephes. v. 2. Heb. ix. 15. 14. Rom. v. 6. 10. Quis non agnoscat in *vitula rufa abjuga* eundem carnis infirmitate circumdatum 2. Cor. xiii. 2. & propter peccata in se recepta rubeis vestibus indutum Is. liii. 2. 3. Is. i. 18. licet ipse in propria persona nec peccati nec Satanæ jugo ulla ratione sit subditus; eum inquam eductum extra castra velut piaculum Heb. xii. 11. Job. xix. 17. 18. igne iræ divinæ combustum, sanguine tamen tabernaculum & cœlestia consecrantem & ex cineribus in mundo loco repositis, id. corpore occiso in cœlum illato *aquæ purgationis* efficientem per efficaciam spiritus cœlitus missi, quibus asperse conscientiæ ab operibus mortuis & mortiferis peccati purgantur Heb. ix. 14. 15. *Venit enim cum aqua & sanguine* 1. Joh. v. 6. & *dedit se pro Ecclesia ut eam sanctificaret lavacro aquæ in verbo* Eph. v. 26.

XL II. Quis denique non animadvertat ejusdem Christi morientis vestigia in sacrificiis pro peccato, illis vel maximè quorum caro extra castra comburebatur, & sanguis vel in Sacrarium inferebatur solenni illà expiationum die Lev. xvi. vel in Tabernaculum, cujus fiebat aspersio septies contra velum, & quo tingebantur cornua altaris thymiamatum Lev. iv. Nam & extra portam passus est Heb. xiii. & per proprium sanguinem in Sacrarium ingressus Heb. ix. 12. & x. In eo aliquid pretiosissimum fuit & sanctissimum Deo offerendum, nim. obedientia & Ju-

& Justitia propria, aliquid verò maximè exosum & detestabile quod ejiciendum & destruendum fuit, nim. peccatum nostrum ipsi imputatum. 2. Cor. v. 21. aspersio est septies facta quia perfecta fuit expiatio, & altaris aurei cornua verè inunxit, quia ejus intercessio sacrificii semel oblatis virtute semper peragitur? Rom. vi. 11. 32. Heb. ix. 12. & x. 12. Apost. certè non uno in loco hæc mysteria nobis aperuit, sed potissimum Heb. xi. 12. ubi docet Christum *extra portam passum ut sanctificaret populum*, & allusione concinnâ ostendit eos qui sacrificiis & ritibus templi Hierosolymitani adhuc adhærescunt, participes minimè esse posse fructus mortis suæ, quia extra hujus Templi septa quærendus est, in hoc enim Templo verum pro peccato sacrificium non est oblatum; Exire E. extra urbem & Templum umbraticum cultui destinatum necesse esse, neque retinendum externum Legis Moisaicæ cultum, ut redemptionem quam pretioso loco sanguine nobis comparavit Christus potiamur, denique alacri animo sequendum esse minimè impeditis curis hujus vitæ, quasi terræ hujus septis inclusi essemus, quia hîc fixam & permanentem non habemus civitatem, sed cœlestem expectamus, quæ omnia citato loco persequitur Apost. Possemus hoc ipsum in aliis plerisque sacrificiis sigillatim demonstrare, nisi brevitati consultum vellemus; aliàs forte fusiùs de hoc argumento disserendi sese dabit locus: Interim fixum manere debet & ratum, Christum Corpus fuisse omnium istarum umbrarum, easque non aliâ præcipuè de causâ institutas fuisse quàm tantisper dum adveniret tempus *diopdwtos*, atque ipse Sol justitiæ illucesceret. Inde Hieron. Ep. 103. præclaro hoc elogio Levitici librum in quo sacrificia hæc instituuntur ornat, quod singulæ penè ejus syllabæ *Cœlestia spirent Sacramenta*.

XLIII. Sed antequam hinc discedamus omittere non possumus illustrem quæ refertur à Mose historiam Exod. xxiv. de *fœderis dedicatione* variorum sacrificiorum oblatione peractâ. Cujus mysterium aperit nobis Ap. ad Heb. ix. 19. 20. &c. in ea enim si uspiam alibi, expressum veritatis quam quærimus occurrit documentum; Moses jussus à Domino, super altare extructum varia offert sacrificia, sanguinem victimarum partim ad Altare fundit, partim eo populum, Legis librum, Tabernaculum & vasa sacra conspergit, contestans hunc esse sanguinem fœderis quod Deus pangere volebat cum ipsis: quo peracto Seniores Israël qui antea dum promulgabatur Lex accedere erant vetiti, Deum Israël vidisse dieuntur ita ut non extenderit manum suam in ipsos, sed comederint & biberint in ejus conspectu, vs. 6. 7. 8. 10. Quæ omnia *μυστερίων* erant & typica. Primò quod fœdus illud dedicari debuit *sanguine* luculenter docuit fœdus Dei cum creatura peccatrice non posse pangi nisi interventu Satisfactionis quæ in sacrificiis illis expiatoriis adumbrabatur, unde alibi fœdus contraxisse dicitur *super sacrificiis* Pl. l. 3. ut in Abrahamo visum Gen. xv. 9. sed quod umbraticè tantum & typicè sanguis animalium præstabat, hoc verè præstat sanguis Christi, qui est fundamentum fœderis novi, unde *sanguis novi Testamenti* dicitur. Luc. xxiv. 20. Secundò, aspersus est:

est sanguis diversimodè supra *Altare, populum, Legis librum & Tabernaculum*, nata etſi nec de Legis libro nec de Tabernaculo expreſſam mentionem faciat Moſes, ſatis tamen ſubinnuit cùm ait altare fuiſſe ſanguine aſperſum, & poſtea librum aſſumptum v. 7. ſcil. ex Altari cui probabile eſt librum impoſitum fuiſſe cùm fieret conſperſio, unde Ap. Heb. 1x. 19. ex divina inſpiratione diſtinctè *libri conſperſi* meminit, ut & *tabernaculi* v. 21. analogiæ ſcili. & conſequentiæ ratione ex Lev. xvi. Ita aſperſio multiplex ſanguinis Chriſti fit, in *Cruce, Corde, Verbo & Cælo*. 1. eſt *Altaris* coram Deo ad *expiationem* quia iram placavit, & juſtitix ſatiſfecit. 2. *Populi* ad *remiſſionem & Sanctificationem* 1. Pet. 1. 2. Heb. 1x. 14. quia in iſto ſanguine pacis & juſtitix noſtræ ſons eſt & origo Eph. 1. 7. Ro. v. 1. 1. Jo. 1. 7. 3. *Libri legis* ad *promiſſionem & fœderis confirmationem*; quia in eo ut Lex eſt impleta, ita promiſſiones omnes fundantur 2. Cor. 1. 20. 4. *Tabernaculi* ad *conſecrationem* quia cultus noſter *λογικὸς* qui per Tabernaculum & vaſa designatur Deo acceptus eſſe non poteſt niſi in virtute Satisfactionis Chriſti in qua & perſonæ & opera noſtra Deo ſunt grata 1. Pet. 11. 7. vel quia ſanguine Chriſti via in Tabernaculum cœleſte nobis aperta eſt Heb. 1x. 23. x. 19. 111. *Effectus* notatur in acceſſu Seniorum Iſraëlis ad Deum, quem vidiffe dicuntur & comediſſe in ejus conſpectu v. 10. Ita virtute ſacrificii Chriſti, Deus qui alias hominem peccatorem à ſe repellit, quod per interdictum accedendi ad montem in latione Legis ſignificabatur, fit nobis ita propitiuſ & placatuſ, ut non modò nobis non ſit metuendum amplius ne moriamur, ut in veteribus olim viſum, ſed placidè poſſimus ejus conſpectu frui per fidem 2. Cor. 111. 18. & bonorum omnium communionem & uſum nobis polliceri If. lv. 1. 1. Cor. 111. 21. Atque hinc colligitur diſcrimen memorabile inter duo fœdera, *Legale* cujuſ ſpecimen datum fuit in *νομωθεσίᾳ* de qua Exo. xix. & xx. & *Euangelicum* quod hîc adumbratum eſt: Illud homines fugat & longiſſimè à Deo repellit Exo. xix. 12. Iſtud benigniſſimè vocat & proximè accedere facit Matt. xi. 28. Eph. 11. 13. Hebr. 1v. 16. Illud terret & conſternat Heb. x11. 19. 20. 21. Iſtud conſolatur & erigit If. lxi. 1. 2. Rom. vii. 1. 16. Illud ad *ſervitutem* inſtar *Agariſ*, Iſtud verò ad modum *Saræ* ad *libertatem* parit Gal. 1v. 24. 25. 26. Illud litera eſt occidens & miniſterium mortis, Iſtud ſpiritus vivificans & miniſterium juſtitix 2. Cor. 111. 6. 7. Sub illo *Dei Judicis* conſpectum & vocem homo reus ferre non poteſt, hinc illa populi vox, *Deus nos non amplius alloquatur ne moriamur*. Exod. xx. 19. ſub iſto *Dei Patris* vocem intrepidè poſſunt filii excipere, & ejus gratioſo & ſalutari conſpectu frui, Exod. xxiv. 10. 11. Pf. lxxxv. 9. Jo. xiv. 9. & 1. Jo. 1. 1. Sed de hiſ ſatis.

XLIV. Ita aſſertâ ſententiæ noſtræ veritate, ſubjiciendum paucis quid afferant ad confirmationem ſuæ Adverſarii: Sic verò illi arguunt, Rem adumbrantem, rei adumbratæ reſpondere oportet, Atqui ſacrificia privatorum quæ pro peccato fiebant Chriſti morti non rectè reſpondent: Chriſtus enim pro omnibus eſt mortuus, idque ex Dei ipſiuſque Chriſti ſolâ voluntate ac decreto, abſque ullo

eorum pro quibus mortuus est assensu antecedente, & non pro uno quopiam peccato, sed pro omnibus peccatis est mortuus: Privatorum autem illa sacrificia non solum pro omnibus non offerebantur, sed neque etiam pro omnibus illorum privatorum peccatis, sed pro uno quopiam singulorum peccato, idque non sine antecedente voluntate uniuscujusque. Sacrificia igitur pro peccato in quibus Christi mortem adumbratam fuisse dici potest, ea erant quæ ab ipsa tantum Dei ordinatione pendebant, & à summo Sacerdote stans quibusdam temporibus, nullâ populi expectata voluntate, pro universo populo offerebantur, præsertim verò anniversarium illud, alia verò, sacrificia nostra spiritualia melius adumbrabant. *Socin. prælect. c. 23.* Duabus E. de causis potissimum statuunt mortem Christi in illis non fuisse adumbratam, Primò quia non fuerunt præstita pro omnibus peccatis universi populi, sed pro uno tantum. Secundò, quia populi voluntatem requirebant præcedentem, ideoque non tam *Sacerdotis* quàm *populi sacrificia* erant, & melius sacrificia nostra *spiritualia* quàm Christi sacrificium quod solius Dei & Christi voluntate peractum est, repræsentabant.

XL V. Verùm nihil hîc est quod negotium facessere nobis possit aut debeat. Primò, non negamus in sacro anniversario præstantissimam & præ cæteris illustrem fuisse sacrificii Christi figuram, quod in causâ fuit procul dubio ut toties Apost. ad illud respiceret, sed non sequitur propterea in aliis nullam fuisse: notum enim unius ejusdemque rei varios & diversissimos esse typos, ut multiplex ejus perfectio secundum varias ejus *gloriarum* & aspectus repræsentetur, quæ in unâ aliquâ picturâ reddi non potuisset: hinc tot tamque varæ figuræ unius Christi occurrunt sub V. T. multiplices umbræ unius corporis, diversissimi typi unius veritatis, quia plura fuerunt in ipso & quoad personam & quoad officia & beneficia, quoad passiones & gloriam, mortem & vitam, quàm ut uno aliquo typo adæquato repræsentari possent; sed ita tamen varii illi typi spectandi sunt ut non seorsum, alias plena rei veritas non haberetur, sed simul & conjunctim considerentur, ut quod in uno deest ex altero suppleatur. Quum E. Sacrificium Christi perfectissimum sub diversa *gloria* spectari possit, & quæ pro omnibus in universum omnium peccatis offerendum fuit, & quæ pro singulis ejusque, tam pro iis quæ per errorem & imprudentiam admissa sunt, quàm pro ultionis & voluntariis quæ sunt *ex peccatis*; ideo pluribus figuris opus fuit, ad hoc mysterium quantenus demonstrandum, & quemadmodum in publico & anniversario efficacæ ipsius amplitudo & extensio ad omnes clariùs demonstrabatur, ita in privatis, applicatio ejus ad singulos expressiùs patuit: Propterea non bene infertur Christi sacrificium pro omnibus fuit, E. in privatis quæ pro singulis offerebantur Christus adumbrari non potuit: Ita enim Christus pro omnibus mortuus, ut pro singulis suis, & ita fideles in communi *lucis* illius participant, ut specialiter unusquisque vim ejus ad propriorum peccatorum expiationem referre debeat & possit.

XL VI. Secundò. Etsi quædam discrimina occurrunt inter sacrificia priva-

torum & Christi, ut quòd illa antecedente consensu populi & voluntate offerrentur, istud non item, non obstat tamen quo minus typi fuerint, similitudo enim talis non est quæ omnimodam conformitatem inferat, sed tantum partialem, cum typi illi omnes fuerint inadæquati qui objectum alterâ tantum sui parte, non per omnia repræsentabant, ideo mirum non est si multiplex sæpe occurrat diversitas; quod & in sacro illo publico ostendi potest, in illo multæ erant hostiæ, hinc una, ibi aliæ à Sacerdote, hinc idem Sacerdos & victima, ibi quotannis iterabatur oblatio, hinc semel facta, Sacerdos pro se, Christus tantum pro nobis, aliud erat holocaustum, aliud pro peccato, aliud *ἱλαστικόν*, aliud pacificum, hinc utrumque habemus, unum Sacrificium Christi veritatem omnium continet, & est loco omnium. Tertiò, Voluntas offerrentium sacrificia nihil tollit de sacrificio, quo minus aut sacrificium, aut inter figuras Christi esse possit: nam ea non minùs debuit adesse & respectu Sacerdotis & respectu populi in sacro anniversario. Quartò, falsum ea à populi voluntate pependisse, non verò à Dei præscripto, nam ab expressa Dei ordinatione fluebat tam horum, quàm illorum, publicorum & privatorum institutio, nec ideo populi magis dicenda quàm Sacerdotis sacrificia, populus quippe per Sacerdotem, Sacerdos nomine populi *λατρείας ἑπὶ πλεί*. Quintò, non negamus ista sacrificia *secundariò λογικὴν λατρείαν* fidelium respexisse, sed ita ut *primariò* ac principaliter ad Christum deduxerint verum peccatorum *ἱλασµόν*: Nec novum est typum unum rebus diversis subordinatis applicari, ut *Tabernaculum* & Templum & Christi humanitatem adumbravit Joh. 1. 14. Col. 1. 19. Heb. 1x. 11. & *Ecclesiam* Eph. 11. 20. 1. Tim. 111. 15. & *singulos fideles*. Eph. 11. 21. 1. Cor. vi. 19. & 2. vi. 16. & *Cælum* Apoc. xxi. 2. Heb. 1x. 8. Sic sacrificia fuerunt *specula miseria* & debiti per peccatum contracti Col. 11. 14. Heb. x. 2. 3. Secundò, *pictura misericordia* Dei, & meriti per Christi obedientiam & mortem ad salutem acquirendi Heb. 1x. 13. 14. & x. 5. 6. Tertiò, *tabula officii* & cultus Deo exhibendi Rom. xi. 1. miseriam aperiebant ad humilitatem, remedium gratiæ proponebant ad consolationem, & gratitudinem docebant ad sanctificationem, sed prima & potissima relatio fuit ad Christum, sine quo & miseria frustra detecta fuisset, & vitæ sanctitas incassum præscripta: Conclusum E. esto, in sacrificiis istis omnibus Christum latuisse, nullamque vim qualiacunque demùm fuerint, nisi ab ipsius morte, in qua complementum suum assequi debebant, habuisse.

C O R O L L A R I A.

- I. Datur notitia Dei naturalis quæ tamen non est salutaris.
- II. Præscientia Dei non est rerum causa.
- III. Imagines SS. Trinitatis, nec effingere nec effigies colere licet.
- IV. Mundi Creatio ex nihilo, non tantum claris Scripturæ testimoniis, sed etiam ex recta rationis lumine potest demonstrari.

V. Quæ

V. *Qua de mundi immutatione & innovatione dicuntur in Scriptura, non intrinsecè & quoad substantiam, sed extrinsecè & quoad accidentia sunt intelligenda.*

VI. *Electiois decretum ita est gratuitum ut citra omnem vel mortis Christi antecedentis vel fidei & operum praevisionem factum sit.*

VII. *Determinatio voluntatis ab intellectu, cum natura rationalis libertate non pugnat.*

VIII. *Distinctio boni & mali moralis, non tam pendet ex voluntate & mandato, quàm ex natura ipsius Dei.*

IX. *Transubstantiationis Pontificia monstrum, non tantùm Scriptura adversatur, sed etiam sanioris Philosophia fundamenta convellit.*

DISPUTATIO NONA

Quæ Septima est

D E

SATISFACTIONIS CHRISTI VERITATE.

Respondente JOH. GEORGIO MULLERO Lausannensi.

THESIS PRIMA.



DIXIMUS antea quatuor potissimum quæri inter Nos & Socinianos circa collationem Satisfactionis Christi cum sacrificiis V. T. 1. An Christus in terris fuerit jam Sacerdos & propriè dictum Sacrificium obtulerit, an demum in cœlis post Ascensionem? 2. An omnia Sacrificia ἱλαστικά Vet. Test. typi fuerint sacrificii Christi, an quædam tantùm? 3. An Sacrificia vetera pro levibus peccatis duntaxat oblata sint, an non etiam pro gravioribus? 4. An ullam vim veram habuerint expiandi peccata? De duabus prioribus quæstionibus actum fuit novissimè; superest ut de duabus posterioribus disputemus.

II. Ut verò à prima ducamus initium, quæritur inter Nos & Socinianos, an Sacrificia V. T. pro levioribus tantùm peccatis oblata fuerint, putà ignorantibus & infirmitatibus, non verò etiam pro gravioribus & ultroneis? Adversarii enim, ut faciliùs elevent vim argumenti nostri pro Satisfactione Christi à Sacrificiis veteribus ducti, statuunt non pro omnibus, sed quibusdam tantùm peccatis oblata esse,

esse, ideoque non potuisse hoc ipso satisfactionem Christi quæ pro omnibus peccatis facta supponitur adumbrare : Sic ergo sentiunt Sacrificia V. T. non pro gravioribus peccatis oblata fuisse, sed pro levioribus tantum, quæ scilicet vel per ignorantiam vel per errorem admitterentur, pro aliis autem nullum sacrificium fuisse institutum, sic Socin. de Serv. p.2. c.xi. Veruntamen, quia sacrificia illa levem quandam Dei obedientiam continebant, ut pro levibus duntaxat quibusdam peccatis offerrentur à Deo instituta fuerunt ; quæ scilicet per incogitantiam, & errorem admitterentur ; Quod si pro quibusdam etiam voluntariis, sive ut vocant ultroneis peccatis sacrificia instituta fuerant, sola sacrificia non expiabant, sed ad expiationem peragendam, proximo etiam qui in iis peccatis latus fuerat cumulâtè satisfaciendum erat, ut videre est in lege sacrificii pro peccato ultroneo Lev. 6. Pro peccatis autem gravioribus nullum sacrificium à Deo institutum fuerat. Volkel. lib.3. cap.38. non aliter, sacrificia illa non expiabant flagitia quæ verè ac propriè peccata sunt appellanda, sed externas quasdam corporis labe & lapsus ex ignorantia imbecillitateque profectos. Ad ea enim quæ gravia nefandaque facinora erant, quibus sese homines per superbiam, vel contumacis animi pervicaciam contra divinam legem adstringebant delenda, nullam vim habebant. Nostri verò longè aliter : Etsi fateantur quædam esse peccata pro quibus nulla sint vel instituta vel oblata sacrificia, puta illa quibus expressa aliqua legis sanctione mors infligenda fuit à Domo iudicii, ut fuerunt idololatria, adulterium, incestus, homicidium, sabbathi violatio, falsus propheta, incantator, filius rebellis &c. aut ea quibus edicto legis poena excidii statuebatur, ut si quis adipem animalis quo oblato ignita facta esset Lev. vii. 25. vel fermentum die paschatis comedisset, Exod. xii. 15. Lev. xxi. 29. & alia complura ejusdem generis. Etsi inquam hæc ultrò agnoscunt, pertendunt tamen in cæteris, sacrificia istiusmodi, non pro quibusdam levioribus tantum, sed pro gravioribus etiam oblata fuisse, non quòd propriè vim ullam per se habuerint talia peccata expiandi, sed quia veram & propriam expiationem in sacrificio Christi olim peragendam ut typi adumbrabant. Rationes cur ita sentiant variæ sunt.

III. I. Quia sive Sacrificia publica sive privata attendantur patebit non pro certis quibusdam levioribus fuisse oblata, sed vel pro omnibus ut publica, vel pro ultroneis etiam gravioribus ut privata ; de Publicis res manifesta est, non tantum quia sacrificia hæc dicuntur indiscriminatim pro peccato *עֲוֹנוֹתֵינוּ*, sed etiam quia nota universalis additur, ut in festo anniversario expiationum : Levit. xvi. 21. 22. *Imponet Aaron binas manus suas super caput viventis istius hirci & confitebitur* *אֵת כָּל עֲוֹנוֹת בְּנֵי יִשְׂרָאֵל וְאֵת כָּל פְּשָׁעֵיהֶם לִפְנֵי ה' Omnes iniquitates filiorum Israel & omnia delicta ipsorum, &c. Ita portabit hircus supra se omnes iniquitates filiorum in terram desertam.* Inde Ap. dicit in genere peccatorum fieri *ἀναμνησιν* in sacrificiis illis quotannis Heb. x. 3. Quomodo verò vel Moyses vel Paulus peccatorum meminerunt in genere, & ille quidem omnium iniquitatum & prævaricationum, si pro levibus tantum putà ignorantius, erroribus & infirmitatibus quæ carnem potiùs

quàm animam polluerent ordinata fuerunt? Nam quod omnia hæc peccata referri volunt tantùm ad ea quibus à Deo expiatio in lege concedebatur, expressis & peculiaribus constitutionibus de iis factis, exceptio est de lege, sed non ex lege, ideoque absurda.

I V. I I. Accedit & illud quòd non tantùm omnes iniquitates expiandæ dicantur, sed peculiariter omnia peccatorum nomina recenseantur, non modò peccatum כשגה per errorem admissum, sed & alia omnia quæ sub nominibus חטא, עשה, פגע, פשעים, עוונות veniunt. vide Lev.v.20. & xvi.16.21. iv. 3. vi.2. & alibi passim, istis enim vocibus nemo nescit gravissima & maximè ultronea peccata designari, quæ non facta sint ἀνεπίως ut lxx. vertunt quod dicitur כשגה, sed libenter & cum quadam animi perveracia & superbia; sic עשה usurpatur Levit. xvi.24. de petulantissimis libidinibus Chananæorum: Ezech. xxi.3.4. de Idololatria & ix.7. de homicidiis; עשה notat pertinacissimam rebellionem: i. Reg. xxi.12. עשה vituli aurei idololatriam: Exod. xxxii.31. & gravia illa peccata propter quæ immissa est captivitas Babylonica Thren.1.8. 17. maledicentiam Simeï: 2.Sam.xix.20. superbam enumerationem populi per Davidem factam: i.Paral.xxi.5. & in genere omnes prævaricationes quæ captivitates varias in populum accersiverunt Daniel ix.5. cum E. peccata pro quibus sacrificia offerebantur istis omnibus vocibus reddantur & nulpam restrictio sit adhibita; imò expressè extendatur sacrificiorum expiatio ad quævis peccata, injuriam fecerit Spiritui Sancto qui ad certi generis peccata restringere voluerit.

V. I I I. Sed fortius adhuc id evincitur ex peculiari enumeratione peccatorum variorum pro quibus sacrificia privata instituta legimus, ea enim talia sunt quæ non ignorantis tantùm aut leviusculis peccatis sint accensenda, sed ultroneis & gravibus; sanè alterius blasphemiam dissimulare, temerè jurare, res sacras intercipere, pejerare de deposito, facere vim proximo, & dolosè cum ipso agere, talia sunt quæ veris & propriè dictis peccatis & quidem atrocibus annumeranda sunt, Interim tamen pro istis omnibus sacrificia instituta legimus: Lev.v.1.2.4.5. & vi.2.3.5. imò universalius adhuc Num. v.6.7. *Vir aut mulier quando fecerint כל חטאת אדם. Quodcunque peccatum hominis transgrediendo contra Jehoyam anima ipsa rea est* atque ei præscribitur sacrificium. Ex quibus luce meridiana clariùs liquet falsissimam esse hanc Adversariorum hypothesim, & pro omnibus in universum peccatis iis solùm exceptis quæ capitali supplicio plectenda erant ut jamjam dicemus, oblata fuisse sacrificia. Neque hîc audiendus est Adversarius lib.2. c.12. qui fatetur quidem pro quibusdam ultroneis peccatis Sacrificia fuisse instituta, sed addit 1. ideo id factum quia proximè accedebant ad ea quæ per imprudentiam admittebantur, quia in iis contumaciter adversus Deum non peccabatur, sed fragilitate humana & perverso atque inveterato quodam usu, quo unusquisque bona alterius ad se si poterat sub aliquo ignorantie vel justitie prætextu trahebat & rapiebat, nec alia de causa peccata vocari hominum & quæ facere solet homo: Lev.vi.

3.7. Num.v.6. 2. sola sacrificia hinc non expiasset, sed ad expiationem poenâ quâdam proximo etiam qui in eis peccatis læsus fuerat cumulata satisfaciendum fuisse, ut videre est in Lege sacrificii pro peccato ultroneo Lev. vi. Nam quod ad primum attinet & turpiter sibi ipsi contradicit, & ipsi naturæ rei aperte adversatur, paulò ante enim factus fuerat esse ultronea peccata, & jam ad ignorantias pertinere ait; ex ipsius hypothese nihil potest esse voluntarium quod fit per errorem, deinde quis existimaverit rapinam, violentiam, furtum, perjurium, &c. quæ hinc notantur peccata, fragilitatibus & ignorantis accensenda esse? quis non videt contra in his hominem non invitum nec ignorantem planè sed interpositâ deliberatione & consulto peccare? neque contrarium suadet quod dicuntur hæc esse peccata quæ *facere soles homo*. Tantum abest enim ut hæc inveterata peccandi consuetudo tolerabiliore peccatoris reddat conditionem, ut potius eam multum aggravet, quia non subito impetu, & per subreptionem facta sunt, sed ex vitioso habitu & inveterato peccandi usu. Alterum verò illud quod reponit, non melius solvit nolum, nam restitutione ablati damnum quidem proximi sarciri potuit, sed non potuit peccatum quatenus ad Deum refertur expiari, hæc enim peccata & proximum & Deum lædebant, ut taceam perjurium esse ex iis sceleribus quæ immediate Deum offendunt, & contra divinam ejus majestatem perpetrantur.

VI. IV. Confirmant hoc ipsum exempla varia sacrificiorum pro gravibus peccatis oblatores; Grande nefas & scelus fuit illud procul dubio quo Israëlita contra Moysen & Aaronem murmurantes præsentissimum exitium in capita sua acceptiverunt, Aaron tamen jussu Moysi stans medius inter mortuos & viventes accepto thuribulo expiat populum & plagam divinam jam inchoatam cohibet. Num.xvi. 45. 46. 47. &c. Nec minus grave peccatum Davidis cum numeravit populum, propter quod universus populus pestiferâ plagâ affectus fuit, sed & hoc etiam sacrificiis expiatum legitur: 2.Sam. xxv. 24. 25. *edificavit altare Jehova, obtulitque holocausta & pacifica & placatus est Jehova terra, ac cohibita est plaga ob Israël*. Sic quando homicida ignorabatur urbs vicina purganda fuit sacrificio, ne reatus tanti sceleris populo imputaretur Deut. xxi. Ita innumeris aliis in locis quoties Dei ira adversus hominum peccata concitata placatur sacrificiis, toties innuitur sacra hæc non pro quibusdam tantum, sed in genere pro omnibus nisi quæ excepta fuerint in Lege, facta fuisse.

VII. Obj. 1. Sacrum anniversarium non pro omnibus in universum peccatis sed pro ignorantis tantum oblatum fuisse teste Apost. Heb. ix. 6.7. *in secundum Tabernaculum semel in anno ingreditur solus Pontifex, non sine sanguine quem offert pro se ipso & pro populi ignorantis*, *ἀπὸ τοῦ λαοῦ ἀγνοήτων*, verbum autem ἀγνόημα exprimere eleganter vocem Hebr. *תוהו* quâ usus est Moyses cum de peccatis ageret pro quibus expiatio concedebatur; Eam autem significare ubique errorem, & ignorantiam sive peccatum quod non à cordis malitiâ, sed ab incogitantia & imprudentiâ proficiscitur; probari hoc manifestè ex Num.xv. 25. ubi Moyses de-

sacrificiis istis loquens ea refert tantum ad errores. *Expiabit sacerdos universam congregationem filiorum Israel & condonabitur illis quia error est.* Resp. Sed nihil est hic tamen quod errori faveat. Nam etsi pro ignorantibus offerre dicatur Pontifex, non sequitur cum pro peccatis gravibus non obtulisse, 1. quia *ἀγνοῖα* nomen est generale quod quibuscumque peccatis etiam gravibus recte competit, nullum enim peccatum est qualecunque demum sit, quod ex errore & ignorantia aliqua non committatur, si non *absoluta* & *theticā*, saltem *relativa* & *hypotheticā*, nam cum voluntas malum sub ratione mali appetere non possit, ut apud Philosophos est in confesso, si peccatum sestatur aliquod, necesse est, ut sub specie boni illud ab intellectu præmonstratur, non potest autem malum sub idea boni offerri sine errore; Itaque nunquam peccat voluntas quin simul & semel erret intellectus; Nec tamen propterea discrimen omne tollitur inter peccata ignorantia & malitia quæ contra scientiam vel conscientiam admittuntur; Distinguenda enim duplex cognitio ut & ignorantia, Theoretica una, altera Practica, illa quæ scimus vel ignoramus rem esse & quid sit, ista quæ rem cognoscimus, vel ignoramus ut expectandam vel fugiendam quæ Ethica bene dicitur: Jam qui peccant ex ignorantia destituuntur omni cognitione tum Theoreticā tum Practicā, qui verò ex malitia, non carent sanè cognitione Theoreticā, & propterea contradistinguuntur ab ignorantibus, iis scilicet, qui labuntur ex ignorantia absoluta & simplici, sed destituuntur semper cognitione practica vel absolutā vel comparatā; alias nunquam peccare possent, ut servus ille malus noverat Theoreticè quæ esset heri voluntas, non noverat practice eam esse faciendam. Rursus cognitio practica bifariam spectari potest vel in thesi vel in hypothesi, vel absolutè vel comparatè; prout duplex judicium intellectus practici, aliud primum & absolutum, aliud ultimum & comparatum, illud quod rem considerat absolutè & in se, istud quod eam spectat relatè ad suas circumstantias, prout res est mihi hic & nunc vel bona vel mala; qui peccant contra conscientiam habent quidem cognitionem practicam absolutam, sciunt enim rem esse malam in se & fugiendam, sed carent cognitione practica comparatā & hypotheticā, quia licet in iudicio primo intellectus practicus judicaverit eam esse malam; tamen cum ad comparationem ventum est & ad *ἑκείνης* variis, & temporis & loci & personæ, judicat idem intellectus melius hoc esse sibi hic & nunc, verbis gratia mundum sequendum esse potius in deliciis, quàm Christum cum cruce, adulterium, fornicationem, furtum, &c. dulciora esse carni quàm exercitium virtutum Christianarum; pari plane pacto quo apud Poëtam Medea dicitur videre & probare meliora, sed deteriora sequi. Hic verò cum sit crassissimus error idemque gravissimus sequitur nullum esse peccatum etiam quod contra conscientiam & ex animi malitiā admittitur quod non factum sit ex errore, adeoque bene omne peccatum ignorantiam dici posse.

VIII. Sed ut plenius hoc ipsum confirmetur, libet & Philosophiam ipsam & Scripturam audire; Philosophus sanè disertè hoc proficitur lib. 3. Ethic. cap. 2.

ἀγνοεῖ μὴ πῶς ὁ μοχθηρὸς ἀδὲν παρὰ τὴν, καὶ ὧν δὴ ἀφεκτικὸν καὶ ὅς τινος τοιαύτων ἀμαρτιῶν, ἀδικοὶ καὶ ὅλως κακοὶ γίνονται: Ignorat quidem improbus omnis quamquam sine agenda & à quibus abstinendum, injustique & omnino mali ex eo errore nascuntur. & paulò post addit ἀγνοοῦν τὴν ἐν θεωρίᾳ ἀγνοῦν τὴν κατ' ὅλως αἰτιαὶ ἵνα & καὶ ἡ ignorantiam qua est in intellectu practico, & ignorantiam universalem causam esse vitii, vocat ignorantiam κατ' ὅλως quæ non oritur ex ignorantia facti, hæc enim excusat, sed ex ignorantia juris, hinc alibi dicit malos decipi, quia inquit ἰδὼν φαίνεται αὐτοῖς ἀγαθὸν, ὃ καὶ οὐκ ἔστι, videtur ipsis bonum licet non sit. Huc facit etiam illud Socratis, presente scientiâ non peccatur, & Scholasticorum Axioma omnis peccans est ignorans. Sed ne quis dicat mysteria fidei hic à nobis ad Philosophorum Canones exigì, (licet suum etiam sit pondus Philosophiæ sanæ & sobriæ ad illustrationem dogmatum Theologicorum, verum enim vero non contradicit, imò sibi ipsi lumen afferre potest) audiamus ipsam Scripturam, hic verò pro nobis apertè facit; impios enim omnes stultos & ἀνοήτους vocat Psal. xiv. 1. 7. 22. & viii. 5. & ix. 4. 1. Tit. ii. 2. Cacos, Tenebras, Eph. v. 8. & iv. 18. qui peccant ex ignorantia obtenebratum habentes intellectum, qui Deum nec noverunt nec viderunt: 1. Joh. iii. 6. Quomodo verò hoc verè dici posset, nisi peccatum ipsorum qualecunque sit, cum errore & ignorantia aliqua semper conjunctum esset? huc pertinet etiam quod peccatum primum *deceptio* vocetur ab Apost. 1. Tim. ii. 14. nam deceptio omnis errorem supponit, & quorsum pertinebant rationes Diaboli per serpentem loquentis nisi ut deciperet? adeo non potest invadi arx voluntatis nisi capiatur primo intellectus veluti propugnaculum, sic Salomo Prov. xiv. 22. *Errant qui operantur malum*; nec aliud docent ipsæ voces ἁμαρτία apud Hebræos, & ἀμαρτίαν apud Græc. quæ à scopo aberrare & deviare significant, quia nullum est peccatum in quo non sit quædā aberratio à vita ad mortem, à Deo ad mundum, à cælo ad terram, à beatitudine ad exitium.

IX. Hinc patet sine ratione Adversarium ex eo quod Pontifex offerret pro ignorantis & erratis colligere voluisse pro gravibus peccatis non obtulisse, siquidem vox est generalis, quæ omnibus indiscriminatim peccatis rectè tribuitur; unde apud LXX. ἀγνοία idem est quod ἁμαρτία & ἁμαρτία quæ voces etiam atrox scelus & delictum significant, item id ipsum est quod ὑπερβασία transgressio & rebellio, sic ὑπερβασία de peccatis in genere imò de gravioribus dicitur: Psal. cxix. 21. *perdis superbos maledictos* מְבָזִי אֲבִירִי Aberrantes à præceptis tuis: & cxix. 118. Prov. xix. 27. *aberrare à sermonibus scientiæ est simpliciter peccare*, & Isaïas dum describit gravissima sui temporis peccata ad errorem ea refert. Is. xxviii. 7. *Verum tamen isti vino errant* καὶ ἐν ποτὶ inebriante, absorbentur à vino, oberrant, præ potu inebriante errant in functione videntis, titubant in judicatione, sic crucifixio Christi quæ facta est ab impiis manibus dicitur opus ignorantie Act. ii. 17. & 1. Cor. ii. 8. Sed quid anxie usum vocum inquirimus, cum Deus ipse apertè hæc ἀγνοία referat ad omnia peccata, nam Lev. xvi. princeps sacerdotum jubetur confiteri die propitia-

tiationum עוונות כל etiam פשעי ישראל & חטאתם כל Omnia peccata eorum, qui dicit iniquitates & rebelliones imo omnia peccata universaliter, an solas infirmitates & ignorantias intelligit? nemo sanæ mentis id crediderit.

X. II. Sed ut liberaliores simus, demus Apostolum de ignorantibus & erroribus loqui; An propterea excludenda erunt peccata graviora? Nequaquam, quia non loquitur *exclusivè* quasi ista expiatione opus non haberent, sed ostendere tantum voluit etiam ea peccata quæ nobis leviora videntur, in iudicio Dei nos condemnare posse, adeoque expiatione opus habere, quia Lex requirit ut tota mente, totis viribus Deum colamus ita ut si quis in uno deliquerit reus sit omnium. Tantum abest E. ut inde probetur sacrificia instituta fuisse pro levioribus peccatis tantum, ut potius à comparatis & per *μείων* firmitus colligi possit argumentum, si pro levibus peccatis opus fuit expiatione, ergo multò magis necessaria fuit pro gravioribus, siquidem enim errores & infirmitates sine sacrificio condonari non potuerunt, ecquis arbitretur atrociora scelera quæ ex contumacia & perversitate ortum habent, simpli ei pœnitentiâ hominis sine sanguinis effusione deleri potuissent? Eodem etiam responso solvitur locus Num. xv. 25. non negamus enim sacrificia pro peccatis per errorem admissis instituta fuisse, negamus tantum pro iis solis fuisse ordinata, nam si peccata quædam quæ sacrificiis legalibus sunt expiata vocantur עבירה peccatum per ignorantiam alia sunt pariter iisdem sacrificiis expiata quæ dicuntur חטאת Lev. 11. 3. פסל Levit. v. 20. עוונות פשעים Lev. xvi. 21. Itaque à positione illorum ad istorum exclusionem ratiocinari est à particulari ad universale argumentari.

XI. II. Ob. Pro gravioribus peccatis & deliberatæ malitiæ nullum institutum fuisse sacrificium, punita fuisse non expiata, sic enim disertè testari Dominum Num. xv. 30. *Anima quæ secerit in manu excelsa, tam civis quam peregrinus Jehovam probis affecit, omnino exscindetur anima illa è medio populi sui quia verbum Jehova sprevit, &c.* Hinc pro homicidio & adulterio & similibus criminibus nulli legi sacrificia instituta, & Davidem ob id Psalm. 11. 18. cum adulterium homicidio cumulatim commississet ingenuè fateri Deum illis victimis, sacrificiisque nequaquam delectari ut ad dirissimum scelus eluendum valerent, atque huc respicere Apost. ad Hebr. x. 26. *Si ultro peccaverimus post acceptam cognitionem veritatis non adhuc pro peccatis reliqua est hostia.* Quibus verbis liquet pro ultioneis peccatis non fuisse sacrificia. Resp. 1. per συγχριστον damus fuisse quædam peccata pro quibus nullum institutum erat sacrificium ut adulterium, homicidium, idololatriam, &c. non quod non posset fieri, sed quia puniri illa Deus voluit capitali supplicio, ne scelerum impunitas Rempub. & Ecclesiam everteret: Itaque eorum mors erat expiatio quædam publica, nec opus habuerunt purgari secundum carnem quæ peritura erat, nam hæc omnia sacrificia eò pertinebant in typo, ut peccatores ita purgati denuo sacris interesse possint, & in Ecclesiæ externam communionem recipi, à qua ejecti fuerant: at capitali supplicio afficiendi, & morientes qui ex-

scinde-

scindebantur è medio populi, tali remedio non indigebant. At cum talia scelera non puniebantur, siue quod ignorarentur, siue alia quapiam de causa, quis dubitat offerri pro peccato à poenitente potuisse non minus quàm licebat fuiti raptori & perjuro? quod ex eo satis liquet quod si author sceleris, ignorabatur, nec poterat puniri & morte fontis grande nefas piri, urbs vicina sacrificio universalis & publico erat purganda Deut. xxi. 8. Imò ne solatium peccatoribus poenitentibus deesset, dies expiationum instituta erat in qua *כַּלִּי חַטָּאת* omnia peccata & sua & populi confitebatur Pontifex, eorumque veniam mediante sacrificio consequabatur.

XII. 2. Etsi David Ps. li. testetur Deum non delectari sacrificiis legalibus, non ideo negat sacrificia pro delicto suo gemino offerri potuisse, nam & ipse in expectenda criminis sui venia respicit manifestè ad eadem, cum petit se *expiari hyssopo* ut *mundus sit*, ostendens se in expiatione legali & typica per sacerdotem peragi solita cum fasciculo hyssopi, symbolum & pignus querere remissionis sui peccati coram Deo per asperionem sanguinis Christi olim pro se effundendi, & meliora loquuturi sanguine Abelis Heb. xii. 24. unde illis quoque victimis & sacrificiis se vacaturum proficitur David ibid. v. ult., non promitteret autem Eucharistica si Propitiatoria omnino inutilia agnovisset, & quæ persolvenda neutiquam fuissent. E. David loquitur de *victimis* istis vel in se & absolutè consideratis, ex quibus nemo sanus sub Vet. Vest. potuit peccati sui expiationem expectare, quod multis aliis scripturæ testimoniis demonstratur: Psal. xi. 7. & l. 8. 9. Hebr. x. 3. 4. & c. non relatè ad Christum cujus erant figuræ, hoc enim sensu verè expiatoria erant prout ab ipso Deo in eum finem erant instituta, Vel de iis agit non simpliciter, sed comparatè ad cultum internum & moralem ut ejus necessitatem & præstantiam supra externum & ceremoniale doceat; sic enim sæpe solet scriptura absolutè aliquid affirmare vel urgere quod comparatè tantum intelligendum est, ut in eodem argumento Hose. vi. 6. *benignitate delector & non sacrificiis & cognitione Dei magis quam holocaustis*, & i Sam. xv. 22. *obedientia melior sacrificio*, ubi non excluditur cultus ceremonialis absolutè, sed comparatè tantum infra moralem & spiritualem deprimitur, ut quem primariò & principaliter Deus à nobis requirat, hinc illa Davidis Ps. li. *sacrificia Domini spiritus contritus*, quia in spiritu contrito veritas est sacrificiorum legalium respectu fidelium, & eum ante omnia exigit Dominus ut sibi summe gratum.

XIII. 3. Non negamus discrimen inter peccata constitui Num. xv. ita ut alia dicantur fieri per errorem & infirmitatem כִּי רָמָה בְּשֹׁגְגָה alia manu excelsa vel elata, & illis quidem sacrificia destinata fuisse, istis verò non item, sed præsentissimum exitium; sed non sequitur omnia peccata voluntaria & gravia talia fuisse quæ fierent manu excelsa & quibus mors necessariò & infallibiliter reposita esset; nam ut antea observatum etiam pro multis ultroneis peccatis & gravibus sacrificia fuerunt instituta, & judicium istud capitale excisionis in ea quæ videbantur per se leviora,

viora, ut in peccatum lignatoris qui ligna colligens in sabbatho deprehenderetur, exercitum videmus. Itaque peccatum illud ביד ופח non quodvis peccatum grave seu voluntarium innuit, sed illud tantum cui adjuncta sit superbia quædam & contumacia insignis, quod deliberatâ fiat malitiâ ex mero Dei contemptu & rebellione, ita ut peccator in eo gloriatur; sic Pl. xix. 14. *opponuntur errores & peccata occulta, superbissimi*. peccatis perviciaciæ & rebellionis manifestæ de quibus Lev. xxvi. 21. & Job. xv. 25. pro eo ergo qui ita manu elatâ peccabat nullum sacrificium dabatur, sed mors tantum imminabat, quia nullam expiationem & reconciliationis spem contemptori superesse Deus vult; nemini nisi pœniteni gratiam facit & veniam largitur, nemo ad Deum sacrificaturus admittebatur nisi qui ad eum se convertisset, & à contemptu hoc etiam in levissimis divertisset: unde qui gravi crimine obstrictus tenebatur sese ad Deum convertens potuit legitimè Sacramentis reconciliationis uti, alias si in hac perviciacia perstaret, mera erat hypocritis & illusio, nec poterat ullum offerri Sacrificium, nec enim veniæ & absolutionis gratiam poscit qui condemnationem non curat sed irridet, & qui præfractè in peccato suo perstare vult; ideo Christus relinquendum donum notavit ut reconciliatio cum fratre ineatur Matth. v. Sic leve quidem in se peccatum videbatur lignatoris qui *ἐν αὐτῷ τόπῳ* deprehendebatur ligna colligens in Sabbatho, sed quia malitiæ & contemptus accessit, nec enim prætexere ignorantiam & infirmitatem in tanta luce coram ipso Deo potuit, excindendus erat à populo; sed si idem antequam deprehenderetur; culpæ conscientia motus confessione crimen aperuisset, oblata hostiâ ut puto potuit expiari, non minus quàm qui rebus sacris abutens excidium erat promeritus; nisi pœnam prævertisset confessione, restitutione, oblatione.

XIV. 4. Paulus ad Heb. x. 26. non negat absolute pro ultroneis peccatis esse hostiam, nam sic nulla esset omnium omnino peccatorum expiatio, eum nullum actuale peccatum dari possit verè & propriè dictum quod non sit voluntarium, sed tantum loquitur de illo peccati genere quod plenâ voluntate & deliberata ac pertinaci malitiâ committitur. Hic ergo paulò accuratius ponderanda est phrasîs quâ Apostolus utitur *ἐκούσιος ἀμαρταν*, magnam enim vim habet, nec simpliciter & prout vulgò sonat intelligenda est; nam cum peccatum sit actio mentis & voluntatis, voluntas autem cogi non possit ut notum, necesse est ut voluntarium sit, ita nemo peccare potest qui non sponte & motu voluntatis ad id feratur; sed non eo tamen sensu Apostolus loquitur de iis qui voluntariè peccant, nam innumera sunt peccata quæ maximè sunt ultronea quibus tamen venia conceditur; David sponte & nemine cogente adulterium & homicidium commisit, Petrus volens & deliberato animo Dominum suum abnegavit non semel sed bis terve, & tamen uterque in gratiam receptus est, Ergo hic voluntariè peccare sumitur sensu quodam angustiori pro peccato quòd pleno consensu perpetratur, absque ulla lucta vel dolore, voluntate obstinatâ non solum antecedenter, sed & consequenter quod diximus antea in V. Test. esse *superbè agere & manu elata*

peccate, *ἐκείνους* enim vulgò fieri dicuntur quæ ita sponte à quovis designantur, ut omnis non modò ignorantia & erroris, sed metus & violentia suspicio absit: Quæ facinus metu inducti, illa inviti facere perhibemur, repugnat enim mens aliquamdiu, etsi metu victa postea succumbat, ut qui merces in mare iactat ex metu naufragii, facit quidem illud volens, sed & invitus quodammodo, nisi enim immineret periculum, non faceret, quod Homerus dixit eleganter hominem facere *ἐκόντα ἀκούοντι γέβυμῳ*. At ubi omnis metus & violentia abest, adest tantum contumacia & rebellio ibi est *ἐκείνη* & *ἀμαρτία* pro qua nulla datur hostia, quamdiu enim peccatum est ita voluntarium ut infideat animo & adlubescat voluntati ut perficiat ipsum scienter & contumaciter contra Deum, tam diu est impossibilis ejus remissio, & quo magis est voluntarium & pertinacius, eò majus impedimentum gratia divina obijcit, quia nulla venia, nisi pœnitenti promittitur. Duplex ergo peccatum potest distingui, aliud *repugnans*, aliud *regnans*, illud ob sanctificationem inchoatam & peccati originis reliquias verè fidelibus convenit Roman. vii. 23. Gal. v. 16. hoc verò infidelibus tantum quia peccatum nobis non dominatur Rom. vi. 14. quo sensu dicitur I. Johan. i. 9. natum ex Deo peccatum non facere, nec peccare posse quia semen Dei manet in ipso. Apostolus hîc non quodvis peccatum voluntarium intelligit, sed solum *regnans* & quidem non omne, vel in legem solam admissum, sed directè adversus veritatem Evangelii agnitam ut non modò antithesis addita v. 28. docet, sed & ipsa peccati descriptio quod ad tria refertur, *Filii Dei conculationem, sanguinis Testamenti profanationem, & Spiritus gratia contumeliam*, quorum prius personam & officium Christi Salvatoris attingit, cætera duo verò ad duo præcipua ejus beneficia referuntur, *justificationem & sanctificationem*, illam quæ est in sanguinis merito, istam quæ à Spiritu sancti pendet efficacia, unde liquet peccatum *desfectionis & apostasiae totalis* hîc designari.

XV. Porro cùm *desfectionis* ab Evangelio & Apostasia varii sint gradus, disquirendum est ulterius, quis gradus intelligatur hoc loco, ubi peccatum istud irremissibile describitur; Primus *abnegationis* & peccati gradus est, cùm quis per errorem & ignorantiam Christum nondum cognitum rejicit & aspernatur, qualem fuisse in Paulo ante conversionem videmus qui *δι' ἀγνοίας* peccasse dicitur I. Timoth. i. 13. sed de hoc non loquitur Apostolus quia de voluntariè peccantibus agit & quidem *post acceptam cognitionem veritatis*, unde Paulo non interdicta fuit spes veniæ quia ignorans fecit. Secundus gradus est cùm quis metu territus amittendæ rei ad hanc vitam planè aut pene necessariæ, vitæ puta, bonorum, dignitatis & simil. Christum ex infirmitate turpiter abnegat, quomodo Petrus Christum Dominum suum metu abnegavit, & multi ex infirmitate carnis & metu mortis abnegant, sed neque hoc peccatum hîc innuitur, quia quod vi ac metu à nobis extortum, *ἀκούον* melius dixeris, quàm *ἐκείνους*, nec denegatur pœnitentibus ejus remissio; ut ex Petro liquet. Tertius est cùm nec ex ignorantia vel infirmitate & metu, sed *cupiditate* & spe melioris fortunæ, uti loquuntur, impulsus ho-

mo à Christo deficit, ut vel magnas divitias, vel honorum splendorem, vel si quæ sunt ejusmodi terrena bona, consequatur; & hoc quidem peccatum longe gravius est præcedentibus & magis ad nostrum *inimicum* accedit, unde Apostatarum istiusmodi longè rarior penitentia esse solet, cæterum non videtur planè penitusque illi accommodari adhuc posse: nam quamvis lautissima spe illectus videatur plenis velis in illud objectum ferri, & sæpe ex hoc gradu in ultimum præceps agatur, Deo satanæ illum iustissimo judicio suo permittente, quia tamen vehemens illa *Ἀνθυμία* quam tantorum bonorum species excitavit, ingentem animi perturbationem in eo concitat, imò nonnunquam luctam quandam & renisum voluntatis comitem habet, quo non planè extinctum in corde suo veræ religionis amorem declarat, cujus interventu aliquando etiam ad sanam mentem revertitur, non potest ad ea quæ sunt plenè planeque voluntaria, referri: Itaque quartus & ultimus addendus est gradus cum nec ex ignorantia, nec metu, nec cupiditate quis simpliciter impellitur, sed *obstinatâ malitia, pertinaci contemptu* & odio veritatis revelata quia dura & molesta est carni, movetur ad eam deferendum; cujus typus est in profano Esav qui aspernatus jus primogenituræ Heb. xi. 16. frustra ejus privilegium etiam cum lachrymis requisivit. Ita qui per contemptum vel destinatam malitiam Christum abnegant totaliter & abnegando oppugnant, peccatum tale admittunt, pro quo nulla supersit hostia, & quod planè sit irremissibile; Non quod tale sit naturâ suâ quod veniam consequi planè sit *ἐν ᾧ ἀδυνατῶν*; nam nulla est tanta sceleris magnitudo cujus veniam peccator si ab eo resipiscat consequi non possit; sed quia ipsum remedium gratiæ aspernatur & rejicit, sine quo nullus vel fidei vel resipiscentiæ locus esse potest, nam cum Christus unica sit hostia peccatorum expiatrix, si quis eum semel abjecerit, nullam aliam expectare potest, hunc verò istiusmodi homines peccato suo protervè respuunt, & commodis ac deliciis suis profanè postponunt, non mirum ergo si ab omni spe salutis exclusi maneant.

XVI. Ex quibus mens Apostoli jam manifesta est, quo enim potentius à crimine Apostasiæ nos deterreat, fœditatem istius peccati & gravitatem pœnæ consequentis à comparatis demonstrat v. 28. 29. nam si morte absque misericordiâ ex duorum aut trium testimonio in politia Moïsi multatus fuit qui irritam fecisset legem Num. xv. 30. & Deut. xxi. 15. id. non qui quovis modo in legem deliquisset, sed qui malitiosè flagitio graviore legem violasset, puta blasphemiam, violatione Sabbathi, contumaciâ in parentes, homicidio, adulterio, &c. Quanto acerbiori supplicio dignus censebitur in politia & Ecclesia Dei qui coram infinitis pene testibus malitiosâ apostasiâ & Diabolicâ oppugnatione cognitum Evangelium & Christum rejecerit? Hic ergo confertur Moïsi Lex cum Evangelio Christi, contemptus illius cum hujus profanatione; Ut nulla fuit olim hostia pro spernente, & elatâ manu peccante, ita nulla Redemptio expectanda rejicienti Redemptionem & à Redemptore apostatanti; ut *ἐν δίκης καὶ σωτὴς φοβερόν* cum sta-

tim manebat, ita certissima & gravissima pœna apostatam manet non lapidationis, aut teli è monte, non hiatus terræ aut ignis, sed iræ Dei quæ ad instar ignis adurentis devoratura est adversarios; Itaque ut peccatum tollatur, de volentibus debemus fieri nolentes, tunc enim deum fit remissibile cum voluntarium esse definit, homine per veram pœnitentiam illud averfante, unde qui per ignorantiam peccat facilius hanc remissionem consequitur & remedium malo suo invenire potest exemplo Pauli 1. Tim. 1. 13. at qui per malitiam, dubiam sibi reddit salutem, quia voluntatem suam in malo obfirmans reditum sibi ad Deum intercludit.

XVII. 111. Ob. Paulus ait Act. 13. 8, in Christum credentes justificari ab omnibus à quibus lex Mosis justificare non poterat, satis indicans, à quibusdam levioribus tantum, ut ipsosmet Judæos quos alloquitur optimè novisse ibidem innuit, per Mosis legem justificationem contigisse; sed per Christi fidem omnium etiam gravissimorum delictorum remissionem dari. *Notum est*, inquit, *vi-ri fratres, quod per hunc vobis remissio peccatorum annuntiatur, & ab omnibus à quibus non potuistis in lege Mosis justificari, in hoc omnis qui credit justificatur*, Resp. sed locus hic vel nihil probat, vel Adversarium ipsum jugulat, non dicit Paulus quædam fuisse peccata à quibus per legem Mosis potuerint absolvi, neque dicere hoc potuit, invicta enim est regula Deut. 27. 26. Galat. 3. 13. *maledictus qui non manet in omnibus quæ scripta sunt in libro legis ut faciat ea*; unumquemque autem sua convincit conscientia quod non mansit in omnibus; non fit ergo antithesis inter peccata quorundam quædam à Mose quædam à Christo expiuntur, sed inter *advantagium* legis & cæremoniarum ejus ad justificandum, & plenissimam Christi satisfactionem quâ omnia peccata expiantur; Ita ut sensus sit, quod qui à nullis potuerunt per legem absolvi, ab omnibus credentes justificentur per Christum; qua ratione dicitur Roman. 11. 20. *πᾶσα ὁμολογία ὅτι οὐκ ἔστιν ἡ δικαιοσύνη ἐκ τοῦ νόμου*, id est, nulla; Nec aliam posse esse Apostoli mentem confirmatur ex innumeris aliis scripturæ locis ubi absoluta illa leg's impotentia describitur Roman. 7. 14. 3. Heb. 8. 3. 4. & prævaricationes & peccata Vet. Test. expianda dicuntur in & per Christum Hebr. 9. 15. Rom. 11. 25. 2. Si ea esset mens Pauli quam fingit Adversarius videlicet nunc nos per Christum obtinere expiationem earum transgressionum quæ in primo fœdere erant, id est quæ sub prisco fœdere omni verâ expiatione destituebantur, & quibus olim lex veniam denegabat; duo gravia sequerentur absurda, 1. nemini olim concessam fuisse graviorum illorum peccatorum pro quibus nulla erant instituta sacrificia singularia, remissionem, quod falsum esse evincunt exempla Sanctorum qui sub Vet. Test. vixerunt. 2. nos sub Nov. Test. remissionem consequi in sanguine Christi illorum tantum peccatorum quæ expiari non poterant sub lege, adeoque leviores illas culpas quæ per sacrificia illa expiabantur non tolli sacrificio Christi, sed vel nullo modo expiari, vel per hominum satisfactiones elui, quod utrumque absurdissimum. Ergo superest ut dicamus omnem vim peccati expiandi denegari ut ea in solidum Christo

Christo

Christo tribuatur, quia Lex umbram quidem habuit bonorum; At Christus imaginem ipsam & corpus. Illa peccatorum omnium & leviorum & graviorum expiationem in typo adumbrabat, hic verò sanguine suo ipsa peragit.

XVIII. 11. *Quæritur An sacrificia Ver. Test. ullam vim habuerint veram expiandi per se peccata pro quibus offerebantur; Nam illi cum quibus res nobis est agnoscunt quidem peccata quædam pro quibus offebantur verè iis expiata fuisse, sed ideo tantum quia actiones erant obedientiæ Deo gratæ, quas præstantibus Deus indulgebat veniam, ceterum nequaquam iustitiæ divinæ satisfecisse, ideoque ut figuræ respondeat veritas, & umbræ imago, Christum etiam iis adumbratum non satisfecisse; Idque ulterius demonstrant hoc dilemma; Nam, inquit *Soci. præst. cap. 22.* argumentari possumus à victimis istis ad Christum vel per *collationem*, vel per simplicem *adumbrationem*; si priori modo, necesse est ut si vis satisfaciendi in morte Christi fuit eadem etiam servatâ proportionem fuerit in victimis illis, At victimas istas nullam satisfaciendi pro peccatis vim habuisse probat, quia nulla sit inter hominem & bestiam speciei communio; Itaque nulla etiam fuit vis propriè dicta satisfaciendi in morte Christi; Quod si posteriori modo argumentum ducatur, id est per adumbrationem tantum, ne sit quidem melius rem evinci; Nam in re adumbrante aliquid ejusdem generis est cum eo quod in re adumbrata præfiguratur; Ideo si in victimis illis aliqua fuit adumbratio satisfactionis pro peccatis per Christi mortem, in iisdem quoque aliquam satisfactionem fuisse necesse est, quod cum falsum sit, & falsum esse illud quod ex eo elicitur. Ita expiationem quidem aliquam & quidem veram certorum peccatorum concedit illis quo nomine figuras vult fuisse Christi, sed satisfactionem planè penitusque illis denegat ut & eam à Christo removeat p. 2. c. xi. *statuendum omnino est per victimas & sacrificia illa expiatoria, non modo expiationes quæ sub N. fœdere fieri debebant adumbratas esse, verum etiam peccata pro quibus offerebantur verè expiata fuisse, &c.* Nos verò expiationem nullam nisi typicam & symbolicam eorum quæ verè & propriè peccata sunt iis tribuimus, non minus tamen ideo Christi satisfactionem adumbrasse censemus, ita ut duo demonstranda jam nobis sint, Victimæ & Sacrificia legalia nullum propriè dictum expiassè, vel expiare potuisse peccatum, expiassè tantum impuritatem quandam carnis & cæremonialem. 2. bene tamen ex iis argumentum duci ad probandam satisfactionem Christi.*

XIX. Ut verò prius illud facilius percipiatur: duplex præmittenda videtur distinctio. Prima *Reatus* qui sacrificiis tolli debuit & expiari. Altera *Usus* sive *ætiæ* variæ sacrificiorum istorum secundum quam potest vel concedi vel negari talis expiatio. *Reatus* ergo duplex hic attendendus *typicus* & cæremonialis quoad impuritatem carnis *Realis* & spiritualis quoad conscientiam, iste contrahebatur ex peccatis contra legem moralem admissis quæ sita erant in offensione Dei & proximi, & rebus naturâ suâ malis, unde & pœnam mortis æternæ in homines

accersebat. Ille oriebatur ex violatione præcepti alicujus cæremonialis quod cum res esset per se media, conscientiam per se non attingebat, nec ejus violatio eam inficiebat, sed per accidens tantum ex vi constitutionis divinæ, ideoque nullam impuritatem propriè loquendo nisi cæremonialem afferebat in foro externo politię Ecclesiasticæ, nullamque pœnam nisi temporalem post se trahebat, ne peccator sacris cœtibus posset interesse & reliquorum convictu frui, verbi gratia, si quis cadaver tetigisset, vel tabernaculum in quo cadaver erat, fuisset ingressus, vel aliquid quod in lege immundum censebatur attrectasset, reus non poterat dici eo ipso peccati alicujus moralis & propriè dicti, nihil enim erat vel in mortuo vel in lepra vel in similibus quod conscientiam inficere posset, reus tamen erat cæremonialiter ex vi constitutionis legalis, quæ immundum pronuntiat, & à sacris excludit eum qui talia præstiterit; Ut ergo duplex fuit reatus, duplex etiam dabatur expiatio vel purgatio, alia quoad *carnem*, alia quoad *conscientiam*, id. typica & cæremonialis una, realis & mystica altera: discrimen hoc Apostolus disertè notat Heb. ix. v. 13. 14. *si sanguis taurorum hircorumque & cinis juvenca aspersus co inquinatos sanctificat ad puritatem carnis, quanto magis sanguis Christi, &c. purgabit conscientiam ab operibus mortuis? &c.* ubi puritas carnis & puritas conscientia distinguuntur, illa sanguini victimarum legalium adscribitur, ista sanguini Christi, illa externam & legalem illam immunditiam tollebat, efficiebatque adeo ut homo sacrorum communioni restitueretur, & in Templo cum cæteris cultui divino vacare posset, ista veras animæ sordes spirituales, quibus ab intimâ & salutari Dei præsentia, quæ olim per Tabernaculum & Templum adumbrabatur, removebatur, abluit, & jus denuo potestatemque confert ad Deum accedendi, & gratiosâ ejus communione fruendi. Ita per *carnem* de qua loquitur Apostolus non potest intelligi corpus ipsum seu altera hominis pars, nam puritas hæc per sanguinem & cinerem dicitur fieri, quæ maculare potius & deturpare corpus quàm ablucere solent, sed notatur lex ipsa cæremonialis ejusque ritus quia in externis & carnalibus ut plurimum occupabantur, quo sensu lex vocatur *mandatum carnale* Heb. vii. 16. & ejus præcepta *δικαιώματα σαρκός*: Heb. ix. 7.

XX. Secundo sacrificia legalia bifariam possunt spectari vel *absolutè* in se, vel *relatè* ad aliud, priori respectu erant instrumentum *πλιντίας* Judaicæ & cultus sub ea præscripti, quatenus in ea Republ. quæ verè *θεοκρατία* fuit ex ipsius Dei voce i. Samuel. vii. 7. Deus istiusmodi leges sancire voluit, quæ populum ad instar fræni & jugi in officio continerent; atque sub hac *αἵσιν* verum est expiatam fuisse & sublatam ex iis impuritatem carnalem de qua diximus, siquidem ad horum præsentiam removebantur statim pœnæ illæ quæ in foro externo istius politię Ecclesiasticæ immundis repositæ erant; sed non eadem fuit ratio usus relativi, quemadmodum enim tota illa *οἰκονομία* V. T. duplicem semper *αἵσιν* includebat, alteram *Legalem* quatenus erat appendix fœderis operum, alteram *Evangelicam* quatenus subserviebat fœderi gratiæ, ita bifariam in esse suo relativo spectari possunt,

sunt, vel relatè ad *Legem* vel ad *Euangelium*, si considerentur priori modo quatenus subserviebant rigori legis urgendo & inculcando, magis faciebant ad peccati demeritum explicandum & aggravandū quàm ad illud auferendum, quippe Deus patefacturus jus suum in peccatum & peccatores non modò atrocioribus criminibus pœnas capitales in foro civili decreverat, sed etiam delictis quotidianæ incurfionis quæ ut plurimum vel negliguntur vel dissimulantur ab aliis legislatoribus, ordinaverat quædam pœnarum capitalium simulachra in destructione victimarum quæ offerendæ veniebant; & hac de causa Coloss. 11. 14. vocatur *Chirographum in vitibus quod nobis erat contrarium*: quia erat testimonia reatus humani in quibus erat potius confessio peccati quàm ejusdem expiatio, nam circumcisio verbi gratia testabatur nativam pollutionem; ablutiones, sordes peccatorum fatebantur; Victimæ capitalem offerentis reatum indicabant, sic nihil aliud erant quàm miseriæ humanæ publica confessio. At verò si spectentur posteriori modo & in suo usu *Euangelico* certum est ea typicè & significativè verè & propriè dicta peccata expiassè id. verorum & propriè dictorum peccatorum expiationem per Christum futuram adumbrasse & significasse, & in usu legitimo post se traxisse, atque hoc sensu sacra hæc dicuntur Deo acceptabilia Lev. 1. & fertur Deus ex iis odorari odorem quietis ibidem & passim alibi.

XXI. His ita præstructis duo jam demonstranda sunt 1. nullum verè & propriè dictum peccatum quantumvis levissimum potuisse hisce sacrificiis verè expiari *ἡ σωτηρία*, 2. hæc tamen omnia appositè mortem Christi & ejus satisfactionem significasse: Prius illud adeo clarè & expressè statuitur ab Apostol. ut mirum sit hoc in dubium à quodam adhuc revocari: Nam Heb. ix. 9. disertè testatur dona & hostias oblatas esse quæ non potuerunt *ἡ σωτηρίαν πληρῶσαι τὸν λαόν* & fusiùs cap. x. 1. 2. 3. 4. 5. ubi variis rationibus hoc ipsum probat quæ ad duo capita possunt referri; prius *legalium hostiarum impotentiam* docet, posterius *voluntatem & definitionem divinam* declarat: Hostiarum legalium impotentiam tribus rationibus evincit, unâ generali, & duabus specialibus: Generalis petitur à legis *cerimonialis*, & hostiarum *sine*, quia inquit *habebat umbram futurorum bonorum*, non autem *expressam rerum imaginem*, sive enim *umbram* intelligamus *naturalem* quæ imagini essentiali id. corpori opponitur quo sensu usurpatur Coloss. 11. 17. sive *artificialem* hoc. rudem rei adumbrationem & delineationem quæ opponitur imagini rerum expressæ & vivis suis coloribus consummatæ, quomodo pictores vultum alicujus repræsentaturi carbone primum summa ducunt lineamenta quibus vultus utcumque repræsentatur & agnoscitur quidem, sed obscure & confusè; mox vivis coloribus in vectis *εἰκόνα*, expressam scilicet imaginem, effigiant, quæ vultum depictum ad vivum repræsentat, sive inquam illo sive hoc sensu vocem umbræ sumamus, quanquam verisimilius est Apostolum ad posteriorem respexisse, veritas semper eadem manet: Quod umbra est, non autem imago, vel corpus ipsum rei, non potest accedentem perficere. At hostiæ legales

fuerunt tantum umbræ, ergo non poterant accedentes sanctificare, & per consequens nec expiare nec satisfacere poterant quod præcipuum fuit & primarium ex futuris bonis in N. T. obtinendis.

XXII. Secunda ratio specialis est ab *oblationum* istarum *repetitione*: hoc modo. Quæ hostiæ singulis annis iterantur non possunt accedentes cultores sanctificare, ratio consequentiæ manifesta est, quia si perfecissent iteratione anniversaria opus non fuisset, sed peractæ semel desinissent deinceps offerri, nam sacrificantes semel purgati nullorum peccatorum reatui amplius fuissent obnoxii. At quotannis sacrificantes sub lege peccatorum sibi erant conscii quia in iis confessio generalis peccatorum denuo fiebat; unde colligit Ap. non potuisse expiationem per ista sacra sæpius iterata expectari v.2.3. *Aloqui non desinissent offerri, propterea quod sacrificantes semel purgati nullorum peccatorum amplius essent sibi conscii, At in istis repetita sit mentio peccatorum quotannis*: Dices fortè non videri rationem hanc usque adeo firmam, quia quotidie confessionem peccatorum facimus, nemo tamen dixerit ea nondum per Christum esse expiata. Resp. aliud esse confessionem facere peccatorum simpliciter, aliud confessionem facere in & cum oblatione aliqujus sacrificii, prius non infert negationem expiationis factæ, sed tantum supponit necessitatem continuæ applicationis istius beneficii ad solatium nostrum, sed posterius omnino eam evincit, ut qui fatetur debitum & simul solutionem offert, eo ipso agnoscit nondum persolutum esse, sic qui confitetur peccatum, & confitendo pro ejusdem expiatione sacrificium offert, omnino plenè pro ipso satisfactum nondum fuisse credere se demonstrat; ita Veteres, qui non tantum confitebantur sua peccata, quomodo & nos quotidie facere solemus, sed confitendo sacrificabant eo ipso imperfectionem & ἀδυναμίαν sacrificiorum suorum satis probabant.

XXIII. Tertia ratio petitur à natura rei v.4. *Impossibile est sanguinem taurorum & hircorum auferre peccata*. Impossibilitas autem ista se tenet tum ex parte *subjecti* quod expiationem facere tenetur, tum ex parte *objecti* cui satisfactio præstanda est, tum ex parte *causa meritoria sive peccati*, pro quo satisfactio danda fuit. 1. ex parte *subjecti* peccatum enim in eadem naturâ expiari debuit, in quo commissum fuit, homo peccavit, homo luere debuit, *anima quæ peccavit ipsa morietur*: Ezech. xviii. cum ergo nulla inter pecudem & hominem intercedat naturæ communio, impossibile fuit hac in parte sacrificiis legalibus expiationem fieri. 2. ex parte *objecti*, Deo peccatum fuit, Deo ergo satisfaceri debuit, at nec ejus Natura, nec Sapientia, nec Justitia patiebantur ut sanguine hircorum tollerentur peccata: Non *Natura*, quia Deus *Spiritus* est Jo. iv. 24. non potest ergo sanguine corporeo & materiali placari. *Nunquid comedam carnem taurorum & sanguinem hircorum bibam?* Ps. l. 13. Quid tam vilis & abjecta res potuit ad conciliandam tam gloriosi Numinis majestatem? Non *sapientia*, ut enim peccatum fuerat admissum à creatura rationali, ita rationalem victimam, non brutam postulabat, quæ culpam istam elueret;

elueret; non tam sanguis coram altari fundendus fuit, quàm anima ipsa Deo li-
stenda, non tam corpus doloribus & cruciatibus atterendum & frangendum,
quàm cor sensu maledictionis & iræ divinæ conterendum, unde dicit Christus se
ponere non corpus tantùm sed animam pro ovibus. Non iustitia quia æqualitatem
pœnæ & λύτῃ cum peccati reatu exigebat, infinita Dei majestas læsa fuerat, infi-
nitum ergo meritum & satisfactio illi placandæ postulabatur, quod cum penes sa-
crificia legalia non occurreret, utpote quæ non tantùm brutorum essent & ἀλό-
γων creaturarum, sed & finitarum, impossibile fuit hæctenus sanguinem hircorum
tollere peccata. 3. tollere peccata non potuerunt ex parte peccatis, remedium apta-
ri debet malo & parti affectæ, peccatùm macula est non corporea, sed spiritualis
in animâ primariò & per se sedem habens & conscientiam ipsam vulnerans, quid
verò sanguis pecuinus & materialis ad eluendam hanc maculam valere potest,
quæ proportio carnis cum mente, vel corporis cum corde, sanguinis cum cupidi-
tate? peccatum fuerat incredulitate, odio Dei & rebellione. ut ergo remedium
malo respondeat, expiatio debuit fieri iustitiâ perfectissimâ, obedientiâ accuratissi-
mâ, & summâ atque intensissimâ erga Deum & erga proximum charitate, sic
revera ἀθύραται fuit sanguinem hircorum tollere peccata ex naturâ rei.

XXIV. IV. Sed hoc ipsum impossibile fuit ex ordinatione divinâ, Deus
enim jam olim testatus fuerat se nolle istiusmodi sacrificia ad expiationem hanc
faciendam quod Apostolus v. 5. 6. probat ex Psal. xl. *Hostiam & oblationem non
voluisti, Corpus autem adaptaſti mihi, Holocaustumata & hostiam pro peccato non ap-
probasti, &c. Tum dixi ecce adsum ut faciam Deus voluntatem tuam, aufert prius ut
alterum statuatur, unde colligimus si Deus noluit sacrificia & holocausta, fieri non
potuit ex hypothesi voluntatis & decreti divini ut per istas hostias tollerentur
peccata. Atqui verum prius ex loco Psal. ergo & posterius. Cæterùm quia diffi-
cile videtur ad intelligendum quomodo Deus dicatur nolle & non probare sacri-
ficia quæ tamen ipse instituerat & ad quorum observationem Israelitas tam ex-
pressè adstringebat, & quibus se delectari alibi non semel professus est, paucis
disquirendum est quomodo remotio hæc sacrificiorum intelligenda veniat. Sæ-
pius quidem ita loquentem audimus Deum apud Prophetas, Isâ. Ezech. Ose. Je-
rem. &c. sed non semper unâ eademque de causa. Primò certum est rejectionem
hanc sacrificiorum non ἀπλῶς & absolute, sed tantùm ὡς ἢ & comparatè esse in-
telligendam, alias Deus sibi ipsi repugnaret & Scriptura Sacra quæ toties cære-
moniarum & sacrificiorum in primis institutionem ad Deum refert, sed quænam
ἁγίας illa sit & relatio, non una ratione explicari potest, Aliquando enim reji-
ciuntur sacrificia non quatenus instituta erant à Deo, sed ut ab hypocritis, im-
piis & profanis oblata, qui ita sacrificiis istis externis adhærebant, quasi totus Dei
cultus in iis versaretur, Deusque ea grata haberet & accepta, etsi aliòqui impuras
& fide vacuas in iis offerendas conscientias afferrent. hoc sensu intelligenda sunt
loca, Is. I. II. 12. &c. Quorsum mihi multitudo sacrificiorum vestrorum, satur sum ho-*

locustis arietum, & adipe pinguium, sanguine juvenorum non delector, quod adven-
tis ut compareatis in meo conspectu, quis quesivit hoc à manu vestra? &c. Isa. LXVI. 3.
Qui jugulat bovem ac si percuterat virum, qui mactat parvam pecudem ac si decollaret
canem, &c. Sic Psal. L. 8. 9. Non propter sacrificia tua arguam te ut holocausta tua sint
coram me jugiter, non accipiam è domo tua juvenum, è caulis tuis hircos, &c. Sic
passim Prophetæ docent sacrificia hæc impiorum non placere Deo nec ab eo re-
quiri, imò illi abominationi esse.

XXV. 2. Aliquando rejiciuntur comparatè ad cultum internum & spirituales
qui à Deo ante omnia & principaliter ut longè excellentior requiritur, nam quod
per se Deo non placet, sed per aliud, dicitur non placere per comparisonem ad
id quod per se placet; notum autem sacrificia non primariò & per se fuisse insti-
tuta, sed tantum secundariò ut subservirent interno cultui, & essent stimuli & in-
citamenta ad pietatem & sanctitatis studium, hoc sensu sæpe sacrificia externa ex-
tenuantur ut quod præcipuum est præferatur, sic explicandus est locus Ps. LI. 18.
ante laudatus, sic 1. Sam. xv. 22. Samuel inquit Sauli, *An delectatur Jehova holocau-
stis & sacrificiis ut quum auscultatur voci Jehova, ecce auscultare melius est sacrificio,
attendere, adipe arietum.* Idem Hose. vi. repetitur & Mich. vi. 6. 7. 8. Jer. vii. 21.
22. 23. &c. Denique rejiciuntur non relatè ad impiorum profanationes, vel ad
cultum internum & moralem, sed relatè ad sacrificium perfectissimum Christi; ut
hinc demonstretur מִן אֲדָמָה legis & plenissima Christi ad satisfaciendum vis &
efficacia; quo sensu intelligendus locus Ps. xli. qui redditur ab Apost. Heb. x. 5. 6.
ubi oppositio instituitur inter sacrificia V. T. & Sacrificium Christi, illis tanquam
inutilibus & imperfectis denegatur peccatorum expiatio, huic verò soli ut per-
fectissimo & efficacissimo tribuitur: *sacrificium*, inquit, & *oblationem* noluisti corpus,
autem aptasti mihi. Psaltes paulò aliter dixerat לוֹ אָזְנוֹתַי aures perfodisti mihi.
At Paulus secutus LXX. ut sæpe solet reddit per ista ὡς ἀκούσας μου ver-
bis quidem diversis, sensu tamen eodem; utrobique enim describitur *status* & con-
ditio *servilis* Christi, ejusque dispositio ad obedientiam cui se addixerat, ut
oblatione corporis sui expiationem peccatorum & redemptionem nobis procu-
raret quæ nullis sacrificiis legalibus obtineri poterat; Notum quippe *aurium per-
forationem* eò respexisse apud Judæos ex Lege Exod. xxi. 6. quæ novæ obedi-
entiæ servum subiciebat, & jus novum hero in servum acquirebat, ad quam alluisse
Davidem omnino est verisimile. Cum verò hæc Judæorum consuetudo Græcis
esset ignota, LXX. Interpretes qui in eorum gratiam potissimum scribebant, pru-
denter phrasim eam mutarunt in aliam generaliore & minus obscuram, *corporis*
scil. *aptationem*, quod eò lubentius fecerunt quod Græcis & Romanis in more
positum esset servorum corpora nota aliqua ad majorem mancipationem osten-
dendam signare, & tergum aut faciem cauterio inurere, qui ideo *literati* diceban-
tur, quia notæ sive stigmata inusta literarum similitudinem referebant, quâ occa-
sione de divitibus indoctis loquens Seneca qui ostentatione librorum docti videri

volebant, ait eos *ne servorum quidem literas nosse*. Paulus verò hanc phrasim retinuit, quia non abludebat à sensu Psal. & convenientior videbatur ad mysterium incarnationis & sacrificii Christi per oblationem corporis facti designandum de quo loquebatur; Itaque sensus eodem redit, sive dicamus aures Christi perfossas fuisse, sive Corpus aptatum: Nihil quippe aliud voluit Spiritus S. quàm Christum in naturâ humanâ quam assumpsit devinctum fuisse Deo in Servum & convenienter dispositum ad faciendam voluntatem ejus, id est, ad opus gloriosum redemptionis nostræ peragendum per sacrificium corporis sui, unde statim subjicit, *Ece venio facturus voluntatem tuam* v. 7. quasi diceret, quia tu me ad hoc opus selegisti supra omnes victimas legales & peculiari quodam modo notare voluisti adsum etiam respondensurum vocationi tuæ, & me ipsum in sacrificium oblaturus, *auferet enim prius sacerdotium ut posterius stabiliat*, v. 9. Porro quia videtur Deus absolute rejicere & abrogare ista sacrificia cùm ait Apostol. Deum prius tollere ut posterius stabiliat, distinguenda sunt duo intervalla secundum quæ vel *totalis* vel *partialis* intelligitur *remotio*; Nam sacrificia hæc vel *ante vel post Christum* spectari possunt; *Ante Christum* verum est Deum noluisse nec postulasse victimas & holocausta, ad faciendam expiationem propriè dictam pro peccatis, quia hoc non potuerunt ut jam dictum est; sed non verum est Deum non requisivisse sacrificia ad significandam redemptionem & reconciliationem; huc enim totus ille sacrificiorum apparatus potissimum spectabat: sed *post Christum* non tantùm *et non rejiciuntur* ut inutilia ad expiationem veram procurandam, sed absolute etiam quoad usum & durationem, quia præsentē corpore umbræ evanescent, & figuris non amplius opus est ubi veritas ipsa exhibita est; Posteriori hoc sensu Apostol. loquitur de sacrificiis legalibus ut abrogatis & sublati.

XXVI. Ex quibus luce meridiana clariùs liquet, sacrificia ista nullam veram & realem propriè dictorum peccatorum peragere potuisse expiationem; Sed non minus tamen Christi satisfactionem & inde promanantia beneficia adumbrasse jam ostendendum est. Hoc verò ex ante dictis facile colligitur & ex naturâ rei non obscurè elicitur; Nam cùm nulla sit horum rituum carnalium proportio vel cum naturâ Dei, vel cum hominis peccato expiando, vel cum salute consequenda, non potuerunt per se in eum finem institui, non potuit tamen Deus sapientissimus legem hanc tam solenniter promulgare & sancire in populo nisi memorabili aliqua & gravi de causa, quænam autem esse potuit nisi futurorum bonorum & mysteriorum per Christum implendorum præsignificatio, ut sub hisce veluti picturis & figuris, populus rudis ad tantorum bonorum fidem paulatim manduceretur? hinc lex vocatur, ut diximus, *umbra* cujus corpus est in Christo Coloss. 1. r. *καθολή* seu typus ad instans tempus N. T. institutus Heb. 10. 9. & sanctuarium mundanum *ἀντικείμενον τῷ ἀληθινῷ*, v. 23. *ἀντικείμενον*, v. 23. nam ut ceterimonia quatenus erant appendices legis reatum docebant & picturæ erant miseræ nostræ, ita quatenus subserviebant fœderi Evangelico & erant appendices gratiæ,

λύτρον proponebant & symbola erant remedii & satisfactionis per Christi sanguinem procurandæ. priori modo *opponuntur* Christo; posteriori *subordinantur*, hinc locutiones variæ de illis habentur, quæ videntur contradictoriæ dum aliàs detrahitur ipsis peccatorum remissio & expiatio, aliàs verò iisdem adscribitur, sed facile posita hac distinctione solvuntur, denegatur ipsis expiatio quatenus *in se* considerantur & *relatè ad legem*, sed iisdem tribuitur quatenus in fœdere gratiæ *conjuncta cum Christo* spectantur & *relatè ad Evangelica mysteria* quorum erant *σημεία καὶ ἀντίτυπα*.

XXVII. Sed hîc ob stare videtur Adversarii ratiocinatio, quæ ex hac collatione non solum nullum argumentum pro satisfactione dari posse demonstrat, sed etiam expressè eam ex hac ipsa vult everti; Nam si sacrificia illa vetera & victimæ legales satisfacere non potuerunt iustitiæ divinæ nec ullam expiationem peccati propriè dicti procurare, ergo nec Christi sacrificium satisfecit vi sua & expiavit, at prius verum ex Anteced. ergo & posterius. Ratio consequ. quia figura & imago debet respondere veritati, & aliquid sit oportet in figurâ adumbrante ejusdem generis cum eo quod in re adumbrata præfiguratur, verbi gratia Serpens æneus Christum adumbravit, & in eo exaltationem sive in crucem sive in cœlum, salutemque quam adepturi essent quicumque ei fidem habuissent præfiguravit. At inter m ipse serpens quoque exaltatus fuit, omnesque in eum intuentes servabantur. Itaque utrobique exaltatio, utrobique salus; sed hîc omnia multò præstantiora quàm in umbra, in veritate quàm in figura, si ergo constet victimas nullam vim satisfaciendi pro peccatis habuisse, nullam figurare potuerunt, sic colligendum esset potius ex ipsis Christi mortem nullam ad satisfaciendum vim habuisse; sic *Soci. prælect. cap. 22. & part. 2. c. 10.*

XXVIII. Hoc verò quicquid est ratiocinii facile solvitur ex ante allatâ distinctione *expiationis typicæ & realis*; Damus enim in figura adumbrante debere aliquid esse analogum illi mysterio quod in veritate impletur, aliàs ne figura quidem esset, quomodo enim aliquid præsignificare posset, nisi aliquid esset symbolum quo adumbraretur, sed non propterea necesse est ut imago illa quæ in figura deprehenditur sit planè ejusdem speciei & ordinis cum ea quæ figuratur, nam veritatem præstantiorem esse typo & figurâ oportet in omnibus, ut bene dixit Chrysostom., sufficit ut analogia sit quædam & similitudo quâ unum ex altero colligatur. verbi gratia serpens æneus fuit illustris typus Christi ut constat ex Joh. 11. 14. typus autem non potuit esse nisi per relationem typi ad antitypum, ut in typo umbra esset & symbolum rei in veritate expressæ, ita & serpentis conditio qui formam quidem serpentis habuit externam, sed non virus, conditionem Christi ostendebat, qui in forma carnis peccati, sed sine peccato tamen factus est Roman. 8. 3. exaltatio illius, illius exaltationem primò in crucem, mox in cœlum, intuitus Israëlitarum, fidem fidelium, sanatio illorum, istorum salutem; sed nec exaltatio, nec sanatio, nec cætera circumstantiæ in typo expressæ ejusdem erant

erant generis & ordinis cum mysteriis Euangelicis in istis adumbratis, imò diversa planè & toto genere discrepantes, illæ enim corpus respiciebant, hæc verò animum, illæ vitam hanc animale, ista verò spirituale & cœlestem, illæ virtutem & efficaciam à solo Deo non à serpente pendentem notabant, ista virtutem ab ipso Christo efficaciter manantem; Ita in hoc de sacrificiis argumento colligendum est non potuisse figuras & symbola esse sacrificii Christi nisi in iis umbra fuerit quædam & imago rerum earum quæ in istâ victimæ cœlestis oblatione perficiuntur, hinc fusio sanguinis pecuini fusionem sanguinis Christi designavit, expiatio quæ per fusionem sanguinis & victimæ oblationem peragebatur, expiationem veram per *ἀιματηχυσίαν* in cruce factam, substitutio victimæ in locum Rei & compensatio pœnæ, substitutionem Christi Sponsoris nostri in locum nostrum; & pœnæ compensationem cum nostri liberatione; reditus ad populum, communionem cum sanctis, liber accessus ad Tabernaculum & sacra omnia, viam apertam in cœlum & aditum ad Patrem cœlestem cuius conspectu remoti antea fueramus, & relaxatio pœnæ temporalis, quæ ob immundiciem legalem debebatur, remissionem pœnæ æternæ quæ peccatis imminerebat adumbravit, ut aptissimâ analogiâ umbra corpori & figura veritati respondeat, utrobiq; enim & Clementia & Justitia diuina elucet, quòd cum ex rigore Legis peccator ipse luere teneretur per specialem quandam *ἁγνίσαν* voluerit locum dare substitutioni victimæ loco ipsius mactandæ, ut illâ pro ipso luente satisfaceret iustitiæ Dei & ipse interea reus ejus morte vicariâ immunis & indemnus à pœna præstaretur. Cæterum licet aliqualis occurrat similitudo non necesse est ut sit æqualitas, sufficit si sit analogia quædam & proportio quæ & similitudinem quandam habeat & dissimilitudinem, ut discrimen inter umbram & corpus eo facilius percipiatur, & iustius supra illam prærogativa; ibi sanguis fundebatur, sed *ἀλγος*, hic sanguis funditur, sed victimæ cœlestis & *λογικῆς*, illic ætare æneum, hic mysticum, illic expiatio cæremonialis & externa quoad carnem, hic realis & interna quoad conscientiam, illic immunitas obtinetur pœnæ temporalis in foro Ecclesiastico, hic liberatio à pœna æterna in foro Cœlesti, unde ad argumentum facilis est responsio, per distinct. major, peccat enim fallax. à dicto secundum quid, Si sacrificia non potuerunt satisfacere nec expiare, non potuerunt satisfactionem Christi adumbrare, vel intelligitur satisfactio & expiatio realis & propriè dicta, vel cæremonialis & symbolica; si de illa intelligatur argumentum neg. maj. consequ. nam etsi non potuerint verè satisfacere & expiare realiter, non sequitur non potuisse significare sacrificium Christi, ut non valet, si serpens æneus non potuit sanare peccatores, non poruit ergo adumbrare Christum salvatorem; Nec enim idem omnino requiritur in figurâ quod in figurato, aliàs figura & typus non amplius esset. Si verò de istâ, concessâ maj. neg. min. falsum enim est sacrificia ista & victimas nullo modo expiasse & satisfecisse, quippe si expiare non poterant *ἁγιασθῆσαν*, expiabant tamen secundum carnem & cæremonialiter, typicè & significativè quod sufficiebat ad fundandam

relationem & adumbrationem illam Christi mortis, & satisfactionis quam quæsimus.

XXIX. Dices, non potuisse errata hominum in bestiis puniri & expiari, nequidem carnaliter, tum quia nulla sit inter hominem & bestiam speciei communio, quæ tamen omnino necessaria est ad hanc satisfactionem, tum quia nulla est proportio inter mortem bestię, & capitale hominis supplicium, ut illud potuerit illâ tanquam pretio sufficienti compensari: Itaque si expiarunt peccata sacra illa, non expiassent dando pretium aliquod vel pœnam vicariam Deo ad satisfactionem, sed tantum quatenus cum fide & pœnitentia juncta, erant actiones Deo gratæ, quibus movebatur ad remissionem concedendam; hoc enim sensu sacrificia expiatoria à fidelibus rectè offerri potuisse ut patet exemplo Davidis qui Ps. LI. agens de expiatione sceleris sui ait *sacrificia Dei sunt Spiritus confractus & contritus*, ut innuat Deum talibus sacrificiis spiritualibus duntaxat moveri ad remissionem largiendam; Quò pertinet etiam illud Salomonis Prov. xvi. 6. *qui misericordia & veritate redimi ait & expiari iniquitatem*. Resp. quoad prius si de *reatu morali* & propriè ita dicto quæstio esset, facilè largimur non potuisse illum duplici hac de causâ sanguine brutorum tolli, ut antea probatum, quia agitur hic cum iustitia Dei quæ solutionem adæquatam postulat, & acceptilationem non agnoscit; sed de *carnali* & *cæremoniali* aliter se res habet, quia cum non pendeat ex jure naturali & indispensabili iustitiæ Dei, sed ex libero & positivo, quod per constitutionem legalem definitum est, potuit sapientissimus Legislator pœnam positam pro libito relaxare & modum satisfactionis statuere, quod factum ab eo convenienter dum victimas expiatorias admisit vice peccatoris, & illarum interventu, ac non aliter peccatorem à pœna liberare voluit; (ut hic interim omittam, aliquam etiam conjunctionem esse hac in parte inter hominem & bestiam, non modò in genere animantis, sed & in ea relatione quæ est inter possessorem & rem possessam, est enim bestia sub hominis dominio, & expiandus de suo dare jubebatur: Lev. v. 6.) Non ergo expiare dicebantur quasi *ἀντιτάγμα* æquivalens darent pro peccato, sed quia Deus ea ordinaverat tanquam media convenientia quibus satisfaceret constitutioni legali, quibusque moveretur Deus ad pœnam carnalem & cæremonialem remittendam, atque eo vel maximè quod insuper symbola erant aptissima & figuræ perfectissimi sacrificii quod à Christo loco nostro offerri debuit.

XXX. Quod verò secundò loco additur sacrificia non expiassent per modum solutionis & pœnæ vicariæ, sed tantum virtute fidei & pœnitentiæ cum quibus offerebantur, facile refellitur; Cum enim Deus testetur non semel, se *sanguinem* dedisse ad expiationem faciendam, & disertè Apost. doceat *sine sanguinis fusione non fieri remissionem* Heb. ix. cum passim in Lev. expiatio oblationi sacrificiorum tribuatur, quis non videt hoc beneficium ad sacrificia ipsa referendum esse, non simpliciter ad fidem & pœnitentiam, licet hic etiam requirerentur? alias tam absentibus quàm præsentibus sacrificiis potuisset expiatio ista procurari quod falsissi-

mum; fateor virtutes istas à parte hominis necessarias fuisse ut oblatio accepta foret Deo, verùm ut *dispositiones pravias* in subiecto *sine quibus* remissio non concedebatur, siquidem nulli nisi pœnitenti & credenti beneficium hoc indulgetur, non ut *causam meritoriam* quæ jus illius virtute sua ipsis acquireret, & *propter quam* conferretur. Nec alio sensu David vocat *cor contritum sacrificia* Dei, per enallagem numeri pro sacrificio præstantissimo: Non enim agitur de expiatione peccati facienda, siquidem cùm Psalmum hunc caneret jam audierat à Nathane. 2. Sam. xii. v. 13. peccatum ablatum & condonatum esse, sed de sensu ejus consequendo, ad quem omnino necessaria erat fides & contritio cordis, non ergo hîc disserit quid pretii persolvere Deo debeant homines, vel quo merito remissionem peccatorum obtineant, imò datâ operâ spiritum afflictum fictitiis compensationibus opponens nuditatem hominum detegere voluit, nec enim aliò tendit Spiritus dejectionis quàm ut hominem exinaiat, & in nihilum redigat, sed docet tantum quo medio beneficium hoc à Deo paratum obtineri & sentiri in corde possit. Locus Prov. xvi. non magis urget, nam ut non dicamus posse hîc *miserecordiam & veritatem* Dei intelligi non *nostram* quod quibusdam placet, quomodocunque sumatur certum est nec propriè dictam expiationem virtutibus istis tribui, nec satisfactionem Christi excludi, dicitur ergo *miserecordiâ & veritate*, id est charitate & fide *redimi iniquitas* quia sunt conditiones necessariae in subiecto ad redemptionem consequendam, ut Christus ait *miserecordes misericordiam* consecuturos Matth. v. 4. vel quia *regitur* & purgatur in nobis, sic enim verbum רָגַע sæpe sumitur, quo sensu Jac. v. 20. dicitur *charitas operire multitudinem peccatorum*, & Dan. iv. 27. *redimi* id. *abrumpi iniquitas misericordiâ*. Cæterum non excluditur sed supponitur semper ὁ ἄγιος Christi sine quo nec fidei nec charitati locus esse potest.

XXXI. Atque hæc hæctenus dicta sunt de sacrificiis relatè ad Christi mortem & satisfactionem, Unde *Sextam* argumentorum *Classem* deduximus: Sequitur jam *Septima* quam suppeditabunt crassiora nonnulla Absurda quæ sententiam Adversariorum gravant. 1. Absur. Si Christus ad exemplum tantum & doctrinæ confirmationem mortuus est, neutiquam verò ad satisfactionem & meritum, sequitur Martyres multos idem cum Christo præstitisse, nihilque hîc Christo ἰξόχως tribui posse quod cæteris pariter competere non possit, nam & ipsi mortui sunt ad obligationem & confirmationem doctrinæ quam verbo & scriptis prædicaverant, unde mors eorum propterea μαρτυρίαν dicta, & ipsi Jesu Christi Martyres, qui luculentissima patientiæ, spei, charitatis, obedientiæ, fidei, & cæterarum virtutum Christianarum dederunt exempla. At nusquam tamen legere est eos pro nobis mortuos & crucifixos esse, eos peccata nostra expiasse, & nos Deo reconciliasse, eos sanguine suo remissionem peccatorum nostrorum consecutos esse, & redemptionem æternam procurasse, quod toties & tam expressè de Christo perhibetur, imò disertè hoc interdicitur & ipsis denegatur, cùm in Jesu Christi nomine solo salus esse dicitur Act. iv. 6. Et ille unus non alius quispiam pro

pro nobis crucifixus: 1. Cor. 1. 13. Cur verò hoc quæso, si nihil proprii & peculiaris fuit in Christi morte, si eundem utrique finem sibi proposuerunt? An potuit Scriptura hæc tanquam opposita in hoc negotio considerare quæ conjungenda erant, & illis quidem constanter denegare, huic verò soli constanter tribuere, nisi hoc solius mortis Christi effectum esse seorsim à quorumvis hominum morte nobis persuadere voluisset?

XXXII. *Crellius* contra *Grotium* varia excipit 1. ex morte Martyrum non ita eluxisse charitatem illam Dei erga genus humanum adhuc impium, quemadmodum ex morte Christi unigeniti ejus filii. 2. Ipsos morte sua non testari suum erga genus humanum Deo inimicum amorem, quemadmodum Christus qui jure quodam singulari poterat ab ea esse immunis, & nostri præcipuè causâ eam subiit. 3. Christo hæc peculiariter tribui, quia primus salutis viam humano generi promulgaverit, & ad doctrinam suam confirmandam & probandam mortem diram & truculentam adierit, Martyres autem doctrinæ illius causâ esse mortuos, & tantum ab altero isto Dei legato ac primo salutis præcone de ejus veritate se edoctos esse professos, veritatem testimonii totam pendere à primo teste, & posteriorem testem priori testimonio hoc suo tantum subservire. Ideo Christum simpliciter testem fidelem ac veracem appellari, cæteros autem Jesu Christi Martyres vocari; ut Apostoli Christo testimonio suo subservierunt in Evangelio prædicando, qui licet dicantur alios servare non tamen sint Christo comparandi, quia nec primò nec perfectissima ratione id præstant, sed Christo hac in re aliquousque tantum subserviunt; id ipsum de Martyribus dici posse.

XXXIII. Resp. ad primum peti principium, probandum enim fuit non dicendum majorem charitatem eluxisse in morte Christi quàm in morte Martyrum; Nam cum Adversarii Christum *ψιδὸν ἀνθρώπων* statuant in mortem à Deo traditum ad faciendam Evangelii doctrinam de remissione peccatorum, & post eam demum filium Dei factum, aut saltem verè & perfectè ad istam dignitatem evectum, Martyres autem Filii Dei etiam fuerint, divinæ naturæ suo modo participes, eandemque doctrinam sanguine suo obsignaverint, imò cum semen Ecclesiæ dicatur fuisse ipsorum sanguis, ostendi debuisset cur charitas Dei in morte Christi exhibita tantopere superet charitatem Dei in morte Martyrum, toties tamque mirabiliter ad fidei confirmationem demonstratam. Deinde aliud est charitatem Dei illustrius in morte Christi demonstratam fuisse, aliud eum morte sua redemptionem & salutem esse adeptum; non debuit ergo ejus sanguini remissionis peccatorum & reconciliatio tribui exclusivè ad martyres, si nihil aliud fuit in ea quàm clarior amoris divini testificatio. Ad 2. supponitur falsum Martyres debuisse pati mortem truculentam quam subibant, Christum autem minimè, sed ab ea cure quodam singulari cum immunis esse posset, nostri causâ eam subiisse; Nam etsi martyres à morte immunes non poterant esse naturali & ordinariâ quâ homines miseri & peccatores, siquidem mori omnibus semel est constitutum Heb. 1x. 27.

potuerunt tamen à violentâ & dirâ illâ morte quæ illis inflicta est ut Christianis eximi, si Deo ita libuisset, ut erga innumeros alios fideles præstitum. In 3. non plus est roboris, 1. fallacia est à dicto secundum quid si Christo hæc tribuuntur quia salutis viam primus commonstravit, & doctrinam morte dissimulâ probavit, sequitur hæc illi primò & præcipuè fuisse tribuenda, sed non soli & singulariter exclusivè ad cæteros omnes qui in eadem operâ post Christum laborarunt. 2. supponitur gratis Christum fuisse præconem Euangelii & primum martyrem; Quis enim ignorat prophetas viam salutis annuntiasse imò multos sanguine suo carnem comprobasse ut exprobat Judæis Christus Matt. xxii. 34. 35. quòd pertinet etiam nubes illa testium de qua Apost. Heb. xii. 1. qui constantiam fidei suæ in mediis tormentis & morte ipsâ tam fortiter testati sunt: Fuerit ergo Christus primus Testis ordine dignitatis & natura, quia omnes in Christo & nomine ejus sunt locuti, sed ordine temporis dici nequit, nisi à salute excludere velimus veteres patres qui pro fide istius testimonii obire non detrecarunt. Adde quod veritas testimonii pendet à veritate rei, non ab ordine temporis, quo primum secundum aut centesimum dici potest. 3. conferuntur dissimilia. externa predicatio Euangelii quæ pars fuit muneris Prophetici Christi potuit admittere ministris & sociis quales fuerunt Apostoli & Pastores, qui propterea dicuntur servare auditores suos ministerialiter, sed oblatio sui ipsius per Spiritum æternum in λασρόν quæ fuit actio sacerdotalis est planè incommunicabilis, adoranda, non imitanda, quia supponit virtutem & meritum divinum & infinitum quod in hominem non cadit. Denique quamvis hac in parte aliqua esset Christi prærogativa supra Martyres in confirmatione doctrinæ & exemplo quod non diffitemur, mutare quidem posset gradum sed non speciem, nec talis esset quæ cæteros absolutè ab iisdem functionibus excluderet, quod dum fit non semel à Spiritu Sancto, argumento est aliquem alium finem Christo morienti propositum fuisse qui in Martyres cadere non poterat, qui alius esse non potuit quam expiatio peccatorum nostrorum, & iustitiæ divinæ satisfactio.

XXXIV. II. Absur. Si Christus non alio fine quàm quo statuitur ab Adversariis mortuus fuisset, idem effectus & Miraculis & Vita Christi assignari potuisset non minus convenienter, siquidem in illis non minus, imò aliquanto magis quàm in morte testimonium perhibuit doctrinæ suæ & in istâ innumera sanctitatis charitatis & constantiæ & fidei & cæterarum virtutum data sunt exempla: at nec miraculis nec vitæ Christi simpliciter uspiam tribui animadvertimus expiationem & remissionem peccatorum, sed semper morti & sanguini, unde passim quoties de ea sermo est, mentio fit mortis crucis & sanguinis; Euangelium dicitur sermo crucis: 1. Cor. i. 18. baptismus fit in mortem Christi Rom. vi. 3. Eucharistia ad mortis memoriam & fusi sanguinis monumentum refertur: 1. Cor. xi. 28. Cur verò istud nisi propria quædam intercederet causalitas in mortem Christi ad hæc beneficia nobis procuranda? Excipit Crellius Miraculis quidem magis confirmatam

fuisse doctrinam generatim consideratam, sed mortem peculiarem habuisse conjunctionem cum remissione peccatorum, Christum enim potuisse stupenda miracula edere sicut Moses & nil nisi minas Dei nomine ut ei parere vellemus proponere, at fieri non potuisse ut Christus unigenitus Dei filius moreretur ad doctrinam suam & salutis viam in ea propositam confirmandam, quin simul ingens Dei erga peccatores charitas appareret & sic certa spes remissionis in animis nostris oriretur; adde quod morte Christi nominatâ sæpe comprehendant S. Scripturæ quæ mortem Christi sunt consecuta, quod miraculis non competit.

XXXV. Resp. Sed hæc exceptio vim argumenti haudquaquam elidit, nam si mors Christi nihil aliud debuit quàm doctrinam de remissione peccatorum & salute confirmare & obsignare, nullam habuit peculiarem *gloriam* ad hoc supra miracula, imò miracula videntur id ipsum aliquanto clariùs demonstrasse ut colligitur ex Matt. ix. 6. 7. 8. ubi Christus ex sanatione paralytici probat potestatem & jus suum remittendi peccata, invisibile ex invisibili; ut autem sciatis *authoritatem habere filium hominis in terra remittendi peccata tunc dicit paralytico surge attolle lectum tuum & abi domum tuam.* Sic in morte Centurio & ceteri Custodes colligunt Christum esse verè Filium Dei ex terræ motu & aliis miraculis Matt. xxvii. 54. Et sanè quis non videt miraculosam dæmoniorum ejectionem, leproforum mundationem, cæcorum illuminationem, & mortuorum suscitationem & cætera id genus habuisse majorem analogiam cum beneficiis nostris spiritualibus & clariùs potuisse obsignare liberationem nostram ex potestate satanæ, purgationem à peccatis, spiritualem mentium nostrarum illuminationem & mysticam resurrectionem, quàm simplicem Christi mortem? quid enim magis à vero alienum quam mortem truculentissimam hominis innocentissimi per se ad hoc valere ut nobis persuadeat sanctè viventibus peccata sua remissum iri & æterna gaudia illis esse parata? Fateor si resurrectio & exaltatio cum morte connectantur luculentius id posse demonstrari, sed aliud loqui de morte ipsa, aliud de consequentibus mortem, & sic non morti, sed resurrectioni potius tribuenda essent, ut jam dicemus. 2. Quod verò addit Christum potuisse stupenda miracula edere & tamen nil nisi minas proponere instar Moses, in eo aberrat à quæstione & extra oleas vagatur, neque enim argumentum nostrum simpliciter petitum est à miraculis, sed à *miraculis Christi*, non negamus enim quædam esse miracula quibus non potest confirmari remissio peccatorum, qualia sunt *miracula legalia* quæ in eum tantum finem edebantur ut terrorem incuterent peccatoribus & reverentiam Numini conciliarent, unde Moses proficitur se *ἐκφοβῶν* & *ἐντροχῶν* esse, sed *miracula Evangelica*, quæ Christus edidit, alia planè fuerunt, prodigia erant gratiæ, quæ in salutem & consolationem hominum dirigebantur, ut enim Christus venerat servare quod perierat, huc & doctrina & miracula, & omnia vitæ gesta referuntur, illa metum incutiebant, hæc fidem ingenerant; illa procul amandabant peccatores, hæc illis accessum præbent, & aditum parant, illa mortem & exitum

intentabant, hæc vitam & salutem pollicentur. Quis ergo sanus ab illis ad ista velit argumentari? Deus quippe voluit doctrinæ accommodare portenta & miracula quibus eam confirmare tanquam signis decreverat. Lex quæ fuit ministerium condemnationis & litera occidens nulla debuit nisi stupenda & terrificæ habere miracula, sed Evangelium quod est doctrina gratiæ & reconciliationis miracula debuit fortini homogenea, hoc est vivifica & salutaria; Quemadmodum ergo ex miraculis Moïsi doctrina ejus illustrem in modum coram toto Israël fuit confirmata; sic Christus miraculis suis doctrinæ salutaris veritatem luculenter demonstravit: Non potest ergo hæcenus finis iste, morti seorsim à miraculis tribui.

XXXVI. III. Eadem absurditas longè clarius se prodit respectu *Resurrectionis* & exaltationis Christi, nam si in morte Christi habemus tantum oblationem remissionis peccatorum, & viæ salutis exemplum; Quod idem beneficium *Resurrectioni* Christi pariter non adscribitur, quæ non minus ad hoc effectum contulisse deprehenditur, imò multo propius & efficacius id attingit? nam si credimus Adversariis, hæc demum ratione mors ad remissionem hanc intercedit, quia antecessit ipsam resurrectionem, nempe remissio peccatorum ex ipsis non contingit nisi sanctè viventibus ita loquitur *Socinus* l. 3. c. 11. sanctimoniam vitæ facit fides & spes certa præmii, hanc fidem ingenerat exemplum Christi ob vitæ sanctimoniam à mortuis excitati & glorificati, istam excitationem mors antecessit, & mortis tolerantia antecedens conditio fuit gloriæ subsecutæ, sic non proximè & immediate, sed mediatè tantum & remotissimè mors erit causâ remissionis vel potius ejus confirmatio; Quis vero tantas ambages ferat ubi Spiritus Sanctus tam aperte loquitur? Nam si mors beneficium hoc nobis procurat tantum interventu resurrectionis, cur constanter morti tanquam propriæ & singulari causæ tribuitur, nusquam autem vel rârè admodum resurrectioni, idque non nisi respectu applicationis, at resurrectioni multò verius & melius competeat quàm morti ex Adversariorum hypothesi, Deinde Scriptura modum connexionis inter mortem Christi & remissionem peccatorum explicat voce *placaminis*: Rom. 111. 24. 1. Joa. 11. 2. Eph. 1. 7. quod morti quidem optimè, resurrectioni autem nequaquam possit aptari. 3. Paulus morti seorsim à resurrectione & vitæ effectum redemptionis & reconciliationis tribuit Rom. 7. 10. si cum inimici essemus reconciliati fuimus Deo per mortem filii ejus, multò magis reconciliati servabimur per vitam ipsius, ubi mors opponitur vitæ gloriôsæ, & illi quidem reconciliatio inimicorum tribuitur, per sanguinis scilicet fusionem & oblationem corporis quæ actus fuit sacerdotalis, Sacerdotis enim est peccata expiare, Deum placare, atque ita pacem facere, isti verò conservatio & plena liberatio amicorum quæ virtutis est regiæ quam Christus in gloriosa sua exaltatione exerit. Cum ergo Scriptura constanter hoc beneficium morti Christi tribuat, nullaque ratio dari possit, cur ipsi potius quàm resurrectioni adscribendum sit ex Adversariorum sententiâ, imò magis proprium & im-

Deus in gratiam redire cum creatura, illamque in communionem fœderis recipere, nisi prius iustitiæ quæ peccato læsa fuerat probè litatum esset ut ostensum fuit in Disput. de Necessitate satisfactionis, ad cujus adumbrationem Deus sanguinem adhiberi voluit ad fœderis antiqui confirmationem: Exod. xxiv. Heb. ix. Verum quidem victimas etiam locum habuisse in fœderibus humanis sciendis, unde phrasis orta *ferire fadus* à feriendis victimis ad maiorem certitudinem & perennitatem ab utraque contrahentium parte contestandam, ita ferendum esse docentes eum qui primus fœdisfragus fuisset, de quo ritu vide *Livium* lib. 1. qui formulam fœderis antiquissimi inter P. R. & Regem Albanorum ic̃i latissimè persequitur, & *Virgil.* lib. 8. *Æneid. suet. in Claud.* cap. 35. sed à fœderibus humanis ad divinum argumentari quis velit? maximè cum inconstantia & mutabilitas quæ in humanis facile locum habet ab hoc quod à Deo pangitur, & in eo solo totum fundatur, procul removenda sit, ideoque sanguinem adhiberi ad constantiam hanc testandam necesse nihil fuit; Quid ergo? ad iram ejus placandam effusus est, qui finis præcipuus fuit sacrificiorum: Atque hinc patet quo sensu dicatur via per sanguinem dedicata: Heb. x. 19. non tantum quia eam suo exemplo nobis præmonstravit, sed quia eam merito suo aperuit, nam ante ejus mortem via salutis erat planè in via, οὐραρὸς ἀβυσσῶ, Justitia Dei aditum paradisi gladio suo flammeo intercludente, sed jam sanguine Christi placatâ Dei irâ omnia nobis patent, cœlum panditur fidelibus, ita ut liberè & cum fiducia eò sequi possimus Christum præcursorem nostrum Heb. vi. 19. 20. Unde colligitur Christum appositissimè sacram Cœnam instituisse non in memoriam vitæ & resurrectionis, sed præcipuè mortis, quia in ea nobis dare voluit sigillum fœderis gratiæ & Sacramentum remissionis peccatorum & reconciliationis nostræ cum Deo, quod à morte Christi unicè & ἑξῆς pendet. Tertia ratio, non inscitiam tantum ejus prodit, sed & impietatem, dum in vanas argutias & elegantias sermonis convertit eas locutiones, quæ recondita proponunt mysteria, quasi S. Scriptores per merum ingenii lusum usi fuissent allusionibus absque ullo fundamento, quod quàm alienum sit à gravitate & majestate Spiritus S. in Scriptura loquentis, piis omnibus judicandum relinquimus; Imò ἡ τὸ βλαπὸν fortius argumentamur, si sanguis fœderis antiqui & sacrificia victimarum legalium ad quæ alludit Spiritus S. expiationem carnalem faciebant, si redemptio & acquisitio propriè dicta pretium & satisfactionem important, omninò necesse est Christum in mortè & expiationem & satisfactionem aliquam præstitisse, ut veritas figuris, & res vocibus apprimè respondeant.

XXXIX. IV. Absur. Positâ sententiâ Adversariorum, nulla erit Justitia illa Christi quæ toties à Paulo commendatur, tanquam fundamentum justificationis nostræ, & fons omnis nostræ consolationis & spei, cum ait per eam nos justos constitui Rom. v. 18. in eâ nos inveniri Phil. 1. 11. v. 6. & esse in ipso 2. Cor. v. 21. eâ indui & regi adversus criminationes Legis & Diaboli Rom. 1v. 7. 8. Nam si

vera est ipsorum mens, Christus nil nisi exemplum nobis contulit & tota iustitia fidelis in fide & obedientiâ mandatorum divinarum consistit, ita ut fides ipsa nobis imputetur in iustitiam & reputetur per acceptilationem pro perfecta iustitia apud Deum ut *Socinus* part. 4. c. 11. fusè probare conatur; Quid verò est totum Euangelium evertere si hoc non est? si enim fides imputatur pro iustitia, falsò ergo dixerit Apostolus nos alienâ iustitiâ iustos constitui Rom. v. nos esse iustitiam in Christo non in nobis, & deprehendi habentes non iustitiam nostram quæ est ex lege, sed eam quæ est ex fide Jesu Christi, nam quis dicere sustineat fidem vel obedientiam non esse nostram? Imò quod gravius adhuc est & magis intolerandum confunditur Lex cum Euangelio, vetus Fœdus operum, cum novo gratiæ Fœdere, cum ex istorum mente utrobique per propriam obedientiam iustificemur: Nec Paulus potuit antithesim toties instituere inter fidem & opera, cum ex istis fides quâ opus Deo gratum iustificet.

XL. V. Absur. Metaphoricè & figuratè sine necessitate exponuntur quæcunque Scriptura de redemptione per Christum partâ, de pretio sanguinis, & *ἀντάγω* quod pro nobis dedit, de sponione & vadimonio ejusdem loco nostro suscepto expressè dicit innumeris in locis; Cùm tamen nuspiam hæc metaphora à Spiritu sancto notata sit, & verbis propriis explicata, quod necessarium erat imprimis ne in errorem periculosum incideremus, propriè interpretando quod figuratè tantum & impropriè dictum est: unde vel defecisse Spiritum Sanctum in necessariis dicendum est, & non satis suorum saluti & fidei prospexisse; quod impium est vel cogitare, vel statuendum istas omnes locutiones propriè & verè prout sonant intelligendas esse, non figuratè tantum & metaphoricè. **VI.** Si mors Christo infligi debuit ad testimonium perhibendum doctrinæ suæ de peccatorum remissione; Ergo remissio prius fuerit necesse est; Nam res ante sit oportet quàm testata fiat, rei enim existentia causa est testimonii non contra, sic mors potius effectus erit remissionis quàm remissio mortis. At Scriptura tamen dicit nos remissionem consequi per sanguinem Eph. 1. 7. Col. 1. 14. & sanguinem delere peccata nostra 1. Joh. 1. 7. Item sanguinis effusionem esse aliquid antecedens sine quo non fiat remissio; Heb. 11. 22.

XLI. VII. Absur. *Officium sacerdotale* Christi tollitur, vel cum Prophetico & Regio confunditur; sive oblationem mortis, sive intercessionem vitæ spectes, qui duo sunt actus muneris Sacerdotalis: Nam ad priorem quod attinet cum mortuus supponatur Christus tantum ad doctrinæ confirmationem, hoc ipso mortuus erit ut Propheta, & Doctör, non ut Sacerdos: Posteriolem verò non minus evertunt, Intercessionem dico, tum quia non potest statui actus propriè sacerdotalis, nisi quatenus sacrificii peracti virtute nititur, tum quia *ἱερεὺς* illam nolunt ipsi peragi precibus, & repræsentatione meriti, sed assiduâ & potenti salutis nostræ curâ, quod ad Regium munus, non verò ad sacerdotale pertinet: Scio passim id discriminis ab iis statui inter hæc duo munera, ut Regno quidem potestatem

statem, Sacerdotio verò voluntatem nos juvandi & servandi adscribant : Sed quis sanæ mentis potestatem à voluntate tanquam duos diversos duplicis muneris actus distinguat ? An non boni Principis est, non tantum posse juvare & servare suos subditos, sed etiam ipsis bene velle ? Cum ergo discrimen illud nullum sit, patet duo hæc munia perperam confundi & posterius planè abrogari. Neque hic obistere potest quod iidem reponunt quicquid à Sacerdote expectamus, id omne ab ipso ut Rege proficisci posse, ut quod peccata expiet & purget, id enim fieri per destructionem hostium spiritualium peccati, mortis & Satanæ quæ Christo ut regi tribuitur : 1. Cor. xv. 24. 25. quod afflictis promptè succurrat Heb. 11. 17. 18. id enim regii etiam esse muneris ad thronum suum accedentibus opem ferre. Nam 1. nihil obstat ut duæ causæ sociæ concurrant ad unum eundemque effectum producendum, quæ tamen eadem non sint, aut in se mutuo inclusæ. 2. Etsi varia munera Christi seorsim in variis actibus considerentur, ut Propheticum in Evangelii præconio, Sacerdotale in mortis sacrificio, Regium in Ecclesiæ & fidelium regimine, tamen plerumque in singulis actibus conjunguntur secundum varias illorum *græci*, verbi gratia, in morte Christus egit simul ut Propheta, ut Sacerdos & Rex, Sacerdos *respectu Dei*, qui placandus fuit iustitiâ perfectâ, Eph. v. 2. Rex *respectu Diaboli* qui debellandus fuit virtute & potentiâ summâ : Heb. 11. 14. Col. 11. 14. Propheta & Rex & Sacerdos *respectu hominum* qui docendi fuerunt hoc admirabili fidei & constantiæ exemplo, purgandi pretioso sanguinis merito, & victoriæ ac triumpho donandi divinâ hujus mortis & sanguinis efficacîâ Apoc. xii. Quamquam ergo ad mortem qui propriè fuit actus sacerdotalis concurrerit Christus etiam quodammodo ut Rex & Propheta, non sequitur tamen hæc munia permisceri, unumquodque enim agit quod suum est, quemadmodum in istis operationibus *beard* *ex* *ait* divina & humana natura pariter concurrunt ; Idem dicendum respectu intercessionis, ad eam enim Christus concurrit ut Sacerdos meritum sanguinis sui repræsentando, & simul ut Rex efficaciter illius virtutem applicando.

XLII. VIII. Abs. Denique ne plura congeramus, sequeretur unum Socinum cum pauculis suis asseclis vidisse in hoc palmario salutis articulo quod universam latuit puriorem Antiquitatem, imò cujus contrarium constanter propugnatum fuit. Nec difficile esset si Thesium ratio id pateretur, demonstrare per singula scicula constantem fuisse hanc nostram de Veritate Satisfactionis in Ecclesiâ Orthodoxa sententiam, nec unquam nisi à Pelagianis, & maleferiatis istiusmodi hominibus vel in dubium vocatam vel negatam... Sed tempus est ut manum de tabula ponamus & disputationi huic *κατασκευασμένη* quæ sensim & præter mentem plus iusto videtur progressa, colophonem tandem imponamus. Cum ergo ex antecedentibus constet Christum verè Sponsorem nostrum factum fuisse, verè & non metaphorice nos redemisse, verè pro nobis & loco nostro mortuum esse & maledictionem factum, verè peccata nostra non autoritative tantum per gratiam auferendo, sed passivè in se recipiendo portasse, verè agoniam & desertionem penalem sensisse, verè in sacrificiis hilasticis Vet. Test. adumbratum fuisse, concludamus fidenter ex

præmissis D. N. Jesum Christum θεάνθρωπον divinæ Justitiæ pro peccatis nostris verè satisfecisse ἐπεὶ ἰδίᾳ δόξα.

Ut constet Sententiam Orthodoxam non destitui purioris Antiquitatis suffragio, paucula ex innumeris damus Veterum Testimonia, quibus liquet piam hanc de Satisfactione Christi doctrinam constanter agnitam fuisse & creditam.

Justinus Martyr qui floruit circa ann. C. 150. Dialo. cum Tryphone Judæo pag. 177.

Τὸ το σῶντο τὸ σωτήριον λόγον ἡμεῖς οἱ ἄπο τοῖς μεταγινώσκουσιν καὶ μηκέτι αἵματι πρᾶγων καὶ περὶ βλάτων, ἢ ποδοῦ δαμάλεως, ἢ σιμιδάλεως περὶ σφοδαῖς καθαρίζομεν, ἀλλὰ πίσει δὲ τῷ αἵματι ὃ ἔχειται, ὃ θανάτου αὐτοῦ, ὅς ἐστι τὸ αἰπεῖαν ὡς αὐτὸς Ἡσυχίας ἐφη. &c. Hoc illud salutare lavacrum fuit, quod eos est consequutum qui poenitentiam egerunt; neque amplius hircorum & ovium sanguine, aut vituli cinere, simileve oblationibus sumt expiati, sed fide per sanguinem Christi & mortem ejus, qui ea ipsa de causa mortuus est quemadmodum Isaïas dicit &c. ubi cùm expiatio facta dicatur non per sanguinem hircorum & ovium, sed per sanguinem Christi & mortem ejus qui ea potissimum de causa mortuus dicitur, ut fusè idem Author ibid. probat ex c. LII. Isaïæ, satis ex eo liquet Christi Satisfactionem connotari quæ in expiatione necessariò includitur. Hoc ipsum verò luculentius probat pag. 252. ubi disertè habet Deum voluisse Christum omnium maledictiones in se recipere, quod fieri nequaquam potuisset, nisi ipse omnium loco substitutus, eorum pœnas revera tulisset, εἰς ἃ καὶ τὸν αὐτὸν χριστὸν ὑπὲρ τῶν πάντων γένος ἀνθρώπων ὁ πατὴρ τῶν ὅλων τὰς πάντων κατὰρας ἀναδέξασθαι ἐβελήθη εἰδὼς ὅτι ἀναστήσει αὐτὸν σκυροθέντα καὶ ἀποθανόντα &c. Si ergo Deus rerum univrsarum parens, Christum suum ex omni mortalium genere omnium maledictiones excipere voluit, sciens quod eum crucifixum & mortuum suscitaturus esset &c.

Tertullianus qui sub finem secundi seculi vixit.

Lib. adversus Judæos c. 13.

Christum oportebat pro omnibus gentibus sacrificium, qui tanquam ovis ad victimam ductus est, & velut agnus coram tondente se sine voce, sic non aperuit os suum.

Origenes Adamantius qui circa annum 230. floruit.

Homil. IV. in Numer.

Si non fuisset peccatum, non necesse fuerat Filium Dei agnum fieri, nec opus fuerat eum in carne positum jugulari, sed mansisset hoc quod erat in principio, Deus Verbum. Verum quoniam introiit peccatum in mundum, peccati autem necessitas propitiationem requirit, & propitiatio non fit nisi per hostiam, necessarium fuit provideti hostiam pro peccato.

& in Matt. c. 16. Matth. 11. Homo quidem non potest dare aliquam commutationem pro anima sua, Deus autem pro animabus omnium dedit commutationem

nem pretiosum sanguinem filii sui; Nec enim empti sumus corruptibili argento vel auro, sed pretioso sanguine agni immaculati.

Cyprianus qui Martyrio coronatus est circa annum 258.

Epist. 63. ad Cæcil. parag. 9.

Nos omnes portabat Christus, qui & peccata nostra portabat.

Idem de Passione Christi.

Causam mortis in te, Christum alloquitur, non esse Pilatus ipse prædixerat, & Caiphas mortem tuam pro inimico populo satisfacturam, cum esset ann illius Pontifex, prophetaverat, & mox, Cum originali morti nullum nisi in Christi morte potuerit esse remedium, nec reconciliare Deo potuerit exules & damnatos quælibet oblatio, nisi sanguinis hujus singulare sacrificium.

Eusebius Cæsariensis qui tempore Constantini Magni vixit.

Lib. x. de demonstr. Euangel. c. 1.

Γέγονε γὰρ ὑπὲρ ἡμῶν κατὰ τὰς ὁ αἰνὸς ὁ θεὸς ὁ αἰὼν τὴν ἀμαρτίαν ἡμῶν, ὅτι καὶ ἡμῶν μὴ γινώσκοντες ἀμαρτίαν ὁ θεὸς ὑπὲρ ἡμῶν ἀμαρτίαν ἐπέθηκεν ἀντίψυχον ὑπὲρ πάντων ἡμῶν περὶ τοῦ αὐτοῦ ἵνα ἡμῶς ἡμεῖς ἀκατοῦντες θεὸς ἐν αἰῶνι. Factus est ergo pro nobis Execrator Agnus Dei qui tollit peccatum mundi, quem, etiamsi non novisset peccatum mundi, peccatum pro nobis fecit Deus, loco omnium nostrum vicarium eum substituens ut essemus iustitia Dei in ipso.

Et paulo post clarius hoc ipsum argumentum exequitur cum addit ὁ μόνος δε ταῦτα πράξας ὁ αἰνὸς ὁ θεὸς, ἀλλὰ καὶ ὑπὲρ ἡμῶν κολαοῦς καὶ τιμωρίαν ὑπαρχόντων αὐτὸς μὴ ἔκωφελεν, ἀλλὰ ἡμεῖς ὁ πλῆθος ἐνεκεν τῆς πεπλημμελημένης, ἡμῶν αἰτιᾶς ἀμαρτημάτων ἀφέσεως κατέστη, ὅτι ὑπὲρ ἡμῶν ἀναδεξάμενος θάνατον μάστιγος τε καὶ ὕβριος ἐκείνης ἡμῶν ἐπιφειλομένης εἰς αὐτὸν μεταθείς, ὅτι ἡμῶν περισπλημμελῶς κατὰ τὴν ἐφ' αὐτὸν ἰλικύσας, γενόμενος ὑπὲρ ἡμῶν κατὰ τὰς. Non solum vero hac agens Agnus Dei, autot remissionis peccatorum nobis factus est, sed & pro nobis supplicio & pæna affectus, quam ipse non debebat, sed nos propter multitudinem peccatorum nostrorum; tum loco nostro mortem suscipiens & in se ipsum transferens flagra, injurias & ignominias nobis debitas, & ad se trahens maledictionem nobis paratam factus pro nobis maledictio.

Athanasius Episcopus Alexandrinus qui sub Constantino floruit circa ann. 340.

De Incarnatione Verbi Dei. p. 52.

Θανάτου γὰρ ἦν χρεία, ὅτι θάνατον ὑπὲρ πάντων εἶδει γενέσθαι ἵνα τὸ πᾶν πᾶν ὁ φειλόμενος γενῆται ὅθεν ὡς περὶ πένον λόγος ἐπὶ τῶν οἰσῶν τε ἦν αὐτὸν δοξαζέμεν (ἀθανάτου γὰρ ἦν) ἐλαβεῖν ἑαυτῷ σώμα τὸ δυνάμενον δοξαζέμεν ἵνα ὡς ἰδίον ἀντὶ πάντων αὐτὸ προσείγῃ καὶ &c. & ibid. p. 66. ὅτι τῷ πενήτω ὁ θάνατος τῷ ὅτι ἡ σωτηρία πᾶσι γένοιτο ἐκείνη καὶ ἡ κλίσιν πᾶσι λελησμέναι; ὅτι ἐστὶν ἡ πάντων ζωὴ, ὅτι ὡς περὶ πάντων ὑπὲρ πάντων σωτηρίας ἀντίψυχον τὸ ἑαυτῷ σώμα εἰς θάνατον ἑαυτοῦ &c. Morie enim opus fuit & mortem pro omnibus inferri necessum erat, ut quod ab omnibus debitum erat lucretur; Quam-

obrem, ut dixi, Verbum quoniam mori non potuit utpote immortale, corpus filii sumpsit quod mori poterat, illudque ut suum pro omnibus obtulit &c. Et alibi p.66. Hoc mortis genere omnium salus parata est, & omnis creatura redempta; Hac est omnium vita, & ut oris pro omnium salute, vicarium succedaneumque suum corpus in mortem tradidit &c. id ipsum fusè in eodem loco variis rationibus persequitur.

Basilius Magnus Archiepiscopus Cæsariensis in Cappadocia qui Valente imperante floruit an. 370. & sub Gratiano obiit.

Homil. in Ps. 48. qui Hebr. 49.

Εὐρέθη ἐν, ἐμὸς πάντων ἀνταξίων, ὁ ἰδύθη εἰς πικρὴν λυτρώσεως τῆς ψυχῆς ἡμῶν, τὸ ἀγιον & πλούμιον αἷμα ἡμῶν Ἰησοῦ Χριστοῦ. Inventum est unum ceteris omnibus prestantius pretium quod datum est in redemptionem anima nostra, sanctus & pretiosus sanguis Domini nostri Jesu Christi.

Ambrosius Mediolanensis Episcopus qui Gratiano & Theodosio Imperantibus vixit ann. 374.

Lib.^o de Joseph, Patriar. c. 4.

Venditus est Joseph in Aegypto quia Christus venturus erat ad eos quibus dictum est Peccatis vestris venditi estis. Et ideo suo sanguine redemit quos propria peccata vendideram. Sed venditus Christus conditionis susceptione non culpa, peccatique pretio non teneatur, quia peccatum ipse non fecit. Pretio igitur nostro debitum, non suo are contraxit, chirographum sustulit, fœneratorem removit, excemis debitorem, unus exsolvit quod ab omnibus debebatur.

Et li. de Esau. seu fuga seculi c.7.

Deus ideo suscepit carnem, ut maledictum carnis peccatricis aboleret, & factus est pro nobis maledictum ut benedictio absorberet maledictionem, integritas peccatum, indulgentia sententiam, vita mortem, suscepit enim mortem ut impleretur sententia, satisficeret judicatio per maledictum carnis peccatricis usque ad mortem. Nihil ergo factum est contra sententiam Dei, cum sit divina conditio impleta sententia. &c.

Et li. 111. de Virgin. sub finem.

Eramus oppugnerat malo creditori peccatis; contraximus chirographum culpa, penam sanguinis debebamus. Venit Dominus Jesus suum pro nobis sanguinem obtulit; Et mox Ergo & te dignum gere tali pretio, ne veniat Christus, qui te mundavit, qui te redemit, & si te in peccato invenerit, dicat tibi, Qua utilitas in sanguine meo? Quid profert tibi dum descendo in corruptionem? &c.

Augustinus qui in initio V. Seculi vixit

Lib. 4. contra Faustum Manichæum c. 4.

Suscepit Christus sine reatu supplicium nostrum, ut inde solveret reatum nostrum, & finiret etiam supplicium nostrum.

Enarratio in Ps. 95.

Tenebantur homines captivi sub diabolo, & dæmonibus serviebant, sed redempti sunt à captivitate. Vendere enim se potuerunt, sed redimere non potuerunt.

runt. Venit Redemptor, & dedit pretium, fudit sanguinem suum, & emit orbem terrarum: Quæritis quid emerit? Videte quid dederit, & invenite quid emerit; Sanguis Christi pretium est. Tanti quid valet? Quid nisi totus orbis? Quid nisi omnes gentes? &c.

Et Serm. 141. de Tempore.

Dominus noster Jesus Christus communicando nobiscum sine culpa pœnam, & culpam solvit & pœnam. &c.

Idem lib. 4. contra duas Pelagianorum Epistolas. c. 4.

Sicut solus ideo factus est hominis filius, ut nos per illum Dei filii fieremus: Ita solus pro nobis suscepit sine malis meritis pœnam, ut nos per illum sine bonis meritis consequeremur gratiam. Quia sicut nobis non debebatur aliquid boni, ita nec illi aliquid mali, &c.

Leo Magnus qui tempore Theodosii Junioris florebat an. 440.

De passi. Serm. XIII.

Quamvis in conspectu Domini multorum sanctorum preciosa mors fuerit, nullius tamen insontis occisio propitiatio fuit mundi. Acceperunt justī, non dederunt coronas, & de fidelium fortitudine exempla nata sunt patientiæ, non dona justitiæ. Singulares quippe in singulis mortes fuerunt, nec alterius quispiam debitum suo funere solvit, cum inter filios hominum solus Dominus noster Jesus Christus extiterit, in quo omnes crucifixi, omnes mortui, omnes sepulti, omnes etiam sunt suscitati.

Anselmus qui Cantuariensis Archiepiscopus factus est ann. D. 1093.

Lib. de Concepti. Virgi. & pecca. Orig. c. 21.

Dicit aliquis, si non habent singuli peccatum Adæ, quomodo asseris nullum salvari sine satisfactione peccati Adæ? Nam qualiter justus Deus exigit ab illis satisfactionem, quod non habent? Ad quod dico, Deus non exigit ab ullo peccatore plus quam debet; sed quoniam nullus potest reddere quantum debet, solus Christus reddidit pro omnibus qui salvantur, plus quam debetur.

Ε Π Ι Μ Ε Τ Ρ Α Ρ Ε Σ Π Ο Ν Δ Ε Ν Τ Ι Σ.

I. *An in probanda S. Scriptura committamus Circulum, an verò Pontificii? N. prius. A. posterius.*

II. *An Dei Decretum & Concurſus tollat contingentiam rerum vel eum peccati authorem faciat? N.*

III. *An Christus sit unicus noster Mediator? A.*

IV. *An Paulus de se ut regenito loquutus sit in postrema parte capitis septimi Epistolæ ad Rom. ? A.*

V. *An verba S. Cænæ, Hoc est corpus meum tropicè sint intelligenda, an literaliter? A. Prius N. Posterius.*

VI. *An decretum Synodi Hierosolymitana fuerit perpetui Juris? D.*

VII. *An quis bonâ conscientia Pontificiorum Sacris interesse possit? N.*

DISPUTATIO DECIMA.

Quæ Octava est

D E

SATISFACTIONIS
CHRISTI VERITATE.*Respondente JOHANNE MELONO Syiacensi Aquitano.*

T H E S I S P R I M A.



UAMVIS absolutâ priori & potissimâ Disceptationis, quam institueramus, parte, quæ circa Orthodoxæ sententiæ κατὰ λόγον versatur, animus non esset ulterius progredi ad ἀναγκάσειν argumentorum, quibus οἱ ἐξ ἐναντίας salutarem hanc veritatem eunt oppugnatum, ne terminos thesium videremur prætergredi. Quando tamen hoc etiam non ingratum fore cognovimus, pio studiosorum desiderio satisfacere non gravamur, & præcedentibus disputationibus hanc etiam attingere, quæ præcipuorum sophismatum, quibus hac in parte uti solent hæretici, solutionem aperiat.

I I. Cum verò multiplici argumentorum genere pugnent, quo facilius & clarius procedat tota hæc velitatio, ad sex capita ea revocamus. Primò enim contendunt *Satisfactionis* doctrinam ὀφείλον esse quæ nec expressè, nec æquipollenter in Scriptura tradatur, 2. esse *impossibilem* ratione Dei Judicis cui satisfaciendum fuit, 3. ratione *Christi* satisfaciensis, 4. ratione *pænæ* quæ ad satisfactionem requiritur. 5. ratione *hominum* reorum, pro quibus satisfactio fieri debuit, 6. denique varia absurda gravissima inducere. Itaque si semel demonstraverimus nec inauditam in Scriptura, multo minus illi adversam esse, nec impossibilem vel à parte Dei, vel Christi, vel pænæ, vel hominum ipsorum, si nihil absurdi post se trahere probatum fuerit, causæ nihil erit cur admitti non possit & debeat.

I I I. Primò Ergo à *Scriptura silentio* argumentantur: Quæcunque doctrina, inquam, nec expressè & totidem verbis in Scriptura traditur, nec terminis æquipollentibus, falsa est & erronea, quia nobis cum scriptura loquendum est & cum ea tacendum: At nec satisfactio nec quidquam quod satisfactioni æquipolleet, in scriptura docetur; Ubi enim legas Christum pro nobis satisfecisse? omnem pœnam justitiæ Dei pro nobis persolvisse? peccata nostra in se ut vadem deri-

asse

vassè & cætera ejusmodi quæ satisfactioni respondent? Rationem hanc urget imprimis *Christoph. Ostorod.* Instit. c. 35. & *Cateche. Racovi.* c. 8. de morte Christi q. 14. istius opinionis (nostram intelligit) assertores nunquam perspicuas scripturas afferunt, ad probandam istam opinionem, verum quasdam consecutiones neclunt, quibus, quod asserunt, efficere conantur, quas admittere æquum est cum scripturis necessariò adstruuntur, ita ubi scripturis repugnant, eas nullam vim habere certum est.

I V. Respondeo 1. ad major. peccati insufficienti enumeratione, res enim aliqua potest esse in Scriptura, non tantùm expressè & αὐτολεξίᾳ vel explicite, & κατ' ἐπιθυμίαν, sed etiam implicite & ὑποκαταλήξαι: fane quod nullo modo in Scriptura traditur, meritò suspectum esse debet, imò tanquam falsum & adulterinum explodi, at quod non extat quidem αὐτολεξίᾳ & ὡς ἦν, sed ὡς ἡ δόξοιαν vel aequipollenter, vel consecutive, necessariâ, proximâ & evidenti consequentiâ, non tantò erroris potest argui, non minus enim de Scriptura esse censetur, quàm id quod totidem verbis in ea traditur, nec enim, ut bene olim Hieronymus in Cap. 1. Gal. in verbis *Scripturarum est Evangelium, sed in sensu, nec in superficie, sed in medulla, non in sermonum foliis, sed in radice rationis.* Imò cum norit Deus quid ex dictis suis legitimè colligi possit, eo ipso dixisse censendus est quicquid ex Verbo suo necessariò & evidenter colligitur. Atque huc pertinet utilissimus aphorismus Gregorii Nazianzeni qui disputans adversus Pneumatomachos, Spiritus Sancti divinitatem nullo Scripturæ loco proditam vociferantes, de Scripturæ more & usu agit his verbis Oratione xxxvi 1. τὰ μὲν, inquit, ἐκ ἐπιλήξεως δε, τὰ δὲ ἐν τῷ, ὡς λέγεται, τὰ δὲ ὡς εἰναι, ὡς λέγεται, τὸ δὲ ἀμφω ὡς ἐστὶ, ὡς λέγεται, *Resum alia non sunt, sed dicuntur, ut cum Deus dicitur in Scriptura dormire, & alia cum sint minimè dicuntur, ut ingenuus ἀναρχος, & alia nec sum nec dicuntur, ut improbus Deus, homo non compositus, alia & sunt & dicuntur, ut Deus, homo, Angelus.* Sic licet voces ipsæ quibus utimur ad explicandum aliquod mysterium non extent, modò res ipsæ vel aliis verbis, vel consecutive ex Scriptura colligantur, sufficit: Nec alia fuit praxis Christi & Apostolorum, qui æpissimè per consequentias dogmata varia demonstrant, ut resurrectionem mortuorum, Matt. xx 1 & v. 29. ex Exod. 11 1 v. 6. & præcipuum totius Evangelii articulum, Jesum Mariæ filium, esse Messiam illum in V. T. patribus promissum passim in libr. Act. & Epist. Apost. hoc enim totidem verbis non habetur in V. Test., sed per Consequentias tantùm elicitur: Non alia Patrum veterum, qui ad imitationem Christi & Apostolorum consequentiis ex Scriptura in confutandis hæreticis passim usi leguntur, nam ut isto stratagemate plerumque utebantur hæretici in hæresibus suis defendendis ut exigent à patribus probationes ex Scriptura αὐτολεξίᾳ deductas, ut de Arianis, Macedonianis & aliis probari facillè possit: Ita methodus illa velut absurda & inutilis à patribus semper fuit explosa, vide *Tertullian.* lib. de spectis. c. 3. *Athan.* de Syn. Arimi. & Seleus. & de decre. Syn. Nic. & Dial. contr.

Macedon. T.2. Atha. qui tamen *Maximo* ab Eruditis tribuitur; Adde *Gregor. Nazianz.* orat. 37. ubi egregiè perstringit hærentes syllabis & literis, & elegantissimo elogio istos vocat alphabetarios lophistas, συκοφάντας ᾤονομάτων, & inquit eos συλλαβαῖς ἀκολουθεῖν καὶ ἀφεῖναι τὰ πρᾶγματα, innuitque se potius respicere τὰ νοήματα. quàm τὰ λεγόμενα: Et *Maximum Monachum* qui solidè hoc ipsum argumentum aliquot orationibus exequitur præsertim oratione πρὸς τοὺς κελθόντας μὴ πεινεῖν, *Augustin.* epist. 174. & lib. 3. contra *Maximum* c. 3. *Maximino* improbius flagitanti ut disertis ac nudis scripturæ verbis probaret Spiritum Sanctum esse adorandum: quasi non ex iis, inquit, quæ legimus, aliqua etiam quæ non legimus intelligamus, quibus & ista Chrysostomi consentanea sunt tom. 7. in 1. Cor. λέγεται ὅδ' ἡγεσθῆναι, καὶ ἔσαν μὴ δὲ ῥημάτων, ἀλλὰ δι' αὐτῶν ᾤονομάτων κείμενα ἢ ὅτι ἰσραὴλ ἦ ἔσαν αὐτῶν μὲν νόημα κείμενον ἢ μὴ ἐπ' αὐτῶν ὃ ῥημάτων: dicitur enim scriptum esse etiam quando non verbis, sed rebus ipsis sita fuerunt in historiis, aut quando ipse quidem sensus fuerit positus, sed non ipsis iisdem verbis.

V. Ex quibus, ut hoc obiter dicamus, luculenter colligitur, quàm absurda sit & ludicra illa nova & syllabica Sophistarum disputandi ratio, quàm à veteribus hæreticis desumptam, infœliciter hoc nostro seculo renovarunt post *Cardin. Peroronium*, *Guntherius*, *Veronius*, *Regurtius Jesuita*, *Vallenburchii* fratres, aliique istiusmodi agyræ & Circulatores, quæ putant se de nostris posse faciliè triumphare si petant expressa loca Scripturæ quæ dicant v.g. Pontificem Rom. esse Antichristum, Missam non esse sacrificium ἱλαστικόν, non dari purgatorium, &c. Sed ut jam olim à Patribus profligatum est hoc hæreticorum vanissimum commentum, ita & nunc à nostris non semel jam confutatum est solidissimè; utpote quod non modo Scripturarum sacrarum & veterum Patrum praxi repugnet, omnem usum sive theoreticum sive practicum Scripturæ tollat, hominem homine exuat, sed & arma atheis derisoribus, & quibullibet hæreticis subministret ad fidei mysteria convellenda. Neque sic tamen putandum nos sufficientiæ & perfectioni scripturarum quidquam detractum ire, nam & de Scriptura esse dicimus, quidquid vel explicitè vel implicitè in ea continetur, & perfectio hæc ad dogmata ipsa propriè pertinet, non verò ad voces ipsas est extendenda, quas liberum & integrum Ecclesiæ fuit semper excogitare ad explicandas res ipsas Scripturis, contentas adversus novatorum & hæreticorum fraudes & corruptelas: Fatemur Ecclesiam potuisse vocibus istis, quæ in scriptura non comparent *absolutè* carere contentam rei veritate prout in scripturis proponitur, nec de iis contendendum anxie putaremus, modo res ipsa vocibus expressa arctè retineretur, ut bene observat *Calvinus* noster lib. 1. Instit. c. 13. Verùm *relatè* ad hæreticos quorum fraudes & prestigiæ patefaciendæ erant & latebræ excutiendæ, prudenter olim repetæ & utiliter hæcenus sunt usurpatæ ad saniores doctrinam ab ipsorum cavillis tum secernendam tum vindicandam: nam si in confessionibus fidei & formulis consensus nulla adhiberentur verba, nisi quæ in Scriptura extant, discerni non possent fideles ab

infidelibus qui Scripturam admittunt : Sed id semper cavendum est , ut , si verba mutantur res tamen eadem semper maneat : Ita in argumento de quo agimus, etsi vox ipsa *Satisfactionis* vel meriti Christi ut & vox *Trinitatis*, & ὁμοούσιος non expressè legatur in Scriptura, rejici tamen non debet quasi planè ἀγερφῶς, quum & res ipsa clarissimè in ea contineatur, & phrasès aliæ sint & voces æquipollentes plurimæ ex quibus non minus certè & perspicuè eadem veritas eruitur : Quid enim sibi vult Scriptura cum toties testatur Christum esse sponsorem nostrum, ἰλασµὸν & ἀντίλυτρον qui peccata nostra portavit & propter iniquitates nostras traditus est, qui factus est peccatum & maledictio pro nobis, qui suo sanguine nos redemit, & pro nobis ac loco nostro mortuus, ut ex ejus vulneribus sanatio nobis extaret, quid, inquam, hisce & innumeris aliis phrasibus hujusmodi sibi vult Scriptura, si satisfactionem veram & propriè dictam Christi non docet ? Sed quia hæc in antecedentibus jam excussa sunt, non opus est ut actum agamus, hoc tantum notamus, nostros Satisfactionis voce usos esse magis, quia cum Pontificiis humanas satisfactiones asserentibus res ipsis erat, qui ideo mutuata à pontificiis voce satisfaciendi vim soli Christo adscripserunt.

VI. 2. Agnoscimus cum Adversariis distinguendas esse consequentias quæ educuntur ex Scripturis *necessarias* & *evidentes* ab *obscuris* & *probabilibus*, *proximas* à *remotis*, ἐμφύτους & *innatas* à *violentis* illatis & *παρασάκτοισι*, & illas tantum, non has esse recipiendas, sed negamus secundi ordinis esse confectiones illas quas ad mysterii hujus probationem elicimus, imò necessarias & proximas ac evidentes esse pertendimus ; nam si Christus nos à maledictione redemit ipse factus pro nobis maledictio, quid clarius est quàm loco nostro satisfecisse, & eas quas commiseramus pœnas tulisse, si se dedit ἀντίλυτρον pro nobis, si proprio sanguine nos redemit, si habemus ἰλασµὸν in ejus sanguine, quid proclivius est quàm inde colligere Christum pretium illud quod debebatur Justitiæ divinæ pro nobis persolvissè & subrogatione sui in locum nostrum factâ, ut in victimis olim fieri solebat, nostram redemptionem obtinuisse : ita ex aliis facile est ostendere, tantum abesse ut consequentiæ istæ repugnent Scripturæ, ut falsò clamitant adversarij, ut aperitissimè & maximè propriè ex iis educantur.

VII. 3. Κατὰ τὸ βίαιον si omnes phrasès & terminos quibus articuli fidei explicantur in scripturis, τὸ γράμμα extare oportet, nih ilque necessarium sit ad salutem & de fide, quod in Scripturis de verbo ad verbum non extet ut *Smalcus* asserit contra *Graverum*, cadunt multi articuli religionis Socinianæ : ostendant enim nobis ubi legatur Christum Servatorem tantum exemplarem esse, Redemptionem ejus metaphoricam, mortem esse sequelam naturæ, non pœnam peccati, ubi sit vox *acceptilationis*, qua in hoc mysterio tam frequenter utuntur & alia id genus.

4. Etsi hoc vocabulum totidem syllabis scriptum legeretur, nondum tamen satisfactum esset impietati Socinianæ, nec adversarij à præconcepta opinione recederent, sed suis etiam glossematibus istud corrumpere & eludere conarentur, quod in

in aliis phrasibus ejusdem generis factum; Nam qui τὸ ἀπολυτῶν & ἀπολύτωση, ἀντιλυτῶν, ἱλασμόν, κατάραν variis sophisticationibus enervare satagunt, quid ni pariter satisfaciendi & satisfactionis verbum depravarent? Et ne de eo dubitemus, audiamus Socinum ipsum, quem non puduit hæc verba effutire, lib. 3. de Serva. c. 2. si vel unus saltem locus inveniretur, in quo satisfactionis pro peccatis nostris Deo per Christum exhibita mentio fieret, excusandi fortasse viderentur. Ego quidem etiamsi non semel, sed sæpe in sacris monumentis scriptum extaret, non idcirco tamen ita rem prorsus se habere crederem. Eant ergo qui proprias & expressas voces hîc requirunt, quando ne quidem se Scripturæ credituros profitentur licet apertè & expressè loqueretur, quis fucum & fraudem non animadvertat, quis impietatem non execretur? quæ scripturam procul esse jubet, ut ratio sola judex & norma fidei hîc sedeat: sed nos non sic didicimus Christum.

VIII. II. Obj. ex parte Dei impossibile esse Satisfactionem ex eo probare conantur, quod Deus proponatur passim in Scriptura ut condonans gratis & misericorditer peccata omnia nostra; Jam si remittit gratis, inquirunt, quomodo satisfactionem vel postularet vel admitteret, quid remissioni magis contrarium quàm vera & plena satisfactio: Si respondeas invicem quidem pugnare Remissionem & Satisfactionem, sed tum demum cum ab eo satisfactio proficiscitur, qui remissionem vel consecutus est vel consequi debet, posse autem optimè consistere, cum uni remittitur, alius verò pro eo satisfacit, regerunt inanem esse respon- sionem; 1. illi non posse dici debitum remitti pro quo datur qui plenè satisfaciât, quid enim opus remissione ubi nullum amplius debitum est, nullum autem esse amplius debitum, ubi jam plene pro eo satisfactum est, 2. ut debitum remittatur non satis esse debitorem, quamvis ipse nihil solverit, liberari, sed necesse esse obligationem illam solâ creditoris liberalitate omnino extinguî, ut jam nec ipse debitor, nec alius ejus loco substitutus creditori quidquam pendere debeat, 3. si alius debitum in se transferat, commutatum quidem bene dici debitorem, sed non posse dici debitum remissum, quando ad ultimum usque quadrantem creditor recepit quod debebatur, 4. si Christus loco nostro solvit, in eo & cum eo nos solvisse censeri, at si solvisse censetur, non jam ex gratia diceretur Deus peccata remittere, sed ex justitia, quia injustum esset apud Deum solutione semel præstita nos non absolvere. 5. nos Pontificios solere refellere qui gratiam & remissionem peccatorum cum satisfactionibus suis conciliant, hoc potissimum nomine, quod hæc simul stare non possint, non posse ergo hîc duo hæc benè conjungi; sic arguitur Socinus de Serva. lib. 3. c. 2. & Crelli. cont. Gros.

IX. Sed has profanorum hominum vitiligationes non difficile est refellere. 1. per concessionem fatemur nos solâ Dei gratiâ & mera misericordia nostri respectu salvari, adeoque per veram & propriè dictam peccatorum remissionem, sic enim sœdus legale ab Evangelico distinguitur, in illo siquidem in nobis propriâ obedientiâ felicitatem consequi debuimus ex justitia Dei, in isto vero salutem in alio

alio obtinemus ex gratia. Sed negamus tamen inde sequi non posse nos satisfactione Christi salvari; peccatur enim *Elench. opposit.* opponuntur hic tanquam contraria & ἀντιδιαμετρικά, quæ componenda sunt ut subordinata, gratia Dei & pretium à Christo persolutum, remissio & satisfactio: Fateor quidem si respectu ejusdem & ad idem referantur, aliquam esse contrarietatis speciem, neque enim gratiâ potest dici salvari qui proprio merito salutem obtinet, nec remissio illi fieri censetur qui solutionem debiti in propria persona præstitit: at si de diversis dicantur, ita ut gratia fiat debitori, pretium verò vel satisfactio exigatur à Vade, tantum abest ut se mutuo tollant, quin potius necessario se ponunt, potissimum ubi agitur de Judice qui & summè sit misericors & summè justus, qui non possit proprietatem alteram cum dispendio alterius explicare, quod hic etiam factum videmus; nam ut gratia fieret nobis, pretium exactum fuit à Christo, & ut possent remitti nobis peccata nostra, pro nobis ille satisfacere debuit; Unde Scriptura hæc duo tanquam indivulso nexu conjuncta passim proponit, gratiam Patris, & justitiam seu redemptionem Filii, justificationem nostram seu remissionem peccatorum à Deo nobis indultam, & satisfactionem seu pretium à Christo persolutum, ut sub lege expiatio peccati per victimas facta conjungitur cum remissione ejusdem, quæ peccatori concedebatur, expiabit eum sacerdos & remittetur ei, Lev. 17. 5. sic nihil frequentius in Scriptura occurrit quàm Christum se ipsum pro nobis ἀντὶ ἡμῶν dedisse, & tamen nos gratiâ salvari, unde missio & passio Christi pro nobis præcipuus dicitur esse dilectionis divinæ effectus, Joan. 111. 16. Rom. v. 8. 1. Joan. 17. 9. & locus est imprimis illustris, Rom. 111. 24. 25. ubi utrumque conjungitur justificamur gratis gratia Dei per redemptionem quæ est in Christo, quem Deus præstituit placamentum in ejus sanguine per fidem. Vides, ut justificatio gratuita non opponatur, sed componatur & subordinetur redemptioni & pretio per Christum soluto. Itaque gratia Dei quum prædicatur in negotio salutis excludit tantum merita & opera nostra, quæ nulla dari possunt ubi illi locus est, non verò Justitiam & satisfactionem Christi, quâ magis stabilitur & efficax redditur.

X. Frustra verò adversus hanc responsionem nostram reponunt, 1. non posse dici debitum remitti quod planè solutum est & pro quo datur qui plenè satisfaciatur; Quia aliud est loqui de rebus, aliud de personis, aliud de debito panali seu reatu personali, ut aliter judicabant Judæi בדני כסות in litibus pecuniariis, aliter בדני נפשות in litibus animarum seu criminalibus. In rebus pecuniariis perinde est à quocumque solvatur debitum, sive à debitore ipso, sive à sponse fiat solutio, sufficit ad liberationem ut alius id ipsum quod in obligatione erat, solvat, nec creditor dici potest remittere, si ipsi semel solutio fuit præstita, & hæc solutio talis est, quæ ipso facto reum vel debitorem liberat, quia illud ipsum solvitur quod est in obligatione: Sed longè aliter de reatu seu debito panali judicandum est, illud enim est personale, quod ex rigore legis personam ream efficiendo pœnæ eam subjicit; Ideoque ad id ut ipso facto reus liberetur non sufficit ut alius pro ipso solvat, si-

quidem in obligatione est poena illius qui peccatum commisit, & *noxæ caput sequitur* nisi accedat indulgentia iudicis; si ergo ista poena non infligatur ipsi reo, sed in alium quempiam transferatur, & si iudex solutionem illam ab alio præstitam, quam non tenetur admittere, sed ex rigore juris recusare potest, in gratiam Rei acceptat & admittit, nonne rectè eo sensu & satisfactionem à Vade recipere, & simul poenam peccatori & Reo remittere dicitur, debitum exigere & tamen personæ debitoris parcere, quatenus alium in ejus locum subrogari ex mera misericordiae passus est? Ita nihil obstat quominus Christus id ipsum quod debebamus solvent, & tamen Pater nobis semper ex gratia peccata remittat, quando non modo vadem & sponsores qui satisfaceret ipse de suo dare voluit, non à nobis expectare, sed etiam solutionem ab ipso præstitam liberè acceptare, & nobis absque ullis meritis nostris imputare dignatur, ut hîc habeamus semel & simul *legis impletionem & relaxationem*, opus gratiæ & justitiæ, solutionem debiti & ejus condonationem, lex impletur quia solvitur poena lege sancita, sed relaxatur quia non solvit præcisè is qui debebat, sed alius, justitia est quod peccatum puniatur, gratia quod peccatori parcitur, solutio est quia pretium datur & ἀντίλυτρον justitiæ divinæ perfectè respondens, remissio verò quia nihil tale à delinquente exigitur, prius in Christo, posterius in nobis locum habet. Porro cum legis aliquam relaxationem urgemus, non admittimus *acceptilationem* Socinianam, nam acceptilatio solutio est imaginaria tantum, & fictio juris quâ acceptum fertur quod quis solvere tenebatur, perinde ac si vera intervenisset solutio, at nos veram solutionem à Christo esse datam antea probavimus.

XI. Neque hîc putandum per relaxationem istam Deum aut *mutabilitatis* alicujus argui, aut *peccati*; Nam ad prius quidem quod attinet, quamvis diversissimi sint voluntatis divinæ effectus, non potest tamen mutabilis dici, quia hos ipsos effectus ex decreto suo immutabili producit, ita enim ab æterno immutabiliter apud se constituerat dispensationis suæ rationem in hoc vel illo mutare; mutaretur sanè si cum mutatione effectuum mutaret voluntatem, sed cum eadem semper sit & immota, ne mutationis quidem umbræ in eo deprehenditur. Posterius verò multò minus illi potest tribui, nam etsi justitia ex qua nascitur poenarum retributio sit Deo naturalis ac proinde immutabilis, exercitium tamen istius justitiæ liberum est & à sapientia determinatur diversimodè in iis scilicet quæ sunt *juris positivi*: Nam quædam sunt *juris naturalis* & indispensabilis ut poenam peccato omni deberi, quædam verò *juris liberi*, ut peccatorem omnem in propria persona plectendum esse: sic relaxabiles non sunt leges scelus prohibentes, vel quæ ex irrevocabili aliquo decreto fluunt, qualis est hæc de damnandis impœnitentibus, sed leges poenales in quibus irrevocabilis decreti nota non apponitur, quæque in jure positivo aliquo modo fundantur, si non quoad rem ipsam, saltem quoad modum & circumstantias, dispensationem aliquam admittere possunt juxta Dei bonitatem & sapientiam.

XII. Sed quid opus, inquires, remissione, ubi nullum amplius est debitum? nullum enim est amplius debitum, ubi jam plenè pro eo est satisfactum. *Resp.* damus nullam posse concipi remissionem ubi nullum amplius est debitum, & nullum esse debitum ubi plena debiti solutio & satisfactio intercedit, sed plena satisfactio distinguenda est, alia enim ita dicitur quoad *rem* sive substantiam ipsa pœnæ quæ terenda est, quando species pœnæ à lege denuntiata fertur, alia quoad *modum* sive *personam* & subjectum quod pœnam illam ferro debuit; priori sensu plenissima satisfactio data est à Christo, siquidem mortem à lege impositam tulit; at posteriori non item, quia debebamus legi *pœnam propriam*, hoc enim est ejus ἀναβολὴς, ut reus in propria persona pœnam debitam sustineat juxta illud *anima quæ peccavit morietur*, Ezech. xvi 11. & Christus pœnam tantum *vicariam* pro nobis ferre potuit, nec enim pœna propria in alium transferri potuit, ideoque solvit quidem id omne quod debebamus plenissimè, sed non planè eodem modo quo debebamus: Unde hac in parte locus semper fuit gratiæ ac remissioni, quatenus iudex acceptando pœnam vicariam per quandam ἀνέκλιτον remittit nobis propriam & personalem, quæ ex rigore legis debebatur, in admissione vicarii est pœnæ remissio, in ejusdem loco nostro subrogatione est satisfactio.

XIII. Quod verò secundo loco afferunt ut debitum remittatur non satis esse debitorem nihil solvere, sed requiri etiam ut creditor nihil exigit, sed merâ sua liberalitate obligationem illam extinguat; In eo peccant semper falsa hypothesi, non posse remissionem cum satisfactione consistere, quod ut de *propria* damus, ita de *aliena* negamus: Neque ad remissionem statim requiritur ut creditor nihil exigit, sufficit ut à debitore nihil exigatur, remissio enim hîc propriè ad debitorem spectat, non ad creditorem; itaque ubi plenè *liberatur*, ita ut nihil ab eo creditor exigit, quis illi debita remissa neget? liberalitas & gratia creditoris sive potius iudicis satis luculenter in eo demonstratur quod illi absolute parcat, licet aliunde justitiæ suæ voluerit prospectum. Dices, sed remissio debet esse omnimoda juris extinctio respectu ejus quod verè dicitur remitti. *Resp.* *totalis* est & non *partialis* *juris extinctio* respectu *personarum* quæ erant in obligatione, & à quibus justè potuisset exigi pœna, sed non obstat quin *totalis* etiam & plena sit *satisfactio* respectu *sponsoris* nobis ab ipso Deo pro sua misericordia dati.

XIV. *Instit.* 3. Sed si solutio ab alio præstita est, bene commutatus quidem dicitur debitor, sed non potest dici debitum remissum, quando ad ultimum usque quadrantem creditor exigit quod debebatur. *Resp.* & commutatus debitor est, & debitum remissum bene dicitur; Nam etsi ex translatione peccatorum in Christum, & solutione ab ipso præstita bene dicatur in locum nostrum subrogatus; non minus tamen rectè principali debitori debitum censetur remissum, quando solutio propria quæ ab ipso debebatur ipsi remittitur & acceptatur aliena, nec tantum nihil ab eo exigitur, sed Deus ipse de suo vadem ipsum qui solveret dedit;

itaque summa Dei liberalitas hic locum habet, tum quia solus per se, licet offensus, *πολυποικίλῳ* sapientia & ineffabili misericordia viam hanc reconciliationis faciendæ illibatâ suâ justitiâ invenit, solus ad eam viam aperuit per missionem filii, solus acceptat & nobis imputat solutionem præstitam; Sic gratia duplex est, 1. in datione Vadis qui satisfaceret. 2. in satisfactionis admissione, quæ rejici poterat: Frustra vero hic reponitur liberationem fieri propter satisfactionem, siquidem satisfactione præstita vi illius liberatur ab obligatione debitor aut reus, ideoque non oriri à liberalitate creditoris: nam utrumque optimè conjungi potest, & satisfactio in Christo debitum solvens, & gratia in patre satisfactionem illam dans & acceptans, liberatio ergo fit quidem positâ satisfactione, sed vis liberandi sive fundamentum liberationis non est simpliciter à satisfactione seu solutione illa, quâ tali, sed ab ea, quatenus pro solutione admissa est per liberalitatem creditoris aut judicis; sic obligatio perimitur intercedente semper ipsius creditoris aut judicis actione, qui prius illam satisfactionem admittit ut fiat, deinde factam ratam habet & debitorem aut reum consequenter liberat.

XV. *Inst.* 4. Sed quo tandem pacto remittere Deus potest ex gratia si remittit ex justitia; remittit autem ex justitia, quia, solutione semel præstita, non potest non remittere, injustum quippe esset peccatores pro quibus Christus satisfecit, non absolvere. *Resp.* scrupulus facillè tollitur distinctione *justitiæ*, nam vel sumitur pro *justitia distributiva* quæ obligationem & commensurationem quandam infert, vel pro *justitia fidelitatis & decentiæ*, quæ meram dispositionem liberalitatis divinæ & constantiam in promissis notat. priori modo verum est, si peccata condonentur ex justitia, non condonari ex gratia, quia gratia & justitia opponuntur; sed negamus ex hac justitiâ condonari nobis peccata etiam positâ solutione, nam, ut jam diximus, Deus ex rigore legis non tenebatur admittere hanc satisfactionem, & potuisset solutionem propriam exigere quæ à nobis debebatur: Itaque quod voluit admittere solutionem & pœnam vicariam, gratiæ fuit & misericordiæ divinæ, per benignam quandam *Ἀνέλεως* summum jus legis temperantis; si verò posteriori sensu justitia intelligitur, concedimus quidem ex justitia condonari, quia ex pacto gratiæ Deus pollicitus est remissionem peccatorum credentibus in Christum, ita ut propter veracitatem & fidelitatem suam non possit non beneficium hoc nobis concedere; Cæterum justitia hæc tantum abest ut pugnet cum gratia, quin potius eam supponat & adstruat, 1. Joh. 1. 8. Rom. 111. 26. 27.

XVI. Quod 5. loco assertur de satisfactionibus humanis, quæ à nobis vulgò rejiciuntur ea potissimum de causa, quòd gratiæ Dei repugnent, & cum ea stare nequeant, neque causam Adversariorum juvat, neque nostræ obest; quasi eadem esset satisfactionis Christi ratio: At longum latumque intercedit discrimen; satisfactiones humanæ nostræ sunt, ideoque cum gratia *ἀντίπατοι*, quæ opera omnia nostra excludit, nam si ex operibus, non ex gratia, Rom. xi. 6. quis enim gratis remissum ei debitum dixerit, à quo pars ejus aliqua exsoluta est? quis fonti gratis dona-

donatum crimen, pro quo pœnas dedit? Satisfactio verò Christi aliena est & divina, ideo gratiæ conjuncta est & subordinata, quæ eam non excludit, sed supponit.

XVII. Secunda Classis rationes continet ex quibus conantur probare à parte Christi impossibilem esse istam satisfactionem. 1. Quia si Christus pro nobis satisfecit, satisfecit ergo sibi ipsi, quando ex hypothesi nostra supponitur esse Deus, cui debet fieri satisfactio: at hoc absurdum esse vel ex hac una ratione evincitur, quia sic sequeretur cum simul & semel dare & accipere solutionem, simul & semel fore iratum & placatum; iratum quia postulat, placatum verò quia exhibet satisfactionem, quæ omnino contradictionem aliquam involvere videntur. Resp. I. neg. consequ. peccata fallax, à dicto secundum quid &c. Si Christus satisfecit, non statim satisfecit sibi ipsi præcisè loquendo ut Christo, sed satisfecit sibi ut Deo & Dei filio: differunt verò, ut notum, *Θεός & Θεοῦ υἱός*, Filius Dei & Mediator; illud enim naturam notat, hoc officium, illud absolute & in genere entis cum designat, istud vero relatè ad Oeconomiam & in genere moris: Sanè si Mediator fuisset tantum Deus, satisfaciendo, sibi etiam absolute & simpliciter satisfecisset, sed cum duæ sint naturæ in persona Mediatoris, divina & humana, non statim satisfacit apud se ipsum omnimodè, imò contra quia satisfactio sit à natura humana, & exhibetur naturæ divinæ, satisfactio potest dici quadantenus terminari ad alterum. 2. cum Pater in hoc mysterio per miram quandam accommodationem referat personam Judicis offensi apud quem fieri debet satisfactio, ut Christus suscepit personam Vadis, & Pater sit alius à filio, ut Filius est alius à Patre, eo sensu semper satisfactio & mediatio erit ad alterum.

XVIII. 3. Min. neg. neque enim statim absurdum est eundem satisfacere sibi ipsi, distinguatur modo satisfactio, quæ duplex est, vel privata, quæ compensatur damnum privatum, vel publica, quæ reparatur injuria publica. primo modo damus neminem sibi ipsi propriè satisfacere, quia sic de suo acciperet, & sibi ipsi solveret, quod revera esset absurdum, & scenam aliquo modo faperet: sed alio non item, ut si quis incurrit in multam, potest magistratus multam pro illo solvere ut legibus satisfiat, sic sibi ut privatus judici satisfaciatur; quid, nonne potest contingere ut judex ipse reus fiat legis violatæ? fac ergo eum ita justum esse, ut semet ipsum damnet, tunc certè sibi ipsi tanquam reus judici revera satisfaciatur. At nemo, inquit Socinus, sibi ipsi aliquid solvit: Esto, neque enim agitur de pecunia solvenda, sed de pœna luenda, quid obstat autem cur non possit aliquis ut legis comminationi & judicis officio satisfaciatur, sibi ipsi pœnam lege denunciata, vel per se, vel per alios infligere? Jam autem in condonatione peccatorum vel satisfactione ista de qua disputamus, ut alibi fusiùs est ostensum, Deus non est spectandus ut persona privata vel creditor & ut pars offensa, quæ damnum aliquod patitur, sed ut persona publica, ut Dominus & Judex, ut Rector universitatis, cujus est majestatem Legum fartam testamque tueri; non agitur ergo vel de solutione pecuniæ, vel de reparatione damni illati, vel de privata satisfactione, quæ satisficit personæ

offensæ quâ offensæ est, sed de satisfactione publica quâ satisfit legis comminationi, atque adeo Judici quâ Judex est, sive is sit pars offensæ, sive non, sic modo id fiat quod lex exigit vel à peccatore, vel ab eo qui sustinet ejus personam, sive sit à judice separatus, sive conjunctus, perinde est, satisfactum est legi, & quia legi, etiam judici, id quod satis est: Deinde quid est cur hoc genere satisfactionis non possit aliquis sibi ipsi satisfacere, nonne potest aliquis sibi ipsi lex esse, se accusare & condemnare, de se judicare ut de gentibus perhibet Paulus Rom. 11. 12. & de fidelibus, 1. Joan. 1. 11. 20. 21. cur ergo non poterit sibi ipsi satisfacere?

XIX. Quia sequeretur, inquit, eundem dare simul & accipere solutionem, esse debitorem & creditorem, esse iratum & placatum, quæ sunt ἀσύνχτα. Resp. 1. falsum supponi eundem secundum idem & eodem respectu dare & accipere satisfactionem, dat eam ut homo, vel ut Immanuel, accipit eam ut Deus, dat eam ut θανάθρωπος, accipit eam ut λόγος, dat eam ut Mediator, accipit eam ut Judex. 2. falsum etiam est hic Deum & Christum simul & semel iratum & placatum, aliud enim est esse actum jam placatum positam iram & vindictæ desiderio, aliud benevolam & placandam, Deus qui dat vadem & Vas qui solvit, non statim potest dici placatus eo ipso, quia placatio supponit satisfactionem præstitam, sed bene potest dici placabilis vel placandus, quia prono & benevolæ affectu fertur ad pacationem vel admittendam vel faciendam, placabilem autem esse & iratum non pugnant, sed optimè possunt simul consistere, vel maxime, quod ut ira satisfactionem exigit quâ fiat placatio, ita placabilitas eò tendit ut aliquâ commoda ratione ira tollatur & justitiæ satisfiat: Nihil ergo absurdi est si dicamus Deum & Christum iratum simul fuisse & misericordem ac placandum, neque vel iram quâ accendebatur in peccatum meritò, misericordiæ viam præcussisse quâ ferebatur erga peccatores, vel misericordiam quâ nos complectebatur & quâ impulsus fuit ad dandum ἀντίλυτρον pro nobis abrogasse justitiam quæ legis comminationi vult absolutè satisfieri: nimirum ut Deus duas veluti personas in hoc negotio sustinebat, unam partis offensæ, alteram judicis, is quatenus ut pars offensæ spectatur, odium & cupiditatem vindictæ omnino deposuit, versaquæ in misericordiam iram, quoniam quo minus peccatores resipiscerent justificentur impediēbat legis comminatio & officium judicis, constituit hoc impedimentum tollere, & cum aliter fieri hoc non posset quàm transferendo pœnam in Filium Dei vadem nostrum, & Pater misericordiâ motus illum misit, & Filius charitate ineffabili inductus se ipsum tradidit, sed ut Judex & legum Custos non potuit iram deponere, antequam legi violatæ factum fuisset satis: planè ut inter homines idem Magistratus & Princeps qui ab alio offensus est, poterit & simul iratus esse reo quâ publicus Magistratus legisque vindex, ne delictum patiatur abire impunè, quod legis auctoritatem violaret, & simul misericors & propitius ad privatum affectum non modò injuriam sibi illatam condonando, sed & modum sapienter excogitando quo legi publicæ satisfiat, vel ipse fidejussorem dando, vel multam aut pœnam ferendo.

X X. *Obj. II.* Ratione Christi impossibile esse satisfactionem probant, quia pro se debuit eam legi obedientiam, quam in meritum & redemptionis nostræ ἀντὶς impendere necesse habuit; at si pro se debuit, non potuit pro nobis & loco nostro præstare, nam quod debetur eo ipso quo præstatur & solvitur, propriè dicti meriti rationem habere debet eo, quippe inter conditiones meriti notum est eam semper recenferi, ut res sit indebita: Quòd autem Christus pro se hoc ipsum debuerit quod pro nobis tenebatur pendere, obedientiam scilicet vitæ seu legis mandatorum impletionem, triplici ratione probant, 1. quia homo fuit & filius Adæ, at omnis Creatura qua Creatura obsequium tenetur præstare Creatori suo & legem ab eo positam implere, 2. quia fuit Israëlita & filius Abrahe adeoque fœdere illo populi sancti comprehensus & sub eo natus: unde dicitur factus εἰς νόμον, Gal. 1 v. 6. Sic etiam implendam esse sibi omnem justitiam, Matt. 11 v. 5. 3. quia summus Sacerdos fuit, qui ut illo munere defungi posset, debuit esse Legi perfectè conformis Heb. v 11. 26. Si ergo pro se debuit legem implere, non potest ea in meritum & satisfactionem seu debiti nostri solutionem imputari: hoc argumentum urget imprimis Socinus p. 3. c. 5. Jam verò manifestum est, inquit, Christum quia homo natus fuerat, & quidem, ut inquit Paulus, factus sub lege, legi divinæ quæ æterna est & immutabilis servanda, non minus, quàm ceteros homines obnoxium fuisse, alioqui potuisset Christus æternam Dei legem negligere sive aliam universam, si voluisset, insingere, quod impiet est vel cogitare, & paulò post, quo circa nec etiam pro aliis magis quam quilibet alius homo legem divinam servando satisfacere potuit, quippe qui ipse eam servare omnino teneretur.

X X I. Gravis hîc in speciem attingitur difficultas de subjectione Christi legi divinæ, quæ Orthodoxos ipsos inter se non ita pridem in partes divisit. Nos hanc nostram non facimus, paucis tantùm observamus quæ facere possunt satis argumento quod hinc petitur ab Adversario contra Satisfactionis veritatem; Duo ergo hîc demonstranda breviter suscipimus. 1. subjectionem illam legi sive obedientiam vitæ debitam fuisse à nobis, & ad redemptionem nostram omnino necessariam. 2. potuisse illam pro nobis à Christo præstari, atque adeo eam rectè in partem meriti & satisfactionis ejus venire, & nobis imputari. Et ad prius quidem quod attingit; Cùm lex duo vulgo contineat, mandata quæ faciendâ sunt, & sanctiones pœnales quæ peccatori ferendâ imponuntur, duobus etiam modis impleri censetur; primò quoad mandata obedientiâ vitæ seu actionibus à lege præscriptis: 2. quoad sanctionem passionis mortis seu latione pœnarum, quæ à lege transgressio-ribus denunciantur: Utraque verò hæc impletio respectu hominis peccatoris requireretur ad ipsius liberationem; Nam licet in statu integro ad unum tantùm obligatus esset, nimirum ad obedientiam, quia nondum peccaverat; tamen in statu destituito & post peccatum ad utrumque obligari tantùm abest ut absurdum sit, ut non possit aliter fieri; ad obedientiam obligatur quæ Creatura & homo qui nunquam non tenetur ad obedientiam Deo præstandam, ad pœnam quæ peccator & reus, qui est debitor pœnæ ex peccato; obligatio ad obedientiam absoluta est, quæ semper

manet, posita semel Creaturâ & Creaturâ fœderatâ in quocumque statu; at obligatio ad pœnam est tantum ex hypothefi præcedentis inobedientiæ, illa de ratione officii est quod exhibere tenemur Deo ut Creatori & Domino, ista de ratione reatus & pœnæ quam solvere debemus Deo ut Judici & legislatori; Utraque verò simul consistere potest, nam ut servus nequam qui herile mandatum exequi neglexit, eoque officii neglectu pœnas commertus est, non definit propterea ad illud idem præstandum obligari, non secus ac si res adhuc integra esset, & qui decoxit omnia sua bona non propterea solvitur à nexu æris alieni; Sic etiam qui peccando sic Dei legem transgressus est, ut pœnæ constitutæ sit factus obnoxius, ad eam tamen implendam obstrictus manet nihilo secius; Ita utraque illa impletio quia à nobis debita à Christo sponsore nostro debuit perfici.

XXII. 11. Necessitas utriusque istius impletionis patet ex natura Legis & salutis nostræ ratione; Nam cum salus non tantum in liberatione à morte sita sit, sed & in vitæ donatione; Et Lex promissionem vitæ non det *patienti*, sed *facienti*, *sac hoc & vives*; utique necesse fuit ad vitæ istius & salutis consecutionem, legem patiendi & faciendo implere, ut & remissio peccati per satisfactionem, & jus ad vitam per meritum obtineretur, ex illa redemptio à morte, ex isto introitus in cælum: Nam quod quidam hæc duo necessaria simul esse negant, sed alterutrum tantum, quia inter vitam & mortem nihil sit medium, & qui semel per pœnarum lationem à morte liberatus sit, eum eo ipso jus ad vitam obtinere, ac per consequens aliâ impletione activâ nequaquam indigere; in eo falsa hypoth. nituntur, quod hæc duo statuunt contraria *æmpton* inter quæ nullum dari possit medium: Fateor inter *mortem & vitam* simpliciter, non dari medium; sed inter *mortem & vitam beatam* intercedere potest vita misera & mortalis, vel vita pia & sancta, sed quæ sit adhuc in statu vitæ, non patriæ; Quis enim neget posse Deum aut potuisse sic hominem peccatorem ab inferis & æterna morte liberare, ut interim eum in gloriam cœlestem statim non eveheret, & vitæ æternæ fruitione non bearet & cumularet? Nempe vel vitam ei in terris largiendo, vel in Adami statum rejiciendo ad opera, vel etiam annihilando. Ita multa interesse poterant inter flammæ gehennæ, & cœli gaudia, inferni dolores & paradisi delicias: liberationem à carcere sequitur statim libertas, sed non statim diadema & thronus. Josephus poterat quidem solvi ex vinculis, sed non erat necesse statim ut Ægypto præficeretur; Mephiboseth potuit è squalore & situ educi, sed non statim necesse erat eum ad Davidis mensam vocari; Multum erat manumitti, & liberos fieri, sed liberos pronuntiari & hæredes, hic cumulus & apex est misericordiæ. Sic aliud est beneficium quum Judex facinorosum à morte absolvit condonando ei delicta, aliud quum Senatoria dignitate dignum judicat; Ita aliud est beneficium quo nos Deus absolvit à pœna, aliud quo nos dignos judicat præmio. Fateor quidem duo ista beneficia individuo nexu inter se conjungi, ita ut cuicumque remittuntur à Deo peccata, illi etiam detur jus ad vitam: sed certum tamen est esse

esse distincta; & si sese invicem consequuntur, id non fit statim ex natura rei, sed ex voluntaria Dei dispensatione, quæ ita statuit, ut nullus esset status intermedius, in quo peccatores sic æternæ morti eximerentur, ut regni cælorum non forent participes.

XXIII. At Paulus tamen, inquit, videtur Rom. iv. vs. 6. 7. 8. ex Davidis testimonio ista duo beneficia confundere, & Imputationis Justitiæ & Remissionis peccatorum innuere æquipollentiam, quum ait Davidem hominis beatitudinem constituere in Imputatione Justitiæ absque operibus, quia eandem felicitatem collocat in Remissione peccatorum; *Beati quorum remisse sunt iniquitates & quorum tecta sunt peccata*, ubi prius per posterius probat, quod absurdum esset, nisi essent æquipollentia & reciproca. Resp. Paulus non argumentatur ab æquipollentia, sed ab ἀλλήλῃ & individuo nexu, & mutua consecutione istius beneficii, quæ nititur individuo nexu causarum utriusque, non quidem ex natura rei, sed ex Dei gratiosa & liberali ordinatione, qui nemini remittit peccata, quin ei imputet justitiam; 2. quando Apost. remissioni peccatorum beatitudinem tribuit, hoc fit oppositè ad justitiam inhærentem, non imputatam, quam necessariò supponit, & sic synecdo. partem pro toto intelligit, quia ubi est remissio, non potest non esse beatitudo. Cæterum quòd in sola peccatorum remissione totum justificationis beneficium non consistat, & ex jam dictis constare potest, & ex eo, quod aliud sit à reatu peccati exolveri, aliud Jus ad vitam consequi; nimirum Justificatio dupliciter intelligi potest, vel ut liberetur à pœna reus, vel ut insuper mercede & præmio coronetur. prior respectus sola remissione peccatorum absolvitur, sed posterior, qui locum habet cum liberatione à pœna quæ habetur per remissionem, postulat juris ad vitam collationem, quæ obtinetur per obedientiam.

XXIV. Dices, sed posità semel peccatorum remissione per pœnæ lationem, superflua videtur obedientiæ impletio, quia si peccata omnia remittuntur tum commissionis, tum omissionis, eo ipso censentur peccatores nihil commississe mali, & nihil omisisse boni, qui verò eo loco habentur, perfectè justī sunt, eoque ipso jus habent ad vitam. Resp. Sed hic iterum pecca. fals. hypoth. Nec enim qui peccata omissionis & commissionis remittuntur, statim judicatur nihil mali commississe, & nihil boni omisisse, hoc enim & rei ipsius veritati, & justo Dei judicio repugnaret; Sed tantum à debita propter omissionem officii, & delicti commissionem pœna liberatur; sed ut justus perfectè censeatur qui jus ad vitam habeat, necessaria est præterea perfectæ legis obedientia, quæ conditionem semel positam impleat; *Justus* E. dicatur qui peccata omnia remittuntur *justitiâ Innocentiæ*, quia posita hac remissione innocens censetur & nulli amplius pœnæ subjacet, sed non *justitiâ obedientiæ*, cui præmium vitæ debetur, quia non potest dici adhuc eo ipso implevisse mandata. Nimirum aliud est carere vitio, aliud omnia, quæ præscripta sunt, præstitisse. Adamus illud habuit, non hoc; Unde etsi injustus non poterat dici, quia nullum dum peccatum in illo statu commiserat, non poterat tamen Justus

vocari Iustitiâ perfectâ, quæ ad felicitatem requirebatur, Ita non quisquis nihil omisit, statim omnia implevisse censetur.

XXV. Hoc verò utrumque in una Christi obedientia & iustitia occurrit, quæ duplicem hanc *χρῆσιν* habuit, & meritoriam, & satisfactoriam, quia & à reatu mortis nos liberat, & jus vitæ & immortalitatis nobis acquirit; ideo dicitur *liberare à maledictione & adoptionem conferre*, Gal. 1. v. 4. *propitiare peccata, & iustitiam seculorum adducere*, Dan. 1. x. 2. 4. *lavare à peccatis & facere Reges & Sacerdotes* Apo. 1. 5. quò pertinet illustris locus Act. xxv 1. 18. ubi apertè remissio peccatorum distinguitur à sorte inter sanctos id. à jure quod consequimur ad vitam, ut accipiant, inquit Christus de gentibus, *remissionem peccatorum & sortem inter sanctificatos per fidem qua est in me*. Non modo educit ex carcere, sed in throno regio collocat, ex inferno in paradysum, ex cœno in cœlum evehit; Clavis obedientiæ Christi non tantum aperit abyssum mortis ut ex ea egrediamur, sed & sacrarium cœli referat ut eò intremus.

XXVI. Nec huc audiendus Socinus qui meritum negat dari posse ubi est satisfactio, quòd hæc sit solutio debiti de jure, hoc verò opus indebitum. Hoc enim etsi verum esse posset de satisfactione quâ quis exsolvit debitum proprium, qui enim ita satisfacit, nihil meretur, nec sui, nec creditoris respectu, quia præstat opus debitum de jure; At de Satisfactione quâ quis solvit debitum alienum, falsum est, potest enim dici pro aliò mereri dupliciter, & respectu Debitoris, de quo bene meretur indebitè solvendo pro eo debitum, & sic opere indebito acquirendo ei immunitatem à debito, & faciens eam ei ex indebita debitam de Jure. Tum respectu Creditoris, maxime si pactum aliquod singulare intercessit positâ tali solutione admittendi eam non modo in remissionem debiti, sed & in acquisitionem juris indebiti. Juxta duplicem hanc *χρῆσιν* bene Christus dicitur meritis, gratis exolvens iustitiæ divinæ debitum alienum 1. respectu nostri, quia nobis immunitatem id. remissionem peccatorum acquisivit Eph. 1. 7. 2. respectu Dei ex pacto & dispensatione singulari, quâ Deus obedientiam filii sui non tantum in satisfactionem peccatorum, sed & in meritum vitæ acceptare voluit, de qua Is. LIII. 10. *Postquam animam posuerit in sacrificium pro peccato, videbit semen, prolongabit dies & beneplacitum Domini prosperabit in ejus manu*, sic Paulus ad Heb. c. ix. 15. hoc pactum indicat, cum ait *ideo factum esse Mediatorem novi Testamenti, ut morte intercedente ad redemptionem transgressionum qua in primo sedere fuerunt, promissionem æterna hereditatis vocati accipiant*, nec aliud vult Apost. Col. 1. 19. 20. cum ait *Placuisse Patri ut in eo habitaret omnis plenitudo & per ipsam reconciliare sibi omnia; factâ: pace per sanguinem ipsius &c.* Eodem etiam respiciunt alia loca Ro. III. 24. 25. Phil. 11. 7. 8. Heb. 11. 9. 10.

XXVII. Cæterum quibus actibus Christus vel satisfecerit, vel meritis sit, anxie disquirendum non putamus, quia utrumque hoc effectum conjunctum à tota & integra causæ virtute, puta Christi obedientiâ & iustitiâ, proficisci existimamus,

nec

nec enim jus ad vitam nobis ante partum est, quàm peccatum fuerit expiatum, nec rursus ante expiatum est peccatum, quàm lex ipsa fuerit impleta, non alio potuit quàm obedientiæ sacrificio favor Dei conciliari: nec ulla potuit obedientia reatum & pœnam amoliri, præter eam quæ ad extremum usque demissionis gradum producta est: Meruit ergo satisfaciendo, & merendo satisfecit; Tantæ efficacæ fuit ejus perfecta obedientia & tanti meriti ejus plenissima satisfactio, ut per illam *jus Legis in nobis impleatur*, Rom. vii. 4. nec tantum à morte liberemur, sed & vitam consequamur. Atque hinc colligimus quo loco *Justitia Christi imputatio* habenda sit in justificatione; non tanquam pars quæ respondeat peccatorum remissioni; ut quidam ex nostris non satis accuratè videntur statuisse, qui volunt remissionem peccatorum præcedere, cui succedat imputatio justitiæ; sed ut fundamentum & causa quæ geminum effectum post se trahat, *remissionem peccatorum & jus ad vitam*; Nam ex eo quod justitia Christi nobis imputatur, sequitur & peccata nobis remitti, & jus ad vitam concedi, & ratio est evidens, quia nihil potest à Dei conspectu peccata nostra tegere, nisi vestis illius applicatio, seu Justitiæ imputatio, quemadmodum non prius animo concipi potest tegi nuditatem corpoream, quàm corpori vestis applicetur & inducatur; Itaque in Justificatione concipimus per & propter unius justitiæ perfectissimæ Christi imputationem tum tegi, & deleri peccata nostra, ac proinde nos ab ira & maledictione æternâ liberari, tum etiã ut perfectè justis jus ad vitam & hæreditatem cœlestem dari, quia una eademque ista justitia tam fuit perfecta, ut non modò pro peccatis, in quæ incurreramus, satisfecerit, sed etiã vitam, à qua excideramus, nobis acquisiverit.

XXV III. Ex quibus jam liquet utramque legis impletionem à nobis debitam fuisse, & à Christo præstitam; hoc autem bene potuisse jam demonstrandum est, quod ex solutione objectionis antea positæ constare facile poterit, sic verò illa se habet. Quod quis pro se debet, non potest pro alio solvere, at Christus pro se debuit hanc legi obedientiam E. Resp. 1. ad maj. pecca. falla. à dicto secundum quid. Quod quis pro se debet non potest pro alio præstare, Si sit *persona privata* concedo, si sit *persona publica* Nego. Nam persona publica sub duplici &c. considerari potest, ut suam & simul aliorum fœderatorum vel sibi intimè conjunctorum vicem sustinens, sic Consul suo & civitatis nomine cum hoste inducias facit, Rex pro se & pro populo fœdera cum principibus sancit: sic primus Adam secundi typus, Rom. v. 14. sibi suisque lapsus est, Levi fuit decimatus in persona Abrahamæ, Heb. vii. Ita etsi Christus pro se debuisset legem implere, non ideo tamen minus pro nobis præstare potuisset, quia hic non spectandus est ut *persona privata*, sed ut *publica*, ut *Caput Ecclesiæ*, ut *sponsor* & *Vas s. Ielium*, qui omnia pro ipsis factus est, ut Pater novi seculi, Isa. ix. 6. & seminis sancti quod post se videre debuit, Isa. lii. 10.

XXIX. 2. ad Min. per negat. Christus enim pro se non debuit obedientiam illam per quam legi satisfecit, sed pro nobis, ratio est, quia non pro se homo &

Mediator fieri voluit : itaque ad probationem. Mino. resp. per limita. Quicumque pro se & suo loco vel Abraham factus est filius, is quoque pro se & suo nomine ad legem implendam tenebatur, qui verò non pro se, sed pro aliis vel homo fieri vel Israelita nasci voluit, is quoque non pro se, sed pro aliis ad legem quamlibet implendam obligatus est. At Christus non pro se, sed pro nobis homo factus est juxta illud, *Puer natus est nobis, Filius datus est nobis* Isa. ix. 6. Nec enim ulla ratio erat in Christo, qui æqualis erat Patri, propter quam vel carnem nostram suscipere & in ea non formam hominis tantum, sed & servi assumeret, in ea se exinanire & obedientiam fieri usque ad mortem crucis deberet, sed pro nobis ista omnia præstita fuerunt; Ut propter nos homo factus non propter se: Ita propter nos, non propter se, Legi se subicere voluit. Simili res potest illustrari, quemadmodum qui pro alio sive iussit, antea liber, jam debitor factus est, ac debitum solvit non pro se, sed pro alio, ita ut solutio illa alteri imputetur, ita Christus hominem se pro nobis faciendo, se quoque non pro semet, sed pro nobis legi divinæ debitorem fecit ac debitum exsolvit, id est legi obsequium non pro se, sed pro nobis præstitit, adeo ut nobis à Deo imputetur quidquid Christus hac in parte gessit. Sic qui prius liber & sui juris, amici liberandi causâ se alieno subicit imperio, sive se ei in servitum tradendo, sive alia quavis ratione libertate sua cedendo, simul atque in ditionem concessit alienam, illius jam servus & subditus factus est, cuius regnum est ingressus: Sed quemadmodum illuc se contulit, non sui ipsius, sed amici sui gratiâ; Ita etiam non pro se, sed pro amico suo servitutem illam servit, & quodcumque obit in ea conditione ministerium, id in amici bonum cedit, illique à Domino imputatur. Id ipsum de Mediatore, servi formam pro nobis assumente, ut in ea se Legi divinæ per omnia subicere posset, meritò asseritur, adeoque ut non pro se, sed pro nobis venit, ita non pro se, sed pro nobis servitutem illam servit, non pro se, sed pro nobis se Legi paternæ subiecit, ut Mediatoris munus pro nobis exequeretur.

XXX. Hinc ad triplicem rationem antea allatam pater responsio, sive enim Christum ut hominem simpliciter & Adæ filium spectes, sive ut filium Abraham & Israelitam, sive ut summum Sacerdotem, non bene inde colligas pro se simpliciter Legem implere debuisse; Sanè si pro se simpli. ex aliorum hominum sorte & conditione factus esset vel Adæ vel Abraham filius, id. vel homo vel Israelita, utique pro se & suo nomine ad Legem implendam obligatus fuisset; moralem quidem quâ homo (quippe homini latam absolute) cæremonialem autem & politicam qua Israelita, quippe solis Abraham posteris latam, & eos solos obligantem; Sed quia non pro se, sed pro aliis & homo fieri, & ex Hædarum stirpe nasci voluit, ideo non pro se, sed pro aliis ad Legem quamlibet implendam obligatus est, pro iis nempe, pro quibus aut humanam naturam induit, aut ex tali gente & familiâ naturam illam assumere dignatus est. Denique ad Sacerdotis munus quod attinet, Fateor eum cui tale munus commissum erat, ut eo defungi posset, debuisse esse

esse purum, sanctum, ab omni macula & labe alienum, ut ait Apost. Heb. vi. 1. id. Legi perfectè conformem; Sed nego propterea pro se & suo nomine cum Legi divinæ subjectum fuisse; Alias pro se debuisset hostias & victimas offerre, id. sui ipsius esse Mediator, quod contradictionem involvit; Debuìt quidem purus & sanctus esse & Legi divinæ perfectè conformis ad hoc, ut Pontifex & victima esset idonea; Sed aliud est esse Legi conformem, aliud eidem subjectum esse, Aliud est Legi obsequium debuìsse qua Pontificem, vel ut illo summi Sacerdotis officio fungeretur, aliud verò id debuìsse pro se; Imò contra, si debuìt ut Pontifex, debuìt ut Mediator, quicquid autem fecit ut Mediator, illud non pro se debuìt aut fecit, sed pro nobis tantum.

XXXI. III. Resp. Ad min. Distinguenda est *Subiectio Legi divinæ*, duplex enim esse potest, Alia *natura*, Alia *œconomia*, prout Lex potest considerari vel ut generalis & communis, quæ fertur omnibus in quocunque statu constitutis, vel ut specialis, quæ homini fertur in certo statu & peculiari aliqua de causa. Illa *absoluta* est & indispensable, quæ Creaturam respicit in *statu naturæ* simpliciter quæ Creatura est; Illa *relativa* est *γεννη*, quæ refertur ad hominem in *statu viæ* constitutum, cum conditione laboris & operis, & sub obligatione vitæ ex ea merendi; Illa *æterna* est & immutabilis, quandiu enim Creator est & Creatura, tandiu hæc illi subiecta debet esse, nec magis de hoc jure dispensare potest Deus, quàm se ipsum abnegare; At ista *libera* est & mutabilis, quæ tandiu durare debet, quamdiu homo est in statu viæ, postquam enim metam attingit, & curriculum seu stadium obedientiæ propositum absolvit, tunc subiectione illa exolvitur; Creatura nunquam eximi potest à statu naturali, sed potest à statu viatoris, in quo debet mandata implere ad vitam consequendam; Illius fundamentum est Jus Creatoris *ἀποκρεμκόν* in Creaturam, & dependentia naturalis Creaturæ à Creatore; Sed istius fundamentum est voluntaria dispensatio Creatoris, qui hoc vel illo modo potest cum Creatura pacisci; Supponitur quidem dependentia naturalis, quæ in nullo statu à Creatura separari potest, sed non sufficit, nisi superaddatur speciale pactum; Ita juxta diversum Creaturæ statum, & diversum Legis finem & modum potest diversa esse subiectionis ratio, & modo negari, modo affirmari.

XXXII. Sic ut ad præsens institutum hoc applicetur, Dico duplicem fuisse in Christo subiectionis speciem; Prima *naturalis* fuit & necessaria, Secunda, *œconomica* & libera, Illa in *statu naturæ*, quæ fuit Creatura, quæ Creatorem suum amare & illi morem gerere tenetur, Ista in *statu humilitatis* & *viæ*, qua fuit Mediator, qui personam peccatorum debuìt sustinere, & pro aliis satisfacere & mereri; Nec enim mandatum fuit tantum datum Christo generale obediendi Deo, cui omnes ex æquo tenentur, sed in specie sese tanquam vadem loco peccatorum substituendi, & ea omnia præstandi & patiendi, quæ necessaria erant ad opus redemptionis exequendum, visceris cum ipso initi. Quoad priorem damus Christum subiectum fuisse legi communi subiectione naturali, quatenus homo & creatura fuit, huic enim legi etiam Angeli ipsi in cœlo & spiritus consummati, qui sunt in patria,

subjiciuntur, nemo enim est qui non teneatur summè amare Deum & illi obsequi; Sed respectu posterioris verum est dicere Christum non fuisse *πρὸ νόμου* quoad se, sub lege scilicet illa Oeconomica & speciali, quæ lata illi est in statu viæ, & in eum finem, ut in forma servi & humilitatis curriculo vitam nobis perfectissimam sua obedientia consequeretur; nec enim tenebatur pro se ad Mediatoris officium suscipiendum, peccatorum personam sustinendam, & ea omnia facienda & patienda, quæ non modò à nobis erant debita, sed quæ necessaria erant per se ad salutem obtinendam; Homo poterat nasci & Viator hoc modo non fieri, ut si creatus & collocatus fuisset ilico in paradiso, si munere mediatorio non fuisset instructus. Verum quidem est humanitatem Christi esse conditionem sine qua non, quia nisi homo fuisset, viator esse non potuisset, siquidem ad homines tantum pertinet status ille viæ de quo loquimur, sed non sequitur ex eo quod homo est, continuo viatorem esse, potuit enim homo esse & non viator; Cum ergò Christus dicitur Legi subiectus *quatenus homo*, bifariam potest intelligi, *vel specificativè*, ut notetur principium & subiectum quod subicitur; Et sic vera est propositio, quia in Christo non divina natura, sed humana sola poterat subesse Legi, & sustinere personam viatoris, *vel reduplicativè*, ut indicetur *ratio formalis* propter quam fit subiectio & conditio viatoris, Et sic falsa est, nam si hoc foret conditio viatoris, deberet esse inseparabilis à Creatura, quod tamen falsum est, cum nunc Christus ipse nulli tali necessitati amplius subit, & beati qui sunt in patria comprehensores non possint amplius dici viatores; Ex quibus clarè constat, Christum cum isti subiectioni voluntariæ & Oeconomicae non teneretur naturaliter, & pro se, sed tantum pro nobis ex peculiari Mediatoris officio, Legem etiam non pro se, sed pro nobis tantum eo respectu implere debuisse, atque adeo posse eam obedientiam iuste nobis imputari, quod negabat Adversarius.

XXXIII. IV. Resp. Ad min. *Christus* considerari potest, vel ratione *Personæ*, vel ratione *naturæ humanæ*: Licet posteriori respectu debuisset obedientiam *quæ homo*; non potuit tamen priori debere *quæ Deus* vel ratione personæ, quia cum sit divina eximebatur eo ipso à Jure illo communi cui homines sunt obnoxii; Quia autem Christus Mediator est secundum utramque naturam, & Actiones & Passiones, ut notum, sunt Suppositorum, etsi fuerunt alterius naturæ *ἐσπερίσματα*, fuerunt tamen totius personæ *σωτηρίσματα*. Itaque quod de Persona divina dici non potest, rectè de Christo negatur, licet hoc suo sensu respectu humanæ naturæ illi tribui possit: Sic negat Apost. Christum decimatum fuisse in lumbis Abrahæ cum Levi Heb. vii. licet non minus quàm Levi in ipso fuerit ratione carnis, utpote ex Juda oriundus, quia non erat in ipso secundum totam personam & divinam naturam, quæ potior est & nobilior pars personæ Mediatoris; Pari planè pacto quia obedientia Christi Mediatoris fuit *ὑπακοή* hominis veri, sed non meri, ipsius scilicet Dei filii, qui dicitur obediens factus Patri usque ad mortem, ad quam neutiquam tenebatur respectu personæ & naturæ divinæ, rectè

rectè dici potest eam pro se non debuisse, atque adeo potuisse illam pro nobis impendere. Sic probatum fuit Satisfactionem non fuisse impossibilem à parte Christi. non minus possibilem à parte *pœnae* ferendæ, vel *hominum reorum*, sequens docebit Disputatio.

DISPUTATIO DECIMA.

Pars Altera.

D E

SATISFACTIONIS
CHRISTI VERITATE.

Respondente PAULO COULEZ Metensi.

THESIS PRIMA.



UPERIORI Disputatione vidimus & expendimus rationes, quibus Adversarii probare conantur *Satisfactionem impossibilem* fuisse à parte Dei & Christi, superest ut ad examen revocemus eas, quibus evincere satagunt à parte *pœnae* ipsius & *hominum reorum* non potuisse verè dari, quod hâc Disputatione breviter cum bono Deo expediemus.

II. Contendunt ergo *ratione Pœnae* impossibilem fuisse Satisfactionem hac imprimis ratione moti. Qui non solvit id quod à nobis debebatur, is verè pro nobis non satisfecit. At Christum non solvit quod à nobis debebatur: Debebatur enim mors æterna ex iustitia Dei: Christus autem illam non subiit, sed tantum temporalem: Primò quia mors æterna non pertransiit; At Christus resurrexit. Secundò, finiti ad infinitum nulla est proportio, pœnæ Christi tempore finitæ fuerunt, utpote mors tridua, & nostræ nullo tempore finiendæ erant. III. Si mortem æternam sustinisset, desperasset: Desperatio enim & conscientia morfus est propria damnatorum pœna, vel inseparabiliter cum ea connexa, II. LXVI. 24. & Marc. ix. 44. quæ à Christo longissimè semper absuit. Itaque neque quoad quantitatem, neque quoad qualitatem sibi respondent pœnæ nostræ & Christi. Palmarium est argumentum, quo Socinus ejusque socii perpetuò utuntur. Socinus fusè illud persequitur p. 3. c. 3. Osarod. p. 2. c. 14. Cateches. Racovi. de morte Christi, c. 8.

III. Resp.

III. Resp. Multa tamen sunt quæ ad hoc argumentum reponi possunt. 1. ad Majorem per limitationem, Qui non solvit quod alius debet nec quoad *durationem*, nec quoad *pondus & valorem equipollenter*, is revera pro eo non satisfacit, concedo, quia satisfactio supponit perpeffionem pœnæ debitæ, sed qui non solvit quod alius debet quoad durationem, sed quoad valorem & *londovacia* non satisfacit, Nego, quia etsi non idem, modo tantundem habeatur, sufficit. Jam ad minorem. Christus etsi *mortem æternam* non subiecit quoad *durationem*, quia non potuit, quandoquidem illi necessarîo resurgendum fuit; at eandem tamen tulit *equipollenter*, quia summos & intensissimos dolores tulit, qui licet temporales & finiti fuerint ratione sui, habebant nihilominus valorem & pondus infinitum ratione personæ patientis; Nec enim passio *ψιλῆ ἀνθρώπου*, sed *ἡρώδους*, non meri hominis, sed veri Dei; qui suo sibi sanguine Ecclesiam acquisivit, Act. xx. 28. adeoque quod deest finito tempori, completur per personæ infinitæ conditionem, quæ temporali passioni pondus addit infinitum. Sicut enim peccatum Adæ in se quidem æternum non fuit & infinitum, interim tamen vires habuit culpæ infinitæ, totum genus humanum damnationi subjicientis, quia æternum & infinitum Deum læsit, sic & mors Christi ratione *temporis finita*, ratione *valoris infinita* est, quia Dei infiniti mors est; sic infinito peccati merito, & infinitis pœnis debitis oppositur infinitum meritum Christi & satisfactio, ratio infinitatis utrobique sumitur à Deo, vel per peccatum læso, vel pro peccato satisfaciente. Ita mors ista si non æterna propriè dici potest, quandoquidem æternitas in se notat durationem interminatam, quæ in morte triduanâ desideratur, rectè tamen *æterna æquivalens* habebitur, 1. propter *dignitatem personæ*, quæ non tantum fuit sanctus & justus homo, sed etiam verus Deus, 2. à *gravitate pœnæ*, quæ licet temporalis fuerit, tamen immensitate & diritate angorum & cruciatuum nihilo minor aut lenior fuit pœnâ æternâ. 3. *ab effectu*, quia Christus morte suâ liberavit nos à pœnâ æternâ, juxta justitiam & veritatem Dei nobis debita, ideoque mors ejus debuit esse æternæ æquivalens.

IV. II. Minor simpliciter negari potest, Christum scilicet non solvisse quod à nobis debebatur; infinitam enim pœnam peccatores commerti erant, & Christus eam tulit; At, inquires; duratione debebatur infinita, nimirum æterna, quam Christus nec subiit, nec subire potuit. Resp. *infinitas pœnæ quoad durationem* primariò non debebatur à Creaturâ, sed secundariò tantum & per accidens infirmitatis subiecti: nam si infinitas pœnas quoad atrocitatem ferre potuisset creatura peccatrix, nihil opus fuisset pœnam æternam ferre; quia verò Creatura finita pœnarum actu infinitarum capax non fuit, fieri debuit hac in parte pœnarum commutatio, ut quas atrocitate & intentione infinitas ex rigore justitiæ postulabat, eadem infinitæ essent tantum in duratione. Jam verò in Christo res ad naturalem justitiæ ordinem rediit; facta enim est commutatio
pœ-

pœnarum quæ nobis ferendæ erant infinitæ quoad durationem, in pœnas magnitudinem & intensiōe infinitas; non quidem ut infinitas illa æstimanda sit simpliciter ex atrocitate & gravitate rei, quæ nulla infinita in creaturam humanam cadere potest, sed ex dignitate personæ divinæ quæ passâ est. Mors ergo infinita erit non tempore sed *pondere*, non *extensivè*, sed *intensivè*, non ratione *sui*, sed ratione *subjecti*.

V. III. Pœna mortis peccato debita considerari potest bifariam, vel quoad *essentiam*, vel quoad *accidens* & *adjunctum* ejus. Priori sensu dicit pœnas infinitas quotquot à Creatura ferri possunt tum *damni*, tum *sensus*, quas justitia Dei peccantibus denunciat, tum in privatione boni infiniti, desertione scilicet Dei & separatione ab ejus gratiâ & gloriâ, tum in inflictione mali longè maximi, maledictione nimirum & irâ ipsius cum gravissimis corporis & animæ cruciatibus; posteriori verò pœnæ æternæ durationem habet; accedit enim pœnæ ut sit æterna propter conditionem subjecti. Jam Christus pœnam infinitam sensit quoad substantiam ipsam pœnæ, quia justitia Dei nihil exigere potuit vel quoad pœnam damni, vel quoad pœnam sensus quod Christus plenè non sustinuerit, damnum quidem in *derelictione* Dei, Psal. xxii. 2. sensum verò in *maledictionis* & iræ perpeffione, Galat. iii. 13. quæ per calicem amarissimum denotatur, qui bibendus Christo oblatus est, Matt. xxvi. sed non tulit quoad *accidens durationis æternæ*, quia nec necessarium fuit, nec possibile; non necessarium, quia jam plenè alio modo satisfecerat; non possibile, quia sic ne satisfecisset quidem, nam qui semper solvit, nunquam potest dici persolvisse. Habuit ergo pœna Christi quod essentiale fuit pœnæ, non quod accidentale: hoc enim nec habere debuit, nec potuit: Non debuit, quia mors jam ob infinitam personam erat infiniti valoris; Non potuit etiam, primò ob *unionis hypostaticæ indissolubilitatem*, quia impossibile fuit filium Dei à morte detineri; Potuit à morte obsideri, sed non potuit ab ea vinci & superari, potuit premi, sed non opprimi, potuit concuti, sed non penitus deijci, quia quod λόγος Princeps vitæ semel assumpsit, nunquam dimisit; 2. ob *officii implendi necessitatem*: qui enim mortis merito Salvator fuerat, debuit esse pariter efficacîa vitæ, qui sanguine salutem acquisiverat, debuit eam spiritu applicare & conferre per resurrectionem. 3. ob *perfectam humanitatis sanctitatem*. Nam fieri non potuit ut *Sanctum Domini videret corruptionem*, Psal. xvi. nec possibile erat justum à morte detineri, Act. ii. 24. Quamvis ergo mortem hanc ratione durationis æternæ non pertulerit, tulit tamen ratione essentiae & valoris infinitam, ita ut nihil hoc modo pretio decesserit. Imò tantùm abest ut decesserit, ut mors infinita Christi videatur aliquanto superare mortem æternam nobis debitam: nam pœnæ inferorum non nisi *improprie* dicuntur *infinitæ*, quia componuntur ex variis momentis sibi invicem succedentibus, finitum autem additum finito non facit infinitum, sed melius dicerentur *indefinitæ*: At verò persona & dignitas Christi actu est infinita. Cum ergo ex dignitate personæ quæ

luebat, pœnæ æstimatio pendeat, mors illius æstimari debuit ac si fuisset actu infinita, mors autem infinita actu, finitam mortem quantumvis multiplicetur, vel in æternum prorogetur non æquat modò, sed superat proportionem.

V I. Hinc facile responderi potest rationibus allatis. Ad primam, quod mors æterna non pertranseat. *Resp.* si æternam intelligas, quæ talis est absolutè & quoad durationem, fateor, si infinitam quæ talis sit valore & intensione, nego. Inexpugnabilis sanè mors est, si spectetur quæ est infinita extensivè, & temporis duratione, sed si dari potest ejusmodi subiectum in quod cadere possit tantum incrementum pœnæ sine ejus destructione, res non est impossibilis; Tale autem subiectum fuit Christus *Græci & Latini*, qui non tulit tantum, sed & pertulit & superavit pœnas omnes nobis debitas sine ullo detrimento: potuit enim & se & nos liberare, ac si nosmet ipsi easdem tulissemus.

V I I. Ad secundam *Resp.* finiti ad infinitum nulla est proportio si *finitum* & *infinitum* intelligatur *absolute* & *omnimodè*, falsum si utrumque intelligatur tantum *secundum quid* & comparatè: Nam quod finitum est in se, potest dici infinitum objectivè, ut *peccatum finitum* est *ratione subiecti* hominis scilicet peccantis, *infinitum* tamen dicitur *ratione objecti* nimirum Dei offensi; Ita vicissim datur aliquod *finitum in se* quod *infinitum* est *respectu subiecti*, ut passiones Christi in se quidem finitæ sunt, sed ratione Christi patientis qui persona est divina & infinita, infinitæ. Sic iusta dari potest proportio inter pœnas Christi & nostras. Nam ut culpa finita tempore meruit infinitam pœnam ratione objecti infiniti, Dei scilicet, in quem admissa fuit; Sic pœna tempore finita æquipollet æternæ propter subiectum infinitum à quo fuit tolerata. Ita pœnæ bifariam spectari debent vel *Physicè* seu *Metaphysicè* ratione entitatis quam habuerunt, sic finitæ fuerunt, nec esse infinitæ potuerunt aut debuerunt, vel *Ethicè* sive *judicialiter*, quomodo esse infinitæ debuerunt, & revera fuerunt: At hic cum de satisfactione forensi agatur, finitudo, si ita loqui licet, vel infinitudo pœnarum intelligenda est secundum æstimationem forensam quæ nullam habet rationem entitatis, ut patet in peccato, quod interdum nullam entitatem habet, neque formaliter neque materialiter v.g. omisio officii, & tamen in foro magni æstimatur; imò cum de officio erga Deum infinitum agitur quodammodo infinitè: quo enim major est ejus qui offenditur dignitas, eo pluri æstimatur offensa, eo enim minus offendi debuerat, plusque adeo est in offensa indignitatis.

V I I I. Ad tertiam de desperatione. *Resp.* Distingue rursus *essentiam* pœnæ ipsius, & ejus *adjunctum* & consequens quod pro ratione subiecti separabile est; vel prout à *Judice infligitur*, vel prout à *Creaturâ recipitur*, vel prout in personâ alienâ sponforis fertur, vel in propria personâ peccatoris. Priori sensu *desperatio* & *morsus* conscientiæ non pertinent ad pœnas damnatorum: non sunt enim de essentiâ pœnæ in se consideratæ, sed tantum per modum *adjuncti* & consequenter ratione *subiecti corrupti*. Non includuntur in pœna quatenus à *judice infligitur*,

tur, vel à sponfore fertur, sed quatenus à creaturâ vitiosâ & reâ recipitur, sic desperatio est adjunctum pœnæ, quod pro ratione subjecti est separabile: nam si pertransire posset damnatus pœnas, non desperaret, sed quia scit in æternum duraturus esse, & spei & libertatis nullam affulgere rimam, ideo desperat: At in Christo longe aliter, non potuit in ipsum cadere Desperatio, tum quia luebat non sua, sed aliena peccata, tum quia luebat absque omni peccato, tum denique quia de conservatione & liberatione sui erat securus, ideoque in mediis cruciatibus & angoribus suis, fiduciam suam semper in Deo collocat, Ps. **xxii. 2. 3.**

I X. Atque hîc obiter, antequam aliò transeamus, depellenda est atrox & tetra calumnia, quam Pontificii Doctoribus nostris intentant, quasi desperationem Christo tribuant, imprimis *Calvino* nostro in *Harmon. Evang.* ad Matt. cap. **xxvii. 46.** & *Institut.* lib. 2. c. 16. s. 10. & 11. & *Beza* ad Matth. c. **xxiv. 45. 46.** Hinc *Estius* in Matth. **xxvii.** ait non desuisse hoc tempore qui auderent inauditam blasphemiam in Christum evomere, dicentes eum in cruce desperasse, & ob eam causam ipsum damnatum esse, quam blasphemiam audire pie aures cohorrescunt. Et *Genebrardus* in Psal. **xxii.** vult ex voce à Christo emissâ Calvinistas colligere Christum in cruce desperasse, vel desperantis vocem emisisse, & ad desperationem usque terrores mortis & dolores inferni, flammæque & supplicium infernale post mortem sustinuisse. Sic *Maldonat.* in Matth. **xxvii.** *Bellar.* l. 4. de Christo, c. 8. & alii passim, & nullus est hodie Monachorum qui consimiles in nostros non jaçtet calumnias, & sententiam de Christi desperatione iis sycophanticè non affingat.

X. Verùm nisi odio infano excæcata essent eorum mentes, facilè tam nefandarum criminationum caliginem dispellere poterant; Nihil enim falsius dici potuit, nihil à mente nostrorum alienius, imò & ab ipsorum verbis; inspiciantur tantùm loca, & res cuilibet patere poterit. Primò quod *Calvinus* sibi objicit in personâ Adversarii per *μῦθον*, id tanquam ejus assertionem ipsi affingunt, verba clara sunt, *absurdum Christo elapsam esse desperationis vocem* q. d. scio fore qui absurdum hîc à me statui & Christo desperationem affingi asserant, & subjicit, *solutio facilis est quonquam sensus carnis exitium apprehenderet, fixam tamen stetit FIDEM in ejus corde quâ Deum præsentem intuitus est, de cujus absentia conqueritur*; Ita docet Christum ita concepisse Dei derelictionem, ut simul fide retinuerit Deum sibi esse propitium, quod probat ex duobus querimoniarum membris, in quâ antequam tentationem exprimat, præfatur se ad Deum confugere tanquam Deum suum; atque ita clypeo fidei fortiter repellit illam quæ se ex opposito ingerebat derelictionis speciem: denique in hoc diro cruciatu illæsa fuit ejus fides, ut se derelictum esse deplorans, propinquo tamen Dei auxilio confideret; Sed mentem suam longè clarius adhuc aperit in *Instit.* lib. 2. c. 16. s. 12. dum inter alia varia huc facientia hoc potissimum notat, *Quonquam ad momentum sese occultaveris vis Spiritus, ut locum infirmitati carnis cederet, sciendum ta-*

men est talem fuisse tentationem ex doloris metu sensu quæ cum fide non pugnaret, Et hoc modo impletum est quod habetur in concione Petri, non potuisse eum teneri à doloribus mortis, quia se quasi derelictum à Deo sentiens, ne tantillum quidem deflexit à bonitatis hujus fiducia; Quod docet celebris illa invocatio, in qua præ doloris vehementia clamavit, Deus meus, Deus meus ecquid dereliquisti me? Nam etsi supra modum angitur, non tamen desinit vocare Deum suum à quo se derelictum exclamat. Sic Cateches. Sect. 10. Quamvis metu angeretur, ac pene animo concideret, spem tamen præ gravi illo mæore non abjicit: ideoque mæor ille multis modis differt ab illâ anxietate quam in conscientia habent peccatores, à quibus Deus iratus panas reposit, quia quod in eo temporarium fuit, in illis est perpetuum, & quod eum aculei cujusdam instar pupugit, illis mortifer gladius est. Sed quod præcipuum, Christus in Deo S P E M habere non desit, quanquam vehementer expavescens, & in angorem summum reductus, peccatores autem quos Deus condemnat, de ipsius benevolentia desperantes, tantummodo adversus eum manifestò fremunt, & blasphemias jactant. An qui ita loquitur desperationem Christo tribuisse dicendus sit, judicent omnes.

X I. Bezæ non alia mens est; Nam in Matt. xxvii. 46. nihil de desperatione habet, neque locum ipsum fusiùs explicat, sed ad locum Heb. v. 7. remittit, ubi rem totam executus est solidissimè, sed quantum abfuerit ab eâ, quæ illi tribuitur opinione, docent verba quæ sub finem dissertationis adjicit. Verum in his omnibus hæc duo teneamus, ista videlicet non à dissidentia ullâ, sed à doloris vehementissimo sensu proficisci; Deinde sic considerandas esse singulas hujus actionis partes, ut ex fine de re totâ statuamus, neque enim in illâ cogitatione, (qua tamen & ipsa, ut dixi, fuit omnis peccati & vitii expers) ita hæsit, quin mox invicta S P E S illum erigeret, idem enim qui percussus quid dicam, inquit, libera me ex hac horâ, eodem tenore subjicit, sed propterea veni in hanc horam; Qui ter petit, Pater transfer à me calicem hunc, addit, fiat quod tu vis; Qui vociferatur se derelictum, tamen Deum, Deum suum compellat. Quod si ad ipsos Adversarios oculos convertere vellemus, quantò justior esset eos carpendi occasio, qui longè durius hac in parte & Calvino & Bezâ locuti sunt. Videfis Maldonat. in Matt. xxvii. Ferum in eundem locum, Cusanum de cruciatibus Christi, Ariam Montan. de passione Christi in horto lib. 5. de regnæra. Ada. c. 23. & alios non paucos.

X I I. Sed è diverticulo in viam. Contra responsonem nostram multa reponunt Adversarii. 1. Si verum esset Personæ infinitatem ad infinitatem pœnæ contulisse, sequeretur ergo levissimâ aliquâ pœnâ de Christo sumptâ Justitiæ Dei satisfieri potuisse, ut non necesse fuerit tam diris cruciatibus cum affligi: nam & levissimæ pœnæ hoc pondus ab æternâ Deitate addi potuisse. Sic Socinus; Addit Gittichius contra Lucium si una sanguinis gutta fuit sufficiens, cæteras fuisse frustra effusas, & Deum crudelissimum fuisse qui plus requisiverit quàm debebatur. Resp. Neg. conseq. nam etsi quælibet passio Christi habuerit valorem in-

finitum subjektivè, sola tamen mors à Lege denunciata habuit valorem infinitum objectivè respectu judicis infligentis; Ideo minimus cruciatus Christi vel guttula sanguinis non potuit sufficere ad plenam satisfactionem, quia non habuit rationem maledicti & poenæ peccato respondentis. Quævis perpeffio satisfactio non est, quamvis infinita patitur persona, sed ea demum quæ conveniens est, & quæ cum Justitia Dei, legis sententiâ, peccati feditate & gravitate, & figuris præcedentibus congruit. Dignitas personæ patientis potest quidem augere poenæ quam patitur dignitatem, ut eò gravior censèatur, quò dignior est & illustrior persona quæ patitur, non potest verò essentiam seu speciem ipsam poenæ compensare: aucta enim in immensum unius speciei quantitas, ipsi non confert alterius speciei naturam; Auge naturam bruti infinite, non tamen propterea habebis hominis perfectionem. Non igitur qualibet poenâ, sed eâ solâ quam eramus commerti, & quam Lex denunciabat, morte scilicet satisfieri pro nobis potuit. Absit ergo ut Deus crudelitatis propterea infimuletur, quod mortem requisiverit, imò in justitiæ exercitio, est quod miremur bonitatis & misericordiæ Dei salutare temperamentum, qui cum poenam mortis propriam à nobis exigere potuisset, vicariâ tamen contentus fuit. 2. In hac causa non est indulgentium cogitationibus nostris, nec tam quærendum quid fieri potuerit, quam quid fieri voluerit Deus, & quid re ipsa factum fuerit; Propterea hîc componendum est decretum Dei cum consideratione qualitatis personæ Christi, non autem unum ab altero divellendum: Certum est enim hîc Deum voluisse satisfieri justitiæ suæ, non per unum aut alterum opus Christi, sed per plura conjunctim, ac nominatim per passionem & mortem ipsius, ita ut omnes simul unum *δικαίωμα*, & absolutissimam infinitæ satisfactionis rationem constituent.

XIII. Atque hinc patet quàm vanum sit & falsum illud Scholasticorum efatum, quo pertendunt unicam sanguinis Christi guttam sufficere potuisse hominibus redimendis, ut inde scilicet thesaurum Indulgentiarum suarum extruant, in quem reliquam sanguinis copiam repositam esse contendunt, & per Petrum ejusque Successores dispensari pro partiali vel totali remissione peccatorum. Nam cum toties testetur Scriptura mortem Christi necessariam fuisse, tum propter justitiam Dei immutabilem Rom. 1. 32. & VI. 23. tum propter infallibilem ejus veritatem, Gen. 11. 17. Ezech. XVI 11. quis minus supplicium sufficere potuisse crediderit? nisi velimus Deum accusare quod nimium à filio suo exegerit, quod impium est vel cogitare; *ἀμαρτανωσία* verò illa de qua Apost. loquitur, Hebr. 10. 22. non simpliciter quamlibet sanguinis effusionem notat, sed quæ mortem secum trahat, qualis erat in effusione sanguinis pecudum sub Vet. Test. ad quam ibidem alludit Apost.

XIV. II. Excip. Dignitatem personæ nihil conferre ad infinitatem poenæ quia nulla sit apud Deum personarum acceptio Rom. 11. 11. quod si hoc obtinet, cum ejus misericordiæ locus relinquitur, quid tandem erit, cum de poenâ irro-

gandâ ex iustitiâ seu potius severitatis absolutissimæ præscripto agitur? Addit so-
 cinus valde suspectum esse quod pro concessio sumitur Principis viri levem pœ-
 nam ejusdem pretii esse cujus gravissimam hominis plebeji, imò se credere injus-
 tam esse eam Legem quæ idem delictum in viro principe leviter punit, in ple-
 bejo autem gravissimè. Resp. i. Neg. conseq. Etsi non datur *personarum acceptio*
 apud Deum, non sequitur *passiones Christi* valorem infinitum non habere à di-
 gnitate personæ, quia alia planè est *πρωτοπλαψία* quam Deus à se removet, alia
 personæ λόγος consideratio in æstimatione juridica satisfactionis: nam respectu
 prioris *πρωτων* non significat *objectum* ipsum amatum vel rejectum, seu ipsum
 hominem, quem personam dicimus; Sed notat *motivum* seu *qualitatem* aliquam
 externam propter quam adducimur ad illud eligendum vel respuendum, quia
 verò vultus hominis in eo maximè illustris est & conspicuus, qui primùm o-
 mnium in oculos intuentium incurrit, ideo *πρωτων* dicitur, ut ex eleganti illa
 Nazianzeni allusione videre est in carmine *ἡ γυναικὼν καὶ ἀποπζομῶν*, ubi eas ab
 infano faciem fucandi studio dehortatur, faciem nativam à larva ascititia & super-
 inducâ distinguendo:

μηδὲ θεῶ μορφᾶς ἐπαλείφειν χρώματιν ἀχρῶς
 ὥστε πρωτοπεία καὶ χ'ι πρωτωπα φέρειν.

Hinc *πρωτων* usurpatur pro statu hominis externo, seu pro qualitate aliqua per-
 sonæ aut rei, quæ est extra causam de qua agitur & quæ nullatenus ad ejus mo-
 mentum pertinet v. g. cum propter nobilitatem & potentiam unus absolvitur li-
 cet reus, alter verò propter inopiam & miseriam damnatur, licet cæteroquin po-
 tior esset & justior ejus causa; hæc est vera prosopolepsia quæ in vitio semper po-
 nitur & à Deo passim severè interdicatur, Lev. xix. 15. *non suscipies faciem paupe-
 ris, nec honorabis faciem magni in judicio, in justitia judicabis proximum tuum.* Sic
 Deut. xix. 15. & alibi sæpe. At verò personæ dignitas de qua loquimur, non est
πρωτων seu qualitas aliqua externa quæ non faciat ad rem; Imò hic persona λό-
 γος dat momentum longè maximum ipsius passionibus, quandoquidem pondus
 addit & valorem λόγος: cum enim actiones & passionibus sint suppositorum, ab
 iis etiam suam trahunt æstimationem. Aliud E. est *πρωτων* id. *faciem* non acci-
 pere quod vitiosum est & de Deo bene negatur, aliud *πρωτων* seu *personam* re-
 spicere, quod justum est, & rectè Deo tribuitur.

XV. II. R. supponi hic falsam hypothesim ab Adversario, quasi personæ
 dignitas nihil faciat vel ad minuendum peccatum, vel ad augendam pœnam;
 Quis enim ignorare potest crescere peccati reatum pro tenuitate offendentis, &
 majestate offensis, seu ejus in quem peccatur, & rursus pœnæ valorem ex digni-
 tate patientis; v. g. si Plebejus aliquis aut vilis humuncio Regem lædit, longè
 gravior censetur peccatum, quàm si Rex vel Princeps subdito injuriam faceret;
 Ita si Rex aliquis patitur, ejus passio longè pluris æstimatur, quàm si minimus
 aliquis ex plebe: Quo major est ejus qui punitur dignitas eo pluris æstimatur
 pœna

pœna quam perpetitur, eo enim minus puniri debebat, plusque adeo est in pœna indignitatis; Jam autem personæ divina essentia præditæ dignitas est infinita, quæ enim potest forma dignior esse formâ Dei? At Christus erat in forma Dei Phil. II. *ὁὗ τῷ θεῷ ἀqualitates* id est prorsus æqualis Deo; Is autem sese usque eò exinanivit, ut oppositam formam sumpserit scilicet servi, nec eo exinanitionis gradu contentus infra eum sese ad eam obedientiam demisit quam nemo exigit à servo; luitque ultro atrocissimum & Lege Dei maledictum supplicium crucis ut Patri obediret, & nos à maledictione Legis liberaret; Ita nihil ad infinitam pœnæ æstimationem desiderari jure potuit. 3. *Pœna* vel infligitur peccatori ipsi in *propriâ personâ*, vel sponso in *personâ alienâ*; Dignitas personæ non valet quidem in reo patiente, quia eadem quæ est in solvente, fuit in peccante, & quæ considerari potest in pœna ad ejus imminutionem, spectatur in peccato ad ejus intensionem, sed in sponsore valet, quia non ob sua, sed ob aliena delicta satisfacit. Itaque si Rex punitur pro subditis, pœna quæ in subditis mortis debuerat esse, in Rege propter dignitatem personæ commutabitur in exilium, vel carcerem. Quidni ergo hic dignitas non finita, sed infinita personæ Christi pondus addere potuerit passionibus ejus, ita ut quod duratione æternum esse debuerat, brevi temporis spatio absolveretur. Sanè Scriptura non sine ratione toties ad hanc personæ considerationem nos revocat, ut pondus infinitum meriti & satisfactionis Christi agnoscamus, ut cùm ait *Deum acquisivisse Ecclesiam sanguine suo*, Actor. xx. 28. *Dominum gloriam esse crucifixum*, 1. Cor. II. 8. *Christum se per spiritum æternum obtulisse*, Heb. ix. 14. & *vi indissolubilis vite non secundum mandatum carnale factum fuisse sacerdotem*, Heb. vii. 17. *sanguinem Jesu Christi filii Dei nos purgare ab omni peccato*, 1. Joan. I. 7. 4. Falsum etiam hic supponitur, Christum leniores pœnas tulisse, quàm quæ nobis debebantur: neque enim dicimus propter personæ dignitatem in Christo levius, vel infra condignum vindicata fuisse peccata nostra, sed cùm debitas eorum pœnas omnes tulerit, ex personæ dignitate fluere meritò dicimus quod tanti habeantur pretii ad nos redimendos. Itaque duo hic conjungenda esse putamus, peccatorum omnium justam persolutionem, & satisfactionis illius valorem infinitum; pœnas enim omnes impositas esse clamat Isaias c. LIII. & Paulus Gal. III. dum ait factum fuisse *ἡμετέροις*; maledictio enim omnes pœnas includit, valorem vero istarum pœnarum ex ipsâ personâ petendum esse ex eo patet, quod Deus dicitur acquisivisse Ecclesiam sanguine suo, & Christus per Spiritum æternum se obtulisse, &c.

XVI. III. *Excip.* Non posse divinam vim Christi conferre passionibus infinitatem, quia alias sequeretur Christum quatenus fuit æternus Deus, passum fuisse, quando non satis erat Christum qui passus fuit, æternum Deum esse, nisi etiam quatenus Deus æternus est, fuerit passus, cùm verò hoc dici haudquam possit, nec posse pariter istam infinitatem ex personæ dignitate peti. R. ut
pœnæ

pœnæ sint infinitæ, non necesse est ut Divinitas ipsa passa sit, quæ impassibilis est, sed sufficit ut persona patiens divina sit, quamvis nihil perpassus sit Christus quatenus est Deus, persona tamen illa quæ Deus est, pœnas has tulit: non valet ergo conseq. Christus quatenus est æternus Deus, vel ipsa in eo æterna Deitas pati non potest, ergo nec vim aut pretium tribuere perpassionibus quas humana natura ipsi personaliter unita sustinuit, quia actiones & passiones omnes sunt personæ, & à dignitate personæ æstimantur & denominationem accipiunt, ut à *principio quod*, licet pro harum conditione attribuentæ sint naturæ ex quâ ortum habent, ut *principio quo*.

XVII. IV. *Excip.* Etsi natura divina supponeretur passa, non sequeretur, quia infinitæ virtutis est, idcirco quæcunque in ipsâ sunt, infinitæ esse virtutis, ut operationes Dei quantumvis maximi, non tamen infiniti sunt pretii, licet sint ab eo qui infinitus est: Ita de passionibus statuendum, non posse statim infiniti pretii dici, licet in infinito sint. *Resp.* Sed hic fallunt & falluntur Adversarii. 1. nunquam diximus Divinitatem ipsam passam esse vel pati potuisse, sed tantum personam patientem Deum fuisse; Passus est ergo *qui Deus est*, sed non *quæ Deus*. 2. si Deus passus est, bene sequitur passionem esse infinitam resp. personæ, etsi sint in se finitæ; Distinguenda ergo hic *infinitas physica* cuius subiectum finitum capax non est, ab *infinitate morali*, qualis in pretio attendi solet, passionem infinitæ sunt non priori, sed posteriori sensu. 3. Ex eo quod Deus est infinitus sequitur quidem, quicquid est *in Deo* esse pariter infinitum, sed non quicquid est *à Deo* statim est infinitum eadem ratione: Jam opera Dei transeuntia sunt à Deo & non in Deo, unde non mirum si eandem infinitatem absolute non participant; Interim tamen etsi non sint infinita absolute & simpliciter, aliquam tamen infinitatem participant, si non in substantiâ operis, saltem in modo operationis: sic creatura non est infinita, sed *in* creare est infinitæ virtutis; Ita etsi passionem Christi non habeant infinitatem physicam, quæ in nullam rem creatam cadere potest, habent tamen moralem in pretio & æstimatione, quæ hic sufficit.

XVIII. Sic fuit prima obiectio *ex parte pœnæ*. Secundam addit Socinus ex eo petitam quòd pœna corporalis in alium transferri non possit, aut pro illo pendì, quia natura non patitur ut corporalis unius pœna, non secus ac factum alterius fiat; Jam quæ suapte naturâ fieri non possunt, illa ne à Deo quidem fieri dicenda sunt: sic ille part. 3. cap. 4. *Resp.* Naturâ aliquid impossibile dici potest, vel quod rerum naturæ ita repugnat ut contradictionem involvat, & sic verum est ea quæ naturâ fieri non possunt, neque etiam à Deo fieri posse: Vel impossibile illud dicitur secundum quid, quod secundum naturæ cursum & ordinaria media fieri non potest, & sic negatur, quia Deus sæpe operatur supra naturam, & quæ homini animali absurda videntur & impossibilia, non desinunt posse à Deo fieri. 2. quod est unius, potest fieri alterius vel *actuali transfusione*, vel *judiciali imputatione*. Pœna unius non minus ac peccatum non potest

test alterius fieri per actualem transfusionem, quia est actio & passio personalis quæ migrare non potest de subiecto in subiectum; sed nihil obstat quo minus alterius fiat per *forensis* & *iudicalem imputationem*; Ut sponfor potest in se debitorum debitoris assumere, & pro ipso satisfacere, accedente iudicis vel Creditoris ratihabitione, qui quod sponfor solvit debitori imputat. Talis translatio poenarum occurrebat olim in sacrificiis & victimis, quatenus istæ in peccatorum locum subrogatæ, poenam mortis ipsis debitam sustinebant. Ita Christus in se & peccata & poenas nostras transtulit, *peccata* quidem *imputativè*, quia eodem loco habitus est ac si peccator fuisset, *poenas* verò *realiter* & *intransfere*, quia eas omnes in corpore suo luere voluit. 3. *poena* unius non potest alterius fieri nimirum quæ sit *eadem numero*, concedo, sed *eadem specie* & similitudine, nego. Jam Christus non eandem numero poenam nobis debitam tulit, sed similem tantum. Cæterum quæ hic Adversarius contra possibilitatem istius translationis, & substitutionis iustitiam arguit, quia discussa sunt *Disp. 11. de Necess. Satisf.* plura nunc dicere superse demus.

X I X. Ad quantum jam progredimur Caput, in quo pertendunt ex parte *hominum* impossibile fuisse illam satisfactionem; Hoc enim etiam urgent Adversarii hoc potissimum argumento. Quia singulis peccatoribus mors una infinita debebatur, imò & pro unico peccato; Ergo vel plures mortes imò innumerae requirebantur infinitæ, vel Christus verè & plenè pro omnibus non satisfecit. Finge, inquit Socin. p. 3. c. 4. Christum eas poenas subisse quas quisvis ex hominibus propter peccata sua subire tenebatur, quid hoc erit ad veram plenamque satisfactionem pro peccatis omnium? Quis unquam audit, solvendo quod unus debet, pro singulis satisfieri, qui idem singuli debent? Sic alibi, nonne & id quoque quod unusquisque nostrum propter delicta sua pati tenebatur, infinitum quiddam erat? &c. Infinitas igitur pretii quæ in Christi perpeffionibus reperiri posset, quia divina natura passa fuisset, pro uno quopiam solvi potuisset, & unus tantummodo ex nobis ejus vi à mortis æternæ reatu liberari, siquidem, ut dictum, quilibet ex nobis pro se eam pretii infinitatem debebat, quare totidem pretii poenarum infinitates existere opus fuisset, quot nos omnes sumus, non unicam tantum, si omnes id per alium solvendo quod nos debebamus, eo nexu liberandi fuissimus.

X X. Resp. Arguta videtur objectio, sed solida non item. 1. Hic apertè impetitur ipsa Scriptura, quæ non semel, sed passim docet unum Christum pro omnibus mortuum & passum, Isa. 1111. 4. 5. 6. Deus *conjecit in eum iniquitates omnium nostrum*, & *peccata nostra* & *dolores portavit*, 2. Cor. v. 14. Si unus pro omnibus mortuus, ergo omnes mortui, 1. Pet. 111. 18. *Iustus pro injustis passus est*, sed peculiariter Rom. v. 18. ubi una Adami inobedientia quæ omnes posteros perdidit, opponitur vel respondere dicitur uni obedientiæ Christi quæ omnes fideles salvat, ut per inobedientiam unus illius hominis peccatores constituti sunt multi, ita per obedientiam unus istius iusti constituentur multi. Si ergo unum Adami peccatum

potuit innumeros perdere, quidni & una Christi iustitia poterit innumeros salvare? sic *unica oblatione* dicuntur *consecrari qui sanctificantur*, Heb. x. 14. & Christus *dedisse se ipsum redemptionis pretium pro omnibus*, 1. Tim. 11. 6. hoc sensu dicitur *Israelidis non tantum pro peccatis nostris id. Judæorum, sed etiam totius mundi*, 1. Joh. 11. 2. *Agnus Dei qui tollis peccata mundi*, 1. Joh. 1. 29. *qui semel oblatus est ut multorum peccata tolleretur*, Heb. 1x. 25. E. vel falsa dicenda erit Scriptura quæ passim unius Christi iustitiam & mortem proponit tanquam *εις τὸν αἶον* sufficiens ad redemptionem omnium Electorum, vel falsa erit Socini sententia.

XXI. Secundò disting. *debitum pecuniarium à solutione penali*, in illo quia pecunia ex suâ materiâ & formâ absolutè æstimatur, à quocunque possideatur aut solvatur, valoris est ejusdem; Ita si multi centum nummos pro se singulis debeant, pro singulis totidem centum nummi erunt pendendi, non verò pro omnibus centum sufficient; Sed in ista, quia personæ sit substitutio, & quidem innocentis pro nocente, ibi æstimatio non sit tantum pœnæ, sed etiam personæ; Itaque pro dignitate personæ crescit etiam dignitas pretii. Licet nummus aureus non plus valeat in manu Regis quàm captivi, tamen Regis caput & vita plus habet pretii quàm vilis mancipii. Sic sæpe unius pœna pro delictis multorum sufficit, Rex unus pro innumeris captivis permutatur, quia dignitas personæ longè præponderat numero cæterorum. Sic vita Davidis plus æstimatur dimidio exercitu, 2. Sam. xy 111. 3. At hic non est quæstio de solutione pecuniæ in qua valor ejus simpliciter attenditur, sed pœnæ in qua personæ conditio æstimatur; Nec mirum videri debet si unus pro multis sufficere potuit; ut Unus serpens æneus suffecit ad servandos omnes ægros Israëlitas; Unus hircus *δὴν* suffecit ad exportanda in desertum omnium Israëlitarum peccata; Una víctima sufficiebat & pro Sacerdote & pro populo; Unico sacrificio propitiatio anniversario poterant universi populi delicta expiari, etsi tot expiationes requirerentur quot erant Israëlitas, quia unica illa expiatio sic erat univerforum, ut ex Dei destinatione & instituto fieret quoque singulorum; Quidni ergo una unius Christi filii Dei satisfactio pro peccatis mundi sufficeret? Sic quod præstat alicujus Civitatis procurator aut Commissarius totius Reip. nomine, sic factum ab ipso censetur, ut omnes & singuli in eo id ipsum præstiusse dicantur. Ita quamvis quilibet egeat toto sole ad sui illuminationem, universis tamen illuminandis una Lux Solis sufficit.

XXII. III. Tota Adversarii ratiocinatio peccat falsa hypothesi quòd Christus non sit Deus: Nam posito Deum esse, infinitas personæ exhaurit omnes illas infinitates, quæ nobis debebantur; Unus enim pluri æstimari debet quàm omnes simul, imò infinities pluri, nam unum si multiplices, habebis tandem numerum omnium hominum, omnium verò hominum collectio quantumcunque multiplicetur, nunquam Christi potentiam & dignitatem æquabit; Ita licet Christus unus sit, Nos pro quibus passus est propè innumeri, tamen po-

terit unus pro omnibus satisfacere, & una ejus mors pro omnibus mortibus dari *ἀντὶ πάντων*; Nam personæ dignitas & infinitas absorbet omnes infinitates nostras, quia non absolutæ sunt, sed tantum comparatæ & secundum quid. IV. Ad hoc etiam accedit consideratio *fæderis* cum Christo initi, *Is. xlii. 6. 8.* *Matt. xx. 28.* quo ita à Patre constitutum est, ut Christus passione suâ non pro uno vel altero, sed pro omnibus electis satisfaceret, vitamque iis mereretur: sic enim peccatum factus est, ut essemus Justitia Dei in ipso, *2. Cor. v. 21.* sic factus est *κατάγοι*, ut benedictionem consequeremur, *Gal. iii. 13.* sic in eum coniecit Pater iniquitates omnium nostrum, ut ex ejus vulneribus sanaremur, *Isa. liii. 6.* Sic gustavit mortem pro omnibus, ut per mortem destrueret eum qui habebat imperium mortis, & liberaret quotquot metu mortis per totam vitam obnoxii erant servituti; *Hebr. ii. 14. 15.* Ut E. ex Adami peccato, Deo ita ordinante, omnes & singuli homines rei facti sunt æternæ damnationis, *damnati antequam nati*, ut scite loquitur Bernardus, nec totidem infinitates distinctæ in una primi hominis transgressione sunt constituendæ quæ ad nos dimanent; Ita in Christi obedientia temerè infinitates debitorum nostrorum separaveris, cum unâ suâ passione & morte pœnarum nostrarum infinitatibus, si ita loqui licet, abundè satisfecerit: Unde scrupulosè in proportionem istarum pœnarum non est inquirendum; sufficit hoc teneamus, Deum Sponsorem eum pro nobis omnibus constituisse, ut pace per sanguinem ejus facta, omnia sibi reconciliaret, *Col. i. 19.*

XXIII. Atque ita soluta sunt breviter quæ Adversarii afferre solent contra Satisfactionis veritatem, & ad impossibilitatem ejus evincendam: Superest ut *Absurda* nonnulla expendamus, quibus sententiam nostram obnoxiam esse per-
tendunt, *1. Absurd.* Si Christus pro nobis satisfecit, plus ipsi deberemus quàm Patri cœlesti qui nihil tale pro nobis præstitit, major esset Christi amor & misericordia erga nos quàm Patris, quia ille à nemine quicquam postulavit, sed Patrem insuper movit, ut nostri misereretur, & nobis reconciliaretur. Sic *Catech. Racov. c. 8. de morte Christi q. 16.* Resp. perperam hîc opponuntur quæ sunt conjungenda; nam licet opus Redemptionis *terminativè & subjektivè* sit solius Filii, qui carnem nostram assumpsit & in eâ passus est, tamen non definit esse totius Trinitatis *inchoativè & efficiens*, quia ad opus istud singulæ personæ S. Triados concurrunt eâdem justitiâ, sapientiâ, potentiâ & misericordiâ; Unde ut nihil Christus egit nisi ex communi omnium consilio, *Joa. xiv. 31. sic ago sicut mihi mandatum est à Patre*, ita eadem virtus in ejus executione se exeruit. Ideo amor & charitas utrobique summa; Patris in missione & datione filii, Filii in promptâ & spontaneâ istius muneris susceptione; si Filii magna est misericordia erga genus humanum, utique & Patris; si satisfactum est justitiæ Patris, utique & Filii, quia satisfactio ista non respicit simpliciter personam Patris, sed divinam Justitiam, quæ Patri, Filio & Spiritui sancto communis est.

XXIV. *Inft.* Sed nonne major videtur amor illius qui pro nobis solvit, illius amore, qui solutionem accipit & qui à satisfactione motus est ad miserendum? Resp. Major non potest dici charitas Filii qui se ipsum dedit, charitate Patris qui filio non pepercit, quia utroque est summa & maxima. Cum enim Pater suo illo unigenito nihil charius habeat, in quo sibi complacitum est, Matth. 111. 17. & quem Scriptura vocat *filium dilectionis* paternæ, Col. 1. 13. id. summe dilectum; sanè non potest non esse maxima charitas illa Patris erga nos, quæ ipsum movit ut filium pro nobis traderet, unde Scriptura celebrat passum hanc Dei charitatem tanquam summam & inenarrabilem, Joan. 111. 16. Rom. v. 8. 1. Joa. 1v. 9. Ita immensum filii erga nos amorem esse testatur ipse, cum ait hoc esse amoris culmen ut quis vitam pro amicis exponat, Joan. xv. 13. At Christus non pro amicis, sed pro inimicis mori voluit; Ita si hæc duo conferantur, Pater filium dilectissimum & delicias suas morti exponens, & Filius summâ alacritate mortem subiens, quid aliud dici potest quam summum esse utriusque amorem? nec facile exponi potest utri plus debeamus, quia utrique infinitum debemus; Porro quod addunt satisfactione filii motum fuisse Patrem ad miserendum, in eo non satis accuratè loquuntur; nam tantum abest ut satisfactio moverit misericordiam, ut potius misericordia satisfactionem destinavit tanquam medium ad finem suum nimi. Electorum salutem consequendum appositissimum; sic enim Joan. 111. 16. missio dicitur effectus dilectionis Dei, *Ita Deus dilexit mundum ut dederit filium, &c.* Nec sanè aliunde poterat quam à summo & intensissimo Dei erga nos amore proficisci Redemptoris destinatio & missio; Verùm quidem est misericordiam & amorem Dei effectivè consideratum satisfactionem supponere, quia non poterat actualiter se exercere erga nos per effecta beneficentiæ, nisi prius satisfactum esset iustitiæ; At misericordia affectivè, seu amor benevolentia in Deo illam omnino antecedere debuit, quia sine eo destinari non potuit. Frustra verò hic regent Adversarius Filium aut iratum fuisse, & sic satisfactione indignum fuisse, aut non iratum, & sic à Patre dissensisse; Nam cum una sit Patris & Filii iustitia cui satisfaciendum fuit, hic non minus quam ille iratus dici debet, qui quæ adeo satisfactione indiguit ad eam placandam; Interim quia ira illa fuit benignitate temperata, Deusque generis humani perditioni miserebatur, & de redimendo illo cogitabat, Filius Patri libens obediit, adeoque iustitiæ suæ læsæ satisfecit: quod licet humana & cæca ratio non capiat, Verbum tamen expressè docet; Et hoc est indicium non hostilis discordiæ, sed potius consensus & obedientiæ; Filius enim mortem suscepit, non quod dissideret à Patre, & hominibus plus iusto faveret, sed ut iustitiæ Dei satisfaceret, & perfectam *quæ erat* cum Patre testaretur; quod spectat illud Psalms, Psal. xl. 9. *Eccè terno, in volumine libri scriptum est de me ut faciam voluntatem tuam.*

XXV. II. *Absurd.* Si Christus pro nobis satisfecit Legi divinæ, ergo Legem non tenemur amplius observare, nam pro quo pretium est solum semel, is non

is non tenetur denuoolvere; At posterius est absurdum, E. & pius. Hinc colligunt doctrinam de satisfactione perniciosam esse, hominibus fenestram ad peccandum aperiendo, aut ad concordiam in pietate colendam eos invitando & delides reddendo. *Catech. Racov. c. 8. q. 17. Sic Volkelius lib. v. c. 20. 21. Sapius inculcat, Hanc doctrinam magnam vim per se habere ad homines non solum securas lentosque in officio reddendas; Verum etiam in omnia scelerum genera impellendos. Nam si iustitia Christi nobis imputatur quemadmodum quidem necesse est, si nostro loco sunt prestita, nostra ipsorum sanctitate nequaquam erit opus, nec quicquam prohibebit quominus etiam si in peccatis perseveremus regni tamen celestis hereditatem adeamus. & c. 22. Quid causa est cur is qui satisfactionem illam persuasam habens, & Christum pro omnibus peccatis & jam commissis, & porro committendis solutionem plenissimam Deo prestasse credens, aliquid in repellenda à se impietate & iustitia colenda laboris sibi ponendum existimet? Resp. Sed primò est quod nobis gratulemur iisdem armis pugnare Adversarium quibus olim gratiæ divinæ hostes doctrinam gratuitæ justificationis, quam Paulus prædicabat, evertere conabantur, sic scilicet consui pulvillos conscientis, & edoceri homines manere in peccato ut abundet gratia Rom. vi. 1. 2. Et si homines impii & perversi hac salutari doctrina abuterentur eamque in sequiorem sensum traherent, prout notum est sapius ipsas Scripturas in propriam perniciem detorquere teste Petro 2. Pet. 111. 16. Non inde sequeretur verè hoc ex tali doctrina sequi, Imò nihil minus inde elici posse certò certius est, cum contra potentissimus ad sanctitatem sit aculeus ut jamjam videbitur.*

XXVI. III. *Finium diversitas* Christi obedientiam & nostram optimè conciliat; quod enim Christus pro nobis præstitit, id sanè præstare non tenemur eodem fine, & eadem de causâ, nîmi. ut satisfaciamus, & ut vitam ex jure Legis servatæ acquiramus, hoc enim cum semel Christus pro nobis fecerit, nihil causæ dici potest cur id ipsum facere denuo teneamur; sed non sequitur eo ipso liberam relinqui & non necessariam Legis obedientiam; quia etsi per illam nec satisfacere debeamus amplius, neque etiam valeamus, tamen aliæ causæ variæ dari possunt, quæ hoc studium à nobis exigunt, non ut vivamus, sed quia vivimus, non ut jus acquiramus, sed ut possessionem acquisitam adeamus, non ut causam regnandi, sed ut viam regni: Sic Christus mortem corpoream pro nobis tulit, & tamen eidem morti omnes adhuc sumus obnoxii, sed alio plane fine; Nec enim mors ista amplius ut peccati poena subeunda est, vel etiam à Deo nobis infligitur, quomodo eam tulit Christus, sed ob alios fines varios Dei gloriam & salutem nostram spectantes, nimirum ut sit reliquiarum peccati & corruptionis nativæ totalis extinctio, nostri ad Christi exemplum conformatio, qui per eandem viam in Regnum suum ingressus est, ad gloriam celestem via & transitus à sapiente Dei ordinatione præscriptus, &c. Ita novæ obedientiæ per omnem adhuc vitam incumbendum est, non ut per eam coram tribunalis Dei iustificemur, vel vitam æter-

nam nobis aliisve mereamur, sed ut pro salutis acceptæ beneficio nostram erga Deum gratitudinem testemur, ut nos veros & genuinos Patris cœlestis filios ad imaginem ejus renovatos probemus, ut nos Christo capiti nostro tam in vita quàm in morte, tam agendo quàm patiendo conformemus, ut Deum toto corde totisque viribus glorificemus, ut per bona opera vocationem & electionem nostram in dies magis firmemus, & consentiis testatissimam faciamus, & si qui sunt id genus pietatis & justitiæ fines.

XXVII. *Inst.* Sed debitum semel à Sponsore solutum, nullo modo nulliusque finis obtentu ab ipso repeti potest, cujus nomine semel persolutum est; Si ergo Christus semel solvit, quomodo hoc ipsum à nobis repeti potest? Resp. Et si de obedientia Legis agatur utrobique, non tamen potest dici idem debitum absolute: Nam obedientia à Lege olim præscripta, diversimodè differt ab eadem, quatenus jam præscribitur in Evangelio 1. *in causa proxima*, quia Lex obedientiam perfectam exigit ex naturæ viribus præstandam; Evangelium autem fructus spiritus à nobis requirit ex fide in Christum Mediatorem, & spiritali nostrâ vitâ, quam in ipso & per ipsum habemus, exurgentes. E. etsi in normâ & formâ externâ convenient, *causâ* tamen *proximâ* tantùm inter se discrepant quantum natura & gratia, justitia originalis Adamo per creationem inhærens, & justitia Christi mediatoris nobis per fidem imputata, 2. *in modo*, quia per legem Deus ut justus iudex vel perfectionem exposcit, vel delinquentem ad pœnam deposcit; At per Evangelium ut Pater benignus, & erga nos in Christo propicius, & quæ adfunt initia, tanquam vitæ novæ primitias clementer acceptat, & quæ perfectioni desunt gratiosè condonat; 3. *in formâ* Lex sola propriè debitum tantùm exigit, quia vires ad obsequendum non sufficit; Evangelium verò non tam exigit quàm ad obediendum erigit, vitam indit & ad Dei jussa capeßenda promptum & idoneum præstat. 4. *in fine* obedientia sub lege petitur ad meritum vitæ, sub Evangelio verò tantùm ad ejus possessionem adeundam & gratitudinem contestandam: hoc autem posito quadruplici discrimine, negamus ullo modo absurdum aut incongruum esse, ut quam Christus pro nobis redimendis obedientiam Legi præstitit, eam nos ipsi non ex Legis tenore, sed ex Evangelii sententiâ Deo Christoque Servatori præstemus.

XXVIII. Imò & rationi & vocationi, adeoque conditioni nostræ ita consentaneum esse dicimus, ut fructum alias & finem beneficiorum Redemptionis nostræ assequi non valeamus; Quare enim nos redemit, nisi ut ex hostium spiritualium potestate liberati, *Deo nostro serviamus in sanctitate & justitia omnibus diebus vitæ nostræ*, Luc. 1. 74. Quare Christus peccata omnia nostra in corpore suo super lignum tulit, nisi ut *mortui peccato, justitiæ vivamus*, 1. Pet. 11. 24? Quare sanguine suo nos abluit nisi ut pretioso illo lavacro abluti vestes nostras, id. corda & conscientias imò & membra à peccati sordibus intemerata servemus & Deo vero & vivo serviamus Heb. 1x. 14. 1. Theß. 1v. 4? Quare nos salvavit, & opus

& opus suum fecit, nisi ut ad bona opera reformati, in iis jugiter incedamus? Ephes. 11. 10. Quare nos redemit ab iniquitate & populum pecculū sibi purificavit, nisi ut purificati à sordibus accensi simus studio bonorum operum? Tit. 11. 14. & prædicemus virtutes illius qui à tenebris ad mirabilem lucem suam vocavit, 1. Petr. 11. 9. Qui fines inter alios Christo Servatori propositi fuere in nostri redemptione.

XXIX. Unde patet quàm falsò contendant Adversarii, per doctrinam satisfactionis fenestram aperiri ad peccandum, & socordiam & desidiam foveri, cùm nullum potentius incentivum, nullum efficacius *ὁρμήτιον* ad pietatem & sanctitatem Scriptura unquam proponat, nullumque sit reipsā majus hanc prædiosa Christi satisfactione, idque diversimodè. Primò à *sine mortu Christi*, cùm enim hic finis Christo propositus sit, non modò ut pro nobis satisfaceret, sed etiam ut nos sanctificaret, & sectatores bonorum operum redderet, exemplar nobis præbendo quod sequeremur, 1. Petr. 11. 18. Tit. 11. 14. nisi velimus Christum sine suo excidisse, & frustra mortuum esse, opus est ut sanctitati studeamus; An mortuus esset pro peccatis, ut in peccatis maneamus, an non potius ut iis nuncium mittamus, utque amplius iis in aeternum non serviamus? Rom. vi. 18. Atque hinc Socini simile in ipsum retorquemus; Nam is qui alterius debita solvit, serio vult, si alias sincerus est amicus, ut nullum deinceps æs alienum contrahat; sic Christi liberatoris nostri voluntas est, ut quoniam semel pro nobis satisfecit, ne novum debitum contrahamus, & denuò iræ divinæ subjiciamur; dicit omnibus quod olim paralytico, Joan. v. 14. *Ecce sanatus & liberatus es, vade, ne pecces amplius, ne quid pejus tibi contingat.* 2. à *jure redemptionis*, à quocunque enim redimimur, illi redemptionis jure ad serviendum & obsequendum obstricti sumus, ratio hæc attingitur à Zacha. Luc. 1. 74. & ab Apost. 1. Cor. vi. 19. 10. *Redempti estis pretio. glorificate ergo Deum corpore & animo vestro qua sunt Dei.* 3. à *gratuitæ remissionis beneficio*, quò plura enim & majora beneficia accipiuntur, eò major etiam gratitudo debetur, unde Christus Luc. vii. 41. *Remittuntur ei peccata multa, hinc dilexit multum, cui enim minus dimittitur, minus diligit,* & Ps. ciii. 3. *venia est apud te, ut timearis,* & Psal. lxxxv. 9. *loquitur pacem populo suo, sed ne redeat amplius ad stultitiam;* Neque enim si remissio datur peccati præteriti, ilico datur permissio futuri, condonatio factorum non est impunitas faciendorum, sed potius frænum & obstaculum. 4. à *gravitate peccatorum & peccati fæditate*, si Christo tam carè constitit debitorum nostrorum per solutio, an ea deinceps cumulabimus? Vel an vellemus adhuc in sinu fovere peccata, quæ optimum Redemptorem tor tormentis & contumeliis objecerunt? si tam fœda est peccati macula, ut nullo nisi ipsius Filii Dei sanguine elui potuerit, an eà nos in posterum voluntariè polluemus? Absit; hoc enim esset filium denuò crucifigere, & sanguinem Testamenti profanum ducere, quod horrendum & ab omni remissione alienum pronunciat Apost. Hebr. x. 29. 5. ab

ira divina immensitate, nam si tanta fuit ejus indignatio, ut nullâ re aliâ quàm Unigeniti morte placari potuerit, an non reverebimur hanc iram, an audebimus eam denuò peccatis nostris accendere? an non potius continuò obversabitur nobis quàm tremendum sit in manus Dei viventis incidere, Heb. x. 31. 6. ab *amoreis divini magnitudine*: nam si ille tanto nos amore est profecutus, ut nec Pater filio pro nobis parere, nec filius mortem subire recusarit, & quidem dirissimam, an non æquum est ut tam benignum Redemptorem pro virili redameamus, & si aliâ in re non possumus, in hac saltem gratitudinem nostram exhibeamus? hoc urget Paulus 2. Cor. v. 14. *Charitas Christi costringit nos, ut qui hoc statuerimus, si unus pro omnibus mortuus est, illos omnes mortuos esse & illum pro omnibus mortuum esse, ut qui vivunt posthac non sibi vivant, sed ei qui pro ipsis mortuus & suscitatus est*; Hinc colligitur satisfactionem Christi non esse impietatis & negligentia pulvinar, sed sanctitatis efficacissimum motivum, & spiritualium in bonorum nostrorum salutarem medicinam, tum ἀλεξίκακον per quam peccata nostra eurantur & auferuntur, tum ἀντιφύλακον per quam futura præcaventur & impediuntur.

XXX. Tantùm abest ergo ut ex positione meriti & Satisfactionis Christi debeamus arguari ad negationem obedientia & sanctitatis propriæ, ut contra duo ista amicissimè conspirent & individuo nexu inter se copulenter; posita quidem Satisfactione Christi pro nobis, nostrâ sanctitate personali bonisve operibus non est opus ut vitam æternam mereamur, & eo sensu passim removeantur à negotio salutis tanquam opposita graue & meriti Christi Rom. xi. 6. Eph. ii. 7. 8. sed iis tamen semper opus est ut salutis acquisitæ possessionem adeamus, & eo respectu subinde sanctitatis & bonorum operum assentur necessitas Eph. ii. 10. Heb. xii. 12. Unde Scriptura passim ex Redemptione quæ est in Christo, & nostra per ipsum Justificatione gratuita efficacissimæ adhortationes arcessit ad sanctitatis & bonorum operum exercitium Tit. ii. 12. 13. 14. 1. Cor. vi. 20. 2. Cor. v. 14. &c. Quomodo ergo perseverare poterit in peccatis & negligere pietatis studium qui satisfactionem istam à Christo pro se & suo loco præstitam persuasum habebit, cum nulla pars iis competat in Christi Satisfactione qui nuncium peccato non remittunt; Et nemo ejus fieri possit particeps nisi per applicationem veræ & vivæ fidei, cujus comes indivulsa est seria resipiscencia, fructus certus Charitas, & studium pietatis Gal. v. 5.

XXXI. Frustra hic cavillatur *Volkstius* ad applicationem fidei destruendam l. 5. c. 21. Posita Christi Satisfactione nulla illa opus sit applicatione præter eam quam res ipsa secum fert. *Quomodo enim erit, inquit, cum pro aliquo re ipsa solum est debitum, nil opus est ut eam solutionem debitor sibi applicet si à debito liberari velit, quia is cui solvitur est, accepta ab altera solutione, jam non potest ab eo debitum illud jure exigere: si vero Deo pietatis officia sacri loco nostro præstita & persoluta, non potest is eadem à nobis ipsis exigere, sed ipsius pietatis & æquitatis vim pellitur,*

pellitur ad Christi iustitiam nobis applicandam, & nos ab eadem obedientia præstanda liberos pronuntiandos. Resp. Nam 1. non tam hic in partes vocamur, quàm ipsa Scriptura quæ passim fidem proponit tanquam instrumentum applicativum beneficiorum Christi, & sine quo Christus nihil prodest, sic Ro. 111. 24. 25. *Christus placamentum ordinatur à Deo, sed per fidem in sanguine ejus, ut ipse justus sit & justificans eum qui est ex fide Jesu & c. 1v. 16. est ex fide ut sit per gratiam, & c. & vers. 24. quod autem imputatum est ei ad iustitiam non tantum scriptum est propter ipsum, sed etiam propter nos quibus imputabitur nobis scilicet credentibus in eum qui suscitavit à mortuis Jesum D. N. sic Joh. 111. 16. 36. & alibi passim fides memoratur ut organum receptivum iustitiæ Christi & conditio sine qua Christus frustra mortuus esset; Et sanè cum Christus à nobis naturâ sit alienus, & extra nos, quomodo fieri posset nosster & à nobis recipi, nisi posita conditione sub qua nobis promittitur & offertur; Adde quod non potest cuiquam in solutum imputari, id quod pro ipso alter præstiterit, nisi ipse id velit, admittat & acceptet, siquidem invito beneficium non datur; maxime si *satisfactio* pro eo præstita, non tantum sic *exsolutiva*, sed etiam *reconciliativa*, ut omnino ea est quam Christus pro nobis præstitit; Ita duplex *acceptatio* istius solutionis distinguenda est, alia à *parte Dei*, alia à *parte nostri*, illa sit per gratiam, ista per fidem, prima est reconciliationis fundamentum; secunda est ejusdem sensus & argumentum; utraque necessaria est & indivulso nexu inter se conjunguntur, nam ut fides non potest recipere iustitiam Christi, nisi quum certò novit à Deo admissam esse in *ἀντὶ* pro nobis. Ita non admittit Deus iustitiam Christi in Redemptionis pretium nisi pro credentibus, & iis qui ipsam sibi applicare voluerint.*

XXXII. III. *Absurd.* Si Christus pro omnibus satisfecit ergo omnes, etiam manifestè impii salvabuntur; nam pro quibus solutum est semel *ἀντὶ*, illi injustè æternæ damnationis carcere manciparentur. Sic *Ostrod.* Resp. 1. per concessio. damus, si Christus pro omnibus verè satisfecit, omnes etiam salvandos esse: Neque admittere possumus eoràm distinctionem, qui hic inter *acquisitionem* & *impetrationem* salutis distinguunt, & ejus *applicationem*, quasi illa sit latior, hæc angustior, illa ad omnes & singulos homines, ista ad solos fideles pertineat; Cum in Scriptura æqualis sint latitudinis & peripherias, & nemini à Christo impetrata sit salus, quæ actu non conferatur: Non negaverim quidem Satisfactionem Christi sufficientissimam esse ad redemptionem totius mundi, imò plurium mundorum, si darentur; Sed aliud est de *sufficientiâ* loqui *satisfactionis*, aliud de *consilio* & *voluntate satisfaciendis*. Prius universaliter potest concipi; Posterius non item; quia non potuit velle satisfacere pro omnibus, quin eo ipso omnium loco se substitueret, & debitum mortis *ἀντὶ* penderet. Jam si ipsorum loco re ipsa subrogatus, verè debitam ipsis pœnam sustinuit; quomodo eadem pœna jure potest ab iis exigi quæ tamen exigitur ab omnibus reprobis? Nec valet quod dicitur voluisse satisfacere tantum pro ipsis

conditionatè, non absolutè : Nam vel conditionem illam præcivit ut dubiam & incertam pendentem ex humano arbitrio, vel ut certò futuram & à se decretam, vel ut certò non futuram, & impossibilem, utpote à se non decretam à quo solo effici potest; Si prius, admittenda erunt cum Socinianis decreta Dei conditionata & dubii eventus, quod nefas esse prudenter sancitum à Synodis Galliæ; Si posterius, omnes & singuli certò servabuntur quod nemo dixerit. Si postremum, fingetur Deus id vehementer velle & intendere, quod tamen certò novit nunquam futurum utpote pendens ex conditione nunquam exitura & eo respectu impossibili, quod an satis conveniat summæ Dei sapientiæ judicandum omnibus relinquitur; Imò sic ne voluisse quidem rectè dicitur; Quomodo enim velle dici potest Christus, quod annexam conditionem impossibilem habuit, & quam talem novit ipse, imò quam non dare expressè decrevit, qui solus dare poterat? E. eò deveniendum est ut dicamus Christum pro omnibus nequaquam verè satisfecisse, satisfecit enim pro iis tantum quorum Vas & Caput factus est; Caput autem & Vas in fœdere gratiæ Electorum tantum constitutus est, quibus datus est à Patre, & qui ab eo ipsi sunt dati, Joan. xvi. 6. Unde redemptio & satisfactio hæc, utut ad genera singulorum nonnunquam pertinere dicatur, ad distinguendam œconomiam V. & N. T. Nunquam tamen ad singula generum extenditur, imò restringitur passim ad populum Christi, Matt. i. 21. ad oves, Joh. x. 11. 15. & xi. 51. 52. ad corpus suum, Eph. v. 25. ad multos, Matth. xx. 28. Rom. v. 18. 19.

XXXIII. IV. *Absurd.* Posita Satisfactione Christi Gloria & Omnipotentia Dei obscuratur, Nam Deus peccata nostra sine satisfactione remittere vel noluit, quod contra gloriam Misericordiæ, vel non potuit, quod contra gloriam Omnipotentia, Ostorod. cap. 36. Addit Gittichius peccata nostra nihil aliud esse quam offensas Majestatis divinæ, offensas autem suas vel vilissimum quemque hominem non modo sine violatione justitiæ, sed etiam eum maxima laude patientiæ & misericordiæ alteri condonare posse. Resp. i. Utrumque verè dicitur & quod noluerit, & quod non potuerit. Non potuit primo resp. *Natura* quæ cum sit sanctissima, non potest peccatum tolerare, vel inultum dimittere, quin se ipsam abneget, Hab. i. 13. 2. resp. *Justitiæ*, quæ suum unicuique vult tribui, Rom. i. 32. 1. Thess. i. 6. 3. resp. *Veritatis* quæ hanc pœnam peccato denunciabat, Genes. 11. 17. non potuit E. hac de causa peccata sine satisfactione remittere: Neque hoc pacto Omnipotentia ejus ullatenus obscuratur vel imminuitur, neque enim hoc Deus non potest propter defectum potentia, sed propter perfectionem naturæ; secus enim se ipsum abnegaret: Quod non voluerit etiam, patet ex declaratione voluntatis in Verbo factâ, ubi constat Deum disertè protestatum esse se velle ut peccatum morte puniatur: Neque hoc pacto misericordiæ ejus ulla sit fraus, quia ita est misericors ut etiam sit justus, & justitia quam exerit adversus peccatum non obstat quominus

minus misericordiam suam demonstret erga peccatorem. 2. Idem absurdum impingi potest sententiæ Adversariorum; Nam pari ratione inferam Deum aut immisericordem esse, aut impotentem, si quosvis homines peccatores in æternum non salvat; Quæro enim cur Deus homines impœnitentes non salvat? Vel quia non potest, & sic quovis homuncione est impotentior, quivis enim offensus offendenti, ut maximè hic reconciliari nolit, culpam tamen dimittere non tantum potest, sed etiam debet ex præscripto Christi, Matth. v. 44. & xviii. 20. 21. Vel quia non vult, & sic non erit summè misericors. Si regerant non posse hoc Deum, quia repugnat justitiæ suæ, quæ peccatores impœnitentes in communionem suam admittere non potest; & quia repugnat voluntati quæ contrarium sanxit; Idem sibi dictum putent à Nobis.

XXXIV. 3. Tantum abest ut per satisfactionem gloria Dei ullatenus obscuratur, quin potius summopere ex ejus positione illustretur & negatione atteratur: Nam in Satisfactione vides 1. gloriam *Justitiæ* quæ potius quàm ut de jure suo cederet & peccatum inultum abire pateretur, etiam proprio Filio non pepercit; sic ab impiorum hominum & diabolorum calumniis vindicatur, sic homines à quibus in hoc speculo agnoscitur injectâ horribili formidine à peccato absterret, & ne Dei misericordiâ abutantur cavet, 2. gloriam *Misericordiæ* quæ talis & tanta fuit, ut cum nulla ratio commodior suppeteret homines salvandi, etiam proprium filium morti dirissimæ subicere non dubitavit, ut homines ab eâ eximeret. 3. gloriam *Sapientiæ* quæ mirabile hoc excogitavit temperamentum inter Justitiâ & Misericordiam, & rationem nodum aliqui insolubilem solvendi ut altera sine alterius detrimento commodè erga homines se exercere posset. 4. gloriam *Potentia*, quæ Diabolum & peccatum illis ipsis armis vicit quibus homines devicerant, & contraria ex contrariis, vitam scilicet ex morte, benedictionem ex maledictione, felicitatem ex miseriâ, gloriam ex ignominia, salutem ex perditione admirando & prorsus inaudito modo eduxit: Contra si tollis Satisfactionem, Dei gloria multò magis obscuratur; Nam transgressionem ferre, & ad eas connivere, indicium est Judicis vel negligentis, si ex incuria permittat, vel iniqui, si volens conniveat. At Deus non est volens iniquitatem Ps. v. 5. qui odit operantes iniquitatem & perdit loquentes mendacium vers. 7. cujus oculi sunt puriores quàm ut videat malum Hab. i. Ita Obscuratur *Justitia Dei*, qui naturâ suâ judex est mundi, ut qui reum convictum impunito peccato non justificet modò, sed præmiis etiam amplissimis donet: Obscuratur *Veritas*, quæ comminationes istas toties peccatoribus intentavit: Evertitur pax omnis, & solatium conscientia peccatricis; Nec enim videri potest quo modo sepositâ satisfactione sedari possit æstus conscientia, quando observatur semper animo, & recurrit cogitatio Justitiæ Dei, qui cum sit judex Mundi justissimus, omnis iudicis justis exemplar perfectissimum, intelligi non

potest quí id faciat quod & pugnat cum officio iusti iudicis, & Deo abominationi esse spiritus sanctus testatur, absolvere impios & iniustos absque ullâ Legi & iustitiæ satisfactione, non quidem per se ipsos, sed per aliquem vadem pro ipsis præstitâ; Accedit & altera *divina veritatis* consideratio: quoties enim peccator cogitat Legis comminationes divinas, universales, absolutas & verissimas, fieri non potest quin trepidet, nisi succurrat alia cogitatio, illis esse pro nobis à Sponsore nostro plenissimè satisfactum.

XXXV. Quod verò postremo loco assert *Gittichius* de homine vilissimo qui offensas quasque gratis condonare & potest, & debet; non huc pertinet; Quia Deus hic non considerandus est ut pars offensa simpliciter, vel ut *privatus creditor*, cui liceat absolutè cedere de *jure domini* vel *crediti*, sed ut *persona publica*, & ut iudex & Legislatores summus qui Legum autoritatem inviolatam tueri debet; Fateor hominem privatum posse & debere offensas remittere, quia ad ipsum vindicta non pertinet, sed ad Deum: sed de persona publica, de Magistratu & Principe falsum est, quia iudex est loco Dei ordinatus ut iustitiam administret, & Legis sanctiones exequatur, quod si Lex violatur, cum is cujus est Legis mandatum exequi, id non exequitur, & facit oppositum; non minus violatur, cum is cujus est Legis comminationes & promissiones executioni mandare, id non facit, sed contrarium potius. Cum verò Deus in hoc negotio vices sustineat Iudicis & Principis summi, mirum non est si peccata condonare non possit citra satisfactionem, nec hâc in parte hominibus censendus est impotentior, quia hoc est effectum, non impotentia, sed virtutis, juxta quam nec se ipsum abnegare, nec iustitiæ suæ nuncium potest remittere, ut fusius ostensum est *Disp. 11. de Necess. Satisf.*

XXXVI. Sed neque hic subsistit *Gittichius*, ulterius instat p. 91. & Gloriam munificentia Dei & summi gratuitique in nos amoris Dei subruí doctrinâ hac nostra contendit, quia sic, non tam nostri, quàm sui causâ Deus Christum in mortem tradidisset, ut nimirum debitum iustitiæ suæ acciperet, utque nulla est munificentia creditoris, respectu ære alieno obstricti, nisi de jure suo cedat, & exactionem satisfactionis à quocunque illa proficiscatur, relinquat: Ita nullam esse in Deo posita satisfactione Christi; Imò stulticiam & sorditatem videri non munificentiam, donare alteri quippiam, quod statim ab ipso recipias; *Quis enim, inquit, non delirum, & ab omni ratione alienissimum eum diceret, si apertâ crumenâ meâ juberem debitorem meâ pecuniâ mihi solvere? An non prestares simpliciter sine crimine stultitia statim ipsi debitum condonare?* Resp. Verum ista humanæ & cæcæ rationis figmenta nequicquam obtenduntur sanctissimo Dei consilio in Verbo revelato 1. peccâ. *ignora, Elen.* Quasi Gloria Dei ob quam Deus principaliter omnia agit, Prov. xvi. 4. & salus nostra, cujus causâ Deus secundariò Filium suum pro nobis dedit, invicem repugnent, ut ex unius positione sequatur alterius negatio; cum potius subordinentur &

se mutuo ponant: Ita non magis prospexit *justitia sua* quam *saluti nostra*; sed ut in *Filium* fuit *justissimus*, in *Nos* fuit *munificentissimus* propter satisfactionem Filii; Paulus hoc clarè innuit Ro. 111. 24. 25. cum dicit *Deum ordinasse Christum in placamentum per fidem in sanguine ipsius ad demonstrandam justitiam suam praterendo peccata quæ antecesserunt in illa Dei tolerantia, Ad demonstrationem justitiæ suæ præsentis tempore*, ut sit ipse *Justus & Justificans eum qui est ex fide Jesu*, ubi *Justitia Dei* cum salute nostra conjungitur, quia utriusque rationem habere voluit in opere Redemptionis, & ita sibi satisfieri, ut inde via ad salutem nostram sterneretur, quæ aliàs inaccessible nobis erat & invia. Tantùm abest ergo ut manifestatio unius proprietatis divinæ debeat obesse manifestationi alterius, & *Justitiæ ratio* pugnare cum *misericiendi exercitio*; ut contra mirabili temperamento mutua operam sibi præstent & se invicem osculentur ex oraculo Ps. LXXXV. 11. quia *Misericiendi non potest esse locus nisi posita Justitiæ satisfactione*, & *Justitiæ satisfactio non alium in finem petitur*, quàm ut ad *Misericiendiam* aperiatur via. 2. Quod additur de *Creditore*, verum quidem esset in *privato & pecuniario*, qui pro libitu potest de jure suo cedere absque cujusquam injuria, sed in *publico & judiciali* id. Legis vindice, & *Exactore justitiæ* locum non habet; hic enim si peccatoribus non indignatur, nec pœnam imponit, hoc ipso iniquus est, non munificus, quia officium deserit, & Legum auctoritatem quam debuit fartam testamque conservare impunè violari sinit; Interim si boni publici causâ, tum rationem monstrat quâ legibus satisfiat, & saluti debitoris consuli queat, tum de suo *Vadem & Sponsorem* subministret, tantùm abest ut propterea minus munificus audiat, quin potius ut sapientissimus, & munificentissimus merito ab omnibus celebretur. Quidni Ergo Deus potuerit id ipsum præstare in hoc negotio & longè excellentius, sine ulla *injustitiæ* labe, imò cum summæ sapientiæ & clementiæ gloria?

XXXVII. 3. Quod supponit nullam fore munificentiam in Creditore, nisi de Jure suo cedat, & exactionem satisfactionis à quocunque illa proficiscatur relinquat, in eo fallit & fallitur Adversarius: Nam præterquam quod semper à Creditore ad Judicem transit & à debito pecuniario ad criminale, cum tamen diversa sit utriusque ratio, ut sæpius ostensum; Quis neget Clementiam Judicis & munificentiam longè maximam in eo se prodere, cum ita de Jure suo respectu principalis debitoris seu rei cedit, ut nihil ab illo requirat, sed omnia illi liberaliter crimina remittat quorum pœnam vas pro illo sustinuit? Ita hic multifariam se nobis exhibet Dei misericordia. 1. quod salutis rationem excogitaverit & invenerit hominibus, non homines sibi ipsis. 2. quod viam salutis aperuerit per missionem & traditionem proprii filii. 3. quod istam conditionem Filius lubens & sola *φιλανθρωπία* motus in se susceperit. 4. Et quidem pro hominibus salute indignis camque contemnentebus, sui juxta & Dei inimicis. 5. quod nihil ab illis exegerit pro quibus se demittebat. 6. quod illam satisfactio-

nem

nem alterius pro nobis acceptam & ratam habuerit Deus, quodque merà gratia & misericordia nobis eam applicet; Neque hinc dicendum Remissionem necessariò exigere, non modò ut is qui debet ea obligatione solvatur, sed etiam ut is cui debetur sibi satisfieri non voluerit; Nam ut primam conditionem admittimus, ita secundam negamus, nec enim minus remitti dicitur crimen Reo à quo nihil exigitur, licet Judex aliunde sibi satisfieri postulet ut antea probatum est: Et ipse Socinus non diffitetur Deum exigere aliquid ab iis quibus peccata remittit quod satisfactionis loco haberi queat nimi. vitæ puritatem quæ causa quædam est ut Deus illis clementer ac benignè peccata condonet. Quod si cum natura & veritate remissionis non pugnat ut Deus aliqua requirat quæ instar causæ sint cur peccata hominibus condonet, Imò & fortasse ut ipse loquitur satisfactionis loco haberi possint; Quomodo cum illa non consistet, quod Deus satisfactionis loco exigit non ab illis, sed ab alio nimi. à Vade? Ut hinc liqueat, non omnem satisfactionem cum remissione pugnare, neque ad istam semper requiri ut Creditor sibi non velit satisfieri.

XXXVIII. 4. Mirum non est si Verbum Crucis istis hominibus stultitia videatur, cum Christus ipse crucifixus *scandalum* his, *stultitia* illis esse dicatur, 1. Cor. 1. 13. sed non desinit tamen esse Vocatis *sapientia* & *potentia* Dei; Ita consilium hoc quod impuri isti homines delirium ore blasphemò & execrando nuncupant, summum est tamen & ineffabile sapientiæ & misericordiæ divinæ miraculum, cui obloqui nemo potest, quin eo ipso deprehendatur *ἡμαρτυρία*; Quid an stultum sordidumve foret si Princeps clementiæ impulsus ex suo ærario daret pecuniam reo ut multam solveret bono publico, ad conservandam Legum auctoritatem? donaret sanè aliquid de suo, non ut statim acciperet & privato suo commodo applicaret, sed ad procurandam publicam justitiæ & Legis satisfactionem. Qui ergo stultum esse dicitur cum Deus idem facere statuitur? nempe quia sapientia Dei homini carnali stultitia videtur. Sed quantumvis nihil simile inter homines divinæ huic dispensationi occurreret, an propterea neganda esset & fugillanda? quasi viæ Dei essent sicut viæ nostræ, & supremus rerum Arbiter nostro qui homunciones tantum sumus, & terræ vermiculi, metiendus esset pede: Absit verò ut tantum scelus vel cogitemus unquam vel admittamus; Quin potius, ut hoc tandem concludamus argumentum, laudem illi Sapientiæ, Potentiæ, Justitiæ, & Misericordiæ summæ tribuentes, & gratiam pro tanto beneficio accepto indefinenter agentes, cum Joanne & nunc & semper, canticum hoc Eucharisticum accinamus; *Illi qui nos dilexit, & lavit à peccatis nostris in sanguine suo, fecitque nos Reges & Sacerdotes Deo & Patri suo, sit robur & gloria in secula seculorum. AMEN.*

COROLLARIA RESPONDENTIS.

I. *Satisfactionis Christi pro nobis non modo Veritatem, sed & Perfectionem, & Necessitatem agnoscimus.*

II. *Distinctionem fidei in explicitam & implicitam sensu Pontificio, ut & informatam & informem, quam sine charitate esse volunt, rejicimus.*

III. *Sola fides justificat, non tamen justificat sine operibus.*

IV. *Fides est immortalis, tum respectu Viatorum, licet Israël exciderit, & Petrus Christum abnegans tum ore tum corde peccaverit, Solomonque graviter per πονηρομαχίαν lapsus sit; tum respectu Comprehensorum in quibus locum semper obtinebit, quamvis suo sensu sit etiam desitura in cælis.*

V. *Gratia efficax non agit per modum auxilii aut causa partialis tantum, sed per modum principii, & causa totalis: ut nec per modum causa contingentis, & suasionis morali, sed per modum causa necessaria, & influxu hyperphysico. Quamvis verò ejus efficacitatem infallibiliter & necessario sequatur effectus, libere tamen evenit.*

VI. *In conversionis negotio humanum votum quod sic se habet, Converte nos ad te Domine, & convertemur, non pugnat cum hoc precepto divino, Convertimini ad me, & ego convertat ad vos.*

VII. *Non tantum Adoptione Dei Filii sumus, sed & naturâ filios ejus nos facit Regeneratio.*

VIII. *Quamvis Sanctos omnes verè beatos in cælis prædicemus, tamen nec invocandos, nec Canonizandos esse, merito statimus; honorandi sunt propter imitationem, sed non adorandi propter religionem. August.*

F I N I S.

19297238 ALBA, 1929

1875

[Faint, illegible handwritten notes at the bottom of the page.]

to the

DISPUTATIO UNDECIMA.

Quæ Prima est

D E

SATISFACTIONIS
CHRISTI PERFECTIONE.*Respondente JACOBO MORINO Santo Torsensi.*

T H E S I S P R I M A.



Ut gloria salutis nostræ in solidum Christo Redemptori tribuatur, non sufficit agnoscere *necessariam* & *veram* fulso ipsius *Satisfactionem*, nisi eam *unicam* & *perfectissimam* confiteamur, quæ ita pro peccatis omnibus nostris iustitiæ divinæ plenè satisfecerit, ut nulla sit admittenda hominum satisfactio, quæ illi assui possit aut debeat, & qua homines verè & propriè Deo satisfacere dicantur, vel pro se ipsis, vel pro aliis. Non inutile ergo vel ingratum futurum arbitramur, si assertâ alias *Necessitate* & *Veritate* istius Satisfactionis, de ejus *Perfectione* jam disputare aggredimur ad Salvatoris nostri gloriam, & fidei nostræ confirmationem, & incrementum.

II. Et eo magis necessaria videtur disceptatio, quòd hic non jam cum *Soci-
nians* apertis Christi hostibus res nobis sit, sed cum *Pontificiis*, qui licet nomine ejus gloriari soleant, & Satisfactionis istius sufficientiam prolixè videantur deprædicare; non parum tamen illi detrudere deprehenduntur ut suis satisfactionibus falsis & commentitiis locum faciant; Prima equidem fronte tantum abest ut de perfectione Satisfactionis quicquam deterere velle videantur, ut longè luculentius eam asserant, dum Christum non modò abundè pro sceleribus nostris ultimei Dei iustitiæ satisfecisse pariter nobiscum confitentur; Verùm etiâ unicam sanguinis ipsius guttam sufficere potuisse ad redemptionem generis humani quod habet Clemens V I. Papa Extravag. *Unigenitus*, & Bellarminus cum aliis probat lib. 1. de *Indulg.* cap. 4. Imò Satisfactionem Christi usque adeò *υπερπλεονάζον* ut magnus sit ejus *εξιζοδύμα* quod in Thesaurum condatur cum superfluis satisfactionibus Sanctorum, unde Pontificiæ promittuntur indulgentiæ; Hinc passim merita Christi sufficere & plus quàm sufficere pleno ore pronunciant; Et per immanem sycophantiam sibi à nonnullis tribui conqueruntur, quod dicant *Chri-*

si passionibus quibus peccata nostra expiavit aliquid defuisse, quominus plena ac perfecta esse possit ejus pro nobis satisfactio. Quod mendacium tam impudens & crassum esse clamant, ut nihil impudentius vel crassius fingi queat, neque ex tanto Scripturum suorum numero unum allegari posse qui id dicat ut ait Bell. l. 2. de Indul. c. 14.

III. Verum si ulterius in eorum mentem inquirimus, facile patebit eos nihil minus sentire quam quod profitentur, & Satisfactionis Christi perfectionem ore tenus asserere, sed re ipsa negare & evertere. Quia verò hæc sententia primo intuitu horridior est, & quam aures Christianæ vix ferant, variis artibus, & scholasticarum distinctionum totidem veluti pigmentis ut solent in rebus falsis & sua falsitate intricatissimis in crustare eam conantur ut sic incautis & minus perspicacibus oculis pulverem injiciant. Primum enim in peccato culpam & pœnam distinguunt, & pœnam in æternam & temporariam tribuunt: Tum novo & hætenus inaudito exemplo remissionem ipsius culpæ à remissione pœnæ sic dividunt, ut cui remissa sit à Deo integra culpa, posse eidem superesse luendam adhuc aliquam pœnam arbitrentur. Ita sancit Synodus Trident. Sess. 4. cap. 8. *sancit Synodus declarat falsum omnino esse & à verbo Dei alienum culpam à Domino nunquam remitti, quin universa etiam pœna condonetur.* Tum Cano. 12. *Si quis dixerit totam pœnam simul cum culpa semper remitti à Deo, satisfactionemque penitentium non aliam esse quam fidem qua apprehendunt Christum pro eis satisfecisse, Anathema sit.* Deinde censent in baptismo quidem plenariam esse remissionem universæ tum culpæ tum pœnæ. At post baptismum peccatores posse quidem restituere in integrum, sed difficilius quam in baptismo; Remitti quidem culpam & pœnam æternam penitentibus; Sed retineri tamen pœnas quasdam temporales partim in hac vita partim in futura exsolvendas, & quidem ut ipsi loquuntur usque ad ultimum quadrantem; Et ne quis putet leves & exiguas esse has pœnas, diserte pronuntiant esse illam ipsam pœnam sensus quam in gehennâ pati debuisset peccator, remota solum æternitate, ut habet Bell. lib. 4. de pœnit. cap. 1.

IV. Tertiò Satisfactionem aliam culpa, aliam pœna, esse statuunt; Et culpa quidem & pœna æterna nullam afferri posse à peccatore communior est apud ipsos sententia, (licet non pauci ut Scotus, Tapperus, Alenstaig, Valentin, & alii etiam pro culpa & pœna æterna satisfieri posse contendant;) sed pro pœna temporali quæ post dimissam culpam luenda remanet Deo satisfacere posse fideles in peccatum prolapsos & quidem verè ac propriè satisfacere, sic ut ipsi tantum fecisse jure meritoque censendi sint, quantum satis est ad injuriam compensandam, quantumque Deus peccato læsus justè ab iis exigebat: Imò & eam esse fidelium inter se conjunctionem, ut etiam alii pro aliis satisfacere possint; Concil. Trident. Sess. 4. c. 8. can. 13. *Si quis dixerit pro peccatis quoad pœnam temporalem minime Deo per Christi meritum satisfieri pœnis ab eo inflatis & patienter toleratis vel à sacerdote injunctis, sed neque sponte susceptis, ut orationibus, jejuniis, elemosinis, vel aliis etiam pietatis exercitiis, atque adeo optimam penitentiam esse tantum novam vitam, Anathe-*

ma sit. Et Catechesis Triden. cap. de sacramento Pœnitentiæ Satisfactionem definit Rei debita integram solutionem & compensationem qua homo pro peccatis commissis Deo aliquid persolvit. Bell. lib. 2. de Indulg. c. 9. Catholici Theologi docent non solum posse hominem justificatum satisfacere, sed etiam id posse ex condigno : hinc li. 1. cap. 2. operi satisfactorio deberi mercedem ex iustitia commutativa statuit. Unde colligitur ex ipsis satisfactionem Christi non ita esse perfectam, quin semper aliz satisfactiones à parte hominum requirantur. Hoc aperte habet Bellarm. lib. 1. de Purgat. c. 10. Si Christus, inquit, satisfecit pro omni culpa & pœna, cur post remissionem culpam adhuc tam multa mala patimur ? Imò nec putat Christi mortem certo sensu esse satisfactionem actualem, sed opera nostra : Dum enim respondet ad questionem propositam ? An in applicatione satisfactionis Christi quæ sit per nostra opera sint duæ satisfactiones una Christi, altera nostra, An una tantum vel Christi vel nostra, ex tribus modis dicit tertium probabiliorē esse, unam esse satisfactionem eamque esse nostram. Tertius modus videtur probabilior quod una sit satisfactio, & ea sit nostra, quæ scilicet à nobis peragitur, & per quam homo pœnis suis Deo satisfacit. Sic lib. 3. de Pœnit. cap. 15. non est verum per Christum nos semper liberari ab omni reatu pœna temporalis, etiamsi nulla interveniat satisfactio. Neque hic subsistit Cardinalis; Alibi enim lib. 2. de Indulg. c. 1. pertendit merita Christi omnibus non esse absolute necessaria, Merita Christi, inquit, partim sunt omnibus necessaria, partim non necessaria, sed utilia; Atque hoc secundo modo ad fundamentum indulgentiarum pertinent. Et ad clariorem rei explicationem addit; Si quis post reconciliationem adeptam adhuc sit reus luenda pœna temporalis, non necessario eget meritis Christi, ut per ea reatus simpliciter condonetur : non quod sine meritis Christi reatus pœna possit simpliciter condonari, sed quia poterit ipse non requirere tamam liberalitatem, contentus ipse suis laboribus & pœnis, vel in hac vita, vel in Purgatorio satisfacere Deo &c. Vasquez ulterius etiam progreditur. Nam in 4. Thom. quæst. 94. art. 2. non erubescit asserere ipsam Christi Satisfactionem minus esse necessariam. Dicendum est opera in charitate ex Dei gratia facta esse satisfactoria pro pœna temporalis condignè satis, sicut & meritoria vita æterna, nec aliquid eis accrescere meriti aut Satisfactionis propter Christi merita. Quò pertinent ipsius Clementis verba, qui licet loco citato statuatur unicam sanguinis Christi guttam sufficere ad Redemptionem generis humani, addit tamen statim; ut faciliè pateat non seriò esse locutum; Ad thesauri meritorum Christi cumulum, beata Dei genetricis & omnium sanctorum merita administrare. Ex quibus omnibus, ne plura jam istius generis addamus testimonia, liquet Pontificios in ea esse sententia, Satisfactionem Christi utut infinita fuerit, non ita plenam & sufficientem fuisse, quin requirantur adhuc variz satisfactiones, si non pro culpa & pœna æterna, saltem pro temporali ab hominibus exsolvendæ ad plenam redemptionem obtinendam.

V. Nostra verò sententia est; Satisfactionem Christi pro nobis præstitam, non posse quidem censeri ex parte superfluum & redundantem; quasi minori pœ-

nā potuisset fieri satis justitiæ divinæ : Sic enim nec debitum nostrum quod ex peccati merito & legis comminatione mors erat, perfolutum esset : Nec necessaria fuisset mors Redemptoris, quod toties tamē Scriptura inculcat; Et Deus milles plus exegisset à Vade nostro quàm requirebatur de jure, quod & justitiæ divinæ quam maximè repugnat, & summo illi quo filium suum prosequitur amor; Nihilominus adeo perfectam & sufficientem esse ut cumulatissimè pro peccatis omnibus nostris satisfecerit, non tantum quæ facta sint ante, sed quæ fiunt post baptismum, non modò pro culpa, sed & pro pœna; nec pro pœna duntaxat æterna, sed etiam temporali, ita ut nulla deinceps pœnæ satisfactoriæ fidelibus superfint luendæ, vel in hoc vel in futuro seculo ad remissionem peccatorum obtinendam. Licet non rarò pœnis castigatoriis & medicinalibus exponantur ad sanctificationem promovendam.

V I. Hoc verò ut demonstremus Argumenta varia nobis suppetunt 1. *A Dignitate Persona* satisfaciens, Cum enim duo imprimis in Mediatore requirentur, ad perfecti Vadis constitutionem: Primò ut perfecta sanctitate & iustitia ornatus esset; Quomodo enim redimere nos potuisset à peccato si peccato contaminatus ipse Redemptore indignuisset? Secundò ut divina & infinita virtute polleret, quæ infinitum meritum infinito peccati demerito opponere posset: Duo hæc perfectissimè in Christoprehenduntur; Nam ut homo innocens fuit & impolutus Heb. vi. 26. non modò ab omni peccati labe immunis, qui peccatum nec novit nec fecit 2. Cor. v. 21. Sed & perfectè sanctus imò sanctitas ipsa Luc. i. 35. Ita & verus ac æternus Deus qui proinde summa & infinita virtute præditus potuit humanis passionibus infinitum addere valorem & pretium; quo sensu Deus dicitur proprio sanguine Ecclesiam acquisivisse Act. xx. 28. Hinc duplex plenitudo Christo solet tribui. Primò *gratia & sanctitatis*, quatenus Deus voluit ut omnis plenitudo in ipso habitaret Col. i. 19. ex qua factus est plenus *gratia & veritate* ut ex ejus plenitudine hauriamus omnes *gratiam pro gratia* Joan. i. 16. Secundò plenitudo *Deitatis*, de qua dicitur quòd in eo habites *corporaliter omnis plenitudo divinitatis* Col. ii. 9. non mysticè ut in fidelibus, non *symbolicè* ut in sacramentis, non *typicè & umbraticè* ut sub Lege; Sed *corporaliter id. realiter & personaliter*, prout *œqua* vel *umbra* oppo. vel *personam* designat. Unde jam invictum elicitur argumentum. Nam si Persona satisfaciens non modo sancta & incontaminata, sed etiam infinita fuit, infinitam etiam fuisse satisfactionem necesse est: Jam si infinita fuit, Quis perfectam imò perfectissimam & sufficientissimam neget? Quid enim majus vel perfectius infinito dari potest? Si perfecta fuit & plena, quid opus aliis satisfactionibus? Sanè ut infinitæ Christi satisfactioni nihil quicquam potest addi, cum infinitum non augeatur, ita nec opus est ut aliquid addatur, quia ex se & per se infinitum habet valorem.

V I I. Non audent quidem Adversarii certissimæ Veritati palam reluctari, Quomodo enim possent nisi in castra Socini transire vellent? Caterum eam indirectè

rectè labefactare conantur, Bell. enim lib. i. de Indulg. cap. 4. Respondet non esse quidem opus ut adjungantur passionēs sanctorum passionibus Christi, quasi haec per se non sufficiant, sed adjungi tamen quia æquum est, ne passionēs illæ coram Deo sint inanes, præsertim cum id sit gloriosum Christo, à quo manat omne bonum sanctorum, tum etiam ipsis sanctis per honorificum. Resp. Sed quomodo ita ratiocinatur Bellar. vel ludit, vel aperit causam deferit; Nam si quod hic testatur revera credit, passionēs scilicet Christi per se sufficere. Cur alias nescio quas illis adjungendas esse censet? Cur in illis unice non acquiescit? Ista enim non cohærent, ut sufficientissimum per se dicas aliquid, quo tamen contentus non sis; quippe ex quo ad aliud confugiendum tibi esse arbitraris, eo ipso plenam sufficientiam illi denegas; Unde necesse est eum qui ita statuit, vel aliquid putare Christi satisfactioni deesse, vel certè stultum esse cui id quod abundè sufficit satis non est; ut si quis cui præsens est perennis & uberrimus fons, eo posthabito arentes & cænosos rivulos confectetur.

VIII. Quod verò causatur, licet per se sufficiant passionēs Christi, adjungi tamen illis oportere sanctorum passionēs, ne istæ coram Deo sint inanes, multis modis absurdum est. Primò si ideo tantum adjungendæ sunt, ne inanes reddantur. At ego vicissim contendo non addendas esse, ne passio Christi inanis reddatur: Quo pacto enim vel plenissima esse censebitur, vel per se sufficere, si opus est alias illi superaddi? Secundò falsò supponit passionēs Sanctorum inanes fore si ad satisfaciendum non adhibeantur. At innumeri alii fines sunt istarum passionum qui Dei gloriam, Ecclesiæ ædificationem, & fidelium salutem spectant; An inane esse dicitur quod ex officio factum est, quod ad magnam Dei gloriam cedit, quod Ecclesiæ ædificationem non parum promovet, quod Sanctos ipsos ad gloriam & salutem deducit? istos enim passionum fructus esse fructus negari non potest; Tertiò tantum abest ut gloriosum sit Christo & ipsis sanctis honorificum, humanas satisfactiones suis adjungere, ut summa sic Christo inuratur contumelia & sanctis probrum: Nam si Christo gloriosum est pro peccatis nostris satisfecisse, quanto satisfactio ejus perfectior erit, quæ nullo alio satisfactionis cuiusquam egeat supplemento, tanto major ad eum redundabit gloria: Et tantò minor erit, quanto magis inter Christum & Sanctos dividetur; Quis dixerit etiam valde honorificum esse Sanctis multa pati ut actam agant, & justitiæ divinæ cui jam plenè satisfactum esse satisfaciunt? Vel ut honorem soli Christo debitum quantum in ipsa est per summum sacrilegium ad se trahere conentur? Quanto rectius & simplicius est Christi unius passionibus totam pro peccatis nostris satisfactionem tribuere; Sanctorum verò passionibus hanc laudem servare quod fidei & pietatis ipsorum fuerint argumenta clarissima, Deo gloriosa, Nobisque ad exemplum utilissima.

XI. Addunt secundò Adversarii nihil derogari infinitati & perfectioni Satisfactionis Christi per nostras satisfactiones, quia satisfecit tantum ea lege, ut nobis illa applicetur, applicari autem per nostras satisfactiones planè eodem sensu, quo Sacrificium altaris volunt requiri ad applicationem Sacrificii crucis: sic Bell. Co-

flerus, Salmero, Klingius & alii. Sed non felicius elabuntur; Fateor quidem applicandam esse nobis satisfactionem Christi ut ejus fructum sentiamus; Sed applicanda est mediis à Dei verbo præscriptis, non ab humano cerebro temerè excogitatis; Media illa sunt partim interna, *fides* scilicet & *charitas* Eph. 1.11. 17. 2. Cor. v. 14. partim externa, *Verbum* & *Sacramenta*, Baptismus in quo Christum induimus Gal. 1.11. 27. S. Coena quæ est communio corporis & sanguinis ejus 1. Cor. x. 16. His mediis Christum nobis offerri & applicari non semel docet Scriptura: Sed ubi unquam dictum, hoc per satisfactiones nostras fieri debere? Quis unquam audivit solutionem debiti applicandam esse aliâ solutione; sacrificium alio sacrificio, & medicinam alia medicina? Nonne media applicationis diversi generis & ordinis à re applicata esse oportet? Quis sponsores ferret qui pro alio quidem solvere vellet, sed ea lege ut si velit beneficium hoc fieri, solvere debeat illud ipsum quod solum jam est; Nonne egregia esset & mirifica ejus liberalitas? Nam si solvit cur opus est eum solvere? Et si opus est solvere, nonne inanis & inutilis erat eo ipso præcedens solutio? 2. Deinde Satisfactio nova non magis requiritur ad Satisfactionem Christi applicandam, quàm nova Mors, Redemptio, Resurrectio, ad mortem, redemptionem, & resurrectionem Christi applicandam. 3. Quid quod Purgatorii poenæ & mala similia, nullam vim habent mortem Christi applicandi, quia nec mortem Christi habent ulla ratione pro objecto applicando, nec ullam aptitudinem habeant ad illam mortem vel apprehendendam vel significandam: Cum enim ad applicationem Satisfactionis Christi duo potissimum requirantur, primum à parte Dei ut ea nobis imputetur, alterum à parte nostri ut à nobis recipiatur, neutrum potest locum habere in poenis illis satisfactoriis. 4. Si Satisfactio Christi non potest nobis applicari nisi per nostram Satisfactionem; Satisfactio nostra pariter egebit alia Satisfactione per quam applicetur & sic in infinitum, nulla enim datur ratio cur una Satisfactio possit applicari sine Satisfactione potius quàm alia. 5. Si Satisfactiones sunt media, *media sunt acquisitionis* & impetrationis gratiæ, non verò *applicationis*, quia Deum propriè respiciunt non homines; Denique etsi daremus media ista applicationem respicere, quis dixerit contrarium applicari per contrarium, lucem per tenebras, salutarem medicinam per propinationem veneni? An perfecta satisfactio Christi iis mediis applicabitur, quæ ipsius perfectioni manifestè derogant & illi sunt injuriosa?

X. Tertio nullam fieri injuriam Christo ejusque Satisfactioni ex eo pertinent, quòd Satisfactio Christi & hominum non sint causæ sociæ & ejusdem ordinis, quæ causandi vim inter sese partiantur, sed subalternæ & subordinatæ, ea ratione ut humana satisfactio tanquam inferior à Christi satisfactione pendeat, & inde vim suam & efficaciam omnem mutuetur: Sic nihil decedere satisfactioni Christi, sed potius majorem laudem accodere. Majorem esse Christi gloriam, si dicatur non solum pro peccatis nostris satisfacisse, sed etiam id membris suis donasse, ut per ejus gratiam & virtutem etiam aliqua ex parte ipsa satisfacerent, quem-

quemadmodum potentiam Dei commendat & celebrat qui dicit Deum non solum per se, sed etiam per servos suos miracula facere; Sic efficacitatem meritum Christi magis elucere quæ non solum per se possunt expiare peccata, & reatus peccatorum, sed etiam efficere ut merita sanctorum vim habeant expiandi reatum poenæ temporalis, quemadmodum Deus instituit, ut secundæ causæ non sint otiosæ, sed cum ipsa prima causa ad res producendas convenient, quamvis prima causa sine secundis res omnes æquè facile ac perfectè efficere potuisset. Sic ratiocinatur *Bellarminus* li. 2. de Indul. c. 3. Quod pertinet etiam alia ejusdem generis Exceptio, Satisfactionis Christi virtutem & plenitudinem non imminui, quia si non satisfecit *immediatè* pro omni poenâ, satisfecit tamen *mediatè* quia vires nobis dat ut satisfaciamus. *Bellar.* lib. 4. de Poeniten. cap. 15. Resp. Verùm non una ratione fallitur. Primò quòd causas hinc subordinatas & subalternas fingit ubi nullæ sunt: Nam ubi causa solitaria est & unica, absurdum est subordinationem quærere quæ plures causas supponat. At hic ut jam diximus & in sequentibus fusius dicturi sumus, Scriptura testatur clarissimè Christum in præstanda satisfactione pro nobis solam & unicam causam fuisse *If. LXIII. 6. Act. IV. 12. 2. Cor. V. 14.* &c. Secundò in causis moralibus subalterna causa derogat primæ quum instituitur præter ejus auctoritatem & mandatum v. g. non poterit absque Regiæ auctoritatis detrimento Prorex aliquis institui citra ejus ordinationem; At illæ Satisfactiones subordinantur Christo præter ejus mandatum; Nihil enim unquam de eo tradidit, imò contrarium potius; non ergo sine insigni ejus injuria. Tertiò causæ illæ non sunt subordinatæ quæ diversos effectus producant, subordinatorum enim quæ talium idem est effectus; At Christi & hominum satisfactio ex Adversariis effectus diversos producant, illa quidem culpæ & poenæ æternæ remissionem, ista verò poenæ temporalis ablationem; Quartò causæ omnes subordinatæ totales sunt, totum scilicet effectum suo ordine singulæ producant, ut Deus & homo generant hominem, Deus ut causa prima & universalis, homo ut causa secunda particularis; Ita satisfactioes nostræ si subordinantur satisfactioni Christi, debent totum effectum attingere licet in ordine inferiori: ut & poenæ & culpæ remissionem obtineant non secus ac Christi satisfactio; quod tamen Adversarii non dixerint; Unde concludimus nullam hinc rationem subordinationis esse quærendam, imò hæc planè *absurda* esse & impossibilia.

XI. Hinc patet etiam vanum esse & ridiculum quod subjiciunt Christum Satisfactione sua nobis dare vires per quas satisfaciamus: Nam primò huic commento Scriptura repugnat, quæ dicit quidem Christum pro nobis mortuum ut peccata nostra purgaret, nosque à maledictione Legis redimeret, ideoque pro nobis satisfaceret: Sed nusquam quod ideo mortuus sit ut nobis daret vires satisfaciendi. An ergo nos redemisse dicitur ut ipsi essemus nostri Redemptores, & persolvere debita nostra ut ipsi ea solveremus? Imò propterea dicitur *per se ipsum* fecisse purificationem peccatorum nostrorum *Heb. 1. 3.* ne ipsi teneremur eam facere;

cere; Propterea castigatio pacis nostræ super eum posita est ut ex ejus livoribus sanaremur; Propterea satisfecit ne nobis sit in posterum satisfaciendum. Secundò repugnat etiam ipsa rei natura & communis usus loquendi; Aliud enim est satisfacere, aliud præbere gratiam quàm alius satisfaciatur: Nec unquam pro nobis satisfecisse bene dicitur, nisi qui ære suo debitum nostrum expunxit. Tertiò si Christus satisfacit mediante nostra Satisfactione, tum non semel satisfecisse dici potest, sed semper & quotidie satisfacere, nec *per se ipsum*, sed *per nos*, nec tam *pro nobis*, quàm *in nobis*, quæ tamen omnia repugnant Scripturæ verbis & naturæ rei. Quarto si Christus dicitur satisfacere quatenus gratiam dat satisfaciendi, ergo pari ratione dicendus esset credere & respicere, quia largitur gratiam credendi & respiciendi, quod nemo non videt absurdum esse. Denique si hæc ratio valeret, Pater & Spiritus Sanctus non minus pro nobis satisfecisse dici possent, quod absurdum est & inauditum; nam & Christo vim eam omnem dederunt quæ ad satisfaciendum fuit necessaria; & pios animi motus & constantiam in ærumnis nobis largiuntur.

XII. Quod verò majorem esse Christi gloriam statuit Adversarius, si dicatur non solum pro peccatis nostris satisfecisse, sed etiam id membris suis donasse ut per ejus gratiam & virtutem aliqua ex parte etiam ipsi satisfacerent: Supponit semper *περὶ τῶν ψυχῶν* quòd Satisfactiones nostræ subordinantur Satisfactioni Christi, cum contra illi aperte repugnent & adversentur. Et sanè cum gloria Christi in eo posita sit ut solus sit & perfectus Redemptor noster; quis dixerit facere ad majorem Christi gloriam si dicatur habere socios? Quali major sit Dei gloria, si dicatur multos ab ipso factos creatores, quàm dicere illum solum esse omnium Creatorem: Nec ratio à miraculis petita contrarium evincit; Nam quando Deus dicitur miracula facere per homines, Deus solus propriè & realiter miracula facit, homines verò sunt tantum instrumenta moralia ad quorum præsentiam Deus operatur. Non magis urget quod à causis secundis ducitur argumentum; Quippe longum latumque discrimen intercedit inter utrumque; Nam licet Deus qui vivit causis secundis, possit sine illis operari & ita utatur, ut nihil decedat propterea gloriæ suæ, quia hoc non sit ex indigentia, sed ex indulgentia, & quidem ita, ut causæ primæ laus illi maneat illibata quæ in nullam aliam causam transferri potest; Non potest idem statui respectu Redemptionis & Satisfactionis Christi, quia ut hoc infinitam virtutem postulat, ita peculiare & proprium debet esse causæ principali, quæ impatiens est consortis. Fateor quidem in salutis negotio nos non debere esse otiosos, sed salutem nostram operari cum timore & tremore Phil. 1. 12. atque ita esse Dei *συνεργός* 2. Cor. vi. 1. 2. Sed hæc cooperatio non respicit acquisitionem salutis, quæ Christo soli propria est & incommunicabilis aliis, sed tantum applicationem, non ad solutionem præstendam, quam Christus abundè præstitit, sed ad solutionem præstitam amplectendam; non quæ sit causa & fundamentum juris ad salutem propter quod conferatur, sed tantum via & medium ad eam per quod adeatur.

XIII. Sed perfectionem istam Satisfactionis non evincit tantum *Dignitas Persona*: Sed probat etiam *II. Unitas Officii Mediatorii*, & *Oblationis* à Christo ex isto officio peractæ; Nam si unicus est tantum Redemptor noster ut passim Scriptura testatur Act. III. 24. 1. Tim. II. 4. 1. Cor. III. 14. Joh. XIV. 6. Si unica ejus oblatio & sacrificium quo in perpetuum consummantur sanctificati, Unica obedientia quæ multi constituentur iusti, Unicum pretium quod datum est ad redemptionem animarum nostrarum, ut Paulus non semel docet Rom. v. 18. Heb. x. 10. 12. & ix. 26. 28. Act. xx. 28. Utique plena esse debuit & omnibus numeris absoluta ejus satisfactio: Aliàs nec finem intentum assequi potuisset, nec solius Redemptoris laudem mereretur. Quis enim jure dixerit unicam esse Christi obedientiam, Unicam oblationem quæ plenam redemptionem & justitiam sit nobis adepta, si adhuc supersunt varix poenæ à fidelibus in hoc vel in altero seculo ferendæ, si aliud sacrificium *ἱλαστικόν* adhuc requiritur? Nec reponi potest unicæ Christi oblationi hoc totum ritè acceptum fieri, quando ab ea ipsæ hominum satisfactiones omnem suam vim mutuuntur; Nam præterquam quod supponitur gratis tales dari poenas & satisfactiones quod nunquam probabitur, Falsum etiam est talem vim à satisfactione Christi operibus nostris aut passionibus posse communicari, quando ea tota ab officio ejus oritur & pendet, quod Christo proprium esse & incommunicabile negare non audent; Non negaverim equidem vim quandam & efficaciam à merito Christi in nos & opera nostra defluere; Ut scilicet deinceps & personæ & opera Deo grata sint & accepta, atque adeo ut sensum gratiæ Dei in nobis magis ac magis confirmet: Sed dari illis vim merendi vel satisfaciendi, nec Scriptura dixit unquam, nec rei natura pati potest, nisi quod Christo proprium est in fideles transferamus.

XIV. Hoc verò adhuc luculentius confirmatur ex ipsa *Redemptoris Unitate*; Nam si præter Satisfactionem à Christo præstitam alia quædam supersunt homini exsolvenda ad redemptionem totalem & à culpa & à poenis omnibus obtinendam; Quis non videt gloriam Redemptoris inter Christum & fideles dividi, atque adeo perperam hoc illi nomen in solidum vindicari? Et sanè *Bellarmin.* licet lib. 5. de Christo cap. 1. agnoscat quartum Mediationis modum qui fit per solutionem & satisfactionem Christo soli competere; Tamen alibi sibi turpiter contradicens fatetur Redemptoris nomen aliquo modo Sanctis posse tribui li. 1. de Indulg. c. 4. *At si largo modo Redemptor appelletur quicumque liberat alium ab aliquo debito, non erit absurdum si sancti viri aliquo modo id est secundum aliquid non simpliciter, & largo modo, non in rigore verborum esse Redemptores nostri dicantur.* Unde patet quàm injustè *Adolphus* quidam *Godefridus Volusus* ex Pastore Hanoviensi Apostata factus, & nunc Concionator Moguntinus, in libro, quem non ita pridem publici juris fecit sub titulo *Aurora Pacis Religiosa divina veritati amica* (ubi Pseudo-Henotica pridem explosa renovans consilia Augustanæ confessionis socios qui Lutheri partes sequuntur ad Syncretismum cum Ecclesia Romana incundum

hortatur, & quibuscunque potest modis errores exitialis, sceleratissimam idololatriam, & Tyrannidem intolerandam Babylonice Meretricis vel incrustatolae vel propugnare satagit, ut scire ab iis fieri solet qui defectionem factam tueri, & alios in idem præcipitum secum pertrahere conantur.) Celeberrimo Marefio, Nobisque grandem mendacii dicam homo mendacissimus scribat pag. 4. Illi quidem quod imposuerit Bellarmino quod scripserit lib. 1. de Indulg. c. 4. *Sanctos esse quodammodo nostros Redemptores*. Nobis verò quod asseruerimus Disp. 1. de Secess. th. 33. *Pontificios alios Mediatore etiam Redemptionis excogitasse quàm Christum, aliud meritum coram Deo quàm ipsius obedientiam*. &c. Quali verò hæc ipsissima non sint Bellarmini verba quum dixit loco citato, non esse absurdum, si sancti viri aliquo modo dicantur Redemptores nostri. Quali constans apud ipsos non ex sit sententia Sanctos non tantum Mediatore esse, quorum intercessione sint exaudiendi homines, sed meritis servandi, Unde Sacerdos in Missa petit remissionem peccatorum & salutem non tantum per preces Sanctorum, sed & per eorum merita. Quali Pius V. & Gregorius XIII. Passiones Sanctorum non asserant esse justas pro pœnis compensationes & veras satisfactiones. Quali denique suis quemque Christianum & aliorum meritis salutem suam acceptam ferre debere non doceant. At si necessariae sunt satisfactiones nostræ, necessaria merita quibus redimamur à pœnis debitæ & vitam acquiramus: Quid verius dici potuit quàm alios Mediatore etiam redemptionis ab ipsis excogitari in quibus fiduciam collocent præter Christum, & alia merita præter ejus obedientiam? innumerata sunt istiusmodi, quæ isti Sycophantæ objici possunt, quibus facile in ruborem dari potest nisi frontem planè posuerit: Sed de his alibi erit dicendi locus, quum varissimæ hominis malam fidem sumus demonstraturi; Nunc enim aliò nos vocat instituti nostri ratio.

XV. III. Argumentum petitur à *Gravitate pœne* quæ Christo imposita est; Nam si ille pœnas omnes nobis debitas tulit, fieri non potest quin plenissima fuerit ejus satisfactio. In eo enim perfectio ejus posita est, ut nihil omiserit ex iis quæ à justitia divina requirebantur ad sui satisfactionem, sive in observatione mandatorum, sive in pœnarum latione quæ à sanctionibus Legis denuntiabantur; At utrumque à Christo impletum esse res ipsa clamat; Non modò quia omnem implevit justitiam Patri obediendo usque ad mortem Math. 111. 15. Phil. 11. 5. 6. Heb. x. 5. 6. Verum etiam quia patiendò illud omne tulit quod Lex peccatoribus imponebat, sive quoad damnum per defectionem, sive quoad sensum per maledictionem. Hinc verè dolores nostros bajulasse & languores portasse dicitur, undè attritus & vulneratus propter iniquitates nostras H. 1. 111. 5. 6. 7. Hinc dicitur factus utriusque Gal. 1. 11. 13. & peccatum 2. Cor. v. 21. hinc Rom. v. 11. 32. Patet ei non pepernisse perhibetur per *peccatum* id. severissimè illum habuisse nullâ in filium crudelitatem, sed ardentissimo salutis nostræ amore; Quò pertinent lachrymæ illæ & preces vehemenssimæ quas Christus dicitur fudisse Heb. v. 6. & summa Christi tum in horto tum in cruce agonia. De quibus alibi quum de Veritate Satisfactionis dis-

putatum est; Hæc quippe omnia gravissimam fuisse pœnam Christi & Legi apprime respondentem arguunt luculenter; Quid enim Lex peccatoribus imponebat nisi maledictionem? hæc unica est & tota pœna quam iis interminabatur; At Christus maledictionem istam tulit, factus ipse maledictio, Pœnas ergo nobis debitas omnes tulit, atque adeò verè & plenè pro nobis satisfacit.

XVI. Quid verò hic Adversarii? Christum quidem pro omni culpa & pœna etiam æterna satisfecisse faciliè concedunt; Sed negant eundem pro pœna temporali pariter satisfecisse: Itaque non esse absurdum ut eam nos pendamus. Sed ut nihil jam dicamus de distinctione culpæ & pœnæ, & remissionè unius cum retentione alterius, de qua mox erit differendum; Dico falsissimum esse quod supponunt Christum pro quadam non pro omni pœna satisfecisse: Ubi enim quæso dimidiatam hanc Christi Satisfactionem Scriptura memorat? Ubi pro culpa quidem omni, at non pro omni pœna Christum satisfecisse docet? Nonne ubique universaliter Christum pro peccatis omnibus nostris passum esse asserit. Quis verò non exhorrescat, quam Christo semper Ecclesia tribuit totius Satisfactionis & Redemptionis nostræ gloriam, eam nunc ab istis imminui & decurtari? Nam si Christus pro pœna temporali non satisfecit, Ergo non est noster ex asse Redemptor; Quippe cùm redemisse non dicatur nisi quatenus satisfecit, patet eum neque nos ab istis pœnis redemisse pro quibus si istis fides habenda minimè satisfecit: Sed longè aliter Paulus, Quorum enim Christum assereret Chirographum quod erat nobis contrarium delevisse, tulisseque de medio & cruci affixisse. Col. ii. 14. Si pœnæ quædam quæ sunt istius Chirographi pars non exigua non exolutæ sunt à Christo & à nobis pendendæ? Quorum una Christi oblatione dicerentur in perpetuum consummati qui sanctificantur Heb. x. 10. Si aliquarum pœnarum pro quibus Christus non satisfecit reatu adhuc tenentur? Rursus Christus absque omni dubio pro iis pœnis satisfecit quas ipse perpassus est, quo enim sine tot passionibus subsisteret, nisi ut Dei iustitiæ satisfaceret? At pœnas temporales in corpore suo & vivens & moriens perpassus est ut Scriptura docet, Ergo satisfecit & pro pœnis temporalibus. Denique à Christi Satisfactione non excludendam esse liberationem à pœnis temporalibus vel ex ipsis Adversariorum hypothesebus colligitur; Quum enim quis per Baptismum recipitur in numerum filiorum Dei, vel quando quis Martyrium pro nomine Christi patitur, docent ei condonari debitum universum pœnæ, ita ut pro peccatis ante Baptismum & Martyrium commissis nulla pœna temporalis luenda remaneat, quod expressè habet Bellar. lib. 4. de Pœnit. cap. 1. Superest ergo quod si condonatur pœna temporalis, condonetur propter Christum: Nihil autem remittitur propter Christum, pro quo Christus non satisfecerit; Quod Bellarminum compulsi vi veritatis victum ibidem fateri etiam restituta amicitia per gratiam Dei misericordiam, & per redemptionem quæ est in Christo, posse Deum universum pœnæ debitum semper condonare. lib. 4. de Pœn. c. 1.

XVII. IV. Argum. suppeditat Dei Approbatio: Si enim Deus & Personam & Oblationem Christi ita approbasse legitur, ut non modo utramque lubens acceptarit ad Redemptionem nostram; sed etiam inde placatus sit & reconciliatus hominibus, dubitari nequit sacrificium istud & satisfactionem perfectissimam fuisse: Nec enim Deus Iudex iustissimus imperfectam satisfactionem acceptare vel illi testimonium placationis perhibere potuisset; At Christi personam & oblationem Deo probatam fuisse clarissime colligitur non modo ex destinatione ejus in Sacerdotem quæ ab ejus beneplacito fluxit Heb. 111. 2. Col. 1. 19. 20. Ex inauguratione ad munus cum coelitus clamavit; *hic est filius ille meus dilectus in quo acquiesco* Mat. 111. 17. Non tantum miraculorum variorum patratiōe, ex quibus ipsum Virum à Deo approbatum fuisse demonstrat Petrus Act. 11. 22. Sed præcipue ipsius Christi *Resurrectione* quæ non modo luculentum fuit Deitatis ejus testimonium: Unde dicitur *Dei patris declaratus filius Dei potenter per resurrectionem à mortuis id.* veluti solenni detracto pronuntiatus Rom. 1. 4. Sed etiam illustre perfectissimæ Satisfactionis argumentum; Nam nisi cumulatissime satisfecisset; Quo pacto Deus qui ut Iudex eum morti tradiderat ad redemptionem nostram, voluisset eum à morte excitare? An Iudex Sponsorem vel debitorem liberat à carcere, nisi prius plenâ solutione præsit? An placatum se & reconciliatum Reo vel debitori exhibebit, si pœnam aliquam adhuc ab eo est exacturus? Deus autem & Christum ipse excitavit, ideo dicitur *suscitatus per gloriam id.* potentiam Patris Rom. vi. 4. & Act. 11. 13. *hunc Deus suscitavit solutus doloribus mortis, quia impossibile erat eum ab ea detineri.* Et plene sibi satisfactum esse testatur est, cum non tantum eum ex mortuis excitavit, sed & propter perfectissimam obedientiam summè exaltavit & passiones ejus amplissimo præmio coronavit. Phil. 11. 6. Heb. 11. Unde dicitur *justificatus spiritu* 1. Tim. 111. 16. *& suscitatus propter nostram justificationem* Rom. 1v. 25. quia & ipse justificatus est a Patre id. probatus tanquam plenè defunctus officio suo, & nos in ipso justificati sumus, quum perfectam ab eo peccatorum expiationem obtinemus, cujus resurrectio documentum est certissimum: Quippe ut in Morte solutionem habemus, Ita in Resurrectione Apocham quâ Pater testatur sibi abundè satisfactum esse; Nec posset Apostolus dicere nos esse Deo reconciliatos per Christi sanguinem Rom. v. 10. si pœna satisfactoria adhuc nobis ferenda ex Dei judicio incurreret.

XVIII. Dicente fortè, Ita enim loquitur Bellar. lib. 4. de Pœnit. c. 1. *Non quidem fieri posse ut pro iustauranda amicitia cum Deo homines satisfaciant, sed restituta amicitia per gratuitam misericordiam Dei, & per redemptionem qua est in Christo Jesu, posse quidem Deum universum pœna debitum semper condonare, ut certum est eum facere, cum primum nos per baptismum in filios recipit, vel cum martyrium pro nomine ejus subimus, sed posse etiam id velle ut cum peccamus post baptismum, amicitia quidem gratis penitentibus & peccata sua consentibus restituatur; sed maneat tamen debitum luenda pœna qua iustitia satisfiat.* Hic verò primò gratulatur Adversario inge-

ingenuam veritatis confessionem, dum fateatur Deum post redemptionem Christi posse universum poena debitum semper condonare, ut facit in baptizatis & martyribus: Nam si hoc verum ut sanè est verissimum, quis potest locus esse amplius ullis satisfactionibus humanis? An forte, quòd Deus non contentus Christi satisfactione alias insuper à parte nostri postulet? Sed hoc nec Scriptura dixit unquam, nec unquam probabitur. 2. Falsò supponit amicitia semel restituta posse exigi debigunt luenda poenae qua iustitiae satisfiat; Nam hæc sunt *ciuitates*, Iustitiam exigere poenam, & Amicitiam facere gratiam, An servat Deus amicitiam cum iis quos ut Adversarios terribili iudicio & fervore ignis vorantis prosequitur? firmane censebitur amicitia inter Jacobum & Petrum si ille amicitiam spondens totum furorem in hunc effundat? Quid quod ex eo sequeretur amicum Dei posse condemnari quod expressè negat Apostolus Rom. viii. 1. Fateor quidem amicis varias imponi poenas, nec Deum ipsis parcere, sed istæ poenæ sunt paternæ, medicinales & castigatoriæ, ut infra dicemus; non satisfactoriæ, de quibus quaritur.

XIX. Quintò Eadem veritas aluitur Ex Effectu Satisfactionis Christi qui triplex vulgo censei solet, *Expiatio, Remissio, Consummatio*. *Expiatio* peccatorum, & propter eam eorundem *Remissio, Consummatio* seu perfectio fidelium ex expiatione & remissione pendens: Si ergo Christus triplicem istum effectum per Satisfactionem suam ita plenè produxit, ut nihil addendum super sit; nemo negare poterit perfectam fuisse omnimodè ejus satisfactionem: perfectio enim effectus, perfectionem causæ necessariò arguit: At ista perfectè à Christo fuisse præstata, luce meridiana clariùs ostendi potest. Primò de *Expiatione*, Scriptura non semel plenam à Christo peccatorum omnium nostrorum purgationem esse factam docet. Heb. i. 34. dicitur *per se ipsum purgatione peccatorum factâ sedisse ad dextram majestatis in excelsis*, sic Heb. ix. 14. *ejus sanguis purgat conscientiam ab operibus mortuis*. Sed omnium clarissimè Johannes in prima Epist. quum non tantum propitiationem esse ait pro peccatis totius mundi cap. ii. 1. sed etiam *ejus sanguinem purgare nos ab omni peccato* cap. i. 7. Nam si ab omni peccato. Ergo non tantum ab Originali; sed & ab Actuali, non tantum à mortali, sed & à veniali; Non modò ab iis quæ ante baptismum sunt commissæ, sed quæ post eum subinde perpetrantur; Non ad cluendam tantum culpam, sed & ad purgandam labem & maculam; Frustra regeres cum *Bellarmino*. agi hic de remissione culpæ, non poenæ, & Christi quidem sanguinem ab illa nos omnino purgare, sed non pariter ab ista: Nam præterquam quod absurda est & ridicula hæc distinctio ut jamjam dicemus, quia non aliter nos mundat à peccato, quàm ejus poenam ferendo; Itaque si ab omni peccato purgat, Ergo omnem ejus poenam tulisse debet: Johannes viam illi præcludit, quum non tantum dicit sanguinem ejus nos mundare ab omni peccato, sed ita ut *communione cum ipso habeamus* x. 7. Jam communio ista haberi non posset nisi sublata omni culpâ & poenâ.

X X. Eodem etiam pertinet quod Paulus Ro. VI 11. 1. dicit *nullam amplius esse condemnationem iis qui sunt in Christo* & vers. 32. *neminem accusare vel condemnare posse electos Dei quia Christus mortuus est &c.* Quod luculenter docet Christum plenam omnium nostrorum peccatorum expiationem fecisse: Aliàs si pœna adhuc quædam superesset ferenda, daretur semper aliqua condemnationis ratio quod expressè negat Paulus; Non dicit quidem *nihil esse condemnatione dignum* in fidelibus; Nam quandiu manet in nobis caro & peccatum, manet autem semper quamdiu in terris versamur, manet etiam reatus & condemnabilitas quam peccatum post se necessariò trahit, scilicet meritum intrinsecum culpæ, quod contra Adversarios perfectionem sanctorum & impeccantiam asserentes constanter defendimus: Sed dicit tantum *nullam esse condemnationem*, quia licet *reatus potentialis* id. meritum ejus internum semper sequatur peccatum, tollitur tamen *reatus actualis* seu obligatio ad pœnam, & *condemnatio* quæ eam sequitur, quia Christus maledictionem Legis pro nobis ferendo eam omnem à nobis abstulit, ut jam securè gloriari liceat in Domino, & hostibus nostris insultando dicere cum Paulo, Rom. VII 11. 31. 32. *Qui proprio filio non pepercit, sed pro nobis omnibus eum tradidit, quomodo omnia non gratificabitur cum ipso? Quis intentabit crimina adversus electos Dei? Deus est qui justificat? Quis condemnabit? Christus est mortuus &c.* Sed cur ergo tam multa patimur etiam post justificationem regerit Bellarm. Resp. Non patimur ut Deo satisfaciamus, sed ut fidem & constantiam nostram testatam faciamus, non ad punitionem judicalem, sed ad correctionem paternam, non ad justificationem consequendam, sed ad sanctificationem promovendam. Aliàs si pœnis quibusdam adhuc adjudicaretur fideles non posset dici *nullam esse condemnationem*, & ut V. V. adhuc fortius reddit, *nihil condemnationis*. Hoc vidit Thomàs, *Nihil damnationis*, inquit, *est residuum*, quia tollitur damnatio & quantum ad culpam & quantum ad pœnam. Sic Salmero ostendit eos qui Christum sectantur, ab omni malo culpa & pœna liberatos esse. Neque hinc audiendi sunt qui volunt Paulum non quoscumque Christianos designare, sed eximios quosdam quibus nimirum conversatio sit absque peccato, quia loquitur de iis qui non secundum carnem incedunt, sed secundum spiritum. Nam falsò supponunt posse dari ullos Christianos qui non incedant secundum spiritum, sed secundum carnem: At Paulus non externa professione, sed interna veritate Christianos metitur, nullum enim Christianum agnoscit nisi qui sit in Christo, nullum autem vult esse Christi nisi qui spiritum Christi habeat vs. 9. *Si quis non habet spiritum Christi, is non est ejus*. Ergo quod addit Apost. qui non incedunt secundum carnem, sed secundum spiritum, non est restrictio eorum qui sunt in Christo, sed *ἐξήγησις* sive descriptio verorum Christianorum; Ut nemo possit esse in Christo qui non ambulet secundum spiritum, & non secundum carnem; Quò pertinet illud Athenagoræ in Apologia *ἡ ζωὴ τοῦ Χριστοῦ ἀντὶ πάντων ἡμῶν ἐκείνη ἐστὶν ἡ ζωὴ τοῦ Θεοῦ*. Nemo Christianus nequam, nisi professionem simulet? De aliis verò qui præter no-

nem Christianitatis nihil obtinent non agitur, nec debemus esse solliciti.

XXI. Hujus autem perfectæ expiationis memorabilis extabat typus in sacrificiis hylasticis quæ à lege præscribebantur; Nam Dominus qui exactissimè omnes expiandi ritus per Mosem exequitur, nuspiam tamen hanc aut illam satisfaciendi rationem constituit, sed totam in sacrificiis compensationem requirit. Quæ sit autem ut nullis prorsus operibus admissa delicta procurare jubeat. sed sola in expiationem sacrificia requirat, nisi quod ita testari voluit unicum esse satisfactionis genus, quò judicium suum placatur; Quippe ea quæ tum offerebant sacrificia Israelitæ, non ab hominum opera, sed à sua veritate, hoc est vero Christi sacrificio æstimabantur; Neque hic audiendus *Bellar.* qui lib. 4. de Pœnit. c. 15. dicit sacrificia ista immunditiam tantum legalem & pœnam temporalem expiassè, sed non culpam & pœnam æternam ex Pl. 1.1.13. Nam etsi damus verè & realiter non potuisse expiare peccatum, quia nulla fuit victimarum & cum Dei justitiæ, & cum hominis peccato proportio Heb.x.4.5. Sed tantum potuisse purgare quoad puritatem carnis id. munditiam legalem Heb.1x.13. Cestum tamen est typicè & figurativè perfectum Christi sacrificium quod corpus est omnium umbratum representasse, ut eò tendebat tota Lex Cærimonialis Heb.x.1. Ita si non alia expiationis ratio præscribitur quàm per sacrificia, signum est non alibi quàm in sacrificio Christi querendam esse expiationem nostram; Nec obstat locus Pl.1.1. quia non agit de sacrificiis in se spectatis quoad Dei institutionem, sed quoad hominum hypocritarum abusum qui externum cultum ab interno separabant, & cortici seu literæ hærentes, mysterium & veritatem spiritualement negligebant, cuiusmodi sacrificia verè Deus rejicit & detestatur.

XXII. Ut verò hæc expiatio in omnibus sacrificiis hylasticis occurrebat, ita luculentius patebat in solenni & anniversario sacro quod die expiationum fieri solebat; Et in Hirco vivo qui debuit amandari in desertum de quo dicitur Lev. xvi. 20. 21. 22. quod Aaron utramque manum super caput hirci imponeret, & confiteretur super eum omnes iniquitates filiorum Israël, & omnes pravitationes eorum ex quibusvis peccatis: Et cum eas hirci capiti imposuerit, amandabit eum in desertum per manum viri parati. Et portabit hircus ille super se omnes iniquitates eorum in terram inhabitabilem seu desertam, & ab aliis quæ habitantur divulsam. Ex quibus colligitur non unius vel alterius peccati factam fuisse tum expiationem, sed omnium omnino; Eo die expiationem faciet pro vobis, ad mundandum vos ab omnibus peccatis vestris coram Jehova mundabimini vers. 20. Atque hæc videtur fuisse ratio quare hircus iste amandaretur in desertum procul à sanctuario, ut scilicet notaretur remotio & elongatio perpetua peccatorum à facie Dei qui in Sanctuario apparebat. Et hinc etiam non malè conjicit Celeberrimus Bochartus in eruditissimo opere de Animalibus li.2. c. 56. rationem nominis *Azazel* quod hic occurrit, quom dicitur vers. 8. duobus hircis imponendas esse sortes, unam *Jehovæ*, alteram *Azazel*. Ut nimirum designet separationem & remotionem hirci;

hirci qui debuit in desertum mitti; Et nomenclatio peti potest ab Arabibus apud quos verbum *Azala* *removere* & *separare* significat; Unde formari potuit *Azazel* quod Hebræi אַזַּזֶל *Azazel* efferunt, quod *χωρεσμός* & *ἀναχώρησις* notabile; Ita rectè hircorum unus dicitur Domino fuisse servatus; Nempe ut super altare mactatus illi esset in sacrificium quod de victimis passim legitur, Alter servatus אַזַּזֶל ad *Azazel* אֶזְרַל אֲנָחֳרִית ad *separationem*, ut in locum deserti remotum & ab aliis separatim deduceretur, qui vers. 22. dicitur אֶרֶץ נִדְחָה *terra exarsa*, seu *divulsa*: Sic optimè duorum istorum hircorum separatio respondebit duplici *Anathemati* quod sustineri debuit ille qui pœnam peccati ferebat. Primò ut esset Deo sacer utpote ipsi ad satisfactionem justitiæ oblatus: Secundò ut esset ab aliis *separatus* tanquam *Ἀνατρεφτός* & exitio devotus, quod utrumque per *Anathema* designari observant Viri docti.

XXIII. Secundus effectus Satisfactionis Christi est *Remissio peccatorum* Eph. 1. 7. Heb. 1x. 15. Matt. xxvi. 28. ex qua non minus quàm ex expiatione perfectio ejus evincitur. Quia non unius tantum aut quorundam, sed omnium peccatorum per eam remissionem consequimur. Col. 11. 13. *vivificavit nos condonatis omnibus offensis nostris* Pl. c111. 3. *condonat omnes iniquitates tuas*. Act. x. 43. *Hic Propheta testimonium perhibent remissionem peccatorum accepturum in ejus nomine omnem credentem in ipsum*: Sic alibi in formula fœderis testatur quod *peccatorum nostrorum non sit amplius recordaturus* Jer. xxxi. 32. & Heb. x. 17. imò et si quærat iniquitas populi sui quod non possit inveniri Jer. xxx. 20. Jam ubi plenaria est peccatorum remissio, ibi plenam etiam satisfactionem esse necesse est, quandoquidem illa istius effectus est & fructus inseparabilis; nec aliò tendit satisfactio quam ad remissionem fidelibus obtinendam; Si Ergo perfectus est effectus perfecta causa debet esse.

XXIV. Ut ab hoc se expediant Argumento distinguunt in peccato *culpam* & *pœnam*, Et utriusque remissionem; Et remitti quidem omnem peccati culpam sentent, sed non statim omnem pœnam, remanere enim semper etiam remissa culpâ luendam pœnam temporalem. Hæc solennis est ipsorum distinctio, cui totum hoc satisfactionum & pœnarum humanarum commentum superstruunt; Sed ipsius falsitas multifariam potest demonstrari: Non negamus quidem *pœnam* & *culpam* posse distinguui; Et revera distinguendas esse, Quando culpa ipsius est peccatoris; At pœna Judicis eam insipientis: Culpa causa est quæ pœnam post se trahit: At pœna effectus culpæ: Sed negamus remissionem utriusque posse unquam se jungi: 1. Quia hoc pugnat cum *natura rei*: Nam sic ad culpam refertur pœna, ut hæc sine illa esse non possit, pœna enim non est, nisi quæ alicujus culpæ pœna est, eam enim à culpa oriri, & propter eam infligi jamjam diximus; si quis ergo à culpa omni liber est, eundem etiam à pœna immunem esse necesse est, quia sublata causa non potest non tolli effectus: poterit ergo cui remissa est culpa affligi & cruciari, sed puniri non poterit, quia

pœna dicitur *ἀπὸ* ad culpam, à qua non magis separabilis est, quàm umbra à corpore. Frustra verò hic Bellarm. lib. 4. de Pœnit. c. 15. regerit, multa esse quæ sine certis causis non oriantur quæ tamen orta manent causis pereuntibus, ut ædificium sine adificatore non fieret, quod si semel factum fuerit manebit, licet continuo adificator pereat. Nam quæ causis pereuntibus manent, ea à causis antequam ipsæ perirent jam effecta erant ut ædificium quod manet etiã extincto architecto. At causa semel extincta nihil amplius efficit vel efficere potest, ut architectus semel mortuus nihil ampliùs ædificat; Hic verò non quæritur; An pœnæ jam antea ob culpam peccatori inflictæ, si ei postea culpam remittat Deus eo momento ipsæ pariter aboleantur; sed de iis pœnis quæritur quas admittit à peccatore culpa est quidem merita, quasque nisi aliud accidat in peccatoris caput certissimè aliquando est accersitura; sed quæ tamen nondum sunt ei inflictæ: An scilicet culpa quæ ipsas non dimissa paritura erat, dimissa eas nihilo secius parere queat? Quod si dicatur necesse est, ut vel negetur culpam quæ remittitur tolli, vel statuatur causam licet sublatam & abolitam aliquid tamen efficere posse, quod utrumque absurdissimum. Quid quod hic Adversarius confundit causam efficientem physicam cum causa meritoria & morali, nec enim culpa propriè efficit pœnam quomodo Architectus domum, sed meretur tantum & post se trahit moraliter.

XXV. 11. Pugnat cum Vocis ratione & ordinario loquendi usu: Nam præterquam quod nec *ἀφίεναι* nec *χαρίζεσθαι* (quæ duæ sunt voces quibus peccati remissio designatur vulgo) dici possit is qui peccatum impunitum non relinquit, & pœnam ejus aliquam adhuc exposcit: Accedit quod inauditum est in humano sermone ut ei culpa remissa dicatur, à quo pœna adhuc exigitur: Quis enim judicem ferat pro tribunali pronuntiantem se culpam quidem peccati reo condonare; Cæterum ipsi pœnam decernere & velle ut in crucem agatur, vel virgis cædatur? An non meritò jocari putabitur & misero isti reo illudere? Quid enim aliud est remittere culpam, quàm eam nolle punire? Nec enim potest dici culpa remitti, nisi quia debitum culpæ contractum remittitur; Quodnam autem potest esse illud debitum? An culpa? At ea est debendi causa; non verò id quod debetur; An Pœnitentia? At ea remitti nec debet; Quid igitur debemus propter peccata nostra? profecto nihil nisi pœnam; sola illa ob peccatum admissum potest exigi; Sola ergo pœna propriè & per se potest remitti; culpa non nisi ratione pœnæ remittitur. Et sanè cum homines petunt sua sibi condonari & remitti peccata, quid aliud petunt quàm ut liberentur à pœnis quas suis culpis contraxerunt? Cum ergo tritissima sit hæc loquendi ratio, qui alium sensum habere non potest nisi absurdum; patet inanem esse & ridiculam Adversariorum distinctionem cui totam satisfactionem suam fabricam superstruere volunt.

XXVI. 111. Sed parum adhuc esset eam adversari ordinario loquendi usui; nisi imperet Deo ipsius justitiam & misericordiam; Justitiam quidem. Quia sic statuitur Deus punire eum qui caret omni culpa, & qui nullius est criminis-

reus; Nam si sublata est per remissionem, ut isti pertendunt, omnis culpa: Quid causæ est cur puniatur amplius peccator, quisnam locus esse poterit Justitiæ divinæ exercitio? quodnam ejus fundamentum? Nullum, nisi dicamus, Vel remissionem culpæ nondum factam esse, & sic Deum pro uno eodemque debito duplicem exigere solutionem: Vel Justitiam Dei non esse *ἀντιπρὸς* quæ possit sese exerere citra peccati considerationem: Quod utrumque cum sit iniquissimum, impium etiam & falsum esse necesse est illud ex quo deducitur. Quis dixerit Judicem Justitiam exercere qui gravissimis poenis addicit infontem nulliusque criminis reum? Quis contra iniquissimi magistratus & crudelis Tyranni nomen jure merito illi non tribuat? Cur verò in Deo censeretur actio justa, quæ si fieret ab homine accusaretur injustitiæ & crudelitatis maximæ; Absit ut Deus fingatur sic illudens hominibus, & culpam totam condonans, tamen puniens ob culpam, remittens totum debitum, & tamen ejus exigens solutionem: Absit ut Judex mundi non exerceat jus? Gen. xviii. 25.

XXVII. iv. Sed divinæ *Misericordia* multo magis adversatur hæc distinctio; Nam cum Scriptura testetur & res ipsa clamet Deum jam sub fœdere gratiæ ex quo nobis per Christum reconciliatus est, non amplius esse justum judicem, sed amantissimum patrem, cujus amor etiam tenerrimos matrum affectus in liberis superat, quique adeo omnia cum filio gratificari non recusat; Quis facile capiat quo tandem pacto cum tanta ejus in nos misericordia consistere possit tanta ejusdem tamque inusitata severitas, ut poenas gravissimas à nobis reposcat duratione tantum à poenis gehennæ differentes, quas si verè quod isti pertendunt remissa est omnis culpa, minimè debemus? An hæc clementissimi patris, an non potius justissimi judicis effecta sunt & argumenta? An non pax & consolatio omnis sic adimitur fidelibus & in sævissimum tormentum conscientiæ constringuntur, quum vident se vindictæ divinæ adhuc subesse, & vehementissimum ejus amorem non obitare quo minus severissimè adhuc puniantur?

XXVIII. v. Pugnat cum *phrasibus Scriptura* quibus remissionem peccati describere solet, quum dicit Deum peccata nostra *delere, tegere, non imputare, post tergum projicere, in profundum demergerere, eorum non recordari* &c. Pl. xxxiii. 1. 2. & ciii. 12. Ps. xxxviii. 17. & xlii. 22. Mich. vii. 19. Jer. xxxi. 34. &c. Palam enim est divinos Scriptores tam disertis, tamque emphaticis metaphoris velle ut hoc nobis sit persuasissimum, clementissimum illum Dominum, si semel bona fide cum eo in gratiam redeamus, nullam omnino admisorum à nobis peccatorum rationem habiturum, eaque planè inulta & impunita prætermitturum; Id verò nullo modo stare potest si vera sunt quæ docent Adversarii: Certè si punnit Deus peccata, imputat; si vindicat, recordatur; si ad judicium vocat, recta non habet; si examinat, post tergum non projicit; si inspicit, non obliteravit instar nebulae; si ventilat, non projicit in profundum maris. Nam cum is qui pec-

catum punit, in animo & memoria præsens semper habeat; Sanè non potest dici peccati non amplius recordari & ejus memoriam procul abjecisse, qui pœnas pro eo adhuc exposcit; Unde Propheta Deum recordari dicunt peccatorum cùm illa ulciscitur, ut non semel apud Oseam legitur c. vii. 1. 13. & ix. 9. & apud Hierem. xiv. 11. quomodo Latini in scelus animadvertere dicunt eum qui id punit, & apud Græcos ἀμυνῆσαι nomen invaluit ad plenam reconciliationem designandam. Atque huc faciunt Augustini verba in Ps. 31. *Si tetrix peccata, noluit advertere, si noluit advertere, noluit animadvertere: si noluit animadvertere, noluit punire, noluit agnoscere, maluit ignoscere* &c. Reponit Bellar. li. 4. de Pœn. c. 15. *allatas phrasas hoc tantum significare, Deum projicere, delere, non videre, & non imputare peccata eorum, quibus amicitiam suam & gratiam restituit, quia quod attinet ad reatum culpa & pena aeterna ita illos respicit ac si nunquam peccassent, licet ob eorum utilitatem, aliis-que justis de causis aut eos ipse temporaliter castiget, aut ut ipsi se castigem velit.* Sed hæc omnia gratis dicuntur, probandum quippe fuit non supponendum nihil aliud istis phrasibus significari; Nos enim aliud planè statuimus, & argumento invicto demonstramus pœnæ omnis non minus ac culpæ remissionem innui, quia cujus peccati aliqua pœna exigitur, id dici nequit *projectum post tergum, vel nebula iussit deletum, vel tectum & non imputatum.* Quis judicem dixerit fontis crimen tetrixisse, obliterasse, & non imputasse, qui extremo quidem supplicio eum non affecerit, Cæterum variis & gravissimis pœnis mulctet & afficiat? Quod verò docent Deum ob utilitatem hominum eos castigare temporaliter; Non huc pertinet, quia non agitur de castigationibus & probationibus fidelium quas faciliè admittimus, sed de pœnis judicialibus quas posita Dei remissione locum habere non posse credimus.

XXIX. vi. Pugnat cum Praxi Christi, multis enim peccata remississe legitur in diebus carnis suæ, sed nulli unquam post remissionem culpam pœnas satisfactorias inflixisse. Luc. vii. 48. mulieri peccatrici dicit quidem *peccata tua tibi remissa sunt, fides tua te servavit, vade in pace.* At nullam ei imposuisse dicitur satisfactionem. Imò contrarium innuitur, quo modo enim juberet eam abire in pace, si debuit adhuc pœnas varias à Justitia Dei ultrice ad satisfactionem ferre? Sic Matt. ix. 5. refertur Christum paralytico simpliciter dixisse *dimittuntur tibi peccata tua*, sed nullam satisfactionis mentionem facit; Ita Jo. v. 14. ægrum sanatum compellans Christus *Ecce sanatus es, inquit, ne pecca amplius, ne quid pejus tibi accidat*, hortatur quidem ad resipiscentiam, ut is finis esse solet beneficiorum Dei non minus ac castigationum Ps. lxxxv. 6. & cxxx. 4. sed nullam illi infligit pœnam; Idem in Publicano observare est qui dicitur descendisse justificatus domum suam: At si vera est sententia Adversariorum, dimissâ culpâ omni debuit ferre aliquam pœnam. De Petro etiam dubium non est, quin trinæ abnegationis peccatum illi remissum sit, nulla tamen ejus legitur satisfactio: Jubetur quidem oves Christi pascere, & fratres suos confirmare: Sed nemo dixerit hæc ad opera pœnalia esse referenda;

Unde *Ambros.* in 22. *Lucæ* rectè *Petri lachrymas lego, satisfactionem non lego.* Cum ergo constet Christum iis quibus peccata remisit nullas tamen pœnas inflixisse, frustra volunt remissa culpa superesse tamen fidelibus aliquam pœnam luendam; Hæc enim exempla divinæ in pœnitentes misericordiæ non alium in finem videntur nobis in Scripturis proposita, quàm ut peccatores intelligant, quæ qualisque sibi à Domino expectanda sit peccatorum remissio.

XXX. v11. Pugnat cum ratione peccati quod sæpe per debitum exprimitur ut Deus Creditoris nomine indigitatur, Peccatores Debitorum, & condonatio peccati, debiti remissione innuitur; Nam si certum est tunc demum dici remissum debitum quando creditor nihil amplius vult ex eo reposcere, nec debitor tenetur solvere; fatendum etiam est tum verè peccatum posse dici condonatum, quando omnis ejus non tantum culpa sed & pœna sublata est, ita ut nihil amplius peccator divinæ justitiæ pendere teneatur: Nam si pœna quædam superesset ferenda; perperam & falsò diceretur condonatum; quemadmodum is ludibrium deberet qui diceret debitum esse remissum cujus tamen solutio vel totalis vel partialis exigitur. Et hoc ipsum confirmatur ex eo quod Deus velit nos condonare proximis offensas quemadmodum nostra nobis peccata condonat *Eph. IV. 32. Esote invicem benigni, misericordes, condonantes invicem, sicut Deus in Christo condonavit vobis.* Et in oratione Dominica jubet orare Deum ut dimittat nobis debita nostra, sicut dimittimus debitoribus nostris *Matth. VI. 12.* Jam si Deus condonare dicitur peccatum ratione culpæ, sed non ratione omnis pœnæ, sequetur & nos posse dici offensas fratribus remittere quando illis culpam donamus, licet pœnam vel totam vel ex parte exigamus: Quod cum sit & à præcepto Christi, & à fraterna charitate alienissimum, quæ totalem & culpæ & pœnæ remissionem postulat, sequitur Deum etiam cum remittit utramque respicere, & eò magis quòd Deus infinitis clementior sit homine.

XXXI. v111. Pugnat cum ratione pœnæ. Nam si pœna non alium in finem infligitur nisi ut puniatur culpa; Non poterit culpa remitti nisi ipsa pœna tollatur; nam dempta culpa per integram remissionem nihil amplius superest pro quo satisfaciendum sit: Quippe non sit satisfactio pro pœna, sed pœna satisficit pro culpa; Unde Christus non aliter satisfecit pro nostra culpa, quàm ferendo pœnam quæ illi debebatur; Et ob id pœnam nostram in se recepit, ut nos à reatu culpæ & à pœnâ propter illam debita eximeret. Si ergo omnem culpam abolevit ut fatentur Adversarii, Quidni etiam omnem pœnam abstulit quando ideo tulit in se ut à nobis auferret? Frustra Ergo remissionem culpæ dari pertendunt cum retentione pœnæ, cum remittere culpam nihil aliud sit quam eam nolle punire ut agnoscit *Scorus* in 4. *Dist. Disti. 22. q. 1.* unde *Augustin. sermo. 141. de Tempore, Christus Communicando nobiscum sine culpa pœnam, & culpam solvis & pœnam.*

XXXII. Denique repugnat etiam Veteribus qui culpam à pœna divelli non

non posse non semel testantur, Tertull. de Bapt. c. 9. Exemplo scilicet reatu eximitur & pœna. Chrysosto. homi. 8. ad Rom. ἡμῶν χάρις συγχώρησις, ἡμῶν δὲ συγχώρησις ἡ δέμας κόλασις ubi gratia ibi venia, ubi venia ibi nulla punitio. Et ad Colof. homi. 6. πάντες ἡμεῖς ὅφ' ἁμαρτίαν καὶ κόλασιν. αὐτὸς κολαθεὶς ἡμῶν τὴν ἁμαρτίαν καὶ τὴν κόλασιν, Erasmus omnes obnoxii peccato & pœna, ipse punitus solvit & peccatum & pœnam. Hiero. in Ps. 31. Quod tegitur, non videtur, quod non videtur, non imputatur, quod non imputatur nec punitur. Augusti. de verbis Domi. Serm. 37. suscipiendo pœnam & non suscipiendo culpam, & culpam delevit & pœnam. Quod pertinet titulum Scholasticorum & Canonistarum distichum

Larga Dei bonitas veniam non dimidiabit

Aut nihil, aut totum te lachrymante dabit.

XXXIII. Dices, Sed si Rex fonti crimen remittit ea lege ut parti offensæ satisfaciatur, Quidni Deus potuit culpam remittere ea lege ut satisfactio quædam illi datur pro pœna temporali? Resp. Sed hîc conferuntur dissimilia; Nam Rex quidem potest crimen remittere fonti ea lege ut parti offensæ satisfaciatur, quia Rex & persona offensa sunt duæ personæ diversæ, & si condonat id facit semper *salvo jure Tertii*, de quo non potest dispensare. At hîc Judex & persona offensa coincidunt, Deus quippe utriusque *ἀντι* sustinet, unde si crimen semel remisit totum, non potest amplius satisfactionem ullam pro eo exigere, nisi statuamus vel remissionem peccati non fuisse plenam, vel Deum duplicem pro uno debito solutionem postulare, quod utrumque nec sine crimine cogitari, nec dici absque blasphemia potest.

XXXIV. Insta. Sed si ubi omnis abest venia, ibi omnis quoque debita abest & abesse debet pœna, qui sit ut Magistratus in fures, adulteros, homicidas severè animadvertat, licet ex eorum pœnitentia judicari possit & debeat ex canone charitatis illos in gratiam rediisse cum Deo, & suis illis peccata esse remissa. Resp. Sed hîc confunduntur quæ sunt distinguenda *forum soli & poli*, *Judicium humanum & Divinum*. Non negamus magistratum terrenum plectere facinorosos etiam pœnitentes, quia non respicit pœnitentiam, sed exemplum, & satisfactionem iustitiæ, ut majestas legum facta rectaque conservetur; Sed aliter se res habet in iudicio divino, in quo pœnitentiâ semel positâ datur remissio peccati, non virtute pœnitentiæ, sed meriti Christi qui pro pœnitentibus satisfecit. Hinc licet verum sit dimissa culpa in Deum tolli etiam pœnam divinam, & remissa culpa in hominem tolli pœnam humanam; non sequitur tamen remissa culpâ in Deum, tolli etiam pœnam humanam, ut remissa culpa in hominem non tollitur statim pœna divina; quia sunt in diverso foro & ordine; Poterunt ergo plecti sine iniustitia in foro humano, quibus Deus gratiam fecit in foro divino, nec tamen inde confici potest, remissa culpa superesse pœnam luendam.

XXXV. Ejusdem commatis est quod reponunt Tertio Quod si post culpam dimissam, nihil restat amplius pro quo Deo satisfiat; frustra preces, jejunia,

eleemosynæ & alia ejusmodi pietatis officia fidelibus præscriberentur ab Ecclesia & in Scriptura recenserentur. Nam licet nec preces nec jejunia nec alia istiusmodi pietatis exercitia possint esse satisfactiones pro peccatis, quia nihil habent quo compensatio fiat justitiæ divinæ, nec in pœnam imponuntur, sed in salutem: Non sequitur tamen frustanea esse, suos quippe usus eximios habent si non ad justificationem consequendam quod unus Christus nobis potuit obtinere, saltem ad sanctificationem promovendam, & gratitudinem Deo pro beneficiis acceptis testandam. Ita si Deus ad eorum præsentiam fidelibus gratiam peccatorum dicitur facere, vel pœnas relaxare aut auferre; non sunt *Cause* propter quas id faciat Deus, sed *conditiones* cum quibus id exequitur juxta promissâ suâ, nec notant *quare*, sed *qualibus* hoc beneficium indulgere constituerit Deus.

XXXVI. Sic ex plena peccatorum remissione colligitur Satisfactionis Perfectio. Eadem etiam demonstratur clarissimè ex *tertio Satisfactionis effectu* scilicet *Consummatione fidelium*: Nam si Christus satisfactione suâ consummavit fideles in æternum, non potest non esse perfecta ejus satisfactio, quæ istius consummationis causa est & fundamentum. *Unica oblatione* inquit Ap. *πλεῖσιν* consummavit in perpetuum eos qui sanctificantur Heb. x. 14. Ubi voce à sacris petita notat antithesim ad Sacerdotes Leviticos, qui easdem sæpius offerendo victimas non potuerunt tamen auferre peccata, & viam fidelibus ad cœlum & salutem patefacere, quæ eorum est perfectio & consummatio; *Lex* enim ut alibi notat cap. vii. 19. *nihil ἐπλεῖσεν* perfecit & consummavit, quia ut infirma fuit in carne Rom. vii. 3. nihil habuit quo vel peccati reatum expiaret, vel maculam deleteret, atque ita cœlum nobis aperiret, quæ tria ad perfectionem fidelium constituendam requiruntur, priora duo *perfectiōnem gratia* constituunt, quæ justificatione & sanctificatione constat, postremum *perfectiōnem gloria* quæ in cœli ingressu & beatifica Dei visione posita est. Unde *Spiritus πλεῖσιν* dicuntur beati Hebr. xii. 23. At Christus unicam sui ipsius hostiam offerens consummavit in perpetuum sanctificandos; ita ut nulla amplius opus sit alia hostia, quia perfectissimo merito suo & efficacia acquisivit nobis & confert omnia ad salutem necessariâ, reconciliationem cum Deo, remissionem peccatorum, purgationem conscientiarum, & redemptionem æternam. Unde in ipso habemus unde plenè justificemur & sanctificemur, & ad perfectam salutis possessionem adducamur, Heb. xi. 2. Quorsum autem hæc omnia dicerentur, si perfecta non fuit ejus Satisfactio, & si merita & satisfactiones nostræ illi sunt adjungendæ ut perficiantur & consummentur fideles? Sanè non poterat dicere Paulus unica ista oblatione consummari fideles, si multa alia adhuc à parte nostra requirebantur ad plenam redemptionem consequendam.

XXXVII. Nec aliud vult Apostolus in vexatissimo loco ad Heb. xi. 39. 40. ubi dicit *Patres non obtinuisse promissionem, Quoniam Deus de nobis χρεῖσθόν τι μέλλουσιν* quid providerat, *ἵνα μὴ χάρις ἡμῶν πλεῖσθῇ* ne sine nobis consummarentur.

Nam

Nam siue πληρωσι istam intelligamus de consummatione gratiæ quæ hic obtinetur, siue de consummatione gloriæ quæ in cælis demum expectanda venit; siue quod satius videtur de utraque, certum est Patres V.T. non *sine nobis* fuisse consummatos, quia non alio medio, & merito, non alio sanguine, aliove spiritu hoc assecuti sunt quàm Christi Redemptoris cujus ἐσαρκωσιν & exhibitionem nostris reservare voluit temporibus, & sic *melius* quid pro nobis prospicere, ut constaret, non diversa via Judæos & gentes ad salutem pervenire, (quod videretur factum si sub V.T. & sine nobis consummati fuissent.) Sed utroque ab eodem fonte salutem haurire, ab eadem Mediatoris satisfactione & gratia, qui Idem fuit heri hodie & in secula Heb.xiii.8. hoc beneficium consequi. Quid ergo, inquires, An non Patres jam sub V.T. vivi & iustificati & sanctificati fuere, & post mortem felicitatem adepti? Omnino, Absit enim ut cum Socinianis & aliis à regni cælorum promissione eos exclusos putemus: Sed ita tamen salvati sunt ut ab eo qui nostris demum temporibus exhibendus fuit, Christo salus ipsorum semper penderet; quia virtute futuræ satisfactionis Christi & remissionem peccatorum & vitam obtinuerunt. Non ergo χωρὶς ἡμῶν id. *seorsim* & separati à nobis hoc quicquid est beneficii habuerunt; Non quod aliquid ad ipsius consecutionem contulcrimus; Sed quia non alio sacrificio quàm quo & nos consecrati sunt, non alio sanguine purgati, non alio cibo nutriti, Cor.x.4. non alio Capite animati. Ut nunc non dicamus, quod tamen huc non incommodè potest trahi, pleniorē longè datam fuisse istius mysterii in Ecclesia cognitionem per Christi manifestationem, Sole hoc justitiæ radios suos nunc undiquaque diffundente, & umbras legales non minus ac tenebras Paganas dispellente: Unde nostra longè potior dicitur esse conditio quia videmus & audimus ea quæ Reges & Prophetæ optarunt videre & audire, nec potuerunt tamen Luc.x.24. Imò ipsis Angelis dicitur nunc manifestata facta in Ecclesia πλουσι/κιλ. Dei sapientia Eph.iii.10. Quidni ergo dixerimus per exhibitionem Christi & Redemptionis consummationem majori luce quàm antea imbutos, & majori etiam gaudio perfusos fuisse Patres, donec omnes ultimo die resurgentes cœlestem gloriam & in corporibus & in animabus, quæ absoluta erit consummatio, una per eundem Christum ἀρχὴν καὶ τέλος τῆς πίστεως consequamur? Ita Promisso quàm Patres dicuntur non obtinuisse, nihil aliud est quàm ipsius Christi manifestatio, quæ καὶ ἐσχάτη ἐπαγγελία dicitur, quia omnium aliarum causa est & fundamentum, per quem consummatio ista fidelium debuit perfici.

XXXVIII. Eodem respicit verbum τετελεισται Consummatum est quod Christus jamjam moriturus in cruce protulit Joh. xix. 18. 20. Quamvis enim possit vox ista referri 1. Ad impletionem Vaticiniorum quæ de Christi passionibus & morte edita fuerant Luc.xviii.30. & xxii.37. Joh.xix.28. 2. Ad impletionem typorum qui in ipso moriente complementum suum sunt sortiti, ut qui de Agno paschali, de Serpente æneo, de Victimis vel quotidianis vel annuis dicta fuerant. 3.

Ad

Ad consummationem decreti divini & mandati paterni, quia quicquid de eo Pater decreverat & illi in mandatis dederat ad opus salutis exequendum jam perfecerat, vel brevi perfecturus erat; prætenitum enim hic ponitur pro paulo post futuro ut Mat. xxvi. 28. *sanguis qui effunditur id. qui jamjam effundendus est ut sæpe alibi.*

4. Ad Consummationem omnium passionum & cruciatuum, qui pro peccatis nostris tolerandi ipsi erant, unde August. Tracta. 11. in Joh. *Consummatum est quia nihil remanserat, quod antequam moreretur fieri adhuc oporteret.* Quamvis enim hæc & alia id genus hac voce significari non negemus; Non dubitamus tamen Christum præcipuè respexisse ad consummationem redemptionis, ut innuat se peregrisse opus illud quod Pater illi commiserat, ut nihil amplius faciendum superfit quod attinet ad satisfactionem justitiæ divinæ & acquisitionem salutis quod Christus Jo. xvii. 4. jam testatus erat, *Ego te glorificavi in terra, opus τετελειώκα consummavi quod mihi dedisti ut facerem.* Quia licet postremus actus istius operis implendus adhuc superesset Mors scil. quæ ut corona fuit & complementum ejus obedientiæ; ita absolvere debuit hanc Redemptionem: Tamen cætera omnia quæ antea præstanda erant, præstita jam fuerant, & hoc postremum certissimè & brevi erat perficiendum: Sic Scriptura sæpè solet de rebus certò futuris loqui verbis præteriti temporis, ut certitudo & brevitatis futuritionis & eventus melius constet. Sic Christus Jo. xvii. 11. dicit *se non amplius esse in mundo quia brevi ex eo erat exiturus.* Ex quibus omnibus, ne plura jam addamus argumenta ad veritatis istius confirmationem; Colligimus Christum quandoquidem opus sibi commissum plenè consummavit, conscientias purgando, peccata remittendo, & fideles perficiendo, nihil amplius à Nobis requiri; Atque adeo perfectam & sufficientissimam fuisse ejus Satisfactionem, quod demonstrandum fuit.

C O R O L L A R I A.

- I. An peccata benè distinguantur ex se in mortalia & venialia? Neg. contra Pontificios.
- II. An mors temporalis sit pœna peccati? Aff. contra Socinianos.
- III. An fides vel justitia inhærens rectè dicatur causa meritoria nostra Justificationis? Neg. contra Pontificios & Remonstrantes.
- IV. An objectum Prædestinationis sit homo lapsus? Aff.
- V. An Patres V. T. caruerint cognitione Trinitatis & Christi? Neg.
- VI. An Sacramenta sint causa physica gratiæ, qua agant ex opere operato? Neg. contra Pontificios.

DISPUTATIO DUODECIMA

Quæ Secunda est

D E

SATISFACTIONIS
CHRISTI PERFECTIONE.

T H E S I S P R I M A.



S E R T A Disputatione præcedenti *κατασκευαστικῶς* Satisfactionis Christi Perfectione: Expendenda nunc sunt Adversariorum argumenta, quibus si non directè & *ὁμῶς καὶ φανῆς*; at ex obliquo & indirectè, eam vel convellere vel labefactare conantur. Quia verò pugnare solent diversimodè tum ex *Scripturis*, tum ex *Ratione* ut commentum suum stabiliant & hypothesi suæ serviant, distinctè etiam respondendum est; Non quidem ut sigillatim ea omnia persequamur quæ ab ipsis afferri solent ad erroris sui confirmationem: Sed ut ea tantùm expendamus quæ majorem videntur habere veri speciem, quæque sæpius ab ipsis solent obijci.

II. Et ut à Scriptura primùm ordiamur; Palmarius quo subinde uti solent locus extat, ad Col. 1. 24. ubi Paulus imperfectionem Satisfactionis Christi, & necessitatem Satisfactionum humanarum apertè videtur asserere; *Gaudeo, inquit, de iis quæ patior pro vobis, & reliquias afflictionum Christi adimpleo in carne mea pro corpore ejus quod est Ecclesia*, in quibus verbis varia, ut ipsis quidem videtur, latent argumenta pro sententia sua. 1. Quod Paulus vocat passionem suam *ὁστέρημα τῶν θλίψεων ἃς ἔσσω* reliquias passionum Christi, satis innuit esse aliquid quod supplendum est passionibus Christi: Nam si plenæ erant & absolutæ omnibus numeris, frustra & perperam reliquæ illis tribuerentur. 2. Quia non tantùm dicit esse reliquias passionum Christi; sed *se vicissim eas implere pro parte sua* *ἀντὶ τῆς πληρῶς* inquit: At si plenæ fuerunt, quid opus foret eas denuo implere? 3. Quia dicit *se pati pro ipsis & pro corpore Christi quod est Ecclesia*, quod dici non posset, nisi Satisfactionis locum habituræ fuissent ejus passionem: Hinc Cajetanus Tracta. de Indulg. q. 3. Quod fuerit sanctorum intentio pati pro nobis, testatur Apostolus dicendo, *Adimpleo ea quæ desunt passionum Christi*

T t

pro.

pro corpore ejus quod est Ecclesia, ubi manifestè patet divinam providentiam disposuisse, ut aliqua sanctorum passionibus spectarent ad complementum passionum Christi pro corpore ejus, & hanc ordinationem sanctos adimplere suis passionibus superabundantibus. Nec aliter Bellar. lib. 1. de Indulg. cap. 3. optavit apostolus fidelibus prodesse omnibus modis quibus id fieri poterat, nihil enim excipit, qui dicit libentissime impendat pro animabus vestris 2. Cor. xii. potuit autem prodesse communicando passionibus suis ad expiandum reatum temporalem, cum sibi ejusmodi satisfactiones abundarent. Quare patiundo adimplebat ea quæ deerant passionum Christi, id est, quæ Christus in sanctis suis adhuc passurus erat pro corpore ipso Ecclesia, sive instruendo prædicationibus, sive confirmando exemplis, sive expiando satisfactionibus.

III. Sed quam parum faveat errori iste locus proclive est ostendere, si ad sequentia attendimus. Primò ut sciamus quid Christi nomine intelligendum veniat: Secundò quid per reliquias passionum ejus innudatur. Tertiò quo sensu pati se dicat Paulus pro Ecclesia: Et ad prius quidem quod attinet; Certum est Christi nomine non semper personam ipsam designari seu Christum naturalem; sed sæpe etiam ejus Ecclesiam seu Christum mysticum Corpus scilicet cum membris 1. Cor. xii. 12. sicut corpus unum est & membra habet multa, ita Christus. Ubi clarum est Christum hinc non Caput tantum innuere, sed & Corpus seu Ecclesiam huic Capiti unitam. Ita cum Christus cœlitus clamat Act. ix. 4. Saul Saul cur me persequeris? proprie personam suam non respiciebat, quæ in cœlum recepta extra telorum omnium jactum erat constituta; nec ullis amplius ærumnis aut persecutionibus erat obnoxia; sed Ecclesiam ipsam, quæ quia unum secum corpus constituit, idè rectè nomine Christi ipsius à potiori facta denominatione insignitur. Hinc passionibus Christi vel notant passionibus Christi naturalis, quas ipse in corpore suo semel in cruce tulit; vel passionibus Christi mystici seu Ecclesiæ, quæ ipsi ferendæ à Deo subinde imponuntur. Ita quas hic Apost. vocat *χρεῖσά ἡμῶν*, alibi *χρεῖσά ἡμῶν* appellat 2. Cor. i. 7. sicut abundant passionibus Christi in nobis, ita & per Christum abundat nostra consolatio: Hoc sensu calamitas Israëlitarum in Ægypto, & abjectissima eorum fors, quam Moses Ægyptiacæ aulæ splendori atque opulentiæ prætulit, Apost. vocat *χρεῖσά ὀνείδισμῶν* Heb. xi. 26. majores, inquit, divitias æstimans thesaurus Ægyptiorum, opprobrium Christi.

IV. Si porro quærat quare passionibus istæ vocentur passionibus Christi, quadruplex affertur potest ratio 1. ratione cause, quia Christus ut supremus Agonotheta nobis eas imponit, quò pertinent illa Christi ad Ananiam Act. ix. 16. Ego ostendam illi quanta ipsi patienda sint pro nomine meo. Unde Petrus dicit fideles ad id vocatos esse 1. cap. ii. 21. & Paulus Phil. i. 29. Vobis datum est non modo credere in ipsum, sed & pati pro ipso. 2. Ratione occasionis, quia ejus nomine & pro ejus Evangelio à fidelibus perferuntur, nisi enim discipuli Christi essent, hisce calamitatibus nequaquam exponerentur: hinc afflictiones suas Paulus 2. Tim. i. 8. vocat afflictiones Evangelii id. quæ Evangelii causa & propter Evangelium imponuntur.

nuntur, ut *vl. 12.* dicit se propter Apostolatum hæc omnia pati. 3. Ratione *unionis*, quia qui eas perpetiuntur fideles, Christi, cuius sunt, membra censentur; adeò ut quæ ipsi in hac causa ferunt, ille quoque ferre & perpeti dicatur propter mysticam capitis & membrorum communionem; ut usitatum est, ut unusquisque sibi tribuat eas passionibus quæ inferuntur cuilibet parti corporis sui; ut manus vel pedis vulnera rectè dicuntur vulnera ipsius hominis; Ita quia qui patiuntur membra Christi sunt, rectè Christus ipse dicitur pati in membris. 4. Ratione *compassionis* propter maximam *συμπάθειαν* quam habet in afflictionibus suorum quæ ex prædicta unione oritur; Quippe ut damna & vulnera eorum qui nobis sunt conjunctissimi nostra appellamus, quia æquè illorum miseriis afficimur ac nostris: Ita Christus passionibus fratrum suorum qui sunt una caro cum ipso suas reputat; quia non minus illis tangitur, quàm propriis: Has porro *passiones Christi* isti intelligi posse diu est ex quo August. observavit in *Pl. 61.* *Passiones Christi non in solo Christo, imo passiones Christi non nisi in Christo*, si enim Christum intelligas Caput & Corpus, passiones Christi non nisi in Christo. Si autem Christum intelligas solum caput, passiones Christi non in solo Christo. & ex eo Ansel. Patitur adhuc Christus passiones, non in carne sua in qua ascendit in cælum, sed in mea quæ adhuc laborat in terra. Ita Lyran. in *h. 1.* *Passiones Christi dupliciter accipiamur, uno modo pro illis quas sustinuit in proprio corpore, & sic nihil ibi restat ad implendum: Alio modo pro illis quas in finem usque seculi patietur in corpore mystico; & sic restant multarum passionum reliquæ adimplenda.* Atque huc pertinet duplex Christi *amor* vel ut *Vadæ* & *Sponsoris* qui pro nobis satisfacit, vel ut *Capitis* quod in nobis debet operari, ut nos sibi similes reddat: Priori sensu *passiones Christi sunt satisfactoriæ*, & illi soli exclusis aliis competunt. Sed posteriori sunt *exemplares* & ad imitationem proponuntur.

V. 11. Observandum eam esse debere inter Corpus Christi naturale & mysticum, Caput & membra, harmoniam & conformitatem, ut quod impletum est in illo debeat in istis servatà tamen proportionem impleri, propterea enim *prædestinati* dicimur à Paulo ut *simus conformes imagini ejus Rom. vii. 20.* & idem 2. Cor. *iii. 18.* testatur nos *contemplantés in speculo facie resecta gloriam Domini transformari in eandem imaginem de gloria in gloriam velut à Spiritu Domini.* Hinc toties ad imitationem Christi excitamur Eph. *v. 2.* Phil. *ii. 5. 6.* 1. Pet. *ii. 22. 23.* Porro ut ista conformitas in cælis futura est in gloria & felicitate 1. Joh. *iii. 2.* Phil. *iii. 21.* Col. *iii. 4.* Ita in terris inchoanda est per gratiam, partim in sanctitate, partim in cruce. Rom. *viii. 18.* Quenadmodum enim Christus dum in terris versatus est insignis fuit potissimum tum *sanctitate* quâ purus & ab omni peccati labe immunis fuit verè sanctus Domini, tum *calamitate* tanquam vir dolorum *Is. l. 4.* qui omnigenis ærumnis & passionibus sese subjecit usque ad exinanitionem Phil. *ii. 6. 7.* Ita Ecclesiam suam in hisce duobus assimilari & conformem reddi voluit; Primò in *sanctitate*, unde jubemur sancti esse sicut ille sanctus est, 1. Pet. *i. 15.* & purificare nos ut ille purus est 1. Joh. *iii. 3.* Secundò in *passionibus*

& cruce, quo sensu dicitur reliquisse nobis exemplar ut sequamur ejus vestigia 1. Pet. 11.22. *Et communicare dicuntur fideles passionibus Christi*, quando ad ejus instar & exemplar patiuntur cap. 1 v. 13. Ut ergo Christus pro parte sua varias habuit passiones perferendas ad opus Redemptionis perficiendum: Ita Christus mysticus seu Ecclesia & singuli fideles habent quisque pro parte sua certum demensum passionum quod à Deo illis assignatur ad exemplum capitis, singuli debent ex isto calice bibere, singuli crucem post Christum debent suam gestare; Donec ergo fideles ea subierint certamina, & ærumnas tulerint quæ illis à Deo sunt impositæ, superest semper aliquid implendum in passionibus Christi; non quidem Christi naturalis, quia ejus satisfactio fuit perfecta & omnibus numeris absoluta in cruce, quod ipse testatus est cum consummatum esse clamavit; Sed Christi mystici id. Corporis ipsius, cujus passiones cum non ante finem seculi consummatum iri certum sit, quotidie debent impleri in singulorum fidelium calamitatibus.

V I. Atque huc pertinent verba Petri 1. cap. v. 9. quæ apprimè faciunt ad rem nostram; Cum ait *easdem passiones* quæ imponebantur fidelibus dispersis ad quos scribit *impleri in societate fratrum qui erant per totum orbem*, quæ manifestè evincunt Deum æterno suo consilio decrevisse non modò quas passiones Christus ipse in carne sua subiret pro Redemptione Ecclesiæ; sed etiam quas singula Ecclesiæ suæ membra essent subitura pro nomine Christi; Dum ergo suo tempore & gradu ista executioni mandantur, rectè impleri dicuntur in *societate fratrum* id. in corpore Christi, istæ passiones. Nec aliud sibi vult Paulus hoc loco, cum dicit *se implere reliquias passionum Christi*, quàm se partem etiam crucis Christi quæ ipsi ad ferendum erat imposita alacriter gestare. Interim licet utrobique & à Christo à nobis passiones sint ferendæ, memorabile tamen inter utrasque discrimen est agnoscendum; Nam Christi passiones gravissimæ fuerunt & nullâ suavitate temperatæ, quia totam Dei maledictionem nobis debitam ferre debuit, & ad faeces usque calicem istum ebibere; At nostræ sublatâ jam per Christum Dei maledictione, temperatæ sunt & leves Christi gratiâ, ut gustandus quidem sit ipse calix, sed non ebibendus; & ferenda sint mala, sed benedicta cum Christo: illas prior ferre debuit Christus ad redemptionem nostram, unde non malè *σφετέρηματι* eas dixeris: sed istas post ipsum subire debemus ad sanctificationem, ideo bene *στέρηματι* eas Paulus vocat. Nec omittenda est vis phrasæ Apostolicæ cum non tantum dicit se implere, sed *ἀντιναπαλρῶν*, id. *vicissim implere* quod relationem quandam & correspondentiam notat; Non tantum cum cæteris fidelibus, qui etiam pro parte sua debebant eidem cruci subjici; sed etiam cum ipso Christo, ut passio membri respondeat passioni Capitis; nimirum ut Christus pro Pauli salutem summos in cruce dolores, ipsamque legis maledictionem pertulerat; ita Paulus vicissim pro Christi gloria & Euangelio grave certamen sustinere debebat; in quo utriusque fuerunt quædam suæ veluti *vices*, licet alio atque alio fine, ut jam jam dicemus.

VII. Tertiò & illud notandum, Afflictiones quæ à Christo imponuntur fidelibus, etsi nec Redemptionis nec Satisfactionis finem ullum habere possint, habere tamen alios plurimos qui non tantum fidelibus ipsis patientibus profunt; sed aliis etiam, imò toti Ecclesiæ, sive ad confirmationem fidei, sive ad exemplum patientiæ, sive ad maiorem Euangelii profectum. Istos enim ex illis fructus oriri Paulus non semel testatur ut Phil. 1. 12. 13. vincula sua ad Euangelii propagationem, & fratrum confirmationem cessisse significat; *scire vos volo fratres quia quæ circa me sunt, magis ad profectum venerunt Euangelii. Ita ut vincula mea manifesta fierent in Christo in omni pratorio, & in cæteris omnibus & plures è fratribus confidentes vinculo meis abundantius audent sine timore verbum Dei loqui.* Fuerunt ergo passionibus ejus utilissimæ, non quidem ad satisfactionem, sed ad confirmationem, & constanti exemplum; Idem alibi 2. Cor. 1. 6. 7. *sive premimur, inquit, id fit pro vestra consolatione & salute, quæ efficitur in tolerantia earundem perpassionum quibus & nos afficimur, sive consolationem accipimus id fit pro vestra consolatione & salute &c.* Quibus constat ex mente Pauli perpassiones suas eo fidelibus prodesse, non ut ipsi à similibus pœnis eximantur, (qui satisfactionis est finis) sed planè contra ut ad simile certamen sustinendum ex patientiæ suæ exemplo fortius animentur. Eodem planè pacto dicit hic *se pati pro ipsis & pro corpore Christi quod est Ecclesia* non redimenda, sed ædificanda, non liberanda à pœnis, sed confirmanda in fide, non ad satisfactionem, sed ad imitationem. Fuerint ergo magno usus fidelibus passionibus ejus, ingens ex iis ad Ecclesiam fructus redundaverit, non negamus. Negamus tantum quòd Adversarii pertendunt fuisse peccatorum nostrorum ἰλασμενόν & satisfactionem pro pœnis quas peccata eorum merebantur; Nec juvat Bellarminum quod ait Paulum optasse istis afflictionibus prodesse fidelibus quibuscumque poterat modis, id est non tantum instruendo, confirmando, sed etiam expiando: Supponit enim quod est in questione, & petit principium, passionibus scil. Apostoli potuisse esse expiatorias vel satisfactorias quod probandum fuit non supponendum.

VIII. Dices, Paulus tamen dicit se pati ὑπὲρ & αὐτῶν σώματι &c. pro corpore ipsius. Ut autem vox ista respectu Christi & Satisfactionem & substitutionem notat quum dicitur passus pro nobis ut alibi est à nobis ostensum; Quidni & hæc etiam eundem sensum obtineat, cum sancti hac in parte patiantur ad exemplum Christi? Resp. non negamus sæpius hanc esse præpositionis ὑπὲρ vim & sensum, ut inferat & substitutionem personæ & satisfactionem debiti, ut aliquid fieri ὑπὲρ ἑµῶν dicitur, cum sit loco & vice nostra, quo sensu certum est tribui Christo dum dicitur mori pro impiis Rom. v. 6. & pro ovibus Joh. x. &c. Sed hanc unam non esse istius voculæ significationem pertendimus; Imò nec sine gravi absurditate locum hic habere posse censemus, quia ut nemo pro se satisfacere, ita nec pro aliis potest: Quid ergo? ut alibi propositio hæc duplicem sensum obtinet; vel occasionis quæ aliquid fit, ut cum fideles dicuntur pati ὑπὲρ χριστοῦ pro Christo vel ὑπὲρ & ὀνόματι &c. αὐτοῦ pro nomine ejus Phil. 1. 39. 2. Cor. xii. 10. id. non ad

satisfaciendum pro ipso, Absit, sed occasione ejus; Vel *Cause finalis* & impulsus, ob quam res fit ut cum Paulus dicit se premi *pro consolatione* fidelium 2. Cor. 1. 6. Ita hic rectè dicitur *patri pro Ecclesia* gemino hoc significatu: Tum quia Ecclesia fuit istarum passionum occasio, quippe dum illi ministrare studet in carcerem conjicitur; Tum quia Ecclesie ædificatio & confirmatio finis fuit ad quem respiciebant; Hanc porro mentem esse Apostoli verba sequentia clarè docent, cum ait se Ecclesie *factum ministerium*, non ad redemptionem, sed secundum *dispensationem* qua illi commissa erat ad *predicandum Christi Evangelium*. Debit ergo esse minister Ecclesie, non Mediator aut Redemptor, ut innuat se non loqui de passionibus satisfactoriis, sed ædicatoriis.

IX. Sic August. intellexit Tractat. 47. in Joh. Quia, inquit, oves Christi estis, sanguine ejus comparati: Agnoscite pretium vestrum quod à me non datur, sed per me predicatur: Deinde subjicit quomodo ipse animam suam posuit, sic & vos deleamus animam pro fratribus ponere ad ædificandam plebem, ad fidem asserendam. Hoc ipsum non pauci nec ignobiles ex Adversariis agnoverunt. Thomas in h. l. Hec verba secundum superficiem malum possunt habere intellectum scil. quod Christi passio non sit sufficiens ad redemptionem, sed addita sint ad complendum passiones sanctorum, sed hoc est hereticum. Et paulo post, sic etiam omnes sancti patiuntur propter Ecclesiam, qua ex eorum exemplo roboretur. Card n. Contarenius in h. l. Non ea ratione hac dicuntur à Paulo quasi passiones Christi non sufficiant ad delenda peccata, & quod illis quidpiam desit quod oporteat in nobis impleri. Absit hoc, sed quoniam debemus nos imitari Christum & pati pro ædificatione Ecclesie sicut Christus passus est. Sic Jesuita Justinianus in h. l. Adimplere se dicit ea qua desunt passionum Christi non quidem ad meritum aut vim satisfaciendi. (quid enim desit infinito) sed vim & efficaciam traducendi mortales ad fidem, idque ut corpus ejus mysticum, quod est Ecclesia, perficiatur. Docendo quippe monendo, hortando, deinceps Evangelium promulgando magni labores tolerandi sunt, pericula subeunda &c. Postea significat ergo se pati pro Ecclesia amplificanda seu propaganda ad ejus fidem confirmandam ac stabiliendam ut ceteros ad sui imitationem provocet. Mitto alios complures qui nobiscum hic faciunt; quia ex his satis superque liquet passiones Pauli fuisse quidem exemplares & confirmatorias, sed non satisfactorias; atque adeo perperam Adversarios hoc uti argumento ad commentum suum stabiliendum.

X. Non solidius illud confirmant ex iis locis in quibus Redemptionis alicujus ab hominibus per bona opera peragenda videtur fieri mentio, quæ etiam hic comportare solent ut Prov. xvi. 4. ubi Sapiens ait misericordia & veritate redimitur iniquitas, & in timore Domini declinatur à malo. Ad quæ Bellar. lib. 4. de Pœnit. cap. 3. Hic, inquit, habemus vocem Redemptionis quæ æquivalet voci satisfactionis, certè enim non minus ad justitiam pertinet Redemptio quam satisfactio; Et si absurdum esset dicere nostris operibus satisfieri pro peccatis, multo esset absurdius dicere nostris operibus redimi peccata, quemadmodum ipsi (nos intelligit) commodius ferunt si dici vole-

mus aliqua ex parte Redemptores quàm satisfactores; cum igitur in Scriptura non aro in loco disertis verbis tradat nostris operibus redimi peccata, proscdò non abhorret ab usu Scriptura quod nos dicimus nostris operibus satisfieri pro peccatis. Cui loco alterum supparem addunt ex Dan. 1v. 27. Ubi Daniel cum Nabucodonozori exposuisset visionem, per quam indicata fuerat pœna quam ille ob scelera sua merebatur, addit statim, *Quamobrem Rex consilium meum placeat tibi, & peccata tua Eleemosynis redime, & iniquitates tuas misericordiis pauperum.* Ad quæ Salmero Constat quod per opera gratiam precedentia culpa non potest redimi. Ergo superest ut de panis quæ etiam remissio debentur delicto intelligatur. Huc etiam referunt varia Prophetarum loca in quibus pollicetur Deus se pœnas temporales condonaturum populo suo, si ex animo se convertat, & opera satisfactoria pro peccatis præstet ut Is. 1. Jer. xvi. 11. Ezech. xvi. 11. & alibi quæ utique dici non possunt, nisi satisfactionibus nostris daretur locus.

XI. Resp. Séd hæc omnia esse *ἀπὸ τοῦ νόμου* non obscure evincitur. Nam ut de loco Proverbiòrum dicamus primò: Quàm nihil faciat ad rem patet ex variis 1. quia mentio quidem fit peccati seu iniquitatis, at non pœna quam solam per satisfactiones humanas expiari volunt. 2. Quia misericordia & veritas de quibus agitur non possunt ad opera pœnalia & molesta in quibus volunt esse sitas satisfactiones suas, referri; nec unquam Scriptura de illis ut de pœnis loquitur, sed ut de virtutibus quæ in sui exercitio magnum fidelibus solatium & gaudium solent afferre; Hinc *Jansenius* duabus istis virtutibus observationem mandatorum divinorum includi censet, Quis verò auditit unquam observationem mandatorum divinorum in pœnis numerari? 3. misericordia & veritas vel de Deo vel de homine intelligi potest; si de Deo quod nonnulli volunt ut notetur, misericordia Dei ut clementissimi Patris, & veritate id. fidelitate ejus remitti iniquitatem, cadit argumentum Adversarii. Si de homine non fortius erit, quia sic notabitur conditio cui datur remissio peccati, non causa propter quam datur, nam ut judicium sine misericordia in immisericordes exerceri debet, ita misericordes misericordiam consequuntur Mat. v. 7. Et qui aliis verè & ex animo peccata condonaverint, iis etiam pater cælestis certò peccata est condonaturus; Non quod misericordia erga alios sit causa misericordiæ Dei erga se, sed quia est tantum conditio quædam necessaria. Atque ita sapiens retundere hîc vult hypocritarum vanam opinionem, qui sacrificiis externis & carnalibus contenti in iis solis peccati sui expiationem quærebant, de cultu interno & morali nequaquam solliciti; At hîc contra vir Dei docet non tam in sacrificiis esse quærendam, quàm in pietatis & charitatis operibus quibus Deus eam passim pollicetur: non quod sint causa veniæ quæ innuat quare illa detur, sed quia sunt subjecti dispositio necessaria quæ docet qualibus concedatur, ac si diceret iram Domini residere, ubi à flagitiis nostris quiescimus. Ita non excluditur *ἀπο τοῦ* quod à Mediatore dari debuit, sed indicatur hominis officium, sine quo tale beneficium sibi polliceri non potest.

XII. 4. Non omittendum est vim verbi כפר quo utitur Sapiens non semper ad *Redemptionem* propriè dictam pertinere, sed sapius ad *Remissionem* & condonationem quam Deus peccatori poenitenti indulget, sic sæpe & Græci Latini reddunt ut apud Is. xxv 11. 4. quod in Hebræo est כפר ה' הוה לכם Græci ita reddunt εἰς ἀφεθῆναι τῶν αὐτῶν ἁμαρτίαν. Latini si dimittetur iniquitas hac vobis. Sic c. xxv 11. 9. כפר ע' ינק' Græci ἀφεθῆναι τῶν Latini dimittetur. Ita planus erit sensus: misericordia & veritate redimi, id. remitti & deleri iniquitatem, quia qui misericordiæ & veritatis studet, ita Deo gratus est ut non possit non peccati remissionem obtinere. 5. ut verbum כפר non tantum ad *remissionem* peccati, sed etiam ad *ablationem* & remotionem moralem rei potest referri ut Is. xxv 11. 28. *Delebitur sædus nostrum cum morte* id. abrogabitur Heb. כפר Græci per ἀφαιρῶν reddunt; commodè potest hic sensus applicari, ut non tam quid per misericordiam & veritatem seu exercitium earum fiat *coram Deo*, quàm quid fiat *in nobis*, scilicet earum virtutum studio fieri ut ex hominum animis & vita auferatur & abstergetur iniquitas: Et hoc optimè respondebit verbis sequentibus quibus additur: *In timore Dei declinari à malo*, quia Timor Dei est frænum potentissimum quo à peccato cohibemur; Ita duabus istis sententiis ut sæpe in hoc libro fieri solet una eademque veritas continebitur, quæ Timoris divini & charitatis studium & fructum commendabit; sed nihil pro satisfactionibus humanis inde exsculpi poterit.

XIII. Alter qui ex Daniele petitur locus, licet hunc subinde urgere soleant minus adhuc habet roboris, & quem ex hac sua hypothese ne exponere quidem commodè possunt, nedum ut ex eo dogma suum probare valeant. 1. Certum est ex eorum sententia satisfactiones fieri tantum à piis & iis qui sunt in Ecclesia, quibus scilicet & culpa & pœna æterna jam condonata est; At hic Rex ut notum Ethnicus fuit idololatra & ab Ecclesia Dei alienus: Quomodo illi verè suadere potuit ut satisfaceret pro pœnis temporalibus, qui pœnis æternis adhuc erat obnoxius? 11. Satisfactionem volunt positam esse in operibus quibusdam pœnialibus & laboriosis; At hic de *Iustitia* agitur, nam quod Græci & V.V. reddunt per *Eleemosynam* in Heb. est צדקה. Quis verò dixerit iustitiam inter peccati pœnas censi posse? 111. volunt per satisfactiones pœnas demum temporales redimi, non culpam, vel pœnam æternam; At nihil tale ex hoc loco colligi potest, in quo non *pœna* cuiusdam temporalis, sed tantum *iniquitatum* & *peccatorum* fit mentio. Ita si quod petunt, peccata eleemosynis tanquam vera satisfactione propriè redimi vult Propheta, sequitur ut non modo pœnam temporalem, sed & æternam, non modo pœnam, sed & ipsam culpam expiari intelligant, nulla enim discriminis ex Prophetæ verbis asserni potest ratio, cum peccatorum tantum meminerit: At hoc non dixerint Adversarij. Et hoc Valsius non potuit diffiteri qui hunc locum negat huc referri debere. Frustra verò Bellar. lib. 4. de Pœni. cap. 8. conatur elabi dicendo, Peccatum sæpe sumi

sumi pro pœna peccati; Nam licet non diffiteamur peccatum nonnunquam pœnam ipsam connotare, nunquam tamen hoc sit sine aliquo ad poenam respectu, ita ut cum redimi dicitur peccatum non possit pœna sola intelligi sine culpa, ut nec culpa sine pœna.

XIV. IV. Tota vis argumenti nititur verbo *Redimendi* quod non extat in textu originali, sed verbum פִּדְיוֹן quod primâ & usitatissimâ significatione nihil aliud est quàm *abrumper*, *abstrahere* & *convellere* quo sensu sumitur Exod. xxxiii. 3. פִּדְיוֹן נֶפֶשׁ חַיִּים *separate id. detrahite in aures aureas* v. v. Tollite LXX. ἀφαιρέσεις sic Gen. xxvii. 40. i. Reg. xix. ii. Inde ducto tropo *liberare* nonnunquam significat, quia qui liberatur ab eo quo implicatus tenebatur quodammodo avellitur: At quocunque modo sumatur nullam satisfactionem importabit. Nam si ad posteriorem referas, notabitur quidem liberatio, sed non liberationis modus per satisfactionem aliquam aut λύτρεσις; Imò nec potest quidem, quia vis vocis infert potius liberationem per potentiam quàm per iustitiam: Præterquam quod ne quidem de peccatis dici potest, quum non peccata, sed peccatores hoc sensu redimantur. At si priori sensu vox intelligatur, quod omnino convenientius ducimus de abruptione peccati & vitæ immutatione, facilia erunt & expedita omnia; Suadebat scil. Daniel Regi impio & superbissimo, qui abjecto omni Dei hominumque timore per immanem avaritiam & crudelitatem dominatus fuerat, ut cursum vitæ antea præ abrumperet, & planè contrariam inerat viam, summâ non tantum iustitiâ, sed etiam benignitate præcedentis tyrannidis labes eluendo; sic impendens exitum forsan aversum iri & Deum hac conversione commotum res in melius conversurum; Quò pertinent verba sequentia *si forte erit prorogatio tranquillitatis tuæ*; quasi diceret, Exercuisti ô Rex violentiam & injustam dominationem, oppressisti humiles, spoliasti pauperes, & per omne genus peccatorum impunè es grassatus: At nunc si vis effugere iram Dei imminentem, debes vitam planè immutare & pro injustis exactionibus, pro violentia & oppressione referre misericordiam & iustitiam, & sic injurias beneficentia rescire, & abrumper e cursum peccatorum tuorum ut melius tibi sit. Sic notabat quidem conversionem & poenitentiam esse unicam evitandi Dei iudicii viam; Sed de satisfactione Dei iustitiæ faciendâ ne cogitavit quidem, tantum abest ut illam hîc commendaret.

XV. Nec aliò respiciunt loca quæ apud Prophetas passim de poenitentia agunt, ut necessaria ad remissionem peccatorum vel pœnarum relaxationem obtinendam. Non negamus enim poenitentiam *conditionem* esse absolutè necessariam ad id ut venia peccatorum obtineatur; Non negamus etiam sæpe per eam fieri ut calamitates imminentes & iudicia Dei vel declinentur vel mitigentur; Negamus tantum esse *pœnam satisfactoriam* aut compensationem quæ fiat iustitiæ divinæ: Quia longè aliud est evitare & declinare pœnas, aliud verò satisfacere, aliud rem obtinere, aliud eam per viam pretii & solutionis consequi; Quippe pœnæ iustius-

modi ex Adversariis non modo graves sunt & molestæ eas ferentibus, sed etiam censentur indebitæ; At hæc quæ à Prophetis præscribuntur poenitentiae exercitia non modo non sunt gravia & dura, sed suavia & jucunda fidelibus qui impensè iis delectantur; Verùm ita sunt debita ut nemo sine crimine ea prætermittere possit aut debeat. Præterquam quod in misericordia throno versantur fideles, ubi nullus datur vel operibus vel passionibus nostris ad satisfactionem locus, sed soli gratiæ & merito Christi: Non verò in Legis foro ubi persona judicatur ex opere, non opus ex persona. Quod si aliquando opera quædam laboriosa cum poenitentia videntur urgeri, Ut jejunia, Cilicium &c. non ideo fit ut pro debitis aliqua apud Deum compensatio interveniat, sed tantum ut per ea veritas & sinceritas poenitentiae cò melius testata fiat.

XVI. 111. Obijciunt Adversarii loca varia in quibus Deus post culpam dimissam dicitur tamen poenas varias fidelibus immisisse 1. 2. Sam. xii. 14. Peccatum condonatur Davidi à Nathane, & tamen mors filioli illi in poenam decernitur, *Quia blasphemari fecisti Dei nomen ab inimicis Domini, ideo puer qui tibi natus est morietur.* 2. Num. xiv. 20. Deus dicitur ignovisse Israëlitis murmurantibus, quibus tamen postea ingressum in terram Canaan interdixit: & in poenam peccati mortem in deserto illis inflixit quod vocatur *ultio Domini* vs. 34. 3. Exod. xxxii. 10. 14. Deus testatur se peccatum idololatriæ ob preces Moysi dimisisse, & tamen propter illud peccatum multa millia Israëlitarum interficiuntur. 4. Moysi & Aaroni peccatum infidelitatis procul dubio remissum est, tamen manet poena luenda post culpam remissam, quia moriuntur in deserto Num. xx. 24. & Deut. xxxii. 30. 51. Ex quibus & aliis similibus locis colligunt fieri posse ut remissa culpa propter Christi Satisfactionem, maneat tamen nobis luenda poena quædam temporalis.

XVII. Sed non difficile est hoc etiam Adversariorum telum repellere: Si modo distinguimus *Pœnas propriè dictas*, à *pœnis analogicè* & improprie ita dictis id est, miseriis & calamitatibus: Non negamus enim varia poenatum genera esse quibus Deus in peccatores animadvertit: Sed inter eas tamen magnum discrimen est constituendum; Quippe licet ab eodem omnes fonte profectæ videantur, peccatores videlicet, cujus reatu, *hæc malorum terris incubuit cohors*, Etli facies externa nihil differat, finis tamen & modus diversissimus est. Nam ut Deus bisariam spectari potest, vel ut *Judex* vel ut *Pater*, ut *Judex* qui agit ex justitia ad vindictam, ut *Pater* qui agit ex amore ad correctionem; Ut *homines* in duplici ordine censi possunt; Vel ut *impii* qui legis maledictioni subunt; Vel ut *fideles* qui recepti sunt in foedus gratiæ; Ita duplex est Dei *judicium*, aliud *legale* vindictæ, aliud *Evangelicum* & paternum castigationis; Et *afflictiones* quæ hominibus immittuntur duorum sunt generum; Aliæ poenis propriè dictis accensentur, quia peccatori ex ordine justitiæ divinæ infliguntur ad ultionem & Satisfactionem Dei offensi, cujusmodi sunt illæ omnes quæ impiis & reprobis vel in hoc mundo infliguntur, vel in al-

tero infligenda sunt. Aliæ verò analogicè tantùm ita vocantur, quia non sunt pœnæ judiciales, sed paternæ; non ad vindictam, sed ad medicinam; non ex ira Judicis, sed ex amore patris; non ad destructionem, sed ad correctionem; non supplicia, sed remedia; non satisfactio præteritorum, sed præcautio futurorum; quales pœnæ sunt illæ omnes quæ fidelibus immittuntur, quæ juxta varios fines distribuuntur in tres species 1. *παιδείαν* & *υπετίαν* quæ est paterna castigatio quæ ad peccantium emendationem tantùm pertinet de qua Heb. xii. 6. 7. Apo. i. 11. 19. 2. *δοκιμασίαν* quæ est pietatis exploratio quæ refertur ad exemplum de qua Jac. 1. 2. 3. ut visum fuit in Abrahamo & Jobo. 3. *μαρτύριον* quod spectat doctrinæ celestis per proprium sanguinem obsignationem de quo 2. Tim. i. 4. & Apo. vi. 9.

XVIII. Non negamus quidem has calamitates *penas* posse dici *improprie* & *figuratè*, & sic non rarò vocari in Scriptura variis de causis, 1. Quia mala ista & afflictiones naturâ suâ peccati sunt pœnæ & stipendium, Itaq; quanquâ fidelibus quibus propter Christum nihil pœnale amplius superest ferendum, non ad pœnam, sed ad medicinam & pietatis exercitationem infligantur; tamen quia hoc habent naturâ suâ, mutato statu nomen adhuc retinetur antiquum, & pœnæ dicuntur quia olim fuerunt, & si non *formaliter*; at *materialiter* idem sunt cum eo quod impii patiuntur, eadem calamitas utrosque sæpe premit, licet alio atque alio fine. 2. Quia ut in propriè dictis pœnis peccatum est occasio & causa impulsiva illarum: ita calamitates istæ ex occasione peccati & propter illud immittuntur; nisi enim peccatum esset nulla calamitas in mundo cerneretur. 3. Quia caro ipsa luere debet, vetus homo aboleri & destrui, & peccatum in carne condemnari & puniri; nec enim sufficit Christum in carne sua illud condemnasse, Ro. viii. 3. 4. & veterem hominem ac corpus peccati cruci affixisse ad deletionem reatus, nisi illud ipsum in carne nostra crucifigat & condemnet ad maculæ purgationem Rom. vi. 7. 8. 4. Quia ut pœnæ fontibus infliguntur ex Judicis arbitrio, & carni sunt graves ac molestæ: Ita non temerè sed certâ Dei dispensatione nobis immittuntur, & carni nostræ non parum sunt acerbæ & duræ. 5. Denique pœnæ possunt etiam dici ex sensu fidelium qui in paroxysmo tentationis Deum sæpe sibi iratum esse queruntur: Nimirum quia sæpe infantes sunt adhuc, ideo servorum more, Dominus eos nonnunquam durius tractat, & faciem patris abscondit, ut vultum severum judicis ostentet; Itaque dum latet fides & justificationis sensus pœnæ vis atque stimulus legis expergefit Ro. vii. 2. 4. 25. unde in eo sensu ejulant, & iræ divinæ fluctibus opprimi se arbitrantur; conqueruntur dexteram Excelsi esse mutatam Ps. lxxvii. 11. & se projectos esse ab ejus facie: Ita cum Lex operatur iram, afflictio pœnalitatem videtur inferre; Cæterùm ut dispensatio hæc legalis ad hominem tantùm veterem compescendum pertinet, statim atque Lex Evangelica discussit tenebras istas, & homo eluctatus est ex gravi illa tentatione, tunc demum agnoscit sapientissimam hanc Dei œconomiam fuisse, qui non ex odio sed ex amore proficiscebatur, nec ad destructionem sed ad salutem tendebat.

XIX. Quamvis autem hisce & similibus de causis, pœnæ nomen afflictionibus piorum improprie & analogice possit tribui; Certum est tamen longè differre à pœnis impiorum, siue principium, siue modum, siue finem respicias. Nam quoad principium; Pœnæ impiorum ex ira Judicis immittuntur: Unde toties David orat Domine ne in furore tuo arguas me, nec in ira tua corripas me Ps. vi. 2. & xxxviii. 2. At pœnæ fidelium ab amore Patris quia quem amat Deus castigat Heb. xii. 6. Apo. i. 11. 19. Quoad modum, illæ cum ira Dei & maledictione conjunctæ, nullæ temperantur gratia & totum Dei furorem in impios effundunt; Istæ ut à paterno affectu proficiuntur, leves sunt & moderatæ, quæ nusquam carent misericordie temperamento; Unde virgis humanis conferuntur 2. Sam. vii. 14. quæ ita attemperantur infirmitati nostræ, ut Deus propterea non auferat benignitatem suam; hinc toties Viri Dei qui deprecantur priores illas pœnas, se grato animo & libenter istis submitunt: Castiga me Domine inquit Jer. x. 24. sed in judicio non in ira tua ne forte imminuas me; Effunde furorem tuum in gentes quæ te non noverunt &c. Haba. i. 11. 2. Quum iratus fueris misericordia recordaberis; Quia non patitur ut virga impietatis quiescat in perpetuum super sortem justorum &c. Ps. cxxv. 4. Si ad momentum abscondit faciem, colligit postea in miserationibus æternis Is. lii. 8. Ita modum semper adhibet Deus castigationibus suis ne ultra vires pii affligantur 1. Cor. x. 13. vel toti malis absorbeantur. Cujus lenitatis rationem affert Dominus apud Is. xlii. 10. In igne repurgavi te, inquit, sed non velut argentum, nam & ipse totius assumptus es. 3. Quoad finem: Nam pœnæ impiorum ut ab ira & maledictione oriuntur, ita tendunt ad ultionem justitiæ & exitium peccatoris: Unde quæ quid afflictionum in hac vita sustinent, nobis depingitur ut quoddam inferorum atrium, ubi æternam suam damnationem eminens jam conspiciunt, tantumque abest ut inde emendentur aut fructum aliquem percipiant, ut potius talibus præludiis ad dirissimam, quæ eorum tandem manet, gehennam apparentur; hinc fremunt & calcitrant contra stimulum & in desperationis barathrum sese præcipitant: At fidelium alia ratio est; Nam afflictiones eorum non tendunt ad pœnam, sed ad medicinam, non ad destructionem peccatoris, sed ad interitum peccati, non ut ultio justitiæ satisfiat, sed ut peccator vel emendetur vel probeatur, ut caro cruciugatur, ut corpus peccati enervetur, atque ita homo fidelis divinæ sanctitatis fiat particeps Heb. xii. 10. hinc fideles divinâ ferulâ verberati placeide se ejus manus submittunt, bonum sibi id fuisse agnoscetes Ps. cxi. 71.

XX. Hanc fuisse sententiam Veterum de fidelium afflictionibus, innuunt & Testimoniis probari facile posset; Sed unum vel alterum nunc sufficiat. Minus Felix in Octavio. Quod corporis humana vitia sentimus & palimur, non est pœna, milita est; fortitudo enim infirmitatibus roboratur, & calamitas sapientis disciplina virtutis est. Chryso. Hom. 41. in Matth. ad illa Pauli verba dum judicamur à Domino corripimur vivemus. ὁ μαλὶς ὁ καὶ δίκης τὸ γινώσκον ἐν ταῖς ἡμετέραις διαπορεύσεσιν & ἀλάττωσιν. Nam quod fit est magis admonitionis, quam condemnationis; curatio-

nis, quàm punitionis, correctionis, quàm ultionis. Ita alibi de Jobi & Apostolorum perpeffionibus loquens hom. 28. in 1. Cor. 11. *ὅτι καὶ ὡς ἐν ἀπὶρ ἵνα ἔσται, ἀλλ' ἀγῶναι καὶ παλαισμάτων;* Non enim quæ patiebantur punitionis erant, sed certaminum & luctarum. Sic in alio loco verberatur filius, verberatur & famulus, sed hic ut servus quia peccavit punitur, Ille verò ut liber & filius disciplina indigens castigatur; Huic correptio in probationem & emendationem cedit, illi in flagella & pœnæ. Sed supra cæteros Auguft. & sæpe & discretiffimè hoc docuit; Nam contra Faustum Manich. l. 22. c. 20. Summus ille, inquit, vitis agricola aliter parat falcem sarmentis fructuosus aliter instructuosus; tamen non pareit nec probis, nec reprobis; illis purgandis, istis amputandis; nullus enim hominum est tanta justitia præditus cui non sit necessaria tentatio tribulationis, vel ad perficiendam, vel ad confirmandam, vel ad probandam virtutem. Sic de Civi, Dei l. 1. c. 8. Quicumque boni, malique pariter afflicti sunt, non ided ipsi distincti non sunt, quia distinctum non est quod utrique perpeffi sunt; manet enim dissimilitudo passorum etiam in similitudine passionum, & licet sub eodem tormento, non est idem virtus & vitium, nam sicut sub uno igne aurum rutilat, palea fumat, & sub eadem tribula palea comminuuntur, frumenta purgantur, nec ideo cum oleo amirca confunditur, quia eodem prali pondere exprimitur; Ita una eademque vis irruens bonos probat, purificat, eliquat: malos vastat, damnat, exterminat. Unde in eadem afflictione mali Deum detestantur atque blasphemant, boni autem precantur & laudant: Tantum interest non qualia, sed qualis quisque patiatur. Idem eximie in Pl. c. 11. loquens de afflictionibus piorum. Quod pateris unde plangis, medicina est tibi non pœna, castigatio non damnatio, noli repellere flagellum si non vis repelli ab hereditate. Greg. in Ezech. hom. 1. Agit hoc divina misericordia, ut ex una eademque re in qua carnalibus dat flagellum, in spiritualibus virtutis præstet incrementum.

XXI. Quibus ita positis facile solvitur objectio proposita; Nec enim quæritur inter nos, An post culpam dimissam fideles possit & velit Deus exercere variis calamitatibus, & pœnis improprie & analogicè ita dictis; Agnoscimus enim ulterò sæpissime istas locum habere in Dei dispensatione erga filios suos, ut vel castigentur, vel probentur, vel in posterum cautiore reddantur; Fatemur hunc esse sapientiæ divinæ ordinem in fœdere gratiæ constitutum, ut per varias afflictiones in regnum cælorum ingrediamur, & nemo ἀνταρξὴν coronam gloriæ obtineat: Sed quæritur tantum, An pœnis proprie ita dictis quibus justitiæ divinæ satisfat, obnoxii adhuc sint vel possint esse ex quo semel veniam peccatorum sunt consecuti: Hoc enim constanter negamus: Nec Adversarii hoc ex locis allatis evincere unquam poterunt, in quibus castigationum quidem paternarum exempla occurrunt, sed non pœnarum judicialium, ut ex singulorum examine patebit.

XXII. Nam ut ab exemplo Davidis quod primum proponit Bellar. ordiamur. Fatemur quidem mortem filioli quæ illi prædicatur à Nathane post remissum peccatum occasione peccati & propter ipsum fuisse inflictam, ut ejus sensu ma-

gis magisque percelleretur, Non negamus etiam fuisse pœnam Davidi paternam, castigationiam, & medicinalem, qua de præterito peccato confusus erudi debuit, ne in posterum tale facinus auderet; Sed pœnam propriè dictam quæ à Iudice irato ad vindictam & satisfactionem iustitiæ inflicta sit negamus. Neque hoc ex duplici ratione quam affert Bellar. colligi potest. Non ex prima ducta ex his Prophetæ verbis. *Quoniam blasphemare fecisti inimicos nomen Domini, propter hoc verbum filius tibi natus morietur, quæ videntur ostendere pœnam hanc imponi in ultionem peccati præteriti, non in emendationem futuri.* Nam ex eo quidem bene colligas peccatum istud fuisse occasionem & causam inflictionis istius calamitatis; Sed non statim inde elicere poteris, eam fuisse ejus pœnam: Imò scitis expressè innuit Vir Dei hanc non tam ad *pœnam* quàm ad *exemplum* intelligi; Nimirum ut ingens per istud peccatum datum erat profanis hominibus scandalum quasi Deus adulteros & homicidas in sinu suo foveret, debuit hoc quicquid erat scandalum ea ratione farciri, ut documentum esset graviter Deo displicere talia peccata, adversus quæ tantam offensionem in dilecto filio suo declarasset, atque ita divinæ domus disciplina turpissimo hoc scelere violata aliquo exemplo sanciretur, ne vel ipse David, vel alii, ejus exemplo libidinibus vel cæcibus in posterum indulgerent; Non ergo infligitur in pœnam sed in medicinam; Nec contrarium potest elici secundò ex eo quod David lachrymis, jejuniis, precibus &c. mortem hanc deprecatur, quod non facturus fuisset vir sanctus, si sibi utilem agnovisset, ut ait Bellar. loco cit. Nec enim novum est ut sancti deprecantur eas calamitates quas cæteroquin sciunt in bonum à Deo converti, quia hæc est naturæ nostræ indoles ut quicquid est durum & molestum statim refugiat & procul à se amoliri conetur: sic Paulus qui noverat gravem illam crucem sibi à Deo impositam non pœnam esse præteriti, sed remedium futuri, ne scilicet magnitudine revelationum extolleretur, non minus tamen illam deprecatur 2. Cor. xii. 7. 8. planè sicut Ager, cauterii molestiam, & medicinæ amaritudinem vehementer deprecatur, licet eam non pœnam sed remedium esse non dubitet; Ita si David mortem filiioli ægrè tulit, eamque precibus suis & jejuniis avertere conatus est, efficitur quidem ex eo gravem illi & acerbam fuisse hanc mortem, sed non potest inde exculpi vel propriam ejus pœnam fuisse, vel nullum habuisse ad ejus emendationem usum.

XXIII. Non dissimilis est ratio alterius castigationis quæ dicitur immissa Davidi & toti Israël ob numeratum populum 2. Sam. xxiv. 10. 11. 12. Nam licet certum sit hoc flagello Deum testatum fuisse quantopere peccatum illud sibi displicuisset, atque ita tum ad publicum omnium seculorum exemplum, tum peculiariter ad privatam Davidis humiliationem pertinuerit; Licet hæc calamitas non tantum Davidem respexerit, sed & populum qui aliis peccatis eam erat commeritus, & quam occasione peccati Davidis illi immisit. Non sequitur tamen propriam pœnam fuisse Davidi quæ ad vindictam respexerit; Imò contra-

rium satis apertè colligitur ex peste quam seligit ut *incideret in manus Dei potius quam hominum, quia multa sunt ejus misericordia* vs. 14. Quia verò horrendum est incidere in manus Dei irati Heb. x. 31. debuit omnino David manum Dei placari & misericordis intelligere; Atque adeò gravissimum hoc flagellum de severa Patris correptione interpretari, qui non potest filiorum errores & crimina dissimulare & sine disciplina prætermittere; non verò de pœna aliqua satisfactoria & judiciali ad ultionem peccati sibi imposita.

XXIV. Quod verò subjicit *Bellar.* ibid. c. 2. Deum morte sæpe plectere filios suos ob peccata, non utique ad emendationem, ridiculum enim esset dicere morte puniri homines ut deinceps cautius vivant, sed ad satisfactionem; Non majoris est ponderis: Quippe etsi mors ad emendationem non infligeretur, non sequitur statim imponi ad satisfactionem, nam præter duos istos fines variis possunt alii esse quos sapientia Dei intendit in suorum morte; Quidni enim dicemus ideo mori ut reliquæ peccati penitus aboleantur, & homo fidelis ex statu terreno & animali qui *carnis & sanguinis* nomine solet indigitari 1. Cor. xv. 50. ad statum spiritualem & cœlestem vitæ beatæ traducatur; & ita quæ inferorum erat atrium & peccati pœna per se, fiat jam Dei beneficio porta cœli & immortalitatis instrumentum? Quidni mors possit in multis esse *Exercitatio pietatis* quales Martyrum mortes fuere, & variorum fidelium qui paulatim morbis vel senio confecti ex hac vita discedunt? Quidni censeatur esse multis beneficium, Quos scil. Deus per mortem liberat à jugo peccati ut propius sibi admoveat, vel Quos immatura morte tollere vult ut infantes, ne malitia mutet intellectum eorum ut habet author Sapien. c. iv. 10. ut eximantur à tentationibus mundi & miseriis vitæ, & cœrentur ante certamen? Sic bene dicitur immitti non tam in caltigationem præteriti, quàm ad cautionem futuri, ad præcavenda scil. & vitanda peccata quæ admissuri fuissent si diutius vixissent. 2. Licet mors actu jam immissa non possit ad emendationem respicere, quando post mortem nullus amplius poenitentiae locus esse potest; Quidni denuntiatio vel cogitatio mortis imminens possit esse potentissimum ad vitam emendandam incitamentum? ut fideles qui incantiùs vivebant in se ipsos descendentes & peccata sua seriâ poenitentia deflentes Deo reconciliantur, & iram venturam fugiant; Sic non puniuntur homines morte ut deinceps cautius vivant, quod revera ridiculum esset asserere, sed mortis illis incumbet necessitas ut hæc cogitatio à peccato eos retrahat, & ad sanctitatem excitet.

XXV. Secundum exemplum quod affert Bell. petitur ex Exod. xxxv. 10. 14. Ubi tria millia Israelitarum dicuntur interfecta propter peccatum adorati vituli; Nec tamen credibile est omnes illos in peccato mortuos esse, inquit, cum Dominus testatus sit se ob Mosis preces peccatum illud dimisisse. Sed neque exemplum istud ad rem facit; Nam quamvis dicatur Deus precibus Mosis iræ impetum aliquatenus repressisse, ne populum penitus deleteret, vers. 4. tamen nec dicitur remississe peccatum quod gratis supponit Adversarius, cum vers. 31. pro ejus

remissione Moses oret, nec eos per hanc pœnam Deo satisfacisse; Fateor vindictam hanc quæ à Levitis Moſis jussu ſumpta eſt reſpectu impiorum qui in eo numero fuerunt veram & propriè dictam pœnam fuiſſe, & dubium non eſt quin plurimi ſi non omnes ex iis fuerint, quum veriſimile ſit in duces & primarios idolatriæ authores juſtum Levitarum furorem exarſiſſe; ſed ſi qui fideles & pii eorum exemplo abducti ejuſdem pœnæ ſocii fuerunt, non continuò pœnas juſtitiæ ultrici exſolvifſe hac morte cenſendi ſunt; ſed tantum caſtigationem paternam ad propriam ſalutem & cæterorum exemplum ſubiſſe; Vel ſi pœnam eſſe vis, *pana* erit tantum *politica* inflicta à Moſe ut ſupremo Reip. Iſraeliticæ Rectore ex Legum præſcripto, qui cum populum videret immani ſcelere contaminatum, pro muneris ſui ratione exemplum in nocentiores ſtatuendum exiſtimavit. Quod verò addit Dominus verſ. 34. *ſe viſitaturum in die ultionis peccatum ipſorum*, intet quidem Deum, etſi interceſſione Moſis motus manum tunc retraheret ad tempus, tamen propter illud ipſum peccatum eos eſſe caſtigaturum, quum aliis peccatis eum irritarent; ſed non dicit ſe pœnas de iis ſumpturum; Imo non obſcurè contrarium elicitur ex antecedentibus, in quibus Deus jubet Moſem præire populo, & pollicetur Angelum ſuum itineris ducem, quæ non Judicis irati, ſed benigni Patris ſunt argumenta; Itaque *viſitatio* hæc de qua loquitur, non eſt iræ, ſed amoris, non ultionis propriè dictæ, ſed caſtigationis paternæ quo modo non rarò vox iſta uſurpatur 2.Sam.vi.17.

XXVI. Tertium exemplum extat Num.xi.v.20. ubi Deus dicitur ignoviſſe Iſraelitis murmurantibus, & tamen poſtea in pœnam ingreſſum in terram Canaan interdixiſſe, cum omnes in deſerto mori voluit exceptis ſolis Joſua & Caleb qui non murmuraverant, Et hanc fuiſſe pœnam dubitari nequit cum expreſſè dicat Dominus, *Et ſciētis ultionem meam* vſ.34. Verum fruſtra eſt dum ita ratiocinatur. Nam primò perperam aſſertur exemplum numeroſæ gentis ubi agitur de Satisfactione quæ debetur à ſingulis; Nec ſi remiſſum dicitur peccatum poteſt intelligi reſpectu omnium & ſingulorum, ſed tantum eorum qui crediderant & converſi fuerant; Itaque ſi qui increduli remanſerunt, mors & interdictio terræ Canaan revera fuit pœna & vindicta, ſed piis & fidelibus diſciplina. Nec contrarium ſuadent vox *ultionis* quam Dominus addit; Nam præterquam quod uti jam diximus poteuit locum habere reſp. impiorum, & reſp. priorum ultionem impropriè dici nihil obſtat caſtigationem Dei quæ ob peccatum inſtigat & ad exemplum, quomodo & pœna non rarò vocatur: Accedit quod vox Heb. *נִקְמָה* non *ultionem*, ſed potius *fractionem* & lacerationem ſignificat à radice *נָקַם* quod in Hiph. eſt *rumpere* & *irritum facere*, Ita poterit referri ad abrogationem promiſſionum per conſeſſionem ironicam, quâ Deus in detestabilem eorum ſuperbiam invehitur, qui propter excluſionem a terra promiſſa videbantur Deum inconfiſtantæ & mendacii arguere, acſi non ſtaret promiſſis, quaſi diceret, *Cognoſcētis, An ego ſim mendax, & an inanis ſit futurus meus ſermo*; Imò facile perci-

pietis effectum promissionum mearum, licet toti populo indiscriminatim proponantur, non pertinere tamen ad rebelles & incredulos, sed tantum in piis locum habere, quorum respectu manent semper firmissimæ: Sic objurgabitur quidem incredulitas Israelitarum; sed ad ultionem & vindictam locus non poterit referri.

XXVII. Quantum à Bell. allatum exemplum est *Mosis & Aaronis* qui propter incredulitatem suam quòd Deum ad petram non glorificassent mortui sunt in deserto ut refertur Num. xx. 24. & Deut. xxxii. 50. 51. Jam nemo, inquit, est qui neget *Mosè & Aaronem* post peccatum illud in gratiam Dei rediisse, mansit ergo pœna luenda post culpam remissam. Sed ex antedictis facile hoc quicquid est difficultatis solvitur; Non negamus enim calamitatem hanc velut paternam castigationem mansisse post culpam remissam; tum ut ipsi peccati sui gravitatem agnoscentes humiliter coram Deo procumberent, & sese ad mortem imminentem accingerent; tum ut aliis exemplo essent: dubitari enim non potest, quin acerrimus ad eos omnes pungendus stimulus fuerit tanta Dei severitas in S. Sacerdotem & populi Rectorem qui prius sua intercessione sapius Deum placaverant; ut sic Deo vivere discerent superstitēs, cùm nequidem charissimis capitibus parcere voluisset: Adde quod in morte Mosi mysterium aliquod latere voluit Dominus, ut scil. innueretur non Legis vi cujus Moses minister fuit, patere ingressum vero Israel in Canaan cœlestem; sed per Evangelii gratiam, Christi Domini nostri auspiciis & ductu, cujus Josia non nomen modo, sed & typum ferebat ut Apost. Heb. vii. 23. satis clarè hoc innuit.

XXVIII. Addunt Adversarii *Judicium Dei* etiam exerceri in Fideles, Imò ex Petro c. iv. 17. 1. incipere à *Domo Dei*, *Judicium* autem post se necessariò trahere aliquam pœnam. Resp. *Judicium* duplex esse; aliud *vindictæ* quod ab irato Judice proficiscitur; aliud *castigationis* quod est benevoli Patris: Illo Deus inimicos suos persequitur ad interitum; Isto filios & amicos exercet ad salutem. Illud est maledictionis signum; Hoc amoris: Ut Judex quum facinorosum punit, in ipsum delictum animadvertit, & de facinore ipso pœnam expetit: Sed Pater cùm filium severiùs corrigit, non hoc agit ut vindicet aut mulctet, sed magis ut doceat, & cautior in posterum reddat. Petrus non de primo loquitur, sed de secundo, unde Græca scholia bene notant κείμα hic usurpari non ἀντι κατακείμεται, sed ἐξετάσιαι, Quomodo usurpatur etiam 1. Cor. xi. 31. Quod si nos ipsos dijudicaverimus, non utique κενώμεθα, judicemur; Ut verò ostendat se non de *Judicio vindictæ*, sed paternæ castigationis loqui statim addit, κενώμενοι δε, cùm judicamur autem à Domino corripimur, ne cum mundo damnemur. Ad quem locum optimè Chrysost. εἰς εἶπεν εἰ ἐκολάζεμεν ἑαυτοὺς, εἰ ἐπιμαρτύμεθα, ἀλλὰ μόνον εἰ ὑπὸ τῶν ἁμαρτιῶν ἐβλήθημεν; εἰ καταδικάζομαι ἑαυτοὺς, εἰ καταγνώσκει πεινυμένον, ἀπὸ τῆς ἀμαρτίας ἀν καὶ τῆς ἐνταύθα, καὶ τῆς ἐκτὸς πινυμένης; Non dixit si castigaverimus nos ipsos, si puniremus, sed solum si vellemus agnoscere peccata, si nos ipsos condemnare, si de delictis ferre sententiam, liberaremur ab eo quod & hic & illic est supplicio.

cio. Ita Claudius Guilandus ex Adversariis Dum judicamur, non dicit punimur, non pœnas damus, sed corripimur & erudimur, ut ostendat has affluções (quibus hic judicari à Domino dicimur, admonitionis esse magis, quàm damnationis, medicina, quàm supplicii, correctionis, quàm pœna. Hinc est quod Judicium dicatur incipere à Domo Dei; Quia licet totius mundi Iudex sit Deus, specialiter tamen providentiam suam in Ecclesia vult agnoscere, ita ut videatur quodammodo reprobis parcere, prout in electos severus est; ut pater familias in suos potius quorum singularem curam habet, quàm in servos & alienos animadvertit: Ita Deus judicia sua temperat, ut reprobos qui servi sunt Diaboli & peccati relinquat sæpe sine disciplina & multa eorum scelera toleret & ad ea veluti conniveat: Sed filios suos quos præ cæteris diligit, promptius etiam corripit, non modo quia peccantes adversus majorem lucem magis etiam Deum offendunt; sed etiam quia quos tenerius amat eos diligentius castigare solet ut ad meliorem frugem redeant, & sanctitatis suæ fiant participes Heb. xii. 10. 11. nihilque in domo Dei occurrat quod tanti Numinis puritati & gloriæ non respondeat.

XXIX. *Vindicta* porro illa de qua loquitur Apost. 2. Cor. vii. 11. & quam inter fructus salutaris pœnitentiæ refert, sententiam Adversariorum ut pertendit Bellar. confirmare non potest: Nam sive intelligamus per eam (quod facit major pars Interpretum, cum Veteribus) *Excommunicationis sententiam* quæ à Corinthiis in incestuosum ex Pauli præscripto lata fuerat; sive quod alii volunt referamus eam ad *exercitium pœnitentiæ* & contritionis, quâ homo peccator sibi irascitur & in se ipsum quodammodo sævit ob crimen admissum; nulla hic Satisfactionis poterit esse ratio; Nam respectu prioris licet Excommunicatio *pœnam* inferat *Canonicam* & Ecclesiasticam ad scandali reparationem & exemplum, non potest efferri tamen pœna satisfactoria respectu Dei, de qua quæritur; Quia satisfactio fit pro peccato cujus jam remissa est culpa; At Excommunicati culpa non remittitur donec Excommunicationis vinculis solvatur: Tum satisfactio dicitur opus laboriosum à peccatore sponte susceptum ad expiandam pœnam temporalem, quod de Excommunicatione nemo dixerit. Non respectu posterioris, quia vindicta quam de se sumit peccator eò quidem tendit ut acerrimo dolore tanquam acri stimulo instigetur ad respiscientiam & emendationem, & ut ardentius misericordiam Dei imploret, sed non eò respicit ut Dei justitiæ per pœnam satisfaciatur, quod nec possibile est homini, nec necessarium post prælitam à Christo satisfactionem: Fuerit ergo *pœna* si vis *contritionis* qua peccator in se ipso punit & mortificat peccatum suum, & penitissimo dolore veluti perfodit & crucifigit, non repugnabimus; Sed non pœna *Satisfactionis* quæ à Deo Iudice ad ultionem inferatur.

XXX. Ejusdem est commatis objectio quæ petitur ex alio Pauli loco 1. Cor. ix. 27. in quo dicit se *castigare corpus suum & in servitutem redigere, ne forte, cum aliis prædicarit, ipse reprobus efficiatur*; Nam verba ipsa Apostoli satis innuunt hunc labo-

laborem suum & Exercitium quaecunque fuerit ad futurum respexisse non ad præteritum, atque adeo non nisi perperam ad poenam & satisfactionem referri. In eo autem loco Paulum figuratè loqui clarum est, & in similitudine antea posita & ab Agonibus petita qui tum in Græcia notissimi erant, ad describendum indefessum suum in vocatione sua studium pergere. Nam postquam dixit vers. 25. *Omnis qui in agone contendit ab omnibus est continens, & illi quidem ut corruptibilem coronam accipiant, nos autem incorruptam*, Addit sibi applicans & suo exemplo alios excitans Ego igitur sic curro non quasi in incertum, sic pugno non quasi aërem verberans, sed castigo corpus meum & in servitutem redigo. Exponit scilicet certaminis sui modum & rationem, ad similitudinem veterum Athletarum; Nam ut qui currebant, palmam & metam semper præ oculis habebant ne à recto tramite unquam declinarent, & ad eum continuato & indefesso cursu ferebantur: Ita Vir Dei non currit in incertum, sed relictis omnibus iis quæ sunt à tergo, contendit ad anteriora ad scopum & brabium cœlestis vocationis respiciens Phil. II. 16. 17. Ut illi pugiles scilicet non in aërem incassum, sed certis & destinatis ictibus Adversarium ferire conabantur, & ut possent melius hoc exequi, corpus solebant in servitutem redigere, non molliter & ex sua libidine quibuscunque cibis utendo, sed difficilem & duram vivendi rationem juxta leges gymnasticas sectando; Ita Paulus testatur se in hoc certamine sese comparare, ut non incassum laboret, & tanquam ludibundus pugil in pugna umbratili gladio aërem verberet; sed ut certis ictibus Adversarium contundat & confodiat; Ideo inquit, *corpus meum castigo & in servitutem redigo*, *ὑποτάσσω* quod V. V. vertit *castigare*, propriè dicuntur pugiles, cum pugnis aut cæstibus antagonistam obtundunt & vulnerant, unde *ὑποτάσσω* vulnera sunt ex contusione accepta quibus facies præsertim, vel aliæ corporis partes luridæ redduntur ex collecto ad cutim sanguine; Sic *δυνατωμένον* est illud duriter habere molesta & difficili vivendi ratione quam instituere tenebantur necessariò qui ad certamen se parabant, certis cibis rebusque abstinendo quæ corpus frangere & ad molliem corrumpere poterant; Porro per *Corpus* non intelligit Apost. carnem suam quasi eam loris aut flagellis laceraret aut chamæuniis maceraret, (quod Adversarii ex hoc loco sed ridiculè elicere contendunt, siquidem non magis castigatio ista propriè est intelligenda, quàm cursus & pugna de qua loquebatur, quam metaphoricam esse nemo non videt,) sed notat quicquid erat carnis & veteris hominis in ipso reliquum quod alibi vocat *corpus peccati* Ro. VI. 7. Ita designare voluit non modo frænationem carnalium affectuum, sed totius carnis mortificationem, abstinentioniam à crapula, & omni libidinum genere, denique quarumvis afflictionum tolerantiam.

XXXI. Hoc pacto non satisfaciebat Deo Paulus, sed carnem suam verè contundebat & mortificabat ne postquam aliis prædicaret ipse reprobis efficeretur: Ubi ad rem Athleticam rursus alludit; Mos enim fuit ut Athletæ, antequam ad certamen descendere fas esset, examinarentur, & si convicti criminis alicujus aut

vitiū fuissent voce Præconis cum ignominia reprobarentur & rejicerentur : Quod pertinent ista Aristidis orat. suasoria de non agendis Comœdiis. *Etenim*, inquit, *Athletarum facimus ἔγχεσσις delectus ut si quis ipsorum sit nauci, se ipsum pudesciens discedat, penas etiam dans corpore &c.* Quomodo in hastiludiis & Torneamentis olim Legibus cavebatur ut si quis manifestè reus esset, vel impietatis contra Christianam fidem, vel læsæ majestatis, vel Raptus, & violentæ expugnationis virginum, adulterii, homicidii, aut similibus flagitiorum publicè vapulans ejiceretur. Sic Paulus dicit se ita comparare in vita sua sedulo pietatis & sanctitatis studio ut doctrinæ vita respondeat, nec aliter agat aliter doceat, ne aliorum præco ipse reprobatus & rejectancus deprehendatur ; Quid enim turpius Doctori, quàm cùm culpa redarguit ipsum ? Quid ignominiosius quam si quis Præconis agens officium alios proclamando & traducendo, mox ad certamen descendens & inter pugiles nomen suum adscripturus ipse reprobetur & turpiter rejiciatur ? quod est in veteri adagio Ἀδὼν ἰατρός αὐτὸς ἔλκεσι βρούων *Aliorum medicus ipse scians vulneribus.*

XXXII. Sic ex Scripturis diversimodè pugnant Adversarii; Agunt etiam rationibus quibuscumque, sed non felicius. Primò Ex *miseriordia & Justitia nexu*. In omnibus Dei actionibus, inquirunt, misericordia juncta est cum justitia, & hæ virtutes pariter elucet, nec possunt ab invicem divelli. Ergo consentaneum est rationi, ut sic Deus ex misericordia condonet, ut etiam justitiæ quoad ejus fieri potest satisfieri velit. Resp. Sed 1. supponunt quod probandum fuerat, In omnibus Dei actionibus misericordiam semper jungi cum Justitia, At non ea erat mens Jacobi 11.13. qui *Judicium sine misericordia futurum adversus eos qui usi non fuerunt misericordia* testatur ; Quis dixerit misericordiam exerceri erga Diabolos, & Justitiam erga Angelos ? In inferis sola Justitia locum habet sine misericordia, In cœlis sola misericordia sine Justitia ; virtutes quidem istæ nunquam separantur in Deo, sed potest tamen exercere actus unius sine exercitio alterius ; Imo nec possunt locum habere respectu ejusdem, quia sese mutuò tollunt, & circa contraria occupantur, Misericordia dat veniam ; & Justitia imponit pœnam, illa salutem hominis, ista exitum spectat. 2. Quamvis non negemus in salutis negotio admirabile visum fuisse istarum virtutum temperamentum, non in eo tamen consistit ut quibus peccata remissa sunt per misericordiam, ab iis satisfactionem exigat justitia ; hoc enim & absurdum esse & bonitati ac Justitiæ divinæ contrarium antea evicimus : Sed in eo positum est quod Justitia in Christum sponsores sese exuerit ut satisfaceret pro nobis, & Misericordia in nos quibus imputatur Christi obedientia, Illum punivit ut nobis parceret, Ab eo pœnas nobis debitas poposcit, ut nobis veniam indulgeret ; Atque ita & summè Justus in Filii morte, & summè Misericors in fidelium salute deprehensus est.

XXXIII. Secundò A *ratione Capitis & membrorum*. Nam si æquum est ut membra sint conformia Capiti, æquum est etiam ut quemadmodum Christus satisfecit idem etiam post eum præstemus ; Et cum ipso patiamur, ut cum eo regne-

mus Ro.viii.17. Resp. Conformitatem cum Christo postulare quidem ut ad e-
jus instar patiamur sequentes ejus vestigia, sed non ut eodem fine aut modo patia-
mur, multo minus ut satisfaciamus prout satisfecit; Nam ut bifariam Christus in
opere Redemptionis spectari potest; Vel ut *Sponsor* qui solvit & solvendo acqui-
rit salutem; Vel ut *Caput* quod acquisitam fidelibus per sui unionem salutem ap-
plicat; Et ut fideles vel habent rationem *Reorum* qui sunt redimendi, vel *Membro-
rum* quæ sunt sanctificanda; Ita duplex est passio num Christi *ἁγίας*; Nam vel ha-
bent rationem *λύτῃς* quod pro nobis solvi debuit, Matt.xx.28. 1. Pet. 1. 18. 19.
Vel *ἐπαγομένη* & *ἐπεδήματα* quod nobis ad imitandum proponitur 1. Pet.
11.21. Joh.xiii.10. Priori sensu nobis communicari nequeunt *transitive* & inhæ-
renter, sed tantum *imputative*; quia sub illa *ἁγία* ad Christum pertinent Satisfa-
ctorem; Sed posteriori communicantur efficaciter & per *Imitationem*, quia pen-
dent à Christo Sanctificatore, qui implere debet in membris, quod perfecit in ca-
pite. Ita nobis quidem est patiendum cum Christo, si cum ipso glorificari volu-
mus, quia ad id prædestinati sumus, ut nemo coronam gloriæ cum Christo ferat
in cælis, quin cum ipso coronam spinam gestarit in terris: Sed non ideo necesse
est ut satisfaciamus quemadmodum ille satisfecit; hoc enim est imputationis fun-
damentum, non imitationis objectum. Imò propterea Christus satisfecit ut à sa-
tisfaciendi necessitate exolveremur.

XXXIV. Tertiò argumentantur *A Reliquiis peccati* quæ in nobis remanent,
si Peccatum, inquit, quasdam sui reliquias in anima impressas dimittit, & quæ-
dam velut vestigia quæ remisso peccato remanent, necesse est ad illas reliquias
abolendas ex charitate satisfacere, & actus illis contrarios exercere; At verum
prius E. Resp. i. damus reliquias peccati varias in nobis manere etiam remisso pec-
cato, & quidem sæpe tales quæ suspiria & gemitus à fidei amarissimos eliciant
dum videt se ab iis non rarò *αἰχμαλωτίζεσθαι* & sub jugum Legis membrorum
denudè retrahi Rom.vii.22.23. Sed istæ reliquiæ qualescunque denum sint non
tolli debent per satisfactionem, sed per *sanctificationem*, & continuum pœnitentiæ
exercitium; quia non pertinent ad culpam quæ remissa est in judicio Dei, sed ad
maculam quæ in nobis manet, & quæ quotidiano pietatis studio debet paulatim
mundari; ut contrarij sanctitatis & justitiæ habitus à spiritu sancto nobis inditi ma-
gis ac magis roborentur & perficiantur; Ita commendat quidem ratio allata san-
ctificationis necessitatem, quæ toto vitæ nostræ decursu debet continuari ad reli-
quias istas peccati eradicandas, sed nihil facit pro satisfactionibus de quibus loqui-
mur, quæ tendunt ad reatum pœnæ temporalis auferendum.

XXXV. Quarto disputant *Ex Peccatorum ante & post baptismum admissorum
discrimine*. Cum enim peccata quæ post baptismum admittuntur & post acceptam
cognitionem veritatis graviora omnino sint & inexcusabiliora iis quæ admittun-
tur in mediis naturæ tenebris, graviores etiam pœnas procul dubio merentur; Un-
de omnino *par erat* inquit Bell, lib.4. de Pœn. c.5. ut *Deus ministris suis mandaret*

ut peccantes post baptismum non sine multa ad indulgentiam divinam per januam reconciliationis admitterent; Resp. Sed nequicquam ita arguitur; Quamvis enim non negemus gravius peccare eos qui post baptismum & in media Evangelii luce peccant iis qui nulla dum salutaris gratiæ cognitione vel sensu sunt imbuti, atque adeo graviores omnino pœnas mereri, si ipsis pro talibus peccatis satisfaciendum esset; Negamus tamen ulla propterea illis imponi posse vel debere pœnas satisfactorias, quia eo ipso quo supponuntur esse fideles, omnia ipsorum peccata tam ante quam post baptismum commissa censentur in sanguine Christi expiata & remissa, 1. Joh. 1. 7. Ita ut nulla amplius hoc pacto purgatis & Deo reconciliatis possit esse condemnatio, ut supra visum; Fatemur quidem talibus majori & acriori opus esse pœnitentiâ ad id ut peccatorum istorum remissionem consequantur; Atque adeo ministros Dei ad eam fortius hortari eos debere, sed non propterea sequitur hanc illis ut pœnam satisfactoriam imponi, quæ ἀντίδοτον est cum remissione quam obtinuerunt; sed tantum ut conditionem & dispositionem in subiecto requisitam ad talis beneficii participationem & sensum.

XXXVI. Quintò varias satisfactionis utilitates commemorant. 1. Quòd utilissimum sit peccatori ut non maneat penitus impunitus, ne ex veniæ facilitate ad peccandum iterum incitetur. 2. Quia non solum coercet à peccando, sed etiam admonet quanta sit peccati gravitas, & eo modo animam erudit & illustrat, atque ex eo lumine ingens quoddam odium peccati nascitur ut jam non timore pœnæ, sed amore justitiæ in actionibus bonis perseveretur. 3. inservit ad habitus peccati eradicandos & virtutum inferendos. 4. denique ad exemplum, quia ex pœna unius, præsertim si publica sit, sæpe numero corriguntur multi. Hæc & similia Bellarm. habet lib. 4. de Pœn. c. 5. ut necessitatem satisfactionis commendat respectu fidelium pro quibus Christus satisfecit. Resp. Sed hic non uno modo fallitur. Primò quod rei necessitatem & veritatem metitur ex qualicumque ejus utilitate, cum contra de utilitate non sit agendum, nisi prius constiterit de ejus veritate, & institutione, E. licet daretur aliquam esse satisfactionis utilitatem, non sequeretur tamen statim eam admittendam esse ut genuinam, nisi constaret eam à Deo præscriptam esse. 2. tantum abest ut ulla utilitas sit in satisfactione, ut magnum inde oriatur & gloriæ Christi & pietati detrimentum: Quippe & satisfactioni Christi multum detrahit homines ab ea quadantenus abducendo, & inter Sanctos & ipsum opus salutis partiendo ut antea visum; Et pacem adimit conscientii quæ nunquam certæ esse possunt, an per eas satisfactiones quas ipsæ sibi indixerunt, vel quæ impositæ sunt ab aliis revera Deo sit satisfactum, & ita semper inter spem & metum fluctuabunt. Quæ verò utilitates hic finguntur, præter rem afferuntur; Nam præterquam quod nihil tale ex ludicris istis satisfactionibus colligi potest; Satis aliunde tum ex morte Christi, tum ex exercitio veræ pœnitentiæ hi fructus habentur. Quippe ut ex illa luculenter colligimus quanta sit peccati gravitas & quàm certum sit apud Deum inultum non relin-

relinquere peccatum : Ita ex ista odium peccati magis magisque nascitur, habitus vitiosi paulatim eradicantur & boni confirmantur, exemplumque aliis ad idem studium præbetur : Ut nihil opus sit pœnas satisfactorias propterea confingere.

XXXVII. Denique à Veterum scriptis multum subsidii sperant quia frequens apud ipsos Satisfactionis mentio, quâ non tantum satisfieri pro peccatis, sed & ipsi Deo non rarò profitentur, Resp. Verum licet nostrum non sit præstare omnia Veterum dicta tum in hoc tum in aliis doctrinæ capitibus, quando illis non stamus vel cadimus ; Facile tamen si instituti nostri pateretur ratio inanem istam Adversariorum esse jactantiam demonstrari posset, atque adeo Satisfactionis vocem sæpius quidem ab iis usurpari sed alio planè quàm Adversarii usurpare solent sensu ; nam *Satisfactionis* nomine Veteres sæpe publicam *Exomologesim* intelligunt quæ pertinet ad Ecclesiasticam disciplinam & pœnas Canonicas, & quia hæc ratio publicè satisfaciendi Ecclesiæ, modo maneat intra limites Verbi Dei, ab ipso Deo profecta est ; eo fit ut Veteres aliquando dicant eos qui sic Ecclesiæ satisfaciunt, Deo quoque satisfacere, id est id observare quod à Deo institutum est. Deinde vox Satisfactionis aliquando à Veteribus ita latè usurpatur ut ipsam pœnitentiam & seriam imprimis cordis contritionem innuat, significatione ex eo deducta quod apud Latinos Scriptores *satisfacere* is dicitur *qui id facit quod offenso placet*. Cum ergo opera pœnitentiæ summè Deo sint grata, possunt dici per ea homines Deo hæctenus satisfacere, non quod tantum fecerint quantum Legis jura à peccantibus exigunt, sed quantum summæ Dei misericordiæ & liberalitati satis est, ut innumeris exemplis ostendi posset, si id nunc ageremus ; Ita longè differunt Satisfactiones Veterum à Papisticis ; Illæ satisfaciebant pro peccatis ipsis ; At istæ tantum pro pœnis ; Illæ præcedebant remissionem peccatorum ; At istæ sequuntur ; Illæ reparationem scandali Ecclesiæ dati & exemplum respiciebant ; Istæ verò ultionem peccati & Justitiæ divinæ Satisfactionem. Sed *ἀλλος θεός* ; Nec enim nobis constitutum est hoc argumentum nunc persequi ; & ea omnia expendere quæ ad Satisfactiones humanas pertinent, de quibus alias si Deus dederit, fusiùs dicendi erit locus. Quid superest Ergo, nisi ut agnitâ *perfectissimâ* Christi *Satisfactione*, in ea sola, missis vanissimis hominum satisfactionibus, acquiescamus ; Et uno Christo contenti, omnem ab eo justitiam & salutem nostram expectemus ; Ut ita omnia in omnibus nobis sit hîc in terris per fidem, donec tandem sit omnia in omnibus in cœlis per aspectum. Amen.

